




1200

61.4.11.11



O P E R E
DEL PROPOSTO
LODOVICO ANTONIO
MURATORI
GIÀ BIBLIOTECARIO
DEL SERENISSIMO SIGNORE
DUCA DI MODENA.
TOMO DECIMO.
P A R T E P R I M A.



IN AREZZO MDCCLXX.
PER MICHELE BELLOTTI Stampat. Vesc. all' Insegna del PETRARCA.

CON LICENZA DE' SUPERIORI.

O P E R E
DEL PROPOSTO
LODOVICO ANTONIO
MURATORI
GIÀ BIBLIOTECARIO
DEL SERENISSIMO SIGNORE
DUCA DI MODENA.
TOMO DECIMO.
P A R T E P R I M A.



IN AREZZO MDCCLXX.
PER MICHELE BELLOTTI Stampat. Vesc. all' Insegna del PETRARCA.

CON LICENZA DE' SUPERIORI.

Tomus X. Pars Prima.

L A M I N D I P R I T A N I I.

DE INGENIORUM MODERATIONE IN RELIGIONIS NEGOTIO

UBI QUAE JURA, QUAE FRENA FUTURA SINT HOMINI CHRISTIANO IN INQUIRENDA, ET TRADENDA VERITATE OSTENDITUR;

ET SANCTUS AUGUSTINUS VINDICATUR A MULTIPLI CI CENSURA JOANNIS PHEREPONI

OPUS AB AUCTORE OLIM RECENSITUM ET AUCTUM.

ACCESSERUNT

IPSIUS AUCTORIS EPISTOLA, QUA EDITIO PRIMA PARISIENSIS INTERPOLATA NOTATUR, ET

NOTAE, QUIBUS ALIQUOT IN LOCIS HOCCE OPUS ILLUSTRATUR.



ANDREAE LUGIATO

PRESBYTERO CONGREGATIONIS ORATORII VERONENSIS

VIRO CLARISSIMO ATQUE OPTIMO INTER AMICOS

ANDREAS GRANDORGAEUS

S. P.



I lubens unquam calamum sumsi, jam fumo; ut quam te amem morum causa, quam aestimem eruditionis, publice innotescat. Ego equidem ex quo primum te novi, dulcissime *Lugiate*, impense dilexi, & nunc impensius diligo singulari quodam studio ac benevolentia; quin & adde, sis, observantia: quae profecto amicitiae officia me tibi debere sancte profiteor cum ob doctrinae litterarumque affinitatem, tum in primis ob egregias animi tui dotes, quibus caprus tibi quam artissime obstringor. Memini enim, & meminisse placet, suavissimae illius consuetudinis qua proxime transactis autumnalibus feriis ad quadraginta dies uterque nostrum mire sumus allesti: quod quidem tempus ruris secessu & amoenitate ducti dulciter salebamus, vel privatim sermonibus eruditae intenti, vel die multo, inambulando simul & colloquendo. Ad haec deinde accessit societas longe gratissima Nobilis viri Marchionis *Ludovici Salaei*, ingenuarum artium studiis liberaliter perpoliti; quod sane in illius ordinis hominibus vix hac aetate reperias. Hujus itaque viri neces-

studiae, nobiscum omnibus officiis conjunctissimi, uterque nostrum incredibiliter delectabatur; adeo ut suis plane egregiis dotibus nos, & quos non? sibi arctissimi amoris nexu devinxerit: vivam enim ipse referebat imaginem *Jacobi Praemontii V. Cl.* mihi olim eleganter expressam a doctissimo *Huesio* (a); cui nimirum *magna inerat praestantia ingenii ac vis, praeclara & libero homine digna eruditione enculsa; nec non morum candor eximius, & facili quadam comitate semperata gravitas, atque retinendis amicitiis fides propemodum singularis.* Verum postquam annua valetudine defessus ac paene confectus, intermissis curis studiisque gravioribus, semestri otio aliquam-multum animum refecissem; in patriam tandem ad coepta maturanda redire jussus, a Nobilissimo *Salao* discedere cogor, quocum mihi sex ipsos menses summa intercefferat familiaritas; atque a te quoque oculissimo Amico aegre admodum divulsus, domum revertor. Ubi pedem in cubiculum intuli, tunc vero mecum ipse reputavi quonam pacto suavissimae nostrae consuetudinis memoriam non tantum regustare, sed & litteris nunquam interituris consignare possem; quo nimirum animus molestis curis idemtidem incidens, jucunda hac recordatione perpetim mansura subinde recreetur. Ecce autem repente mihi oblata perbella occasio. Statim enim ac Venetias appuli, a viro mihi longe amicissimo intellexi, brevi iterum in lucem proditurum *Lamindi Pristanii Opus De Ingeniorum moderatione*; in cujus quidem lectionem quum ferme ab adolescentia me incumbere ipse noverit, sciscitatur num tandem aliquid operis in illud illustrandum conferre velim. Tunc enimvero opportunitatem nactus, quod meditabar exsequi statui. Agedum illud in medium proferam; quod hoc de Opere deque illius Auctore compertum habeo; additurus deinde quid in ista editione curanda ipse praestiterim: quod quum perfecero, quantulamcumque hanc meam industriam sic accipias velim, Amicorum optime, velut amoris in te mei meaeque observantiae certam tesseram, atque dulcissimae amicitiae nostrae perenne monumentum.

Egregium itaque Opus, aetatem sane laturum, *De Ingeniorum moderatione in Religionis negotio*, prodiit primum Lutetiae Parisiorum anno 1714. omniumque doctorum virorum magno cum plausu exceptum, testantur satis editiones in Germania atque Italia saepius repetitae. Auctorem Operis probe nosti *Cl. V. Ludovicum Antonium Muratorium*, nobis, bonis omnibus & Reipublicae in primis Litterariae luctuosa morte abhinc annos duos ereptum.

(a) *Huet*, de Interpret. Lib. 1. cap. 7.

v

At quem virum! quem ego viderim in vita optimum.

Quamvis autem *Muratorius* heic *Lamindi Prisanii* personam induerit, qua contextus jam ab anno 1703. in *Eruditorum* scenam primum prodierat; non adeo tamen seipsum obtexit, ut sibi asserere aliquando ea scripta neutiquam posset, quae sub illo vel alio ementito nomine interdum evulgasset: tribus enim prioribus litteris cum in *LAMindi*, tum in *LAMpridii* nomine aliquot post annos assumpto, seipsum obscure licet, at satis indigitavit. Mirari autem subit, *Astorum Lipsiensium* scriptores istiusmodi *Lamindi* Opus recensentes (a), *Bernardum Trevisanum* Patricium Venetum sub ejus nominis umbra latitantem autumasse; cujus, inquiunt, anno 1708. *Veneriis* prodixisse scimus *Cogitata de exquisito judicio & gustu quo ad Scientias & Artes*. Semel nempe iterumque errarunt ii, Viro illi alioquin illustri Opera isthaec duo egregia tribuentes, quorum tamen auctorem fuisse *Muratorium* certo liquet: in quem quidem errorem impigere, minime attendentes, *Bernardum Trevisanum* cujus exstat Isagoge ad *Muratorianum* Opus hoc titulo praenotatum: *Riflessioni sopra il Buon Gusto nelle Scienze e nelle Arti*, satis clare sub initium seipsum a *Prisano* distinxisse.

Jam vero ad argumentum quod attinet hocce in Opere *Muratorio* pertractatum, non est cur tibi, mi *Lugiate*, quidquam praeloquar; quandoquidem Auctor praeclarissimus, quodnam fuerit scriptiois suae consilium, in Praefatione luculenter exsequitur: nisi malis, aliquid iis addi posse, quae ibidem de iniquo S. *Augustini* Censore, parcius forte quam par erat, *Lamindus* nos edocuit. Accipe igitur primum ex ipso *Muratorio*, quisnam sub *Johannis Phereponi* nomine lateat, quamvis minime omnium id te fugere pro certo habeam. „Ego quidem novi, inquit (b), *Johannem Clericum*, virum & eruditione & ingenio critico revera celebrem, sed licentia quoque opinandi aequae famosum; adeoque in sanctos Patres animatum, ut quum ipsum audis, alterum, immo ipsum *Phereponum* audire te putes”. Jam tenes ex *Prisano* verum Censoris *Augustiniani* nomen; quod sane in toto hujus Operis decursu adeo clare detectum frustra quaeras. Ergo *Johannes Phereponus* ipse est *Johannes Clericus*, qui ex *Remonstrantium* grege ad *Socini* familiam postea defecit. Cujus quidem hominis liberrimam, quin & petulan-

(a) Supplem. Tom. VI. pagg. 506. & seqq.

(b) *De Ingen. moder.* Lib. III. cap. III. §. Quid quaeso, pag. 385. hujus edit.

tulantissimam in S. *Augustinum* censuram, haud aequo animo ferre valens *Prisanius* noster, luculentam apologiam pro tanto Ecclesiae Doctore texere instituit.

Neque in suis tantum *Animadversionibus Phereponianis* ineunte hoc saeculo evulgatis, furens in S. *Augustinum* insurrexit Clericus; verum & jam olim in altero Opusculo Gallice inscripto: *Entretiens sur diverses matieres de Théologie*, Amstelodami edito anno 1685. & deinceps in suis *Epistolis Criticis*, & alibi passim sanctum Hipponensem Antistitem ore invido laceffivit. At inverecundum Censorem acerbè satis jam carperat emunctae naris Criticus *Richardus Simonius*; cujus proinde verba non te pigeat excipere, eo vel maxime heic describenda quod omnia ferme celebres hujus Scriptoris Opera raro sint obvia. Sic igitur ille (a): „ Mr. Simon a remarqué dans la *Critique*, que St. *Augustin* n'a pas eu à la vérité autant d'érudition qu'*Origene* & St. *Jérôme*; mais qu'il a en quelque façon suppléé à ce défaut par la force de son esprit & par la solidité de son jugement. Il ajoute de plus, que ce Père a très-bien remarqué dans ses Ouvrages les qualités nécessaires pour bien interpreter l'Ecriture; & que comme il étoit modeste, il a connu librement qu'une partie de ces qualités lui manquoit. Mais il est suprenant, dit Mr. le Clerc, que ce grand genie ait pu se conduire si imprudemment, que d'entreprendre ce qu'il ne connoissoit lui-même être au dessus de ses forces, & qu'il ait osé tant parler sur l'Ecriture, dont il n'avoit qu'une très-médiocre connoissance. Où est cette force d'esprit & cette solidité de jugement que le Père Simon lui attribue? Que répondroit nôtre Professeur Ebraïzant à Mr. Simon, s'il lui objectoit qu'il n'a fait gueres paroître d'esprit ni de jugement, en écrivant sur des matieres de Critique dont il n'a qu'une très-médiocre connoissance? Il répondroit sans doute, qu'on lui fait tort, bien qu'il fût facile de se convaincre du contraire par son Livre. Mais pour ne pas nous éloigner de St. *Augustin* dont il s'agit, ce savant Père a eu raison d'avouer de bonne foi, qu'il n'avoit pas toutes les qualités nécessaires pour bien interpreter l'Ecriture; parce qu'il ne favoit pas la Langue Ebraïque, qu'il jugeoit cependant absolument nécessaire. Ses occupations continuelles ne lui permettoient pas aussi d'approfondir les questions difficiles de la Bible. Dirait-on pour cela qu'il a été un imprudent, d'entreprendre ce qu'il re-

(a) Réponse aux Sentimens de quelques Théologiens de Hollande, pagg. 202. 207.

„ il reconnoissoit être au dessus de ses forces? L'expérience a bien
 „ fait voir le contraire, ses Ouvrages contre les Hérétiques aiant
 „ été très utiles à l'Eglise. On doit plus estimer un Théologien
 „ qui a une grande pénétration d'esprit & un jugement solide avec
 „ une connoissance mediocre des Langues de l'Ecriture, qu'un hom-
 „ me savant dans ces Langues qui auroit un esprit & un jugement
 „ mediocres. Il n'est pas possible de trouver un homme entière-
 „ ment parfait: & ainsi bien qu'il manquât quelque chose à St.
 „ *Augustin* du côté de l'érudition, comme il l'avoué lui même; il
 „ n'a pas laissé d'être le plus habile Théologien de son siècle, &
 „ le plus propre à soutenir avec vigueur la cause de l'Eglise contre
 „ les Hérétiques. Je n'en excepte pas même St. *Jerôme*, qui avoit
 „ sans doute beaucoup plus d'érudition que lui.

„ Notre Faiseur d'Entretiens n'en demeure pas là: car aiant
 „ publié depuis peu un Livre (a) où il tâche de faire revivre les
 „ sentimens de *Pélage*, il dit ici qu'on aura encore plus de peine à
 „ comprendre comment il a été possible que St. *Augustin* triomphât
 „ des *Pélagiens*, comme il a fait, étant si peu capable d'expliquer
 „ heureusement l'Ecriture sainte. Il ne pouvoit pas disputer contre
 „ eux par la Tradition, qui étoit contraire à ses sentimens, comme
 „ le reconnoissent même ses Disciples, & comme l'ont reconnu les
 „ plus habiles gens de notre siècle, en sorte qu'il étoit obligé de re-
 „ courir à l'Ecriture, qu'il n'entendoit qu'à demi. On sait cepen-
 „ dant (subdit *Simonius*) que ces *Pélagiens* dont Saint *Augustin* a
 „ triomphé, n'étoient pas de mal-habiles gens, & qu'il falloit sans
 „ doute qu'il leur opposât autre chose que des raisonnemens Plato-
 „ niciens pour appuyer les anciens sentimens de l'Eglise. Aussi vo-
 „ lions nous qu'il a recours dans ses Ouvrages à la Tradition & à
 „ l'Ecriture. Il oppose souvent aux *Pélagiens* les témoignages des
 „ Peres qui avoient vécu avant lui, sur lesquels il fonde la Tradi-
 „ tion; & il les accable même d'un grand nombre de passages de
 „ l'Ecriture qui détruisent manifestement la doctrine de *Pélage*.....
 „ Au reste il n'est pas vrai, que les sentimens de St. *Augustin* pris
 „ en general & comme étant opposés à ceux de *Pélage*, aient été
 „ contraires à la Tradition de l'Eglise. On peut seulement dire qu'
 „ il a eu sur cette matiere des opinions particulieres, tirant de ses
 „ principes de certaines consequences, qui ne se trouvent pas dans
 „ la plupart des Peres qui l'ont précédé. Mais cela ne touche point
 „ la crea-

(a) *Entretiens sur diverses matieres de Théologie*. A Amsterdam 1685.

la creance commune & generale de toutes les Eglises du monde, avec lesquelles St. *Augustin* étoit d'accord."

Paucis autem interiectis, pergit *Simonius* in hæc verba: „ Il n'y a donc rien d'exact dans tout le raisonnement de Mr. le Clerc, qui paroît encore moins juste dans les conséquences qu'il en tire. Si saint *Augustin*, dit-il, étoit moins subtil, & s'il ne faisoit que dire ce qu'il avoit appris avec le commun des Chrétiens, on pourroit assurément beaucoup mieux s'y fier, & se persuader qu'il ne nous débaise que les sentimens communs de tout le Christianisme: mais il est si sujet à suivre ses propres pensées, & à pousser jusqu'au bout des idées Platoniciennes, qu'on doit toujours se tenir sur ses gardes en le lisant. Je ne vois pas bien (reponit *Simonius*) ce que notre Auteur veut conclure de tout ce long discours. La creance de l'Eglise, comme on l'a déjà remarqué, n'est pas fondée sur quelques sentimens particuliers de St. *Augustin*, ni sur quelques allegories qui se trouvent dans ses Ouvrages, mais sur les preuves qu'il tire de l'Ecriture & de la Tradition. S'il pousse quelquefois trop loin ses principes, & s'il fait même paroître trop de subtilité dans ses raisonnemens, cela ne nuit rien au fonds de la doctrine, qui n'est pas appuyée sur les subtilités d'un Auteur particulier, mais sur une certaine uniformité de creance qu'on trouve dans les anciens Peres, quoique chacun ait sa maniere de raisonner particuliere."

Tandem laudatus Criticus sic concludit: „ Mr. le Clerc se trompe fort, quand il confond les sentimens particuliers de St. *Augustin* avec ceux qu'ils lui étoient communs touchant la Grace avec les autres Peres. L'Eglise qui est Catholique & universelle, n'a jamais adopté les opinions d'aucun Auteur particulier. Si elle a approuvé la doctrine de St. *Augustin* sur le sujet de la Grace, ce n'a été que par rapport à l'hérésie de *Pélage*. En quoi on ne peut pas dire que St. *Augustin* est le premier qui ait formé le Système de la Grace, puisque ce Système de la Grace étoit établi au tems de St. *Augustin* dans toute l'Eglise. Saint *Jérôme* qui n'étoit pas moins savant dans les Traditions de l'Eglise Grecque que dans celles de l'Eglise Latine, s'opposa dans ce même tems-là à *Pélage* avec vigueur; & l'Orient condamna l'hérésie de *Pélage*, aussi bien que l'Occident."

Reliqua vide sis apud ipsum *Simonium*. Ex his autem, in primis vero ex isto *Lamini* Opere colligas velim, neminem forte Cle-

rico iniquiorem in S. *Augustinum* existisse. Undenam porro, in-
 quies, huic Remonstranti tantus furor? Nimirum ex pseudo-synodo
 Dordracena, cujus sanctionibus ex S. *Augustini* doctrina potissimum
 haultis, Arminianismum prostratum; Arminianismum, inquam, *Cle-*
rico apprime carum. Hinc equidem lacrimae, hinc rixae, hinc irae
 furentes. Jam vero te non modo postulantem, sed & flagitantem
 audio, ut id tibi clarius edisseram. Quidni faciam carissime *Lugite?*
 quin & lubens & ex animo faciam. Ecce tibi ex aduerso implemet
Clericus testis, cujus verba in tabulas relata ab Eminentissimo Car-
 dinali *Quirino*, jam teneo. Accipe igitur illa ex hujus Purpurati Pa-
 tris *Commentariis de rebus ad se pertinentibus* (a), quae sic se ha-
 bent: „ Haud omittam narrare, *Clericum* inter alia a me interro-
 „ gatum fuisse, quemnam ex veteribus Ecclesiae Patribus pluris fa-
 „ ceret; nominatumque mihi statim ab ipso *Augustinum*. Falsa er-
 „ go fama (subiunxi ego) in Italia vagatur, sub nomine *Pherepo-*
 „ *ni* qui recens in Batavia curavit ejus Patris operum novam edi-
 „ tionem, non alium delitescere nisi ipsummet *Johannem Clericum*:
 „ falsa, inquam, fama; nam *Phereponus* ille in Notis ad eam edi-
 „ tionem appositis, nullam profecto omittit carpendi *Augustini* occa-
 „ sionem. Aequi bonique tulit meum istum candorem *Clericus*, ac
 „ mihi aequè candide affirmavit, Notas se illas confecisse, non ex
 „ doctrinae Augustinianae contemptu; sed quod res omnino iniqua
 „ sibi videretur, Batavos Magistratus, ejusdem doctrinae auctorita-
 „ tem obtredentes, fas sibi esse arbitrari, quovis ad parendum Dor-
 „ dracena Synodi Decretis adigere: perinde ac si in ea Regione,
 „ post detrectatum Romanae Inquisitionis jugum, aliud & quodam-
 „ modo durius, conscientiae incolarum imponi per ea Decreta, ae-
 „ quo animo tolerare quis posset. ” Haftenus Eminentissimus Scri-
 ptor. Ecquando, amabo te, eundemmet *Clericum* putasti istiusmo-
 di testimonium redditurum? Habes autem iis consona vel in ipsius
Phereponi Animadversionibus pag. 476. ubi S. *Augustinum* acriter,
 ut assolet, perstringens haec effutit: „ Platonismum nobis pro do-
 „ ctrina Apostolorum propinat, aut argutias inanes magna verbo-
 „ rum pompa nobis obtrudit. Quae non eo dico, quod eloquentiam
 „ & acumen, in rebus praesertim metaphysicis, *Augustino* detra-
 „ ham, aut quod meritis laudes minus libenter tribuam: Sed quia
 „ video multos (*Gomaristas* innuit) ejus auctoritate abuii, & eos
 „ prae illo contemni (digitum intendit in *Arminianos* quibus ipse
 Tom. X. P. I. b „ adhae-

(a) Eminent. *Quirin.* Commentar. de reb. ad se pertinent Part. I. cap. III. pag. 47.

la creance commune & generale de toutes les Eglises du monde, avec lesquelles *St. Augustin* étoit d'accord."

Paucis autem interiectis, pergit *Simonius* in hæc verba: „ Il n'y a donc rien d'exact dans tout le raisonnement de Mr. le Clerc, qui paroît encore moins juste dans les consequences qu'il en tire. Si *saint Augustin*, dit-il, étoit moins subtil, & s'il ne faisoit que dire ce qu'il avoit appris avec le commun des Chrétiens, on pourroit assurément beaucoup mieux s'y fier, & se persuader qu'il ne nous débite que les sentimens communs de tout le Christianisme: mais il est si sujet à suivre ses propres pensées, & à pousser jusqu'au bout des idées Platoniciennes, qu'on doit toujours se tenir sur ses gardes en le lisant. Je ne vois pas bien (reponoit *Simonius*) ce que nôtre Auteur veut conclure de tout ce long discours. La creance de l'Eglise, comme on l'a déjà remarqué, n'est pas fondée sur quelques sentimens particuliers de *St. Augustin*, ni sur quelques allegories qui se trouvent dans ses Ouvrages, mais sur les preuves qu'il tire de l'Ecriture & de la Tradition. S'il pousse quelquefois trop loin ses principes, & s'il fait même paroître trop de subtilité dans ses raisonnemens, cela ne nuit rien au fonds de la doctrine, qui n'est pas appuïée sur les subtilités d'un Auteur particulier, mais sur une certaine uniformité de creance qu'on trouve dans les anciens Peres, quoique chacun ait sa maniere de raisonner particuliere."

Tandem laudatus Criticus sic concludit: „ Mr. le Clerc se trompe fort, quand il confond les sentimens particuliers de *St. Augustin* avec ceux qu'ils lui étoient communs touchant la Grace avec les autres Peres. L'Eglise qui est Catholique & universelle, n'a jamais adopté les opinions d'aucun Auteur particulier. Si elle a approuvé la doctrine de *St. Augustin* sur le sujet de la Grace, ce n'a été que par rapport à l'hérésie de *Pélage*. En quoi on ne peut pas dire que *St. Augustin* est le premier qui ait formé le Système de la Grace, puisque ce Système de la Grace étoit établi au tems de *St. Augustin* dans toute l'Eglise. Saint *Jérôme* qui n'étoit pas moins savant dans les Traditions de l'Eglise Grecque que dans celles de l'Eglise Latine, s'opposa dans ce même tems là à *Pélage* avec vigueur; & l'Orient condamna l'hérésie de *Pélage*, aussi bien que l'Occident."

Reliqua vide his apud ipsum *Simonium*. Ex his autem, in primis vero ex isto *Lamindi* Opere colligas velim, neminem forte Cle-

rico iniquiorem in S. *Augustinum* existisse. Undenam porro, in-
 quies, huic Remonstranti tantus furor? Nimirum ex pseudo-synodo
 Dordracena, cujus sanctionibus ex S. *Augustini* doctrina potissimum
 haustis, Arminianismum prostratum; Arminianismum, inquam, *Cle-
 rico* apprimè carum. Hinc equidem lacrimae, hinc rixae, hinc irae
 furentes. Jam vero te non modo postulantem, sed & flagitantem
 audio, ut id tibi clarius edisseram. Quidni faciam carissime *Lugiate*?
 quin & lubens & ex animo faciam. Ecce tibi ex adverso ipsemet
Clericus testis, cujus verba in tabulas relata ab Eminentissimo Car-
 dinali *Quirino*, jam teneo. Accipe igitur illa ex hujus Purpurati Pa-
 tris *Commentariis de rebus ad se pertinentibus* (a), quae sic se ha-
 bent: „ Haud omittam narrare, *Clericum* inter alia a me interro-
 „ gatum fuisse, quemnam ex veteribus Ecclesiae Patribus pluris fa-
 „ ceret; nominatumque mihi statim ab ipso *Augustinum*. Falsa er-
 „ go fama (subiunxi ego) in Italia vagatur, sub nomine *Pberepo-
 „ ni* qui recens in Batavia curavit ejus Patris operum novam edi-
 „ tionem, non alium delitescere nisi ipsummet *Johannem Clericum*:
 „ falsa, inquam, fama; nam *Pbereponus* ille in Notis ad eam edi-
 „ tionem appositis, nullam profecto omittit carpendi *Augustini* occa-
 „ sionem. Aequi bonique tulit meum istum candorem *Clericus*, ac
 „ mihi aequè candide affirmavit, Notas se illas confecisse, non ex
 „ doctrinae Augustinianae contemtu; sed quod res omnino iniqua
 „ sibi videretur, Batavos Magistratus, ejusdem doctrinae auctorita-
 „ tem obterdentes, fas sibi esse arbitrari, quosvis ad parendum Dor-
 „ dracenae Synodi Decretis adigere: perinde ac si in ea Regione,
 „ post detrectatum Romanae Inquisitionis jugum, aliud & quodam-
 „ modo durius, conscientiae incolarum imponi per ea Decreta, ae-
 „ quo animo tolerare quis posset.” Haftenus Eminentissimus Scrip-
 tor. Ecquando, amabo te, eundemmet *Clericum* putasti istiusmo-
 di testimonium redditurum? Habes autem iis consona vel in ipsius
Pbereponi Animadversionibus pag. 476. ubi S. *Augustinum* acriter,
 ut assolet, perstringens haec effutit: „ Platonismum nobis pro do-
 „ ctrina Apostolorum propinat, aut argutias inanes magna verbo-
 „ rum pompa nobis obtrudit. Quae non eo dico, quod eloquentiam
 „ & acumen, in rebus praesertim metaphysicis, *Augustino* detra-
 „ ham, aut quod meritas laudes minus libenter tribuam. Sed quia
 „ video multos (*Gomaristas* innuit) ejus auctoritate abuti, & eos
 „ prae illo contemni (digitum intendit in *Arminianos* quibus ipse
 Tom. X. P. I. b „ adhae-

(a) Eminent. *Quirin.* Commentar. de reb. ad se pertinent Part. I. cap. III. pag. 47.

„ adhaerebat) quibus nulla ratione conferri potest. ” Jamque idem ollecerat *Muratorius* ; qui postquam *Clerici* sententiam retulisset , asserentis neminem cogendum ut Conciliorum placitis acquiescat , statim subdit (a) : „ Qua in re ipsum (*Phereponum*) cum aliis Haereticis , & Socinianis potissimum consentire video ; qui Conciliis nullis , nulli Ecclesiae visibili in rebus Fidei auctoritatem esse docent : atque adeo tacite Dordracenam ille Synodum carpit , ubi Majores suos Calvinianorum factione oppressos *Arminiani* quotidie „ conqueruntur. ” Haftenus de *Clerico* : jam vero ad *Muratorium* ejus Censorem redeat oratio.

Illudque in primis occurrit , Cl. *Pritanium* apud eruditos viros questum esse , in vulgus emissam Epistola Italice scripta , suum hocce Opus *De Ingeniorum moderatione* quum primum Parisiis ederetur , alicubi fuisse interpolatum : cujus quidem rei lectorem infra (b) admonendum censui , fidem insuper meam ipsi obstringens , eandem Epistolam huic Operi me annexurum : quod ut praestem , patere quaeso , ut illam heic tibi subiiciam.

L E T T E R A DI LAMINDO PRITANIO

Ad uno degli Autori del Giornale d' Italia.

„ **D** A V. S. Illustrissima (già l'ho veduto) è stata fatta nel Giornale *xxi.* fogl. 429. menzione del mio Trattato *De Ingeniorum moderatione in Religionis negotio* , stampato in Parigi nell' antecedente anno 1714. Le mie obbligazioni verso di lei per questo non son poche ; ma le farei restato anche maggiormente tenuto , e più mi farei rallegrato meco stesso , s' ella avesse posto mente in tal congiuntura ad una certa particolarità , con informarne eziandio il Pubblico tutto. Leggesi ivi nel Lib. I. Cap. xi. facc. 85. *Certi quoque Judices Catholicae doctrinae sunt Romani Pontifices* , colla giunta di queste altre parole : *Quibus eadem consentit Ecclesia.* „ Pari-

(a) *De Ingen. moder.* Lib. I. Cap. xiv. pag. 117.

(b) *Ibid.* Lib. I. Cap. xi. pag. 89. Vid. *Catalog.* infra in *Epistolar.* recensione num. V.

„ Parimente nel Lib. I. Cap. XVIII. facc. 151. si legge: *Romano*
 „ *Pontifici aliquod decernenti Dogma* (quì è aggiunto: *cui assensur*
 „ *Ecclesia uniuersa*) *credendum est; diuinaeque Fidei assensus huic*
 „ *Dogmati accommodandus*. Così in due o tre altri luoghi la mede-
 „ sima giunta comparisce. Ora non mi par già chiaro, qual vera-
 „ mente sia il significato, e quale la intenzione di sì fatte giunte,
 „ nè se tendano esse a limitare un pregio della Sede Appostolica.
 „ Ma comunque sia, è fuor di dubbio non esser mie le giunte
 „ suddette, e non aver io mai pensato a modificare la Infallibilità
 „ de' Sommi Pontefici pronunzianti dalla Cattedra in materia di
 „ Dogma. Solamente in Parigi sono state fabbricate esse parentesi,
 „ ed inserite, senza mia saputa e contra il mio volere, nel corpo
 „ dell'Opera mia. La sentenza della Infallibilità suddetta l'aveva
 „ io asserita puramente, e sempre la ho supposta in esso Libro sen-
 „ za modificazione, siccome può vederli nel Lib. 1. Cap. XVII.
 „ facc. 146. e in tutto il Capo susseguente. Anzi sarebbe riuscito
 „ inutile lo stesso intero Capo XVIII. qualora avessi avuto il senti-
 „ mento, che forse si è voluto insinuare colle giunte sopradette.
 „ Vero è, che inutile altresì può dirli il voler io persuader questo
 „ a V. S. Illustrissima, da che ella stessa ed altre persone a lei ben
 „ note, ebbero in mano la medesima Opera mia scritta a penna,
 „ prima che passasse in Francia; e può ella facilmente ricordarsi,
 „ quanto io fossi lontano da insegnamenti tali. Aggiungasi, saperli
 „ molto bene in Roma stessa, non che in Parigi, essere stata alte-
 „ rata, senza mia partecipazione, in que' siti la mente mia. Con
 „ tutto ciò, perch'io vorrei che la notizia del rispetto da me do-
 „ vuto e professato alla Santa Sede, nostra sempre venerabil Madre
 „ e Maestra, non si restringesse a pochi, ma si rendesse, se fosse
 „ possibile, palese a tutto il mondo: mi professerei molto obbligato
 „ all'amorevol bontà di V. S. Illustrissima, se tornandole un'altra
 „ volta in acconcio di ragionare d'esso mio Libro, comunicasse al
 „ Pubblico la dichiarazione di questi miei sentimenti, esposta a lei
 „ colla sincerità di cui ho sempre fatto e so professione. Con che
 „ ricordandole il mio indelebil'ossequio, mi confermo ”

„ Di V. S. Illustrissima

„ Modena 20. Febr. 1716.

„ *Diuisi. ed Obligatis. Serv.*

„ Lamindo Pritanio.

Quandoquidem autem illustris Auctor tum in hac Epistola, tum infra in istius Operis locis indicatis illud argumentum attingit, quod a Scriptoribus Gallis magna animi contentione agitur; non ab re fuerit, neque tibi forte injucundum, *Lugiate* amantissime, verba subtexere, ex Itinerario Gallicano doctissimi Praefulis *Francisci Blanchini* concivis tui desumpta, descriptaque ab Eminent. *Quirino* in suis *Commentariis* (a) modo laudatis; quibus nempe celebris Doctoris Sorbonici *Natalis Alexandri* nova sententia de Romani Pontificis infallibilitate in medium profertur. Ea vero sic se habent: „ Putat
 „ igitur *P. Alexander*, Sorbonicos conciliari posse cum mente Scrip-
 „ ptorum Italicorum, Infallibilitatem Romani Pontificis tuentium.
 „ Omnes Catholici consentiunt, Pontificem Romanum ex Cathedra
 „ declarantem in Moribus aut Dogmatibus Fidei, errare non posse.
 „ Difficultas est in statuendo, quando censeatur docere ex Cathedra.
 „ Doctores *Romani* putant, solius Pontificis iudicium, nullo assensu
 „ Ecclesiae explorato, esse doctrinam ex Cathedra. *Sorbonici* viden-
 „ tur assensum Episcoporum desiderare, praeter iudicium Pontificis.
 „ Monet attramen *P. Alexander*, iudicium Romani Pontificis ita
 „ continere Infallibilitatem, ut consensus Episcoporum non sit pars
 „ constituens substantiam Infallibilitatis, sed conditio declarans visi-
 „ bilem Cathedram ejus Capitis, quod una cum Membris constituit
 „ Corpus Ecclesiae, vocem sui Pastoris excipientis, & internoscen-
 „ tis, ne Caput a Membris avulsam uspiam appareat. Locum Epi-
 „ stolae *S. Leonis* PP. ad *Flavianum* (ni fallor), hanc ferme ex-
 „ pressionem ferentem attulit. Denique, quod caput est, Infallibili-
 „ tatem Pontifici tribuit docenti ex Cathedra: sed docentem ex Ca-
 „ thedra non agnoscit, nisi praesente Ecclesia, sui Pastoris vocem
 „ audiente, & adstipulante. Perinde evenire autumat, ac in Cano-
 „ ne sacrae Scripturae definiendo. Pontifex aut Ecclesia non assert
 „ assensu suo divinam auctoritatem sacrae Scripturae, quam ipsa jam
 „ obtinet ab auctore Deo. Ecclesia recipiens verbum divinum, &
 „ asseverans illud esse Dei verbum, efficit ut innotescat filiis, qua-
 „ lia sint verba a Deo prolata. Ita etiam censet in judiciis Fidei
 „ aut Morum, a summo Pontifice prolatis. Concedit illis nativam
 „ Infallibilitatem ex promissione Christi Domini facta *Petro* & Suc-
 „ cessoribus docentibus ex Cathedra: sed Cathedrae agnitionem ex
 „ Ecclesiae consensu consequi declarat.” Haecenus ibi.

Agefis

(a) Emin. *Quirini* Comment. de reb. ad se pertinent. Part. I. lib. II. pag. 178.

Agēsis nunc, quod reliquum est videamus. Magnum profecto veritatis amorem ac studium prae se tulit doctissimus *Pritanius*, huiusmodi Opus in lucem proferens; hinc nimirum ostendens, quae iura usurpanda; illinc autem quae frenā iniicienda homini Christiano, inquirenti veritatem atque tradenti: eo namque tutum ac benignum iter stravit omnibus sacrae doctrinae studiosis, caute solletterque illos admonens ne in salebras incidunt, neve praestigiis deludi aut officiis excaecari patiantur. Ceterum licet tractationem istam, quae permulta & lubrica sane & periculi plena complectitur, pro dignitate utque rei gravitas postulabat perfecisset noster *Lamindus*: attamen neque malevolorum hominum invidiam a se deprecari valuit, neque indoctorum sinistra iudicia ex praeconcepis opinionibus orta penitus declinare. Vix itaque annus intercesserat a prima huius Operis editione, quum *Pritanio* litem molestam intentavit *Iustus Fontaninus*, vir cetera doctus, qui & de litteris bene fuisset meritus, nisi amore sui nimio abreptus, reliquos despiciatui duxisset. Hic igitur, *Lamindi* Opus virga censoria notavit; ejusque *Observationes* ad *Muratorium* delatae: qui ubi primum eas vidit anno 1717. illico expendit, sui que apologiam paravit, prelo utique committendam, simul ac *Fontanini* *Observationes* in vulgus emissas comperisset. Verum magnorum virorum cum dignitate tum doctrina praestantium auctoritas intercessit, quominus *Fontanini* *Observationes* in lucem prodirent; pertendentium, & jure quidem, extra *Melchiorem Canum* paucosque praeterea, neminem in tanto Scriptorum numero existisse, qui Opus *Muratoriano* solidius & succi plenius litteris tradidisset. Hinc factum, & *Pritanium* dum in vivis ageret, scriptum suum apologeticum suppressisse; & nunc etiam Viros Clariss. idem suppressendum eo nomine autumasse, quod *Observationibus Fontaninianis* adhuc intra claustra retentis, supervacaneum videatur.

Quid autem memorem reliquos levicolos homines, qui deinceps scriptiunculis prorsus contemnendis irridendisque, doctissimum *Lamindum* sunt adorti? Neque enim te fugit, Amice eruditissime, abhinc annis duodecim nonnullos Coenobitas apud Juvavienſes exstuisse, Cl. *Muratorii* nomini valde injurios, ejusque praecellenti Opere *De Ingeniorum moderatione* quam maxime insultos; quorum tamen ingenium petulans execratus vir doctissimus *Johannes Baptista Gasparius* Archiepiscopi Salisburgenſis Historiographus, eorum arrogantiam cum incredibili incitiam conjunctam falsissime carpsit, edito Coloniae anno 1741. in 4. Opere tum argumenti dignitate tum nitore dictionis prae-

nis praestanti, cujus isthaec inscriptio: *Αδυστηαίμωνος Φιλοσοφίας Vindiciciae adversus Sycophantas Juvenenses*. Opera quae fuere, aperta sunt: patent praestigia. *Plaut. Capt. Act. III. Sc. III. (a)*.

Per idem fere tempus quo Salisburgenses *Muratorium* conviciis lacebabant, Siculi Scriptores, in primis vero Panormitani, turmatim in ipsum irruere, *Voti Sanguinari* sententiam propugnaturi, ab eo penitus reprobata (b). Primos quidem illorum impetus strenue fregit noster *Pritanius*, edito sub *Antonii Lampridii* nomine Opere *De Superstitione vitanda*. Verum in dies invalescentibus adversariis, imperterritus idem *Lampridius* iterum in arenam fortiter praeliaturus descendit, *Epistolas* ipsis obiciens, sub nomine *Ferdinandi Valdesii* evulgatas: cujus quidem pugnae litterariae quum infra meminerim (c), de ea fusius apud te loqui superfedeo. Acriter sane hisce scriptis invehitur in Siculos *Muratorius*: at stili asperitas iis potius culpae vertenda, quam isti; qui profecto sancti *Hieronymi* exemplum secutus, isthaec ejus verba (d) usurpare potuisset: *Hoc obsecro, ut si mordacius quidpiam scripsero, non tam meae puteris austeritatis esse, quam morbi: putridae carnes ferro curantur & cauterio*.

Neque haec pugnae finis. Dum noster *Lampridius* *Epistolas Valdesii* edendas parabat, prodiiit Panormi anno 1742. *Opella* pagg. 71. in 4. hoc titulo praenotata: *Ritratto della falsa Dottrina di Lamindum Pritanio esposto da Fulgoso di Monte Pelero Palermitano alla considerazione de' savj Cattolici più dotti e fedeli*. Quisquis vero hujusce libelluli sit auctor (e), iis plane accensendus qui carpunt, non corrigunt, siquid peccatum est, immo siquid non peccatum: ut scilicet suo nomine obscuri, alieno innotescant. Quandoquidem autem Libellator iste nostrum *Lamindum* jurgiis oppido impetit, praestansque ipsius Opus *De Ingeniorum moderatione* tanquam virulentum foetum traducit; age refer nunc animum sis ad aliquod Critici sane ingenii speciem, in hujus Panormitani Opusculo mihi observatum. Et primum quidem *Desiderium Erasmus* Roterodami natum & alium, Rothomagensem vocat (f); illum nempe Batavis ereptum, Gallis accensens. Deinde *Lamindi* nomen *Muratorio* assumtum, a *Lamiis*

(a) Vide sis *Nova Acta Erudit. Lips.* An. 1742. pagg. 129. 135. & *Nov. Litter. di Firenze*, Tom. III. col. 302. 314. 334.

(b) *De Ingen. Moder.* Lib. II. cap. VI. pag. 268.

(c) In *Catal. Opp. Murat.* sub numm. XXXIII. XXXIV.

(d) *S. Hieron.* lib. I. Apolog. contr. Ruf.

(e) Vid. *Catal. Opp. Murat.* sub num. XXI.

(f) Pag. 1.

Lamiis deducit (a); rursumque *Lamiarum* etymon a *latendo* derivat: ut inde colligat *Muratorium* *Lamiis* comparandum, seu strigibus illis nocturnis, quae, si Diis placet, labris infantium virosa ubera immulgent. Eugepae! Quin, quaeſo, hac gemmula doctiſſimas tuas *Observationes in Artem Magicam* cumulaſti? Riden? Atqui ferreus es, niſi riſu diſrumpere. Pergamus porro. Etiamne amplius? inquis? Etiam. Nimirum ſcripſerat *Lamindus* (b) „neceſſe eſſe Judici Eccleſiaſtico ut *Peripateticam Scholam aliquantiſper terat*, donec Subſtantiae, Specierum atque Accidentium nomina ac hiftoriam probe norit; ut recte cognoſcat, utrum Tranſubſtantiationi adverſetur *Carſeſus*, Corporis phyſici eſſentiam in Quantitate conſtituens, neque Subſtantiam ab ipſa Quantitate ſecernens: ad ejus quippe Scholae ſententiam Tridentini Patres de Tranſubſtantiatione loquentes reſpexiſſe videntur.” Quid autem ad haec Grammaticus homo? Nempe hinc arguit, & quidem, ut ipſemet gloriatur, ineluctabiliter arguit (c), *Muratorium* iis verbis, *Neceſſe eſſe Judici Eccleſiaſtico ut Peripateticam Scholam aliquantiſper terat*, id tantummodo contendiſſe, ut Judex Eccleſiaſticus laudatam *Carteſii* ſententiam diſcutiens, Scholam Peripateticam peſſumdet, Philoſophiae Ariſtotelicae placita Patribus Tridentinis approbata contemnat, adeoque vel ipſum Spiritum veritatis (horret animus) *aliquantiſper terat*, qui per Patres Tridenti congregatos locutus, Peripateticis vocibus dogmata enuntiavit ſanxitque. Acutum hunc Magiſtellum! Sed impoſitum, immo turpe jam eſt, de hiſce ineptiis me pluribus agere tecum.

Quando autem in Sycophantae hujus Panormitani mentionem incidi, temperare mihi vix poſſum, quin & alterum memorem Luſitanum, *Dionyſium* nempe *Bernardes de Moraes*, qui anno 1748. Ulyſſipone in lucem emiſit ſpiſſum Opus, *Coruſcationum dogmaticarum* titulo inſcriptum (d). Hic autem Auſtor impotenter nimis debacchatur (e) in *Muratorium* V. Cl. nonnullas ejus ſententias ex Opere *De Ingeniorum moderatione* excerptas perſtringens, eamque in primis qua Votum ſanguinarium reprehendit. Equidem & otio & patientia tua abuterer, mi *Lugiate*, quin & ineptire fortaiſſe tibi videret, ſi unum alterumve locum illo ex Opere deſumptum huc tranſſerrem.

(a) Pag. 3.

(b) *De Ingen. Moder.* Lib. I. Cap. xxiv. pagg. 227. 228.

(c) Pagg. 23. 24.

(d) Vid. Catal. infra ſub num. XI.

(e) Pagg. 329. 433.

sterrem. Vin' tamen dicam, quid sentio de homine isthoc? Heus tu, tibi habeto, nemini dixeris. Ubique livorem spirat, ubique inscientiam suam prodit: adeo dicacitatis atque ignorantiae plena sunt omnia. At ego in primis inverecundo huic homini quam maxime indignor, quod in venerandum *Muratorii* sapientissimi senis caput conviciorum plaustra impudentissime jaciatur. Peream, si legi quidpiam nigriori stilo exaratum. *Meus animus fuit*, inquit (a), *neminem offendere, solumque Muratorio parcere non studui*. Hominis os! Audistia' improbum petulantisque consilium? Ecquis porro aequo animo ferat, ista effutire audentem? Nimius sim, si quod sentio, pluribus persequi velim. Ergo faceffat a me istiusmodi liber. Amariorem enim me lectio facit: stomachor omnia. Alios autem nonnullos homines qui scriptiunculis prorsus contemnendis magnum *Muratorium* sunt aggressi, popello suaviter ridendos dimitto ratus ad illos refutandos factus esse, in medium praeferre praeclarum sane Elogium, quo *Anquetil* Regius Censor Parisiensis praestantissimum istud Opus *De Ingeniorum moderatione* maclandum jure duxit; Elogium, inquam, dignum plane quod praecedentibus Editionibus qua Germanicis qua Italicis praefigeretur, quodque reliquis in posterum recudendis praemittatur. Illud autem sic se habet: *Opus, meo quidem judicio, omnium ac multum utilitate multiplici commendandum; in quo suspenderint aequi omnes rerum aestimatores, litteratissimi & candidissimi Scriptoris sincerum veritatis ac religionis amorem; variam & summam eruditionem cum modestia summa; gravem sermonis elegantiam; lucidum rerum tractandarum ordinem; meditatam in tradendis scribendi, ut par est & incumbis hominibus Christianis, legibus sapientiam; exquisitae & temperatae Criticae specimen & exemplum omnibus probandum; nervosae Censurae laudabilem aequitatem adversus Censorem iniquum, & Criticum non satis temperantem; &c. Quapropter luce & laude publica dignissimum mihi videtur. Datum Parisiis die decimona Junii 1713.*

Jam vero superest quod te moneam, jucundissime *Lugiate*, quid novi porro huic editioni accefferit; quod & paucis exsequar. Primum quidem exemplar, Auctoris manu expolitum auctumque alicubi, diligenter contuli cum editis usque ad annum 1741. (b), illaque duos

(a) *Caruscat. Dogmat.* pag. 188.

(b) Eo enim anno 1741. Venetis prodit hujus Operis editio; exacta quidem ad exemplar a *Muratorio* recensitum; cuius tamen contextum vetuit Cl. Auctor ullo signo distinguere, adeoque neque titulum prorsus immutari: eo sane consilio, ne aliquid incommodi iis accederet, quibus aliqua ex praecedentibus prae manibus esset.

duos intra semicirculos clausi atque asterisco signavi, quae ab eo recensita vel adiecta cognovi: quin & ab ipso suppressa nonnulla, subiicienda curavi; ut inde pateat, quanam addiderit vel mutarit ipsemet Auctor secundis curis doctior factus. Deinde aliquot locis *Nofas* appinxi, quibus & novitius Lector fieret instructior, & res proposita clarior: frequentiores uberioresque additurus, nisi nonnihil levitatis, ne dicam putidiusculi, id habere mihi visum esset. Num his vero curis aliquid praeftiterim quod minus excultis prodesset, penes te, *Andrea* doctissime, sit iudicium, quod utique magni facio. Quod si autem ita praeftiti ut probes, id mihi sane iucundum: pericundum porro si probas, & signo aliquo idipsum testaris, quod abeuntem me dirigat ne impediatur. Neque enim ea sum confidentia ut mihi persuadeam, qualescumque Adnotationes meas tibi omnes esse probandas: quin & illas sic accipias velim, meae velut memoriae a multijuga lectione suggestas, dum Opus percurrerem retrastaremque. Hinc autem factum, mihi nonnulla excidisse: in primis vero ad *Lib. III. Cap. X. pag. 149.* ubi *Raymundi Missorii* Disputationes Criticas in duas celeberrimas Epistolas SS. *Firmiliani & Cypriani* adversus Decretum S. *Stephani* Papae I. de non iterando Haereticorum Baptismo, recensens laudanque; aliud Opus praeterii, & quidem egregium, *Johannis Sbaraleae* Forolivientis, Bononiae editum anno 1741. in 4. quo Vir Cl. paradoxa *Missorii* penitus subruit convellitque. Illud autem sic exstat inscriptum: *Germana S. Cypriani & Afrorum, necnon Firmiliani & Orientalium opinio de Haereticorum Baptismate, ad rectam criticarum Vindicis Cypr. disputationum intelligentiam exposita.* Praeterea *Muratorianorum* Operum omnium, tam editorum quam ineditorum, *Catalogum* texui, nonnullis Observationibus illustratum. Denique praefigendum curavi Auctoris nostri *Elogium* a *Jacobo Facciolas* V. Cl. mihi que longe amicissimo adornatum, editumque primum a *Jobanne Fabricio* Helmstadiensi in *Historia Bibliothecae* suae (a), qui ab eo illud acceperat simul cum Auctoris nostri Operum Syllabo usque annum 1720. editorum. Novi equidem, plenius ejusdem *Muratorii* *Elogium* memoriae traditum a *Jobanne Brukero* in *Decade II. Pinacothecae Scriptorum nostrae aetate litteris illustrium*, edita Augustae anno 1741. fol. jamque illud recudendum statueram: at animum tandem e sententia dimovit duriusculus Germani Scriptoris stilus; qui majorem sane apud eruditos viros gratiam iniisset, si quemadmodum suam *Pinaco-*
Tom. X. P. I. c thecam

(a) *Part. IV. pag. 365. 388.*

thecam adornaturus, personati *Jani Nicii Erybraei* viri disertissimi exemplum fuit secutus, ipsum quoque blandissime loquentem imitatus fuisset.

Habes rem omnem, oculissime *Lugiate*. Fac igitur, amabo te, ut istiusmodi lucubratiunculam accipias velut mei erga te amoris, quin & meae in te observantiae testem. Id unum est quod me plurimum mulcere potest, quodque in votis maxime gero. Et quidem, quae tua est humanitas, spero abs te id factum iri quam liberaliter. Pergamus porro in amicitia coepta, & in iis unde illa orta, id est virtute litterisque, quibus nihil homini dulcius utiliusve. Hoc unum etiam atque etiam abs te peto, ut missis hisce studiis strigosioribus quam nostrae aetatis nitor postulat, ex quibus, ut nuper accidit, aemulos & obtretractores tibi conquiras; in ea reverenda sacrae Antiquitatis te conferas penetralia, unde nihil nisi divinum promere licet, nullaque livoris vis atque simulas te ipsum deturbare potest atque dejicere. Ut in eam cogitationem sedulo incumbas, id ego per ea quae tibi jucundissima sunt in vita, per fidem tuam, per hanc te denique dexteram oro atque obsecro: quod quidem pergratum mihi erit, perque jucundum. Hanc meam, quaeſo, in te admonendo libertatem aequi bonique consule; quam quidem & amor erga te meus, & sacrae necessitudinis jura non tantum postulare, verum & flagitare mihi videntur. Ego enim te unum cogito, quem in oculis gesto, cujus oratio vultusque mihi qua legenti qua scribenti ante oculos dies noctesque observatur, cujus denique desiderium impotentissime fero; ita sim salvus: nihilque proinde mihi optatius contingere unquam poterit, quam ut te amplectar & dissuaviter, carissimum mihi caput, animae dimidium meae.

Aniequam manum de tabula, quoniam adhuc te alloquor, id unum adiciam, ut Illustrissimo Antistiti apud quem plurimum vales, cujusque virtutem, doctrinam, vigilantiam ac reliquas Episcopo dignas dotes suspicio & maximi facio, hominem tibi conjunctissimum ita commendes, ut facile intelligam, nullam commendationem tibi mea esse poriozem. Si id abs te impetravero, scias velim magnam te mehercule initurum a me gratiam. Nimis languide: proprium me tui fore mancipio & nexu. Sic sum. Utinam vero aliquando tantum virum reque apud illum coram videam: & videbo; ita vivam & valeam. Interim hoc stude unum, dulcissime *Lugiate*, ut te quam diligentissime serves, & me redames, qui te amo ex animo. Vale multum deliciae meae, cum tuis. Dabam Venetiis, e Museolo nostro, iv. Eid. Martias, Ann. CID. ID. CC. LII.



ELOGIUM

LUDOVICI ANTONII MURATORII

A V. CL.

JACOBO FACCIOLATO

ADORNATUM. (a)

„ **L**UDOVICUS ANTONIUS MURATORIUS Mutinensis natus
 „ est (b) XII. Kal. Novembris, Anno Aerae Christianae
 „ 1672. Litteras primo didicit a Patribus Societatis Jesu;
 „ tum in Scholis Universitatis Mutinensis Philosophiae,
 „ Jurisprudentiae ac Theologiae operam dedit.
 „ Adoleicens eam sibi & eruditionis & Linguarum peritia famam
 „ comparavit, ut Mediolanum accitus fuerit vix duos & viginti annos
 „ natus ab amplissimo viro *Carolo Comite Borromaeo* ad curam
 „ celeberrimae Bibliothecae Ambrosianae; ubi Codicum MSS. Librorumque
 „ excusorum copia vires addente, brevi edere coepit doctrinae ac
 „ industriae suae monumenta (c). A Mediolanensium finem, quos ipse
 „ diligebat ab ipsis dilectus, divelli se fortasse numquam
 „ siviisset: verum ad Patriam revocatus a Serenissimo Duce Mutinae
 „ *Raynaldo I.* (d), ejus Bibliothecae atque Archivo praefectus est
 „ (quod munus etiamnum gerit); eidem carus, ac subinde ab ipso
 „ delectus, ut Serenissimo ejus filio primogenito *Francisco Mariae*
 „ Principi Mutinae Philosophiam morum explicaret. Interea novis
 „ in dies ingenii sui foetibus Litterariam Rempublicam auge-

C 2

„ re non

(a) Ex *Historia Bibliothecae Fabricianae*, Part. IV. pagg. 365. 367.

(b) Vineolae, illustri oppido Ducatus Mutinensis.

(c) Anno scilicet 1697. *Ancelotorum Latinorum* volumen I. & anno insequenti volumen II. publici juris fecit, dum adhuc Mediolani degeret. Haec prima ingenii Muratoriani specimina.

(d) Anno 1700.

„ re non destitit. Atque inter cetera, quum gravia intercessissent
 „ diffidia inter Romanam Curiam & Augustissimum Imperatorem ob
 „ Comaclensis urbis ditionem, dudum Estensis Imperii Vassallis
 „ ab armis Pontificiis ereptam, & a *Josepho I.* Caesare recupera-
 „ tam; coactus est *Muratorius* in arenam descendere pro Principe
 „ atque hero suo Mutinensi Duce: qua occasione, accuratius quam
 „ antea, investigatum est, num veteres Augusti jura Supremi Do-
 „ minii in Provincias olim Ecclesiae Romanae donatas retinuerint.
 „ Praeterea in aliis argumentis cum Litterarum humaniorum, tum
 „ Historiae, Theologiae, Critices atque Pietatis, modo sub suo,
 „ modo sub *Lamindi Pritanii* nomine se exercuit Vir solertissimus
 „ ea sui nominis celebritate, ut pleraeque *Italicæ* Academiae ipsa-
 „ que Regia Societas *Londinensis*, quae ejus Libros cum plausu ex-
 „ ceperant, certatim eundem in suum Socium cooptarint, atque a-
 „ pud Eruditos Italicos simulque externos illius commendatio late
 „ sonet. Sed & alia ex ingenio *Muratorii* expectanda videntur, ni-
 „ si valetudo, qua plerumque debili atque infirma utitur, ejus con-
 „ silia turbet. Quum enim jussu Principis sui diversa per Italiam
 „ itinera suscepit (a), ut *Estensis* Familiae singularem antiquitatem
 „ certioribus, & non fabulosis monumentis illustraret, ipsamque in-
 „ victis argumentis ostenderet eandem habere originem ac stipitem
 „ cum *Brunsvicensi*, quae nunc in Magna Britannia regnat: ex Ar-
 „ chivis non facile penetrabilibus depromsit ipse non pauca veneran-
 „ dae vetustatis documenta, e quibus, si edantur, Italicae historiae
 „ affulgere lux major poterit. Et sane post *Antiquitates Estenses*
 „ jam evulgas, sperare nos ille facit *Italicas*: quod ut perficiatur,
 „ optandum summopere est. A pueritia Clero addictus, Sacerdotio
 „ deinde auctus, ac demum *Pomposianae* Mutinensis Ecclesiae Prae-
 „ positus (b), nunc temporis non suo tantum Principi, sed & Regi
 „ Regum Deo servire contendit."

Haftenus eleganter, ut affolet, disertissimus *Facciolatus*. Cui
 quidem eloquenti Elogio si reliquam Vitae *Muratorianae* historiam
 vellem adiicere, pretiosae fane vesti villosum pannum adsumerem.

VIRO

(a) Anno 1714. & seq.

(b) Anno 1716.

VIRO ILLUSTRISSIMO D. D.
JOANNI PAULO BIGNON
 ABBATI SANCTI QUINTINI
 REGALIS ET COLLEGIATAE S. GERMANI ANTISSIODORENSIS
 D E C A N O
 COMITI CONSISTORIANO

Utriusque Academiae Inscriptionum & Scientiarum Praefidi &c.



P R A E F A T I O.



Nae aliquot annos ad umbilicum mihi perductus est meus iste de Ingeniorum Moderatione Liber. Cur is tandiu apud me dormierit, & tam sero in lucem prodeat, non optimum Horatianum consilium in causa fuit, sed exemplaris diu vagi, ac tandem deperdisi, nonnullorumque aliorum eventuum series, in quibus explicandis non est cur ego Lectores molesta & fortassis inutili narratione detineam. Illud quidem, & alta voce, mihi prodendum, nempe tua unius humanitase, **ILLUSTRIS-SIME & CLARISSIME VIR**, denique factum, ne Liber iste adhuc dormias, atque delitescat. Felices temporibus nostris Litterae, quae **LUDOVICUM MAGNUM** Galliarum Regem habuere Patronum, ejusque liberalitatem adeo sensere, ejusque auspiciis tantum crevere, ut nulla unquam actas oblitura sit magnanimam curam consiliumque optimi Regis. Sed non minus felices, quod Te idem Princeps, eximius ingeniorum aestimator, constitueris Regiae Scientiarum & Artium Academiae Praefectum, quo in munere nulli labori, nulli diligentiae perpercisti, ut in integrum Regnum, immo extra ipsius Regni fines propagaretur Discipularum omnium utilitas, & curaretur incrementum. Propterea & me, licet longe possum, tua beneficia invenerunt, quorum postremum non est, mea haec, qualiacumque sint, e tenebris tandem



dem erepta emergere in publicum diem. Nulli igitur aequius quam Tibi meum huiusmodi foetum dicarum velim, quo si non eruditionis, certe mei erga Te grati animi monumentum aliquod apud posteros exisset. Sed priusquam Te ac Lectores deducam in argumentum mihi susceptum, iuvat nonnulla praefari, originem & scopum Libri ipsius aperitura.

Jam fluxere aliquot anni, ex quo coepi sunt in Officinis Batavis proelo iterum committi, vulgarique per totam fere Europam praeclarissimorum virorum Libri, quorum exemplaria rarissima aut frustra conquirere, aut magno redimere necesse jam erat. Ex magnopere quidem, fateor, mihi suum consilium ille probaverat, qui non tam tantum Typographis Amstelodamensibus injecerat mentem, sed & suam conferebat operam, ut si non omnibus purgata mendis, elegantissime saltem omnia formis aeneis rursus describerentur. Nam cur huiusmodi beneficium, in aliquod bonarum Artium commodum, & in Eruditorum utilitatem cedens, non aniem & laudem a Batavis profectum, laudaturus & anaturus in nostris? Verum non heic steris ejusmodi cura; quippe nonnullis optimis Libris appositae quaedam laciniae fuere, seu Notae Censoriae, non parum quandoque fellis & veneni continentes, dum lucis praeferebantur alienis tenebris, aut errorum tollendorum unica praetextitur causa. Qua in re quum modica interdum modestiae ratio fuerit habita, ipsaque Religionis sacra impetita fuerint: usique dicendum, pro beneficio levi Scriptoribus nuper editis injuriam gravem esse illatam; & quod est ad Catholicam saltem Professionis viros, male de iis meritis fuisse Censorem huiusmodi.

Omnium autem vice memorandae mihi sunt Animadversiones, quas ille sub emensito Joannis Phereponi nomine in S. Augustini Opera, anno 1703. Antverpiae, sive Amstelodami evulgavit. Quanta, & quam iusta hac usque nomini, & ingenio & pietati sanctissimi hujus viri existimatio & veneratio accesserit, tot saeculorum auctoritate, & tot Scriptorum non Oribodoniae solum, sed & Heterodoxae Familiae consensu firmata, nemo est nescius. Augustini doctrinae assurgebant, assurgunt adhuc fere omnes, contendentes hinc nobis, inde Protestantibus, suffragio tanti Magistri positae tueri sententias. Quando alicui placuit & satius visum est ab Augustini mente recedere, id certe ita factum, ut nequaquam ejus famae ac scientiae in reliquis sententiis officeretur. Qui vero tanto pudore omni dejicere Augustinum de acquisiti splendoris & dignitatis culmine conati sunt, nihil minus quam tenerarii hucusque habiti. At nulla rex Phereponum deserrere potuit,

poruit, quominus Augustino diem diceret, atque in illum impune debaccharetur contumeliis & flagris. Non illius dicta quaedam, non aliqua tantum sententiae per ipsum improbarae, sed generale Augustini gloriae indictum est bellum, nihilque praetermissum, quo cum illius ingenium, si Superis placet, sophisticum, & captiosum, & imbecillum, tum ejus animus a malis etiam artibus quodammodo non abhorrens, atque in Religionis perniciem paene conjuratus incautus Lectoribus exhiberetur.

Atque hinc Proborum atque Eruditorum querelae adversus Pheroponum, sanctissimo Episcopo adeo insensum, simulque flocci facientem in uno Augustini consensu tot hominum iudicia Augustino faventia. Et quamquam persuadere sibi aut aliis fortasse is possit, se veritatis unius amore, quae omnibus praefenda est, in Augustinum irruisse; vix tamen eris, ut persuadeat, se non excessisse in eo agone modum ac moderationem honestae Censurae. Et minime id mirum multis visum est. Nempe famam aucupanti nulla occurrat ratio facilius, quam Censuram agere, & potissimum in Scriptores diuturni temporis, ut ita dicam, auctoritatis sacros. Quod enim est ad Criticos non paucos, ubi errores in magnis viris deprehendisse sibi visi sunt, tum sibi tacite gratulantur, quasi ingenio aut iudicio praestantiori polleant ipsi, & aliqua saltem ex parte vincant tot ingeniorum victores. Vicissim vero, ut Tacitus ait Lib. 5. Ann. Obrectatio & livor pronis auribus excipiuntur, & a Lectoribus plerisque amantur chartae dentatae, & summorum virorum ludibria. Nam interdum quidem Censura aliena iudicio nostro prodest, semper autem nostrae ambitioni blanditur, quippe depressis proceris arboribus, vel ipsa virgulta sibi crescere confestim videntur. Quid, si cum celebratissimi Auctoris Operibus Censura ipsa conjungatur? Tum profecto certissimus ad famam captandam Censori est gradus; velint enim, nolint, si Libros illos comparare sibi Eruditi in animum inducant, auctarium quoque emant oportet, & hominem noscant inclarescentem ex inimiciis magnorum virorum.

Quod est ad me, ut primum in manus meas Pheroponi Opus pervenit, illudque legi; non posui, fateor, quin improbarem, simulque dolerem consilium ac laborem Scriptoris adeo confidentis. Neque sane is ego sum, qui in Artem Criticam odio ullo ferar. Immo ipsam tanquam necessarium eruditi hominis ornamentum plurimi facio, ejusque scientiam, rectumque usum in aliis suspicere, mihi vero optare non desino. Loquor de Arte illa, cuius ope ac regulis in re Litteraria vera a falsis, recta a pravis dijudicamus, & quae omnium fere Artium

Artium atque Scientiarum isa comes esse debet, ut sine illa ad perfectionem vim assurgere valeant; non quae cum satyra atque obtruncatione confusa, nostris temporibus molesto nomine traduci solet apud ignarum vulgus. Id etiam prae oculis mihi positum, Religionis diversitatem causam esse non debere, ut nobis Censura quaevis continuo displiceat. Solent autem nonnulli sine discrimine fastidire ac improbare, quicquid ab alienae Religionis homine scribitur, atque illis perinde est Librum averfari, ac nomen Auctoris Acatbolici novisse. At mihi impia quidem Haeticorum dogmata perpetuo displiceant; sed nunquam displiceat Veritas vel in Haeticorum ore. Numquid enim quaecumque ab Heterodonis dicuntur, ea omnia continuo pro falsis ac impiis habenda? Praeterea ne eo quidem nomine Pherepono succensendum, quod is male sanctum Augustinum habueris, virum nempe illum, cuius fama neque laudibus crescere nostris, neque alieno livore imminui jam queat. Quamquam enim Augustinum supra quamplurimos Ecclesiae Catholicae Patres veneremur, supra illum tamen Veritatem esse colendam constat. Nimirum sancti Patres, sigillatim summi, potius testes quam Magistri Veritatis sunt appellandi; & si quidem Magistros appellare placeat, nunquam tamen eos falli nescios reputabimus. Quare si stes a Consore Veritas, cum illi irascamur, nos, & Augustinum meliora docenti? Unum ergo fuit, quod Phereponianum Opus ingratum mihi fecit, nempe Veritas, ut mihi videbatur, atque videtur, ab ipso interdum oppugnata, interdum etiam exagitata & onerata conviciis. Cum vero injuriae Veritati uni illatae palam, ad omnes pertineant Veritatis amantes; & obsistendum sit morbis pejora minantibus: hinc mihi natum consilium texendae Apologiae, qua consulerem tum Augustini famae, tum Veritati laceffitae.

Sed ne heic quidem consistendum mihi arbitratus, in ampliorem agonem sensim pertractus sum, cuius rationes significatur nunc pergo. Usi nemo non videt, atque ab experientia edocemur esse potest, immo saepe est, Criticae, alioqui laudabilis atque utilissimae Artis, perversus usus; & quemadmodum Medicina, Eloquentia, Dialectica, atque aliae Artes Dei immortalis munere hominibus datae, nocere interdum solent, non sua, sed abusentis culpa; ita hominum vitio Veritati nonnunquam officio Critica, quanquam in ipsius praecipue Veritatis praesidium excogitata. Est sane dum Litterarum studiosus laxatis habentis ad inquisitionem Veri se confert, nullumque ambizioso ingenio limitem praefcribit: quid mirum, quod tot ac tam pertinaces Haereses atque errores sobolescant, latinsque serpsant in dies? Qua de re satem docendum

Tendunt magis est nobis, sollicitique esse debemus, quam de Augustini fortuna. Neque contumeliose agam in tot populos ab Ecclesia Catholica eorum matre per seeterrimum Schisma viciusque divisos, si dixerō, nullam aut antiquitus excogitatam fuisse, aut excogitari nunc posse Opinionem perversam atque impiam, cuius non sit, aut fuerit apud illos Patronus aliquis, ac superbissimus Praeco. Non id quidem, inquit ipsi, vertendum est vitio Reipublicae. Verum, quando sentire quae velis de Fidei dogmatis, & Veritatem inquirere, nullis adhibitis salutaribus frenis, aut licet, aut impune apud eos licet, aut saltem ex eorumdem sententia licuit suarum Sectarum Conditoribus; & quum ex his nunc nemo sibi minus, quam olim Lutbero & Calvino, licere credat, ac velit: cur sanctae licentiae, tantorumque malorum non postulemus ipsam quoque Protestantium Rempublicam?

Integram tamen hanc pessimam gloriam non occuparunt Acatbolici. Numerare & nos possumus naufragia in pelago nostro. Ut enim quisque ingenii viribus supra vulgus pollere se sentit, tum cupidine laudis abreptus consensit opinionibus cum Eruditorum vulgo vile ducis, moleste fert atque recusat, omnemque spem gloriae collocat in sola novitate doctrinae. Ac etiamsi id genus hominum eo usque non prolatabatur plerumque, ut ab arce Fidei & Ecclesiae Catholicae deficiat: plurimae tamen turbae eorum audaciam consequi solent, a quibus abstinere viro prudenti expedit, & probo sit necessarium. Quae quum ita sint, nullo negotio intelligimus, quale onus & cura amatoribus vocae Sapieniae incumbat: nimirum non tam Scientia quaerenda, quam Scientiae modus ac terminus. Si enim hoc negligimus, veram quidem Scientiam semper investigabimus, raro inveniemus. Et quoniam in Religionis negotio nostra potissimum versatur oratio, quippe in eo sita est Christianae Vitae summa, eoque tendere debet Discipulorum omnium postrema linea huc inflexenda est, huc erudiendus est animus, atque in primis intelligendum, quae sint inquirendae Veritatis confinia, & quae adhibenda sit in sancta re Ingeniorum Moderatio. Quare impetrare tandem a me non potui, quin ad recolendas eas regulas me conferrem, quas a Pheroponi contentas potius quam ignoratas doleo, & quas perpetuo ante oculos sibi fistant ceteri Eruditi necesse est, si volunt in officio continere intemperantia ingenia, & ad Veritatis sacraria tutissime, ac sine periculo famae aut animae, contendere. Has autem leges dari, & si dentur, omnino discendas ac servandas nemo neget. Qualem enim secundum exitum expectemus a studiis nostris, & ab anna inquisitione Veritatis, nisi ante omnia sit

exploratum, quousque meditationis nostrae conatus progredi debeat, & ubi consistendum sis ingeniis plerumque ambiciosi? Tolle istas leges, aut flocci pende: senties Artem Criticam non minus perniciosam quam gladios, morborum quidem curatores in Medici prudentis manu, ac in furiosi hominis funerum auctores. Igitur huiusmodi consideratio in causa fuit, cur susceperim de Ingeniorum Moderatione in Religionis negotio utilissimam, quantum mihi videtur, disputationem; quam utinam pro merito suo, & appositae ad nonnullorum indigentiam pertrahere possem.

Sed ne tanto quidem spatio meus animus consensus esse aut potuit, aut debuit. Irascere mihi non pauci, quasi compedes novos excogitarem, novaeque vincula ingeniis injicerem, quando iam tot injecta videntur, ut de veteribus potius minuendis, quam de novis addiciendis cogitandum foret. Quorsum enim (insuffrarent mihi in aurem Catholicis quidam) tu inter nos commendare, diligenterque suadere Moderationem Ingeniorum, non solum legibus bene multis in Ecclesia Catholica constitutam, sed etiam (& fortasse ultra quam vellemus) diversis rigidisque poenis procuratam? Si quid apud nos peccatur, nihil minus peccatur, quam sentiendi & scribendi licentia. Contra vero quum ingenia interdum erumpere prae metu non audeant, & ab amplificando Regno Eruditionis & Veritatis nimium cohiberi videantur: cur non potius de Ingeniorum Libertate insituitur sermo? Cur memorantur frena, quibus calcaribus est opus? Atque haec quidem e Catholicorum parte audire mihi video. Tum longe gravioribus querelis ac differtis nobis insultaret Protestantium Cborus. Nam quid, rogo, illis tam familiare est, quam aut dolere, aut ridere Catholicorum sortem in Litteris excolendis, & in sententiis de Religione praefendis, plane, ut ii arbitrantur, abjectam atque infelicem? Nos e filiis evasisse vilia mancipia passim clamant; supremos vero Ecclesiae Pastores tyrannidem usurpasse in ingenia, in conscientias; neque ferendam inertiam nostram, uti neque eorum crudelitatem. Plura ante paucos annos efferebat in hanc rem Joannes Alphonfus Turretinus Academiae Genevensis Rector Oratione edita. Postquam multis ille contendit, ne umbram quidem apud nos esse Libertatis, haec addebat. Et unde fieri existimatis, ut tot tantaeque Europae gentes, quibus tamen nec caelum inclemens, neque noverca est natura, nihil fere bonae frugis ad Litterarum augmentum proferant, nisi quod immane illud Inquisitionis Tribunal, vel Inquisitionis aemulae Leges, omnem plane vim, omnem industriae conatum frangant? Contra, unde

unde fit, ut non alibi plura ingenii monumenta exstent, quam in Borealibus quibusdam Regionibus, nisi quod ibi majori tum corpora, tum ingenia libertate utantur? Etenim quis Litteras promoveat, quis veritati querendae incumbat, quis inventam publicare auit, dum pro laudibus convicia, pro commendatione dedecus, pro mercede poenas ac supplicia suis laboribus parata videt, si vel tantillum a calcato tramite recedere sustinuerit? Et quis erit, qui suadeat (ut scite Darius apud Curtium lib. 3.) si suasisse periculum erit?

Ita ille, ita reliqui ejusdem gregis. Quorum quidem querelas, si in hoc Opere dissimulare velimus, & eorum confirmabitur sinistra de nobis opinio, & ipsam Veritatem ingenti beneficio fraudabimus. Sunt sua non Veritati minus, quam Ingeniis jura inter homines, quae bene nosse ac suavi ac neminem magis persines, quam ad Catholicos viros. Jus autem inquirendi Veri, & palam enuntiandi a natura nobis insitum, omniumque Majorum exemplo atque auctoritate commendatum, latissime patet, neque a nobis sine injuria negligi potest. Quamvis enim ab immoderata inquisitione Veri, multa in Ecclesiam Dei manarint incommoda, quibus praecipue occurrendum est hac nostra lucubratione; ea tamen vicissim, atque adeo evidensia bona sunt, quae quotidie importat modicata, vereque Christiana inquirendi Veri libertas, ut non segnius ad hanc laudandam, & populis suadendam, quam ad illam incusandam, atque e medio tollendam, sis incumbendum. Est mea quidem sententia, si bonarum Litterarum augmentum, si Christianae Philosophiae, atque Ecclesiae dignitatem amamus, continuo intelligere possumus, quanti nostra intersit; cum nos & reliquos omnes incitare ad cultum scientiamque cuiuscumque honestae Veritatis, tum etiam probe noscere, quousque, & quomodo, & quando, aut liceat, aut expediat, aut etiam necesse sit Veritatem investigare, atque proferre. Quamobrem, quanquam facilius sit animo concipere utilitatem hujusce argumenti, quam rem ipsam deinde perficere: assamen dabo operam, ut quantum ego meditatione assequi poterō, jura & fines inquirendi Veri explicentur. Scilicet pro virili parte efficiam, ut honesta inearur naturali Ingeniorum Libertati cum Christiana Moderatione concordia, ne, dum nimis priorem constringimus, animi generosi, & ad Artes ac Veritatem illustrandam prout languescant; aut dum alteram contemnimus, effraenata mentium libido susque deque verrat beatissimum Veritatis regnum & Ecclesiam Dei vivi, quae columna est, & firmamentum veritatis.

Augu-

Augustino autem, qui primus meae menti obversabatur, meque in has cogitationes impulsit, suus identidem ac praecipue in Lib. III. locus erit, ubi illius defensionem suscipiam contra Phereponum; sed ita ut in me recipere nolim respondere singulis Phereponianae Censurae Capitulis. Sunt ibi minuta quaedam, quae si refellere velim, sim temporis prodigus. Sunt etiam alia quaedam pauca, in quibus me non firoris quidem communione, sed amore veritatis, Censori ipsi tacitus adjungam. Quotus enim quisque est, qui non aliquando fallatur, nisi divino peculiari afflatu mentem manumque scribentis regat Veritatis magister Deus? Erat Augustinus ad miraculum usque acutissimo ingenio instructus: at homo erat. Cum enim Litterarum peritia conjungeret ille praecipuum Pietatis studium: at homo erat. Quare non est cur miremur, si aut interdum dormitanti, aut etiam vigilanti exciderit aliquid quod libentius excuset, quam probes. Verum quae in illo notanda videantur, ejusmodi non sunt, ut vel sanctillam gloriam incomparabilis viri minuant; multoque minus Catholicae Veritati obsint. In reliquis autem majoris momenti quaestionibus, ubi ad dicendam causam, & ad ferulam subeundam Augustinum Phereponus trahit, vires mihi opo, & porro illas a Deo optimo maximo enixe peto, quibus quum Augustinum, tum Ecclesiam ac Veritatem a Pherepono vindicem. Qua in re illud mihi in votis est, ne qua in Phereponum ipsum ira, ne qua in Augustinum assensatio, me ab officio deducat honesti ac sinceri Scriptoris. Quod si forte contingat, ut videar interdum asperius quam velim inceperisse Phereponum, non hominis odio id factum fuerit, sed ardore protegendi Veri, quod ab eo lacsum non paucis in locis demonstraturum me esse confido. Nam etsi illius consilium in rigide insectando, contemnendoque Augustino minime probem, & ejus sententias, in quibus a Catholica Religione dissentit, vehementer exhorream; ejus tamen eruditionem & ingenium aliunde etiam mihi nota non aspernor, (a) eaque) & ego, si res posceret, laudaturus essem candidissimo iudicio.

Atque haec sunt, BIGNONI PRAECLARISIME, quae in hunc Librum jam tuum, quia tuo nomine inscriptum, praefari opportunum duxi. Nunc restat, ut ejus Auctorem Tui obsequentissimum, Tibique fausta omnia e Caelo precantem, perpetuo ames, ut facis, tuoque patrocinio dignari pergas. Vale.

Dabam Murinae IV. Kalend. Novembr. M. DCCXII.

DE

(a) AL. ejus Specimina.



DE INGENIORUM
MODERATIONE
IN RELIGIONIS
NEGOTIO.
LIBER PRIMUS.

CAPUT PRIMUM.

*Veri & Boni praestantissima natura. Nullum Verum est, quod quod
vere suapte natura non liceat, & discere non sit honestum. Quae
sententia ab objectionibus liberatur, & sancti Augustini auctori-
tate firmatur. Veritatum duplex genus: alterum scientiam, alte-
rum persuasionem parit. Ordo quidam inter Veritates. Quae po-
tissimum ad Religionem spectant, investigandae.*



E Vero ac Veritate locuturis in hoc opere, nul-
la nobis erit quaestio de Veritate illa, quae in-
ter morum Virtutes connumerata, Justitiae in
hominum commercio retinendae plurimum con-
ducit: Veracitatem peculiari & commodiori no-
mine appellamus; eaque sita est in concordia
enunciationis externae cum interno iudicio no-
stro, nempe quum lingua menti respondet, & fa-
lere nolumus alios, quamvis fortasse nos inscii vel iudicando, vel lo-
quendo fallamur. Aliorum sit de huiusmodi Virtute disputare. Nos
illius usum retinentes, de Vero agimus, sive de Veritate, quae ten-

Tom. X. P. I.

A

bus

bus ipsis inest, & Philosophiae, Theologiae, Eruditionis, aliarumque Scientiarum & Artium est scopus. Atque de isto Vero, cujus ditio latissime patet, ita heic agendum est nobis, ut omisissis supervacaneis utiliora solum ac necessaria tractentur. Erit igitur nobis ista divisio. Primo investigabimus, quae futura sint jura & frena quaerentibus Verum; tum quae tradentibus, sive alios Veritatem docentibus.

Quaerere autem Verum alicujus rei, nihil aliud est ex Eruditorum sententia, quam utrum, & qualis aliqua res sit, investigare. Verum invenire, nihil itidem aliud est, quam utrum, & qualis sit aliqua res, deprehendere. Quorum quidem primum nobis ratione utentibus unice consentaneum est, alterum vero plane jucundum. Immo tota ratio beatæ vitæ ac felicitatis, ad quam a natura instituti, volentes nolentesque contendimus, & per solam Christianam Fidem demum pervenire possumus, in cognitione Veri, atque amore Boni consistit. Bonum enim & Verum in Deo veluti in suo centro existunt, sive ut congruentius loquamur, Deus est ipsa Veritas ac Bonitas, quippe de se ipso ait: *Ego sum via, veritas, & vita*. Joann. xiv. 6. Quum autem æterna Dei clementia mundum condere voluerit, hominemque constituere tam admirabilis operæ spectatorem, Verum quoque & Bonum effudit in cunctas creaturas, ut quidquid esset, verum esset; & quidquid verum esset, saltem quatenus est verum, bonum etiam esset. Deinde humanos animos stimulis ingenitis ad quaerendum Verum & Bonum incitavit; ac proinde quemadmodum in illud motu perpetuo intellectus fertur, ita & in istud humana voluntas. Hinc Tullius lib. 1. Tuscul. Quæst. *Inest*, inquit, *mentibus nostris insatiabilis quædam cupiditas veri videndi*; & lib. 1. Offic. *In primis est hominis propria veri inquisitio atque investigatio*. Quod quum invenire nobis contingit secundum regulas a Christiana Fide præscriptas, tunc in terris felicitatem illam nobis inchoamus, quæ summa, perfecta, atque æternum duratura aliquando speratur in caelis.

Inquirendum igitur esse Verum, & natura suadet, & ratio docet. Nullum autem Verum esse arbitror in tanta varietate humanarum divinarumque rerum, quod generatim loquendo, quaerere nobis non liceat; & invenire non sit honestum. Paradoxum id prima fronte nonnullis forte videatur animo volentibus, quæ & quanta mala passim fluant e notitia quarundam Veritatum. Sed non secus statuendum ostendit veritatis ipsius natura. Nam quodcumque verum est, si mente percipiatur, intelligentiam vel scientiam parit in nobis,

gni-

animomque nostrum, luce sua modo parum, modo multum; sed semper aliquantulum, illustrat: quod certe homini semper est optimum. Et quis amabo neget, ignorantiam inter mala pernicioſa referendam? At iſtud malum, cujus nemo eſt expers, ab una intelligentia ac ſcientia depellitur, hoc eſt a veri cognitione. Proinde neceſſe eſt, Veritas ejuſque poſſeſſio, bona ſint maxime expetenda. Et ſane quando nobis contingunt, ad Sapientiam inſtrunt animum, propioreſque nos faciunt (quantum licet poſt tantam primi parentis ruinam) illi beatiffimae conditioni & mentis vivacitati, quam & nos conſecuturi fuiſſemus, niſi unus ille peccaſſet. Quod etiam evidentius elucet ex eorum beatitate, quos caelo Deus donavit. Quidquid enim mortalium genus intellectu conſequi fruſtra cupit, immortalibus iis ſpiritibus apertum eſt in Deo, beatamque illorum ſortem mirum in modum auget ac perficit. Neque miſerae, ut eſt apud nos, ignorantiae, ullus eſſe aut excogitari locus poteſt in tranquilliffimo illo ſcientiae & veritatis Regno.

Non defuturos tamen puto, qui hac in re haefitent, nobiſque occurrant hiſ fortaffe rationibus. Bona quoque ſunt omnia quae ſunt; & boni amer non Deo ſolum naturalis, ſed etiam homini ipſi eſt inſtitus, noſtramque poſſimum in aeterna vita felicitatem conſtituit: Nihilominus multa ſunt delectabilia atque utilia bona, quae amare homini in terris ſit neſas, & fugere atque exſecrari honeſtiſſimum. Viciffim igitur Veritates occurrere poſſunt, immo etiam occurrunt, rectis probeque inſtructis mentibus omnino evitandae, utpote quae nihil aliud, ſi percipiuntur, adferre poſſint, quam perniciem animis ad ſublimiora tendentibus. Et cui, quaefo, tam parum cordi ſit pudor, ut honeſtum cenſeat, tot vera facta, ac probra diſcere, quae unquam peregit ingenioſiſſima in vitiis hominum quorumdā Luxuria? Male procul dubio ſecum ageret, qui facultate oblata noſcendi, quaecumque in ſecefſu Capreenſi abs Tiberio Caefare perpetrata fuerant, menti ſuae committere vellet, neque averſaretur noſcere *ſcleria ſedem arcanarum libidinum*, ut Suetonii verbis utar, & *monſtroſos concubitus a Spintriiſ excogitados*, & omne genus libidinis, in quod ſe effudit impuriſſimus ille Princeps. Non eſſet hoc illuſtrare, ſed ſoedare legentis intellectum, & quiſque bonus nefandae huius veritatis potius ignorantiam quam ſcientiam ſibi optet. Ad haec, multa quidem mendacia, & fallaciae innumerae, ſed aliquae tamen fortaliſſ veritates in Magica Arte veneficiorum cantionumque magiſtra habentur. Eas vero diſcere, immo vel attingere, juſtiſſimis legibus

vetantur homines: quod & de aliis hujusmodi rebus dicendum fac-
currit. Itaque nihil minus verum videatur, quam quod nulla sit ve-
ritas, ad cuius inquisitionem convertere animum, ad cuius inventio-
nem laetari nobis non liceat.

Sed heic distinguamus oportet jura Veri & Boni, & quantum
spectat ad humanam naturam, & ad honestae felicitatis consecutio-
nem. Veri commercium cum solo Intellectu nostro esse potest; Boni
vero cum voluntate, ut cum Peripateticis loquar. Ejus natura po-
scit, ut intelligatur; istius, ut ametur. Et quanquam intelligamus
ipsum bonum, tunc etiam non aliud quam verum intelligimus, hoc
est animo percipimus veritatem alicujus rei, prout vere est aut ho-
nesta, aut utilis, aut delectabilis. Rursus amamus Verum, sed illud
amamus sub specie boni, & prout bonum est. Quum igitur natura-
le sit homini verum intelligere, & bonum appetere, seu amare, nul-
lum est Verum, quod noscere; nullum est Bonum, quod amare ex
natura sua nobis non liceat. Sed postquam in calamitatem maxi-
mam, quam nemo non sentit, conjecta est hominis natura, tum fa-
ctum est, ut duo turbarent; perverterentque saepissime nobilem cur-
sum Intellectus & Voluntatis nostrae. Ista duo sunt, Falsum & Ma-
lum, quorum uno Intellectus, ut ita dicam, corrumpitur ac laedi-
tur, altero Voluntas. E Falso in intellectum error manat, quum
nempe vera pro falsis, falsa pro veris accipimus & credimus. E Ma-
lo in voluntatem profluit peccatum, quum videlicet bonum tanquam
malum fugimus, malum vero tanquam bonum amplectimur & ama-
mus. At sicuti affirmare cogimur, cum notitia veri nunquam men-
tis adesse errorem, ita nihil dubitandum est, quin & inde abesse pos-
sit voluntatis peccatum. Nam quando alicujus malae ac inhonestae
rei veritatem discimus, non continuo: malum eligimus, sive diligi-
mus; sed illius rei veritatem, ejusque veritatis cognitionem amare
in nobis possumus, simulque rei malitiam, deformitatem, ac vitiosi-
tatem voluntate averfari & odisse in aliis. Quare non ex natura sua
Verum nocere potest, sed ex pravitate tantum hominis bono abu-
tentis; atque ea ratione, & nos concedimus, esse posse quasdam cir-
cumstantias, quibus positis, nefas sit homini quasdam Veritates per-
quirere; quum videlicet istae in pravam finem perquiruntur, aut ve-
risimile periculum subest, ne infirmitatem animi dicentis percepta
Veritas ad malum trahat, aut etiam sollicitet. Ita & bona sunt,
quae, positis quibusdam circumstantiis, male ab homine eliguntur, &
recte a Ratione vetantur. At id non accidit, quod Verum & Bo-
num

num mala unquam sint ex natura sua, sed quod Concupiscentia nostra iisdem abuti possit, aut abutatur contra ordinem a Deo constitutum, & a ratione, legibus nobis significatum.

Nihil est ergo, quod libidinosaе voluptatis flagitia in medium advocemus, ut ex eorum foedissimo aspectu Veritatem interdum fodere ostendamus. Certe ista curiose rimari aut periculum, aut crimen erit. At ne in istis quidem mala dicenda est spectata in se Veritas, quae semper honesta, semperque utilis esse potest, sive sit, & cognoscatur in vitiis, ut ab iis fugiamus, sive in rectis operibus, ut ad ea imitanda festinemus. Quippe in his, uti & in cognitione cujusque alius rei nefariae flagitiosaeque, duo attendenda sunt, Verum & Malum. Istud, quia voluntati perniciosum, perpetuo abhorrendum, nobisque evitandum: illud, quia erudiendo intellectum scientiam parit, nunquam, si spectetur in se, improbandum. Quanquam igitur nemini auctor sim, ut sine discrimine & moderatione in cuiuscumque Veri inquisitionem incumbat, attamen affirmandum reor, quidquid mali nonnunquam importat cognita Veritas, non Veri naturae optimae tribuendum esse, sed corruptioni humanae naturae, quae sibi parum cavens medicinas in venena convertit. Idque exemplis etiam constat. Nam si libidinis, quam (a) nobis) opposuimus, arcana cognoscere nefas esset, ratioque interdiceret, pessime profecto de nobis mererentur, gravemque honestis legibus inferrent injuriam, qui disciplinam morum prosequuti, Latine litteris tot experimenta luxuriae consignarunt, omniumque vitiorum, ut ita dicam, latebras excussere. Deinde sibi male prospicerent quicumque Catholico in Clero aures quotidie commodant poenitenti populo sua crimina accusanti. Ingenti demum periculo obnoxium foret eorum munus, qui Magicis artibus, aliisque criminibus evertendis praesunt; neque enim fieri potest, quin plurimum scelerum veritatem discant, dum damnant. Sunt quidem, quibus non satis probatur institutum & zelus Theologorum quorundam proferentium in lucem tot probra luxuriae, quam in eorum Libris non improbi minus ad malum, quam probi erudiantur ad bonum. Sed ad propositum nostrum scire hoc sufficit, alia utique esse discendi veri, alia tradendi jura. At certe Sacerdotes & Magistratus in Ecclesia Dei constitutos ad audiendas piorum Christianorum confessiones, & ad eliminandas Magicas Artes, aliaque populorum flagitia, nemo sanae mentis insimulet eo nomine, quod veritates

(a) Praecedentes editiones constanter, *de nobis*. In postrema tantum deleta praepositio. Cur autem superioribus addita, viderint Lectores.

tates quidam ediscant, quas ignorare praestet, quam scire. Discunt ii Medicorum more vulnera & vitia, quae in aliis sanent, in se non admittant; & dum alienae profunt voluntati, non metuunt suae.

Quae hactenus deduximus ad commendandam Veritatis indolem, semper in se honestam, & nostro solum vitio interdum perniciosam, multorum auctoritate confirmari possunt. Unus tamen instar omnium erit mihi S. Augustinus. Quaerit ille Cap. 1. lib. 1. de libero Arbit. num quid mali esse possit disciplina, seu discere, quod discipulorum est, uti Magistrorum doctrina, sive docere. *Quis audeat*, respondet Evodius, *dicere malam esse disciplinam? Mibi bonum viderur.* Cui Augustinus: *Bene sane, siquidem scientia per illam datur, aut excutatur; nec quisquam nisi per disciplinam aliquid discit.* Ubi vero addidit, se arbitrari, nulla mala, immo nihil nisi bonum, per disciplinam percipi, frustra querendum ait, *a quo male facere discamus; siquidem non discuntur mala; aut si discuntur, visanda, non facienda discuntur.* Quum tamen Evodius dubitare videretur, aliam esse disciplinam, per quam bene facere, aliam per quam male facere discamus: *Saltem*, inquit Augustinus, *intelligentiam nonnisi bonum putas.* *Istam plane*, reponit Evodius, *ita bonam puto, ut non videam, quid in homine possit esse praestantius, nec ullo modo dixerim aliquam intelligentiam malam esse posse.* Hinc Augustinus dicere pergit: *Sic ergo omnis intelligentia bona est, nec quisquam qui non intelligit, discit: omnis qui discit, bene facit; omnis enim qui discit, intelligit; & omnis qui intelligit, bene facit.* Dum autem intelligentiam quamlibet Augustinus laudat, utique intelligentiam, disciplinamque Veri significat; neque enim Falsum disci intelligive proprie dicitur: Itaque perspecta institutione naturae ambigendum non est, quin generaliter loquendo liceat homini Verum quodvis indagare, sibi quae etiam de illius inventionem gratulari, dummodo alte in animis nostris haereat semper essatum istud: *Bonum quidem esse omnia scire, sed non omnibus uti;* & Veritatem earum non esse nobis curiose comparandam notitiam, quae illustrare quidem intellectum possint, sed voluntati perverae faces simul ministrare ad flagitia.

Nunc progrediamur. Amplissima Boni & Veri familia in quamplurimas classes dividitur. Nos ceteris divisionibus dimissis, & de solo Vero loquentes, Veritatem nunc dividimus in duas acies. Siquidem altera est Veritas, quae scitur; altera, quae creditur. Priorem in nos immittit accuratus usus externorum sensuum, ubi ad eorum fidem accedat examen, atque consensus rationis, aut quando illam
ipsa

ipsa ratio detegit, adhibitis in consilium & praesidium artibus, omnibusque Logices, & Scientiarum documentis. Alterius Veritatis, quae creditur, compotes nos faciunt probabiles & verisimiles rationes, aliena auctoritas, seu famae traditio non temeraria, ad nos transiens per Historias germanas, per majores & aequales nostros fide dignos, perque alia humani commercii subsidia. Ut autem posterioris hujus Veritatis notitia solet appellari Persuasio, cujus tamen interdum ejusmodi est vis ac pondus, ut firmitatem, assensumque in intellectu non minorem, quam altera obtineat & exigat; ita prioris Veritatis cognitio strictiore vocabulo Scientia nuncupatur. Nihil enim moramur, quid Arcefilas, quid Carneades, & Pyrrho cum toto Scepticorum Academicorumque grege obloquantur, qui quum ceterorum Philosophorum cautissimi esse vellent, aut videri affectarent, omnium ineptissimi evaserunt, pejora deliria amplexi; nam sublata proterve omni Scientia, ne hoc quidem, quod certe par erat, fateri cum Socrate amarunt, se hoc unum scire, quod nihil scirent. Horum sententiam & tempus exarmavit, & ratio recta dudum confecit, nostrisque praecipue temporibus ridendam exhibent tot Artes, disciplinaeque late regnantes. Et sane, ut cum Lactantio loquar lib. 3. cap. 6. div. Inst. *Nos omnia scire non possumus, quod est Dei: at neque omnia nescire, quod pecudis. Est aliquid medium, quod est hominis, idest scientia cum ignoracione conjuncta & temperata.* Illud quidem, sed non sine dolore, fatendum est, in comparatione ignorantiae perquam curtam fuisse, semperque fore, hominibus suppellectilem Scientiae. Quemadmodum enim honesta bona, quae amanda sunt nobis, facile noscuntur, difficile amantur; ita & Verum, quod noscendum sciendumque nobis esset, facile ab omnibus appetitur ac amatur, at difficile invenitur & noscitur. Nihilominus multas Veritates heic intelligi & sciri, nemo nisi inverecundae frontis neget, nisi mentis infirmae non sentiat. Latius longiusque etiam patet earum Veritatum campus, quas, non scimus quidem sed credimus, Opinione scilicet; non Scientia ducti. Medium vero inter Persuasionem & Scientiam, tenere locum, & cum utraque participare videtur Fides, quae Religionis verae firma persuasio est. Accedit ista ad prioris naturam, robore vero vel ipsam superat Scientiam, quippe e caelo delapsa, divinaque auctoritate nixa, animos hominum beatissime allicit & vincit, ibique tali insidere vi solet, qualem nulla hominum violentia; nullus mortis terror vincere aut infirmare deinceps possit. Uti vero in dilectione bonorum, ita etiam inter tam diversas Veritates hic

ordo

ordo constitutus est, ut infimum pretium & locum obtineant, quæ ad Corpus pertinent infra nos positum; medium, quæ ad rationalem Animam; supremum vero, quæ ad beatam immortalitatem animæ, corporisque olim resurrecturi spectant. Et quum nihil sine ordine aut pulchrum, aut perfectum esse possit, tum præceptis suis Deus conditor, tum ratio magistra, & natura nutrix interna pulsatione nos ad hunc ordinem in Veritatis investigatione servandum quotidie impellunt, atque hortantur. Nempe ante omnia, ut in Evangelio præcipitur, *quaerendum est Regnum Dei*, ad quod studium refertur in primis Veritatum illarum inquisitio & cognitio, quibus ad regnandum cum Deo aptissimi efficitur. Deinde Eruditio animi, Scientiarum splendor, atque humana Sapientia prae ceteris deligenda atque aestimanda sunt, ne qui ratione bestias superamus, miserabili ignorantia nos ad illarum conditionem demittamus. Postremo comparandæ Veritates, per quas corporeæ vitæ creari possit incolumitas, ornamentum, atque honesta voluptas. Sed quota pars hominum est, quæ eximius iste ordo servetur? Eorum plerique toti sunt in inquirendis infirmis veritatibus, nihilque solliciti de illustrando beneque informando per Sapientiam animo, totam felicitatis rationem collocasse videntur in scientia & usu voluptatis corporeæ, commodisque terrenæ vitæ. Alii vero ita se quibusdam Scientiis, disciplinisque liberalibus tradunt, atque ita in iis habitant, ut, si non contemnere, at oblivisci certe videantur potissimum humanæ vitæ negotium. Si Græcarum, Romanarumve Antiquitatum peritos, si humani Juris, aut Physicæ, aut Geometriæ se scientissimos, si in mitioribus Litteris se ingeniosos, & in disputationibus acutos efficere & prodere possunt: tum sibi mirifice plaudunt, facileque seponunt omne studium Veritatum illarum, quarum scientia & meditatio probos in hac vita, beatissimos in altera homines facit. Ab utrisque igitur peccatur, non propterea quod infimis aut mediis Veritatibus deus operam, (verum enim discere ex sua natura malum non esse jam constituimus) sed quod in summis quoque addiscendis & contemplandis, parem, five majorem non ponunt operam, ordinemque divinitus constitutum aut tanta socordia posthabent, aut tanta ambitione evertunt. Hinc Augustinus in lib. de util. credendi, cap. 11. *Intelligere, inquit, semper sine vicio est. Intelligere magna, & honesta, vel etiam divina, beatissimum est. Intelligere autem superflua, nihil nocet, sed fortasse discere nocuit, quum tempus necessariorum occuparetur.*

In

In tanta ergo Veritatum copia distinguendae praesertim sunt delectabiles a necessariis. Nam delectabilium quidem Veritatum ignorantia laude saepe careat, nunquam culpa censeatur; ignorare vero necessarias Veritates, non tantum culpae datur, sed etiam in maximas miseras hominem devolvere solet. Quare a nemine prudente vituperabitur, qui canendi, pingendive, ciborumque Apicianæ industria parandorum scientiam negligat, tametsi multa inde corpori obvenire possit delectatio; contra vero desipere dicatur quodammodo, qui quid corpori noceat, quid valetudini sit necessarium, quaeve pericula immineant, plane ignoret, & discere nolit. Quis non sentit, quantopere corporis nostri curam nobis natura commendet? Ejus profecto sollicitatem odisse, & sine gravi consilio, aut sine verae Fidei Virtutisque conservandae causa, nos ab ipso liberare, infirmi nimium & aberrantis animi est, legibusque adversatur a Deo, atque a natura positis. Simili ratione vitio nobis nequaquam vertatur, si a Mathematicis Disciplinis, si ab Artibus liberalibus, si ab Historiae profanae Physicaeque studio abstineamus, quamvis ingenti cum delectatione hisce adminiculis excolatur animus & amplificetur rationis regnum. Et contra nemo nos excusatos habeat, ubi ignoremus & cognoscere nolumus, quae officia, quae virtutes, qui mores exigantur a legibus, tum ad prudenter honesteque vivendum, tum ad continendam societatem humanam. Ex quo enim nos natura fecit, non bruta, sed ratione utentia animalia, neque solitarios esse voluit, sed propinquis, amicis, civibus, ceterisque mortalibus per domos, per urbes, per diversa jura & commercia conjunxit; tunc imposita nobis necessitas ea noscendi atque intelligendi, quae honestatem vitae alant, quae prudentiam adferant, quae nos in omni officiorum genere peritos expeditosque efficiant.

Nihil autem hominibus magis futurum est cordi, quam ea perspecta habere, quibus erudimur in veri Dei Religione. Ad beatam aeternitatem nos perducere potest una Religio, nimirum credere, quae de Deo credenda sunt, & Deum colere ac amare eo cultu & amore, quem ipse nobis praescripsit. Itaque quum Religio vera, tum singulae istius Religionis veritates prae omnibus inquirendae sunt nobis, inter quas tamen aliae necessariae, aliae utiles tantum & delectabiles. In comparatione istius Veritatis quidquid splendoris, quidquid utilitatis in humanarum Disciplinarum curriculo habetur, inane est, & stocci faciendum, ut non injuria insipientissimos omnium & infelicitissimos appelles tot veteres Philosophos ac Sapientes, quos æ-

Tom. X. P. I.

B

terna

terna quidem fama nobis commendavit, ignorata autem sive contempta Religio vera abjectissimos in oculis Dei constituit. Quod si tantum est Religionis negotium, ut cetera prae illo negligenda, & posthabenda videantur; dubium non est, quin omnem ad illius veritatem assequendam convertere debeamus cogitationem & curam, atque adeo sit enitendum, ut ne quum totam litteris & veritatis inquisitioni vitam dederimus, id unum adhuc nobis restet edificandum, quod unice scire juvat, & probe tenere necesse est. Atque hoc quidem nobis de Veritate scribere volentibus in primis ante oculos erit. Nam Religionem veram, aut quod illam satis non inquirant, atque ideo ex inertia, ignorare solent homines innumeri: aut quod nimium inquirant, & ingenii ambitione in transversum agantur, perdere interdum possunt. Quid itaque juris habeat, & quos fines habitura heic sit humanorum Ingeniorum meditatio, in posterum differetur; & si quid proditum fuerit, quo non solum ad necessarias Religionis veritates credendas, sed etiam ad reliquas ejusdem utiles & delectabiles veritates erudite pertractandas, tutior ac planior via demonstratur: neque nos suscepti laboris, neque alios lectionis adhibitae fortasse poenitebit.

CAPUT SECUNDUM.

Ut Religio vera noscatur, an a dubitatione sit instituendum iter. Dubitandi necessitas, ut error evitetur; & pericula, ne Veritas amittatur. Prudens dubitatio commendata, & temeraria vero repudianda.



PERUIMUS amplissimum campum humanis Ingeniis, quum nullum esse Verum diximus, quod honestum ex sui natura non sit investigare & cognoscere; simulque posuimus, Verum, quod ad Religionem pertinet, non honeste solum posse quaeri, sed necessario quaerendum, sciendumque esse. Quod si quaerere veram Religionem oportet, consequens est etiam, ut adhibere liceat ac oporteat rationem quaerendi omnium aptissimam, per quam quaesita inveniantur. Jamque nonnulli accedunt, quibus nulla fortasse opportunior occurrat ratio, quam a dubitatione instituere inquisitionis iter. Quo enim modo ve-

do veram Religionem quaerere, & assequi possint homines, nisi primum dubitare incipiant, utrum Religioni verae nomen jam dede-
rint, an in errore versentur, & dubitando investigent, inter tam va-
rias a populis usurpatas Religiones quanam sit falsa, quanam sit
vera Religio? Et ista sane inquirendae Veritatis ratio, qua mens
humana omnibus anteceptis opinionibus valedicens, nulli rei, nisi
perspicuis argumentis probatae assentitur, a Socrate manavit, & ab
Academicis, aliisque Philosophis summeper laudata, proximeque prae-
terito seculo a Cartesio potissimum instituta, ac temperata, nunc
utramque recentium Philosophorum paginam implet, quippe quae ad
verum inveniendum, aut saltem ad errorem evitandum, non parum
conducit. Ex horum ergo sententia consequi videretur, nefas non
esse Religionem suam in dubium revocatam expendere. At aliis secus
videbitur; nam ubi de Religione omnibus relinquatur dubitandi fa-
cultas, mirum est, quot Religioni verae excidia creari possint, &
quot erroribus janua aperiatur. Qui dubitare incipit, animoque sta-
tuit, nonnisi evidentibus & perspicuis rebus assensum dare, & ubique
ne fallatur timeret; aut aeternum de omnibus dubitaturus est, quod
Scepticorum filiis accidit; aut multum quidem falsi, sed una cum
eo multum etiam veri excindet ac repudiabit: quod ambitiosus in-
geniis non sine ingenti infelicitate plerumque contingit. Praeterea
quicumque in Religione vera titubare coepit, & de sua fide incertus
esse, jam infidelis est, & certo bono renunciat, ut incertum exqui-
rat. Quae quum ita sint, & quum unicuique persuasum sit, veram
esse Religionem suam, ceteras autem falsas: nemo proinde sibi lici-
tum arbitrabitur, fidem suam in dubium revocare, bellumque errori-
bus indicare, quos tamen convellere non possit, si religioni sibi du-
cat, incipere de ipsa Religione dubitare.

Itaque in ipso argumenti suscepti vestibulo jam nobis gravissima
impedimenta occurrunt, a quibus nisi nos expediamus, omnis pro-
grediendi spes sublata videatur. Id autem praestitum facilius ibimus,
postquam nonnulla praemiserimus utilissimae quaestionis dirimendae
perquam necessaria. Primo igitur ex omnium consensu liquet, natu-
rale ac universale hominibus desiderium esse, & jus evitandi erroris,
aut expellendi, quum illum incaute induerint. Etenim errare, &
falsum credere, ex ipsa naturae institutione contrarium est homini,
eumque in maximas, atque etiam aeternas calamitates protrudere
potest. Secundum dicimus, ex hoc jure alterum effluere, nempe li-
cere cuicumque iis uti subsidiis, quae tum ratio, ac natura, tum

honestae artes a sapientibus doctisque viris excoltae tradiderunt, ut per illa vitari, deponive possit error. Immo Scientiae Artesque ipsae nihil aliud fere sunt, quam hujusmodi subsidia. Ipsae tamen Artes ac Scientiae aliis indigent peculiaribus subsidiis, quibus se suosque cultores arctius regant. Si secus fecerint, interdum erroris, non veritatis, magistrae evadunt, & infida ad verum dignoscendum, erroremque auferendum, subsidia fiunt. Criteriis veritatis nuncupamus hujusmodi peculiaris subsidia, eorumque scientiam appellare Criticam possumus, si hoc nomen latius, quam soleat, usurpare placeat. Excurrunt autem criteriis per quamlibet Scientiam, & Artem, eorumque ope quid certum, quid probabile, quid dubium, quid fictum ac falsum sit, ubique rimamur, & non raro cognoscimus. Nimirum iis praeceduntibus, sollicitoque examine singula pensantibus, & discernentibus, saepe discimus, quos errores invexerit & invehat, aut perversa ratiocinatio, aut vis praepudicatae opinionis, & imperium affectuum in nobis regnantium, aut nimium erga antiquitatem obsequium, nimiusve recentiorum temporum amor, aut immodica fides habita nostris sensibus, Praeceptoribus, Majoribus, Historiis, aliisque humanae vitae fallacibus documentis. Dicam uno verbo: faciunt hujusmodi praesidia, ne temere credamus, ne falsa aut dubia pro veris aut certis, certa & vera pro dubiis & falsis habeamus. Quocirca quum & ratio prodiderit, & sapientissimi viri passim commendent, ac adhibeant horum subsidiorum apparatus in investigatione erroris, & inquisitione veritatis: nequit dubitari, quin rectus illorum usus cum maxime honestus ac utilis, tum etiam interdum necessarius sit omnibus, errorem fugere, & verum assequi cupientibus.

Tertio, inutilia plane forent ista ad errorem evitandum efficiendumque subsidia, si de rebus ac sententiis, in quibus Verum exquisimus, dubitare prius nequaquam liceret. Immo nullus errandi finis, nulla veritatis hauriendae spes erit, ubi nefas sit in dubium vocare & expendere tot Opiniones, rerumque notiones, per cogitationem, aut per sensus corporeos in phantasiam, animumque nostrum immisfas; quarum tamen complures vel falsae, vel parum firmae deprehenderentur, quoties de iis dubitare, easque ad criteriis opportuna exigere vellemus, atque possemus. Igitur ad ipsius naturae, errorem ubique refugientis, principia & jura pertinet, posse de propositis, aut animo jam perceptis sine praevia consideratione rebus, primum sibi dubitationem aliquam movere, tum laudata adhibere subsidia, ne fallamur, neve in antiquo errore diutius perstemus.

Quarto,

Quarto, praeter haec inflata homini jura, inflatae etiam sunt quaedam leges, quas nemo sciens sine culpa levi aut gravi; nemo inficius sine magna aut aliqua saltem infelicitate violare potest. Nam sicuti institutioni rectae rationis convenit, ut quisque contendat ab errore ac falsitate sibi cavere, ita & eidem rationi repugnat, ut homo veritati renunciaret, noceat, atque obstat. Quapropter qui unice de fugiendo errore sollicitus est, tantumque hujusmodi studio insinit, ut veritati ipsi fidem adjungere neget, aut illam sibi insectandam sumat, ubique fallaciam sibi metaens: alia quidem via impingit, sed tamen impingit in errorem. Dubitare autem possumus, utri miseriores sint, an qui errorem contrahunt ob cautionis defectum, an qui veritatem repudiant ob ejusdem cautionis excessum. Id certe experientia constat, illis ignorantiam venia alias dignam, istis intolerandam superbiam hujusmodi mala plerumque creare.

Quinto, si igitur a recta ratione jubemur, veritatem non impugnare neque perdere, sed ejus praestantissimum recipere & custodire lumen, necesse quoque erit eam adhibere curam, eisque uti subsidiiis, quae nos a laedendi & respuendi veri periculo avertant; & contra singulis, quantum per nos licet, renunciare impedimentis, quae remorentur in regione veri progressum nostrum. Neque ista lex juribus dubitandi supra constitutis opponitur, sed cum iis consentit, modo intra aequos limites, ratione praeunte, contineatur illorum usus. Tam enim peccant, aut miseri sunt, qui nimium dubitationi se tradunt, quam qui nimis facile credunt, utrique nimio aut erroris fugiendi desiderio, aut veritatis improbandae timore abrepti. Ipsamet subsidia, & criteria veri, per quae diximus errores ab humanis mentibus arceri, nisi utentibus adsit prudentia cum humilitate conjuncta, non minus ad errores evertendos, quam ad ipsum verum rejiciendum, inservire possunt. Quare opus est, ut dubitandi jura, in effrenem audaciam interdum assurgentia, perpetuo temperet alia comes dubitatio ac timor, ne scilicet una cum erroribus veritatem ipsam incaute excindamus. Quae autem sint impedimenta, ne verum perspiciatur, quae subsidia, ut percipiatur, nos infra, quantum ad rem nostram pertinet, ostendere conabimur.

Interim ex his legibus sequitur, commendari a recta Ratione prudentem dubitationem, improbari vero temerariam. Neque enim propterea quod nobis natura dubitandi jus dederit, ut falsum declinemus, verumque assequamur, ideo sine discrimine cuicumque, & de quibuscumque rebus, dubitare fas est. Certis quibusdam terminis
omnia

omnia naturae jura coercentur, ultra quos excedere peccare est in ipsum naturae Conditorum. Sic humanorum Affectuum innata jura suos habent fines, modumque suum. Nihil etiam efficacius natura nobis commendat, quam amorem usumque Virtutum, sed ejusdem naturae documentis prohibemur laedere ordinem limitesque Virtutibus positos. Una prudentia tum Affectuum tum Virtutum omnium dux & moderatrix futura est. Ejusdem consilio & imperio indigent reliqua omnia, sed potissimum dubitationis jura, ut reclus, non pravius, fiat inter homines illius usus.

Quamquam vero nihil difficilius occurrat, quam constituere; quando, & cui, & quibus de rebus prudenter dubitare liceat; (nam Prudentia, ut ajunt Philosophi, circa particularia, quae innumera sunt, versatur) attamen monere juvat, quasdam etiam universales haberi leges, quibus fere semper singularia reguntur. Has inter eminenter illa: *De primis principiis per se notis, & de rebus certa experientia, aut omnium hominum omniumque temporum consensu probatis, aut evidentissimis, ne imprudenter dubitatio.* Tum altera: *De veritate rerum, aut sententiarum, quas doctissimi viri tradunt ac probant, rudes atque omnino imperiti ne licem moveant.* Certe quicumque vel acutissimi viri ne de primis principiis quidem se certos prodidere, saepe temeritatis, raro prudentiae famam sibi compararunt. Quis autem rationis compos prudenter dubitet, an vivat, an cogitet, an edat, an loquatur, & scribat, quum evidentissime haec singula sentiat? Quis dubitationem sibi prudens moveat, num aridum lignum combustibile flammis injectum comburi possit, num corpus grave, impedimentis sublati ex alto in imum sit ruiturum? Deinde quam prudenter ille agat, qui tot rebus, quas aut Scientiae atque Artes liberales tradunt, aut Historiae a doctis viris commendatae concorditer referunt, ipse omnium ignarus atque imperitus adjungere fidem neget, earumque veritatem pro libidine sua, & sine ulla ratione, revocare velit in dubium?

In primis vero animadvertendum est heic, duplicem esse dubitationem, alteram quidem multum, alteram parum consentaneam rationi. Utriusque differentia in fine, & causa dubitandi se prodit. Quidam enim de rebus vel evidentissimis dubitant, non quod sibi earum rerum veritas dubia sit atque suspecta, sed ut veritatem ipsam dubitando ac disputando in meliori collocent lumine, atque ut aliis, non sibi, dubitationem eximant. Nemo sane hujusmodi dubitationis genus improbet, immo non laudet; non enim proprie

id dubitare est, sed dubitantis duntaxat personam induere. Quapropter praestantissimis viris nunquam non licuit dubitantis specie inquirere, *utrum sit Deus, utrum vera sit Christiana Religio, & num certa, recteque plurium seculorum & hominum consensu stabilita sint eos prima principia.* Quod rudibus utique licet, illud est, ut a sapientioribus referant lumen, quo & ipsi alacriores fiant in credendis altissimis abditisque rebus. Contra vero rationi adversatur illorum confidentia, qui non alium dubitando sibi finem statuunt, quam acutissimi sui ingenii periculum facere; & tum sibi videntur cordati sapienterque viri, quum unius suae mentis vocem ac iudicium audiunt, aliorum contemnunt; & ad destruendum quam aedificandum apiores, aut nihil probant, aut id solum probant, quod animi sui appetitibus blanditur, & quod suae tantum meditationis aciei perspicuum firmissimumque apparuit.

CAPUT TERTIUM.

Non omnibus dubitandum de veritate suae Religionis. Ratio & Autoritas in Religionis negotio, earumque pondus. Quae quaerenda sint, ut constet, an vera sit aliqua Religio. Prudenter possunt immo debent de veritate suae Religionis dubitare Esbnici, Iudaei, Mubammedani. Iustae apud eos dubitandi causae.



ACILE nos in vastam planitiem argumentum perduceret; si animus foret singula nunc differere ad dubitationis fines modumque spectantia. Sed per brevem hanc orationis excursionem praecipua fundamenta detexisse contenti, quibus innitur aequa dubitandi ratio, jam ad castra regrediamur. Nostra ante omnia refert, quae semita in itinere ad Religionem veram servanda sit, diligenter inquirere. Atque in primis, quum errore capi ac detineri in re tanta homo possit, immo quum fatis constet, innumerabilem hominum copiam errasse, ac errare in amplectenda Religione, quam plerumque non ulla ratio primum persuader, sed educatio, & parentum, populorumque exempla tenellis mentibus inspirant: dubitari non potest, quin generatim loquendo, non honestum duntaxat, sed & necessarium sit de suae Religionis veritate sibi aliquam dubitationem movere. Et sane quei umquam

quam fiat, ut Muhammedanus, ut Ethnicus, ut Judaeus, aliaque hujusmodi Sectarum genera, quas Religioni falsae, aut a caelo improbatæ additas esse non tam credimus, quam dolemus, se revocare, aut per alios revocari possint a perversa opinione, inolitoque errore, si prudentis dubitationis jure uti unusquisque renuat, & placulum arbitretur?

Prudentem autem dubitationem ideo commendamus & suademus, ne a legibus aequissimis discedatur, quibus constringuntur, ut diximus, ipsa dubitationis jura. Sed ita me Deus amet, paucos invenias, qui eadem uti aut sciant, aut velint. Ut enim quisque Religioni alicui ab ineunte ætate nomen dedit, reliquas contemnere, & fallacibus ac falsis accensere, earumque cultores imprudentes ducere; unam vero suam cum ratione & veritate consentire, seque non nisi imprudenter facturum putare, si opinionem suam in periculum dubitando adducat. Restat igitur, ut ad inquirendum nostra festinet oratio, quinam in tanta Religionum diversitate prudenter de sua dubitare debeant, & qui minime debeant. Heic rei maximæ cardo vertitur; heic si sapere incipiamus, meliora quæque speranda sunt nobis, tum ad firmandos homines in veritate stantes, tum ad excitandos in errore stertentes. Quum autem Religionis nomen tot gentium sectarumque Superstitioni tribuimus, hoc quidem *καταχρησικῶς*, sive abusive, facimus; una quippe, non multiplex esse potest vera Religio; sed non sine divinarum Scripturarum exemplo facimus, apud quam falsa quoque numina sub Deorum appellatione sæpe memorantur, intacta nihilominus semper unius Dei fulgentissima veritate.

Dicimus ergo, a dubitatione illi esse temperandum, qui suam Religionem facile perspicit certissimis principiis, & fundamentis innixam. Duo autem sunt hujusmodi fundamenta, *Ratio*, & *Autoritas*. Rationis nomine hoc loco intelligimus vim & lumen intellectus ad dignoscendum verum & falsum, bonum & malum, simulque eam vim, per quam rationalis anima se certis sibi que notis præmissis certum aliquid argumentando deducens, sibi illud aut aliis persuadet. Autoritatis vocabulo vim illam significamus, quam habet ad aliquid persuadendum alterius narratio, verbis aut scriptis menti nostræ communicata. Quo firmiora sunt hæc fundamenta, eo fortius Veritas stat illis innixa, & clarius effulget, & facilius homini persuadetur. Utraque autem ad persuadendam Religionem veram collatis signis, quanquam diverso pondere, conspirant.

Vix

Vix autem negare possumus, quin humana Ratio semina quaedam contineat Veri & Boni infinita ab ipsa natura; nam & nullo docente pueri sua se sentire mala facta pudore testantur, & dolent se fuisse deceptos. In primis autem huiusmodi semina deprehenduntur, dilucideque nobis apparent, quum attenta meditatio excutit penetralia Rationis, & quum optimorum Librorum, eorumve hominum consuetudine utimur, qui istas veri bonique ideas, jam sibi perspectas, aut in nobis excitant latentes, aut, si ita dicere amamus, in nos immittunt peregrinas & novas. Excitatis in homine istis boni & veri seminibus ac ideis, progredi multum potest, quamvis pluribus morbis laborans, humana Ratio ad naturam qualitateque non visibilibus tantummodo, sed & invisibilium rerum intelligendam. Cujus progressus tot sunt exempla, quot veterum Philosophorum meditamenta sunt litteris consignata. Nimirum solo Rationis lumine ducti illi in plurima penetrarunt, quae certissima esse lux melior subinde nobis patefecit.

Quantum etiam ponderis habeat Auctoritas in usu vitae atque in aliquibus disciplinis, & in Historia potissimum, nemo non sentit. Si nihil aliud credere, quam quod Ratio in se invenit, animus induceremus, magna non solum humanae scientiae five eruditionis portio periret, sed etiam infinita homini, atque hominum regimini impenderent incommoda. Aliorum ergo narrationibus, & fidei, fidem habeamus oportet, nisi inter somnia computare velimus, quidquid habent Libri & Fama de praeteritis saeculis, immo & de praesenti aevo: quod profecto non faciat, nisi verus somniator & amens. Duplex autem Auctoritatis est genus. Altera a Deo est, altera ab hominibus; illa nunquam, ista saepe ac saepius fallax. Inter prima Rationis evidentissima praecepta illud omnium consensu praecipue probatur, *certum esse, verum & inconcussum, quidquid revelat, ac narrat prima Veritas Deus*. Etenim, ut aiebat Salvianus lib. 3. *Dei sermo ipse sibi testis est, quia necesse est, quidquid incorrupta Veritas loquitur, incorruptum sit testimonium Veritatis*. Ut autem hominum est falli & fallere, decipi & decipere, ita eorum Auctoritati non continuo fidendum. Sola Ratio, five Prudentia, advocatis experientiae, & Critices, & aliarum Artium in suam opera documentis, feliciter ostendere potest ac solet, quando neganda, quando habenda sit fides hominum dictis. Ad ipsam quoque rationem pertinet expendere, an fallantur, aut fallant homines, quum vocis aut scriptis aliquid referunt ac nunciant tanquam a Deo revelatum

Tam. X. P. I.

C

& pro-

& proditum; tunc enim non in Deum, qui aeternum est verax, sed in hominem, qui facile vel propter ignorantiam, vel propter improbitatem, est fallax, prudens dubitatio nostra atque suspicio convertitur. Quamobrem sapientissime Joannes Apostolus in Epist. 1. 4. suis discipulis injungebat, ne cuicumque crederent divina dogmata se asserre dicenti: *Nolite, inquit, omni spiritui credere; sed probate spiritus, si ex Deo sint; quoniam multi pseudoprophetae exierunt in mundum.* Praeterea quum falli ac fallere possint homines in intelligenda, exponenda, interpretanda Auctoritate, quam alioqui divinam merito credant: hinc est, quod iterum consulenda est Ratio, ut percipiatur, an heic homines errent. Statuendus itaque videtur hic ordo. Primo quaerendum, an rectae Rationi adversetur Religio, quam quisque amplectus est. Si adversatur, plane de ipsius veritate non solum dubitandum est, sed in ipsam protinus dicenda sententia. Si nequaquam repugnat, quaerendum secundo est, num a Deo processerit, an vero ab hominibus tantum, hoc est utrum divina, an humana auctoritate inducta sit illa Religio. Si homines solos auctores habuit, de ipsius veritate dubitandum est; si Deum, nulla dubitatio occurrere potest, quin vera sit; siquidem divina Auctoritas supra ipsam Rationem valet, atque ab omni fallaciae suspicione immunis est. Adhuc tamen inquirendum restat, & tertio dubitandum, an quae Deum tradidisse credimus, recte a nobis intelligantur & exponantur: quod ubi praestiterimus, vel Ratione duce, vel regulis tutoribus, si quae sunt, a Deo praescriptis, tum prudentis erit conquiescere, ne inconsulta dubitatione nobis majoris periculi simus auctores.

His praemissis, dicimus, Ethnicos tum veteres, tum recentiores potuisse ac posse prudenter, immo etiam debuisse & debere de veritate suae Religionis movere sibi dubitationem. Vix enim secum sincero animo reputare possunt, quibus principiis nixatur inspirata sibi a teneris unguiculis opinio, quin illam evidenter nutare statim deprehendant. Non prima Rationis edicta, non divina Auctoritas, quae unice firma ac certa est, iis occurrere, mentemque ab ulteriori haesitatione & inquisitione retrahere possunt; sed hinc recta Ratio pluribus modis laesam se exhibet, & inde sola fallax hominum Auctoritas se prodit, cui non cito, neque inconsulte, habendam esse fidem, Ratio ipsa efficacissime clamat. Et quid quaeso Rationi evidentius adversatur, quam plures credere Deos, atque inter se discordes; quam debitum uni Deo cultum, in homines, in sidera, in elementa, atque in vilia aut naturae, aut hominum opera transferre; quam

quam ineluctabili fato humanas voluntates subjectas opinari; quam rationali Animae, ut quidam censuerunt, ac consent, nullam ultra corporis mortem tribuere vitam; quam ignorantiam, libidinem, impotentiam, atque alios aut defectus, aut ipsis hominibus indigna facinora in Deo excogitare? Haec atque alia complura in oculos meditantium facile incurrunt, ne de reliquis in disciplina morum vitiis loquamur, quibus Ethnicorum Religio aut consentit, aut etiam laudem & praemia pollicetur. Accedit, quod eorum opinionem non divina Auctoritas, seu prima Veritas Deus, invexit, sed aut Poetae argutis mendaciis ludentes, aut incerta, inconstans & fallax hominum, immo & anicularum, rudisque popelli traditio, cui certe sine ratione, sine praevio examine adungere fidem, desipientiam potius, quam insipientiam appelles. Jure itaque dubitare possunt ac debent Gentes de suae Religionis veritate: quod si praesent, eamque cum Christiana demum componant, nisi rationis & prudentiae legibus renuncietur, intelligent, hanc unam esse veram ac perfectam; reliquas vero Idolorum cultui addictas, in crassissimis atque intolerandis erroribus versari. Vel ante Christum natum id perspexere non pauci Philosophi, solum Rationis lumen sectati. At nunquam id melius patuit, quam ubi Christianae doctrinae majestas & veritas longe lateque effulgens totum terrarum orbem permeavit, ejusque cultores, per tormenta, per ignes invicti, fortitudine sua suaserunt, quod Ratio sola persuadere poterat. Tunc enim non vi tormentorum adhibita, non armorum terrore ac metu compulsi Ethnici, sed vi veritatis devicti, se se Christo adjungere, atque ipsi potissimum populi, qui ingenio & literarum cultura ceteris praecelebant.

Quod est ad Judaeos, nihil in eorum Religione occurrit, quod recta Ratio improbet. Traditam vero eorum legem ab ipso Deo fuisse, tot ac tanta argumenta ostendunt, consentientibus hinc Muhammedanis, inde Christianis ipsis, ut imprudenter sane illud in controversiam adducas. Quae sunt hujusmodi argumenta, a luculentis aliorum libris praestare petere, quam heic leviter attingere. Verum ne his quidem contenta esse jure potest Hebraeorum natio. Ulterius etiam progrediendum Prudentia & Ratio monent. Scilicet illi dubitandum est, num recte intelligat, atque interpretetur divinarum Scripturarum oracula; in hoc enim contingere potest, ut imbecilla Ratio fallatur. Eo autem magis Judaeis suboriri haec suspicio debet, quod audiat, tot nobilissimas nationes, ingenio, judicio, & litterarum omnium scientia illustres, doctioresque sine comparatione, quam

Judaica gens, & aequae saltem ac Judaei de Religionis verae negotio sollicitas, neque minorem quam Judaei venerationem ac honorem habentes divinis Judaeorum libris, concordī voce clamare, certumque habere, nostris temporibus in interpretandis atque assequendis eorum Librorum sensibus, quemlibet Judaeum rurpissime caecutire. Quid, quod nihil in sacris Litteris tam aperte repetitur, quam venturum Messiam, idque fatentur Judaei? Nonne prudentia poscit, ut serio inquirant, an forte venerit, qui a tot populis non ex fama temeraria, sed ingenti rationum ac miraculorum pondere, jam venisse perhibetur? Justam dubitandi causam augere debet praesentis fortis & conditionis consideratio. Omnium abjectissima gens, Prophetis, Sacerdotibus, Templo destituta, neque a paucis annis, sed ferme a septemdecim saeculis, invisā hominibus ac Deo, vix alia de causa ad tantam infelicitatem excogitari potest adducta, nisi quod Messia contempto & legibus perperam intellectis desierit esse Dei viventis populus. Fac autem, sincero docilique animo Judaeus de suae Legis intellectu dubitet, & Christianae Religionis originem, documenta, rationesque sedulo expendat: Si adhuc priori in sententia perstet, neque videat tot Prophetarum oracula in Christo ejusque Religione evidentissime completa, miserae caecitatis aut pervicaciae notam apud cordatos prudentesque viros haudquaquam effugiet.

De Muhammedi Sectatoribus multa dicenda forent. Sed rem paucis expediemus. Difficile a Muhammedanis impetrare possis, ut dubitent, an aliquid in suis legibus occurrat rectae Rationi contrarium. Neque nos molesti percontatores esse nunc volumus. At quum Auctoritatem divinam suae Religioni ubique praetendant, praecipueque huic argumento inhaereant: Prima prudentiae & rectae Rationis principia prorsus exigunt, ut non temere credant cuicumque se esse Messiam dicenti, & delapsa e caelo dogmata, sive scripta iactanti. Ne ipsi quidem negent, ab impostoribus cavendum esse; & saltem nullus inter eos habeatur, modo sit prudentiae legibus imbutus, qui ad novam ab homine promulgatam Religionem continuo se consecrat, tamen nihil rectae Rationi iste legislator repugnet, immo pietatem multam redoleat, & quarto quoque verbo exclamet, se nuncium veritatis e caelo demissum, nisi etiam dogmata, fidemque suam probeat veris miraculis, sanctissimis moribus, oculis praecedentibus, optima doctrina, aliisque divinae legationis testibus signis. Gravior quoque subest dubitandi causa de Muhammedo. Ex ejus enim apertissima confessione cum veteris, tum novi Testamenti Scripturae divini.

divinitus traditae fuerunt, Religionemque veram attulerant Moyses & Christus, atque istius lex & doctrina sub finem usque seculi Aerae Christianae sexti (quo tempore ipse Muhammedus vivere coepit) germana veritatis magistra fuit. Qua igitur prudentia fidem habeas statim & sine dubitatione homini abroganti, immo postea damnanti Religionem sua confessione prius optimam atque a Deo traditam, nisi evidenter se id facere ex ipsius Dei imperio probet, signisque certissimis se verum esse Prophetam caelique nuncium ostendat? Certe non est, cur diuturnius regnum sibi polliceantur Alcorani ipsius dogmata, ubi tam facile credere liceat novam e caelo Religionem se advehere solum testanti.

Quod si convenit in Muhammedi finem suspicio, & Ratione monente in examen est advocanda Auctoritas, quam ille divinam distabat: nullo tunc negotio, quantum quidem arbitror, de sua opinione dejicietur Muhammedanus, & singulari cum utilitate sua vincetur, dum vinci velit. Tum, inquam, facile patebit, nullum ab impostore Muhammedo certum signum divinae suae legationis productum, nullum ab ipso miraculum fuisse patratum, quo novae doctrinae fides conciliaretur; obstat enim nonnullorum famae ac traditioni de miraculis per Muhammedum factis evidens Alcorani, seu ipsius Pseudoprophetae, & sapientiorum Moslemorum contraria confessio. Lectis autem sacris Judaeorum & Christianorum Scripturis, palam continuo fiet, nihil minus esse verum, quam quod affirmabat Muhammedus, se nempe, suamque doctrinam in iis Libris saepissime fuisse praedicta, seque nil aliud in Alcorano docere, quam quod Moyses & Christus tradiderant. Idem intelligent, fieri omnino non potuisse (quod commentus est ille Impostor) ut a Judaeis & Christianis divinae Litterae per totum terrarum orbem vulgatae, & in plures linguas translatae ex industria & ex concordi ac secretissima tot populorum conspiratione corruptae & depravatae fuerint, ne ea loca apparerent, quibus praeenunciabatur illius adventus atque doctrina, & quae tamen ipse ignorasse convincitur, dum ea non recitat, recitaturus certe in suae causae beneficium, si illa novisset. Constabit etiam, quantum infra sanctitatem & perfectionem Christianae legis, sit Alcorani doctrina, & disciplina moralis, quum illa Spiritum ubique, & ista ubique Carnem sapiat; illa pacem, ista bellum suadeat; illa ad veram animorum beatitatem, haec ad corporeas vileque delicias totam ferme referat doctrinam suam. Quare nulla excogitari potest ratio, cur Deus immutatam voluerit, uti Muhammedus



dus contendit, perfectam Christi Religionem in minus perfectam;
 immo in admodum imperfectam, & vitiis non paucis scatentem,
 tum in disciplina morum, tum in dogmatibus tradendis a divina sa-
 crarum Scripturarum revelatione penitus alienis; quae non ratione,
 sed gladio nititur; quae vi armorum, non suasionem veritatis inuenta
 & propagata est, atque etiam per vim amplificanda traditur, inter-
 dicta omni disputatione de Religionis negotio, ne qua sit via dete-
 gendae fraudis, ne qua spes deponendi erroris. Tandem luce meri-
 diana clarius apparebit, non alia de causa Muhammedum tanta fuisse
 commentum, nisi ut suae libidini atque ambitioni consuleret; Li-
 brumque illum, quem ex praeconcepta opinione Muhammedani di-
 vinissimum censent, innumeris iisque putidis fabulis, mendaciis, &
 superstitione ita abundare, ut neque Deum auctorem habuisse, ne-
 que ullam hominum fidem mereri facile cognoscatur, dummodo ad-
 hibeatur in consilium Ratio recta, aut cum Alcorani tenebris conse-
 rat lux Evangelij.

CAPUT QUARTUM.

*An Christiano homini dubitandum de suae Religionis veritate. Ae-
 quum id videtur, sed gravibus periculis obnoxium. Dubitatio &
 heic licita, & quando, & quomodo, ne Fidei donum perdatur.
 Ratio & Auctoritas statuunt veritatem Christianae Religionis.
 Cur Christianorum vulgus acquiescere prudenter possit in Religio-
 ne sua, sitque ab onere dubitandi exemptum. In Ecclesiae Catho-
 licae Pastoribus potissimum scientia Religionis experisa.*



Ad Christianos demum accedamus, scrutaturi, an & ipsi
 prudenter de veritate suae Religionis dubitare possint,
 immo etiam debeant. Equidem praesentio, quorum-
 dam animos adeo delicatos esse, ut horrorem concipiant
 vel ex hoc solum, quod dubitem, an de re tam
 nobis certa sit dubitandum. Sed quaeso ne patiantur se inanibus
 umbris & solis nominibus terreri. Omnes imprudentem dubitationem
 refugimus, omnes prudentem amplectimur, nam ut a prima sibi nol-
 le cavere, temerarii est atque irreligiosi, ita alteram quocumque pa-
 sto rejicere atque improbare est insipientis. Quodcumque autem de
 pro:

proposita quaestione statuatur, negari non potest, quin multis incommodis obnoxium appareat. Si enim Christiano viro fas esse dicamus in dubitationem adducere suae Religionis veritatem: quomodo stabit illius fides? Frustra illum tam eximio dono dignatus fuerit Deus, ut sine ulla dubitatione veram crederet esse Christianam Religionem. Et certe jam Fidem perdidisse videtur, qui dubitare coepit, num falsa credat an vera; atque idcirco, ut in cap. 1. de *Haereticis* habetur, *dubius in fide, Infidelis est*. Periculosa insuper plenum opus est aleae de re tanta dubitare. Quanquam enim nulla sit Religio, quae rectae Rationi praestantia, & sanctitate, & veritate se tantum commendet, quantum Christiana Religio: infirmitate tamen humanae mentis contingere potest, ut qui de illa dubitare coepit, dubitare in posterum non desinat, aut etiam judicio deceptus & cupiditate in transversum actus, ad alterius Religionis castra deficiat: quod quidem aliud non est, quam de certo bono in certum malum inconsulta curiositate velle se praecipitem dare.

Contra vero si de suae Religionis veritate nequaquam esse Christiano homini ambigendum pronunciemus, quam aequo jure actum erit cum Ethnicis, Judaeis, & Muhammedanis? Exigent & illi a nobis, quod nos meritis ab ipsis exegimus. Si reculabimus eo nomine, quod veritatem a nobis, ab illis errorem stare, certo cognoscimus: iisdem verbis se a nobis expedient, quoties iis esse de sua Religione dubitandum indicimus. Aut etiam reponent: certi equidem esse potestis, omnes vos Christiani, de Fide illa, hoc est persuasionem, qua veram esse Religionem vestram creditis; at certi esse non potestis omnes, Religionem istam vere esse, qualem vos creditis, nisi prius illam cum reliquis Religionibus composueritis, vobisque constet, eam a Ratione minime abhorreere, atque insuper Auctoritate divina fuisse constitutam. Et cur tantum vobis a dubitatione timeatis, si tam firma est ac aperta Religionis vestrae veritas? Illi paveant, qui in errore versantur, eoque stultitiae devenerunt, ut grave ducant, se ab erroris servitute liberari, & ad regnum Veritatis perducere.

Ut isti controversiae fiat satis, simulque investigandi Veri jura serventur, atque avertantur perdendi pericula, memoria repetendum est, quod praecedenti Capite disseruimus; nempe rudes atque ignaros dubitare non debere de veritate rerum, quas doctissimi & sapientissimi viri semper tradiderunt ac tradunt. Secundo posse quemlibet honesto sine sibi dubitationem creare vel de evidentissimis rebus, non quod

quod earum veritatem suspectam habuit, sed ut earum causas & rationes & veritatem clarius perspiciat. Hoc autem non doctis solum & ingeniosis hominibus, sed & imperitis ac rudibus facere licet, modo primi ingenium contineant intra limites concordii prudentum consilio statutos, reliqui vero ad fideles sapientesque Magistros dubitationem suam conferant, seque illis erudiendos tradant. Licitum, inquam, est aliquo modo dubitare, seu perscrutari quam firme Rationis atque Auctoritatis principiis innitatur sua Lex, dummodo id homines praestent, intellectus sui illustrandi gratia, atque dum id praestant, a se certitudinem illam nondum rejiciant, quam de Legis ipsius veritate ante conceperant, & dummodo instrumenta ad recte judicandum necessaria in id opus adhibeant. Ita fiet, ut nobilissimum Fidei donum, quo a Deo per sacrum Baptisma donantur Christiani, vel in ipsa dubitationis specie servetur intactum, & Christianae Religionis veritas magis eluceat, & fortius confirmetur in hominum mentibus.

Neque dicant Ethnici, aut Judaei, aut Muhammedani, levia nos a nostris petere, postquam gravia ab ipsis petierimus. Volumus aquis rationibus cum illis agere: non alium in finem, non aliis conditionibus eos de sua Religione dubitare volumus, quam dubitaturi sint Christiani. Nam vel ex hujusmodi cauta dubitandi forma, certum nobis est, consecuturos esse contrarios quidem, sed optimos effectus utrimque, quando sinceris animis examen habeatur, & media stet Ratio liberum prolatura iudicium. Scilicet Christianus quilibet tunc arctius in sua Religione firmabitur, atque ad eam contra inimicos tuendam aptior validiorque efficietur: quod sane omnibus Christianis suadet sanctus Petrus in Epist. I. 3. ita scribens: *Parati semper ad satisfactionem omni poscenti vos rationem de ea, quae in vobis est, spe.* Reliqui vero hucusque a Christo alieni, aut mentem victam ad Evangelii leges convertent, aut tacite ostendent, se ab una pervicitate, seu terrena cupiditate, aliisve parum honestis causis, detinori, ne sanctae Christianorum Religioni suum deat nomen & animum.

Atque hoc profecto est peculiare istius Legis decus ac praerogativa, ut ipsa sit, non dicam credibilis supra ceteras, sed una sit evidenter credibilis, & consentanea aequitati Naturae atque Rationis. Quamobrem inquiratur, ut lubet, ejus fundamenta ac principia. Nullum plane ibi Dogma occurrat, quod rectae Rationis suffragio non comprobetur, atque lauderetur. Nonnulla quidem Mysteria ibi

traduntur de Natura ac Voluntate divina, quae aut captum humani intellectus excedunt, aut perfecte intelligi, dilucideque exponi non possunt. Verum haec ipsa non contra rationem, sed supra rationem esse, omnes intelligent. Neque mirum, quod finita potentia in infiniti Dei capienda atque explicanda Natura aliquantum deficiat. Illud praeterea omnino exploratum est, nos ista credere, eo quod ab ipso Deo de se testimonium ferente revelata sunt, & novimus a Deo revelata fuisse; & quandoquidem Rationi minime ista repugnant, propterea quoque a Ratione recta incunctanter probantur.

Quod est ad Auctoritatem divinam, tantus signorum rationumque concentus in Christianam Religionem confluit, ut illam nisi impudenter negare nequeas a Deo constitutam. Etenim ejus fundator Christus compluribus Prophetarum oraculis praedictus antea fuerat, eaque prostant in libris, quos Judaei, inimica Christianarum natio, a tot saeculis venerantur. Accedunt plane caelestis vita, ac mores Christi, & manifesta atque innumerabilia Miracula, quibus tum ille, tum ejus sectatores virtute ab ipso accepta istius Religionis veritatem confirmarunt. Ad haec puritas & sanctitas dogmatum, legumque ad mores spectantium rectitudo, quibus nulla alia Religio, aequae ac Christiana, homines ad cuncta virtutum officia impellit, atque a terrenis ad caelestia & spiritualia perducit, docerque non solum credere digna de Deo, sed etiam digne colere Deum optimum maximum. Praeterea non ad instituentium commodum, aut emolumentum & gloriam proposita fuit; non vi propagata per totum ferme terrarum orbem; sed ab idiotis viris primum depraedicata, tum immenso rationum pondere, tormentorumque incredibili tolerantia a doctissimis viris, fortissimisque Martyribus propugnata fuit: quibus tametsi ardua quaedam Rationi humanae proponentibus, & voluntati non sensuum oblectamenta, voluptatesque, sed legem Crucis, excidiumque cupiditatum indicentibus, nihilominus tandem cessit non paucorum Judaeorum pertinacia, & immanis aliorum populorum numerus. Haec atque alia complura signa, seu Motiva Credibilitatis, ut vocant, latissime ab iis pertractata, qui de Christianae Religionis veritate agunt, nisi illam a Deo esse, illique prudenter esse credendum, evidenter probant, fortiterque persuadent: quid aliud expectes? Certe nulla alia Religio tanto signorum consensu Deum sibi vendicat auctorem: & siquidem habenda est aliqua Religio (uti procul dubio habenda est) certe Christianam, cujus testimonia credibilia facta sunt nimis, longe esse reliquis praefarendam, qui non videt, nihil videt:

Tom. X. P. I.

D

Quum

Quum vero a tot saeculis floruerint, ac florent apud nos accurata omnium doctrinarum, & praecipue divini cultus, veraeque Religionis studia, & quum quidquid unquam Theologia & recta Ratio docuit cum ad veteris novique Testamenti interpretationem, & confirmationem, tum ad morum disciplinam, atque intellectus voluntatisque humanae perfectum regimen, totum id non minori pietate quam eruditione ac ingenio ab eximiis Christianis pertractatum, litterisque etiam consignatum fuerit, & etiamnum ex Instituto pertractetur, ac disputetur in eorum Scholis atque Ecclesiis: hinc est, quod rude Christianorum vulgus eximatur a praecepto, quod prudentia unicuique injungit altius inquirendae Veritatis in potissimo Religionis negotio, hoc est perpendendi prima illius fundamenta & principia. Imprudenter sane & crudeliter exigas, ut quilibet e populo Theologiae, Linguis variis, atque aliis compluribus Disciplinis det operam, quae necessariae sunt ad explicandas divini Instrumenti Scripturas, & ad instituendum exquisitum de Religione examen. Fecerunt id studiosissime & quotidie faciunt innumerabiles Ecclesiae Pastores, atque Doctores. Igitur dum tot, ac tales antesignanos (ut alia omitam nobis, non aliis faventia) Christiana plebs sequitur, imprudens sit, qui illam imprudentiae accuset.

Sed non idcirco omnes Christianos ab hujusmodi onere eximimus. Arbitramur enim, sacros Ecclesiarum Ministros, & omnes, quibus erudienda creditur plebs Christi, debere diligenter inquirere & noscere Christianae Legis fundamenta ac principia, neque hujus tantum veritatem, sed & reliquarum falsitatem habere perspectam. Tum etiam magis id necessarium ducimus, quum Christianus populus in Gentilium, aliarumque sectarum vicinia constitutus est, & aut occasio fert, aut Caritas suadet, pugnandum saepenumero esse non minus contra superstitionem, quam pro Religione legitima. Quando enim, ut diximus, populo Christiano fas est conquiescere in supientia, fide, pietate tot Majorum suorum, doctrinam a Deo revelatam, rationisque suffragio probatam tradentium, si forte populo eidem dubitationes injiciantur, sive occurrant, aut si ab hostibus impugnetur Christianae Legis veritas: quis haereditatem sanctam in tuto collocabit? Est id Pastorum procul dubio, quibus cura gregis demandata fuit. At qui periculum a grege avertent, ubi prae ignorantia ne se quidem expedire possint ab instantibus lupis? Quocirca quum non in alium finem magistri & duces dati sint populo Dei, nisi ut illum doctrina sana imbuant, & in veritate confirmet, &

ab

ab erroribus arceant: vires etiam sibi parent necesse est, quibus muneri institutoque suo respondeant. Manifestum autem est in hanc rem Apostoli praeceptum. *Oporteret enim, inquit ad Tit. c. I. ut Episcopus potens sit exhortari in doctrina sana, & eos qui contradicunt, arguere.* In II. vero ad Tim. c. 4. *Prædica, inquit, verbum, infra opportune, importune, argue, obsecra, increpa in omni patientia & doctrina &c.* In eandem sententiam loquuntur sancti Patres, & Concilia. Quam certe legem si ad omnes cujuscumque gradus Pastores in Christiana Republica extendemus, nimis severi non erimus. Singulorum enim est gregem pascere ac tueri. Quod quidem praestari etiam posse per subsidarios & mercenarios non negaverim. Sed tum demum laudabiliter praestabitur, quum Pastores deligendis optimis mercenariis sint apti, ac intenti; & ipsi quoque ad curam gregis conferant diligentiam suam, doctrinam, sapientiam, atque pietatem, ne si solo Pastoris nomine & honore contenti sint, ex ignorantia & desidia mentem frustrentur summi omnium Pastoris Christi.

CAPUT QUINTUM.

An ad ineundam Religionem veram Auctoritas praecedere Rationem debeat. Manichæorum jactantia exploditur. Sancto Augustino sententia hac de re absurda a Pherepono afflicta. Rationes extrinsecæ, seu Motiva Credibilitatis adhibenda ante Fidem, nec exigendæ Rationes Dogmatum demonstrativæ. Usus Catholice Ecclesiæ hinc laudatus, a qua nemo sine ratione credere jubetur. Scire, & credere quantum differant. Miracula, extrinsecæ Rationes. Alia Phereponi somnia putantis, Catholicos olim sine rationibus exegisse Fidem.



X hætenus dictis consequitur, Rationem atque Auctoritatem consulendas esse, easque consuere, ut quisque prudenter aut susceptam servet, aut amplectatur Religionem veram. Quod quum plerique non animadvertant, aut negligant, & ab una hominum fallaci auctoritate se duci fiant; hinc fit, ut tot Provinciae in antiquis erroribus perstent, & ad verum Dei cultum nunquam convertantur. Omnium autem maxime Christiana Religio auctoritate & Ratione se niti proficitur; ce-

teris vero aut unum ex istis fundamentis, aut utraque deesse inviculis argumentis contendit. Apostoli, eorumque successores, & Sancti Patres, & reliqui Christianae Reipublicae Doctores, Legem hanc non aliis artibus in toto fere terrarum orbe propagarunt, quam ostendendo divinitus revelatam, & rationi conformem, idque rationibus probando, quibus humana prudentia prorsus acquiescat, nisi carnem audire malit, quam spiritum. Proinde prima fronte videatur non injusta censura a Joanne Pherepono argui Sanctus Augustinus, quippe qui in Libro *de Utilitate credendi* persuadere nititur, Christianam Religionem sine ratione prius veram esse credendam, ut illius veritas ratione postea percipiatur. *Vera religio*, inquit ibi Augustinus Cap. 9. *nisi credantur ea, quae quisque postea, si se bene gesserit, dignusque fuerit, assequatur atque percipiat, omnino sine quodam gravi auctoritatis imperio iniri recte nullo pacto potest*. Augustini sententiam Phereponus in animadversione ad eundem Librum pag. 396. his verbis infectatur: *Quo argumento probare poterat, prius esse quaedam sine ratione (nam hoc debet intelligi) credenda, quae postea perciperentur? Quis mendaciorum & fabularum Propola non posuit similia exigere: & postea dicere, si quis commenta ejus rejiceret, eum fuisse indignum, qui ea adsequeretur? An non Judaei & Esbnici Christianis, contra se ratiocinantibus, salia reponere poterant, esse credendum, non ratiocinandum?* Tum ostendere pergit, non injuria petere posse homines ad Christi Fidem convertendos, ut hujus Fidei veritas rationibus ante vera probetur, quam vera credatur. Aliter praepostere agi; nullamque superstitionem esse, ad quam pertrahi non possint homines, si obtineat opinio Augustini.

Verum enim vero Phereponus ineptam Augustino sententiam affinxit, eique contigit, quod reliquis, qui quum in hoste quaerant quod criminentur, errores & culpas deprehendunt, quas tamen non hostis saepe admittit, sed Cenforis livor incaute somniavit, atque creavit. Nos aequiore animo Augustini mentem investigantes palam faciemus, nihil aequius ab Augustino suaderi atque exigi potuisse, quam quod ipse a Manichaeis exigebat; & simul quodnam sit Rationis pondus, & quei Ratio procedere debeat in Religionis negotio, ostendemus. Uti diximus, Religio vera ab Auctoritate, sive Revelatione divina, descendere debet. Quum Deus nolit singulos per se alloqui homines, eisque Religionem veram mirandum in modum communicare: necesse est, ut isti ad Rationis consilium, & ad Auctoritatem quoque humanam confugiant, per quae subsidia de divinae

vinæ Revelationis veritate certi efficiantur. Ipsa humana Auctoritas; quanquam multum polleat, ad Rationis tribunal & examen trahenda est, nosque e Rationis consensu, sive dissensu, illius vim, aut infirmitatem dignoscimus. Rursus Ratio duplici via nos ad cognoscendam veritatem divinae Revelationis perducere potest; vel per demonstrationem, & argumenta intrinseca, vel per credulitatem, & persuasionem prudentem, hoc est per extrinseca argumenta.

Manichæi magnificis verbis homines ad Religionem invitabant, polliciti se omnia illius Mysteria & Dogmata demonstraturos esse evidenter cum veritate concordia, priusquam ab aliquo fidem exigèrent. Scilicet, si pollicitationem sequebatur effectus, poterant homines primo per rationem, sive per intrinsecas rationes, intelligere, veram esse illam Religionem, quam subinde per Fidem credituri erant, ita ut Fidei fundamentum foret ipsa Ratio. Contra Catholici contendebant, prius esse credendum per Fidem, ut postea per Rationem, & per intrinseca argumenta, intelligi ardua quaedam Religionis mysteria & dogmata possent. Quam quidem rationem pertrahendæ gentis ad veram sapientiam ambiciosissime deridebant Haereticorum omnium stultissimi Manichæi, non aliter ad tantam rem procedendum rati, quam nihil credendo, nisi rationi prius intrinsece constaret veritas per explicationem omnimodam, atque evidentem demonstrationem omnium Dogmatum, atque Mysteriorum.

Totus est Augustinus, ut ostendat, quam injusta flagitarent Manichæi, quam iusta Catholici. Primo, quia ne ipsi quidem haeretici promissa præstabant. *Plus enim, ut ait cap. 1. Lib. de Utilit. cred. in res. illis aliis diversi & copiosi erant, quam in suis probandis firmi & certi.* Et cap. 6. affirmat, eorum Auditores *falsa pollicitatione rationis inaudita millia fabularum credere & colere fuisse coactos.* Ipsos item Magistros ineptissimos fuisse in reddenda ratione, suisque doctrinis confirmandis, tradit lib. contra Epist. Manichæi cap. 5. & cap. 14. Immo id ostendit in reliquis suis adversus eos Haereticos lucubrationibus. Secundo, quia ipsi Manichæi ante omnia hortabantur auditores suos, ut Christo crederent, atque in hoc sequerentur auctoritatem Ecclesiæ Catholice. Quo facto, pollicebantur se exposituros, verumque esse demonstraturos quicquid dixerat Christus, & in Scripturis habebatur Manichæo calculo probatis. Terrio, quom divina quaedam Mysteria & Dogmata vim & captum intellectus humani excedant, & sint non quidem contra rationem, sed supra rationem: ideo Catholici agebant, per Fidem sternendam

nendam esse viam Rationi, ut haec in alta atque obscura, impetrato per Fidei obedientiam caelesti auxilio, postea penetraret. Quarto, ostendebant Catholici, etiam si Mysteria divina, & Sacrae Scripturae, humanis viribus intelligi possent, paucorum hominum esse rationes intrinsecas capere, quibus mens ad certam cognitionem rerum omnium divinarum perducatur. Num ergo ceteris hominibus, qui tam felici ingenio, tam vivo intellectu, praediti non sunt, idcirco neganda aut differenda Religio, neque per Fidem ad verum credendum sunt ii pertrahendi? Si hoc statuamus, tunc rudes & crassa Minerva afflati, arbitantes non sine rationibus & demonstrationibus esse credendum, nunquam ad veram Religionem pervenient, quia nunquam obscura & ardua quaedam Religionis arcana satis sint intellecturi. Tandem, ut alia praeteream Augustini argumenta, Christus ipse non alia ratione homines ad se pertraxit, nihil prius, nihil fortius exigens, quam ut sibi crederent, quum tamen illi nondum essent idonei ad divina percipienda secreta. Neque secus ad nostra usque tempora actum fuit in Ecclesia Catholica; & porro secus agere periculosum est, aut certe exiguum asseret fructum. *Haec est, inquit August. cap. 10. de Util. cred. providentia vera Religionis. Hoc iussu divinitus. Hoc a beatis majoribus traditum. Hoc ad nos usque servatum. Hoc perturbare velle atque pervertere, nihil est aliud, quam ad veram Religionem sacrilegam viam quaerere. Quod qui faciunt, nec si eis concedatur quod volunt, possunt quo intendunt pervenire. Cuiusmodi enim libet excellent ingenio, nisi Deus adsit, bumi repunt. Tunc autem adest, si societatis humanae in Deum tendentibus cura sit. Quo gradu nihil firmiss in caelum reperiri potest.*

Sed haecenus deducta dubitationi lectoribus eximendae satis non sunt. Nondum argumenta Phereponi dejecta, nondum ejus error detectus. Quum audiunt lectores, veterem Christianorum Rempublicam, & Augustinum poscere, ut ad veram Religionem accedentes primum sine ratione credant, facturi sibi gradum etiam ad intelligenda Religionis Mysteria, non continuo opinentur, iis imperatam esse Fidem sine ulla omnino ratione. Exigebatur, ut veram crederent Christi Legem; sed simul credendi rationes exponebantur, quibus ducti homines prudentissime veram crederent. Rationes autem istae erant, quae nunc in Scholis signa, seu Motiva Credibilitatis, appellantur, extrinsecas quidem rationes, sed proposito fortissime probando omnium consensu idoneae. Nos aliqua ex his argumentis supra attigimus. Proponebantur Infideli una cum divinis utriusque Testamenti.

Itamenti Libris Myſteria & Dogmata Chriſti, atque etiam explicabantur. At parcebat intrinſecis rationibus, quæ difficiles plerumque ſunt, ac intelligi nequeunt, niſi poſt longum ſtudium, & peculiari auxilio Dei; quod per Fidem divinitus inſuſam, & per Baptiſmatis gratiam ſperare deinde fas eſt. Ego, ait Auguſtinus cap. 14. *credere ante rationem, quum percipiendæ rationi non ſis idoneus, & ipſa Fide animum excolere excipiendis ſeminibus veritatis, non ſolum ſaluberriſimum judico, ſed tale omnino, ſine quo aegris animis ſalus redire non poſſit.* Sacerdotibus Chriſti Fidem prædicantibus inter Infideles, non Teologiæ Baccalaureos, ut barbaro utar vocabulo, ſed Chriſtianos facere animus erat. Præviis igitur Argumentis efficaciſſimis Credibilitatis movebantur Infideles ad credendum, veram eſſe Chriſti Religionem. Quo fundamento poſito, cognitaque veritate Revelationis divinæ, quidquid poſtea ab iſta cæleſti Religione propoſitum erat atque explicatum, etſi non intelligeretur, etſi intrinſecæ cauſæ & rationes non aſſerrentur, aut ſatis non caperentur, verum credebatur, & credendum erat, quippe a Deo mentiendi impotente in ea vera Religione traditum. Ita extrinſecæ rationes animum inſtruebant ad Fidem; miſericordia autem Dei animum ita inſtruſtum ad Baptiſmum, & ad cæleſte Fidei ſalutaris donum perducere ſolebat. Animus tandem divina gratia imbutus, ad obſcura & abdita Myſteria & Dogmata intelligenda, quantum creatæ menti licet, efficiebatur aptiſſimus.

Quod itaque in Catholicis criminabantur Manichæi, nihil aliud erat, quam iſtud præcipere Fidem ſine prævia demonstratione, ſine rationibus intrinſecis, evidentique dogmatum omnium atque Myſteriorum probatione. Id importune a Manichæis exigi, quin etiam parum pie, atque imprudenter exigi, Auguſtino præeunte, didicimus. Satiſ enim erat, ac tutius & expeditius, ad Religionem adducere homines per Motiva Credibilitatis, hoc eſt, per extrinſecæ rationes. Ad hæc animum Phereponus non advertens, ubi audiit, Manichæos rationem petere ante Fidem, Auguſtinum vero in contraria eſſe ſententia, tum cenſuit ſine ullis rationibus præviis impoſitum ab Eccleſia Catholica credendi jugum futuris fidelibus. At amabo, quid aliud Auguſtinus in Manichæis damnat, quam quod ante Fidem *rationem ſe de obſcuriſſimis rebus polliceantur reddituros*, uti Cap. 9. ait? Secundo, quod *credendum negent, niſi indubitata ratio reddita fuerit &c.* Et niſi apertiſſimam rationem ſtultis de Deo proſulerint, nihil credendum eſſe contendant? Nihil ergo aliud probare Augu-

Augustinus contendit, quam prudenter credi posse ac debere, vel antequam ratione, & certa cognitione, divina quaedam secreta & ardua quaedam ac obscura Myſteria intelligantur. Nonne ad rite prudenterque veram Religionem ineundam, ſatis eſt, ſi externis argumentis, quae multa atque efficaciffima habet ſola Chriſti Religio, ad credendum ducaris? Ubi enim tibi conſtitit, veram eſſe aliquam Religionem, tibi etiam conſtat, nonniſi vera in ea contineri, tametſi per demonſtrationem veritas ſingulorum tibi nondum perſpecta fuerit, Auguſtinus ipſe, quibus rationibus permotus fuerit, & quibus reliqui permoverentur ad amplectendam Chriſti legem, prodit in ipſo Libro de Utilitate credendi Cap. 14. dum ſignificat, ſe Chriſti moram in terris credidiſſe *populorum atque gentium confirmatae opinioni, ac ſamae admodum celeberrimae. Famae, inquam, celebritate, conſenſione, veruſtate roboratae.* Deinde cap. 16. partim admirandis Chriſtianae Religionis prodigiis, quae nemo niſi impudens neget, partim credentium multitudine, quae Auguſtini tempore ſe latiffime per ingentia terrarum ſpatia eſfundeſſe, moveri nos ad credendum ait: *Homini non valenti verum inſuere, ut ad id fiat idoneus, purgariſque ſe ſinat, Auctoritas praefſto eſt, quam paſſim miraculis, paſſim multitudine valere, nemo ambigit.* Sequenti autem Capite pleraque Credibilitatis Motiva enumerat, quibus Infideles adducti prudenter credere jubebantur, noſtriſque etiam jubentur temporibus. *Hoc factum eſt, inquit, divina providentia per Prophetarum Varietia; per humanitatem doctrinamque Chriſti; per Apoſtolorum itinera; per Martyrum conſumelias, cruces, ſanguinem, mortes; per Sanctorum praedicabilem vitam; atque in his univerſis, digna rebus tantis, atque virtutibus, pro temporum opportunitate Miracula.* En argumenta, en rationes, quae ab Infidelibus Fidem impetrabant, priuſquam certa & interna demonſtratione, ſive cognitione, intelligerentur omnia divinae Legis documenta atque Myſteria. Hinc Auguſtinus dicere pergit: *Quum igitur tantum auxilium Dei, tantum profeſſum, fruſtrumque videamus, dubitabimus nos ejus Eccleſiae condere gremio, quae uſque ad confeſſionem generis humani ab Apoſtolica Sede per ſucceſſiones Episcoporum, fruſtra Haereticis circumlaſtantibus; & paſſim plebis ipſius iudicio, paſſim Conciliorum gravitate, paſſim etiam Miraculorum majeſtate damnatis, culmen auctoritatis obtrunxit?* Alia hujusmodi argumenta extrinſeca, quae Auguſtinum in Eccleſiae Catholicae gremio tenerent, luculentius ab ipſo recenſentur in lib. contra Epiſt. Manichaei Cap. 4.

Nunc

Nunc ergo accedat Phereponus, & dicat pag. 596. Animadv. *Quis mendaciorum & fabularum Propola non posuit similia exigere? An non Judaei & Ethnici Christianis contra se ratiocinantibus, talia reponere poterant: esse credendum, non ratiocinandum?* At quis mendaciorum Propola, quis Ethnicus, aut Judaeus, tot ac tanta Motiva Credibilitatis asserre poterat, aut possit, quibus probet suam Religionem divinitus institutam, aut a Deo semper in pristinis legibus & ritibus conservatam, quot & quanta producere potuit, & potest Christi Religio? Non ergo sibi timere debebat Augustinus, immo Catholica Ecclesia, si credendum prius esse monebat quam intime evidenter omnia intelligerentur; nam reliquae Religiones tanta vi, tanto numero & concentu argumentorum carent, quibus fidem exigant ante rationem. Propterea extra oleas Phereponus fertur, quum in reliquis animadversionibus suis Augustino minatur, & flagra intentat, quasi hic nulla ratione prolata, Christo, ejusque Religioni, & sacerdotibus, credendum esse moneat. *Qui credit* (sunt Phereponi verba pag. 597.) *veram aliquam esse Religionem, seu Deum coli velle ab hominibus, sine ulla omnino ratione, aut insanis, aut ita hebes est, ut ab insanis non multum distet. Qui fidem habuit sibi sine ratione, idem etiam sine ratione, eum videbitur, sibi fidem detrahet, adsentieturque acque facile Arianis, si rerum poriantur, aut etiam, quod deterius est, Muhammedanis, quod revera fecerunt Afri post Augustini tempora.* Non vacat inquirere, cur in Muhammedanam superstitionem concesserit una cum Asia & Graecia, ipsa quoque Africa. Hoc unum dicam, temere pronunciari, Afros sine ratione olim credidisse, Christo, & ejus Religionem sine ratione didicisse, & per aliquot etiam saecula sine ratione servasse. Neque in animo est perpendere, quot exceptionibus subit, & quot explanationibus indigeat regula illa: *Qui tibi fidem sine ratione habet, facile etiam sine ratione tibi fidem detrahet.* Siquidem & Judaeorum, & Moslemorum filii sine ratione plerumque credunt parentibus, & majoribus suis, Religionem propriam tradentibus; neque tamen facile de sua se fide atque opinione dejici patiuntur. Quod si id illis contingit, quanto magis id Christianis continget, & porro contingere debeat? Qui enim vel sine ratione Christo credit, & per Baptismatis lavacrum Religioni verae conjungitur, dum id ex animo faciat, & non siste credat, ea caelesti virtute profecto donatur, quae illum vel sine ratione in Fide constantissimum continere possit.

Haec, inquam, missa faciamus, & certa sit undequaque Phereponi sententia, immo non aliud sit quam quod habetur Cap. 19. Ecclesiastici: *Qui cito credit, levis corde est*. At quid rei haec habent cum Ecclesiae Catholicae disciplina, quae a Christo ad nostram usque aetatem sanctissimam Religionem propagavit, tot rationibus, caussisque propositis, cur Sacerdotibus suis, & Christo credendum foret? Bardos plane stupidosque necesse est, faciat existimetque Phereponus tot populos ingenii fama alioqui celebres, qui sese ad Christum hucusque adjunxerunt, si aliter eos censet Christianae Religionis consensisse, neque iis, antequam crederent, fortissime persuasum putat, jure fuisse credendum. At, inquit Phereponus, non rationi, sed Sacerdotibus fidem exigentibus credendum esse Augustinus monet. Id juris si sibi arrogent Sacerdotes Ethnici, & eadem, quae Augustinus habet de Utilitate credendi, Christiano occiniant, quid responsi dabimus? Intoleranda ab iis peti, Christianus exclamabit. *Ne ergo*, subdit Cenfor, *bona ratiocinatio babeatur in Africa Christiana, quae Paralogismus fuisset ad ortum Euphratis*. Si sine ullis omnino rationibus Christiani Antistites sibi adhibendam fidem dixissent: ferri utcumque posset ista Phereponi percontatio. Verum, ut vidimus, aliter sese res habuit. Praeter animum non fictum adferebant Christiani Sacerdotes rationum pondus, quibus evidenter credibilem esse Religionem suam probarent, vel non intellectis evidenter singulis ejus dogmatibus atque mysteriis. Manichaei vero ita obfirmatis animis pugnabant, ut neque Sacerdotibus Catholicis, quamlibet fortissimis, eorum ex parte productis, adjungere fidem vellent, & adjungendam prae fracte negarent, nisi certa cognitione atque intrinsecis rationibus prius intelligerent & vera esse evidenter cognoscerent omnia divinae legis mysteria atque documenta. Itaque sponte evanescit inter Christianos atque Ethnicos Sacerdotes instituta comparatio.

Quum vero Augustinus Cap. 12. lib. de Util. cred. quaesisset; *Quomodo, si quod nescitur, credendum non est, serviant parentibus liberi, eosque mutua pietate diligant, quos parentes suos esse non credant?* Phereponus insurgit, & haec plane dissimilia esse pronunciat. *Nam parentes*, ita scribit, *& alii scire possunt, & revera sciunt, quinam sint sui, & certorum hominum liberi; nec ulla utilitate ducuntur, saltem plerumque, ad supponendos sibi alienos liberos. Sed Sacerdotes, qui volunt sibi credi de Religione, ejus veritatis non sunt magis conscii, quam*

quam alii homines, si rationibus sunt destituti; & plerumque non sine magna utilitate sua suum gregem augebant. At hoc ipsum exemplum dilucide ostendit, quod hactenus de quaestione ista non perpexit Phereponus, qui tametsi Criticæ Artis magister moneri se pariat, ut quando ad aliorum censuram fertur, diligentius eorum opera legat, mentemque scruteretur. Tria esse dixerat Augustinus Cap. II. *Intelligere, credere, opinari. Intelligere idem esse ac scire, seu aliquid mentis certa ratione tenere statuit. Tum hæc addit: Quod intelligimus debemus rationi; quod credimus, Auctoritati; quod opinamur, errori.* Ut autem ostendat, falli Manichæos, qui dicunt, *nihil esse credendum, nisi quod scimus*, liberorum exemplum adducit, qui procul dubio mentis certa ratione, & per demonstrationem scire ac intelligere nequeunt, suos esse parentes, quos ut tales diligunt & colunt, & tamen pie prudenterque tales esse credunt, quia auctoritate, hoc est, argumentis & rationibus extrinsecis ad ita credendum atque agendum moventur. *Credimus, inquit, & sine ulla dubitatione credimus, quod scire non posse confitemur.*

Quid nunc rei tam certæ objicit Phereponus? *Parentes ait, & alii scire possunt, & revera sciunt, quinam sint sui liberi.* At ut præteream, ne ipsos quidem parentes id scire interdum posse per scientiam certamque mentis cognitionem, quo sensu Augustinus hæc scire accipit: nunquid liberi per rationes intrinsecas, & per scientiam noscunt parentes suos? Non hercle. *Non enim ratione* (ut ipsis Augustini verbis utar) *ullo pacto sciri potest, sed interposita matris auctoritate de patre creditur; de ipsa vero matre plerumque nec matris, sed obstetricibus, nutricibus, famulis. Nam cui furari filius potest, aliisque supponi, nonne potest, decepta decipere?* Sed, inquit Phereponus, hoc exemplo probare vult Augustinus, credendum quoque esse Christiano Sacerdoti sine ratione, quum tamen hæc sint plane dissimilia. At quandonam somniavit quisquam, liberos sine ulla omnino ratione credere, hunc aut illum esse parentem suum? Illud ergo exemplum in eum tantummodo finem Augustinus adfert, ut ostendatur, *nihil omnino humane societatis incolumiter remanere, si nihil credere statuerimus, quod non possumus tenere perceptum:* hoc est cujus certa non habeatur scientia. Nimirum inter Augustinum & Manichæos vertebatur ista quaestio, utrum scilicet credi quædam prudenter possent atque deberent per sola Credibilitatis Argumenta, an vero necesse foret earum rerum Scientiam prius habere, ut prudenter deinde crederentur. Nemo neget, quin liberi verifi-

millimis rationibus ducti prudenter credant, & credere debeant parentes suos. Nemo etiam negare audeat, quin Infideles auditis duntaxat Motivis, ut ajunt, Credibilitatis, credere prudenter possint ac debeant Sacerdoti Christiano, quamvis internas quorundam divinorum dogmatum rationes nequaquam proponenti. Dissimilia autem sunt hujusmodi exempla, sed contraria atque alia ratione, quam Phereponus censet. Liberi enim facile in credendis parentibus suis, ut liquet, falli possunt; Infidelis vero in credendo Sacerdoti tot credibilitatis argumenta adferenti, si rationem consulat, sentit se falli non posse, etiamsi Sacerdos ille ad utilitatem quoque propriam eo in negotio respiceret: quod tamen quam modeste, quam vere, a Pherepono Christianis Sacerdotibus affingatur, ipse viderit. Tanta quippe est eorum argumentorum vis, quibus credenda ostenditur Christiana Religio, ut eam non solum prudenter, & sine difficultate credere quisque possit, sed etiam difficillimum sit homini iis auditis temperare a credendo. At Phereponus sibi temere persuadet, sine ullis omnino rationibus olim Sacerdotes fidem praecepisse, dum nequaquam intelligit, quid *scire* hoc loco sit Augustino. Poterat tamen ipse ex iis, quae retulimus, abunde perspicere, & partim etiam perspexit in eodem Cap. 14. Sed qui extra orbitam cucurrerat, se in viam revocare non valuit.

Disciplinam Ecclesiasticam de exigenda fide ante rationes intrinsecas exemplo Christi confirmabat Augustinus, inquit eum nihil prius, neque forius, quam credi sibi voluisse. *Fide, ait, ille stultos ducebat; vos ratione ducitis. Laudabat eredentes ille; vos objuratis &c.* Heic Phereponus suas obtrudit notas, ostensurus egrégia morum Praecepta & Miracula duas graves fuisse rationes, quibus divinus ille Magister sibi conciliabat fidem, quamvis Judaei non intelligerent, quaecumque dicebat. At rogo quid novi adfert eruditus Censor? Nonne & Augustinus ibidem haec habet: *Quid enim aliud agunt tanta & tam multa Miracula, ipso etiam dicente, illa fieri non ob aliud, nisi ut sibi crederent?* Quare ergo non intellexit aliquando Phereponus, fatis esse posse ad prudenter credendum Religioni Christianae Argumenta Credibilitatis, eaque argumenta antiquis Christianis in credendo, & in praedicando Infidelibus Evangelio familiaria fuisse? Ipse Christus causas & rationes intrinsecas altissimorum quorundam dogmatum non attulit; & tamen ut sibi crederetur, instabat. Sola Miracula, quae nemo alius fecerat, pro ratione erant, eorumque gratia prudenter assentiri Christo poterant, immo

immo debebant Judaei. Miracula autem non intrinsecas esse, sed extrinsecas rationes, ad probandam doctrinae veritatem, manifeste constat. Praeterea Phereponus hinc discere debuit, excipiendum cum risu fuisse exemplum Christi a Catholicis adhibitum, si isti non solum sine intrinsecis, sed etiam sine extrinsecis rationibus postulassent, ut sibi crederetur, quando ipse Dei Filius non aliter fidem praeceperit, quam praemissis ingentibus prodigiis, hoc est gravissimis rationibus extrinsecis, quibus tuto deducerentur Judaei ad credenda illa etiam, quae satis non intelligerent. Videat igitur Cenfor, quam recte in haec verba concludat: *Itaque non potuit Augustinus exemplo Christi uri, ut probaret Ecclesiam Catholicam jure sibi sine ratione credi postulare.*

Idem ex aliis quoque Augustini Libris, quae Catholicorum atque ipsius Augustini mens & consuetudo foret, colligere Phereponus poterat, nisi figmentum suum nimis amasset, ex quo exercendi ingenii cenforii tam bella occasio suboriebatur. Inquit autem Augustinus in Lib. de vera Religione cap. 34. *Ipsa quoque animae medicina, quae divina providentia & ineffabili beneficentia geritur, gradatim distincteque pulcherrima est. Distribuitur enim in Auctoritatem atque rationem. Auctoritas (videlicet argumenta credibilitatis) fidem flagitat, & rationi praeparat hominem. Ratio ad intellectum cognitionemque perducit. Quanquam neque Auctoritatem Ratio penitus deserit, quum consideratur, cui sit credendum; & certe summa est ipsius jam cognitae atque perspicuae Veritatis auctoritas.* In Epistol. 120. cap. 1. alias 22. apertius exprimit, quae sententia foret Ecclesiae Catholicae. *Abis* (sunt ejus verba) *ut ideo credamus, ne rationem accipiamus, siue quaeramus; quum etiam credere non possemus, nisi rationales animas haberemus. Ut ergo in quibusdam rebus ad doctrinam salutarem pertinentibus, quas ratione nondum percipere valeamus, sed aliquando valebimus, fides praecedat rationem, qua cor mundaetur, ut magna rationis capiat & perferat lucem: hoc utique rationis est.* Quae verba Phereponus veritatem prorsus consentientem habere & ipse adnotavit, atque affirmavit; quamvis postea fateatur, se non intelligere, quomodo haec in concordiam redigi possint cum iis, quae alibi de Auctoritate ab Augustino traduntur. At nihil homini facilius erat, quando ad ejus Libros accessisset amantis potius quam inimici animo, & non insectandi, sed illustrandi tanti viri causa in eum commentarios sibi conscribendos suscepisset.

Ceto

Ceterum lepidus mihi videtur Phereponus, quum veras divina re vult causas, cur Augustini tempore Fides, ut ille somniat, sine ratione exigeretur. Prima est, quod Christiani non satis erant in Philosophia Criticaque exercitati, ut Scripturam, contra objectiones Manichaeorum, aliorumque defendere commode possent. Altera, quod revera sibi consciis essent, non pauca a se dici plane contraria rectae rationi, qualia erant tam multa, quae de Gratia & Praedestinatione, aliisque dogmatibus iis adnexis, quasi capita Fidei credenda ab Augustino proponebantur. Denique is sermo fuit partium iam vires suas sentientium, & multitudine sua fretarum; quam saepe jactat beic Augustinus, contempta paucitate aliter sentientium, en quor criminum postulet Ecclesiam Catholicam suis hisce divinationibus Phereponus noster. Sed ad primam causam quod attinet ab eo excogitatam, negamus, ita Critices & Philosophiae scientia destitutos fuisse veteres Christianos & potissimum Augustini tempore, ut commode interpretari tuerique non possent Scripturas sacras. Prostant eorum Libri, quibus vindicarunt ab Ethnicorum, Manichaeorum, aliorumque hostium censuris veritatem, & sanctitatem divinorum codicum. Multi e Manichaeis, plures ex aliis Sectis, innumeri e Paganorum superstitione ad veram Christi Religionem perdusti (nisi omnes illos inter pecora stipitesque referre volumus) argumento sunt, non infelicititer neque segniter versatos esse veteres Ecclesiae Catholicae Praefules & Pastores in sacris voluminibus protegendis & recte explicandis. Secundo dicimus, peculiarem illam Criticam & Philosophiam, quam expetit Phereponus, ne necessariam quidem olim fuisse, neque adhuc esse, ut quis jure ad Christianam & Catholicam Religionem advocetur, atque impellatur. Satis superque sunt Argumenta, quibus prudenter credibilis, immo evidenter credibilis, ostenditur Christi Religio. Non aliis usus est ipsemet Christus; non aliis fere semper in praedicatione Evangelii usi sunt ejus Apostoli, atque Apostolorum Successores, ceterique Ecclesiae Catholicae Doctores. Non aliis utendum contendit Origenes lib. 1. contra Celsum, hominem nempe, qui Pherepono in hujusmodi accusatione praeiverat. Curae tor agricolarum, quanquam Philosophiae & Critice, si Phereponum auscultamus, imperitorum, quanta messis responderit, ac respondeat, nulla non loquitur Historia. An multos ad Christum adducere possit, atque adducat praescripta a Pherepono via, tantumque ab eo commendata Ars Critica, videant alii. Illud quidem affirmari posse reor, si homines induxissent, aut inducant in animum,

animum, tum solum credendum esse Christo, quum sublatae evidenter fuerint omnes in divinis Scripturis dogmatibusque occurrentes difficultates, eos aut serius quam par est, aut nunquam futuros fuisse, & fore Christianos. Rationi feroci, atque admodum curiosae, sive etiam infirmae, nunquam satis est; neque est ulla gens tam discordiarum ferax, quam quae enixam dat operam Criticae, & de omnibus dubitat, nihilque credendum ducit, nisi quod est evidenter probatum. Unusquisque in suo sensu abundat, unusquisque supra alium se sapere arbitratur, & uni sibi credere novit. Quamobrem tutior, & laudabilior semper fuerit ratio praedicandi & persuadendi Evangelii, quam Christus, quam nostri Majores hucusque servarunt, & quam forsasse non impugnasset ipse Phereponus, si Augustini consilium sententiamque hac de re (quod facile fuit) melius percepisset. Sed alibi de Critices usu, abusu & necessitate, & de scientia Patrum quaedam commentabimur.

Quod est ad alteram causam, nempe ideo a rationibus reddendis se abstinuisse veteres Christianos, & Catholicos, *quod revera sibi conscii essent, non pauca a se dici contraria rectae rationi: a veritate omnino abhorret.* Nonnulla quidem diximus in Catholica Religione tradi, quae supra humanam rationem sunt, qualia sunt a Christo revelata de Dei natura. At aliqua ibidem tradi, quae sint, si Superis placet, plane contra rectam rationem, & id non ignorari a nobis, nullus unquam Catholicus, nisi errans, sibi persuasit: nullus nisi stultus, somniavit. Et queis, rogo, Auctoribus tam deformem sententiam Ecclesiae Catholicae imponit Phereponus? Haereticos forsitan cum antiquos tum recentes, quibuscum & ipse sentit & facit, sui dicti daturus est testes. Verum quonam ex Canone Critico didicit ille, credendum esse hostibus nostris affirmantibus, quod nos constantissime negamus? Quandoquidem tamen Augustinus ipse accersitur in hanc eandem causam, ostendat quaeso Phereponus, eum sibi conscium fuisse, adversari rectae rationi, quae *de Gratia & Praedestinatione* a se proponebantur. Mihi nullum dubium est, quin Augustinus hac de re interrogatus non solum se tam absurdae opinionis conscium negasset, sed etiam invictis rationibus ostendisset, sententiam suam cum recta ratione penitus consentire, aut saltem ab illa non abhorre. Pro ipso luculenter respondere adhuc possunt editi ejus Libri, in quibus unice probat, nullam aliam, quam suam, & Ecclesiae Catholicae, de Gratia & Praedestinatione sententiam habere consensum Scripturae atque Rationis. Si ille (singamus rem
a vero

a vero longe alienam) in ea fuit opinione, quam Calvini Sēctatores eidem tribuunt, non inficiamur, quin contra ipsum recta ratio pugnaret. Sed, hoc etiam posito, certissimum est, non advertisse Augustinum, quantopere huiusmodi sententia adversaretur rectae rationi. Nam & ipsi Calviniani, qui revera in hisce quaestionibus contraria rationi docent, induci non possunt ut credant, se rationi contraria tradere, atque in tam misero errore versari. Deinde prodit ipse Liber de Utilitate credendi, qualia Augustinus sentiret. *Credere, inquit is Cap. 11. tunc est culpandum, quum vel de Deo indignum aliquid creditur, vel de homine facile creditur.* Utique fatemur, nihil indignius excogitari de Deo posse, quam quod Augustino Calvinus adscribit; nempe a Deo creari homines, qui antecedenti necessitate non secus ac fato compellantur ad bonum & malum, & subinde ab ipso Deo propter delicta puniantur, quae illi non coacti quidem patrarunt, sed electione & resistendi facultate sine sua culpa destituti evitare nullo pacto potuerunt. Talia Deum prorsus dedecet, nimumque rationi adversantur. Si verum foret, eam fuisse Augustini sententiam in Gratiae & Praedestinationis negotio, quam tradidisse ab haereticis recentioribus dicitur, & conscius ille sibi fuisset, in quot a ratione absōna atque indigna Deo, se sua opinio conjiceret: adeone mentis inops fuisset, ut tunc esse culpandum hominem diceret, *quum de Deo indignum aliquid creditur?* Sed Augustinus a Calvino perverse explicatus, neque indigna Deo tradidit, multoque minus sibi conscius fuit, se aliquid credere contrarium rectae rationi.

Denique idem ille est Augustinus, qui Epist. 143. olim 7. haec scribit non ignorata Pherepono, immo aurea jure ac merito ab ipso appellata. *Si Ratio contra divinarum Scripturarum auctoritatem redditur, quamlibet acuta sit, fallis verisimilitudine, nam vera esse non potest.* Rursus si manifestissimae certaeque Rationi velut Scripturarum sanctarum objicitur auctoritas, non intelligit, qui hoc facit; & non Scripturarum illarum sensum, ad quem penetrare non posuit, sed suum porius objicit veritati; nec quod in eis, sed quod in seipso velut pro eis invenit, opponit. Idem etiam Lib. 4. de Trin. Cap. 6. praeclarissime inquit: *Contra rationem nemo sobrius, contra Scripturas nemo Christianus, contra Ecclesiam nemo pacificus senserit.* Similia habet aliis in locis. Nunc ergo a Pherepono petimus, qua fronte affirmare possit. revera sibi conscius fuisse Augustinum a se tradi contraria rectae Rationi in quaestionibus de Praedestinatione &

Gratia

Gratia, nisi ceaseat Augustinum, virum ingenio & memoria ad invidiam praestantissimum, supine admodum delirasse, aut virum summe pium impostorem fuisse mendacissimum, qui aut ignoraret, quae in animo certa & statuta habebat, aut quaedam intimo corde crederet, contraria vero alios decepturus, depraedicaret? Haec, inquam, nisi devorare velit Phereponus, fateri tandem cogatur, Augustinum, qui contra rectam rationem sentiendum esse negat, sibi conscium non fuisse, a se proponi quaedam, quae ipsam rectam rationem inimicam haberent; sive, si ita Pherepono placet, errasse quidem Augustinum contra ipsam rationem, sed ipsum se errare non cognovisse.

Facile vero nobis foret ostendere, ne errasse quidem Augustinum, neque a ratione absque prodidisse in controversiis de Praedestinatione & Gratia. Sed occupata jam fuit ista provincia a doctissimis inter Catholicos viris, quorum etiam cura atque eruditione palam factum est, quantum Augustini dogmata a Calvinianis distent. Illud in praesentia adnotasse sufficiat, ab Augustino adhuc Presbytero conscriptum fuisse Librum de *Utilitate credendi*. Eo autem tempore, quum inter ipsum & Pelagianos, quippe nondum ab ovo eductos, nullae quaestiones de Gratia intercessissent: inepte dicitur Augustinus aliena a recta ratione in Gratiae & Praedestinationis argumento proposuisse. Immo tantum abest, ut id contingerit, ut nihil prius neque antiquius tum Augustino esset, quam Liberum hominis Arbitrium a Manichaeis defendere, quod postea in reliquis contra Pelagium scriptis ab ipso laesum nonnulli perperam opinantur. Testis etiam est ipsemet Augustinus, se tum temporis incaute adhaesisse opinioni de initiis Fidei merito hominis, non Gratiae Dei, tribuendis, quam postea adoptarunt Semipelagiani. Quamobrem quum liquido constet, eo saltem tempore, quo Librum illum scribebat Augustinus, ab ipso proposita non fuisse aliena a recta ratione in argumento divinae Gratiae: constabit etiam, nihil magis abs re produci a Pherepono potuisse, quam quod Catholici ideo Fidem ante rationem exigerent, quia conscii sibi erant, tradi a se quaedam plane contraria rectae rationi. Idem quod de dogmatibus ad Gratiam spectantibus dictum est, dici & de aliis potest, quae in Catholica Religione rationi rectae repugnare Phereponus credit, & quae libenter, ut opinor, haec quoque memorasset, nisi fortasse contrariis suis non omnes illius sententias, non ejus ubique licentiam, aequo animo ferentibus, parcere consultius duxisset.

Tom. X. P. I.

F.

Tertia

Tertia causa, quare postulabant Catholici, ut rationi anteverteret fides, Pherepono divinate, ea fuit, quod ii suas jam vires sentirent, suaeque multitudine freti, aliter sentientium paucitatem contemnerent. *Ejusmodi partes*, inquit is, *ac ingenia pati non possunt sibi obloqui pauciores, sed volunt fidem loquentibus continuo haberi*. Nescio, an heic Dordracenam Synodum tacite carpat ingeniosus Cenfor. Hoc quidem novi, ipsum, quamquam minime falsa de Catholicis heic narret, multitudinem suam Manichaeorum gregi objicientibus, non minus tamen quam antea in nos contumeliose agere. Amplissima quippe Catholicorum Respublica sibi fidem ab Ethnicis habendam esse contendebat, non quod tantummodo loqueretur, sed quod, ut vidimus, evidenter credibilia vel sine rationibus intrinsecis, loqueretur. Nunquam huc respicere Phereponus didicit. Ubi autem in Haereticos disputatur, multitudo quoque ipsa validum praebuit semper argumentum dignoscendae Religionis verae. Quum enim quaeritur, quae inter tot Sectas, quarum unaquaeque sibi veram Christi Religionem tribuit, Orthodoxa sit, & germana Religio: praeter alia *Credibilitatis argumenta*, quae unis Catholicis favent, illud quoque favet, quod isti re & nomine Catholici sint, semperque fuerint ab Apostolorum aetate. Hoc est, quod per universum terrarum orbem diffusa sit, & adhuc ex divino munere latissime pateat una Catholicorum Religio: quod hucusque Haeresi nulli contigit, neque contingeret ante ultimi judicii dies, & quando etiam contingere posset (quod non concedo) nihil Religionis, quae hucusque Catholica fuit, veritati officeret, ut nemo non intelligit. Haec etiam tessera ad reliquas accedit, quibus in unum collectis vera Christi Ecclesia a falsis atque Haereticis distinguitur; eamque sapientissime in sacris Symbolis, in aecumenicis Conciliis, in Patrum scriptis constitutam habemus, & ab Haereticorum oppugnationibus efficacissime semper adhibitam scimus. Sed commodius hac de re in sequentibus Capitulis habebitur sermo.

Praesenti finem faciemus, simul ac monuerimus Lectorem, non heic tantum, sed & aliis in locis Phereponum Augustino loquenti de *Utilitate credendi* bellum indixisse. Attamen quum tam imparatus ad accusandum venerit, ut quod maxime opus erat, ne statum quidem quaestionis intellexerit; nullo negotio patebit, quam imbellia sint in ista contentione illius tela, & quam incaute pugner, si memoria repetantur, quae hactenus conscripsimus. Quapropter nulla mihi amplius cura refellendi ejus animadversiones in cap. 7. Libri

de quantitate animae, & in cap. 2. Lib. 1. de moribus Ecclesiae Catholicae, & in cap. 2. Lib. 1. de libero Arbitrio. Unum tamen omittendum non est, quod ille habet in hunc postremum locum. Culpat nimirum, aut potius deridet Augustinum, quod ex Isaiae cap. 7. haec verba citavit. *Nisi credideritis, non intelligeris*, iisque probare contendat, prius esse credendum, quam intelligendum. At ista Prophetæ verba nihil ad rem facere novus Censor exclamât, quippe ab Hieronymo aliisque recte translata, diversum reddunt sensum, nempe *Nisi credideritis, non permanebitis*, ita ut Prophetici sermonis series ab Augustini mente longissime abscedat. Pro sententia Prophetæ, inquit Phereponus, *laudat bonus vir figmentum Graecorum Interpretum &c. Credidit enim hunc esse sensum Scripturae, antequam sciret, an LXX. Interpretibus per omnia fidere liceret, aut hunc locum bene esse ab iis versum constaret.* Lectorem nolo diu detinere disputando, an sustineri aliqua ratione possit LXX. Interpretum versio, cujus sensum in his verbis usurparunt alii doctissimi Patres, & Hieronymus ipse non improbat. Quaecumque sit germana eorum verborum sententia, certum est, Augustinum rem veram, ut vidimus, per ea probare voluisse. Verum autem dogma, etsi inutilia ad illud confirmandum congerantur, verum certumque esse non definit. Immo regula est, quando ex diversis interpretationibus diversi sacrae Scripturae sensus emanant, iis licere nobis uti, non ad fundandum quidem, sed ad illustrandum aliquod dogma; nihil enim periculi subest, ut ille sensus, quanquam alioqui non profit, dogmati noceat, quod veritati congruere ex aliis Scripturarum locis evidentioribus ostendi potest. Augustinum autem non expectasse, ut a Pherepono de diversa illius versione certior fieret, constat e Lib. 2. Cap. 12. de Doctrina Christiana, quem ab ipso conscriptum novimus duos annos post Libros de Libero Arbitrio.



CAPUT SEXTUM.

Infirmas humanas mentes, atque rationis, & errandi in homine facilitas. Ejus causas, fuga disciplinae, socordia in inquisitione veri; corpus male compactum, & pessime affectum; penuria atque abusus subsidiorum ad inveniendam Veritatem; memoriae cunctitas; phantasiae impotentia, & praecipue dum affectus in animo regnant; Voluntatis perversa indoles; mentis ipsius angustia, ignorantia, oblitio, & prava electio principiorum, quibus ad recte judicandum usi necesse est.

HACTENUS dictum est, quousque in inquisitione Veri, quantum ad Religionem ineundam spectat, humano Ingenio sit procedendum; hominique prudenter agenti sufficere, immo necessarium esse diximus, ut Argumentis Credibilitatis contentus fidem suam Religioni verae prius accomodet, quam omnia illius dogmata atque mysteria per evidentem rationis intuitum perspicere atque intelligere velit. Sed non desunt, qui Manichaeorum pervicaciam imitentur adhuc, suaeque mentis ambitione fascinati rerum omnium veritatem assequi se posse suis viribus temere confidunt, & Rationis humanae vires ultra aequum exaggerent. Ut perniciose haec opinio funditus concutiat, invadendum nunc est in arcem errorum omnium, hoc est aperienda sunt homini, quam brevissime poterimus, tum infirmitas, tum stultitia creaturarum mentium. Hinc leges, hinc praecepta moderandi Ingenii petamus oportet. Nos noscere ante omnia nosmetipsos, ab ipsis quoque Seculi Sapientibus jubemur. Neque sane ullus ad veri Dei cognitionem atque amorem sperandus est progressus, nisi prius praecesserit imbecillitatis nostrae cognitio, & nisi humilitas ab ipso Deo in nos descendens nos ad ipsum convertat, animumque superbiemtem castigans, efficiat idoneum ad majora e caelo dona aut excipienda aut impetranda.

Quum dicimus, infirmam esse atque imbecillem hominis mentem atque rationem, significare volumus, hominem licet ratione praeditum, suis tamen viribus difficile ad Verum inveniendum, recteque judicandum pervenire, facile vero in errorem rapi, atque in errore

errore jacere. Duplici e causa manare videtur hujusmodi infirmitas atque impotentia. Prima est, quod homo Veritatem quaerere non vult, & adhibere subsidia ad Veritatem inveniendam idonea. Altera, quod etiam si Verum quaerat, invenire saepe non potest ex ipsius difficultate Veritatis, aut ex inepto rationis usu. Has causas sigillatim explicabimus, ut sua humanae rationi vulnera evidentius constent, & ingenia nostra tandem pudeat suae ambitionis atque proterviae.

Sentiunt omnes, nemo negat, rationale animal ab utero matris crassissimam secum asferre ignorantiam omnium rerum. Mox ista ignorantia paulatim depelli solet, ubi sensibus, & meditatione pollere, iisque uti homo coepit. Ideae rerum an nobis ingenitae sint, vel adveniant peregrinae in mentem nostram, Philosophi disputant; nos in medio reliquimus. Illud constat, necessarium esse meditationis & sensuum usum, quo aut in animo domesticae excitentur, aut in animum novae importentur rerum ideae. Hinc Seneca in Ep. 95. *Omnium, inquit, bonestatum rerum semina animi nostri gerunt, quae admonitione excitantur, non aliter quam scintilla flatu levi adjecta ignem suum explicat.* Meditari autem dicimus, quum anima vegeto corpore, & ut ita dicam, ipsa vigilans aciem suam in res, & earum essentiam, causas, effectus, & qualitates acute intendit. Usus sensuum, experientia, parentum & aequalium consuetudo, atque alia humanae vitae instrumenta, rudem intellectum, velit nolit sensim informant, & aliquam Veri notitiam in ejus penetralia inferunt. Sed quota pars haec Veri immensi dici potest? Quot etiam erroribus & falsis opinionibus permixta non est, atque infecta? Sola plerumque rerum vulgarium, & sensibus obviarum notitia hinc fluit; immo sola ipsarum superficies cognoscitur. Quare nisi ulterius homo procedat, & quaerere velit immanem reliquarum Veritatum copiam, atque intime perpendere, quae jam didicist: interdum bipes a quadrupede, nisi ex habitu corporis externo, dissimilis non videatur. Quidam igitur socordia atque odio laboris, & affectibus pravis impediti; quidam nimio ardore incitati erga humanae vitae negotia, & vilia quaeque commoda, quibus unice inhiant; alii, quod invenire scientiam desperent; alii, quod se opinentur scire quod nesciunt (& si quae sunt aliae causae), Verum quaerere nolunt, negliguntque subsidia homini ad inveniendum Verum necessaria atque opportuna. Quot autem erroribus id hominum genus serviat, & pateat, nemo nescit. Infantes plane appareant, quum
de re-

de rebus agitur, quae vulgarem humani commercii usum aliquantulum excedunt, eorumque mens in angusto sensibilibus quarundam rerum gyro constricta, latius explicare volatum non solet, erratura, si faciat. Vigente igitur in istis primaeva adhuc ignorantia, quam expellere fortasse potuerunt, at certe noluerunt: nil mirum, si imbecillima est eorum ratio; si stultis falsisque opinionibus se abripi quotidie sinunt, si vetera deliria nunquam abiciunt, & se impares sentiunt ad abdita rerum noscenda, ad arduas & invias quaestiones dirimendas, ad rite meditandum, Falsumque in casibus innumeris a Vero distinguendum.

Longe gravior altera infelicitas est, quod nempe homines, etiam si Verum, & Scientiam, & semitas ad utrumque perducentes quaerant, reperire tamen saepe nequeunt. Huiusmodi impotentiae triplex in medium adferri causa potest, Corpus videlicet, instrumenta sciendi, & animae ipsius facultates internae. Et quod est ad Corpus, praeter organa male Animorum indoli respondentia, quae nullo neque studio, neque voto emendare valemus in nobis, innumeri morbi bellum corpori quotidie indicunt, atque ideo consiciantur cum Animo ipso. Sui carceris dolores atque incommoda non sentire Animus nequit, ac proinde nemo non sentire cogitur, quantum imbecillitatis e Corpore imbecilli, infirmo, & male affecto inferatur in Mentem, quantumque tenebrarum tenebrosa haec massa Corporis lucidissimae Rationi creet. Certe hac de causa hominum plerique in pristina ignorantia perdurant, & ad nobiliores disciplinas, quamquam velint, conscendere nequeunt; neque fas est obtusis crassisque ingeniis & nulla memoriae tenacitate praeditis se immiscere parum obviis atque reconditis Veritatibus, suumque interponere iudicium in arduis non vulgarium rerum quaestionibus,

Ad impotentiam humanae Rationis veniamus, quae nobis obvenit ex inopia & fallacia instrumentorum, per quae Verum colligitur, Falsum evitatur. Et heic suos patitur manes mortalium conditio. Multis defunt ejusmodi adminicula, atque instrumenta sciendi. Quot adhuc populi sunt, quibus liberales Disciplinae tradantur, quibus sint praesto doctores? Utique pauci. Apud complures ne minima quidem earum Artium vestigia offenduntur, per quas ad Verum conscenditur, & eruditus atque excultus animus cavere sibi aliquo pacto ab immensa errorum colluvione potest. Respice Africam, Asiam, Americam, & quaecumque sunt in ipsamet Europa nimium *Hyperboreo septem subjecta Trioni*. Immo hanc ipsam omnium beatissimam

tissimam terrarum Europam intuere. Quotae hominum parti tam bene vult natura, ut doctoribus affluant, & disciplinis? Quotae, etiam si adsint, iis operam navare solent, aut cupiunt? Quibus profecto perinde est carere optimis Artibus, earumque Magistris, ac ab iis adiscendis propter impedimenta & negotia vitae perpetuo removeri. Nemini autem dubium est, quin tanta barbaries, tanta doctrinae Linguarumque inopia, naturalem incitiam foveat, innumerisque etiam erroribus januam aperiat.

Deinde ipsa haec sciendi adminicula, saepe veritatis, at non raro etiam erroris instrumenta fiunt. Ut est hominum genus prae improbitate ad mentiendum ac ad fallendos alios proclive, prae mentis vero infirmitate falli ac decipi facillime potest: ita necesse est, ex aliorum hominum consuetudine, ipsorumque doctorum commercio ad errandum pertrahamur. Hinc parentes, hinc nutrices, inde majores, & inde aequales, nos ab ipsa ineunte aetate fabulis imbueri, perversisque judiciis teneram occupare mentem, quam deinde, novis illatis errorum tenebris, ita docti eruditique suis interdum scriptis ac voce deformant, ut longe priore ignorantia deteriorem rerum scientiam sive intelligentiam habeamus.

Attamen gravioribus etiam causis humanae mentes a Vero percipiendo avertuntur, aut impediuntur. Quod facile patet, ubi consideremus interiores animorum recessus, atque impedimenta Veri, quae ipsi animo sunt aut propiora aut etiam intrinseca. Prima errorum causa tribui potest hominum Phantasiae, & Memoriae. Nam simul ac aliqua rerum vivacissima imago in Phantasiam irrui, atque in ea fortiter inscribitur, tum difficile Anima se se abstinere potest ab ea imagine contemplanda, quam sive vel nolenti passim ingerit, atque objicit potentissima illa facultas. Dum autem tanta vi ante oculos animae internos obversantur hujusmodi alte impressa phantasmata, ita liberos animae motus usurpant ac impediunt, ut ipsa impar eo tempore fiat contemplandis recipiendisve aliis phantasmatibus, quorum tamen ad recte judicandum necessaria meditatio foret. Ad haec anima occupata a nimium praesente aut urgente imagine aliqua, satis auscultare neque solet, neque interdum valet rationes aliarum rerum, & placido consilio Verum a Falso dirimere, Bonum, & non Malum, eligere. Atque adeo quo fortior est Phantasiae vis, quo frequentius, aut ferocius in ipsam imago aliqua illabitur, eo debiliior efficitur. Animae virtus in inquisitione atque inventione Veri. Ita fit, ut quae facultas a natura instituta

fuit

fuit in auxilium dominaturae Rationis, eandem Rationem non ratio servam efficiat, atque impotenter in homine regnet.

Sed Phantasia ac Memoria tum maxime Rationis consilio nocent, quum una cum animi perturbationibus, sive Affectibus, in nos penetrant imagines rerum tam sensibilem quam intelligibilem. Non solent istae in penetralia hominis ingenti cum impetu deferri, ibique alte infigi, atque internum animae intuitum in se pertinaciter convertere, quotiescumque ea, quae a sensibus nuntiantur, aut ab intellectu excogitantur sive percipiuntur, nullum aut etiam levem creant in Anima Affectum, sive perturbationem. Multa quotidie aspicimus, multa audimus, quae perinde quasi assiduitate viderint, ad Phantasiam quidem perveniunt, ibique habitant, sed sine ullo, aut summum sine aliquo gravi Animae ipsius motu. Contra quae excogitata, seu sensibus accepta, Amorem, Odium, Metum, Spem, Stuporem, Dolorem, aliasque huiusmodi affectiones in animo excitant, concitatus Phantasiam aggrediuntur, profundiusque in ipsa consignantur. Hinc fit, ut quoties phantasmata ita conformata mens contemplatur (quod saepe ultro facit, immo saepe facere paene cogitur), toties Animae objicitur non solum ipsum phantasma, sed ipsa etiam conjunctae affectionis notio. Nunquam fere alicujus hostis imago exhibetur animae, quin & odii vestigia reventur in anima. Nunquam latronum Avarus meminit, quin timeat. Nunquam amantis animo obversatur conquestae pulchritudinis species, quin amoris etiam flammae excitentur. Porro si animi affectus cohibere atque ad normam rectae rationis redigere, arduum opus est; si nihil verius est, quam paucorum esse, insidias omnes, cuniculos, & abdita machinamenta suorum Affectuum detegere, atque eludere, si certum est, importune a conjuncta Phantasia Animam vel recusantem rapi ad intuendas & contemplandas imagines rerum, quas alicujus ferventis affectus notio continuo sequitur: quis non intelligat, cum Phantasiam ac Memoriam, tum animi perturbationes non solum ad Veritatem percipiendam saepe impedimenta esse, verum etiam complurium errorum fontes esse dicendas? Quod malum quum frequens sit in humanae vitae negotiis, frequentissimum tamen est in Litterarum studiis, & in eruditorum Republica. Nam, ut alia omittam, ubi alicujus phantasiam occupavit imago, puta Platonis, aut Epicuri, aut Aristotelis, eorumque opiniones & sententiae ad Animae nostrae notitiam pervenire, si admiratio, si amor, si reverentia imaginem huiusmodi consecrata sunt, ita exinde pulsatur

pulsatur atque agitur animus ab ista imagine, & ab istis affectibus, ut sola Platonis, Epicuri, atque Aristotelis dicta magni aestimet, reliquorum contemnat. Contrarium accidit, si pro amore odium, pro admiratione contemptus erga Scriptorem aliquamve sententiam concipiantur. Tandiu autem erroribus obnoxia est anima, quandiu in Phantasia ac Memoria impotenter dominantur adeo vivida phantasmata, & pergunt sine freno interius regnare priores affectus, quos sola recta Ratio diligenter excutiens, eorumque pensitans justam injustamve originem, in ordinem cogere & moderari potest.

Voluntatis etiam perversitate fit, ut saepe ac saepius erreretur. Omnium hominum est, se velle esse beatos. Ex hoc naturali appetitu varia affectuum familia Voluntati nascitur. Nihil enim aliud sunt animi affectiones, quam Voluntatis motus, vel in bonum acquirendum, aut acquisitum, vel pro bono acquisito, vel propter bonum perditum, aut nondum acquisitum. Amamus, dum uniri bono, aut in ejus unione permanere volumus. Dum bonum quaerimus, desideramus. Dum non longe a consequendo sumus, speramus. Consecuti, gaudemus. Soliciti ne amittamus, metuimus. In rapientem aut rapere volentem, odio & ira movemur. Propter amissum bonum, dolemus. Idem de reliquis affectibus dicendum. Ceterum si erga unum verum Bonum perpetuo moveretur Voluntas, semperque prudentiam adhiberet suorum motuum ducem, nihil Voluntati succensere, nihil inde sibi timere Intellectus posset. At quum corrupta hominum Voluntas plerumque feratur in apparentia bona, quae mala profecto sunt, quotiescumque animum a vero Bono avocant, & arcant: hinc ipsemet Intellectus in servitutem, miserrimamque conditionem devolvitur, & erroribus innumeris subest. Ruit Voluntas in corporeas voluptates, in divitias, in fluxos honores, terrenae hominis parti, cui arctissimo vinculo & amore conjuncta est, beatitatem, ut sibi persuadet, paritura. Illam occupat aut Glorae appetitus, ejusque soboles novitatis ardor, aut dominandi libido, aut aliae cupiditates hujusmodi, quae uno Concupiscentiae nomine designantur in sacris Scripturis. Ita imperio delirantis & in varios affectus dissipatae Voluntatis abreptus Intellectus, delirare & ipse cogitur. Neque enim, dum tam male se habet Voluntas, & dum Corpori nimium servit, menti vacat veritatem perscrutari, atque errores detegere; quippe quae tum unice studet rationibus, quibus Voluntati comparantur illa apparentia bona. Et siquidem vacat, in irritum saepe cedit mentis conatus, non sinente male sano affectu, ut sincere mens

judicet, & aperte aut subdole agente Voluntate, ut suae cupiditati saveat & consentiat Intellectus infirmus.

Tandem ad rite ac tuto judicandum duo impedimenta supersunt. Primum in eo situm est, quod creatae mortalium mentes, quamquam latissime excurrere posse sibi videantur, admodum tamen angustis concludantur limitibus & spatiis, si cum Angelicis mentibus conferantur, ne Deum huc advocem, cujus comparationem humanae mentes nullo pacto sustinere possunt. Sunt quamplurima, ad quae circumscripta vis Intellectus nostri, donec in isto mortali corpore versatur, penetrare nequit, quantacumque demum adhibeatur meditationis intentio & ingenii solertia. Multa ex his habet Physica, plura habet Astronomia, Medicina, ut de aliis Artibus taceam: Eo redit mentis conatus, ut probabilia tantum, & verisimilia de his percipiat atque excogitet, non autem certa atque intrinsecus evidenter humanae rationi. In eundem censum fere veniunt, quaecumque credi, non cognosci, dicuntur, qualia sunt tam multa, quae solam Historiam, & Famam habent testem. Quum creatae hominum mentes omnibus temporibus, omnibusque locis non adfuerint, neque adesse potuerint, aut possint, quod solius est Dei, si tamen cupido subit ea noscendi, quae praeteritis temporibus, & non praesentibus locis, non necessario contigerunt, atque fuerunt, aut etiam non necessario sunt, atque contingunt: frustra cogitationis aciem illuc intendimus, quo per sensus nostros pervenire non licuit, siue non licet. Quamobrem in iis percipiendis dubiae & fallaci aliorum hominum Librorumque fidei necesse est intellectus omnino fidat. Quamvis autem saepe ista quoque ratione Veritas attingatur, non ea tamen certitudine & securitate pedem figere ratio solet, ut omnis prorsus tollatur errandi suspicio. Idem incommodum manifestius recurrit, quoties internas aliorum hominum cogitationes perscrutari lubet, & arcana cordium noscere cupimus. Ab externis quidem signis interna conjicias; sed se novisse, quid in animis alienis interius agatur, quis certo plerumque sciat?

Verum quae sit angustia humanae mentis, nunquam melius intelligas, quam ubi devenitur ad alicujus rei contemplationem, quae aut infinita sit, aut aliquid infiniti praeferat. Tum videas vacillare aciem Intellectus, tum occurrere tenebras & ingens chaos, tum deficientes oculos mentis fateri impotentiam temeritatemque suam. Frustra velit finita potentia rem infinitam metiri, atque complecti. Terrarum orbis mensuram ineas vel uno cubito, atque ulna quan-

tum

tum satis est repetita, quia suos terra habet fines. At quum ad infinitum accedimus, quaecumque mensura finita ad illud adhibeatur, nihil proficit, neque tantum unquam dimetiendo progrediamur, quin semper longe major, immo ut melius dicam, quin infinita pars adhuc dimetienda superfit. In Physicis ac Geometricis id genus quaedam occurrunt, quorum quidem ideam aliquam ratiocinando nobis comparamus, sed quae nunquam rerum interminatae amplitudini respondere possit. Aliis tamen omisiss, unum est revera omni ex parte infinitum, Deus optimus maximus, & quidquid in Deo est, videlicet illius Potentia, Sapientia, Providentia, Bonitas, Justitia, & reliquae dotes, sive ut appellari solent, attributa infiniti Numinis. Nihil simplici hac veritate certius, nihil evidentius habet pars hominum sanior. Atqui si divinam Naturam, si divinas dotes intime perspicere, suoque pede metiri velit humana Ratio, duplex illam exitus manet. Aut enim imbecillitate sua confestim deprehensa, venerabunda, & immenso lumine victa subsistet, aut in mille absurdas opiniones ineptiasque temerario cursu rapietur.

Alterum impedimentum, a quo sese expedire mens in iudicando difficile potest ac solet, proficiscitur ex ignorantia, oblivione, aut prava electione principiorum, quibus uti in iudicando necessum est. Sunt quaedam rerum Ideae, quaedam Rationis principia, quaedam primae Veritates, vel a natura, vel a divinis humanisque legibus, vel a mutuo hominum consensu tanta vi constitutae, ut iis nemo plerumque assensum obsequiumve neget, aut negare possit, ac velit. Secundum ista principia, rerumque ideas, ac veritates ab hominibus iudicatur. Nihil autem aliud est iudicare, quam ad haec principia, ad has veritates ac ideas universales, veluti ad regulam certamque ad amussim exigere singularia & particularia quaeque. Si proportio, aequalitas, similitudo comperitur inter has regulas, atque inter collatas seu comparatas cum his regulis res particulares: tum dicimus istas bene se habere, & veritati aut rectitudini consentire. Sin secus, falsas aut perversas pronuntiamus: *Omnis homo est animal*. Ea principium, en regula. Varios homines ad hanc regulam admoveamus & aequamus, puta Petrum & Joannem, statimque dignoscimus illos qui sunt homines, recte vereque animalia dici. Quod si alicujus primi principii, seu ideae relictio & veritas in dubium vocatur, exploranda est ista adhibitis aliis certioribus magisque generalibus principiis & ideis; e quorum collatione istorum minus generalium, minusque certorum principiorum Veritas aut etiam Falsitas deinde colliguntur.

Facile sibi multorum hominum superbia blandiatur existimantium, perspecta sibi esse quaelibet principia, quaslibet primas veritates atque ideas rerum, nihilque ob stare, quominus tuto pede ad iudicandum properent. Qui tamen tantum sibi tribuunt, primum illud certissimum principium ignorare videntur, quod non a sacris tantum divinitusque traditis Libris, sed & ab ipsis inter Ethnicos Philosophis, atque a ratione edocti sumus: plura nempe semper esse, quae homini cuicumque nesciantur, quam quae sciantur. Id quod homini meditati, & quotidie aliquid discere cupienti, sequere cum aliis viris eruditione claris componenti, experientia ipsa suadere luculentius potest. Periculum igitur non raro subest, ne hominem alicujus principii, alicujus primae veritatis atque ideae, hoc est alicujus regulae ignoratio in judicia perversa deducat. Hac certe de causa saltem rude vulgus saepe ac saepius in iudicando delirat. Demus tamen liberaliter, acutos eruditosque viros nihil eorum ignorare, quae futura sunt fundamenta rectis judiciis. Ipsi omnia axiomata, principia, certasque regulas didicerunt, quibus iudicatur: non idcirco tamen illorum mens omnem semper sustulit errandi causam. Nam quandoque non omnium quum fert occasio recordamur, quandoque unum principium pro altero male eligimus, & regulam non suam aptamus propositae rei. Et profecto, quum de re quapiam rite iudicare volumus, opus est ex omni latere, intus, & exterius, rem propositam excutere, in ejus causas, effectus, qualitates, relationes, aliasque diversas rerum modificationes & formas intendere aciem Intellectus, tum circumspicere, ad quam regulam, ad quod rationis principium (quae millia occurrere possunt, & millia confutere oportet) ea res tum sit exigenda atque applicanda. Atqui non raro accidit, ut neque singulas rerum circumstantias, modificationes, relationes, & causas perspiciamus; neque Phantasia, Memoria, & Voluntas, seu deficientes, seu ad agendum tardae, Intellectui tum reposcenti offerant, quaecumque principia & axiomata necessaria ad illam occasionem forent. Quod si offerunt, mens infirma & incauta, non raro alterum pro altero eligit, secundum quod iudicans, cavere sibi ab errore non potest. Unaquaeque res quid simile habet cum multis principiis, atque ideis; sed occasionibus datis cum uno tantum omnimodam integramque similitudinem, proportionem, & aequalitatem habet. Quare si pro isto rationis principio, cujus mensura unice adhibenda nunc est, alterum ex iis adscifas minime ad istam rem opportunis, similitudine recti & veri deceptus, pravum

falsum.

falsumque judicium pronuntiabis. Judicio, inquam, deficies, non quod male tibi confiter principium illud, sed quod ea in re illud, aut unum illud duntaxat principium, ante oculos habuisti, inconfutis aliis rationis rectae documentis tunc longe aptioribus.

Monet me rei dignitas, ut uno aut altero exemplo heic utar. Politicarum legum, ratione minime dissentiente, axioma est, *Poenae capitis plectendum esse hominis injustum interfectorem*. Cum hocce generalis praecepto componens Judex alicujus sicarii facinus, integram sibi videtur deprehendere similitudinem ac proportionem inter istud principium, seu inter hanc legem & rem propositam; quomobrem in interfectorem ultimo supplicio animadvertit. Nihilo tamen secius errat Judex, si istius vitam fervari tunc exigat publicum bonum, aut ejus mortem ingentia Reipublicae damna sint consecutura. Tunc altera lex, sive alterum principium priore opportunius respiciendum est, nempe: *Ob privatum delictum homini non esse tunc mortem afferendam, quum illum vivere plurimum Reipublicae interest*. Itidem, *Reverentiam esse debitam locis Deo sacris*, Axioma est inter Catholicos probatissimum, & Religioni omnino conforme. Hoc respicientes non solum Episcopi, sed & ipsi Reges, statuerunt, in iis locis immunitatem hominibus levium quorumdam criminum reis; quam deinde in Provinciis nonnullis extenderunt ad omnia prope modum scelera, arbitrati se rem gratam Deo praestituros, si quibuslibet locis Deo sacris hoc etiam privilegium accederet. Verum aliis visum, tantam asylorum amplitudinem non esse ferendam; ad aliud quippe axioma rem retulerunt, nempe: *Deo magis gratam esse debere scelerum poenam publicaeque tranquillitatis ac justitiae conservationem, quam immunitatem Templorum*; immo in ipsorum Templorum dedecus recidere, quod scelerum omnium receptacula, & latronum speluncae fiant, impedianque innocentium securitatem, & inanem efficiant justitiam, quam Deus Principibus praecipit. Quomobrem ad hanc potius regulam, quam ad superiorem, referendam esse Ecclesiastici asyli disciplinam contendunt. Haec autem consideratio cum in Politicis, tum in Moralibus, & Physicis, & Theologicis rebus dijudicandis locum habet, atque adeo in reliquis humanae vitae consiliis & Scientiarum meditationibus, in quibus Ratio tanquam magistra & moderatrix adhibenda est. Non enim tantummodo fallimur, quum falsis dubiisque principiis, quae tamen vera & certa nobis esse videntur, singularia componimus, & a regula vitiosa rectam

rectam petimus rei alicujus dimensionem; sed etiam quum certum & verum principium, sed inopportunum, & abs re, tanquam opportunum usurpamus, de singulari quapiam re judicaturi.

CAPUT SEPTIMUM.

Rationis humanae imbecillitas experientia teste. Ad ipsius medicinam; ut Religio vera noscatur, necessaria est Humilitas, & exposcendae a Deo vires atque Sapientia. Quid scientia, quid persuasio, siue credulitas prudens. Prima principia, quibus Ratio & Prudentia reguntur in inquisitione Religionis verae, qualis est unica Christi Religio, Ratione & Auctoritate in ipsius probationem confluentibus.



QUANTA a recte judicando arcere possint humanam Rationem, ex istis, ni fallor, constare potest, quae innuimus potius, quam explicuimus. Postremae demeritiae fuerit, nolle in homine aut agnoscere aut fateri multas errandi causas; ambitionis, nullam unquam in se velle credere aut suspicari. Accedat & ipsa experientia. Nulli provinciae Religio umquam defuit, aut deest, sed compluribus aut defuit, aut deest Religio vera. Excogitari autem non potest delirium ullum, quod populus aliquis non adoptaverit, atque in suam Religionem invexerit. A recensendis tot monstis abstineo. At unde tanta errorum silva excrevit, totumque fere mundum pervasit? Quae causae tam miserandi excidii, nisi quas haecenus oratione nostra complexi sumus?

Et ne quis arbitretur uni hominum socordiae atque ignorantiae, non autem infirmitati mentis humanae tribuendas esse tot populorum tenebras ac deliramenta, perinde quasi in investiganda Veritate ii nullam unquam collocaverint curam, ingenuitasque Rationis vires aut stulte non senserint, aut ignominiose neglexerint: praeterita tempora expendantur. Suos olim Brachmanes & Gymnosophistas Indi habuere, suos Magos Persae, suos Druidas Galli, litteris artibusque nobilioribus exultos, Aegyptii, Chaldaei, ac praecipue Phoenices scientiarum gloria floruerunt. Quantum autem in disciplinis olim Sinenfes processerint, nostra etiam tempora testantur.

Ne

Ne exceptis quidem Scythis, qui admirabilem virum Anacharsim dedere nobis, pauci aut nulli populi in vastissimo Asiae sinu possunt numerari, apud quos antiquitus non habitaverint scientiae. Immo ex iis ipsis barbaris, ut late ostendit Clemens Alexandrinus Lib. 1. Stromatum, in Europam fluxit quidquid Scientiarum in Graecis & Latinis postea demiratus est orbis. Jam quid in litteris praestiterint Graeci, & Latini veteres paucis ignotum. Divina ingenia, praestantissimos Philosophos, omnium disciplinarum ad miraculum peritos, eo numero, eo pondere antiqua aetas tulit, ut parem proveniunt nesciverit reliqua posteritas ad finem usque saeculi a Christo nato decimi quinti. Diceret, tum proditum, quid natura possit, & quousque humana Ingenia contendere valeant.

Non igitur stipes, non infantes, non homines rationis nescios, aut incuriosos ante Christum reperimus, sed viros omni Scientiarum laude insignes atque admirabiles, & una saltem in re nobis praefereandos, quod ii Scientias & Artes potius fecerint, quam acceperint, nostramque aetatem suo ingenio etiamnum illustrent, non futuram adeo in litteris eminentem, nisi eorum lux praecessisset. Sed ut talium Ingeniorum felicitas nota est nobis, ita & eorum infelicitas in assequenda omnium nobilissima Veritate. Religionis Veritatem intelligo, tametsi aequae constet, ex antiquorum perpetuis in re litteraria dissidiis, multam veritatis partem eos fugisse cum in Physicis, tum in Moralibus, Astronomicis, Geographicis, Historicis, aliisque ejusmodi studiis. Enixe quidem percrutati sunt divinam Naturam, providentiam, ac potentiam, & investigarunt, quei colendus foret Deus, & quae ipsi debeat mortalium natura, quidque homo homini debeat. Sed bone Deus! in quot absurdas atque impias opiniones prolapsi non sunt? Nunquam magis revelata est humanae rationis imbecillitas. Nam aut indigna Deo senserunt, aut indigna homine, & omnium una Religio fuit Idolorum cultus. Qui sibi omnium acutissimi videbantur, ii aut ipsum Deum fultulere, aut Animae immortalitatem, in terribilimum propterea scelus miseriamque devoluti. Alii vero suae Religionis falsitatem recte argumentando noverunt. Sed nota Ciceronis vox est: *Usinam tam facile vera invenire possem, quam, falsa convincere.* Quare ne sic quidem factum est, ut assequuti sint Religionem veram. *Impugnatae sunt, aiebat Lactantius Lib. 2. cap. 3. divin. Institutionum, a prudentioribus falsae Religiones, quia sentiebant esse falsas; sed non est inducta vera, quia qualis, aut ubi esset, ignorabant.* Itaque sic ha-

sic habuerunt, tanquam nulla esset omnino, qui veram non poterant inverire; eodem modo inciderunt in errorem multo maiorem, quam illi qui falsa tenebant. Veterum autem Philosophorum errores, atque insipientiam, ita Apostolus delineabat Cap. I. 21. ad Romanos scribens: Quum cognovissent Deum, non sicut, Deum glorificaverunt, aut gratias egerunt; sed evanuerunt in cogitationibus suis, & obscuratum est insipiens cor eorum; dicentes enim se esse sapientes, stulti facti sunt. Et mutavit gloriam incorruptibilis Dei in similitudinem imaginis corruptibilis hominis, & volucrum, & quadrupedum, &c. Similia scribit ad Eph. Cap. IV. 17.

Sed quorū haec disputatio, & cur tot rationibus & exemplis confirmare pergitur humanarum mentium calamitatem in investigatione Veri? Ecquid amplius restat, nisi ut cum Academicis & Scepticis amicitia inita, nihil esse certi, nihil veri sub Sole credamus? Absit a nobis tantae insaniae periculum; siquidem non infanminus ii sunt ac deplorandi, qui omnia vi suae Rationis assequi posse sibi videntur, quam qui nihil. Eo argumenta nostra attentum Lectorem non deducunt, neque porro deducere possunt. Non extinctum, sed infirmum esse in homine Rationis vigorem, & Verum difficile posse ac solere inveniri diximus; non autem ejus inveniendi spem omnem sustulimus. Illud enim, quod nostri Intellectus aciem & capacitatem superat, dum Animam mortale Corpus alligat, & premit, si intelligere plane velimus, aut apte intelligi posse opinemur, risum veris sapientibus moveamus. Itaque non ingenium, non rationem excludimus a perquirenda Religione vera; sed eorum suademus moderationem, omnibus utique in tanto negotio, si quidquam sapiunt, apprime necessariam. In quo autem sita sit haec moderatio, deinceps explicabitur.

Primo noscenda est homini suae Mentis Rationisque imbecillitas, quo nihil facilius, dum secum in animo verset, qualia & quantam cognitionem Veritatis impediunt, & in errorem adducant. Sibi ante oculos sistat exempla tot excellentium Virorum, quorum ingenio & eruditioni imparem se forsitan sentiat, aut saltem, nisi ambitiosissime secum agat, se non reputet superiorem. Quum istis non contigerit, ut acie sui intellectus Religionem veram aut detexerint, aut satis intellexerint, aut intellectam susceperint; immo etiam pateat, in errores multos opinionisque ridendas ipsos concessisse: quid e viribus propriis sperandum sit, tandem agnoscat. Praeterea auctor eidem futura est ipsamet Ratio, ne nimium sibi arroget, ne nimium fidat.

fidat. Nam quei tantum sibi polliceatur ac tribuat, ut arbitretur, se optimo ingenio atque admirabili iudicio pollere, quibus nihil pervium non sit? se nullis detineri falsis praeiudiciis? sibi omnia disciplinarum subsidia, atque instrumenta sciendi adesse, seque iis rite semper uti? nihil menti suae atque iudicio officere inordinatos corporis motus & Voluntatem suam, quae ab universis pravis cupiditatibus, atque ab impotentia & fraude quorumcumque Affectuum libera sit oportet, ut recte iudicetur? sibi denique perspecta esse, neque solum perspecta, sed & praesentia quaelibet principia, primasque Veritates atque Ideas omnes, quibus iudicia recta niti necesse est, atque ex his principiis quod opportunum & congruum pro rei propositae dimensione sit, non vero alterum, atque inopportunum, fuisse in iudicando semper electum? Qui tam magnifice de semetipso sentiat, ne ipse quidem in interno suae mentis tribunali, ubi sincere secum ineat rationes, se ab arrogantiae ac temeritatis culpa absolvat.

Secundo, post superbiam in se deprehensam atque profigatam, ratio poscit, ut Humilitas & animi depressio subsequatur; hanc autem consoletur auxilii, si quod est, desiderium & spes. Et quoniam a nobis utpote infirmis hanc opem sperare non licet, neque tuto semper ab aliis mortalibus, qui falli aut fallere possunt: reliquum est ut ad Deum omnium parentem, omnique boni auctorem, sese convertat mens humilis, & sapientiam atque intelligentiam ab ipso deprecetur. Id quod Jacobus Apostolus praedicabat in Epistola sua Cap. I. 5. his verbis: *Si quis autem vestrum indiget sapientia, postulet a Deo, qui dat omnibus affluenter, & non improperat, & dabitur ei.* His positis principiis, ad Religionem investigandam se alacrius conferat humana Ratio, ubicumque spes est eam inveniri posse. Saepe etiam non quaerentibus offeret divina clementia per pios Libros, aut praecones veritatis suae. Negari autem non potest, quin facilis & tutus ad Religionem veram aditus foret, si illam Deus ipse homini immediate revelaret. Quid enim amplius titubet humana Ratio sub tanto praeceptore, hoc est ipsa prima Veritate docente? Sed temere postules, multo etiam magis temere speres, Deum usitatis naturae legibus a se stabilitis tui causa renuntiaturum, quo te ipse per aliquod prodigium ad Veritatem adducat. Illud potius sperandum, clementissimum Numen alicui ex hominibus vere piis, suisque Prophetis, tradidisse, quae de se ipso credenda sint, & qui cultus sit sibi ipsi adhibendus. *Scit enim Dominus cogitationes hominum, quoniam vanae sunt*, ut ait Sanctus David in Psal. 93. 11. Quum in

Tom. X. P. I.

H

eum

eum praecipue finem homines creasse censendus sit, ut ab his amaretur, & glorificaretur; merito quoque existimare juvat, aliquam ab ipso revelatam fuisse Religionem, per quam docerentur homines verum amorem veramque gloriam suo reddere Creatori. Id praestare illius Sapientiam & Clementiam decuit, id subsidii habere nostrae imbecillitati necessarium fuit. Neque in loco tam abdito veritatem suae Religionis constrinxisse credendus est Deus, ut nullus ad ipsam humanae unquam Rationi sit aditus. Sed potius ita constituisse censendus, ut si recte uti velimus illius auxilio, & naturalibus Rationis humanae viribus, ad eandem Veritatem pervenire tuto liceat. Ille ad se advocat homines ratione praeditos, & per gratiam quidem suam, sed non sine ratione vult ad se venire. Sint licet oppido tenues humanae mentis vires, dum adsit divinus favor, multum valent, atque per eas cognosci revelatio Religionis verae, & a falsis atque confictis distingui potest. Igitur inter nimiam abjectionem sui, nimiamque ambitionem ingenia continenda sunt; utrumque enim periculum subest, ut aut nulli aut falsae Revelationi adhibeatur fides. Quae autem haec sint Rationis humanae vires, & qui rectus earum usus, nos ipsa Ratio docebit.

Nos Verum duobus modis attingi diximus, vel Scientia, vel Persuasionem, sive credulitate prudenti. Primum contingit, quum per demonstrationem & syllogismos, ex certis praemissis constantes, aliquid, quod necessario sit, aut fuerit, aut esse debeat, sive debuerit, intelligimus. Id per rationem intrinsecam nos scire tum dicimur. Alterum fit, quum aliis hominibus aliquid non necessarium, sed contingens narrantibus, fidem habemus, & verum ab ipsis narrari credimus, quum ipsamet Ratio per argumenta non quidem demonstrativa, sed verisimillima, atque evidentialia extrinsece nobis persuadet, eos neque falli in ea narratione posse, neque fallere velle. Id nos per Prudentiam credere tum dicimur. Sunt autem regulae quaedam, per quas ad sciendum, aut prudenter credendum in hac vita perducere possumus ac solemus. Per multa ex his aut naturae lumine, aut consensu hominum tum doctorum, tum indoctorum per omnes terras ita sunt pervulgata ac probata, ut nemo sanae mentis aut ignoret, aut neget, aut auditis consentire nolit. Nam, ut Tullius ait Lib. I. de Natura Deorum, *de quo omnium natura consentit, id verum esse necesse est.*

Nemo exempli causa non cognoscat, aut si forte nondum animadvertit, edoctus non statim intelligat, quam vera sint & necessaria

ria principia ista, videlicet: *Debere esse primam aliquam omnium rerum & caussarum causam; hanc esse ab homine colendam atque amandam; homines ex se ipsis, & sine Dei amicitia, esse non posse beatos; luminis naturae adversari, plures esse Deos; nefas esse indigna ac nefanda tribuere Deo; & creaturas ipsius Dei loco habere; & arbitrari, fato ac praecedenti necessitate hominum voluntates trahi ad bonum, & malum.* Contra vero nemo non fateatur, *honestum esse & bonum, nemini contumeliam inferre, suum cuique tribuere, alteri non facere quod sibi quisque nolit fieri; aliaque sexcenta ejusmodi.* Suis itidem legibus Prudentia regitur, quas unusquisque probat, quales sunt: *Credendum est, vere contigisse, aut fuisse, aut esse aliquid, quum id ab hominibus narratur, qui recti iudices ea in re esse potuerunt, & quos nulla verisimilis ratio aut errasse aut imponere voluisse persuadet; cuiusmodi est, aliquam Urbem, aut montem, aut fluvium esse, vel fuisse, aliquod praelium commissum, apparuisse aliquem Cometam, & olim Regem, aut alium virum vixisse, & quaedam egisse.* Item negandum non est, quin sit alicui Auctori Liber tribuendus, cujus nomen praefert adhuc, & cujus foetum ab origine sua constar fuisse habitum, fidem hujus rei facientibus aliis aequalibus Scriptoribus, aut nemine contradicente, aut nulla alia ratione verisimili in contrarium pugnante. Praeterea sine rationibus admodum urgentibus adjungenda cito non est fides aliquid narranti, quod usitatas naturae leges superet, atque in commodum narrantis aperte vergat. Nunquam vero fides adjungenda est novum aliquid tantum a Deo sibi revelatum adferenti, & caelestem legationem jactanti, si ab honestate ac pietate abhorreant illius dogmata ac mores, & quando etiam non abhorreant, nisi ipse evidentibus signis doctrinae suae veritatem firmet. Haec aliaque hujusmodi principia quicumque ratione utitur, improbare nolit, ac nequeat.

Dum ergo Religionis veritatem quaerit humana mens, aut eadem proponitur amplectenda Religio, duo occurrunt; nempe, an revera a Deo revelata fuerit illa Religio, tum quid illa Revelatio contineat exhibeatque sciendum, sive credendum. Ad cognoscendum autem, revelata ne fuerit, necne, Religio proposita, vel sola Prudentia Deo adstante perducit, & perducere potest. Nam omnibus hominibus, dummodo non pueris, neque fatuis, Prudentia sufficit communes illas regulas & leges, quarum subsidio unicuique intelligere fas est, num sit credenda, an rejicienda illa Revelatio; & rursus adeo evidetia & multa sunt argumenta, quibus una Religio

Christiana ad Judaicae complementum a Deo revelata probatur, & reliquae consistae ab hominibus, sive depravatae ostenduntur, ut nemo futurus sit, qui a credendo absteineat. Subsequitur eorum inquisitio, quae in Christiana Religione Deus revelaverit. Multa haec sunt humanae Rationis viribus pervia. Sunt alia, quae non rudibus tantum, sed etiam acutis ingeniis impervia videntur; cujusmodi sunt, Deum unum esse & trinum; Verbum divinum humanam carnem induisse; homines in postremo judicio iterum suo corpori esse restituendos, atque id genus alia. Igitur haec modum habere debet inquisitio, suaeque infirmitatis monenda est humana Ratio. Quae per syllogismos certos vera intelligi possunt, intelligantur; quae vero non possunt, credantur. Hic est rectus humanarum virium usus, in quo nescias, utrum plus obsequii Deo revelanti praebeas, an prudentius imbecillitati tuae consulas. Secus facere, ambitiosi, temerarii, atque insani ingenii fuerit. Etenim constat, divina esse supra humanae rationis captum; ideoque mortalium menti cum venetatione haec esse accipienda, non autem ambitiose nostro subijcienda judicio. Praeterea quid absurdius excogitari potest, quam nihil aliud credere velle de Natura & Voluntate divina, quam quod tu intelligere possis? Debuit ne igitur infinitus Deus talis esse tantummodo, qualis finitae menti videri potest, eaque duntaxat velle, quorum tibi perspicuae forent causae, effectus, & ordo? Non effugiat miserae amentiae notam idiota, si falsa affirmare velit, aut vera credere nolit, quae Philosophis atque acutis viris certissima apparent, non alia ductus ratione, quam quod ea capere ipse non valeat. Multo autem major illorum est dementia, qui a Deo Veritatis fonte revelata, vera & certa reputare nolint, quod sui intellectus acumen excedant.

At isti continuo inquit, sibi nullam de veritate Dei revelantis occurrere dubitationem; solum se suspicari, num fallantur aut fallant, qui Deum haec revelasse tradunt: Non facile credendum esse hominibus ex opinione quoque nostra: Auctoritati autem divinae humanam quidem Rationem submittere fasces debere, vel sine ratione accepta; sed quum sine rationibus vult Auctoritas humana fidem facere divinae Revelationis, auscultandam statim non esse; quippe non raro fallacem. Si ergo istis credimus, etiamsi quaedam a Deo revelarentur, quae intelligere humana Ratio non valeret, adhuc tamen ab ipsis vera crederentur, dummodo certi sibi forent, eadem a Deo revelata fuisse. Nos autem diximus, adeo evidenter probari

probari per homines, *Credibilitatis Motiva* adferentes, Christianam Religionem a Deo revelatam fuisse, ut homini prudenti integrum non sit eidem negare assensum. Quid ergo amplius exspectant, ut vera itidem credant, quae per tam evidenter credibilem Religionem proponuntur certissime tradita a Deo? Quod si nonnulla occurrunt in relatione Christianae Legis, quae menti humanae impervia videantur: haec tamen ea sunt, ut non sine ratione sint credibilia. Ratio enim docet, vera esse quaecumque a Deo revelantur; nihilque ideo esse falsum, quod captum superet humani intellectus, & divina esse supra rationem humanam; eaque solum reputanda esse sine dubitatione falsissima, quae sunt aperte contraria rectae Rationi. Dogmata autem Religionis verae, qualem nos dicimus esse unam Catholicam, nihil habere, quod Rationi rectae adversetur, jam luculentissime demonstratum est a viris doctissimis; & sentiet ac fatebitur quilibet aequus iudex, vel Christianorum sacris nondum initiatus. Siquidem patet, contradictoria, sive contraria non esse, quae de Unitate, ac Trinitate in Deo praedicantur, quum illud essentiam, & substantiam, istud personas respiciat; & hoc ipsum personarum nomen neutiquam accipiatur, quemadmodum in humanis, sed inventum sit atque usurpatum in divinis, loquendi & disputandi necessitate de ineffabilibus rebus. Cetera dogmata, si recte conferantur cum omnipotentia, justitia, clementia, providentia, aliisque summi Dei infinitis attributis, quanquam excedere vim intellectus creati atque finiti interdum sentiantur, manifeste tamen cognoscuntur non adversantia rectae Rationi. Atque hactenus vidimus, quae Ingenii moderatio hominem deceat nondum veram Religionem assequutum. Nunc restat videndum, qui itidem se regere debeant hominum Ingenia, ubi jam Christianae Religioni dedere nomen. Quippe non minus periculosa est, immo etiam magis periculosa est nonnumquam Ingeniorum libido in homine veram Religionem amplexo, quam amplexuro. Saltem nihil differt medio in mari naufragium facere, & medio in portu, quando naufragum certa mors utrobique maneat.

CAPUT OCTAVUM.

Quæ noscenda vera Christi Religio inter tot ejus sectas. Scriptura sacra primum Veritatis promptuarium. Sed viribus nostris difficile intelligenda vera doctrina. Aliquem Veritatis visibilem interpretem suæ Religioni Deus dederit oportet. Ecclesia vera, verax, & ab errore immunis; atque hæc una est Catholica Ecclesia.



DUPLEX eorum genus est, qui Christianam Religionem à Deo fuisse revelatam sentiunt & credunt. In alteros a teneris annis beata hæc & sanctissima persuasio irrepsit. Alteros jam adultos præveniens Gratia Dei pertraxit per argumenta credibilitatis ad perspicendam cum falsitatem reliquarum Religionum, tum veritatem unius Christianæ Legis. Sed ne sic quidem istorum ingenia conquiescere aut possunt, aut solent, quoties occurrit hæc ipsamet Religio in tot Sectas divisa, & prope comminuta, quarum quaelibet sibi veram Christi hereditatem tribuit, ceteris improbat, & falsi postularis. Hinc est Catholica, quæ in singulis orbis partibus, & præsertim in Europa, Ecclesias ostendit. Illinc præter Schismaticos Graecos habet Oriens Nestorianos, Eutichianos, Monothelitas, aliosque complures vel antiquos, vel recentes Haereticos. Numerat Occidens Lutheri, Calvini, Socini, Anabaptistarum, Bohemorum, Anglorum filios & sectatores, & mille alias vel sine nomine Christianorum sectas, quibus & ipsa Africa in Abissinorum imperio abundat. Apud singulas hæc gentes Evangelium regnat, & Christi nomen cum veneratione sonat; ceterum in doctrina Christi explicanda mirum est, quanta opinionum varietate & dissensione inter se digladiantur. Quid heic faciat? quo se vertat humana Ratio de invenienda Veritate, vitandoque errore sollicita? Nam quum jam posuerimus, a Deo profectam esse Religionem istam, Deus autem discordia, & contraria revelare nequiverit: sicuti fieri non potest, ut omnes istae opiniones sint falsae, ita certum est, nisi unam esse posse veram. Sive igitur quis alicui Christianorum sectae sese adjungere velit, sive jam sese adjunxerit, necesse est anceps animi diu pendeat, donec intelligat, quæ

quae sit lucis & veritatis, quae tenebrarum & erroris regio. Heic autem suus quoque Rationi esse debet locus, dummodo & heic suae memor imbecillitatis intumescere nolit, sequi regi patiatür quibusdam salutaribus regulis, quae tutissime ad Veritatem perducunt. Age vero, quænam sint istae regulæ discipiamus.

E tam variis Christianorum sectis nulla ferme est, quæ divinas utriusque foederis Scripturas non amplectatur. Eas esse primum Veritatis canonem, ibique contineri fundamenta & præcipua saltem ac necessaria revelatae Religionis dogmata, quidque credendum, quidve agendum, ut quis vere Christi sectator dicatur, & sit, una omnium vox est. Quare hinc iter instituendum videtur; nam qui melius speres, te affurrecturum ad veritatem, & in errores non declinaturum, si Scripturis sacris, hoc est divina voce & lumine, regaris? Et profecto maximum sacrae Litterae sunt Rationis humanae subsidium, simul & frenum. Per illas intellectus mirum in modum proficere potest, dum certa illic se habere intelligit, & credere revelatis illic jubetur, & vanas cogitationes subternere certissimæ Dei revelantis veritati. Proinde suboritur prima hæc regula: *Firmissime credenda sunt, quaecumque vere & evidenter sacris iis in Libris habentur; & nihil credendum, quod iis vere & evidenter adversetur.*

Progreditur itaque Ratio, & quid reipsa divinis in Litteris tradatur, & quid iisdem repugnet, inquirat. Sed heic titubare incipit infirma potentia, rhodum & saltum videns. Nisi homo caeca temeritate agatur, & monita prudentiæ flocci pendat, heic subsistat necesse est. Nam primo quei certo sciat, quæ sint Scripturae divinitus traditæ, quæ de legitima quarundam origine dubitari & disputari intelligat? Quei deinde sibi polliceatur, se in legitimos omnes sacrorum Librorum sensus ingressurum, quando Linguas perfecte non calleat, quibus in origine sua descriptum fuit ex imperio divino Testamentum utrumque? quando nulla adsit Versio, cui tuto fidendum cognoscat? quando tot obscura, & in speciem contraria occurrant, in quibus aut facile falli potest, aut iudicium saltem suspendere cogitur? Testis autem Sanctus Petrus in Epist. 2. in interpretandis Pauli Epistolis multos errasse, eo quod in iis sunt quaedam difficilia intellectu, quæ indocti & instabiles depravant, sicut & ceteras Scripturas ad suam ipsorum perditionem. Et in hæc quidem & alia impedimenta evidenter impingat omnium rudium atque indoctorum hominum ratio. Quod est ad perspicaces eruditosque viros, ne ii quidem multum heic habent, quod suis e viribus sperent, quamvis

Orien-

Orientalium Linguarum peritia, & Critices, aliarumque Artium & Scientiarum subsidiis instructi. Si enim vere docti sunt & humiles, nusquam evidentius quam illic perspiciant, quae sit humani Intellectus aegritudo, & ardua quaestionum copia atque sublimitas. Sin ambitiosi accedunt, nullus controversiarum & difficultatum est modus; unusquisque enim facile in suo sensu abundat, & opinionibus anteceptis in transversum rapitur, & aut novitati aut suis cupiditatibus studet, sive etiam totam operam in suo coetu potius, quam in ipsa veritate tuenda incautus impendit. Neque mentiri nos finit experientia ipsa. Meridiano Sole clarius est, ab ipsis Religionis Christianae incunabulis ad nostra usque tempora viros eruditione & ingenii acumine praestantissimos in interpretandis sacris Litteris, atque in statuendis earum ope gravissimis Christianae Fidei dogmatis, toto inter se caelo dissensisse, & adhuc dissentire; nullamque esse tam impiam Haereticorum sententiam, quam non ipsi sibi videantur e divinis Litteris depromere, atque inde confirmare. Quare idem periculi sibi imminere sentiant reliqua Ingenia, licet pari litterarum cognitione excolta, & acumine simili praedita. Quis igitur nisi superbus aut imperitus illud non videat: *Difficillimum, nempe, esse humanae Rationi viribus assequi propriis, quaecumque dogmata vere habeantur in Scripturis divinis traditis, quaeve ipsis repugnent?* Atque haec altera esto regula, quam Ratio considerans necesse est non solum ut ne nimium sibi fidat, sed ut etiam aliam, si qua est, commodiorem tutioremque eligat viam ad intelligentiam divinorum voluntinum.

Hanc autem viam in terris haberi tum divinae clementiae consentaneum, tum humanae imbecillitati necessarium est. Si enim tantopere atque a tot saeculis, tot acutissimi, ac solertissimi viri dissentiant in constituendo, non solum quae sit vera sacrorum Librorum doctrina, sed etiam qui Libri sint in Canonem Hagiographorum referendi: quid rudibus & infirmis facias, quibus non idem est mentis vigor, & eruditionis copia? Quid isti sperent, immo quid sperent omnes, ubi expendere prius velint tot ardua loca, unumque cum altero conferre, & Interpretes diversos perscrutari: ad quae praestanda non solum temporis multum, sed immanis subsidiorum apparatus exigitur; iisque etiam praestitis ipsimet Eruditi aut dubitare, aut in oppositas abire sententias hucusque perrexerunt? Igitur aut sero, aut nunquam, aut semper cum dubitatione aliqua, sibi persuadebunt homines, germana Scripturarum sacrarum dogmata, iisque contrarios

errores

errores se recte intellexisse. Misera plane Veritas Christianae Religionis, ubi cognosci non possit inter tot & tam varias Christianorum sectas, nisi per hoc arduum, incertum atque etiam quandoque periculosum Scripturarum examen. Fierine vero potest, ut quum omnes homines salvos fieri & ad agnitionem veritatis venire velit, omnibusque Evangelium praedicari mandaverit Deus, ita ab eo constituta fuerit Religio Christiana, ut quae vera sit inter tot falsas illius sectas, dignosci facilius non queat?

Restat igitur, ut optimus & clementissimus Deus commodiore ac breviori via consuluerit hac in re mortalium generi. Ea autem via esse alia non potest, quam quae superius homini praescripta est, ut facile ac tuto Christianae Religionis veritatem a non Christianarum falsitate distinguat. *Extrínseca argumenta credibilitatis* haec etiam praesto sunt, ut evidenter comperiatur, quae vera & germana sit inter tot Christianorum sectas hereditas & Ecclesia Christi. Et sicuti cognita sanctitate Religionis Christianae, haec una prudenter amplectenda est, ceterae ejurandae; idque credi prudentissime potest, & necesse est credere quod ab ipsa proponitur, etiamsi aut intrinsecae rationes non adferantur, aut superare caprum humanae mentis credenda deprehendantur: ita ubi evidenter patuit, quae sit vera Christi Ecclesia, in hujus unius sinum, ceteris Christianorum falsis Ecclesiis repudiatis, prudenter confugere possumus, ac porro debemus; & quaecunque ab ipsa traduntur, quanquam ab Haereticis in controversiam vocata, firmissime credere. Duo itaque cognoscenda sunt humanae Rationi (& haec facile cognosci posse pronuntiamus) ut rite prudenterque suum cursum in hoc negotio peragat. Alterum est, quae sit haec vera Christi Ecclesia; alterum, cur istius Ecclesiae dogmatis acquiescere prudenter possimus, ac debeamus, vel nondum excussis tot obscuris divinarum Codicum locis, & nondum perpensis tot quaestionibus inter Christianorum Sectas vigentibus. A postremo incipiamus.

Vera a Christo constituta Ecclesia idem nobis sonat ac hominum Congregatio, ejusdem Christianae Fidei, ejusdem verae Doctrinae professione, eorumdem Sacramentorum communionem, & vinculo Caritatis sub uno capite Christo unita, in qua legitimus sit ordo, ac regimen Pastorum. Ecclesiam istam usque ad finem saeculi duraturam nullas Christianorum negat, & sacri Libri, unaque cum eis ipsa Ratio, evidenter persuadent. Veritas autem ne ab ipso quidem Deo mutari destrui potest. Quare quae ipse Deus verissima reve-

Tom. X. P. I.

I

lavit,

lavit, aeterna fuit oportet. Idem quae ipsemet eventura esse pollicitus est, eadem necessario fient; non enim est fallax Deus, neque ex impotentia a praestandis promissis unquam impediri potest. At ille Religionem suam, atque Ecclesiam, & verissima dogmata per Moysen, per Prophetas, & postremo per Christum revelavit. Hanc etiam Religionem, & Ecclesiam suam promissit perpetuo regnaturam in terris, quippe institutam, ut ejus ductu homines Verum salutare cognoscant & credant, & recta peragere discant. Neque mortalium scelera eo usque crevere unquam, aut crescere possunt, ut aut divinum transcendant clementiam, aut ejus voluntatem & promissa fraudent, sanctam illius Religionem & Ecclesiam evertendo penitus, & abjiciendo. *Super hanc petram*, inquit Christus Matth. xvi. 18. *aedificabo Ecclesiam meam, & portae inferi non praevalerunt adversus eam.* Et Matth. ult. *Ecce ego vobiscum sum omnibus diebus usque ad consummationem saeculi.* Si igitur aeternum duratura est Ecclesia, quae sanctissimae istius Religionis sit cultos, necesse est etiam, ut ibi aeternum Veritas duret, & vera, non falsa Dogmata tradantur. Nam si Ecclesia errorem in Dogmate rebusque Fidei credat, erroremque alios doceat, jam vera Christi veracis destinata esse Ecclesia: quod tamen fieri non posse nobis constat.

Deinde si semel errorem in Doctrinam Ecclesia invehere, inventumve probare possit, non erit, cui in posterum tuto fidat populus indoctus, immo & ipsa doctorum Respublica. Nemo veram se tradere inquit Religionem, suumque coetum vere Orthodoxum appellet, quando dubium suboriri perpetuo potest, an is coetus errori obnoxius, errorem hauserit, errorem deceat. Nemo sibi arroget germanam Scripturarum sanctarum interpretationem; nemo sibi persuadeat, se divina verba recte intelligere, ubi Ecclesia ipsa (cui Spiritum suum Jo. xiv. 16. Christus tradidit) deficere, erroresque adoptare possit. Quod si ad humanam Rationem spectare ais, postremo cognoscere, an Ecclesia errarit, & num recte, an secus, interpretata sit Scripturas a Deo nobis datas: utique ad infirmissimum, ut vidimus, aut saltem non satis fidum tribunal me rapis. Praeterea si rationem a se stare unusquisque contendat, quis litigandi finis erit? Certe hanc sibi militare quaelibet Christianorum secta arbitratur. Restat igitur, ut alia tutiori via hominum necessitati Deus consuluerit, eorumque aliud visibile tribunal constituerit, a quo fideliter divinarum Scripturarum mysteria explicantur, Fideique Christianae atque Orthodoxae veritas perpetuo custodiatur. Hoc autem tribunal
nullum

nullum aliud esse potest, quam Ecclesia ipsa perpetuo duratura, in qua, ut ait S. Paulus Ephes. *posuit Deus Doctores, Pastores, Prophetas, & Apostolos ad consummationem sanctorum in opus ministerii, in aedificationem corporis Christi, donec occurramus omnes in unitatem fidei, & agnitionis Filii Dei, in virum perfectum, in mensuram aetatis plenitudinis Christi.* Immo evidentissime. significat idem Apostolus 1. ad Tim. 111. 15. Ecclesiae verae nos edocenti acquiescendum esse, quum ipsa sit *columna & firmamentum veritatis.*

Itaque prima & certa non errandi ratio sita est in veracitate revelantis Dei, sacrorumque Librorum aeterna veritate. Deinde accedit praesidium aliud visibile a Deo positum, quo certi fiamus, utrum quae nobis credenda proponuntur, a Deo revelata vere fuerint, & an recta sit divini verbi interpretatio: & hoc in veracitate ac stabilitate proponentis Ecclesiae situm est. His autem positis fundamentis, unum postremo humanae Rationi investigandum superest, nempe quanam sit haec vera Christi Ecclesia. At homini ingenio, & veritatis unius amanti, non est id cognitu difficile. Sunt enim quaedam notae ac signa, quibus Ecclesia vera a falsis ac fallacibus ita distinguitur, ut non ingenio magno sit opus ad eadem perspicienda, atque ad Ecclesiam veram ex iis dignoscendam. Unitas Doctrinae, Fidei, Caritatis, & Mysteriorum; sanctitas & efficacia Dogmatum; probitas morum; gloria Miraculorum; antiquitas; amplitudo; origo ab Apostolis, & continuata successio Episcoporum in Ecclesiis, ac praecipue in Apostolica Sede omnium magistra; aliaeque huiusmodi, quae cum apud veteres Patres, tum apud recentiores Theologos congeruntur: ea sunt, quae nos de vera Christi Ecclesia certissimos faciunt. Et quum aut horum nihil, aut nonnulla quidem, sed non singula & omnia in nullo Christianorum ordine coeant, & verificentur, praeterquam in Catholica Romana Ecclesia, facile etiam intelligimus, hanc unam, & nullam aliam praeter hanc esse germanam Christi Ecclesiam. Quod si haec vera Christi Ecclesia est: ergo verum fuit semper, quod illa docuit; verum est, & erit, quod illa docet ac docebit; neque titubare, neque contraire, nisi temeritate intolerabili, potest hominum Ratio, sed jure conquiescere debet, quum Ecclesia ista munere divino verax, visibilis, aeternumque duratura, quid sit in sanctissima Religione credendum proponit.

CAPUT NONUM.

Ecclesiae Catholicae perperam negata ab Haeticis immunitas ab errore. Protestantium Methodus in inquisitione verae Doctrinae quam semeraria, & quos Haeresum origo. Catholicorum Methodus quam laudanda. Non Ingenio privati cujusque hominis dimittenda sacrarum Litterarum interpretatio in Dogmate. Vox Ecclesiae verae heic audienda, Deo id praecipiente.

EQUIDEM puto, non posse non probari ab hominibus ingenio pollentibus & aequitatis ac veritatis cultoribus traditum hactenus Rationis iter in inquisitione verae Religionis. Sed quid non expectes ab immoderatis Ingeniis, ubi plus sapere velint quam oporteat sapere; ubi plus sibi tribuant quam hominis infirmitatem deceat; ubi turbidis ac effrenatis animi affectibus se rapi sinant? Primo nonnulli visi sibi sunt in Ecclesiae Dogmatibus errores deprehendere. Processerunt itaque ad negandam Ecclesiae immunitatem ab erroribus. Deinde quum ea Dogmata, quae ipsorum ingenio a veritate abhorreere videbantur, in Ecclesia Romana Catholica eorum matre aut traderentur, aut tradi putarentur: reliquum fuit, ut Ecclesiam istam a Religionis verae custodia ac professione excidisse censerent. Denique unam statuerunt *Veritatis Christianae regulam divinas Scripturas*, in quibus contineri omnia manifeste ajunt Christiano populo credenda; nihilque porro credendum, quod istarum suffragio manifeste non probetur. Libentissime exceperunt has voces complura alia Ingenia, partim novitatis cupida, partim spe veritatis tutius assequendae excitata; quodque facile fieri solet, ignaris quoque populis persuaserunt. Et altas adeo radices in eorum animis egit ista persuasio cum laete hausta, ut aequas amplius audiendae veritati non praebeant aures, sed ex istis praepudicatis opinionibus singula dimetiantur.

Non heic repetenda, quae a doctissimis inter Catholicos, iisque plurimis viris hucusque scripta, apertissime produnt, quam male confuta sit, & quam facile evanescat hujusmodi fabula. Neque enim ullius erroris insimulari potest Ecclesia, uti patet ex istorum Libris: & ne cogitandum quidem est, eam in errores prolapsam, nisi Christum

stum falsa promississe, ejusque Apostolos falsa tradidisse concedamus: quod sane dementis est vel suspicari inter Christianos. Tum ex iis Dogmatis, quae Ecclesiae Catholicae a Protestantibus tribuuntur, nonnulla eidem falso tribuuntur, reliqua vero ab errore longe abfunt. Nostrium est tantummodo investigare, num tutum ad veritatem iter arripuerint Protestantium Ingenia; non arripuisse autem cum certum est Catholicis omnibus, tum reliquis certum esse deberet, si in considerationem veritatis oculos sinceros sollicitosque intenderent.

Haec est Protestantium Methodus. Ex unis divinis utriusque Testamenti Libris veritas speranda est & Christianae Religionis Dogmata haurienda. Tunc Ecclesiae decretis standum non est, quum ea minime consentiunt cum divinis Litteris. Ita illi. At quisnam certo perspicere possit, quis sit germanus divinorum verborum sensus? quisnam certo decernere, quando Ecclesia cum Scripturis consentiat, aut ab iis (si superis placet) etiam dissentiat? Una humana Ratio, necesse est respondeant. Nonnulli quidem inter eos, Calvinistae scilicet & Quakeri, caelestem quemdam assatum excogitarunt, quo ducti singuli Christiani germanam percipiant Scripturarum mentem. At postremam hanc insanam opinionem jamdiu exhibilarunt prudentes rerum judices. Inde enim prodiit non una aliorum Fanaticorum familia. Caelestem autem hunc assatum temere confingi patet in tanta Sectarum diversitate, in tanto opinionum bello: quod certe abesset, si in singulos homines ista vis intelligendae divinae Scripturae e caelo descenderet. Et quis inter errorem veritatemque diducet, quando unusquisque suas a Deo cogitationes accepisse se dicat? Deum potius ipsum irrifioni exponamus, ubi contraria ab ipso suggeri arbitremur. Igitur eo confugere coacti sunt inter Protestantes minus incauti, ut humanae Rationi supremum sive postremum tribuant decernendi jus in controversiis & quaestionibus Christianae Religionis. Ne vero ultra humanae Rationis vires excedere videretur hujusmodi facultas, adeo manifesta esse ac per se dilucida divinorum Librorum verba & sensa sibi persuaserunt, ut caecutire nisi volens ibi non possit Ratio.

Sed duo sunt, quae hanc Methodum mirae temeritatis & imprudentiae arguant. Nempe hinc humanae Rationis explorata infirmitas, inde minime aperta omnium oculis sacrorum voluminum sensa & verba. Et quod est ad hominis Rationem, jam supra vidimus, quam debilis sit illus vigor, quam periculosa sit illius fides, nisi

nisi caelesti lumine, praecipuisque a Deo viribus juvetur. Et quod est ad sacras Scripturas, nemo est qui non sentiat, plura ibi esse & ardua, & obscura, & in speciem contraria, quae iustissimas haerendi causas, vel acutissimis viris ingerant, & quorum sensum ac mentem difficillimum sit decernere. Et sane evidenti consilio suae bonitatis videtur voluisse Deus illorum ipsemet confutare opinionem, qui tantam Scripturis sacris lucem & sensuum claritatem, Rationi vero tantas vires inesse jactitant. Eos enim permisit inter se omnino discordes esse, & perpetuis certare litibus & odiis in statuendis tot Religionis Christianae Dogmatibus. Eorum quilibet utriusque foederis Libros intonat; Rationem quoque sibi esse magistram nemo ex iis non credit. Nihilominus aliter hic, aliter ille sentit, immo contraria sentiunt ac docent aut de attributis & dotibus Dei, aut de ipso Deo uno ac trino, aut de Filii ac Spiritus sancti Divinitate, aut de Gratia & libero Arbitro, de necessitate Baptismi, de Sacramento Altaris, aliisque id genus. Praeterea mirum est, quam saepe una eademque Secta sententiam mutaverit, & diversa de uno eodemque Dogmate tradiderit. Itaque temere vividum Rationis lumen, & aperta Scripturarum sensa jactantur, adeo ut non indocta solum plebs, sed ne ipsi quidem doctissimi viri habere pro certo possint, se ad veritatem perventuros, hac adhibita Methodo, quae ad errorem aequè perducit.

Contra Catholicorum Methodus pedem certo figit, & homines cum doctos, tum indoctos errare non finit. Nam ubi ex aperto Scripturarum testimonio evidenter cognoveris, Ecclesiam a Christo fundatam fuisse, & nunquam Inferorum machinas contra eam esse vim habituras, ipsamque esse *columnam & firmamentum veritatis*, & sanctum Spiritum eidem perpetuo affuturum: si Christo fidem habere est animus, continuo hinc sequi intelligis, te eo tutius ad veritatem accessurum, quo arctius hujus Ecclesiae sententias amplectaris. Neque ulla Rationi rectae inferitur injuria; omnium enim potentissima est ratio ista, videlicet: *Eidem ruto ac sine dubitatione credendum esse, qui neque falli possit, neque fallere velit, cujusmodi esse constat veram Christi Ecclesiam, quum de Christianae veritatis doctrina fidem facit*. Quare nihil est, quod nos veluti mancipia arbitrentur, usumque Rationis abjecisse distitent Protestantes. Nam praeter innumeras rationes praecipuas, quibus vel seposita auctoritate Ecclesiae, singula Catholicorum Dogmata confirmantur, utpote quae sacrarum Scripturarum, aut antiquissimae Traditionis testimonio fulciuntur,

ciuntur, nos ipsa Ratio docet, nunquam magis pollere mentem nostram, & ratione uti in iudicando vero, quam quando se iudicii Ecclesiae accommodat, quae a Deo habet, ne unquam in Dogmate fallatur, aut fallat. Catholici itaque non secus ac Protestantes, divinis Scripturis & rationibus in Fidei doctrina stabilienda, sive credenda, utuntur. Sed haec inter utrosque differentia intercedit. Protestantes divini Verbi sensum, & Religionis dogmata metiuntur e privato cujusque ingenio, uti Ratio in consilium adhibita unicuique persuaserit. Scilicet in re tanti momenti iudicem & consiliarium sibi adfiscunt infidelem, atque infirmum, uti quotidiana experientia docet, satisque testantur ferventes adhuc inter ipsosmet controversiae. Catholici vero cum Ingenium suum, tum Ecclesiae vocem auscultant in exquirendo & statuendo Litterarum sacrarum sensu. Ingenium autem suum, si forte ab Ecclesiae voce dissentiat, silere malunt, quam loqui. Consilio utique saluberrimo, quippe non fallacem consiliarium, sed certissimum iudicem a Christo ad dirimendas Fidei controversias constitutum sibi petunt. Nemo prudens inter Protestantes Spiritum Dei sibi certo adesse jactet, per quem ab errore se prorsus immunem polliceatur. Et ne ullus quidem inter privatos Catholicos tantum sibi e caelo munus tribuat. Verum ubi nos Ecclesiam audimus & sequimur, cui Spiritum suum, Spiritum Veritatis, ut Joannes Apostolus testatur cap. xiv. 10. usque ad consummationem saeculi nunquam defuturum, Christus spondit; quis non videat, nos tutissimam non errandi viam inire? Idem unusquisque intelligat, ceteros ab Ecclesia Dei discordes ex eorum sententia incertos saltem in Fidei controversiis esse debere; ex nostra vero sententia, ubi a nobis dissentiunt, eos certissime errare.

Sed quum hac ex parte se victos sentiunt Protestantes, alio se convertunt, redeuntque ad ingenium suum. Quod animo olim perceperunt, Catholicam videlicet Ecclesiam eorum parentem pravis abundare opinionibus, & sacrilegiis operam dare, id ante illorum oculos iterum iterumque recurrit. Hinc ex effectibus argumentantur ad causam, contendentes, quandoquidem Ecclesia erravit, nullam eidem ab errore immunitatem a Deo concessam. Equidem heic appellare juvat eorum fidem, & rogare, ut depositis praejudiciis & affectibus anteceptis Rationem diligentius auscultent, quam iudicem sacrarum Scripturarum ipsi statuerunt; & nos non solum non abhorremus, sed heic ultro & enixe causam dicere volumus. Quid est, quod eos certos facit de Catholicae Ecclesiae erroribus? Scriptura divina,

divina, inquierit. At Scripturam ipsam Catholici proferunt, & non tantum eandem a se stare credunt, & demonstrant, sed unam ob stare pertinaciam censent, ne id Protestantes quoque videant. Utra ex his partibus rectius interpretetur divinos Codices, incertum sit. Quis litem dirimet, quis feret sententiam? Recta, inquierit, Ratio, adhibito Disciplinarum omnium, & Criticae, Linguarumque praesidio. At Catholicis quoque Scientiarum, Criticae, Linguarumque praesidium adest, adest & enixum veritatis ac aeternae vitae desiderium, & rectam in iis Rationem desiderari, nullus inter Protestantes, ut credere juvat, sibi persuadebit. Quem ergo ulterius judicem appellabimus, quaestionem adhuc vigentem postremo voto decidurum? Nul- lum alium puto, quam Deum, cujus tamen sententiam nobis, nisi post exactos mortalis hujus vitae dies, audire licebit. Interim vero, quum saltem incertum Protestantibus aequis remanere debeat, num Catholica Ecclesia errorem fuerit amplexa, quei ex his incertis criminibus evertere volunt certam de minime fallaci Ecclesia sententiam in Scripturis sacris evidenter fundatam, & rectae Rationis suffragio fortissime comprobata? Cur certa iis quoque esse non incipit ista sententia, quando ne certam crederent, una obstabat antec- epta persuasio, Ecclesiam nempe in quosdam errores jam fuisse pro- lapsam? Ratio profecto monet, propter id, quod incertum dubium- que est, ea non esse rejicienda, quae certa sunt. Rursus ipsamet Ratio Catholicos bono esse animo jubet, & veritatis possessores de- cernit. Evidentissime quippe promissum in Scripturis sacris legunt, Ecclesiam Dei nunquam a veritate defecturam, semperque Veritatis futuram esse magistratam; deinde evidenter cognoscunt, Ecclesiam ni- hil tradere, quod Scripturis a Deo traditis repugnet, aut per ipsas dilucide non probetur. Quare sentiunt se falli non posse, dum au- thoritate Ecclesiae Catholicae nituntur, quae auctoritas praesidium simul est, & frenum Rationis. Praesidium, ut Rationi media pateat via, in qua verum sedet; frenum, ne ad extrema Ratio declinet.

Porro ex effectibus diximus intelligi, quanti sit aestimanda Pro- testantium Methodus, & num Deo probari possit, qui unam semper & concordem vult esse Religionem suam; & num Rationi arideat tantopere ab erroribus abhorrenti. Lutherus (ut veteres omittam Haereticos) irarum plenus in Ecclesiam Catholicam parentem suam, adulterii arcessitam, insurrexit. Quae Ingenio suo, aut, si mavis, Rationi suae visa sunt divinis conformia Scripturis, probavit, quae deformia, rejecit, damnavit. Non exemplo suo tantum, sed grandi
etiam

etiam voce docuit, contemnendam esse Ecclesiae vocem, uniceque respiciendam esse Scripturam. Quod necessario consequebatur, fortasse tacuit; videlicet, pro Ecclesiae voce Rationis vocem auscultandam esse, & Rationem divini verbi judicem adfiscendam; quasi Ratione Ecclesia ipsa non uteretur. Fallacissima haec methodus continuo Zuinglios, Oecolampadios, Carolstadios, Anabaptistas, & innumeros alios Religionis doctores peperit, quibus nihil antiquius fuit, si ipsis fides, quam divinis haerere Libris, hoc est Scripturas sacras ex ingenio suo, suaeque privatae Rationis consilio interpretari, & Catholicam interim Ecclesiam collatis viribus oppugnare. Verum hinc mille monstra sententiarum, mille Sectarum prodire, contrariis opinionibus non minus inter se, quam contra Catholicam Ecclesiam pugnantes. Tulit eadem aetas Calvinum, alteram Europae faciem, & Anglos invasit male sanus idem ardor, qui reliquum Septentrionem in tot opiniones discerperat. Successere Sociniani, tum eorum, paene dixi, gregales Arminiani, Syncretistae, Quakeri, aliique Fanatici, Independentes, Praeadamitae, & ut brevius dicam, non facile numeranda aliarum Sectarum frusta. Singulos ex istis contraria ac diversa tradentibus interroga. In eorum, dicant, castris divina Scriptura, Veritas, & Ratio militat; in reliquorum error & falsitas. Et tamen ne uni quidem e tot Christianorum sectis a Catholica Religione avulsis adsunt Credibilitatis Argumenta, qualia sunt Antiquitas, Unitas doctrinae, Episcoporum successio ab Apostolis; Miraculorum virtus, atque alia hujusmodi.

Quae igitur incommoda et Protellantium methodo fluant, nullo negotio colligas. Primo, ne doctis quidem & acutis hominibus facile erit in tanta opinionum diversitate cognoscere, quae ad Veritatem certo accedat, quum utrimque Scriptura sacra, & rationum pondus jactetur, & aequae una pars ac altera se praevalere lumine rationis, seu rationum vigore, enixe contendat & credat. Secundo, multo minus id populis imperitis licebit, tum quod eorum non sit, recte de tantis litibus inter Protestantes agitatibus judicare, tum quod nulla suppetant potentissima Credibilitatis Argumenta, quae in hanc potius, quam in alteram partem, inclinent indoctorum mentem. Tertio, novi in dies emergunt Sectarum auctores, novae sententiae, nova deliria, dum quisque sibi sumit divinos Codices pro suo interpretari ingenio, nullumque frenum suae Rationi statuit. Neque temeritatis argui a ceteris Haereticorum sectis quisquam poterit, quippe non aliter hic se regat, ac se rexerit Lutheri, Calvini, aliorum.

divina, inquit. At Scripturam ipsam Catholici proferunt, & non tantum eandem a se stare credunt, & demonstrant, sed unam ob stare pertinaciam censent, ne id Protestantes quoque videant. Utra ex his partibus rectius interpretetur divinos Codices, incertum sit. Quis litem dirimet, quis feret sententiam? Recta, inquit, Ratio, adhibito Disciplinarum omnium, & Criticae, Linguarumque praesidio. At Catholicis quoque Scientiarum, Criticae, Linguarumque praesidium adest, adest & enixum veritatis ac aeternae vitae desiderium, & rectam in iis Rationem desiderari, nullus inter Protestantes, ut credere juvat, sibi persuadebit. Quem ergo ulterius judicem appellabimus, quaestionem adhuc vigentem postremo voto decisurum? Nul- lum alium puto, quam Deum, cujus tamen sententiam nobis, nisi post exactos mortalis hujus vitae dies, audire licebit. Interim vero, quum saltem incertum Protestantibus aequis remanere debeat, num Catholicam Ecclesia errorem fuerit amplexa, qui ex his incertis cri- minibus evertere volunt certam de minime fallaci Ecclesia senten- tiam in Scripturis sacris evidenter fundatam, & rectae Rationis suf- fragio fortissime comprobata. Cur certa iis quoque esse non inci- pit ista sententia, quando ne certam crederent, una obstat antece- pta persuasio, Ecclesiam nempe in quosdam errores jam fuisse pro- lapsam? Ratio profecto monet, propter id, quod incertum dubium- que est, ea non esse rejicienda, quae certa sunt. Rursus ipsamet Ratio Catholicos bono esse animo jubet, & veritatis possessores de- cernit. Evidentissime quippe promissum in Scripturis sacris legunt, Ecclesiam Dei nunquam a veritate defecturam, semperque Veritatis futuram esse magistratam; deinde evidenter cognoscunt, Ecclesiam ni- hil tradere, quod Scripturis a Deo traditis repugnet, aut per ipsas dilucide non probetur. Quare sentiunt se falli non posse, dum au- thoritate Ecclesiae Catholicae nituntur, quae auctoritas praesidium simul est, & frenum Rationis. Praesidium, ut Rationi media pateat via, in qua verum sedet; frenum, ne ad extrema Ratio declinet.

Porro ex effectibus diximus intelligi, quanti sit aestimanda Pro- testantium Methodus, & num Deo probari possit, qui unam semper & concordem vult esse Religionem suam; & num Rationi ardeat tantopere ab erroribus abhorrenti. Lutherus (ut veteres omittam Haereticos) irarum plenus in Ecclesiam Catholicam parentem suam, adulterii arcessitam, insurrexit. Quae Ingenio suo, aut, si mavis, Rationi suae visa sunt divinis conformia Scripturis, probavit, quae deformia, rejecit, damnavit. Non exemplo suo tantum, sed grandi
etiam

etiam voce docuit, contemnendam esse Ecclesiae vocem, uniceque respiciendam esse Scripturam. Quod necessario consequeretur, fortasse tacuit; videlicet, pro Ecclesiae voce Rationis vocem auscultandam esse, & Rationem divini verbi iudicem adfiscendam; quasi Ratione Ecclesia ipsa non uteretur. Fallacissima haec methodus continuo Zuinglios, Oecolampadios, Carolustadios, Anabaptistas, & innumeros alios Religionis doctores peperit, quibus nihil antiquius fuit, si ipsis fides, quam divinis, haerere Libris, hoc est Scripturas sacras ex ingenio suo, suaeque privatae Rationis consilio interpretari, & Catholicam interim Ecclesiam collatis viribus oppugnare. Verum hinc mille monstra sententiarum, mille Sectarii prodire, contrariis opinionibus non minus inter se, quam contra Catholicam Ecclesiam pugnantes. Tulit eadem aetas Calvinum, alteram Europae faciem, & Anglos invasit male sanus idem ardor, qui reliquum Septentrionem in tot opiniones discerperat. Successere Sociniani, tum eorum, paene dixi, gregales Arminiani, Syncretistae, Quakeri, alique Fanatici, Independentes, Praedamitae, & ut brevius dicam, non facile numeranda aliarum Sectarum frusta. Singulos ex istis contraria ac diversa tradentibus interroga. In eorum, dicant, castris divina Scriptura, Veritas, & Ratio militat; in reliquorum error & falsitas. Et tamen ne uni quidem e tot Christianorum sectis a Catholica Religione avulsis adfuit Credibilitatis Argumenta, qualia sunt Antiquitas, Unitas doctrinae, Episcoporum successio ab Apostolis; Miraculorum virtus; atque alia huiusmodi.

Quae igitur incommoda e Protestantium methodo fluant, nullo negotio colligas. Primo, ne doctis quidem & acutis hominibus facile erit in tanta opinionum diversitate cognoscere, quae ad Veritatem certo accedat, quum utrimque Scriptura sacra, & rationum pondus jactetur, & aequae una pars ac altera se praevallere lumine rationis, seu rationum vigore, enixe contendat & credat. Secundo, multo minus id populis imperitis licebit, tum quod eorum non sit, recte de tantis litibus inter Protestantes agitatis iudicare, tum quod nulla suppetant potentissima Credibilitatis Argumenta, quae in hanc potius, quam in alteram partem, inclinent indoctorum mentem. Tertio, novi in dies emergunt Sectarum auctores, novae sententiae, nova deliria, dum quisque sibi sumit divinos Codices pro suo interpretari ingenio, nullumque frenum suae Rationi statuit. Neque temeritatis argui a ceteris Haereticorum sectis quisquam poterit, quippe non aliter hic se regat, ac se rexerit Lutheri, Calvini, aliorum.

que Protestantium chorus, & ipse sibi idemmet jus, eandemque tribuat libertatem, quam sibi sumendam reliqui Novatores putarunt. Ita fiet, ut nulla sit insania, nulla perversa opinio, quam veluti Christi doctrinam invehere non audeant ac possint hominum ingenia. Continget etiam, ut nulla super sit ratio avocandae ab errore, & convincendae hujusmodi gentis, ubi ingenio, quod est difficillimum, haec cedere aliis nolit. Et jam vidit Christianus orbis, in quas opiniones teterrimas deprædicatum hoc Rationis lumen trahere facile possit. In Religione Christiana Dogma nullum est, quod ab aliquo homine, aut aliqua Secta negatum, impugnatumque non fuerit. In Atheismum, aut Scepticismum tandem ista opinandi licentia commodissime defert. Denique Lutheranis Calvinistas evertere nondum licuit; Remonstrantes nihili duxere minus, & Synodos Calvinianas; & inter tot Sectas internecinum odium, aut aequè abominandum Syncretismum vigere adhuc cernimus.

Heic rogandi sinceri veritatis investigatores & recti amantes, quid eorum Ratio suggerat, quum haec & alia plura, quae hanc in rem adferri possunt, serio & affectibus tacentibus expendunt. Omnibus utique illa respondere deberet, fieri non posse, ut per hanc periculosam methodum ad Veritatem sine dubitatione perveniatur. Fieri itidem non posse, ut Christus, qui veritatem suae doctrinae non solum apud homines aeternum durare, sed etiam in omnem terram effundi, & facile ab hominibus cognosci posse voluit, hanc unam tradiderit adeo fallacem regulam, qua vera Scripturarum suarum mens innotescere possit. Nisi aliter ille consultuisset Religioni suae, ac infirmæ rationi, qualis in hac misera natura deprehenditur, voti sui (dicere bona fide liceat) nunquam factus fuisset, fieretque compos. Immo hinc consequitur, Religionem Christianam, ejusque auctorem Deum, deridendum Infidelibus exhiberi ab iis, qui nullum aliud præter Rationem humanam institutum a Deo tribunal arbitrantur, cujus sit finem imponere controversiis quotidie in sacrarum Litterarum interpretatione exsurgentibus, & cujus sit tum certo proponere, quae aut credenda aut neganda sint, tum frenum temerariis Ingeniis injicere. Tandem nullam a Lutheri, puta, & Calvinii sectatoribus adferri posse rationem contra ipsis aequè ac nobis detestandum Socinnum, quae in ipsorum caput non recidat & tunc ipsos vinci ab Ecclesia Catholica, meritoque damnari, quum Socinum ipsi vincere & damnare contendunt. Et certe Socinianæ pestis, aliorumque hujusmodi monstrorum ortum permisisse Deus videtur, ut Lutherani & Calvi-

Calvinistae hinc etiam discant, quam temere ab Ecclesia Catholica ipsi prius defecerint, quando ipsissima eorum methodus Socinum, Spinofam, & mille alias Haereticorum sectas peperit, & armavit, novaeque in dies singulos parere & armare potest, exarmare autem aut expugnare non potest.

CAPUT DECIMUM.

Auctoritas Ecclesiae Catholicae in Fidei doctrina a Pbereponi objectionibus vindicata. Ei non sine ratione credimus. Fallaci auctoritatis Protestantes additi, & incerta apud eos Veritatis consequutio. Antiquitas doctrinae in Christi schola, & credentium multisudo, robusta Veritatis argumenta. Novitas & paucitas, erroris indicium contra Catholicam Ecclesiam. Pbereponi in hanc rem animadversiones confutatae.

INVICTAE sunt omnes Haereticorum sectae, ubi una in alteram insurgit, sed facile vincendae ab Ecclesia Catholica, quoties ipsae tum suam, tum Catholicorum methodum, ambarumque longe diversa confectaria placidissimis mentibus simul conferant. Quum ergo demonstratum fuerit, quam sit fallax, periculosa, & a mente Dei aliena illorum methodus, qui in una vi Rationis seu Ingenii sui, statuunt veram divinarum Litterarum & Christianae doctrinae interpretationem: reliquum est, ut nulli privato homini infallibilitatem tribuamus; sed Ecclesiae verae, hoc est universali, in qua Spiritum sanctum veracem sacrorum Codicum interpretem semper adfuturum Christus pollicitus est. Necessariam autem esse, atque a Deo propterea Catholicae Ecclesiae datam istam auctoritatem, Ratio cognoscit, ut tot absurda evitentur haecenus commemorata. Immo, ut vidimus, sacrae id testantur Scripturae manifestis verbis, & Sancti Patres, & antiquissima Traditio, & usus tot saeculorum apertissime probant.

Statuta autem huiusmodi auctoritate, cum docti, tum indocti, praetermissio etiam examine controversiarum, conquiescere merito possunt, utpote certi se ab errore abfuturos, quoties id credunt, quod Ecclesia Catholica Spiritu Dei erudita credendum proponit. Atque hoc ipsum illud est, quod S. Augustinus cap. 7. de Quant. Animae
 K 2
 aiebat,

ajebat, nempe, *Auctoritati credere magnum compendium esse, & nulum laborem, & animis tardioribus ac imperisioribus utilissimum esse excellentissimae Auctoritati credere, & secundum hoc agere vitam.* Quae tamen verba ita Phereponus in animadversionibus vellicabat: *Sed prius ipsa illa Auctoritas expendenda est, quam ei fidem habeamus; ita ut ei per omnia credamus, quia nobis indubitis argumentis constat, eam nec falli, nec fallere. Alioqui stultum esse ei credulitatem suam addicere, a qua verum dici nulla ratione constaret. Sin minus, barbari omnes populi, qui Sacerdotibus, aut Majoribus suis tam multa temere credunt, recte facere dicendi essent. Compendiaria via etiam progrediuntur, sed us ad omnis generis errores perveniunt, in quibus numquam se expediunt.* Haec quidem bene habent, modo is persuadere nolit, Catholicam Ecclesiam falli ac fallere posse, & Augustinum in ea fuisse opinione, ut Catholicorum Sacerdotum auctoritati sine consilio, sine ulla ratione, fidem adjungendam esse censeret. Augustini hac de re sententia aliis in locis, ut vidimus, expressa est. Sed quae heic Cenfor dicere pergit, non sunt facile dimittenda. *Itaque, ait, omnes cavere oportet, quibus cordi est Christiana Religio, ne idem ei fundamentum ponant, quo maximi & turpissimi quique errores nituntur.*

Si Catholicae Ecclesiae sententiam & usum heic ille carpit, sicuti suspicari cogimur, nae Phereponus male collocavit optimum documentum. Nam, ut haecenus ostendimus, ideo Catholici Ecclesiae auctoritati credunt, quia indubitatis argumentis ducti eam vident neque falli, neque fallere posse; & cuicumque poscenti auctoritatis hujus rationes parati sunt illas dare, priusquam exigant, ut Catholicae doctrinae fides habeatur. Tantum autem adest, ut posito hujusmodi fundamento Catholicis errandi periculum immineat, ut sine isto fundamento nemo de veritate sit certus, nemo errandi periculum effugiat. Quod si Pherepono animus fuit his verbis erudire suam gentem: laudandus est profecto illius zelus, commendanda prudentia. Ejusmodi enim consilio nemo plus indiget, quam Lutheri Calvinique familia. Ex his plerique omnes, etiamsi reliquorum hominum, suorumque etiam Pastorum auctoritati in Religionis negotio prorsus renuntiandum, & uni Scripturae credendum verbis affirmant: re tamen & usu nihil magis sequuntur, quam sui institutoris, suorumve Pastorum Auctoritatem, sive confidentiam. Siquidem quis e minuto rudique popello, quis (ne graviora dicam) ex femieruditis, id studii, id Linguarum Orientalium, id Critices & erudi-

eruditionis secum attulit, ac assert, quod apprime necessarium est, ut exhauriantur controversiae omnes inter ipsos & Catholicos, & rursus inter ipsos aliosque Haereticos vigentes? Si non attulerunt (quod arbitror sincerus quisque fatebitur), ergo certa minime est eorum Ratio, se veritatem ebibisse, erroresque vitasse. Et quidem quando apud ipsos valere non debet Auctoritas, ratio poscit, ut unusquisque singula dogmata in quaestionem adducta perpendat, & rationes utrimque allatas sedulo examinet: ad quod praestandum incredibile dictu est, quot praesidia, quot anni, & quanta vis mentis exigatur. Catholicos a tanto labore eximit facile cognita suae Ecclesiae veritas ac veracitas, cum qua sciunt se errare non posse. Quum igitur e Christianis non Catholicis plerique Auctoritatis contemtores, & Rationis unius praecones, in Religionis tamen negotio se inconsulto duci sinant auctoritate suorum Pastorum, divinas Scripturas pro suo ingenio interpretantium: prudenter iis auctor est Phereponus, ne tali fundamento fidant, quod ex eorum sententia dubium est, ac errori aequae infervit, immo ex nostra quoque sententia fallacissimum est, nisi quum Ecclesiae Catholicae auctoritati creditur, cui divinum Spiritum adesse, semperque adfuturum ostendimus.

Et sane Pherepono liceat hisce consiliis erudire populos sui similes, hoc est Ecclesiae Catholicae rebelles, liceatque illi Remonstrantes ab auctoritate Dordracenae Calvinianae Synodi eximere. Praedicet ille Rationis jura, & pericula explicet iis imminencia, qui Auctoritati fallaci suam addicunt credulitatem. Sed vicissima patiatur, ut sibimet ipsi Rationem tantopere commendanti, paucis mutatis sua verba reddantur. Ita Ratio, ejusque vigor prius expendendus est, quam ei fidem habeamus in rebus Fidei, ut ei per omnia deinde credamus, quia nobis indubitatis argumentis constat, Rationem nostram falli non posse. Alioqui stultum esset, eam arbitrari certam veritatis Magistrum, quam talem esse minime constaret, & quam saepe falli, & in errores turpissimos labi exploratum foret. Atqui Christianae omnes Sectae, a Catholica Religione abhorrentes, Rationem suam privatam constituunt sacrarum Litterarum certissimam interpretem, eaque via tuto se progredi singulae opinantur, sed ut ad omnis generis errores perveniant, ex quibus nunquam se expediunt. Ergo cavere omnes oportet, quibus cordi est Christiana Religio, ne privatum consilium Rationis, hoc est, idem Religioni fundamentum ponant, quo maximi & turpissimi quique errores,

errores, & tot Haereticorum deliria nituntur, & ne abjiciant Catholicam Petram, in cujus unius stabilitate humana Ratio fixa sperare potest, se a lapsu immunem semper esse futuram. Quod est ad Catholicos, ii luculentissime suis in Libris ostenderunt, & ostendere iterum possunt, ad Auctoritatem minime fallacem Ecclesiae Catholicae nihil pertinere Phereponi censuram. Neque enim nos Auctoritati sine ratione credimus, neque Rationem excludimus, sed cum Auctoritate conjunctam volumus: quae concordia tum demum Rationem robustissimam facit, tutoque ad veritatem perducit. Verum quod est ad Protestantes, tunc ostendet Phereponus, eosdem nequaquam abuti Rationis lumine, quum palam fecerit, tot tamque varias ac oppositas Haereticorum sectas, tot errores, tot monstra opinionum, ex ista Rationis humanae superbia, tanquam ex equo Trojano, nequaquam prodiisse.

Multo autem magis Catholicorum Ratio in cognitionem veritatis, quam amplexa est, confirmabitur, ubi tot notas contemplatur, quae nos docent, omnium Haereticorum nunc vigentium Sectas carere nomine verae ac veracis Ecclesiae. Nempe non originis solum, sed etiam doctrinae novitatem, turbas, & humanas artes, per quas investita plerumque fuerit haec nova doctrina: nulla miracula, nulla signa eorum auctoribus fuisse, quanquam necessaria, ut veritatem suae novitiae doctrinae testarentur e caelo venire, ostenderentque, Catholicam Ecclesiam ejusque auctoritatem esse repudiandam. Iis auctoribus (quippe neque a Deo, neque a legitimis Pastoribus ad praedicandum missis) defuisse legitimam vocationem, legitimamque docendi auctoritatem, quam tamen Apostoli, recta politia, & Ratio in Ecclesia Dei aperte exigunt, ne cuicumque liceat errores sub specie veritatis disseminare, & idemidem novas condere Religiones, easque incautis eo obtrudere titulo, quod verus Religio e suo jure & e veritate exciderit. (2) Denique nihil simile habere cum vera Christi Religione inconstantiam Doctrinae, quam inter Protestantes facile est deprehendere.) Juvat etiam addere, quod Catholicis solatio sit, & reliquis incitamento, ut unam amplectantur Catholicam Religionem. Quocumque odio in istam Ecclesiam rapiantur praecipui ex recentioribus Haereticis, fateri tamen non

(2) In praecedentibus editionibus: *Deinde nihil simile habere & cetera usque ad verbum deprehendere*; post quod verbum, delevit Auctor sequentia: *Tandem ab Ecclesia vera abhorreere quantumque intoleranda absurda sequuntur, quando vera esset enogitata ab Haereticis Ecclesiae Catholicae in erroris defectio; atque admittenda foret illa methodus, quam tantopere praedicant & sequuntur Heterodoxi.* Juvat etiam &c.

non dubitarunt, neque dubitant, quin istius quoque sectatores, modo ad Evangelii normam & mandata suos mores componant, aeternam salutem adipisci possint. Id in Libris Lutheranorum, Calvinianorum, Syncretistarum, & Socinianorum legere est. Quum ergo ex consensu vel inimicorum certum sit, veritatem & salutem in Ecclesia Catholica haberi posse: contra vero, quum e Catholicorum sententia, cui Apostolorum, sanctorumque Patrum, & totius Antiquitatis voces consentiunt, certum sit, inter Haereticos, sive Luthe- ro; sive Calvino, sive Socino, sive aliis addictos, aeternam salutem obtineri non posse: Ratio manifestissima suadet, Auctoritati Eccle- siae Catholicae standum, & non immorandum in Haereticorum coe- tu, sed in illius sinum esse volandum, a cujus unius communione speranda est communi suffragio salus. Tanti namque momenti salus aeterna est, ut certo periculo (si vera est Catholicorum sententia) exponenda non sit in Haereticorum castris, quando periculum omne in Catholica Schola vitare fas est.

Sed nos ad Phereponum regredientes exquiramus, quid sibi alio in loco is velit. Sanctus Augustinus in Lib. de Util. credendi cap. 16. haec de Christo pronuntiaverat: *Ergo ille offerens medicinam, quae corruptissimos mores sanatura esset, Miraculis conciliavit (sibi) Auctoritatem, Auctoritate meruit fidem* (His verbis liberaliter adsen- titur Phereponus, at non sequentibus), *fide contraxit multitudinem, multitudine obtinuit vetustatem, vetustate roboravit Religionem*. In- quit enim Censor: *Quamvis Christus fide sibi facta apud multitudi- nem, Ecclesiam suam condiderit, neque conditam nunerit: attamen eo non spectavit, ut aliquando Religionem vetustate roboraret, quasi ve- rustas argumentum quandoque futurum esset veritatis. Non adsentimur iis, qui Christi dogmata sequuntur, quia antiqua est illorum fides, sed quia consentanea est veritati caelesti, cui fidem Christus miraculis suis fecit*. Strenue suam causam heic agit Phereponus, argumen- tum a vetustate petitum expendens, utpote qui toties obijci sibi non tantum a Catholicis, sed & ab ipsis Calvinii affectis, sententiarum Arminianarum novitatem meminit. Et revera vetustatem opinio- num, (a) ut ut veneratione fere semper digna sit, non esse tamen certum argumentum veritatis, nihil verius est in opinionibus ad Physicam, ad Astronomiam, & ad nonnullas alias Artes spectanti- bus. Sed miror, Logicum, Criticumque virum aut animadvertere nolle, aut nolle fateri, quantum ponderis sit vetustati in Theologi-

cis, ..

(a) AL. ut ut veneratione fere semper dignam.

cis, atque Historicis rebus. Primi generis sententias nulla antiquitas opinantium veras esse persuadere potest; nulli quippe ex antiquis magister aliquis fuit falli nescius, qui eos de veritate hujusmodi opinionum certissimos efficeret. Ingenium suum cuique pro magistro erat. Quum autem antiquis Philosophis interdum ingenio recentiores non cedant, immo isti illis nonnumquam antecellere possint, majore nempe studio, pluribusque quam antea adminiculis suffulti quis non videt, aequè in recentiorum, quam in veterum placitis veritatem haberi posse, nihilque esse, quod supra nos Majores nostri sibi tribuere possint in hujusmodi veritatum inquisitione, nisi quod ante nos inquisierint, nobisque faciliorem straverint viam ad veritatem ipsam inveniendam?

At longe aliter se habent secundi generis sententiae. Si sit quaestio, utri ex duobus Historicis in re quapiam discordibus adhibenda sit fides, & par sit utriusque fidelitas, judicium, ac eruditio, & utrimque verisimilia narrentur: nemo inter Criticos futurus est, qui non judicet, antiquiori potius quam recenti credendum, multoque magis antiquissimo in comparatione admodum novitii scriptoris. Accidit id quoque in Theologicis rebus. Disputatur inter Christianos, quanam sit vera Christi Ecclesia, & verane, an falsa sint Dogmata quaedam. Litem dirimere non licet, affirmantibus singulis, suam doctrinam, ideo veram esse, quod consuetudine sit veritati caelesti, cui fidem Christus miraculis suis fecit. Potentissima ratio monet, secundum illos judicandum esse, qui vetustatem sententiae, & Ecclesiae suae, ad Apostolos usque & ad Christum perducunt; reliquos vero longe a veritate recedere, quibus cum Ecclesiae, tum dogmatum novitas exprobari potest. Quis enim melius quam Antiqui, & Apostolorum aequales, sive Discipuli audire, aut rescire poterunt, quae Christi mens & doctrina fuerit, quidve credendum, agendumve ipse proposuerit, quum haec ea sint; quae non ex ingenio hominum, sed ex revelatione Dei & Christi pendeant?

Eoque magis valere id omnes intelligent, quum de aliquo Dogmate, sive Scripturarum sensu, lis est inter quosdam recentiores, quidecim aut sexdecim saeculis ab Apostolorum temporibus distitos, & alios uno, duobus, aut tribus saeculis ab eisdem temporibus remotos; & potissimum si Ecclesia tota, & sanctorum Patrum consensus, & immemorabilis Traditio militet contra paucitatem & novitatem recentiorum. Enim vero haec non agitur de constituenda Religione secundum arbitrium nostrum, aut de intelligendis atque

expl.

explicandis Christi dogmatis & Litteris sacris, prout ingenio nostro magis aridet: quod ne ipsum quidem Phereponum velle arbitror, quanquam ipsa ejus dicta & facta nihil aliud velle preferant. Sed agitur de retinenda Religione, quam Christus, certissimus veritatis Magister, revelavit, & de intelligendis atque explicandis Codicibus sacris, quemadmodum a Christo ejusque Apostolis intellecti sunt atque explicati. Nemo autem credendus est heic magis scire, quam qui aut Apostolos praedicantes, aut Apostolorum successores audire, & quae falsa, quae vera forent, probe callere potuerunt atque debuerunt. Contra nemo in hujusmodi controversiis minus audiendus est, quam qui tot saeculis ab Apostolorum aetate remoti unum suum ingenium judicem faciunt in tanti momenti rebus, & sibi nuperis potius credi postulant, quam Antiquis, quibuscum Ecclesia Catholica consensit, semperque consensit. Quapropter nihil certe ideo verum est, quia antiquum: Sed in controversiis inter Christianos agitatae robustum Veritatis argumentum, sive ut melius dicam, indicium, Antiquitas est. Et si alia accedant Veritatis indicia, qualia habet una Catholica Ecclesia, certos homines efficere potest ac debet de veritate doctrinae. Indicium contra atque argumentum falsitatis est Novitas; atque ab ista cavere quam maxime oportere, & hinc etiam discerni Haereses & Pseudopphetas Apostoli monuerunt. Haec autem adeo certa sunt, ut quicumque pejora etiam & falsissima Dogmata duobus proxime praeteritis saeculis commentus fuit, non nova se tradere, sed antiqua, & Apostolis eorumque successoribus probata, persuadere necesse duxerit. Qua in re quantum eos fallat sua eruditio atque conatus, apertissime patet ex Catholicorum libris. Itaque non est, cur Phereponus in Theologicis inanem putet esse vim & auctoritatem Antiquitatis, non secus ac si de Philosophicis ageretur. Telum hoc omnium consensu acutissimum est, sed tantummodo in Catholicorum manibus vim suam exercet. Multo minus fuit, cur Phereponus Augustino non adfentiretur, pronuntianti, Christum vetustate roborasse Religionem. Tuebatur Augustinus adversus Haereticos veritatem ejusdem doctrinae ejusdemque Ecclesiae, quam & nos commendamus & pro viribus tuemur, hoc est, agebat contra illorum Christianorum genus, qui novitatem cum originis, tum doctrinae, & Ecclesiae praeferebant, ab Antiquitate Catholicam Ecclesiam atque doctrinam roborante, vincuntur. Propterea de Christo, inquit: *Vetustate roboravit Religionem, quam non solum Haereticorum ineptissima novitas fraudibus agens, sed nec*

gentium quidem veterinosus error violenter adversans, aliqua ex parte convelleret.

Agnoscit hoc Phereponus, & tamen dicere pergit: *Sed Augustino commodum erat talibus argumentis uti in Haereticos ac Schismaticos, quibus passim novitatem, & paucitatem exprobrat, quas olim Christianis exprobraverant Ethnici.* Utrum a Vetustate petatum argumentum vim habeat in Haereticos ac Novatores, jam vidimus. At nescio cur heic producendos sibi putet Ethnicos, eorumque exemplum Augustino objiciat. Si par fuisset Gentilium, & Christianorum causa, hoc est, si rationibus utrimque pugnatum aequae fuisset, & Christianis nullum succurrisset evidens Veritatis argumentum, excusatione dignum fuisset hominum judicium, si Christianae Religionis Ethnicam praetulissent, quam nimirum neque ulla gravior adversae partis ratio vinceret, & contra vetustas ac amplitudo evidentius commendarent, quam Christi Fidem. Sed hinc Miraculorum splendor, Prophetarum oracula evidentissime completa, & sanctitas Legis Christianae; inde vero vel ipsi Ethnico vulgo facile noscenda, atque eruditius fere omnibus certe nota Religionis Idolatricae impietas ac infamia, tantum roboris addebant rationibus Christianorum, tantum detrahebant Religioni Gentilium, ut ipsa novitas & paucitas Christianae gentis minime ob stare deberet, quin doctus quisque & indoctus ad castra Christianorum transfret. Quod autem est ad Catholicos & Haereticos, inter se pugnantes, utraque pars rationes & Scripturas pro sua sententia adferebat. Rationibus certe Catholici praestabant. Verum id negantibus adversariis, par videri multis potuisset causa, & anceps istius contentions exitus, nisi Catholicorum rationes evidenter juvissent sententiarum vetustas, & Ecclesiae amplitudo. Jure ergo ad Catholicos inclinare debuit victoria; nam ii mentem Christi, verumque sensum Scripturarum melius ac certius novisse credendi erant, qui propius ad ipsum, ejusque Apostolos, antiquitate accedebant. Quanquam quid Phereponus ait de novitate Christianae Religionis prae vetustate Ethnicae superstitionis? Ne hoc quidem habebant Gentiles, quo se Christianis in ea controversia praeferrent, immo heic etiam evidentissime vincebantur. Et profecto ignorare non potuit ipsemet Phereponus, quod cuivis eruditorum patet: nempe Christianam Religionem eandem cum Judaica esse, & propterea ad Adamum usque contingere, & Religionibus reliquis antiquitate praecire. Quid in hanc rem scripserint Clemens Alexandrinus, Eusebius Caesariensis, ipse Augustinus, aliique sancti Patres, & recentiores

res non pauci, prae omnium manibus est, & fat erit meminisse. Parum igitur opportune, parumque erudite Pheroponus huc adfert Ethnicorum exemplum, ut jura vetustatis, hoc est, Catholicorum arma, retundat.

Ceterum non heic tantum, sed & alibi Augustinum Pheroponus irridet objicientem paucitati Haeticorum Catholicae Ecclesiae amplitudinem. Non esse hoc Veritatis argumentum, ille monet; alioqui Ethnicorum multitudine considerata, Christiana Religio falsi convincetur. Et sane fatendum est, ab Ethnicorum multitudine victos olim fuisse Christianos, & adhuc vinci. At nos in Ethnicos aliis evidentibus argumentis pugnamus, facimusque, ut frustra suam nobis amplitudinem objiciant. Quum vero controversia est inter Catholicos & Haeticos, dicimus validissimum semper fuisse, ac fore indicium veritatis, credentium multitudinem, cum aliis indiciis & argumentis conjunctam. Ab ipso Religionis sanctissimae exordio ad nostra usque tempora insurrexere *lupi rapaces*, & *virii loquentes per-versa*, ut Apostolus praedixerat. Schismata etiam, & Haereses invaluerunt. Quaesitum est utrum a Catholicis, an ab adversariis vera Christi Ecclesia & doctrina staret. Ea autem perpetuo sententia sedet, non alibi stare, quam apud illos, qui Ecclesiae & doctrinae antiquitatem atque constantiam, multitudine quoque, successione, & concordia credentium, probarent: quod de solis Catholicis dici olim potuit, & dici adhuc potest. Propterea in Concilio Nicaeno statutum est, ut ea haberetur Ecclesia Dei vera, cui praeter alia signa nomen *Catholicae*, seu *Universalis*, re conveniret. Quae appellatio non tunc nata, sed Ecclesiae verae jam indita est vel ab ipsis Apostolorum successoribus, quum *τῆς ἀγίας καθολικῆς ἐκκλησίας*, *sanctae Catholicae Ecclesiae* mentionem fecerint Smyrnaei in Epistola de Martyrio Beati Polycarpi, & Ignatius Martyr in Epistola ad Smyrnaeos. Sed quid haec ad veritatem? iterum inquit aliquis.

Primo sunt nonnulla cum veteris, tum novi Testamenti oracula, quibus palam fit, Christi Religionem praedicandam esse *in omnes gentes*, incipiendo ab Hierosolyma, & *in omnem terram* *enivisse Apostolorum sonum* & *in fines orbis terrae verba eorum*. Haec autem non de falsa, sed de nova Christi Religione praedicta sunt, & Prophetiam comprobavit effectus. Legitimum igitur verae Ecclesiae & Orthodoxae doctrinae indicium esse debuit amplitudo Catholicae Ecclesiae cum ejus antiquitate, concordia opinionum, & successione Episcoporum conjuncta. Hujusmodi praerogativam ipsi verae Ecclesiae,

veraeque doctrinae, & nequaquam Ecclesiis malignantium, & erroribus Haereticorum pollicitus est Christus. Secundo, quum longe lateque propagata fuerit germana Christi Religio, atque in singulis terrae partibus, diffusisque Provinciis fundatae fuerint innumerae Ecclesiae, quae ex Apostolorum praecepto noverant, nihil in Christi doctrina innovandum, & quod traditum fuerat tenacissime servandum: ista amplitudo non custodiendae solum, sed etiam indicandae verae doctrinae aptissima fuit. Etenim fieri quidem potuit, ut una, aut plures etiam Ecclesiae errarent, violarentque illata novitate documenta Christi; fieri autem non potuit, quin proximae, atque innumerae aliae Ecclesiae piaculum istud animadverterent; quo depresso excogitari non potest, omnes Christianorum Ecclesias, & praesertim Episcopos sui muneris, veraeque Religionis oblitos, filere omnes & connivere voluisse. Et certe nunquam siluisse in huiusmodi casibus ex Historiis Ecclesiasticis exploratissimum est. Quare postulat ratio, ut tantae credentium continuatae multitudini, & tot Ecclesiis sacri depositi custodibus, & antiquis, & concordibus, potius adhibeatur fides, quam uni Novatori, aut paucis ejus asseclis, heri & in angulo natis, & ex ingenio suo caelestem doctrinam interpretantibus, & nulla signa adferentibus, quibus probent, aut sese a Deo missos, aut Ecclesiam a recta opinione descivisse, aut novitiam Sectam suam paucitate quidem cedere, doctrinae vero sanitate Catholicis antestare. En ergo, quid faciat ad Veritatis demonstrationem multitudo Catholicorum, & amplitudo Catholicae Ecclesiae, quum inter illam, & Haereticorum Sectas, de Veritate controversia agitur.



CAPUT UNDECIMUM.

Socinianorum pestifera Haeresis. Deo nos quaedam edocenti credendum, quamvis credenda superent capsum humani intellectus. Ingenii temeritas quam heic impia. Loca Theologica, unde veritas Doctrinae Christianae petenda. Traditionis auctoritas, ac necessitas in Ecclesia Dei. Quibus principiis nitatur. Laus Theologiae Dogmaticae, & Petavii V. C. quem Phereponus pluris facere debuit.



APLISSIMUM inquirendae Veritatis jus, & Mentis humanae libido, jam accepit confinia. Primum & summum Ingeniorum frenum divina Scriptura est. Alterum deinde Catholicae, seu verae Ecclesiae, vox & auctoritas. Heic ergo innitendum, si certi esse volumus de fide nostra, & in Religione fortes ac invicti stare. Si enim Ecclesiam veram, si minime fallacem habemus, & probamus, omnes Haeticorum pestes debellabimus. Sin minus, nobis perpetuum cum iisdem bellum erit, & nulla unquam utrimque victoria. Hos autem fines antiqui Haeretici, & proxime praeteritis saeculis Novatores supergressi sunt. Quare aditus est factus ad tor schismata, aut vulnera Ecclesiae, uno potissimum Luthero claustra frangente. Neque mirum, quod pejora quotidie videat Haeticorum tellus, quodque ad impiissima tandem Spinofistarum deliramenta eventum fuerit. Cujuscumque Rationi infirmae ac judicio temerario apud illos derelicta est Veritatis causa, & a duobus saeculis gloriosum sibi quisque ducit nova procudere, & ducem, non sectatorem esse. Inter eos autem, qui Christiani adhuc appellari gaudent, nemo infelicius, nemo foedius, nemo audacius impegit, quam Sociniani. Deum isti, ejusque Religionem humanae penitus subdidere Rationi, ut nihil amplius apud eos credatur, credendumve putetur; quod humanae Rationis capsum superet. Hoc enim quaecumque est, ipsi rectae Rationi adversari ajunt, quasi hanc illaefam ceteri Christianorum non amarent. An ambitioso huic hominum gregi sit accensendus Phereponus noster, uti suspicantur & putant non pauci; ipse videat. Illud exploratum est, nihil in ejus Libris sonare frequentius, quam ipsamet immodica Rationis encomia. Huic non raro conqueritur, Catholi-

tholicos, & ceteros Christianos valedicere, eamque opprimere, ut divina Revelatio extollatur. In sententiam vero Socinianorum sensim concedere Calvinianos, dolemus quidem, sed nequaquam miramur. Etenim fatendum est, Socini scholam, licet omnino detestandam, arctius & ingeniosius iisdem ipsius insistere & superaedificare principiis, quae reliqui Haeretici, & Calvinus potissimum, statuerunt, tanquam fundamenta suarum Sectarum, suaeque ab Ecclesia Catholica defectionis. Et quum Calvinianis, ceterisque Haeticis in oppugnando Socinianismo arma valida prorsus desint, unice a Catholicorum armamentario petenda; quumque nulla fortasse Haeresis dulcius quam ista blandiatur ambitioni Rationis humanae; quid mirum, si despecto Calvino tandem Socinus suscipitur?

Contra vero, qui (a) ex Protestantibus) aequae ac nos Sociniana commenta execrantur, mirum est, si in eorum damnatione suam quoque non legunt. Mirum, si denique non intelligunt, quam necessaria, sit, & quam aequitati & Christi verbis consona Catholicae Ecclesiae stabilitas, infallibilitas, & auctoritas, & quam improbanda Lutheri & Calvini conspiratio fuerit, quibus non alia umbratica causa fuit deficiendi a Catholicis, quam quae Socinum, Arminium, & tot alias sectarum sectas a Calvino, & Luthero distinxit. Quod est ad Socinianos, ubi temeraria ipsorum Methodus eligenda foret, brevi nullam Religionem haberemus. Nam quae monstra Ingenio humano non placeant? Quae revelata veritas nobis non displiceat, si quidquid inconstantibus, variis & oppositis hominum ingeniis placet, aut displicet, verum falsumve dicendum est? Et quis tandem certo statuatur, ubi hominum Ratio erret, ubi sapiat, & quae sit recta, quae perversa Litterarum sacrarum interpretatio? Cur non potuerunt novae quotidie procudi sectae, quarum quaelibet sibi Rationem vendiceret? Cur non explodi quaedam e Scripturis Canonicis? Deinde nihil intolerabilius est, quam nihil aliud velle Deo credere, quam quod ipsi intelligere possimus, Rationique seu Ingenio nostro, accommodatum sentiamus. Repetere autem haec juvat, sub rectae Rationis nomine obtrudi saepe ab Haeticis vim, & captum, & ideas peculiare Ingenii sui. At Religio vera ab hominis Ingenio pendere non debet. Non enim ipsi eam fecimus, sed Deus eam fecit, Deus eam revelavit. Liceat in Physicis sibi effingere systema aliquod. In Religione idem velle praestare, summae temeritatis est, immo insaniae.

Itaque

(a) Al. qui aequae ac nos &c.

Itaque ea in primis definit esse recta Ratio, quae in Religio-
nis negotio, atque in divinorum Dogmatum interpretatione, nullis
Ingenium frenis teneri patitur, & quae non intelligit, multa in
Deo, & apud Deum esse; multa ab ipso potuisse & posse fieri; mul-
ta ipsum potuisse & posse velle, quae captum exsuperent humani
intellectus corporeis tenebris obfusi. Hinc celeberrimus & acutissimus
Philosophus Cartesius id apprimè statuebat, *Deum ejusque opera non
esse humano pede metienda*. Fallebantur, qui Antipodas olim nega-
runt, quod animo concipere non possent, homines pedibus suis in
nostros obversis ambulantes. Stultus foret a nativitate caecus, qui
ideo colores rerum & magnetem esse negaret, quod eorum natu-
ram & aspectum mente assequi non posset. Pariterque fit demens,
qui in Hominis, aut mundi opificio quaedam inveniens, quae Ra-
tioni suae aut superflua, aut incommoda, aut melius efformanda vi-
deantur, intelligere nesciat, & negare velit tantarum rerum effectri-
cem divinam Sapientiam, & moderatricem Providentiam. Omnium
porro dementissimus sit, qui Deo aliquid de se, vel de sua volun-
tate, ac potentia revelanti, adjungere fidem nolit, eo quia revela-
ta vulgaribus humani Intellectus ideis non satis respondeant. Ista
demissis oculis adoranda sunt, non impia temeritate abjicienda. Ete-
nim Deus revelavit, Deus fecit, Deus veracissimus, omnipotentissi-
mus, cujus judicia, cujus mysteria, cujus facta, etiam si incomprehen-
sibilia interdum sint nobis, minus tamen vera, minusve sapienter fa-
cta non sunt. Hinc Augustinus Lib. 9. Cap. 1. de Trinitate agebat:
*De credendis nulla infidelitate dubitemus: de intelligendis nulla temeritate affirmemus. In illis auctoritas tenenda est, in his veritas enqui-
renda*. Egregie quoque scribebat Cassianus Lib. 4. Cap. 6. de In-
carn. *Rationem dicti quaeris? Non reddo. Interim Deus hoc dixit.
De hoc loquutus est mihi. Verbum illius summa ratio est. Removeo
argumenta, removeo disputationem. Sola mihi ad credulitatem suffi-
cit persona dicentis. Non licet mihi de fide dicti ambigere, non licet
deliberare. Quid mihi quaerere, quomodo verum sit, quod Deus di-
xit, quum dubitare non debeam, quin verum sit, quod Deus dixit?*
In eandem sententiam loquuntur alii Patres, Scriptoresque Christia-
ni, cum antiquissimi, tum recentes. Et sane Christianorum Fides
secundum Apostolum nihil aliud est quam *sperandarum substantia ve-
rum, argumentum non apparentium; & videmus nunc per speculum
in aenigmate, & per fidem ambulamus, non per speciem*; neque Fi-
dei nostrae natura sine obscuritate constare potest. Quare, ut cum
eodem

eodem Apostolo loquamur, deicienda est omnis altitudo extollens se adversus scientiam Dei, & in captivitatem redigendi sunt omnes intellectus in obsequium Christi. Jure autem stultos vocat idem Apostolus I. ad Cor. I. Judaeos & Graecos, quorum sapientiae & Rationi minime consonare videbatur humilitas & mors Christi. *Placuit Deo* (sunt ejus verba) *per stultitiam praedicationis salvos facere credentes. Quoniam & Judaei signa petunt, & Graeci sapientiam quaerunt. Nos autem praedicamus Christum crucifixum, Judeis quidem scandalum, Gentibus autem stultitiam.* Tum pergit sapientiam hujus mundi irridere, in cujus conspectu stultitia videbatur, quidquid apud Deum sapientia est.

Quapropter illorum deploranda est audacia, qui eam reprobandi alicujus Christiani sive Catholici Dogmatis causam adferunt, quod Rationis, hoc est Ingenii sui peculiaribus ideis non placeat. Eoque magis deploranda est, quod isti, ut trahant in sententiam suam divinas sententias, Scripturarum Canoniarum verba eludere, invertere, subvertere cogantur, reclamante eorundem verborum perspicuitate, & tot saeculorum consensu, & tot Christianorum Ratione; necesse enim est, quando eorum ingenium, & hypothesi conformari nescit sacris Litteris, sacras Litteras aliquo pacto accommodari ad illorum hypothesim, atque ingenium. Haec noverunt, qui in eorum scriptis versati sunt; simulque noverunt, antiquissimam Catholicae Ecclesiae sententiam & consuetudinem Socino adversari, ut ex Auctoribus vetustissimis patet, atque in primis ex antiquo Scriptore expositionis Fidei, quae Justino Martyri tribuitur, ubi inquit, divinarum rerum notitiam, summo studio indagandam esse: *quum autem eam prae imbecillitate minus assequi poterimus, venerari eam nos oportere, ut comprehensione majorem, ne evacuetur fides nostra.* Quod si eo redit quaestio, ut perspiciatur, revelatae fuerint, an secus, Ecclesiae Catholicae Dogmata, alioqui credenda, etiamsi humanae Rationis captum excedant: tu responde, id certo atque indubitanter perspicere non posse per unum Ingenium nostrum, ut vidimus; & reliquum propterea esse, ut Ecclesiae Traditio, & Auctoritas in consilium adhibeantur, quibus tandem acquiescendum, non solum prudentia, sed etiam necessitas monet.

Nunc autem progrediendum est; adhuc enim Christianae Veritatis investigatori quaerere fas, immo necessum est, quae & qualia sint Ecclesiae verae Dogmata, & unde certo sint edificanda. Qua in re multos ex antiquis atque etiam recentibus Haereticis sua *sefellit* opinio.

opinio. Minime dubitabant ii, quin Ecclesiae Traditio & Auctoritas suspicienda foret, eique in controversiis concedendum. Sed ipsam Traditionem sibi militare arbitrati, confidenter promebant, pertinaciter tuebantur doctrinam, quae tamen ipsius Ecclesiae Traditioni adversabatur. Inter ipsos Catholicos praeteritis temporibus fuere nonnulli (& utinam adhuc nemo esset, aut nemo in posterum esset futurus) qui sententias quasdam absurdas venditarunt, quod eas putarent cum Ecclesiae verae sententia consentire, aut saltem ab ipsa non esse alienas. Igitur tum ut veritas certo contingatur, tum ut errores evitentur, noscenda sunt loca, unde Catholica Dogmata hauriri liceat, & quibus probare aut confirmare, adversaque refellere possimus; noscendi sunt quoque alii fines, ultra quos Ingenio humano vagari aut nefas, aut periculosum est. Praeter divinas Scripturas, & Traditionem, Concilia sacra, & praesertim Oecumenica, Romanorum Pontificum Epistolae & Decreta, Sanctorum Patrum Libri, probatae veterum Historiae, Theologorum, aliorumque Orthodoxorum scripta, sunt ii fontes, & loca, unde Ecclesiae Catholicae Doctrina est haurienda. Et istis quoque addere juvat Rationem humanam, & Auctoritatem Philosophorum, modo nemo sibi persuadeat, sine ratione consulenda esse, & sine ratione vim habere inter Catholicos priora loca. Verum tot fontes promiscue non sunt accipiendi; non enim par iis auctoritas est, neque eadem habenda est fides. Primo quod attinet ad sacra Catholicorum Concilia, ex institutione divina certam Orthodoxae doctrinae Fidem faciunt; Generalia quidem, modo legitima sint; Provincialia vero & Episcopalia, modo ab universa Ecclesia probatae fuerint eorum de fide definitiones. Secundo, certi quoque Iudices Catholicae doctrinae sunt Romani Pontifices (a). Tertio, nulli revera ex iis, quos Sanctos Patres appellamus, ex institutione divina auctoritas est certo statuendae atque instar iudicis proponendae Catholicae doctrinae. Communis autem Patrum consensus in exponendis sacrae Scripturae dogmatis certissimum nobis Veritatis argumentum praestat, eo quod Ecclesiae universae, quae errare a Deo non sinitur, sententiam nobis exhibeat.

Tom. X. P. I.

M

beat.

(a) In prima editione Parisiensi anni 1714. fuit hic locus ab editore Gallo juxta illius Nationis placita interpolatus. Etenim post vocem *Pontifices*, inserta fuerunt haec verba: *Quibus eadem consentit Ecclesia*. Qua de re conquestus Auctor, ut a se invidiam deprecaretur quam haec interpolatio apud Italos sibi constare poterat, Epistolam misit ad unum ex Auctoribus Diarii Italici, sub die 20. Februarii anni 1716. Motina datam; quam utpote ad hocce Opus spectantem, ad calcem hujus editionis positam hinc primum damus.

beat. Reliqui itidem fontes probabilia quidem praestabunt, sed non firma & inconcussa argumenta.

Atque haec certa sunt apud Catholicos. Protestantes vero, eorumque filii magnam in his litigandi segetem inveniunt. Revelatam quidem & scriptam in sacris Litteris doctrinam se suscipere dicunt; at improbant Traditiones, sive doctrinas a Christo atque Apostolis, ut nos contendimus, sine scripto per praedicationem traditas. Ecclesiam, Romanos Pontifices, Sanctos Patres errori obnoxios, & infidos veritatis testes appellant. Sed quid in tanto dissidio decernendum sit, facile aequi iudices animadvertent. Duae de Traditionibus institui possunt quaestiones. Prima est, utrum Apostoli aliquid ad Religionem Christianam pertinens viva tantum voce, & sine scriptis, tradiderint; an vero omnia scriptis mandarint, quaecunque viva voce, exemplo, aut alia ratione praedicarunt. Altera est, utrum sententiae illae, quae a Catholicis sub Traditionis nomine censentur ab Apostolis emanasse, eandem vim atque auctoritatem habeant, si re ipsa traditae sunt, quae Apostolorum scriptis debetur. Posterior quaestio non a Christiani modo, sed etiam a cujuscumque hominis ingenio penitus aliena est, & incredibilem contendendi pruriginem sapit. Cur enim iisdem Apostolis Christi nomine scribentibus credamus, loquentibus non credamus? Deinde quae ab Apostolis scripto mandata sunt, eadem antea ab ipsis viva tantum voce tradita fuisse constar, & pari obsequio a Fidelibus accepta.

Priorem controversiam nihilo plausibilius pertractant Haeretici. Nemo est, qui nesciat illustrem locum secundae Epistolae ad Thessal. 2. 14. ubi Paulus ait: *Tenete traditiones, quas accepistis per sermonem, seu per Epistolam nostram.* Celebris itidem est alter ex Epistola 2. ad Tim. 2. 2. desumptus, ubi haec leguntur: *Quae audisti a me per multos sestes, haec commenda fidelibus hominibus, qui idonei erunt & alios docere.* Hinc saltem evidenter colligitur, eadem veneratione Apostolorum doctrinam ab Ecclesia Dei suscipiendam, colendam, & servandam esse, sive scriptis, sive verbis tantum eam tradiderint. Verum etsi eadem evidentia non colligeretur, quae Apostolus voce tantum praedicarat, scriptis postmodum vel ab ipso, vel ab aliis Apostolis, non fuisse consignata; siquidem saltem constar, post Pauli obitum Joannem Apostolum suos consecisse, aut evulgasse Libros: Attamen solo Ecclesiae testimonio id exploratum fieri potest, & per ejus sententiam hujusmodi controversia dirimi. Nonne ex Ecclesiae unico testimonio, ac traditione, certissime noverunt ipsi quoque

quoque Haeretici, quae scripta, ab Apostolis vel profecta, vel probata sint, & quinam legitimi, quinam adulterini sint foetus Apostolis adscripti? Cur ergo Ecclesiae de Apostolorum scriptis testanti credamus, de reliquis eorum documentis testanti non credamus? Ad haec inter ipsos Haereticos plerique sententias nonnullas, aut ritus aliquot probant, atque tuentur, quos tamen sola Ecclesiae Catholicae Traditio commendat. Istorum igitur confessione Traditionibus Ecclesiasticis veneratio, non contemptus, debetur; & ubi pateat, alia dogmata, aliove ritus ex vetustissima Traditione descendere, & in Ecclesia Dei communi Christianorum consensu celebrata ac servata fuisse, pervicax & injustus fuerit, qui non alia de causa repudiet, quam quod in Apostolorum scriptis nulla de iis mentio occurrat.

Jam vero quantum Scripturae divinae suffragio probetur, quamque Religioni Orthodoxae necessaria sit Ecclesiae Auctoritas, pluribus persequuti sumus. At hinc etiam Traditionis necessitas dignoscitur. Ubi sacras Litteras Ecclesia interpretatur, ubi dogmata explicat, & excitatas in Christiana Doctrina lites suo decreto componit: quid aliud illa praestet, quam interpretari, & exponere, quaecumque per Traditionem antea sibi innotuerant? aut ex iis consequentia & necessario connexa colligere, aut repugnantia aperire? Neque Ecclesia, neque sacra Concilia quidquam novi statuunt, aut condunt in suis de dogmate Canonibus. Quod accepit a Majoribus Ecclesia, scilicet quod ab Apostolis eorumque successoribus ad nos usque permeavit, eorumque traditioni consentaneum est, hoc duntaxat in suis sententiis Ecclesia profert, ac profitetur. Quapropter quum de Paschatis celebrandi tempore disputatum est, Nicaeni Patres scribere, ut habet Sanctus Athanasius de Synodis Arimini & Seleuciae, Tom. I. fere initio Epist. *Visum est nobis, & Spiritui sancto*. Quum vero actum de Fidei doctrina, pronunciarunt in hunc modum: *Credis Ecclesia Catholica*: ut pateret, non sua ab eis decreta, sed Apostolorum documenta promulgata fuisse. Proinde semper fuit Ecclesiae consuetudo, ut subortis in doctrina Christi quaestionibus Scripturas sacras, veterumque Christianorum, & Sanctorum Praefulum ac Patrum concordem Traditionem consuleret. Haec ad manum statim erat opponenda novitati Dogmatum, quam inferre conabantur Haeretici. Rationibus isti contendebant, & loca etiam proferebant e sacris Codicibus in speciem suae novitati faventia. At Ecclesia Catholica primo rationibus in sui tutelam agebat, tum suae sententiae & victoriae robur in eo collocabat, quod antiquissimam Traditionem a

se stare evidentissime sentiebat, sibi que perspectum erat, qui semper antea fuisset sensus verus Scripturarum sanctarum ad illam controversiam pertinens. Innititur autem hujusmodi consuetudo inconcussis quibusdam principiis, quae multis probare facillimum foret, sed indicare tantum contenti erimus.

Primum est, Christum Apostolos viva voce docuisse, aut iis revelasse, quaecumque necessaria atque utilia in sancta Religione credenda forent, & agenda ad salutem; tum Apostolos ad eadem ubique viva voce praedicanda missos esse a Christo, & nonnullos ex iis atque ex Discipulis vitam Christi & alia permulta scriptis consignasse. Quumque Apostoli ex Christi praecepto haec alii traderent, ipsos liquido, ac dilucide, & sine ambiguitate proposuisse doctrinam Christi; ita ut exempli causa, quum Verbum ipsi appellabant Deum, quum Spiritum Sanctum nominabant, quum a Christo aiebant pronuntiata super pane quaedam verba: Auditores intelligerent, probeque perspicerent, quid iis nominibus, illoque dogmate significaretur.

Secundum est, hanc doctrinam non paucis tantum hominibus, sed toti terrarum orbi, atque innumeris Ecclesiis per Apostolos & Discipulos Christi, eorumque Successores innotuisse; & Fideles in omni verbo, & omni scientia salutare divites fuisse factos, ut Paulus testatur; & Ecclesias potissimum Apostolicas, scilicet ab ipsis Apostolis fundatas, & diu praesentia Apostolorum cultas & instructas, hujusmodi documenta uberius clariusque, quam reliquas hausisse.

Tertium est, Apostolos nihil saepius & enixius commendasse atque inculcasse, quam ut Fideles quod ab initio acceperant, constanter tenerent, & nemini vel homini vel Angelo fidem haberent, contraria aut alia ab iis nuntianti, quae jam ipsi nuntiant.

Quartum est, Christi Fideles, & Ecclesias omnes, & praecipue Ecclesiarum Pastores, perspectum in primis habuisse, nihil per ipsos posse aut debere adjici, aut detrahi Doctrinae ab Apostolis traditae; id qui auderet, summi sceleris reum esse habendum, & gravissimis Ecclesiasticis poenis multandum, nisi rite admonitus resipisceret; quum hoc sit, Christum aut Apostolos ignorantiae aut invidentiae accusare, qui homines aliquid ad salutem necessarium, aut utile minime docuerint.

Quintum est, Episcopos, & Ecclesiarum Pastores id sibi muneris injunctum cognovisse, ut hujusmodi mutationibus atque erroribus obsisterent, vel damnando, vel confutando, persecutiones pro veritate tolerando, vel etiam fugiendo errorum Auctores & patronos, neque

que dissimulare in his casibus licuisse aut pacis causa, aut propter metum, aut propter debitum superioribus obsequium.

Sextum est, revera nullam in doctrina Christi novitatem & mutationem unquam disseminari coeptam fuisse, quin se aut Romani Pontifices, aliique Episcopi, aut Scriptores Ecclesiastici, aut Sancti Patres, aut etiam Populus fidelis, & denique, si necessitas postulabat, Ecclesia universa opposuerit Novatoribus, & contemtoribus antiquae Traditionis. Omnes vero Synodos, & Episcopos, Romanosque praesertim Pontifices, & Sanctos Patres, inter quos chorum ducunt sancti Ignatius, Polycarpus, & Irenaeus, a primis Christianae Fidei saeculis ad nostra usque tempora, nihil magis depraedicasse, quam Traditioni Majorum receptae, antiquae, & concordiae esse standum, omnesque Haereses ab ipsis eo praecipue titulo fuisse damnatas, quod Novitatem saperent, & hujusmodi Traditioni repugnarent. Atque ideo sicuti a similitudine veri apertissime abhorret, tot ac tantos viros, tot ac tantas Ecclesias, novitati & mutationi in doctrina Christi infensissimas aliud tradidisse, ac proposuisse, quam quod antiqua Traditio habebat; ita certum est, nullum ex Haereticis defendere sententiam suam potuisse antiquitate Traditionis. Ad dam etiam, paucos ex antiquis Haereticis fuisse, qui Traditionis vim atque auctoritatem non fuerint confessi. Potius ipsam a se stare clamitabant. Et si quis flocci faciebat ipsam Traditionem, ille, primis etiam Ecclesiae saeculis, temeritatis ac insaniae notam subiit. Juvat heic referre, quae Sanctus Irenaeus habet Lib. 3. Cap. 2. de Gnosticis. *Unusquisque ipsorum omnimodo perversus, semetipsum, regulam veritatis depravans, praedicare non confunditur. Quum autem ad eam iterum Traditionem, quae per successiones Presbyterorum in Ecclesiis custoditur, provocamus eos, adversantur Traditioni, dicentes se non solum Presbyteris, sed etiam Apostolis existentes superiores, sinceram invenisse veritatem.*

En fundamenta, quibus innixa est Ecclesiae consuetudo in Haereticorum placitis hucusque damnandis. Satis ipsi semper fuit perspicere, immo hoc praecipue attendebatur, num proposita nuper Dogmata dissentirent a Traditione constanti Majorum, & ab antiquissimo Ecclesiae universae consensu. Dissidentibus nota statim inusta atque inurenda fuit ex Apostoli praecepto, qui nos monuit, ut a Novitate opinionum caveremus, & quod traditum est, diligenter servaremus. Vel nullis aliis redditis damnatoriae sententiae rationibus, ea erat potentissima & invictissima ratio, quod hujusmodi recens doctrina,

Arina, sive novitia Scripturarum interpretatio, deprehendebatur contraria interpretationi, sive dogmati in tota Ecclesia Dei ab antiquissimis temporibus concorditer vigenti, ac propterea ex Apostolorum Traditione descendenti. Praeterquam quod falli in Dogmate universa Christi Ecclesia secundum ejus promissa non potest: errandi etiam suspicionem auferebat ista facile cognita saeculorum praecedentium, & totius antiquitatis sententia in propositis quaestionibus. Non enim nostrum est, Christi Doctrinam pro arbitratu nostro effingere, reformare, atque invertere, ut privatis & incertis Intellectus nostri ideis accomodetur; sed cum veneratione recipienda est, qualis a Christo Apostolis revelata, & ad nos derivata fuit per unanimem tot saeculorum Traditionem, per tot Ecclesiarum, Conciliorum, Episcoporum, ac Patrum testimonia. Hos omnes incredibile est, simul conspirasse, aut ignorantia, aut pravis artibus, aut formidine, aut silentio, ut sanctam Religionem perderent, sive illam corrumpendo per novitatem, sive corruptam tolerando. Sequitur ergo, apud omnes tum Criticos, tum cordatos homines, Traditionis fontes, hoc est Catholicorum Concilia, Romanorum Pontificum decreta, Sanctorumque Patrum concordia scripta, in iis, quae ad Doctrinam Fidei & morum spectant, certissimum praebere veritatis argumentum. Nihil autem fere a temerariis aut ignavis allatum est proxime praeteritis duobus saeculis, aut afferri jam potest, quod longe antea improbatum non fuerit ab Ecclesia, a Conciliis, a Patribus; aut quod improbandum esse non pateat, quoties novitate sua repugnare constet antiquae Catholicorum Traditioni, & Dogmatibus constitutis, & Scripturis a Catholica Ecclesia hucusque aliter explicatis.

Moneret me locus, ut in illius Theologiae laudes excurrerem, quae Dogmatica apud nos appellatur; sed facile intelligatur ejus pretium. Munus nempe illius est, Catholicae Ecclesiae Dogmata colligere ex Conciliorum Patrumque monumentis, & prodere, quae universae Ecclesiae probentur, quaeve improbantur. Ubi id pateat, Rationi, seu Ingeniis humanis nefas est, hujusmodi sententias tanquam errori adhuc obnoxias ad suam trutinam cogere. Quicumque Christianus esse amat, positisque haecenus principiis mentem adhibuit, hoc fateatur oportet. Quamobrem, quid ferat Catholici hominis indoles, parum se intelligere Phereponus prodidit, quum in quodam suo Libro Dionysium Petavium incomparabilem virum, & de Dogmatica Theologia supra omnes optime meritum, appellat accuratissimum quidem veterum opinionum collectorem, sed manumque

que infirmum, quando agitur de obscuris illis Theologiae & Philosophiae quaestionibus, in quibus jus dicere debet Ratio, & perspicuitas exigitur. Hoc est, si Pherepono credimus, Petavius egregius fuit Historicus, non egregius Theologus. Sed quantum celebris ille vir ingenio, & judicio, non minus ac eruditione polleret, nemo est inter vere eruditos qui nesciat. Quantum etiam ratione valuerit, neminem luculentiorē testem dabo, quam ipsamet illius opera. Fac etiam, in Dogmatica Theologia a rationum usu Petavius temperasset, seu, ut melius dicam, nullum argumentum, rationem nullam contulisset ad confirmanda Ecclesiae Dogmata; nihilominus integra ipsi staret gloria. Nervos omnes rationis intendere debet Dogmaticus Theologus, ut detegat, quatenam fuerint & sint Catholicorum Dogmata, & quid vere sentiat, & senserit in iis Ecclesia. Hic illi praecipuus scopus. Detexisse solum, & evidenter indicasse Ecclesiae verae & universae sententiam, hoc ipsum est invenisse certissimum Dogma Christi saluberrimamque veritatem. Altera deinde se offert provincia, quam Scholasticae potissimum, atque etiam Polemicae Theologiae cultores sibi vindicant, nempe Fidei Dogmata rationibus etiam, atque argumentis a ratione quoque naturali, & a Philosophia petitis probare, & adversus Infideles aut Haereticos tueri. Qua in opera ineptire interdum solent homines incauti. Siquidem Rationi & Dialecticae suae nimium fidentes, aut de rebus altissimis, & de divinis Mytheriis intellectus nostri aciem vincentibus, rationes & explicationes adferre contendunt, quae sibi quidem videntur excelsae materiae pares, re autem vera nullius sunt ponderis; aut certa ipsa Dogmata credere dediscunt, quod ista privatae ac temerariae Rationi suae non satis congruere videantur. At Dogmaticus Theologus, rite suo munere functus, tantum ab ineptiendo abest, quantum Ecclesia vera in suis Dogmatis a periculo errandi abest, quum vel sine Philosophicis aequae intimis argumentationibus, five rationibus, certa sit illius doctrina, quippe a certo Magistro Deo revelata, & per fidos canales ad nos usque deducta.



CAPUT DUODECIMUM.

Ingeniorum libertas quam ab hominibus experita. Doctrina ad Christianum pertinens triplex. Semper considerandum, revelatane, an secus, a Deo fuerit. Dogmatis existentia, significatio, & rationes distinguendae. Quid in his liceat, aut non liceat hominum Ingeniis.



ATQUE haftenus de frenis salutaribus, & de necessaria Ingeniorum moderatione in Religionis negotio actum est. Alia in hanc rem dicenda superunt. Verum de laudabili quoque Ingeniorum libertate aliquid prius innuendum duco. Quod argumentum, quum utile non minus sit, quam superius, illo tamen dulcius fortasse videatur legentibus. Quippe superba hominis mens, atque natura, cum in agendo, tum in sentiendo alienum imperium detrectat, suum tantummodo amat. Ac proinde nullum libentius, quam eorum cantum audimus, qui in libertatem agendi atque opinandi, quod volumus, mentem nostram se vindicatuos esse pollicentur: quod non semel suis in libris facere Phereponum post tot alios sui similes video. At sicuti homini ratione praedito ipsa recta Ratio effrenem in agendo libertatem negat; ita & hominem Christianum ipsa Christi Religio non patitur immodica opinionum libertate ferri, quocunque placet. Nos itaque humano Ingenio eam libertatem proponemus, quae hominem deceat Rationis rectae, Fideique Christianae legibus addictum, ita ut neque sentiat se coerceri finibus iniquis, & nimis compedibus, neque ultra metas a Ratione & Fide sanctissima positas evagari finatur. Nimia opinandi licentia Haereses parit, Fidem & Rationem temere laedit. Rursus nimia Ingeniorum servitus in Superstitionem deducit, malum profecto teterrimum, & aequae ac Haereses Religionis verae formidandum. Ab utraque cavendum esse, Ratio, & Catholica Ecclesia monet. Jamque vidimus periculum primum tolli, ubi in credenda divina Revelatione cum Ecclesia consentiamus. Operae praeium est, investigare quoque deinceps, qui evitetur & alterum.

Prius ergo noscendum est, quotuplex sit Doctrina, quae ad hominem pertinet, & pertinere potest, quatenus est Christianus. Dici-

mus autem, triplicem esse. Prima complectitur quaecumque documenta revelata a Deo fuere, sive ad Disciplinam, sive ad Dogma referantur, sive necessaria, sive utilia, sive praecepta sint, sive consilia, ut homo Religionem veram intelligat, & quae in ipsa credenda sunt credat, Deum diligat, ei que serviat, & beatam demum immortalitatem ab ipso obtineat. Secunda continet quaecumque non revelata a Deo, hoc est quae Historiam Ecclesiasticam respiciunt, & admodum conferunt eruditioni tum Ecclesiae, tum ejus filiorum, qua sunt Christiani. Tertia demum complectitur quaslibet profanas Artes ac Scientias, puta Physicam, Mathematicam, Historias profanas, & reliqua documenta opportuna ac utilia homini, terrenam sive corporis, sive animi, & rationis beatitatem quaerenti. Postrema quidem ista Doctrina nihil rei cum Religionis & hominis Christiani negotio habere videtur. Sed quum a praestantissimo ejusdem Religionis, ejusdemque Christiani hominis sine avertere nos, aut ad illud manu etiam ducere possit: necessum est ipsam quoque in hujusmodi causa subire judicium nostrum.

In hanc autem triplicem Doctrinam ea semper consideratio cadere potest, nempe sit ne a Deo revelata, necne; & num ad Ecclesiae Catholicae Auctoritatem pertineat, an secus, illam sancire tanquam a Deo revelatam, aut Rationi rectae, & aequo congruam. Quippe ex ista consideratione altera cognitio effluit, scilicet quibus in rebus, & quando aut honesta servitus, & moderatio, aut honesta libertas Christianis Ingeniis conveniat. Ubi divina Revelatio occurrit, ubi Ecclesia jus decernendi habuit, atque decrevit; tunc recta Ratio monet, repudiandas esse Ingenii nostri fallaces argutias, & audienda esse Dei & Ecclesiae fidissima edicta. Quum vero divina Revelatio desideratur, & aut Ecclesiae nullum sententiae ferendae jus fuit, aut nulla adhuc inde manavit sententia, liberum erit Ingenio nostro iis in rebus sentire, quod Veritati propius videbitur.

Hiscé positis, primam Doctrinae speciem contemplemur, idest Dogma, ac Disciplinam. Illud nobis exhibet, quae credenda sunt vel de Natura, ac Voluntate divina, vel de Incarnatione Verbi, vel de aliis Mysteriis, & Documentis Christianae Religionis, & quae agenda sunt homini Christiano, hoc est morum, & officiorum leges ad salutem consequendam vel necessarias, vel utiles. Disciplina autem tradit cum ritus ad Sacramenta, ad cultum externum Dei, & ad reliqua Christianorum Mysteria conficienda, tum leges, quibus Ecclesiae ejusque Ministrorum, ac membrorum Hierarchia & regi-

men constat, quae tamen & ipsa interdum referri aliqua ex parte possunt ad Dogma, ut alio in loco videbimus. In Dogmate potissimum sita est Christiani hominis eruditio. Quid enim aliud a nobis Religio expetit, quam ut credamus, quae credenda sunt, & ad Evangelii normam ducamus vitam inculpatam, Deique, & virtutum amore ferventem? Igitur est inspicendum, istane praecepta morum, resque credendae, ad nos a Deo revelante veniant, an vero a rectae Rationis lumine, sive potius a privatorum ingeniorum argumentationibus. Si Deum ista auctorem habent, si rectam Rationem: eadem vera & recta esse continuo intelligimus; ac proinde Ingenio nostro tunc est subsidendum, neque temere tantis auctoribus repugnandum, tamen si aliquid a Deo proponatur, quod satis intelligere, & capere nequaquam possimus. Sin a privatis Ingeniis Dogmata prodeunt, hisce tum solum consentiendum erit, quum ad Rationis & Logicae leges ea exegerimus, & ab iis errorem evidenter abesse constiterit. Nam quid aliud habet Ingenium alienum, ut nostrum in suam sententiam jure trahat, nisi rationes? Si infirmas hasce deprehendimus, si nostras plus valere sentimus: cur illi homini potius quam nobis adjungenda est fides? Quum vero, quanam Dogmata Deus revera per Filium suum, per Prophetas, per Apostolos revelarit, tum solum certo constare possit, ut vidimus, quum ad ista accesserit Ecclesiae verae testimonium: illa propterea nobis ob oculos semper versabitur regula: nempe, *Auctoritatem Ingenii nostri cedere debere, ubi Auctoritas Ecclesiae intercedit; & contra vigere posse, ubi non intercedit.* Multa enim sunt, quorum sancientorum jus Ecclesia non habet; multa quoque sunt, quae illius Auctoritati subsunt, neque tamen hucusque sancita reperiuntur. In utrisque magna est Ingeniis libertas, & injuste plerumque agat, qui eam aut illubenter in aliis ferat, aut etiam adimere velit.

Quo tutius autem & ex ordine procedamus, tria prius consideranda sunt, quod attinet ad Dogma: videlicet, Existentia Dogmatis; Modus explicandi Dogmatis, sive interpretatio, & significatio doctrinae: & Rationes, quibus ipsum Dogma si rectum est, probatur; aut improbat, si pravum. Haec inter se plane differunt, neque instar unius habenda. Sunt autem Dogmata complura, quae quod est ad existentiam, firmata jam sunt auctoritate, & decreto Catholicae Ecclesiae. Rursus eadem Dogmata variis explicari possunt modis. Quum vero fieri possit, ut hujusmodi explicationes nondum receperit, rejeceritve Ecclesia, idcirco non idem erit eisdem inter-

interpretationibus robur, & eadem vis veritatis, ac est Existentiæ Dogmatum jam stabilitæ. Tandem ipsa Dogmata, quorum certa est existentia, & omnium consensu explorata significatio, sive explicatio, multis rationibus comprobari possunt. Attamen inconcussæ, ac certæ fortasse non erunt singulæ illæ rationes, quippe singulæ apertæ Ecclesiæ suffragio nequaquam innitentur. Ergo secundum istam considerationem triplex suboriri quaestio poterit, nempe an Dogma existat; quid per illud Dogma seu per illius Dogmatis verba Deus & Ecclesiæ significare velint; & quomodo hujusmodi Dogma probandum sit.

Cognoscere Existentiæ Dogmatis tum dicimur, quum certum sumus, Deum per os Christi, Prophetarum, & Apostolorum, Ecclesiæ definiente, illud revelasse & constituisse Dogma. Ipsum Deum sacrae Scripturae depraedicant omnipotentem, omniscium, æternum. Ex eisdem edocemur, in fine sæculi judicandum a Christo universum genus humanum; justos in Regno Dei æterna felicitate donandos; improbos in igne æterno cum Diabolis immani infelicitate plectendos. Hujusmodi Dogmata in Christiana Religione existere, nullus Christianorum ignorat, aut negat. Ad hæc, nomine Existentiæ complectimur tum Dogmatum substantiam, tum eorum confectaria, & annexa, nam & singula ista sæpe tanquam Dogmata considerantur, & de ipsis institui quaestio potest, an existant, hoc est an revelata necne fuerint, sive constituta per Ecclesiæ. Multæ autem inter Catholicos & Haereticos intercedunt controversiæ, his negantibus, illis affirmantibus, Dogmata quaedam a Deo revelata fuisse, aut ex jam constitutis Dogmatis quaedam consequi, aut non consequi, necessario & ipsa credenda. Sed in hujusmodi quaestionibus pendere animi diu vel opinari illorum Ingeniis nefas est, quibus firmissimum illud principium alta mente fixum sedet, videlicet: *Ecclesiæ in divinis Scripturis interpretandis, & in ipsis Dogmatibus definiendis, ab errore immunem semper fuisse, semperque futuram.* Etenim cum nullo negotio postea constet, Ecclesiæ Catholicæ de iis jam tulisse sententiam, & ipsam revera ita sentire compertum sit omnibus: statim etiam Catholico Ingenio occurrit, quæ tum sit amplectenda opinio, & quibus in locis veritas certissime habitat.

Sunt autem inter Catholicos & Protestantes, immo inter ipsos quoque Catholicos aliæ de rebus Theologicis disputationes, & in neutram partem hucusque declinavit Ecclesiæ sententia. Libri Theologorum, qui Scholastici nuncupantur, abundant hisce quaestionibus.

Utrumque pugnatur, utrumque Scripturarum loca, rationesque proferuntur; interdum etiam aliqua, aut utraque pars sibi auctoritatem Patrum, & Ecclesiae vendicare contendit. Sed incertum adhuc, utri opinioni Litterae divinae, aut firma ratio, aut Ecclesia sine dubitatione saveant atque consentiant. Quid juris heic habeat Ingenium, nemo non intelligit. Fas ipsi est hujusmodi varias disputantium opiniones, rationesque excutere, easque confutare, aut iis demum suffragium suum adjungere, quae ad veritatem proprius accedere sibi videantur, & in alias abire sententias, quae sibi magis arrideant. Talia quippe in Dogmatum censum minime veniunt, & Opiniorum nomen iis potius congruit. Sed quanquam liberum sit Ingeniis (modo periculum absit, ne Dogmata certa laedantur) vires heic suas exerere, atque exercere; attamen in hisce non tam vituperationem effugiet, quam commendatione majori dignus erit, qui tum ad normam Logicae legum, Criticaeque melioris, tum etiam ad sacrarum Scripturarum, & Ecclesiae mentem, ingeniosius & acutius sua inventa componet. Atque haec est generalis regula, sive libertas. Qua nihilominus quum Ingenia non pauca abutantur, & abuti adhuc possint, ideo infra subjiciendae erunt necessariae quaedam leges, & exceptiones, ut in temerariis & supra modum curiosis mentibus nimia licentia coerceatur.

Ad haec, ubi Dogmata existentia deprehendantur, diximus institui posse quaestionem de illorum germano sensu, sive de mente Dei & Ecclesiae in iis Dogmatis proponendis. Multa sunt adeo manifestis verbis concepta, adeoque Rationis lumini, & reliquis Ecclesiae documentis consentanea, ut nemo inter Christianos de illorum sensu & modo explicandi audeat disceptare. Sunt alia, quorum significatio in controversiam adducitur, adducive merito potest. Quod tum fit, quum ista Dogmata sub obscuris, aut aequivocis verbis proposita sunt, aut cum certissimis aliis & evidentibus Religionis Catholicae Dogmatis non satis commode congruere posse videntur. Ipsae sacrae Litterae, ipsa Conciliorum decreta, ipsa Sanctorum Patrum dicta, diversis obnoxia sunt interpretationibus. Proinde ex isto fonte emerferunt pleraeque Haereses, plerique Haeretici. Dum enim quisque divinam Scripturam, & Concilia, & Patres explicare vult atque interpretari secundum privatas Ingenii sui vires atque ideas: humana ambitio & imbecillitas in varias distracta est opiniones, atque in errores perniciosissimos delapsa. Quidam Christum in sacris Litteris minorem Patre appellatum animadvertentes, ipsum aut hominem dun-

duntaxat esse affirmarunt, aut ipsum negavere ejusdem naturae & substantiae cum Patre. Alii, quid verba significarent in postrema coena a Christo pronuntiata super pane, investigantes, quod ingenio suo magis accommodatum videbatur, intellexere. Aliis ea sententia fedit, confusas esse in Christo divinam humanamque Naturam. Nempe noverant ex universae Ecclesiae decreto, ambas hasce Naturas in uno Christo unitas.

At in complurium Dogmatum sensu inquirendo, modoque explicandi, non est quod nunc diu multumve fatigentur Ingenia. Hoc onere nos Ecclesia saepe levavit, quippe quae non sua solum decreta & verba, sed divinorum etiam Librorum sensum germanum lucidissime identidem explicavit. Id quum facile colligi possit, facile etiam caveantur errores. Quamobrem Ingeniis nostris heic ea tum restat libertas, ut quae Scripturarum loca, & verba, aut Conciliorum Patrumque opiniones in ancipiti adhuc esse videntur, expendamus, & interpretemur, prout melius suadebit recta Ratio, & Ecclesiae, ac earundem Scripturarum mens ex aliis clarissimis Dogmatis, & Traditione Patrum cognoscenda. Praeter hanc libertatem alia etiam patet. Quaedam enim Dogmata habentur, de quorum quidem sensu atque explicatione nulla occurrere inter Catholicos controversia potest, sed nondum constat Modus, quo fiant, aut facta sint, quae in iis Dogmatis proponuntur. Nos docet Fides, Inferno igne torqueri damnatos. Quae autem id fiat, nos illa non docet. Nulla in hisce casibus lege universali prohibemur sententiam nostram dicere, & verisimilia asserere; & in explicandis his modis, alter ab altero, & sine Ecclesiae injuria, dissidere potest. Ista tamen libertas nonnullis & ipsa indiget exceptionibus & frenis, de quibus infra sermo erit.

Tertio considerandae sunt Rationes, per quas Dogmata Catholicorum firmantur; Infidelium & Haereticorum improbantur. Istae desumuntur vel e divinis Litteris, vel e Traditione, & Auctoritate Ecclesiae. Ex ipsa quoque recta Ratione, & ex Philosophiae penetrabilibus argumenta deducuntur. In tanta Rationum copia certissimae quaedam & invictae se offerent, iisque nullum Dogma caret. Fieri tamen potest, ut aliquae etiam infirmae sint ac inutiles, quaedam etiam falsae, quanquam verissimum alioqui sit ipsum Dogma. Quapropter late patet ex hac parte Ingeniorum libertas. Non enim tantum fas est meliora novaque proferre argumenta, sed aliena quoque elumbia repudiare & evertere licet. Veritas ut ster, mendacio non indiget. Immo ipsa refugit adeo nutantibus fulcris innixa apparere, suo

suo pondere jam stabilis, & aliis indubitatis principiis adhaerens. Hinc inter Scholae Theologos nemo sibi religioni vertit rationibus novis cum in errores Haereticorum, tum pro veris Fidei Dogmatis decertare, & ipsis etiam aliorum Catholicorum rationibus indicere bellum, si illae minus opportunae, aut indignae deprehendantur, quibus tutela veritatis commissa fuerit. Gregorius de Valentia Theologus celebris argumenta nonnulla, quibus Sanctus Thomas est usus ad existentiam Dei probandam, invalida esse ostendit; idemque alii quoque graves & pii Theologi fecerunt. Et haec tamen sua sunt immoderatis Ingeniis pericula. Sunt & Rationes quaedam, quas evidenter voto suo jam supra censuram nostram Ecclesia collocavit. Propterea infra dabimus operam, ut propositis quibudam legibus generalis ista libertas intra honestos fines contineatur.

CAPUT DECIMUMTERTIUM.

Pericula imminientia scribentibus de Auctoritate. Inspiciens Zelus quid parias, & quam laudanda heic sit prudens moderatio. Ecclesia nunquam fallat in Dogmatibus sciendis, duplici conditione posita. Dogmatum, quae alia in mera contemplatione versantur, alia actionem quoque enigunt, quae possint, aut non possint, quae etiam debeant, aut non debeant status. Quid de quaestione, utrum Angeli corporei, an incorporei sint, credendum, & an eam Concilia sustulerint. Inter Rationes Dogmatum quaedam semper ad Fidem spectant, sed non omnes. Quid heic liceat Ingeniis.

NUSQUAM firmiorem esse, magisque venerandam Ecclesiae Auctoritatem, quam in Dogmatis sciendis, diximus. Ita se rem habere, ea omnia suadent & persuadent, quibus Ecclesiam a Veritate deviare in salutis doctrina nunquam posse supra ostendimus. Id Religionis aeternum servandae necessitas postulat; id humanae Rationis imbecillitas exigit; id Christus pollicitus est: id ubique, & semper, & concorditer credidit Ecclesia Dei, statuerunt Concilia, tradiderunt Patres. Et ista Auctoritas ad tria illa, quae in Dogmate hactenus consideravimus, sese extendit; sed suis limitibus constringitur haec ipsa facultas, magnaue circumspectione heic opus est, uti jam explicatum

plicatum pergo. Quod priusquam aggredior, quaedam praefari juvat locum habitura tum heic, tum in ceteris de Auctoritate Ecclesiae & Ingeniorum libertate dicendis. Auctoritatem esse rem omnium delicatissimam, satis compertum est. Hinc illud fere semper accidit incommodi, ut qui ipsam pertrahere volunt, non solum obtestationibus contraria sentientium, sed etiam suspicionibus & odiis eorum sint obnoxii, de quorum Auctoritate est sermo. Innatum quippe est cunctis prope hominibus dominationis & praecellentiae desiderium, eoque concitatus in illud mens nostra fertur, quo manifestius sentimus aut credimus, istius Auctoritatis tutelam & amplificationem pertinere ad Reipublicae bonum. Nulla autem Auctoritas, hominibus a Deo data, Ecclesiasticae aequanda est. Reliquae humanarum rerum perfecto regimini conducunt, finemque sibi statutum habent, nobilem quidem, sed brevem, qualis est terrena mortalium felicitas. At Ecclesiae Auctoritas nobilissimam ac aeternam rem curat. Non enim solum ad beatam in terris vitam homines perducit, sed ad aeternam quoque in caelis beatitatem. Quocirca jure tolerari non solet, quicumque vel tantillum videatur imminuere de tam necessaria utilique Auctoritate, quam tollere, aut non satis venerari, idem certe est, ac Haeresibus & erroribus innumeris claustra referare.

Verum nimia religione hujusmodi Auctoritas nonnumquam respicitur. Quae causa est, ut immoderate a quibusdam extollatur, & quod gravius est, immoderate iis succenseatur, qui cum moderatione de ipsa loquuntur. Nimiam religionem appello Zelum sine ratione exuberantem, Zelum, ut Apostolus ait, non secundum scientiam, Zelum Superstitioni affinem. Enim vero non alio nomine designandus est eorum inconsultus ardor, qui nullis paene finibus Ecclesiae Auctoritatem teneri opinantur; & ubi aliquid in Conciliis, in Breviariis, in Romanorum Pontificum Diplomatis, in Sanctorum Patrum Libris descriptum comperiunt, pro ipso, tanquam pro aris & focus, pugnant, & pugnandum contendunt. Nempe id hominum genus sine ullo discrimine illa omnia non secus ac Fidei capita habenda esse censet; Ecclesiam quippe errare nusquam, & nunquam posse; & si quis contraria opinione ducatur, hunc procul dubio cum Haereticis facere, gravibusque poenis, & omnium odio mulctandum putat.

Fateor, laudanda est horum proba voluntas, sed non est diffinulanda aliqua in iis interdum scientiae & prudentiae inopia. Videlicet,

delicet, nimium suspiciosi & morosi sunt, & illic interdum timore trepidant, ubi non est timor. Atque utinam tantum Ecclesiae sanctae prodesse, quantum nocere possunt hujusmodi clamoribus, minis, atque tragoediis. Nam quum multa occurrant in Ecclesiastica eruditione aut verisimilia tantum, aut dubia, aut contraria, aut omnium vel Catholicorum consensu falsa: si unaquaeque veluti certa & vera indiscriminatim accipienda sunt, apud Haereticos & Infideles, immo & apud Catholicos, periclitabitur dignitas, sanctitas, & veritas praestantissimae Religionis. Deinde ad tyrannidem accedet, qui minime credenda credi jubeat, aut se prodet erroris magistrum, qui in censum veritatis fabulas quasque referat. At ab utriusque incommodi vel minima suspicione abesse debet, & certe abest Ecclesia Dei. Pios hosce assentatores ipsa tandem refugit; recteque intelligens, quousque sua Auctoritas perungere debeat, ut deinceps constabit, non plus juris sibi tribui amat, quam quod Christus, publicae utilitatis ratio & omnium prudentum vota hucusque tribuerunt.

Cordati itaque viri, & praecipui Catholicorum Praesules, & quicumque veram Theologiam, & eruditionem Ecclesiasticam non a limine tantum salutarunt, ii omnes neque Ecclesiae Auctoritati quicquam detractum, neque ultra aequitatis leges ei quicquam adjectum volunt. Utrumque excedere facillimum est, & utrumque vitium est. Et quanquam opinione vulgi ii solum peccare videantur, soleantque ignominiosis nominibus traduci, qui Ecclesiae jura eloquant ac pestumdam, & pii contra censeantur, qui in amplificanda vel supra modum ejusdem Ecclesiae Auctoritate nervos omnes intendunt: aequae tamen sapientum Catholicorum opinione peccant, & obsunt, qui nihil antiquius habent quam ubique Ecclesiae Auctoritatem importune exaggerare, contraria sentientibus ubique irasci, & eadem abuti Auctoritate in cujusque suae privatae opinionis affectionisque praesidium. Pietatem sapit horum facinus, sed perniciosam pietatem; etenim ii nullo negotio vincendam adversariis exhibent aliqua ex parte Catholicorum causam. Quis non videat, si in uno, quod vere ad Ecclesiae judicium pertineat, deprehendantur Ecclesiastici judices aberrasse, necesse quoque esse, ut in reliquis omnibus errori obnoxiam confiteamur Ecclesiam? Summopere ergo conducit cum ipsi Ecclesiae, tum Theologis omnibus exquirere, perspectumque animo habere, quinam Auctoritati Ecclesiasticae limites praescripti sint, ne dum incerta & indebita jura sacris Pastoribus concedimus,

dimus, certa & debita in periculum adducamus. Atque uti est modesti & non vulgaris animi, hominisque supra affectus suos regnantis, nil sibi arrogare, quam quod in publicae rei commodum, & in Justitiae & Veritatis tutelam redundet: ita pii simul & prudentis Theologi est, nihil Ecclesiae tribuere, quod tributum in ipsius Matris nostrae contumeliam, publicumque incommodum recidat. Ut eidem bene ferviatur, & consulatur, non solus Zelus, non sola Pietas consulenda est, sed Scientiae quoque, & Logica perfecta, & Critica, & Eruditio antiquitatis, & omnium maxime Prudentia. Quod si dubium quandoque post accuratam disputationem jus Ecclesiae restet, tum certe commendabilius fuerit id ipsius Auctoritati pie concedere, quam pertinaciter negare. His autem praemissis, quibus si non meliores, certe infirmiores indigent, ne me adversus temeraria Ingenia dimicantem ejusdem criminis reum temere suspicentur, fidentius nunc in argumentum invado.

Quando quaeritur, quousque pateat Ecclesiae Catholicae Auctoritas in Dogmatis faciendis, generalis regula futura est nobis: *Ecclesiam sine erroris suspitione decernere posse, quaecumque Dogmata scitu necessaria sint aut utilia fidelibus, quoties ista per rectam interpretationem, aut per rectam argumentationem deduci possint tanquam praeexistens in revelatis per Scripturas sanctas, aut per concordem & antiquam Traditionem ad nos transmissa.* Duae autem conditiones exigi mihi videntur, ut Ecclesia Dei statuere Dogmata sine erroris periculo possit, nempe: Fidelium necessitas ac utilitas; & divinorum verborum, sive scripto, sive per Traditionem ad nos manantium, fundamentum. Harum altera causam decidendi respicit; altera causam non errandi. Utraque vero in judiciis Ecclesiae prae oculis semper esse debet ac solet. Et ad postremam quod attinet, celebris est sententia Vincentii Lirinensis, ita de Ecclesia scribentis: *Non nova Fidei Dogmata statuit, sed vetera eruit.* Doctrina enim a Christo tradita perfecta atque integra fuit, & sine impietate ad illam aliquid adjicere non possumus, ne veluti mancam & imperfectam temere aut incaute accusemus. Scio, mulier illa Samaritana agebat, quia Messias venit. Quum ergo venerit ille, nobis annuntiabit omnia. Et ipse Christus omnia, quae audivit a Patre, nota fecit nobis, jussitque Apostolus docere Gentes omnia, quaecumque ipse mandaverat. Nova itaque Dogmata non proceduntur in Ecclesia, sed vetera repetuntur, obscura explicantur, defendunturque eadem, quae Christus tradidit; & nihil propterea ab Ecclesia statui certissi-

me potest divina Fide credendum, nisi quod Christi verbis, sive scriptis, sive non scriptis, nitatur, & inde per rectam interpretationem & argumentationem deducere liceat. Spiritus vero sanctus secundum promissa Christi semper adfuit, atque adfuturus est iudiciis Ecclesiae, non ut novae Revelationes fiant, aut nova revelentur per ipsius Ecclesiae vocem Dogmata, sed ut dum sacrae Litterae & antiqua Traditio diligenter consuluntur, tunc interpretatio recta, rectaque argumentatio ab Ecclesia instituantur, nullusque error in eandem subrepat.

Singillatim nunc inspicimus, quae appellentur necessaria & utilia Fidelibus, & ubinam certo interpretari atque argumentari Ecclesiae liceat. Alia sunt omnino, alia sunt ex parte, Fidelibus necessaria. Prima appellamus, quae qui jam adultus & mentis compos ignorat, a Regno Dei arcebitur. Fidelibus ex parte necessaria nuncupamus, quae ignorare quidem liceat, sed aut negare, aut in eis errare nefas sit. Utilia, quae homini Christiano conducunt, ut facilius Caelum consequatur, Infernasque poenas evitet. In duo autem genera dividuntur Dogmata. Alia in mera contemplatione versantur, & fidem tantummodo postulant. Alia praeter contemplationem & fidem, actionem quoque respiciunt, qualia sunt quae de Moribus in Religione traduntur. Et quidem populis expectantibus beatam spem, & adventum gloriae magni Dei & Salvatoris nostri Jesu Christi, nihil magis necessarium est atque utile, quam scire, quae in Moribus actionibusque humanis Deo placeant, atque displiceant, ut abnegantes impietatem & saecularia desideria sobrie, & iuste & pie in hoc saeculo vivant. Quum autem in sacris Litteris apertissime descripta sint praecepta vitae, & potissima saltem morum documenta, e quibus tanquam ex fontibus facile reliqua omnia singularia deduci possunt: hinc Ecclesiae facillimum & necessarium saepe est, certo decernere, quae liceant, quaeve non liceant; & illius sententiae nolite acquiescere grave crimen fuerit, gravius adversari. Eo etiam pertinent Christi verba Matth. xxiii. 2. *Super Caubedram Moysi sederunt Scribae & Pharisei. Omnia ergo quaecumque dixerint vobis, servate & facite.* Proinde nihil apud Catholicos certius est, quam ea sine dubio licere aut minime licere, quae suffragio suo comprobavit, aut improbavit Ecclesia.

Quod est ad Dogmata in sola contemplatione sita, quaedam sunt omnino necessaria scitu. Nisi quis sciat & credat, Deum esse, & remuneratorem esse, de ejus aeterna salute actum est, ut Apo-
stolus

Stolus monet. Unitatem quoque Dei & Trinitatem personarum in unitate naturae, Verbi Incarnationem, Christi mortem pro redemptione generis humani, ac resurrectionem, Christiano ignorare nefas. Alia sunt, quae non opus quidem est omnibus scire ad salutem, sed omnibus incumbit credere, quum illis annuntiantur. Etenim ista etiam si ignorare interdum sinamur, nunquam tamen, si percipiantur, inficiari, aut in iis errare, liberum atque impune est nobis. Et propterea ipsa quoque Fidelibus quodammodo necessaria sunt. Quippe si haec, ubi animo percepta sunt, negentur, aut errando corrumpantur, tum homines a virtute avertuntur, ad vitia sollicitantur, aut aliquid indignum de Deo, oppositumve ejus revelationi sentitur. Exempli causa, plurima habet Calviniana Haeresis, quibus positis homo, si probe argumentetur, ad vitia desistere velit, virtutibusque valedicere: & nihilominus aeternam vitam sibi eripiendam ideo ille homo non credit. Tale est arbitrari, Justificationem & Gratiam sanctificantem per nullum peccatum amitti posse, ita ut nemo in gratiam a Deo receptus, exinde quamquam graviter peccans, e gratia excidat. Justum quemvis firmiter credere debere, sibi Regnum Dei ne a peccatis quidem gravibus eripiendum; & contra justis impossibile esse divina mandata implere. Bona Fidelium opera, peccata esse apud Deum, & alia hujusmodi. Aliena pariter a dignitate ac natura Dei sentire cum antiqui, tum recentiores quidam Haeretici, quum ab ipso dixerunt praedestinari ad culpam non electos ad gloriam, aut aliis sententiis temere incauteve ipsum constituerunt auctorem Peccati.

Idem innumera sunt, quae ex officina mentis humanae, quamvis lumine Evangelii illustrata, hucusque prodierunt, & prodire quotidie possunt, Revelationi divinae contraria. Paucos quidem invenire est inter Christianos, qui postquam sacras Litteras divinitus conscriptas arbitrati sunt, aliquid subinde falsi in iis contineri affirmant, aut suspicentur. At non facile eorum numerus ineatur, qui pro non revelatis a Deo quaedam habuerunt ac habent, quae tamen revelata fuere; aut contra inter revelata retulerunt, quae revelatione carebant. Id singulas Haereses perlostranti continuo pateat. Quoties igitur accidit, ut ejusmodi excitentur quaestiones, dubium nullum erit, quin utile sit unicuique Christiano, & ipsi Christianorum Reipublicae necessarium, earum definitionem ab Ecclesia audire, ne quis errando aut Virtutibus, aut Naturae divinae, aut divinae Revelationi adversetur. Atque haec interpretationis & argu-

mentationis jura exercere tuto potest ac debet Ecclesia, *ne simus parvuli fluctantes, & circumferamur omni vento doctrinae*, ut ait Apostolus ad Eph. iv. 14. Primum jus exercet ipsa, quum explicat, quid revera Traditio ferat in doctrina Christi, & quid significant Scripturarum verba aequivoca aut obscura. Alterum, quum Dogmata probat aut improbat, quae e sacris Litteris aliisve certissimis Dogmatibus consecutaria sunt, aut esse censentur. Verum Deum, simulque verum & perfectum hominem esse Christum, Scripturis cum Traditione apertissime consentientibus, Ecclesia Orthodoxa nunquam non credidit. Hinc rite deduxit, ipsum non in speciem tantum, sed vere humanam carnem induisse; & quatenus homo est, ex corpore animaque humana constare; & in ipso duas esse Naturas minime confusas, duasque item Voluntates. Ista Dogmata per rectam argumentationem, e Scripturis (ubi abdita atque involuta erant) derivata, & constanti Ecclesiarum Traditione firmata, Marcionis, Apollinaris, Eutychetis, & Monothelitarum commentis opposita, errorem in hac parte omnem sustulerunt, certoque veritatem statuerunt. Eadem ratione explosa est Novatorum opinio negantium debitam, aut licitam Christi adorationem in Sacramento Altaris. Ibidem Christum verum Deum peculiari modo praesentem esse Ecclesia Catholica credit. Hoc posito, necessario sequitur, adorandum ibi esse Christum. Nihilque a ratione magis absens videtur, quam Idololatriae crimen inferre Catholicis, adorantibus id, quod non adorare sit crimen.

Ex his autem, quae hactenus commemorata sunt, nonnulla deducuntur perquam necessaria documenta. Et primo, quum oporteat, Ecclesiae Catholicae judicia, ut certissimum veritatis argumentum praesent, Revelatione divina semper inniti, consequens est, ubi impleri ista conditio non possit, illic minime habere locum datam a Deo Ecclesiae auctoritatem. Secundo, non omnia quae ab Ecclesia, Conciliis & Patribus constituta aut probata, sive etiam improbata & rejecta videntur, eodem obsequii venerationisque genere suscipienda esse. Quae enim per interpretationem, ac argumentationem in sacris Litteris & Apostolica Traditione haberi, Ecclesia palam edixit, ea divinam Fidem a nobis postulant, Fideique Dogmata jure nuncupantur. At quae nullo alio fundamento consistunt, quam humanis rationibus, humanisve experimentis, humanam quidem exigere interdum fidem possunt, at nunquam divinam, neque Fidei Dogmatis accensenda veniunt. Quare si quis ejuscemodi postremis

stremis rebus adjungere fidem nolit, stultus quidem interdum, interdum temerarius reputabitur: addam etiam, in eum quandoque Haereticus suspicio conveniet, & quandoque gravi castigatione coerendus erit; sed nunquam Haereticus merito dicetur, neque iisdem prorsus ac Haeretici damnabitur poenis. Verum de his suo loco tractandum fufius erit.

Tertio, sunt & aliae quaestiones ad Dogma spectantes, quas absque errandi periculo dirimere Ecclesia potest, sed tamen ab iis dirimendis temperare prudenter debet. Non modica istarum copia, & praecipue apud Scholasticos, occurrit, & enormem adhuc in numerum excrescere posset. Dirimere autem Ecclesiae fas esse diximus, quia controversiae hujusmodi aliquatenus contingunt Revelationem divinam, & ex ista earum decisio peri deducique potest. Non solet ipsa dirimere, quia sive in unum, sive in alterum sensum, tamen si contrarium, inclinaret Christianorum sententia, nihil officitur scientiae morum a Christo traditae, nemo a virtutibus idcirco revocatur, aut ad vitia tacite allicitur, & praecipuis, expressis, ac receptis Scripturarum Traditionisque documentis, atque principiis, nulla vis inferitur, nullaque ex parte repugnatur. Urique si Ecclesia in animum induceret quibuscumque natis ac nascituris quaestionibus finem irrevocabili suo decreto imponere, & sibi supervacaneam incredibilemque crearet molestiam, & exiguum Ingeniis immoderate curiosis beneficium deferret. Ecquando enim tantum opus illa absolveret? & quorsum tantos labores devorare, & in immensum proferre decreta Fidei? Ambitionis, paene dixerim, aut saltem intemperantiae hoc esset, non necessitatis. Neque sic deterreret ab excitandis novis quaestionibus gentem litibus & disputationibus unice addictam, iisque aeternum pascendam. Ad haec non pauca sunt tam levis momenti in disputationem adducta; aliaeque etiam tam difficile referri possunt aut ad apertam Scripturarum mentem, aut ad Traditionis antiquitatem, ut praestet verisimilia relinquere, quam vera aut falsa decernere. Sed illud in primis attendendum est, uti dicebamus, nimirum an disputantium sententiae aut palam, & aperto bello, aut tacite ac per latus, in perniciem vergant alicujus jam statuti Dogmatis, & expressae in utroque Testamento veritatis, quae ad hominum salutem, Fidemque saluberrimam spectet. Ubi vero, & quando, & quae censuram aut suffragium sine mora postulent: quaeve permittere, aut negligere, aut damnare, Christianae Reipublicae interfit, ad Ecclesiae, Maximorumque Pontificum prudentiam pertinet discernere.

Quan-

Quarto, in iis etiam, quae per Ecclesiam statui certissime possunt, non solum, ut diximus, multa occurrunt nondum ab ipsa in censum Dogmatum ad Fidem attinentium relata, sed aliqua etiam occurrere possunt, quae quanquam in Conciliis & Patrum scriptis inveniantur, postremo tamen calculo probata aut rejecta fuisse continuo censenda non sunt. Id autem evenit, quum Concilia & Patres non ex professo hujusmodi sententias pertrahant, sed obiter aliudque deliberando commemorant. Ex aliis Traditionis monumentis constare aliquando poterit, certissima esse, quae in aliqua Synodo, & apud nonnullos Patres in transitu referuntur. Eaque tunc, etsi praeter propositum dicta, vim Dogmatis aut obtinebunt, aut retinebunt. Verum quae non aliunde firma ac rata apparent, non propterea quod ab ore aliud agentis exciderint, e vestigio naturam Dogmatis induunt. Immo gravissimis ex adverso militantibus rationibus diversae opinioni adherere flagitium non erit. Nemo inter Catholicos negat, quin ad decernendas Fidei quaestiones, & efformanda Fidei Dogmata, ipsis quoque Conciliis necesse sit, Scripturas, & Traditionem diligenter consulere. At qui liqueat, hujus conditionis rationem fuisse habitam, quando Patres obiter, atque alio intenti, hujusmodi sententias ingerunt?

In VII. Synodo Oecumenica Aet. V. Tarasius Constantinopolitanus, unus e Concilii Praesidibus, Joannis Thessalonicensis verba referens, affirmat, Angelos corpora quaedam levia, aerea, vel ignea, sibi adjuncta habere. Ab hujusmodi opinione dissentire nequaquam videtur Synodus universa, & in eam, ne quid dissimulem, non pauci ex antiquis Patribus inclinarunt. Porro Innocentius III. in Concilio Lateranensi Angelos creaturas *spirituales* appellat, easque a corporeis manifeste distinguit. Visum est & aliis Patribus, Angelos plane esse materiae expertes. At expedita est hujusmodi Antilogiae conciliandae ratio. Neutra sententia a neutro Concilio definita revera fuit, aut Catholicae Fidei Dogmatis adscripta; obiter enim utrobique proposita est, quum de alia doctrina deliberatio foret. Nimirum Nicaena Synodus id solum tunc intendebat, ut Angelos, Sanctorumque animas pingi posse statueret. Animus autem non erat etiam statuere, utrum e corpore Angeli revera consent. Itidem in Concilio Lateranensi id unum agebatur, ut Manichaeorum Haeresis renata proscriberetur, cujus erat illud impium placitum, non omnia Deo auctore fuisse creata. Contrarium Dogma recte sanciunt Patres, Professionem Fidei probantes ab Innocentio III. Pont. Max. conscriptam.

Usurum

Utrum vero Angeli omnino materiae sint expertes, nulla tum quaestio vertebatur, nullumque statuendae hujus rei propositum Patribus fuit. Utraque igitur sententia, non Dogmatis Christiani, sed Opinionis nomine in utraque Synodo locum habuit.

Attamen unum heic praetereundum non videtur. Si qua in Conciliis Oecumenicis vel obiter proferuntur, neque ibidem repudiantur, quanquam non inde statim sequatur, iis documentis Dogmatum firmitatem accedere, semper tamen sequitur, aut illa esse praeter Fidem, aut non esse contra Fidem. Scilicet aut ad eam doctrinae partem referenda sunt, quam Ecclesia per sententiam certissimam sancire non potest, cujusmodi sunt nonnulla jam commemorata, & plura inferius indicanda. Aut si ad illam doctrinae partem spectant, quae judicio nunquam fallaci constitui possunt ab Ecclesia, tunc Synodi silentium argumento est, hujusmodi opiniones Fidei Dogmatis non repugnare. Eas ex professo & aperte non approbando, Ecclesia decretis Fidei nondum intulit. Et rursus non refellendo, tacite docuit, eas ab ipsa doctrina Fidei minime abhorrere. Dissimulare enim Conciliis licet, quae ad Fidem non pertinent: ac Fidei repugnantia dissimulare non licet; Neque Ecclesiam fugere potest, quid doctrinae ab Apostolis & Patribus traditae advesetur; & ab Ecclesiae munere abhorreret, sinere hanc doctrinam, se audiente, & dissimulante, violari. *Error enim*, (ut habetur 83. Dist. c. Error) *cui non resistitur, approbatur*; nisi forte ejusmodi dissimulatio inde oriatur, quod ad maturius examen controversia ipsa reservetur.

Quapropter proposita de Angelis controversia aut in censum (ut nonnullis placet) illius doctrinae venit, quae neque ex Scripturis, neque ex Traditione componi potest, & proinde sentire fas est de illa, quod veri videtur similis: aut, si ad Ecclesiae judicium spectat, neutrius Concilii judicio sublata est. Silentio tamen suo effecere Concilia illa, ut neutra opinio dicenda sit Fidei doctrinae contraria. At quomodo, inquit aliquis, veram simul sit, Angelos e materia corporea constare, & non constare? Respondendum, certe videri, eos omnino spirituales esse. Quum vero tenuissima corpora interdum induant, ut Angelicum munus eorum gratia exercent, quibus se conspiciendos praebent: ideo corporei per accidens, ut dicitur, appellari, pingique possunt. Incertum autem est, an istam aetheream vestem illico deponant, an retineant, qua in quaestione prudentis est continere judicium. Denique praestat horum Conciliorum verbis non admodum inniti. In Synodo Nicaena Tarasius ex Joannis

Joannis Theſſalonicenſis Oratione id unum arripuit (cui & reliqui Patres adſentiuntur), nempe circumſcriptos eſſe Angelos ad differentiam Dei incircumſcripti, ipſoſque humana ſpecie fuiſſe conſpectos, atque ideo fas eſſe illos pingere. Tacuit de eorum corporibus. Immo ipſos Aſt. iv. incorporeos appellaverat. In Lateranenſi Concilio, quum ab Innocentio III. Angeli dicuntur *ſpirituales*, ea vox omnem corporis ſocietatem nequaquam excludit. Angelos incorporeos, & ſpirituales alii ex Patribus dixerunt, quod e craſſa materia non conſtarent. Nihilominus iidem Patres conſtare ipſos cenſebant e ſubtiliſſima atque aetherea materia. Sed de his jam ſatis.

Nunc de Rationibus, quibus Dogmata probantur, agamus; ad earum quippe leges expendenda etiam venit propoſita de Angelis controverſia. Certe non alia de cauſa ſtatuiſſe videntur Nicaeni Concilii Patres, licere Angelos pictura exprimere, quam quod Joannis Theſſalonicenſis Rationes graviſſimae apparuerant. Et quidem ſi in Dogmatis ſanciendis nulli errori obnoxia eſt Eccleſia Catholica, necceſſe eſt eam quoque praerogativam retineat in Dogmatum Rationibus inveniendis atque edicendis. Nonne Dogmatum fundamenta ſunt Rationes? Iſtis nutantibus, quomodo impoſita moles non dehiſcat, atque labatur? Igitur argumenta rationeſque adhibitae a Conciliis & Patribus ad Dogmata comprobanda, erroreſve rejiciendos, pari veneratione & fide, perinde ac ipſa Dogmata, ſuſcipiendae erunt.

Verum heic majori quam in reliquis cautela eſt opus. Etenim in Conciliorum Patrumque leſione plane ſit hoſpes oportet, aut Logicae, Criticaeque oppido imperitus, qui eodem pede omnes ab iis adhibitae Rationes dimetiatur, & dimetiendas arbitretur. Quare primo dicimus, nullum hucusque ab Eccleſia conſtitutum fuiſſe Dogma, quod Ratione quapiam invicta non nitatur; & propterea aliquam ſemper eſſe Rationem Dogmatum, quae & ipſa ad Fidem non ſecus ac Dogma pertineat. Secundo addimus, non ſolum apud ſanctos Patres, & in Scholis Theologorum, ſed etiam in Conciliorum Aſtis quaſdam occurrere poſſe Dogmatum Rationes, quibus obſequium quidem fere ſemper a modetiſtis hominibus debeatur, ſed nunquam divina Fides. Primam conſuſionem negabunt fortatiſ Heterodoxi. At quae juſ Eccleſiae probant, illiuſque infallibilitatem in ſtatuendis Dogmatis, ea quoque maniſeſtiſſime produnt, nunquam ſine aliqua Ratione ad Fidem ſpectante, & ex ſacrarum Litterarum, Traditioniſque documentis minime fallacibus deducta, Eccleſiam devenire ad ſententiam ferendam. Iſtae autem appellari poſſunt fundamentales, & potiſſimae Dogmatum Rationes.

Altera conclusio, nempe ejusdem non esse ponderis omnes Rationes ad probanda Dogmata adhibitae, prima facie fortasse non ardeat imperitis jurium Ecclesiasticorum aestimatoribus. Inter perites autem vereque doctos Theologos, non solum neminem contradicere habeat, sed omnes habeat laudatores. Qui secus arbitretur, praeter experientiam sibi adversantem, rationes parum sibi faventes inveniet. Enimvero quid evidentius est, quam veritates cujuscumque generis sint, sive Theologicae, sive Philosophicae, sive Morales, probari posse per argumenta, ut ajunt, demonstrativa; pariterque per argumenta tantummodo probabilia, & verisimilia? Proinde quamquam plurima certa sunt, vel ex Revelatione divina, vel ex lumine Rationis, tamen ista non refugiunt societatem Rationum probabilem & verisimilem. Harum quidem ope non indiget veritas, ut sibi constet, sed earum fere semper subsidium amat, ut facilius persuadeatur. Deum esse, Mundum ab ipso conditum, Animas rationales non interire cum Corpore, atque ultra Corporis mortem esse Animarum poenas ac praemia: per lumen Rationis certissime cognoscimus, & Revelatione divina praeunte, firmissime etiam credimus. Nihil vero prohibet, quin adeo perspicuas veritates probabilibus quoque Rationibus illustremus, ornemus, ac persuaeamus.

Id autem cum interdum in Conciliis, tum saepe apud Sanctos Patres locum habuit, & quotidie a praeclarissimis Theologis atque Scriptoris usurpatur, in pertraclandis reliquis Christianae Doctrinae capitibus. At argumenta verisimilia, rationesque duntaxat probabiles, divinam a populis Fidem exigere non possunt, quippe non evidenti veritate nixa. Immo quum quidquid verisimile tantum est, si intime, & severiori trutina expendatur, falsum quoque deprehendi possit: quid mirum, si quandoque Rationes, parum, immo nihil probantes, occurrant apud rerum divinarum interpretes, & apud praestantissima Ecclesiae lumina? Neque idcirco de firmitate Dogmatum quidquam deperit; neque minori quam antea mentis obsequio credenda sunt, ac suscipienda Ecclesiae decreta. Satis est eorum stabilitati fundamentalium Rationum virtus. Quibus quum nullum, ut diximus, Dogma careat, necesse est etiam populos Christianos ab iis victos adstipulari Dogmati proposito.

At quei distinguantur a fundamentalibus istae subsidiariae Rationes? Fateor, non id perinde facile omnibus erit, ac est piis simul & judiciosis hominibus. Et tamen plurimi interest, unumquemque Theologum in iis discernendis ab errando cavere. Etenim co-

Tom. X. P. I.

P

gitan-

gitandum non est, cum tantummodo nocere Ecclesiae, qui audeat in dubium vocare, aut rejicere fundamentales Rationes. Error etiam est, exultatione quidem dignus, sed tamen error, atque incommoda non pauca gignens, argumenta solum probabilia majori quam par est virtute donare, eaque non secus ac Fidei firmissima capita, sine dubitatione credenda proponere. Id ab Ecclesiae ipsius consilio abhorret, quae ideo verisimilibus interdum utitur, ut vera facilius persuadeat, ac roboret, non ut dubia ex his incertis certissima statuatur. Sed adhuc interrogamur, quae a subsidiariis & probabilibus rationibus rationes distinguantur fundamentales. Ego non alia haec utendum regula censeo, quam quae discernere nos docet ab incertis certissima Dogmata. Illae igitur Rationes ad Fidem spectabunt, & fundamentales appellabuntur, quas aut sancti Patres ubique, & semper, & unanimiter pro certis atque evidentibus acceperunt, aut Generalia Concilia, Romanive Pontifices in suis Fidei formulis, decretis, & judiciis ab universa Ecclesia probatis concordi studio probarunt, & tanquam fundamenta Dogmatum posuere. Quare si quis ex sanctissimis Patribus, si quis etiam ex Episcopis in Aetis Conciliorum Generalium suoapte ingenio Rationes adferat, atque ad eas non accedat Ecclesiae totius, hoc est totius Oecumenicae Synodi, aut Romani Pontificis, aliorumve Patrum consensus: tum cohibere iudicium nostrum licebit, neque iis adjungere statim fidem nostram cogeremur, incertum est enim, an per unum Episcopum, aut Scriptorem, Deus loquatur.

Deinde animadvertendum est, fundamentales Dogmatum Rationes esse debere verba ipsa Scripturarum sacrarum, aut ipsius Traditionis indubia monumenta. Humanae, & Philosophicae Rationes Ecclesiasticis sententiis ponderis quidem aliquid adferre possunt, at minime primum ac praecipuum fundamentum, nisi & illae divinis Libris & Traditione innitantur. Immo ipsa Scripturarum loca, quibus tum Concilia, tum Patres, ceterique Theologi utuntur in Dogmatum comprobationem, pro fundamentalibus semper certissimisque Rationibus minime omnia sunt accipienda. Allegorica quaedam occurrere possunt, quaedam etiam ex communi eruditorum voto obscurissima. Prudenter adiunguntur & ista clarissimis aliis divinorum Librorum, & Traditionis legitimae testimoniis, non futura quidem Dogmatibus constituendis fundamento, sed constitutis futura ornameto, atque praesidio. Quod ad Traditionem attinet, modo rite ex antiquitate concordie sit deducta, & secundum regulas a Theologis

gis praescriptas adhibita, solidissimum semper Ecclesiasticis decretis fundamentum praebet. Ipsamet sacrarum Litterarum loca, Traditionis consensione indigent, ut iis tuto incumbat Ecclesiae iudicium. Catholicorum nempe Respublica probe novit, ea se teneri lege, ut nulla constitui debeant, aut possint Dogmata, quorum veritas ex Traditione, atque ex divinis Scripturarum oraculis, praestantibus veras fundamentales Rationes, non effluat. Et quum sine istis nullum reapse Dogma Ecclesia umquam sanciverit, & sanciat, etiamsi regia, ut ita dicam, auctoritate interdum loquuta fuerit, aut loquatur, hoc est, etiamsi Dogmata, rationibus minime propositis, credenda proponat: compertum tamen est, semper ipsius decretis Traditionem & Scripturas sacras causam & rationem dedisse; iisque positus, non est cur alias exigamus Rationes.

Celebre est in hanc rem Stephani Romani Pontificis exemplum. Fervebat Africanam inter ceterasque orbis Ecclesias controversia de Haereticorum Baptismo. Cyprianus vir aliqui sanctissimus pro iterando Sacramento pugnabat, ejusque novae opinioni, ut cum Vincentio Lirinenſi cap. 6. loquar, *santa vis ingenii adfuit, tanta eloquentiae flumina, sanctus assertorum numerus, tanta verisimilitudo, tanta divinae legis oracula, sed plane novo ac malo more intellecta, ut illa conspiratio nullo modo destrui posse videretur.* Attamen traditionem a se stantem contra Stephanus proferebat; atque his armis fretus, tota demum consentiente, & plaudente Ecclesia, causam obtinuit. Longo post intervallo fortissimus Catholicorum pugil Augustinus Stephani sententia ea rationum argumentorumque vi tutatus est contra Donatistas, ut nunc vel rudibus appareat, longe Cyprianum a veritate tunc abiisse. De Rationibus igitur humano ingenio excogitatis, id tandem statuendum esse videtur; eas, videlicet, quantumlibet acutissimas, quantumlibet ingeniosissimas, nihil valere, & aliquo semper vitio laborare, quoties militant adversus Dogmata Traditione, divinisque Scripturis ab Ecclesia Dei firmata. Quum vero pro istis faciunt, non uno eodem pede omnes esse dimetiendas. Certissimae quaedam, quaedam probabiles tantum, verisimilesque erunt, quaedam etiam nullius ponderis deprehenduntur. Quocirca & iudicio in iis seligendis locus erit, & in quibusdam rejiciendis libertas.

CAPUT DECIMUMQUARTUM.

Jus Ecclesiae in Dogmatis stabilendis a Phereponi objectionibus liberatum. Falsum est, ipsum a Sancto Augustino negari. Multitudo in Conciliis Catholicorum quae commoda pariat. Factionis nomen inique adscriptum legitimis Conciliis Catholicae Ecclesiae. Non crimen, sed laus ac necessitas ibi est judicare ex anticipatis opinionibus, hoc est secundum Traditionem. Vindicatum a nonnullorum dissentiis Concilium Tridentinum.



UAE sint Ecclesiae Catholicae, Ingeniorumque jura in Doctrinae salutaris negotio, sensim cognovimus. At ii, quibus jugum excutere placuit, & unius Scripturae sacrae vocem, quemadmodum sibi fingunt, sed uti res docet, unius Ingenii sui vocem auscultare constitutum est, ii, inquam, nullum non movent lapidem, ut caelo auctore stabilitam Auctoritatem Ecclesiae dejiciant, qua dejecta, proculdubio Ingeniorum crescit auctoritas. Phereponus igitur & ipse in hoc idem argumentum saepe & lubentissime invasit. Nunc opus est expendere, quid ille tandem huc adferat novi. In animadversione ad Augustini Lib. 2. Cap. 3. de Bapt. adversus Donatistas, haec habentur illius verba: *Ad investigationem veri, in re praesertim obscura; undecumque ea obscuritas oriasur, multitudinem nihil facere, sed tantum peritiam eorum, qui congregantur, & candorem.* Tum dicere pergit, omnes omnino, exempli causa, Africae Episcopos, utpote imperitissimos Hebraici Graecique sermonis, fuisse ineptiores ad judicium ferendum de sensu loci veteris aut novi Testamenti, quam vir unus utriusque Linguae peritus, ejusmodi sanctus Hieronymus fuit. Proinde Concilia, sive plenaria sint, ut Augustinus ait, sive minus plena, ad spem inveniendae Veritatis, perinde nobis esse futura. Nec imperitiae multitudini pro imperio aliquid definienti, & anathemata minitanti, nullasque rationes, aut eas pravas, suae definitionis adferenti, magis credendum, quam pauculis, aut uni. Immo vero, inquit, uni viro docto, argumenta firma proferenti, continuo assensiar, quum ea intellexero, nec adversarios ejus umquam numerabo. Numerus enim nihil ad veritatem facit, & saepe etiam quo plures

plures congregantur ad eam definiendam, eo plures imperiti, eo plures factiosi colliguntur; qui neque sciunt, quid sit verum, neque quaerunt, sed tantum quid sibi expediat, aut expedire videatur. Et quando quidem ex his, immo & ex Augustini auctoritate conficere sibi videtur, Concilia errori obnoxia esse, subinde infert, eorum decretis non esse sine praevio examine credendum. Addit etiam, Conventus Ecclesiasticos ad Civilium normam esse formatos. Sed jure in istis pauciora debere cedere pluribus suffragiis; in iis vero nequaquam debere. Ubi enim caelestis Veritas agitur, quam nemo nisi studio & assensione adhibitis novis, quae nulli mutationi obnoxia est, cujus nemo est dominus & cujus definiendae majorem a Deo potestatem plures non acceperunt, quam pauciores: non sunt numeranda suffragia, sed singulis expendendae suffragiorum rationes. Ita ille.

Sententia itaque Phereponi duo potissimum complectitur, nimirum, Ecclesiam & Concilia nihil amplius habere juris in Doctrina Christi stabilienda ac proponenda, quam privatum quemlibet hominem, cui rationes invictas adferenti credendum sit; abrogandam vero fidem, si sine rationibus, aut cum pravis rationibus loquatur. Deinde revera non esse Conciliis hucusque peractis obtemperandum, quippe ex gente saepe imperita, factiosa semper, conflatis, & in statuenda Christi Doctrina affectuum potius consilia quam veritatem spectantibus. Qua in re ipsum cum aliis Haeticis, & Socinianis potissimum consentire video, qui Conciliis nullis, nulli Ecclesiae visibili in rebus Fidei auctoritatem esse docent; atque adeo tacite Dordracenam ille Synodum carpit, ubi Majores suos Calvinianorum factione oppressos Arminiani quotidie conqueruntur. Sed Phereponus contra Calviniana Conciliabula his argumentis optime utitur; contra Ecclesiae Catholicae Concilia nihilum proficit, & splendide fallitur.

Antequam tamen id ostendo, considerare juvat, an Augustinum recte in sententiam suam Phereponus induxerit. Scribit sanctus Doctor Lib. 2. Cap. 3. de Bapt. contra Donatistas, singulorum Episcoporum Litteras a peritioribus licere reprehendi, si quid forte in iis a veritate deviatum fuerit. Tum addit: *Ipsa Concilia, quae per singulas Regiones vel Provincias sunt, plenariorum Conciliorum auctoritati, quae sunt ex universo orbe Christiano, sine ullis ambagibus cedere, ipsaque plenaria saepe priora posterioribus emendari.* Si quisquam contendat, heic Augustinum significare velle, Generalia Concilia, quanquam legitime habita, in Dogmatibus exponendis ab erroris periculo exempta non fuisse; eum ad Phereponi scholam conti-

nuo

nua traham, ut Criticam Artem edoctus subinde haec Augustini verba sagacius expendat. Nullus autem dubito, quin ipsi aliqua heic interpolationis suspicio statim suboriat. Ita scribit Augustinus: *Quis nesciat, ipsa Plenaria (Concilia) saepe priora posterioribus emendari?* Hic interrogandi modus tantae confidentiae plenus, rem significat vulgo notam, immo jam experientia claram atque testatam. Si quid ianuere voluisset Augustinus, quod nunquam factum fuisset, & heri tantummodo in posterum posset, nequaquam dixisset: *Quis nesciat ipsa Concilia emendari*; multoque minus *quis nesciat saepe emendari?* Et si rem, ut certe verba sonant, jam usu tritam significat: quandonam, quaeso, plenaria Concilia, eaque legitima, in Fidei Dogmatibus a posterioribus emendata fuere? Nicaenum I. Constantinopolitanum I. duo nempe tantum plenaria, seu Generalia Concilia ad Augustini usque aevum habita fuerant. Sardicense quoque iis addere per nos liceat, (quanquam Augustino non satis notum) & Arelatense I. ipsi notissimum, atque celebratissimum. Verum summa inter hasce Synodos in rebus Fidei atque in Dogmatibus concordia, nulla emendatio, nulla priorum correctio. Proferat, si quicquam potis est, hasce Dogmatum antilogias, hasce emendationes. Ne ipse quidem Augustinus, iis Conciliis propior quam nos, proferre potuisset. Restat igitur, ut aliqua lacinia iis Augustini verbis affuta fuerit, locumque istum depravatum habeamus, aut aliter illius mentem esse explicandam fateamur. Et sane quantum conjectura assequi licet, recensentur heic ab Augustino cum legitimis spuria quoque Concilia, qualia fuere nonnulla ab Arianis habita, & quae a posterioribus emendata fuisse nemo negat. Deinde potiori jure dico (& dissimulata quacumque interpolationis suspicione, ita dicendum contendo) Augustinum heic agere, non de Fidei Doctrina, sed de Judiciis ad personas & dissidia privata spectantibus, & de compluribus Disciplinae capitibus, aliisque factis, in quibus, ut infra patebit, Catholici consentiunt, emendari saepe numero posse ipsamet universales atque legitimas Synodos, earumque decreta mutari. Isti conjecturae quam maximum robur accedit ex sequentibus Augustini verbis. Ait enim, tum ipsa *Plenaria emendari, quum aliquo experimento rerum aperitur, quod clausum erat*: quod sane de factis, non de Dogmatis verificari potest. Huc autem pertinent varia Augustini ejusdem loca, quibus prodit, quanta Oecumenicis Conciliis & totius Orthodoxae Ecclesiae consensio veneratio debeatur. Ab istis quicunque dissentiant in Doctrina Fidei, ipsius judicio, immo omnium, qui

qui ante, & post ipsum in Christi Schola excelluere, Haeretici sunt; tales nequaquam futuri, nisi ab omni erroris periculo in fanciendis Dogmatibus abesse Ecclesiam una cum aliis Patribus consentiens arbitratu & ipse fuisset. Consultantur Lib. 1. cap. 18. de Bapt. & Lib. 2. cap. 1. 4. & 9. & Lib. 4. cap. 6. itemque Lib. 3. cap. 14. contra Maximinum, ut alia omittam. Quibus consideratis, facile quisque videat prioribus Augustini verbis male Phereponum instituisse, aut iis saltem insistendum non esse, ut legitima Ecclesiae Catholicae Concilia in rebus Fidei errori ostendantur obnoxia. Si quid aliud inde probare Pherepono est animus, quod est ad hanc particulam, concordiam non difficile inibimus.

Ceterum ad confutationem Phereponianae sententiae adeo Conciliorum Generalium auctoritatem deprimentis, multa non sunt opus. Eadem ratio, eadem potentissima caussa, quae Scripturis divinis habendam fidem persuadet, eadem Ecclesiae credendum monet. Deo credimus, quia ipse ex natura sua falli ac fallere non potest: Ecclesiae, quia illam Deus non errandi praerogativa donavit. Fucum vero nobis facere nititur Phereponus, quum ait, *ad investigationem veri multisitudinem nihil facere, sed tantum peritiam*; & uni perito potius, quam imperitis innumeris credendum, quippe numerus nihil ad Veritatem facit, sed quidem rationum pondus. Optimam ille sententiam alieno accomodat loco. Utique magnum pondus rebus in Concilio definitis praebet omnium, aut multorum Patrum consensus, ac Praecipue Patriarcharum, Metropolitaram, atque Episcoporum. At probata inter Catholicos Concilia non eo tantum nomine fidem merentur, & veritatem assequuta creduntur, quod multorum suffragiis res illic peractae sint, sed quod Episcopi Litteras divinas, & germanam Traditionem ea, qua par est, diligentia, fide, ac sinceritate consuluerint, examinarint, & secundum eas sententiam ediderint. Sexcentis Episcopis Ariminenſe Concilium, trecentis Mediolanenſe, Seleucienſe, aliaque Concilia ingenti Praefulum copia constiteri, quae tamen inter Conciliabula fide atque obsequio indigna referuntur. Praeterea non minor Auctoritas Constantinopolitano primo, & secundo, in iis quae ad Fidem spectant, aut Ephesino primo, aut Tridentino, quam Nicaeno primo, & secundo, & Chalcedonenſi, quanquam illa prae istis constata fuerint ex longe minore Episcoporum numero. Immo, ne irrita sit spes nobis a Christo facta in medio duorum aut trium, qui in suo nomine congregati fuerint, semper esse futurum, eadem est vis atque auctoritas, quod
ad Dog-

ad Dogmata spectat, Provincialibus Conciliis, aut exiguo Episcoporum coetui, ac generalibus Conciliis, dummodo ad ea palam accedat reliquarum Ecclesiarum suffragium. Quae omnia manifeste indicant, Ecclesiam Catholicam non tantum numerare vota, sed etiam rationes expendere Episcoporum. Quod si pluris aestimantur ii Conventus Ecclesiastici, qui pluribus, quam qui paucioribus Episcopis constant, & demum Generalia Concilia Provincialibus praeponuntur; id ad Traditionem commodius tutiusque colligendam, ad rationes concordiae ac majore studio pensandas, ad unionem animorum & doctrinae facilius ostendendam ac retinendam conducit, non autem ut sola multitudo sit primum aut maximum veritatis assequendae argumentum.

At Thereponus verbis nostris adhibere fidem tam facile, ut suspicor, nolit, quippe qui ait, saepe in Ecclesiasticis tum Catholicorum, tum aliorum Christianorum Conventibus, imperitiam, & prae-vos affectus omnia moderari. Ab indoctis autem & factionis hominibus quid veri sperandum est, in rebus praesertim obscuris, & supra vulgarem scientiam positis? Et de factionibus quidem vetus est querela in Haereticorum castris. Sed omnium maxime hisce proximis saeculis illam Protestantes ad ravim usque reperierunt, quo legitimam Concilii Tridentini auctoritatem declinarent. Illic & ipsi non tantum rationes suae defectionis exponere, & disputationes inire, quod liberum iis erat, sed etiam judicem agere volebant, & jura parti cum Ecclesiae verae Pastoribus; iniquum reputantes, se a Catholicis tantum, hoc est ab adversariis, ut ipsi aiebant, factione judicari. Verum hanc futilem querelam, & minime aequam petitionem jamdudum explodere Catholici, tanquam hominum tricas potius quam veritatem quaerentium, & judices legitimos nefario consilio averfantium. Ad Ecclesiam veram spectat jus dirimendi controversas in Religione excitas. Hanc nisi quis audiat, ex Christi praecepto futurus est nobis velut Ethnicus & Publicanus. At quemadmodum in veteri Testamento Pontifices & Sacerdotes, & non singuli de populo, Synedria peragebant, litesque in lege Dei exortas componebant: ita & in novo Testamento *Episcopos Spiritus sanctus posuit regere Ecclesiam Dei*, primumque inter eos dignitatis & auctoritatis gradum Romano Antistiti contulit. Istos *Pastorum* etiam nomine donarunt Apostoli, eorumque munus, ut habetur Hierem. III. situm est in ovibus scientia & doctrina pascendis. Quid est igitur, quod contra totius antiquitatis usum, contra Apostolorum ver-

ba,

ba, mentemque Christi, nunc oves iudicium legitimorum Pastorum aut detrectent, aut usurpare sibi velint, & ex aequo cum istis facere? Et profecto si honesta Protestantium & Pheraponi petitio est: nulla unquam Haeresis damnabitur, nullus Haereticus ad meliorem frugem sese recipiet. Nam quid experientia manifestius est, quam homines perinde in erroribus ac in veritate tuenda pertinacissimos esse, & a veritate devios nullis saepe rationibus flecti posse? Certe constat, in tot publicis privativae disputationibus inter Catholicos & Protestantes acri animorum contentione hucusque habitis, aut utramque partem Paena cecinisse, aut neutram alteri herbam porrexisse. Quare videant perduelles Ecclesiae filii, quo jure litem intendant legitimae Catholicorum Praesulum auctoritati.

Et hinc etiam perspicimus, odiosum factionis nomen iniquissime Catholicis Conciliis ac iudiciis impositum in Lutheri, Calvini ceterorumque Novatorum Schola. Etenim, postquam statueris, uti statuendum est, Ecclesiam veram, ejusque Episcopos, & potissimum Petri successorem, Judices in Religionis controversiis esse a Christo institutos; simulque Ecclesiam universam, & Synodos ab Ecclesia probatas falli in iudicando non posse: consequens etiam est, non fastidiosos homines, sed legitimos Judices esse appellandos Ecclesiae Catholicae Episcopos. Quum vero Dordracenum, & reliqua id genus Conciliabula, hisce careant fundamentis (neque enim immunitatem ab errore secundum suae sectae principia, ullae Protestantium Ecclesiae arrogare sibi possunt, nullaue Protestantium pars majorem a Christo tributam sibi quam alteri auctoritatem ostendere potest,) factionis nomen quibusque illorum Sectis & Pseudosynodis iustissime convenit. Sed pravae artes, inquit aliquis Phereponus, & turbidi affectus, atque anteceptae opiniones in coetibus tam Catholicorum quam Protestantium dominantur, & contempta ratione, ac veritate conculcata, jus illic pro arbitrio dicunt. Ultro concedimus & nos, atque affirmamus, posse Catholicos Episcopos in Conciliis suum oblivisci munus, & affectibus in transversum agi. Fatemur etiam, Christi opem, & Spiritus Sancti gratiam, quam Catholici Conciliis tribuunt, ut doctrinam Christi in suis definitionibus intactam servant, esse (ut Scholarum verbo utar) hypotheticam, hoc est e quibusdam conditionibus ac legibus pendere. Hae autem leges & conditiones in eo sitae sunt, ut summi Pontifices & Episcopi nulla vi, nullo metu, nullis illecebris, nulla factione studiove partium corrupti, Traditionem Ecclesiarum, quas repraesentant, fortiter tueantur, neque ab

Tom. X. P. I.

Q

ca vo-

ea volentes prudentesque recedant, eamque illa sinceritate, qua par est, & fide & diligentia ex divinis Libris, & ex probatis Traditionis Ecclesiasticae monumentis hauriant. Hujusmodi conditionibus, suoque muneri posse deesse Episcopos & Concilia nemo negat, & re ipsa interdum defuisse ex Ariminenfi, Mediolanensi, & Ephesia II. aliisque Pseudosynodis constat.

Haec, inquam, apud nos certa sunt. Sed aequè certum est, immobilitatem Ecclesiae in Christi doctrina, non hypotheticam, sed penitus absolutam esse, id est ex nullis conditionibus legibusve pendere; atque adeo ipsam Ecclesiam nunquam opiniones adoptaturam verae fidei ac Traditioni contrarias, & nullis Diaboli artibus, nulla suorum Praesulum incuria ac pravitare ipsam a germanis Christi Dogmatibus credendis & confitendis posse ullo unquam tempore deduci. Quapropter quandocumque rite peracta sunt Concilia Oecumenica: tum nulla dubitatio futura est, quin ibi Christus, & Veritas adfuerint, & Spiritus Sanctus ita humanam infirmitatem & caecos, si qui erant, affectus Episcoporum ibi compresserit, ut unius verae doctrinae habita fuerit ratio. Non siviisset divinum Ecclesiae caput, ut sua Sponsa exitiis erroribus consentiret, quam puram, immobilem, & Veritatis Columnam ad consummationem usque saeculi esse voluit.

Inepte insuper crimini vertatur Conciliis, quod ex anticipatis opinionibus omnia aut pleraque illic peragantur. Nihil enim apud Christianos magis inculcatum est, quam esse antiquae Traditioni constanter inhaerendum; & qui secus fecerit, Apostolorum praecepta violare. Neque alia ratione Concilia initio legitima atque Orthodoxa in turpia Conciliabula evasere, quam quod aliter quam ex anticipata Majorum sententia fidem declararint, atque sustinuerint, contra Haereticos nova ferentes. Quod si Concilia quaedam a Catholicis recepta, suspicione improbarum artium asperguntur a nonnullis, quis sanus unius aut alterius affirmationem praeponat innumeris aliis contra affirmantibus, & aequè rerum consciis? Talia praeterea aut a tacitis aut ab apertis hostibus Catholicae Ecclesiae conficta & somniata, sparguntur in vulgus caeco consilio, audacia ingenti. Deinde considerandum est, nullum fere constitutum fuisse Concilium, licet Orthodoxum, in quo, ut in reliquis hominum conventibus, aliqua opinio & affectuum diversitas non habuerit locum. In conficiendis formulis Decretorum, in ritibus, & factis, aliisque rebus ad Disciplinam pertinentibus, atque in ipso ordine sedendi, judicandi, & dispu-

& disputandi, aliter hic, aliter ille sentit & cupit. Vix autem fieri potest, ut in tanta Judicum & Theologorum copia nemo sit, qui moleste non ferat, aliena potius quam sua probari consilia. Hinc unius aut alterius querelae, hinc toedia, hinc malefani clamores, quibus & reliqua Concilia non caruere, neque in posterum carebunt. Verum talibus in rebus dissidere posse Patres citra fidei iacturam, & intacta sanctitate Concilii, quis non videt?

Nihil, inquam, officit istud arci Religionis, hoc est Doctrinae, Dogmatibusque fidei. Concordes exempli causa in ipsius fidei professione fuisse Tridentinos Patres, & contra ipsam nihil peccatum, & ab ipsa praedicanda atque tuenda neminem absteritum, & neminem ad ipsam corrumpendam illectum fuisse, Catholici quilibet affirmant, credunt, & certum habent. Si secus contigisset, si malis artibus actum fuisset, revelandi onus incubuisset quibuscumque Tridentini Concilii Patribus ac Theologis. Nam illud in primis apud Catholicos liquet, & Episcopis potissimum exploratum est, sine teterimo crimine violari non posse Doctrinam Christi; & si quis (a) sibi conscius) Christianos populos in errorem vel praedicando, vel consentiendo, vel connivendo, induxerit, hunc sine publica confessione sui criminis decedentem vix aut nequidquam a Deo veniam sperare posse. Quis autem sibi persuadeat, tot Episcopos, ac Theologos in Tridentina Synodo conspirasse adversus doctrinam Christi, & neminem, quod sui muneris erat, ausum resistere corruptoribus; & nullum inter ipsos Episcopos tantae fraudi, tantoque sceleri personam tandem detraxisset, palam confessum, se minis aut artibus iniquis adactum ad veritatem Religionis insigni proditione labefactandam? De tot hostis, & probis, & doctis hominibus ex universa Ecclesia in unum collectis, id ne excogitari quidem potest. Neque Deus, Ecclesiae suae stabilis aeternum futurae custos, tantum flagitium latere permisisset, neque unquam permisit, ut ex Historiis Ecclesiasticis pater, utpote qui populo vere Christiano in necessariis non deest. Quare minime dubitandum, quin Tridentinis Patribus necessaria adfuerit libertas sentiendi & judicandi, quaecumque Catholicae Fidei magis consona tunc videbantur.

Sin autem consulto non errarunt legitima atque probata Concilia, eo minus incaute falli potuere. Episcopi enim, & Ecclesiae verae additi, & Christi nomine in unum congregati, dummodo debitam fidelitatem adhibeant atque industriam in haurienda e Scri-

Q 2

pturis

(a) *Al. prudens.*

pturis aliisque Christianae Traditionis monumentis, germana Ecclesiae Doctrina, ab omni erroris periculo, divino Spiritu opem ferente absunt, ut jam vidimus, atque ut constans dogma est in Ecclesia Dei. Quandoquidem tamen industria conjuncta postulat peritiam & scientiam; hanc autem peritiam Phereponus ait defuisse ac deesse quibusdam Conciliis, & ipsismet praestantissimis Ecclesiae Patribus, & nominatim Augustino: hanc utilissimam quaestionem infra discutietur. Palam autem fiet, quatenam scientia ac peritia in Christianis Ecclesiae Judicibus exigatur, & quam praeter aequum & bonum agat Phereponus, qui ipsam Patribus antiquis, & Augustino, & Conciliis, abjudicat. Nunc incepto itinere insistendum est rursus; & quoniam de Dogmatis fidei satis ad institutum nostrum haecenus egimus, ad Disciplinam Ecclesiasticam tandem est transeundum.

CAPUT DECIMUMQUINTUM.

Disciplina Ecclesiastica quid complectatur. Quae differat a Dogmate. Quae in Disciplina mutare, aut non mutare, sequi aut non sequi liceat. Consonare in Dogmatibus omnino necessarium. Varietas in Disciplinae rebus modo laudanda, modo toleranda. Constantia Catholicorum in Haeresi Iconoclastica damnanda commendatur, a Calviniano quodam injuste subannata. Quid Ecclesia egerit, eique sit agendum in dissidiis de Disciplina. Contra Phereponum ostenditur Auctoritas Ecclesiae in praecipendis nonnullis ad Disciplinam spectantibus sub poena peccati.



DIXIMUS, Ecclesiasticam Disciplinam varia complecti. Ad illam spectat, quidquid aut a Christo, aut ab Apostolis, aut ab universa Ecclesia, sive ab Ecclesiis privatis institutum fuit, ad externum Dei, servorumque ejus cultum, ad ritus Sacramentorum, aliorumque Mysteriorum, ad Ministros Ecclesiae, & ad quaedam pietatis, aliarumque virtutum opera externa. Et propterea Disciplinae nomino quam latissime sumto designamus scientiam illorum rituum earumque legum, ex quibus constat cum regimen membrorum Ecclesiae, tum exercitium externum Religionis atque virtutum. Differt autem Disciplina a Dogmate, quod istud praescribat quaecumque credenda, aut non creden-

credenda sunt Fide supranaturali, & quidquid homini Christiano facere immutabiliter praecipitur, vel prohibetur; Disciplina vero tradit ritus & leges adhibendas, ut Ecclesia militans decenti ordine regatur, & ut palam, operibusque externis rite peragatur, quod per Dogma internus homo jam didicit.

Et plurimi quidem interest, bene perspectum habere, quid discernat Disciplinam a Dogmatibus; quia maxime necessarium est cognoscere, quid mutabile, quidque immutabile sit in Ecclesia Dei. Nam eorum, quae ad Disciplinam referuntur, multa mutari ex sui natura possunt; quae vero ad Dogma, eadem semper esse oportet, ac semel fuere. Ad haec interdum Dogma ac Disciplina simul conjuncta incedunt. Quum de aliquo novae legis Sacramento agimus, puta de Baptismo, dicimusque ipsum conferre gratiam, delere peccatum originis, ejusque vim & effectum a Ministrantis merito nequaquam pendere, & alia id genus: Dogmata haec esse nemo non intelligit. Quum vero dicimus, ad Baptismum adhiberi asperionem, aut merionem trinam, salem, & unum duosve sponsores e sacro fonte initiatum suscipientes: tum aliqua significari cognoscimus ad Disciplinam pertinentia. Quare una eademque res & ad Dogma, & ad Disciplinam sub diversa facie ac ratione referenda est. Sunt autem quaedam a Christo, ejusque Apostolis praescripta, quae in Discipline censum veniunt; sed quandoquidem ista immutabilia sunt inter Christianos, in Dogmatum quoque jura per Analogiam transferunt: quod in Sacramentis praesertim animadvertendum occurrit. Alia quoque sunt, quae ab Apostolorum Successoribus instituta fuere, & illius naturae fere omnia sunt, ut aliter institui possent, & recta nihilominus & aequae laudabilia forent, si alia ratione ac forma indicta fuissent. Alios, inquam, Ritus, alia tempora Jejuniis, alias precum formulas, criminum poenas, atque id genus quam plurima, eorum loco, quae jam constituta habemus, poterat Ecclesia constituere.

En igitur quid inter Disciplinam, & Dogmata interfit. Dogmata ab ipso Deo omnia, & singula procedunt. Eadem omnia Deus jam Ecclesiae revelavit, istique Libro jam pridem concluso nihil novi de suo ingenio addere Ecclesia potest, neque novam Dogmatis alicujus inauditi revelationem a Deo sperare. Et porro nihil nobis deest ad plenam salutaris veritatis cognitionem. Quo argumento profigatae olim fuere novae Montani, Manetis, Muhammedi, aliorumque Revelationes: Alia autem Discipline praecepta nunquam immu-

immutanda Christus ipse reliquit. Aliqua etiam Ecclesiae suae jus dedit adjiciendi, eaque rursus mutandi pro locorum, pro temporum, pro hominum indole, ac necessitate; quemadmodum prudentiae, pietatis, & optimi regiminis ratio identidem postularet. Sancti etiam Spiritus suffragium hisce Ecclesiae decretis minime deesse, quum quidpiam statuitur aut immutatur, quod in Mysteriorum decorem, Populique Christiani utilitatem cedere possit, ex Hierosolymitano Apostolorum Concilio didicimus.

Quid itaque Ingeniis nostris agendum est in ista parte Ecclesiasticae doctrinae? Primo, honestum atque utile fuerit investigare, unde veniant Ritus & Leges, quae Disciplinam respiciunt. Si sacrarum Litterarum, aut Traditionis, aut Ecclesiae, aut Praefulum legitimorum auctoritate nequaquam innitantur, ea repudiare licet. Secundo, privatis hominibus nefas est, ea abdicare, aut immutare, aut vituperare, quae communi Episcoporum consensu stabilita fuerint. Pessum enim iret ordo in Christiana Republica a Christo, ab Apostolis, a Majoribus sanctissime constitutus, & usurparentur ab ovibus non sine gravi scelere jura Pastorum. Tertio, tunc etiam Disciplinae praeceptis & ritibus legitime introductis obedientiam negare licebit, quum aut consuetudo Pastoribus tacite probata, aut novae leges eisdem abrogarint. Quarto, multae sunt Disciplinae leges, multique ritus, quos illa ratio, & antiquitas, & origo ab Apostolis usque arcessita commendat, is Patrum, totiusque Ecclesiae consensus tuetur, ut vix ulla suboriri possit legitima causa, cur immutandi sint aut antiquandi. Et quanam, rogo, honesta unquam causa excogitari potest, propter quam tot vetustissimos ritus ad Eucharistiam, aliaque Mysteria conficienda institutos, aut Hierarchiae Ecclesiasticae partem a Majoribus nostris sapientissime definitam abolere conducatur, aut quaelibet Monasticae vitae genera atque instituta funditus exterminare? Fecerunt id quidem posteriorum temporum Novatores, sed post conculcata Dogmata, post attritam, quantum sibi placuit, Ecclesiae verae faciem atque auctoritatem. Ceterum, dum ster Ecclesia Catholica (aeternum autem stabit) in his aliisque Disciplinae capitibus poterunt quidem esse abusus, quos evellere juvabit; non erit causa, cur res ipsae penitus & ubique sint evertendae. Quod si causa cessabit, quae Ecclesiae antiquae, ipsisque etiam Apostolis occasionem praebeuit, ut ritum quempiam instituerent, & mores alios interdicerent: recentiori Ecclesiae licebit diversa statuere, & priora abrogare. Certe sibi religioni Ecclesia minime duxit, sanguis-

sanguinis & suffocati usum concedere, quem tamen Apostoli prohibuerant, locis & temporibus servientes; neque enim nos recentiorum Graecorum rigidam adhuc in hujusmodi ritu praxim moramur. Alia omitto exempla. Nimirum ad ipsam Ecclesiam jus spectat agnoscendi, ac decernendi, utrum ad tempus an perpetua sit Apostolica institutio.

Ceterum alia caussa est, cur omnium maxime ingeniis nostris obversari semper debeat ea differentia, quae inter Fidei Dogmata, & Disciplinae documenta intercedit. Etenim in Disciplina aliter una Ecclesia, aliter altera sentire, atque agere interdum poterit, & contrariis etiam legibus regi; neque tamen culpanda ista varietas, immo interdum laudanda erit, & certe non excindendus propterea nexus Christianae pacis atque unionis. Contra in Dogmate necesse est, singulas Ecclesias, omnesque Christianos idem sentire. Nemini heic licet, pacis & Caritatis intuitu cum eo communionem sacrorum, unionemque habere, qui ab Ecclesiae Catholicae sententia discedat, usque adeo ut supremos Ecclesiae Magistratus infimi possint ac debeant propter eam causam damnare, atque deferere. *Non possunt enim*, inquit sanctus Ambrosius, *esse inter eos iura pacis, inter quos est bellum Fidei*. Et sane unica, non multiplex, esse debet Religio vera. *Unus Dominus*, inquit Apostolus ad Ephes. IV. 3. *una fides, unum Baptisma, unus Deus & Pater omnium*. Deformis nempe ac ridenda foret Religionis Christianae facies, ubi sentire in substantialibus, quae vellemus, & Revelationem divinam oppositis pugnantibusque opinionibus exponere singulis liceret. Uni duntaxat sententiae favere Veritas potest. Necesse est oppositae sint falsae. At si coeant simul, pacemque observent tum Catholicorum, tum innumerabilium Haereticorum Scholae: quis non videat, jam de Veritate actum esse, quae in tanta errorum colluvie ipsam Veritatem simulantium non solum facile vitietur, sed nunquam certo deprehendatur? Et quare Apostolus ad Tit. III. 10. *Haereticum hominem post unam & secundam correptionem devitandum esse jubet*? Cur II. ad Tim. II. 17. fugiendos sermones ait *Hymenaei & Phileti, qui a veritate exciderunt, dicentes resurrectionem esse jam factam, & subverterunt quorundam fidem*? Cur in I. ad Cor. 1. tam enixe obsecrat, *per nomen Domini Nostri Jesu Christi, ut idipsum dicamus omnes, & non sint in nobis schismata*? Hinc Apostoli ipsi, eorumque successores Episcopi, nullam unquam animadverterunt emergentem Opinionem novam, divinis Scripturis, & Traditioni Christi a-

perta

per te repugnantem, cui sese acriter non opposuerint, quam non proscripserint, diris non devoverint, ejus Auctore damnato, & ab Ecclesia abscisso, nisi ab errore resipisceret. Alia paene innumera incommoda ex hujusmodi Syncretismo consequerentur; eaque adeo mentem perculere semper vel ipsorum Protestantium, ut quanquam nihil vehementius ab iis optaretur, quam componere sua dissidia, & aliquid inire inter se foedus, quo fortius Ecclesiae verae obsisterent: Lutheri tamen sequaces induci nunquam potuerint, ut a Calvinianis non semel oblaram pacem & concordiam, discordibus adhuc sententiis, amplecterentur.

Contra diversitas, & varietas in Disciplina interdum laudanda, interdum toleranda est. In Mysteriis peragendis, in externis operibus pietatis, quod uni Ecclesiae, uni Regioni, ac Provinciae, sint quidam ritus, alteri vero alii, dummodo sanctitas, & gravitas, & prudentia in utriusque partis Ritibus legatur, tantum abest ut deformitatem in Religione pariat, ut potius ejus pulchritudinem spectabiliorem efficiat. Neque diversis modis se coli a gente sua indignatur Deus, quando interna Caritas ardens, & pura Fides, & Dogmatum concordia externi cultus honestati respondeat, atque is cultus Revelationi ac Traditioni minime repugnet. Hinc olim Orientis Ecclesiae ab Occidentalibus, & Occidentales ipsae inter se differabant, & etiamnum differunt in Ritibus, quibus conficitur incruentum Sacrificium, in ministrandis reliquis Sacramentis, in indicendis aut Jejunii temporibus, aut Poenitentiae gradibus, aut diebus Festis, atque in aliis sacrorum caeremoniis. Elegantissima est in hanc rem Augustini Epistola 86. num. 36. contra Urbicum quemdam, quem male habebat, quod Jejunium Sabbati Romae observatum aliae pleeraeque Ecclesiae minime amplecterentur. Deinde quanquam aliqua Disciplinae praecepta eximia quapiam ratione vel auctoritate olim niterentur, aut in Provincialibus, immo in ipsis Generalibus Conciliis firmata fuissent, omniumque Ecclesiarum, aut saltem plerarumque consensu recepta, attamen saepe Caritatis & unitatis amore, tolerata est eorum Canonum inobservantia. Siquidem una ex praecipuis Catholicae Ecclesiae legibus ea est, ut quam maxime fieri potest, retineatur animorum pax, & Ecclesiarum concordia; licitumque esse, eandem procurare, aut retinere, quandiu ab ipsa quaerenda nos non avertant, aut ad ipsam infringendam nos non impellant virulenti errores, Fidei Doctrinae oppositi. Et sane omnis fere Disciplinae Ecclesiasticae suppellex, si demas revelata, ac praescripta a Christo,

Christo, e legibus & rebus constat ex sui natura haud quamquam necessariis. Praeterea humanae infirmitati saepe indulgendum; non raro etiam suboriuntur rationes, quae diversam Disciplinam poscunt, aut severitatem legum saltem silere, ut ita dicam, jubent; & quando nulla alia succurrat, certe necessitas avertendi, aut sanandi Schismatis, vitandique gravis alius in Ecclesia incommodi, opportuna & potentissima causa semper visa est Disciplinae mitigandae, aut etiam solvendae. Qua in re etsi crimine plerumque non careant, qui conculcatis legibus iustissima de causa constitutis, eo Ecclesiam adigunt, ut de suo jure cedat; ipsa tamen Ecclesia cedens, non solum omni culpa semper careat, sed prudentiae quoque laude persaepe abundet.

Altero Ecclesiae saeculo Asiae minoris Episcopi suam de tempore celebrandi Paschatis disciplinam, uti a Joanne Apostolo acceptam, obfirmatis animis propugnabant. In diversa sententia erant reliqui Episcopi, & Romanus potissimum; suamque & isti tuebantur Disciplinam, Traditione ab Apostolorum Principibus deducta. Eam ob causam minime scindendam pacem Sanctus Irenaeus, aliaeque Ecclesiae censuerunt, non repugnantibus ipsis demum summis Pontificibus, quanquam Victor severius aliquando agendum existimasset. Duos in una Sede Episcopos contra Disciplinae leges interdum etiam Ecclesia permisit; & celebris est Catholicorum Praefulum Caritas in Africa, qui ut Donatistarum pertinaciam evincerent, ejusmodi conditionem obtulere, ratamque habuere. Idem pacis amor, aliaeque rationes ad prudentiae normam exactae, in causa fuere, cur Primum Constantinopolitanum Episcopi post Romanum Ecclesia toleraret, & novi Episcopatus instituerentur, & ab una Ecclesia Episcopi ad alteram transferrentur, etiamsi Disciplina secus exigeret. Ex iisdem fontibus ea ratio fluit, quare nonnullis Ecclesiis liberum fuerit, atque etiamnum sit, nolle interdum amplecti novos quosdam Canones ad Disciplinam pertinentes, licet in ipsis Conciliis Generalibus promulgatos. Dum in Dogmate consensus habeatur, concordia in reliquis rebus expetenda quidem, sed interdum non extorquenda. Idem videre est in nonnullis Disciplinae decretis a Florentino Concilio, & postremo Lateranensi confectis, quibus Galli obsequium adhuc negant. Immo ipsamet Tridentina Synodus non ita omnibus probavit aliquot suas de Disciplina sanctiones, ut Ecclesiae Gallica & Belgica ad eas recipiendas hucusque perductae fuerint. Interim quae in moribus, ritibus legibusque Disciplinae varietas, atque etiam discordia, inter hasce Ecclesias versatur, concordiam non tollit aut minuit in

praecipuo Fidei negotio. Nulla, inquam, est Ecclesia, cui cum Romano Pontifice & Ecclesia Catholica sit Sacramentorum communio, cui quoque non sit in Dogmate consensus. Atque hoc est, quod in citata Epistola 36. olim 86. ad Casulanum commendabat Augustinus. *Sit una fides, aiebat ille, universae, quae ubique dilasatur, Ecclesiae tanquam intus in membris, etiamsi ipsa Fidei unitas quibusdam diversis observationibus celebretur, quibus nullo modo quod in Fide verum est impeditur.*

Ex his autem, quae haecenus differuimus, habemus quid respondeamus declamatori cuidam Calviniano, irridenti Catholicorum ingenium, quod tot acumnas olim ac mortes sub Imperatoribus Iconoclastis perpeti maluerint, quam abjurare sacrarum Imaginum cultum. Nemp̃ is animadverterat, non diffiteri Catholicos, quin Imagines ex iis sint rebus, quae in Ecclesia Dei cum indifferentes nuncupari, tum etiam removeri, salva Religione, possunt. Itaque rationem, aut saltem prudentiam desideravit ille in tanto Catholicorum numero, quibus pro Imaginum tutela perire contigit; nam & unionis amor, & obsequium Principibus debitum, a tot turbis concitandis, a tot tormentis devorandis abstinendum esse clamabant in re, quam repudiare nullum crimen Catholicis futurum fuisset, & omnem irae aut etiam crudelitatis causam ab Imperatoribus potuisset auferre. Sed qui ista objicit, cum Dogmate Disciplinam confundit. Licitum esse venerari Imagines sacras, simulque earum cultum si ad normam Christianae Doctrinae exerceatur, ab Idolorum adoratione distare nimis: Dogma est, Ratione & Traditione confirmatum. Habere autem, aut non habere easdem Imagines, easque collocare in Templis, a Disciplina pendet. At Iconomachi non id solum contendebant, ut e Templis deturbarentur Imagines, earumque usus omnino aboleretur: quod tolerare profecto propter bonum pacis Disciplina poterat; sed in ipsum Dogma Iconoclastica rabies ferebatur. Imaginum usum, omnemque earum cultum superstitiosum, impium, Deoque invisum ducebant: quo ex errore subinde manavit illud in ipsas Imagines atque earum cultores furiosissimum bellum. Non igitur mentis inopes ea tempestate fuere Catholici, neque sine consilio & ratione profusus est sanguis. Nimirum pro Dogmate vita dabatur, ipsaque fortiter danda fuit, quando nulla alia suppetebat ratio, qua se incolumes, & Doctrinam Christianae Fidei sanctam testam servarent. Eadem causa reliquos Martyres fecit, eadem rursus factura est, quoties in discrimen adducitur Dogmatum

matum

matum persuasio, quorum uni renuntiasse, totam Fidem prodidisse est. Suos etiam Martyres habere interdum Disciplinae custodia potest, iisque Christi elogium conveniat: *Beati qui persecutionem patiuntur propter iustitiam*; sed hos iusta potius, quam necessaria causa, illos iusta aequae & necessaria ad perferendam mortem impellit.

Diximus, Ecclesiam tolerare potuisse, ut Imaginum usus describeretur, si de sola Disciplina controversia fuisset. Idque accurate animadvertendum est, quo possimus, quum necessitas postulat, & prudentia suadebit, animosius consulere dissidiis & scissuris Christianae plebis. Tantopere enim amanda est pax & unitas inter membra Ecclesiae, ut pro ea servanda, sive restituenda, fas sit ipsius Disciplinae leges interdum abrumpere, & Rituum quorundam abrogationem concedere. Quamobrem si nostrorum temporum Novatores in Dogmata Catholicae Ecclesiae consentire tandem velint, & ad Matrem redire, extra cuius sinum spes omnis aeternae salutis subblata est: nihil fortasse obstat quominus concordia statuatur. Multum illi spondere sibi debent indulgentiam ab Ecclesia Catholica in iis, quae ad Disciplinam pertinent. Dummodo, inquam, in Doctrina consentiatur, & retineantur instituta quaedam Disciplinae a Christo ipso manantia: in reliquis, Ecclesia veniam faciente, prout suae prudentiae & caritati opportunum & necessarium videbitur, tolerabitur Disciplinae diversitas. *Regula quidem Fidei*, inquit Tertullianus in Lib. de velandis Virginibus, *una omnino est, sola immobilis, & irreformabilis, &c.* Hac lege Fidei manente, cetera jam Disciplinae, & conversationis admittunt novitatem correctionis, operante scilicet, & proficiente usque in finem gratia Dei. Quam in rem vide & Epistolam I. Leonis IX. Romani Pontificis. Et certe simul ac in Catholicorum sententiam concessere Graeci recentiores, redintegrata fuit in Florentino Concilio pristina Occidentalis & Orientalis Ecclesiae unio, neque Graecis Sacerdotibus (ut alia omitam) negata est retinendae uxoris facultas, neque interdicta iis populis communio Eucharistiae sub utraque specie. Quid etiam non egit Basileensis Synodus, ut Bohemici schismatis pertinaciam vinceret? Bohemi enix poscebant divini Calicis usum. Luce digna sunt, & lucem per me aliquando videbunt (a), quae Aeneas Silvius in Oratione publice

R 2

habita

(a) Mihi pro certo persuadeo, digitum intendere haec Auctorem nostrum ad Aeneas Sylvii Orationem De Compacitate Bohemorum, ab eo coram Callisto Papa III. habitam, quam anno 1712. edidit Tom. III. Anecd. Lat. pag. 309. Licet enim Opus De Ingentium Moderatione anno insequenti 1714. Parisiis primum in lucem prodierit, adeoque

habita differuit, hoc argumentum pertractans. Et voti quidem compotes facti fuere Bohemi, quanquam ne sic quidem eorum vulneribus induc[t]a cicatrix. Similia quoque praestitutum fuisse Tridentinum Concilium, jure conjicimus, sed ea conditione adhibita, quam Basileense proposuerat, ut nempe Sacerdotes ita communicantibus inculcarent: *Debere eos firmiter credere, quod non sub specie panis Caro tantum, nec sub specie vini Sanguis tantum, sed sub qualibet specie est integer Christus totus.* Quae cautio adhibenda in aliis ejusmodi casibus.

Mirum etiam in modum nosse conducit, quid inter Dogma Disciplinaeque intersit, ne fratres gravioribus interdum notis aut poenis oneremus, quam aequitas & disciplina ipsa ferat. Haereticis culpa in eos rite cadit, qui pertinaciter negant affirmantve Dogma aliquod contra sibi notam Ecclesiae Catholicae mentem. Disciplinae vero leges violare, & sacros pioque Ritus ab Ecclesia receptos contemnere, grave saepe flagitium, nunquam tamen Haereseos crimen proprie appelleretur. Certe non video, quei Haereticus esse, dicere possit, nisi qui divinae Revelationi per Scripturas aut legitimam Traditionem propositae adversetur intellectu animoque refractario. Verum pleraque inventa, leges, & ritus Disciplinae Ecclesiasticae nequaquam proficiuntur a Revelatione divina. Fieri etiam potest, ut ipsamet Disciplina pars, quae a Christo non solum descendit, sed & ab ipso praecipitur, & potissimum consistit in Sacramentorum institutione & usu, violetur, intacta nihilo secius Dogmatum fide, uti accidat, si quis ipsis Sacramentis abutatur, quae tamen a Christo vere instituta & sancta credat. Quemadmodum enim a Christiana Fide non excidit alterum occidens, aut libidini, aut intemperantiae serviens, quum & ipse intelligat, sibi non licere, quae tamen perpetrare voluit: ita & peccare quispiam potest in ipsamet instituta Christi,

que forte quis objiciat, esse inverisimile, Cl. Muratorium anno 1714. se editurum promittere quae jam anno antecedenti ediderat: qui sic tamen arguit, pensitet, quaeſo, ipsiusmet Auctoris verba, quibus Praefationem ad hocce Opus incoat: *Ante aliquot annos, inquit, ad umbilicum mihi perductus est meus iste de Ingeniorum Moderatione Liber.* Quae quum ita se habeant, ea igitur quae hoc loci scribit Muratorius de Aeneae Sylvi nonnullis Opusculis edendis, scripsisse profecto ante annum 1713. quo laudatam Orationem publici juris fecit, dicendus est. Jamque ab anno 1698. illius editionem curandam in se receperat, ut videre est in Tomo II. *Anecd. Lat.* pag. 186. ubi alia plura ejusdem Sylvi se aliquando in lucem editurum sper fecerat. Ceterum miror Joanni-Alberto Fabricio, alioqui diligentissimo, Sylvianae hujus Orationis mentionem prius excidisse in *Biblioth. med. inf. Lat.* Tom. I. pag. 71. quum tamen nonnulla ipsius Auctoris opuscula in *Anecd. Lat.* Tom. II. a Muratorio vel edita, vel memorata recensuerit, aliorumque iterum nuncmerit in laudatae suae Bibliothecae Tom. V. pag. 382.

Christi, & nihilominus retinere Catholici Dogmatis fidem. Quod igitur e violata Ecclesiastica Disciplina consequi jure potest, illud est, ut interdum reus suspicionem quoque moveat Dogmatis violati, atque Haereticæ opinionis; eique suspicioni tale quandoque pondus erit, ut aegre purgari possit. Nam qui sacras Imagines non infans, neque ebrius, contumeliis & flagris afficiat; Eucharistiæ Sacramento in publicum prodeunti adorationis signa neget; nunquam Sacrificio intersit, quum possit, aut nunquam ad ipsum Sacramentum communicaturus accedat, atque alia hujusmodi faciat: in eam facile opinionem nos rapit, ut videatur alicui ex istis Dogmatis, & auctoritati Ecclesiæ non adjungere fidem. Propterea ab Ordinariis, aut in locis, ubi viget Inquisitionis tribunal, a publicis fidei Quæsitorebus dies non injuria dicitur ejusmodi hominibus, interrogandi causa, quid de Fide sentiant; & ut Ecclesiæ, quæ merito magis virulentum vulnus suspicata est, satisfiat.

Posceret locus, ut insuper explicarem, quomodo & quales Disciplinae leges Christianum populum ligent. Aliæ enim, sed perquam paucae, quibuscumque Fidelibus legitime non impeditis, aliæ tantummodo amplexis ex arbitratu suo quoddam peculiare vitæ genus, aut opus aliquod suscepturis, sub poena peccati præcipiuntur. Aliæ vero solum commendantur aut singulis, aut certis quibusdam Christianis, neque imperantur, quippe quæ e consilio Majorum, non ex præcepto, descendunt. Per quasdam a vitiis & peccatis arcemur; per alias ad virtutem, & ad perfectius vitæ institutum, & pietatis exercitationem sollicitamur. Sunt & quæ a singulis Episcopis constitui possunt, aut proscribi, sive immutari. Rursus aliæ, quarum sanctio ad majores Ecclesias, aut ad Generalia Concilia, aut ad Romanam Sedem duntaxat pertinent. Ad hæc differendum foret, qui & quando populorum & Episcoporum consensus exigatur, ut vim habeat, gentemque obliget lex aliqua ad Disciplinam spectans, ut ab uno Episcopo, aut a Concilio quopiam, aut a Romano Pontifice promulgata; & quando liceat, aut non liceat istum negare consensum. Ea enim, ut vidimus, semper Apostolicæ Sedi, Conciliisve ipsis Generalibus mens est, ut Schismata ac turbæ, quantum fieri potest, declinentur. Et nova Disciplinae decreta obligare nequam solent Ecclesias, non sine ratione ab iis recipiendis alienas, aut Provincias aliis legibus & moribus jam pridem additas, & novarum legum impatientes. Neque Regum, Principumque jura, Regnorumque consuetudines, modo Legi divinæ, & Religioni minime

con-

contrariae sint, abrogare velle Episcopi censendi sunt. Atque heic praesertim habenda ratio illius partis Disciplinae, quae homines removeret a vitiis, scandala avertit, aliaque opera in animorum ac Religionis perniciem tendentia verat. Hujusmodi statuta vel a nolentibus Ecclesiis & populis obsequium exigunt, quando ab idoneis Auctoribus; Principibusque Ecclesiae indicuntur; si quidem nulla plerumque legitima causa adferri potest, quare ab omnibus amplectenda non sint. Illa autem pars Disciplinae, quae servatur in politicis legibus & prospicit rerum temporalium regimini ac distributioni, saepe ut valeat, consensu indiget Principum, Populorum, aliorumque Episcoporum. Sed si complecti singula atque enucleare institutam, longius quam velim excurrat oratio. Quare juvabit ultimo loco ea duntaxat referre, quae Pherreponus non tam contra Augustinum, quam contra Catholicam Ecclesiam in hujusmodi argumento habet, communia tamen & reliquis nostrorum temporum Novatoribus.

Dixerat Augustinus in Ep. 36. olim 86. ad Casulanum, de Junio Sabbati agens: *in his rebus, de quibus nihil certi statuit Scriptura divina, mos populi Dei, vel instituta majorum pro lege tenenda sunt.* Et haec sane Patrum & Catholicorum omnium sententia fuit a veritissimis temporibus ad nostram usque aetatem. Sed Pherreponus ita commentatur: *Recte: si modo Leges illae non imponantur, quasi necessariae ad salutem; quod si fiat, merito oppugnantur, quia solius est Christi jus claudendi caeli, ita ut nemo aperiat; & aperiendi, ita ut nemo claudat. Cujus legibus si aliae quasi necessariae addantur, tum novum Evangelium constatur, quod ab omnibus discipulis suis rejici & Christus & Apostoli voluerunt.* Laudantur heic a Pherrepono, ut statim patet, verba Apocal. Cap. III. 7. *Haec dicis sanctus & verus, qui habet clavem David, qui aperit, & nemo claudit; & claudit, & nemo aperit.* Alludere etiam potest ad Isaiae XXII. & ad Job. XII. Quae quidem Scripturae verba nihil ob stare auctoritati Catholicae Ecclesiae, intellexisset ipse Pherreponus, si ea recte exposuisset, & cum aliis contulisset Scripturae sacrae documentis. Certe apud nos nihil magis ratum est, atque testatum, quam solius Christi merito caelum electis patere, eisque claudi, qui meritum Christi sua culpa nequaquam participes sunt. Non enim, ut ait Petrus Act. IV. 12. *est in alio aliquo salus; nec enim aliud nomen est sub caelo datum hominibus, in quo oporteat nos salvos fieri.* Et ipsi Christo data est omnis potestas in Caelo & in Terra, ita ut nemo praedestinetur in adoptionem filiorum Dei, nisi per Je-
sum

sum Christum (quemadmodum testatur idem Apostolus), & nemo nisi per ejus gratiam salvus fiat. Quod si de potestate legum inter homines ferendarum agitur, quibus qui obtemperet, aeterno Regno sit dignus; qui secus, inde excludatur: ne unus quidem inficiatur, quia absoluta quoque potestas constituendi, quidquid sibi liberit, & summa in Ecclesiam, Caelorumque Regnum, auctoritas mediatori Dei & hominum Christo collata fuerit, Capiti aeterno Ecclesiae, & Legislatori supremo.

Verum non ita in se Christus conclusit auctoritatem hujusmodi atque potestatem, ut nulli alii communicaverit, ut integram solus (quae sententia Phereponi est) sibi ipse reservavit. Petro, & Ecclesiae, & Apostolis ceteris, eorumque successoribus Episcopis, suae potestatis atque auctoritatis partem Christus commisit: quod qui ignorat, aut Christianus non est, aut nunquam legit divinae Scripturae Libros. *Quodcumque ligaveris super terram, eris ligatum & in caelis; & quodcumque solveris super terram, eris solutum & in caelis:* ita Christus ad Petrum agebat, Matth. XVI. 19. Et ne quis unquam ea ratione leges & imperium Petri effugeret, quod soli Christo sint Caeli claves, ipse divinus Praeceptor prius dixerat: *Et tibi dabo claves Regni Caelorum.* Ampla quoque auctoritas Apostolis reliquis confertur, Matth. XVIII. 18. ut alia loca praetermittam. Quibus ex rebus videat Phereponus, quam idoneo argumento contra Leges Catholicae Ecclesiae ab Augustino laudatas ipse pugnet. Et sane concideret tota Disciplinae ratio, totumque Regimen Ecclesiasticum, si quibuscumque Ecclesiae praeceptis negare obedientiam liceret, iisque tantummodo parendum foret, quae a Christi unius ore descendisse constaret. Deinde si non est in Ecclesiae, sacerdotumque Pastorum manu claudere Caelum, cur Apostolus ad Hebr. XIII. tantopere commendat, ut obediamus Praepositis nostris, & subjaceamus illis, *ipsi enim pervigilant tanquam pro animabus nostris rationem reddituri?* Ergo in divinam indignationem incurrant necesse est, qui Ecclesiasticis Legibus obedire detrectant, sibi quae caeli fores occludunt, quippe Christo ipsi adversantes, dum Ministris ab ipso constitutis, & imperandi potestate ab ipso donatis nequaquam obtemperant.

Neque vero injustitiam in legibus a tota Ecclesia probatis excogitare possumus, quum nihil Legi divinae ac naturali repugnans facere ab Episcopis jubeamur. Nunquid enim Ecclesia & Episcopi, Pharisaeorum more, *alligant onera gravia & importabilia, & im-*

nunt in humeros hominum, digito aulem suo nolunt ea movere? Et hoc quidem falsissimum est; Ecclesiastica quippe praecepta, omnibus imposita (qualia fere sunt, quae respiciunt Jejuniorum, Festorum, & confitendi peccata, & Eucharistiae suscipiendae tempus) pauca numero sunt, & pondere levia; & quum iustae subsunt causae, ad opus non obligant. Cetera vero praecepta quibusdam tantummodo operibus, & vitae institutis illigata sunt, a quibus quum abstinere nobis liceat, ab eorum etiam oneribus cavere liberum cuicumque est. Igitur haec pauca etiam & levia praecepta omnibus imposita, ea solum ratione suspicari possumus injusta, quia naturalem hominum libertatem in agendo imminuunt, & jure aeternae gloriae inobedientes privant. Verum inepte hoc dicatur, simul ac pateat, hac libertate naturali spoliari nos justissime potuisse ac posse a Christo, & ab iis, qui auctoritatem potestatemque sibi a Christo creditam exercent; si tamen spoliari libertate ille dici potest, qui libertate ipsa jubetur uti ad fugiendam gehennam, & ad comparandam sibi per opera salutaria aeternam in Caelis vitam. Non enim ita liberi sumus, ut desinamus esse servi justitiae, (quemadmodum ait Apostolus ad Rom. vi.) & subiecti Legibus, ac Pastoribus nostris. Neque porro jus ullum ad gloriam esse potest homini, qui obsequi neget Christi Ministris, non injusta, non gravia, ejusdem nomine ac auctoritate praecipientibus, prout poscit necessitas ac utilitas gregis, quum ut mala opera avertantur, tum ut bona peragantur.

Possunt, fateor, iniquae leges & ab ipsis prodire Pastoribus. Suos quippe habet limites eorum Auctoritas; neque importabilia onera sunt imponenda, neque sine utilitate, aut necessitate gregis, aut sine Traditionis & Majorum exemplo, aut interdum sine aliarum Ecclesiarum consensu, novae Disciplinae leges omnibus indicendae sunt, neque gravis peccari poena non observantibus injungenda. At dubitare de justitia Legum Ecclesiasticarum tum certe nullo pacto sinimur, quum per ipsas aliquid facere aut non facere peculiariter jubemur, quod generalibus legibus a Deo constitutis prius praescriptum fuit. In suis nempe edictis nihil aliud Ecclesia tunc praestat, quam certum constituere tempus, quo facienda sint quae generali edicto aut Deus, aut recta Ratio antea facienda constituerant. Jejunia, Poenitentiam, dies festos, aliaeque ejusmodi in utroque Testamento, Eucharistiae perceptionem, aliaeque in novo commendari & praecipere legimus. Hinc Apostoli, & Ecclesia tempus decrevere, quo peragenda haec forent, institutis sacris Deo diebus, indicta Quadragesima,

gesima, aliisque jejuniorum temporibus, & compulsis per edicta sua legibus & oblitis sui hominibus ad Eucharistiam percipiendam, & ad purgandos animos per Confessionem criminum. Hunc autem usum Ecclesiasticae auctoritatis, atque haec omnia per ipsam Ecclesiam constituta consensus universae Antiquitatis, ac Traditio legitima, divinae mentis Interpres, & omnium Patrum chorus, & Ecclesiae omnes concordi studio probant, atque amplectuntur. Quid est ergo, quod nostris temporibus nonnulli declamare audeant in quaedam Ecclesiasticae Disciplinae praecepta? Quasi Christus conceptis verbis edixisset, ne Pastoribus a se datis pareremus, nisi quum ea mere praecipiant, quae in Evangelio expressa jam habentur, & quasi ejus lex foret, Ecclesiae legibus, vel quum utilia aut necessaria ad animarum salutem praecipiantur, non esse morem gerendum; & quasi Apostoli, & Apostolorum auditores, & proximi successores, nihil faciendum aut non faciendum scripissent, & porro nihil ipsi faciendum decrevissent, nisi quod aperte ac nominatim a Christo constitutum antea fuerit. Qui tam temere de juribus & regimine Ecclesiae judicant, necesse est, ut tria etiam priora Ecclesiae saecula Evangelio Antichristiano usa fuisse, & a Fide vera defecisse pronuntient, quum leges fere omnes, quas adhuc observandas sub poena peccati contendimus, aliasque etiam modo obsoletas, tunc in usu fuisse, & magna cum religione observatas legamus. Quod si Pheroponus moderationem tantum exposcit in hujusmodi legibus indicendis, Catholicos quoque (quod supra innuebam) concordēs habeat; quippe, ut cum Thoma Aquinate loquar, 1. 2. Qu. 107. Art. 4. in hisce legibus etiam Augustinus Epist. 119. cap. 19. ait esse *Moderationem attendendam, ne conversatio Fidelium onerosa reddatur*; dicit enim ad inquisitiones Januarii de quibusdam: *Religionem nostram &c. servilibus premunt oneribus adeo, ut tolerabilior sit conditio Judaeorum, qui legalibus sarcinis, non humanis praesumptionibus, subjiuntur.*



CAPUT DECIMUMSEXTUM.

De Historia Religionis agitur. Ejus duplex genus, Historia Divina, & Historia Ecclesiastica. Illa divinam Fidem a Christianis exigit. Quid juris illic sit hominum Ingenio. Ecclesiasticae Historiae documentis non debetur supranaturalis Fides. Rationes istius sententiae. Ecclesia non immunis a periculo errandi in judicandis Personis, Auctoribus Librorum decernendis, in Sanctorum gestis narrandis, & in aliis id genus factis.



DOGMA ac Disciplina, quorum jura quanta potui brevitate expedivi, ad res Historicas me confero. Non modicam partem ex his Religio ipsa sibi adoptat; nam neque ipsa Dogmata, ipsamque Disciplinam, ut ita loquar, aliunde scimus, quam ex Historia, quae scilicet nobis narrat, quaecumque Deus revelavit, quaeve Sacramenta atque Mytheria Christus instituit. Tum ipsa complectitur res gestas & Vitam Christi, ejusque Discipulorum acta, ingentemque illam rerum hominumque seriem, quibus a sui exordio ad nostram usque aetatem quum Judaica, tum Christiana Ecclesia abundarunt, quantum pertinet ad Religionem veram. De ceteris enim rebus gestis profanam Historiam constantibus nullus nunc nobis est sermo. Quid autem juris heic habeant Ingenia nostra, investigandum est.

Duplicem in classem Historia Religionis dividitur. Exhibet prima classis, quaecumque Christus per se, vel Spiritus Sanctus per ora Prophetarum & Apostolorum narravere, aut scribenda mandavere, facta ab ipso Deo, & a Filio ejus unigenito, & ab hujus Discipulis, & populo, veraci Religioni addicto. Atque ista appellari potest, Historia Divina, aut Historia Revelationis divinae. Altera classis versatur in referendis iis, quae post Christum & Apostolos in Ecclesia contingere ad nostram ulque aetatem, Concilia, Haereses, Patrum scripta, Episcoporum edicta, sanctorum Hominum gesta, atque innumera alia, Religionis faciem, usum, abusum, eventus, & regimen exprimentia, non tamen a Deo revelata, neque Spiritus sancti jussu & astitui litteris aut memoriae consignata. Historiam Ecclesiasticam peculiari appellatione istam nuncupare liceat.

Ad

Ad Historiam divinam quod attinet, diu fatigandum non est, ut intelligent ingenia nostra, quomodo erga ipsam gerere sese debeant. Ejusmodi facta parem cum Dogmatibus fidem & venerationem a nobis exigunt, quum non illa minus quam ista ad mortaliū genus erudiendum nuntiata fuerint a Deo, sive a Scriptoribus divinitus inspiratis, & ex Dei munere falli nesciis. Heic autem locum habet, non secus ac in Dogmatibus, Traditio Ecclesiastica, quae si legitime deducta sit ab antiquitate, ab universitate, & consensu Majorum, hoc est, si a Christi & Apostolorum ore emanasse cognoscatur, hisce factis eandem fidem conciliat, quam Apostolorum scripta conciliarunt. Unde enim, nisi ex Traditione, perceptum habemus, tot divinarum Scripturarum Libros esse Spiritu sancto jubente conscriptos, & germanos esse Prophetarum atque Apostolorum foetus? Deinde nihil manifestius est, quam Apostolos multa de se & de Christo in suis scriptis praetermisisse, quae tamen suis auditoribus voce identidem significare potuerunt. Quae ergo de iis rebus Apostoli, aut Auctores ab Apostolis probati, tradiderunt, divina auctoritate niti certum est, quum, ut illa docerent, Spiritum sanctum ipsis adfuturum, Christus ipse promiserit, & verbis divinis non minor vis insit, non minor veneratio debeat scriptis, quam ore tantummodo traditis. Collocandi sunt in eodem gradu Judaeorum Libri, quorum auctoritatem Christus & Apostoli confirmarunt.

Subsidat igitur necesse est Ingeniorum nostrorum ambitio, ubi sese nobis offerunt ejusmodi facta. De illis suspicari quidquam falsi ipsum Deum mendacii accusare fuerit. Attamen & heic est aliquid juris Ingeniis nostris. Duo nimirum, aut cum laude, aut sine culpa, heic in quaestionem vocari interdum possunt. Primum est, utrum quaedam in Scripturis sacris enarrentur, tanquam vere contigerint, an tanquam Parabolae, atque Allegoriae. Is enim etiam mos fuit sacris Auctoribus, atque ipsi hominum Magistro Jesu, ut aliquam veritatem sive Historicam, sive Moralem, sub allegorico velo, & sub Parabolis, poeticisque figuris ingeniosa gravitate referrent, quo illa documenta & dulcius haurirentur, & firmissime ab auditoribus retinerentur. Qua in re sese consuetudini & ingenio Orientalium Populorum accommodarunt, quibus majori, quam apud alios populos, in pretio fuere, immo sunt adhuc, talia eruditionis condimenta. Ita dubitare quis potest absque Dei revelantis injuria, (a) vixerintne

S 2

reipsa

(a) In prioribus editionibus: *Vixerintne reipsa Job, Lameus, &c.* at in postrema *Job* nomen Auctor expunxit. Et recte quidem: nam *certa fide tenendum est*, ut statim subderet,

reipſa Lazarus mendicus,) & Filius prodigus in divinis libris memorati; an potius eorum vita & acta ſint Parabolis ſacris tantummodo accenſenda. (Nam (a) quod eſt ad Job, certa fide tenendum eſt, ipſum verum, non imaginarium hominum fuiſſe.)

Alterum eſt, licere inquirere modum, quo aliqua in utroque Teſtamento acciderint, & facta fuerint; quod ſalva Hiſtoriae fide praeflari poteſt. Atque hinc magna quaestionum feſes Interpretibus ſacris enata, dum quiſque modum iſtum congruentiorem menti divinae Scripturae excogitat. Sed utrobique cavendum, ne longius quam par eſt, excurrat ingeniorum libido. Traditio conſulenda eſt, & ſanctorum Patrum terenda veſtigia, & communis Eccleſiae expoſitio ante oculos perpetuo habenda, ſicuti ſapentiſſime ſtatutum eſt in Tridentina Synodo, & Majores noſtri ab ipſis Eccleſiae primordiis commendavere. Ea de cauſſa male accepti ſunt, non quicumque novas in expoſitione divinarum Litterarum opiniones adferunt, aut litteralem ſenſum Allegorico praeferunt, ſed qui jam receptas in Eccleſia Dei interpretationes tanquam certas & unice veras, contrariis & enormibus ſententiis propoſitis improbare. An ab huiusmodi ſemita aberrarint, qui (b) Tobiae geſta in Dramata, ac in Allegorias amandarunt, quaeri poſſet. Certe non bene inter noſtros audire quondam Thomas de Vio Cardinalis Cajetanus, vir nihilominus aeterna laude dignus, & alii quidam, quod nimia libertate in Genefi explicanda uſi ſunt, & a veteribus paulo nimium diſceſſere. In his omnibus non ſcientia tantum, & eruditione, & ingenio opus eſt, ſed etiam prudentia. Prudentiae autem leges vix longo ſermone expediri queunt, aut ſaltem huic non debent, quum ad alia ſit feſtinandum.

Hiſtoria Eccleſiaſtica, quae alteram claſſem rerum ac factorum complectitur, quorum memoriam ab Apoſtolorum voce aut ſcriptis non accepimus, alio fidere, aliis legibus regitur. Et ne diu evagemur, illud continue ſtatuumdum eſt: *Nullum eſſe Factum, quod verum certumque divina & ſupranaturali, ut ajunt, Fide credendum ſit,*

det, Job verum, non imaginarium, hominem fuiſſe. Quod utique divinum teſtatur eloquium; tum Ezech. XIV. 14. Et ſi fuerint tres viri in medio ejus, (terrae) Noe, Daniel, & Job &c. tum Job. II. 12. 14. Hanc autem tentationem idcirco permittit Dominus evincere illi, ut poſſetis daretur exemplum poſtulantiae ejus, ſicut & Sancti Job..... Nam ſicut beato Job inſultabant reges &c. tum denique Jacobi V. 11. Suffrentiam Job auſiſtis &c.

(a) Addita haec verba in poſtrema editione. Rationem habes in Nota modo allata.

(b) Et haec iterum ab Authore vox Job deleta: hunc namque locum priores editiones ita aſſerebant: qui Job & Tobiae geſta &c.

sit, nisi quod a Christo revelatum fuerit, & Spiritu sancto iubente a Prophetis & Apostolis conscriptum, aut viva voce traditum posteris, & non fallaci sed Ecclesiae verae testimonio, uti tale nobis propositum. Hujusmodi sententiae veritatem partim ex iis, quae hactenus dicta sunt, partim ex aliis argumentis apertissime elicimus.

Sicuti sanctus Thomas, & reliqua Theologorum cohors affirmat, Articuli Fidei temporis successione, quod est ad substantiam, crescere non possunt, sed solum quod est ad explicationem. Nimirum quod olim Deus per Filium suum, Prophetas, & Apostolos revelavit, id unam Christianam Fidem constituit. Nihil addi, nihil inde detrahi potest. Explicare duntaxat sine erroris periculo, quae Deus revelavit, Ecclesiae licet, immo ad eam pertinet: quae certe explicatio non nova Dogmata invehit, sed vetera majori luce donat; aut a perversis & novitiis interpretationibus vindicat. Lectores diu detineam, si quae Apostolorum & Patrum loca certissimae huic sententiae fundamentum praebuerunt, recensere velim. Illud tantum dicam, communi omnium consensu tradi: Doctrinam Christi omnino perfectam, nullisque additamenti, aut imminutionis indigam; & nefas esse, quidquam pro Fidei Dogmate habere, quod non ab ipso Deo sive per sacras Scripturas, sive per Traditionem, quasi per manus ad nos usque transierit. Novas Revelationes expectandas aut suscipiendas non esse: & quamvis vel ab Apostolo, etiam Angelo quidquam novi, veluti revelatum nuper, & veluti Christianorum Dogma Fide supranaturali credendum, proponatur: sine haesitatione illud repudiandum esse. Novitatem inter signa erroris habendam, & ideo Haereticos dampnandos, quod nova Dogmata, novas Revelationes in antiquam Christi doctrinam intrudere velint. Quocirca qui sibi facultatem arrogant proponendi nova de Fide Christi Dogmata, exiguntque a Fidelibus illum assensum, qui certis Dei Revelationibus unice debetur: id sibi licere putant, quod Romani Pontifices, Concilia Generalia, & Apostoli ipsi nequaquam licere conceptis verbis fatentur. In hanc rem legendi prae caeteris Tertullianus & Vincentius Lirinensis, & Caelestini ac Leonis Romanorum Pontificum Epistolae, ut alios Pontifices Maximos, Concilia, ac Patres omitтам.

Quae quum ita sint, quis non intelligat, nulla haberi posse facta, praeterquam enarrata in sacris Scripturis, aut per legitimam Traditionem vulgata, quibus adhibenda sit supranaturalis Fides? Si, inquam, ista facta ad Christi Revelationem, aut ad Apostolorum Traditionem per germana antiquitatis monumenta referri nequeant, & post

& post aevum Apostolorum contigerint: certa quidem esse hominibus, & fide dignissima possunt, at nequaquam efflagitare a Christiano Populo divinam Fidem. Nam quei dicatur Christus ea revelasse, Apostoli ea tradidisse, quae nondum acciderant, & occulta penitus Ecclesiae fuere ad eum usque diem, quo in rerum universitatem emerfere? Praedicendo tantum poterat hujusmodi facta Christus revelare Apostolis. Sed ubinam istarum praedictionum vel unum vestigium in sacris Libris, in Traditione legitima?

Ab hisce propterea Factis non revelatis Dogmata Fidei revelata longe differunt. Scilicet Dogmata ex natura sua jam revelata a Deo fuerant, & jam dudum aut expressa, aut non admodum obscure significata Ecclesiae. Fortasse a multis ignorabatur, aut minime animadvertebatur, aut nequaquam credebatur ejusmodi Revelatio; at Revelatio nihilominus firma per se constabat, tametsi varie de ipsa homines nonnulli sentirent. Quando ergo Ecclesiae placuit de illa Revelatione certos facere Fideles, nihil illa novi, quo ad Doctrinam ipsam, proposuit, sed dumtaxat quo ad homines quosdam ea de re antea aut incertos, aut ignaros. Ita Spiritum sanctum a Patre Filioque procedere, Animas Sanctorum, statim ut e corpore exierint, Dei visione donari; omniumque animas, non ex traduce esse, sed singulas in singulis corporis creari, olim Deus revelavit. Diu a nonnullis de istorum Revelatione dubitatum ac disputatum est, & licuit disputare, quum nondum Ecclesia Veritatis custos ac interpres quaestionem omnem sua sententia sustulisset. Ecclesiae autem sententia id tantummodo statuit, quod certissime a divino Spiritu Prophetis & Apostolis revelatum jampridem fuisse sibi constabat, tum divinis Scripturis, tum Traditione consultis. Verum eo pertinere nemo dicat Facta, de quibus quum certum est, nihil ab Apostolis scripto aut viva voce traditum, tum certissimum est, ipsa post Christum & Apostolos accidisse. Aut novam heic excogitare, aut falsam obtrudere Revelationem Dei, necessum esset: quod & a Religionis verae, & ab Ecclesiae veracis natura atque instituto nimis abhorret. Non igitur ista tanquam antiquitus a Deo revelata, Ecclesia definire potest, non igitur supranaturali Fide credenda sunt certa.

Alterum argumentum nobis experientia suppeditabit. Omni periculo errandi Ecclesia caret, & nunquam re ipsa erravit, quum de Dogmatis aut Factis definiendis agitur, quae sibi divinitus revelata innouere. In iis autem Factis, quae Apostolorum aetatem subsequa

quata sunt, aut per Traditionem a Christo atque Apostolis nuntiata fuisse non constat, Ecclesia, & summi Pontifices falli possunt, & reipsa quandoque errarunt. Consequens ergo est, Ecclesiae & Successoribus Petri, non eam quoque a Christo adjunctam fuisse prerogativam, ut ejusmodi Facta decernere possent, non secus ac Fidei Dogmata, certissimo calculo. Quocirca solennis Apostolicae Sedis regula est, Patrum ac Theologorum consensu firmata, omnia, quae in Conciliis etiam Generalibus geruntur, exceptis Fidei causis, retractari posse. Et huc referenda sunt sancti Augustini verba Lib. 2. cap. 3. de Bapt. contra Donatistas a nobis superius expensa, quibus innuitur, ipsa Generalium Synodorum decreta saepe a sequentibus emendari, dum aut experientia, aut novis documentis aliquid innotescit, quod antea latuerat. Deinde licet hujus generis sententiae ac judicia mutationi obnoxia sint, atque emendationi: id tamen vitio, aut dedecori verti non posse Ecclesiae, sive Religioni, quum ea tantum firma ac immobilia fore Christus pollicitus fuerit, quae ad Doctrinam, & ad Facta a se, vel suo jussu, revelata spectant. Stetit hucusque in Ecclesia, & nunquam vacillabit hujusmodi Doctrina, & Factorum revelatio. Si in aliis a veritate declinabitur, erit hoc hominum infirmitati tribuendum, non Christo, qui sua promissa aeternum & fideliter implet.

Age ergo, nonnulla in hanc rem proferamus exempla, quum & plura, & illustria, & obvia sint passim. Primo in judicandis personis ita se Apostolica Sedes, & Concilia, & Catholici semper gessere, ut judicia sua non arbitrarentur, aut esse vellent paria auctoritati, atque immobilitati divini Verbi. Nam & ea ad incudem rursus revocari, atque emendari siverunt, & melioribus documentis allatis in diversas a prioribus abiire sententias. Paulus Samosatenus in primo Antiocheno Concilio absolutus, in altero damnatus est. Arius ipse & Ariani, post eorum damnationem a Nicaeno Concilio promulgatam, innocentes quodammodo declarati sunt, & in communionem restituti, id tolerante Ecclesia. Innocentiam Athanasii, & Marcelli Ancyran, Julius Romanus Pontifex, & Sardicense Concilium statuerant; eorum tamen causas iterum expendi, Patres, summiq; etiam Pontifices passi sunt. Marcellum reum esse atque haereticum illustres viri postea contenderunt, & in primis Basilii Magnus. Neque minus celebris fuit Caeciliani Carthaginienfis Episcopi causa. Lis eidem contra accusatores Donatistas adjudicata fuerat in Romano Concilio, praesidente Melchiade. Obtinuerunt victae partis
quæ-

querimoniae, & accusationes, ut in amplissimo Arelatenſi Concilio rursus audirentur, & quanquam pari ſucceſſu pro Caeciliano pronuntiatum & ibi fuerit, adhuc tamen non recuſarunt Affricani Patres, ut eadem cauſa denuo Carthagine pertractaretur, damnaturi vel poſt mortem Caecilianum, ſi crimina oppoſita vera deprehenderentur. Cur non memorem Zoſimi Romani Pontificis acta, qui a Pelagio Hæreſiarcha circumventus, in ipſius auxilium, & pro illius innocentia, ad Africanos Episcopos reſcripſit? Theodoretum, Ibam, Theodorum Moſpueſtenum, Gotheſcalchum, alioſque celebres viros in quibuſdam Conciliis damnatos, in aliis abſolutos legimus, ut jam patere poſſit, Concilia & Eccleſiam in huiusmodi Factis deſignandis neque impedire velle, neque exigere poſſe certiffimum a nobis Fidei divinae aſſenſum.

Secundo, immunia ab errore non ſunt Concilia, licet Oecumenica, in Auſtoribus Librorum dignoſcendis, ſive decernendis. Certe per multa ſaecula ne dubitatum quidem eſt, quin Dionyſio Areopagitæ Apoſtolorum aequali tribuendi eſſent Libri, qui ſub ejuſ nomine circumferuntur. Noſtra tamen ac patrum ætate uſus Critices reſtauratus, ſi non omnibus Litterarum profeſſoribus, ſaltem omnibus viris emunctæ naris perſuaſit, eos quidem Libros plurimi faciendos, ſed tantam antiquitatem non redolere, quanta hucusque vulgo tributa ipſis fuit. Illuſtiores etiam majorique in pretio apud Latinos fuere plurimæ Clementis, aliorumque Romanorum Pontificum ad Siricium uſque Epistolæ. Sed ita rudium ſaeculorum perſuaſio proxime præteritis temporibus proſtigata fuit, ut Iſidorus Mercator, ſive Peccator, nulli amplius imponat, & nemo ſit cordatus, cui ſcripta illa ſuppoſititia non videantur. Idem dicendum de quamplurimis aliis Libris, aut ſuppoſitis, aut incaute tributis Ignatio, Athanaſio, Auguſtino, Hieronymo, aliisque Patribus; & tamen huiusmodi Libros non Provincialia tantum, ſed ipſa quoque Oecumenica Concilia, & Septimum præſertim habitum Niceæ, Pontifices Maximi, & innumeri Scriptores tanquam legitima eorum Patrum monumenta olim adhibuere.

Tertio, in Sanctorum hominum geſtis, Reliquiis, atque Miraculis recenſendis, ſive proponendis, plus quam humanam fidem Catholica Eccleſia expoſcere non poteſt. Quæ enim monſtra, quæſo, non irrepere in veterum Hiſtorias? Quæ conſiſta non fuere aut ab improbis, aut a piis impoſitoribus, ut ſanctis Martyribus, Confeſſoribus, aliisque Religionis Chriſtianæ illuſtribus Athletis con-

venera-

veneratio & fama apud posteros quaereretur? Inauditi etiam antea Caelites Ecclesiasticis Diptychis inscripti fuere. Simeonis Metaphrastis spissum opus legere juvat, fabulis uberrime refertum. Neque iis carent Gregorii Turonensis, Gregorii Magni, Vincentii Bellovacensis, Antonini, aliorumque Hagiographorum volumina. Nam quo magis ignorantia & litterarum oblivio obtinere inter Christianos coepit, aut eo securior facta est impostorum audacia, aut minus cauta aliorum credulitas. A quorum erroribus, quum satis sibi non caverrint piissimi alioquin & celebres viri, factum est, ut in ipsa Temple, in ipsas ad populum conciones, in precum Libros, in Romanorum Pontificum Epistolas, penetrarint nonnunquam huiusmodi commenta. Et quidem a doctis viris, & a Baronio praecipue, multum operae collocatum est in purgandis Historiis, Martyrologiis, & Breviariis ab ista foece. Sed quae in immensum excreverat, nondum prorsus expugnari se passa est, & modo temeritas ablit, modestusque Critices usus in consilium advocetur, nostris futurisque ingeniis erit heic in quo se utiliter adhuc exercent.

Denique in ceteris capitibus Historiae Ecclesiasticae a Spiritu Sancto non revelatae, se ab erroris periculo divinitus immunem Ecclesia Catholica nondum censuit. Diutissime illa opinio inter Christianos invaluit, non sine divino prodigio a LXX. Interpretibus sacras Scripturas in Graecam Linguam fuisse conversas. Unus subinde Hieronymus omnium fere antiquorum Patrum hac de re sententiam ita infirmavit, ut ab illa jam plerique prorsus discesserint, aut saltem de huiusmodi facto dubitandum consentiant. Ad haec celeberrima olim fuere, & absque haesitatione ubique excipiebantur, quae de S. Jacobi in Hispaniam adventu, de sancti Dionysii Areopagitae Episcopatu in Gallias, de gestis Martialis Lemovicensis, aliorumque Apostolorum & Martyrum, qui primi varias gentes Christi doctrina imbuerant, confidentissime narrabantur. Nemo dubitabat de splendide tot Ecclesiarum, aut Religiosorum Ordinum originibus; de Leprosae, Baptismo, & Donatione Constantini; de Incunctis beato Lucae adscriptis; de tot sanctae Urfulae in martyrio sociabus; de Veronica; de Marcellini Romani Pontificis lapsu, & Sinuesiano Concilio, aliisque id genus innumeris. At ista nunc falsi coarguuntur a doctissimis viris, aut saltem non ea esse exploratum est, quibus tam facile sit fides adjungenda, quum Historici praestantiores, & veneranda antiquitas, & temporum series iisdem sive aperte sive tacite adversentur.

Restat igitur, ut ex istis, tum rationibus, tum exemplis colligamus, immutabiles non esse, neque esse divina Fide certissimas de Factis non revelatis in Ecclesiastica Historia sententias. Neque hisce Factis eam, qua suapte natura carent, divinam auctoritatem, & inconcussam certitudinem communicare possunt vel Romani Antiquitates per sua diplomata, atque edicta, vel Synodi Oecumenicae per sua decreta, vel quisquam alius, quamvis doctrina, veracitate, ac pietate conspicuus. Quocirca non Haereticis illico accensendus, non infamia, non poenis iustissime ab Ecclesia in illos constitutis, qui Fidei Dogmata negant, aut a Fide vera deficiunt, quisquam erit mulctandus, quod hujusmodi narrationibus, eandem ipsam fidem praebere nescit, sive etiam recuset, quam praebet, & omnes novimus esse praebendam, narrationibus caelo auctore traditis.

CAPUT DECIMUMSEPTIMUM.

Us aliquod Factum Fide supranaturali credendum statuatur, quae conditiones requirantur. Revelationes quarundam Sanctorum mulierum ad Fidem non spectant. Neque Canonizatio Sanctorum. Traditio necessaria, ut aliquod Factum tanquam pertinens ad Fidem decernatur. An Immaculatam Deiparae Conceptionem statuere possit Ecclesia.

UT autem, quae sint Ecclesiae, quae Ingeniorum jura, quum de Factis Historicis agitur, manifestius innotescat, dicendum nobis videtur, duas conditiones plane exigi ad certam eorum definitionem. Sine istis neque a nobis efflagitare Ecclesia poterit, neque nos adhibere supranaturalem Fidem debemus. Altera est, ut quae definienda sunt ab Ecclesia, sive jam definita videntur, Christus revelare potuerit, sive, ut melius dicam, voluerit, aut ab Apostolis, dum in vivis erant, tanquam a Christo & Spiritu Sancto accepta, potuerint tradi & nuntiari populis, ejusdem Spiritus sancti jussu. Altera est, ut liqueat, quae ita a Christo revelari, & ab Apostolis tradi potuere, reipsa revelata, aut ab Apostolis tradita fuisse: quod liquere non potest, nisi eorum legitima Traditio habeatur in Ecclesia Dei. Utraque conditio necessaria est. Nam si aliquod Factum a Deo non revelatum

velatum adjungere liceret Fidei Dogmatibus, jam Christianae Religionis doctrina novum quotidie incrementum acciperet, & novi in dies Fidei articuli creari possent, quod certe inter Catholicae Ecclesiae homines nemo licere arbitratur, & a verae Ecclesiae dogmate abhorreere omnes fatentur. Deinde, etiamsi a Christo atque ab Apostolis revelari facta potuerint, non continuo revelata fuisse constat. Ac proinde si desideretur eorum Traditio in Patrum monumentis; si ipsa Traditio Antiquitatis suffragio non comprobetur; immo si improbetur; aut si tempus certum assignari possit, quo ejusmodi Facta antea inaudita coepta sunt venditari: quis ad auctores Apostolos talia referat? quis ipsis eandem ac Evangelii fidem habeat, habendamve putet? De Christi atque Apostolorum gestis praeter ea, quae in Canonicis Scripturis continentur, & ex antiquissima ac germana Traditione accepimus, quamplurima alia olim ferebantur. Evangelia quoque alia, & alii Apostolorum Actus emerfere antiquitus. Quibus tamen, quippe constanti ac legitima Traditione carentibus, aut ademitt, aut nunquam addidit fidem Ecclesia vera.

Quae quum ita sint: Primo, intelligimus, quascumque Revelationes de Salvatoris nostri, aut Deiparae Virginis, aut Apostolorum gestis, aut etiam de quibusdam Dogmatis, accidisse legimus, postquam vivere desierunt Apostoli, nunquam in censum divinae doctrinae referendas esse. Nonnullas quidem Revelationes, & Prophetias fidelibus interdum a Deo concedi potuisse post Apostolos, & adhuc posse, apud nos doctrina Fidei est, eoque referri possunt verba Joelis 2. 28. a sancto Petro laudata in Actis Apostolorum 2. 17. *Post haec effundam spiritum meum super omnem carnem, & prophetabunt filii vestri, & filiae vestrae; senes vestri somnia somniabunt, & juvenes vestri visiones videbunt.* Multas etiam ex his Revelationibus, visionibus, ac prophetiis, exacto jam Apostolorum aevo, contigisse narrant sancti ac probatissimi Patres, easque experientia non inanes, non confictas subinde testata sunt. Verum eas ad Facta duntaxat pecuniaria, & ad singulorum fidelium utilitatem ac solatium, non autem ad generalem Ecclesiam, neque ad certam Dogmatum Fidem pertinere constat. Verae esse possunt: certae penitus, & Ecclesiae Dei necessariae esse non possunt. Idcirco, etsi Revelationes quarundam sanctarum mulierum, Brigittae, (*sive Birgittae*) Catharinae Bononiensis, & Catharinae Senensis, Angelae Fulginatis, Hildegardis, Gertrudis, & aliarum, aut laudaverit, aut toleraverit Ecclesia: nemo tamen Theologiae melioris conficius hucusque fuit, qui certitudinem

Fidei Catholicae ipsis additam fuisse autumarit, immo non affirmarit; Concilia & Ecclesiam universam auctoritate carere similia decernendi tanquam indubitata & certissima Dogmata Christiano populo credenda. Neque alia de causa damnati olim Cataphryges, & Montanistae, quam quod novas de tribus Quadragesimis celebrandis, de secundis Nuptiis abdicandis, de pace majorum criminum reis dene-ganda, aliisque de rebus Revelationes instar necessarii Dogmatis proponerent. Quare deinceps Cataphrygum nomine a sanctis Patribus ii notati fuere, qui novas, non de aliquo peculiari facto (hoc enim caelitus contingere posse, & quandoque contigisse, exploratum habemus) sed de aliquo Dogmate Revelationes inducerent. Quae vero visiones ac revelationes de Christi ac Deiparae gestis, dum in vivis essent, circumferuntur, ideo toleratae, quod nihil sacris Scripturis ac Traditioni antiquissimae contrarium per eas adferebatur. Ceterum ab iis in sacram doctrinam invehendis, atque adhibendis, perpetuo abstinere sapientissimi Pontifices, ac sancti Patres, atque Scriptores eximii, qui etiam Revelationes veras a falsis difficile distingui posse ajunt, & longe ab ea opinione fuerunt, ut id genus facta sine dubitatione accipienda crederent. Eam in rem omnium praecipue legendus magnus Universitatis Parisiensis Cancellarius Joannes Gerson.

Secundo, ad Ecclesiam, ad Generalia Concilia, ad Apostolicam Sedem pertinet, in Sanctorum Canonem referre homines consummatae Sanctitatis gloria, dum viverent, illustres & post mortem miraculis claros. Disciplinae leges eorum cultum ita indicare possunt, & ad universam Ecclesiam extendere, ut non solum pium ac laudabile sit, hujusmodi Sanctos invocare, & sibi adsciscere patronos apud Deum, sed etiam impietatem sapiat eorum cultum improbare, atque contemnere. Quare a suspitione Haeresis ille non absit, atque intolerandam, & poenis dignam temeritatem ac impudentiam prae se ferat, qui rite Caelitum catalogo adscriptos explodat, & in iis, ut ajunt, canonizandis Ecclesiam reipsa, & Romanum Pontificem errasse dicat. Suspicionem Haeresis memoravi, non autem Haeresim formalem; quippe non video quae conciliari possit cum certissimis regulis haecenus traditis eorum sententia, qui firmissimo assensu, divinae Fide credendum censent, Ecclesiam, aut Romanos Pontifices talia decernentes falli numquam posse. Videant ipsi, an non inde sequatur, novas Revelationes, nova de Factis dogmata in Ecclesiam induci: quod abhorrrere a Catholica doctrina & ipsi non negant. Nam quae argumenta pro sua opinione producant, aut nihil,

aut

aut nimium in ista quaestione probare, facile cognitu est. Sunt verba Christi (ajunt nonnulli) apud sanctum Joannem XVI. *Quum veneris ille Spiritus veritatis, docebis vos omnem veritatem.* Verum non omnem procul dubio veritatem a divino Spiritu nobis revelandam, ex omnium interpretatione perspectum est; sed omnem tantummodo veritatem, quae ad salutem hominum, & ad verae Fidei atque Ecclesiae Catholicae integritatem conservationemque necessaria sit. Quomodo vero dicamus, necessarium hominibus, Fidei, & Ecclesiae esse cultum novi alicujus Sancti, fidemque de illius beatitudine caelesti? Utile est, non necessarium, ista habere, ista scire. Innumerae aliae veritates sunt, quas novisse in utilitatem Christianorum cederet; & illas tamen certo discernere, nunquam sibi tribuit, aut tribuere potest Ecclesia. Neque vero, etiamsi in re tanti ponderis ab errandi periculo immunes non credantur Synodi universales, & Romani Pontifices, ejusmodi inde consequuntur incommoda, ut oporteat inauditam antiquitus opinionem amplecti.

Attamen inquit aliqui, ludibrio exponeretur Ecclesia sancta Dei, atque a Spiritibus tartareis irrideretur, si quos perpetuo in inferis cruciandos, tanquam Sanctos in terris colendos proponeret. Ad haec absurdus error foret, eorum poscere patrocinium in coelis, qui Deum iratum experirentur in inferis. Quae tamen omnia illud solum suadent, Romanos Pontifices, & Ecclesiam, nulli diligentiae parcere debere, quo fiat, ut Beatorum albo tantummodo inscribantur homines absoluta pietate & sanctitate & miraculorum gratia vere conspicui, dimissis reliquis dubiae sanctitatis. Ceterum si in his contingeret error, (quem certe, modo rite peracta sit Canonizatio, contigisse nemo unquam ostendet, & contingere posse difficillimum putamus) nihil probri in Ecclesiam, aut in Romanum Pontificem recideret, quum sacrorum Pastorum caelestis praerogativa sita sit in immunitate non ab omnibus erroribus, sed ab erroribus in Doctrina Christi, & in Factis per Apostolorum calamus aut vocem traditis. Ecclesiam in aliis falli posse jam vidimus sine dedecore suo, sine Fidei detrimento. Quis autem nescit, tot Sanctorum Reliquias publico donari cultu, & Romanorum Pontificum, aliorumque Episcoporum, & interdum etiam antiquitatis diuturnae auctoritate probari: quas tamen qui certo Fidei divinae assensu credendas esse affirmet germana eorundem Sanctorum Lipsana, plane a veritate absit. Praeterea neque privatae Ecclesiae, neque Ecclesia universa in tot Sanctis recipiendis, quorum nomina nunc in Martyrologiis occurrunt;

eam

eam adhibuere diligentiam, quae nunc Romae adhibetur, ut de eorum sanctitate constet. Et tamen hi palam coluntur, neque inde suspicamur grave malum in Ecclesiam effluere. Exempli causa licuit Ravennatibus, Mediolanensibus, Parisiensibus, Lugdunensibus suum colere aut Episcopos, aut Cives sanctos, quum tamen Ecclesia universa, aut Romanus Pontifex nondum de certa eorum beatitudine iudicasset. Nunc etiam cuicumque licet numerum ingentem Sanctorum colere in Romano Martyrologio descriptorum, quanquam non praecesserit Canonizatio sollemnis. Sanctam quoque feminam Veronicam, Virginum Sanctae Ursulae Sociarum undecim millia, aliosque huiusmodi Sanctos Ecclesia olim toleravit, & adhuc tolerat, tametsi an unquam fuerint, nunc doctissimi viri non injuria dubitent, & de aliis nonnullis dubitare licitum putent. Similiter neque ad Fidem spectat, in singulis Hostiis, quas adorandas populo Sacerdotes exhibent, contineri vivum Christi Corpus, & Sanguinem. Errores igitur, & incommoda ex his potuerunt, & possunt adhuc accidere. At non ea sunt, ut eorum causa foedari, aut deficere Religio vera, aut rugas inde contrahere possit. Isti sunt, ut Scholarum vocabulo utar, errores materiales, cavendi quantum fieri potest, sed nullum animabus periculum, nullam verae Ecclesiae infamiam creantes. Orationes autem nostrae, cultusque noster, vel quum rogamus, atque veneramur quempiam quem caelitem putamus, semper ad ipsum Deum seruntur, in quo rogando, atque colendo fieri non potest ut fides aberraret. Quamobrem, si & in Sanctorum Canonizationem ejusmodi materiales errores illaberentur, nihil mirum foret. Sed tamen ritus iste ab Apostolica Sede eo nunc peragitur accurato diligentique studio, ut pie credendum sit, nullum ea in re errori locum fuisse, aut deinceps futurum. Non necessario igitur, sed tamen *pie credendum est*, ut inquit Sanctus Thomas, Quodlibet. Lib. 9. art. 16. *quod nec etiam in iis iudicium Ecclesiae errare possit*. Haec nobis aequissima, haec pia videtur sententia, & in hac ipsemet Sixtus IV. fuisse videtur, dum catalogo Sanctorum adscripsit beatum Bonaventuram; inquit enim in Bulla: *Confidentes, quod in hac Canonizatione non permittat nos Deus errare*. Altera sententia quibus firmis rationibus, quibus Scripturae & Patrum suffragiis fulciatur, nondum invenimus, & potissimum quod exstet in antiquo Ceremoniali Romano Lib. 1. Sect. 6. Cap. 2. formula Canonizationis, in qua protestabatur olim summus Pontifex, se per actum Canonizationis non intendere aliquid facere, quod sit contra fidem, aut Ecclesiam Catholicam, sive honorem Dei.

Tertio verum quidem est, certo & minime fallaci Ecclesiae decreto sanciri posse nonnulla, quae ante Apostolorum mortem evenere, quum ista revelari a Christo, aut Spiritus Sancti jussu ab Apostolis tradi potuerint. Sed tum sine errore id fieri contingeret, si de Factis agatur, quae ad Historiam Christi & Religionis intime spectent, & ad Ecclesiae aedificationem conducant. Non enim veri videtur simile, Christum ejusque Discipulos inutilia revelasse, seu tradidisse posteris, & Spiritum Sanctum suae Sponsae adfuturum, ne in hisce supervacaneis erraret. Deinde necessum est, ut ejusmodi Factis constans, antiqua & legitima Traditio adstipuletur. Id quoque exigitur in Dogmatis sanciendo, quanquam ista unum ex altero saepe necessario pendeant: quanto ergo magis id exigatur in Factis, quae contingere vel non contingere aequè potuerunt, & revera contigisse non aliunde haberi, quam ex Historia ac Traditione potest? Illa porro legitima satis, & germana antiquissimae rei Traditio minime appellanda est, quum post saecula multa a Christo nato res quaequam narrari coepta est, tota antiquitate silente, Patribusque, & Historicis omnibus ante illud tempus nullam ejus rei mentionem, vel quum possent, ac deberent, facientibus. Augebit etiam falsi suspicionem, si primus ejus narrationis Auctor aut Graeculus fuerit, aut alius quisquam rudium temporum Historicus, aut ineptus aliquis Scriptor, a quo hominum genere, utpote omni Critices praesidio saepe destituto, tam facile plerumque fabulae & nugae, quam ipsa vera adoptantur.

Quare, etiamsi non pauca vulgo ferantur de Apostolorum peregrinationibus, & obitu, de parentibus Deiparae, de Marthae ac Mariae Magdalenae post Salvatoris mortem gestis, de multis pertinentibus ad tres Magos ad adorandum Christum infantem olim profectos, & alia hujusmodi, quae Apostolorum Traditione contineri poterant: quandoquidem tamen antiqua & probata non adferuntur hujus Traditionis monumenta, immo in ipsorum narratione fabularum vestigia sublucent: idonea Ecclesiae fundamenta non suppetunt, ut ista sine erroris periculo vera statuere possit. Multa etiam sunt, quae definire non debeat. Aequè heic forte peti potest, an jus sit Ecclesiae decernendi tanquam Fidei Dogma, beatissimam Christi Matrem sine macula originali fuisse conceptam. Tale jus ipsi esse, absque haesitatione affirmandum est, si aut per legitimam argumentationem ea Virginis praerogativa e divinis Scripturis deduci, aut ex probatissima, & constanti, & antiqua Traditione Patrum comprobari possit;

possit; neque enim quisquam in Theologia peritus firmissimum decretum inniti posse arbitretur privatis quibusdam Revelationibus, aut apocryphis Patrum scriptis, aut iis tantummodo argumentis, quae a congruitate appellantur. Ita rectissime ab Ecclesia contra Helvidium & Jovinianum quarto vulgaris Aerae saeculo constitutum est, pertinere ad Fidei Catholicae Dogmata perpetuam ejusdem Deiparae virginitatem, quam etsi divinae Scripturae aperte non affirmarent, vetustissima tamen totius Ecclesiae Traditio ab Apostolis usque derivata certam faciebat. Ubi ergo par Traditionis Apostolicae auctoritas adsit, & non potius stent contra plurimi Patrum: dubium nullum est, quin decreto divinitus certo stabiliri possit immaculata Virginis Conceptio, uti etiam quae nondum fatis certa de ipsius morte sive Assumptione in caelum feruntur; quum utraque interim sit quidem pietatis, sed non necessitatis, credere vera.

Sed jam dicat aliquis; Si certa non sunt Ecclesiae de tot Factis judicia, & error intercedere potest: ergo liberum nobis erit iis, dum talia proponunt, vel addere, vel demere fidem, credere, & non credere, & omnia quae a Deo revelata fuisse non constat, in dubium revocare. Id si facere impune & jure possumus, quae Historiae Ecclesiasticae pars a temerariis ingeniis jam sibi non timeat? Immo quid non timeat ipsa Religio? Nam Facta quaedam ostendere est, quae quanquam a Deo revelata fuisse non appareat, attamen certa credenda sunt, atque creduntur, quorum unum praecipue est, *verum esse Petri Successorem Clementem XI.* qui tanta cum sui gloria, & Christiani gregis utilitate in Romana Cathedra nunc sedet. Id si negare fas est, quei etiam fas non erit negare, & tanquam dubia rejicere, quae ab ipso Pontifice in Fidei & morum doctrina fanciuntur? Fac etiam, certo non constare, quanam Generalia Concilia legitima sint: eorum de Fide Constitutiones illico nudent oportebit, neque credendae erunt erroris prorsus expertes. Alia deinde incommoda consequuntur, quae totam Christianae Religionis certitudinem, & Ecclesiae regimen brevi fusque deque vertant. Et haec quidem maximi momenti obstacula sunt, in quibus removendis operae pretium est diligentem ponere curam. Ita siquidem omnium sententiarum, sed earum in primis, quae ad Religionem spectant, temperanda est tractatio, ut extrema utrimque posita sedulo evitentur. Hanc autem gravissimam simul & difficillimam Quaestionem Capiti sequenti reservatam volumus.

CAPUT DECIMUMCCTAVUM.

Immediate ne, an potius mediate ad Fidem referendum sit credere, hunc vel illum esse Romanum Pontificem. Etiamſi ponas, hoc, & alia huiusmodi Facta non eſſe credenda Fide ſupranaturali, haec tamen fides debetur decretis Conciliorum, & Apoſtolicae Sedis in materia Fidei & morum ab Eccleſia receptis. Evidentia Naturalis & Moralis in his caſibus ſufficit, & nos credere, ac obtemperare cogit. Quam ſemerarium, & poena dignum revocare in dubium ejus effata.



NON paucis annis recentiorum Theologorum ingenia exercet ea Quaestio, num ad Fidem spectet haec propositio: *Hic aut ille est verus Romanus Pontifex.* De illa altum silentium apud Patres, & antiquiores Theologos. Sunt qui immediate, sunt etiam qui tantummodo mediate Fidei divinae assensu credendam censeant. Neutram sententiam hucusque Ecclesia, aut Apostolica Sedes suo calculo firmavit. Quare fas erit nobis quaestionem adhuc incertam versare, quod tamen praestabimus ea animi reverentia, quae tam arduis & delicatis rebus debetur, ita ut Apostolicae Sedi non haec tantum, sed omnia nostra humili obsequio subiciamus, nullam aliam tueri sententiam parati, quam quae illi placuerit, & ideo ausi argumentum istud portare liberiori stilo, quod Roma nondum suam heic aperuerit mentem; & alioquin eam Pontificibus maximis esse mentem sciamus, ut in omnibus Veritas vincat.

Dicimus igitur, multis recentiorum videri immediate pertinere ad Fidem effatum istud; *Hic aut ille homo* (verbi grati gratia Clemens XI.) *verus est Pontifex Romanus.* Eaque solet adferri potissima ratio: videlicet, enunciationem particularem contineri in universalis; & quum universalem Deus revelarit, particularem quoque a Deo revelatam fuisse. Ut enim omnes in Adam peccavisse Fides nos docet, atque in hoc effato revelatum quoque exempli causa fuit Salomonem peccasse in Adam; ita & in isto universalis effato tori Ecclesiae revelato, *Omnis homo rise electus ab Ecclesia in successorem Petri, est verus Pontifex Romanus,* censendum est revelatum & illud

illud particulare: *Hic aut ille est verus Pontifex Romanus*. Qua in re nemo non videt, quanta curae sit omnibus ut hinc nova aliqua Dei revelatio excludatur; bene siquidem perspecta quilibet Catholicorum habet intoleranda incommoda, quae sequerentur, si quidquam ad vetus Doctrinae depositum adjungi aliquando posse credatur, quod non revelarit Deus, antequam utriusque Foederis Libri concluderentur morte Apostolorum.

Huic tamen sententiae, impedire quaedam possunt, ne assentiamur. Nam primo constare evidentius deberet, ad Fidem spectare, hoc est a Deo revelatum fuisse, integrum universale effatum: *Omnis homo rite electus ab Ecclesia in Successorem Petri, est verus Pontifex Romanus*. Quale certe heic legitur, extra controversiam esse non potest. Ecquando enim aut in Scripturis sacris, aut per Traditionem revelatum est, ab Ecclesia eligi, aut eligendos esse Petri successores? Immo Electores, & plerisque istius electionis ritus, ipsi Romani Pontifices pro sua prudentia ac arbitrio, & pro temporum opportunitate statuerunt, suo jure, sua auctoritate usi. Hicce ritibus non servatis, & desideratis conditionibus quibusdam a jure positivo praescriptis, electio interdum inanis evadit.

Secundo, constare evidentius deberet, quomodo in illo universali effato, quod revelasse Deus dicitur: *Omnis homo rite electus in Petri successorem, est verus Pontifex Romanus*, possit quoque dici revelatum particulare illud, *Hic aut ille est verus Pontifex Romanus*. Nam quum ista conclusio deduci firmissime nequeat, nisi ex alio etiam effato, quo plenus conficiatur syllogismus, nempe si dicatur: *Sed hic aut ille rite fuit electus*; quam propositionem ad Fidem pertinere nemo dicit: quomodo quod inde consequitur, pertinebit ad Fidem? Certe revelatum non fuit, hunc aut illum fuisse prius Baptismo sacro regeneratum, sacrisque Ordinibus rite initiatum, & sine vi, sine pretio, sine iniqua electorum conspiratione electum.

Tertio, ostendendum foret apertius, quomodo nova aliqua Dogmatum revelatio non admittatur, si credenda est tanquam a Deo revelata ista propositio: *Hic aut ille est verus Pontifex*. Etenim duplex tantum Revelatio excogitari potest; altera, quae respicit aeternas veritates, & facta Dei & hominum jam consummata, priusquam Apostoli decederent; altera respiciens facta quaedam in Ecclesia Dei consummanda, quae sine dubio praedici a Spiritu Sancto potuere. Ad priorem Revelationis speciem nullatenus referatur illud effatum. Si ad alteram, oportet ut Spiritus Sanctus praedixerit, & revela-

revelaverit, hunc virum potius quam alterum a sacris Electoribus, rite, & sine errore, sine vitio aliquo esse eligendum; & nunc ex Revelatione constabit, hunc, & non alium virum, esse verum Pontificem Romanum. Quum autem constet, Spiritum Sanctum neque revelasse olim prophetice, neque nunc revelatione peculiari aperire, hunc potius, quam alium in successorem Petri fuisse electum, aut eligendum: idcirco neque immediate revelata videtur enunciatio illa (*Hic homo est verus Pontifex Romanus*), neque ut certa per Fidei divinae assensum immediate credenda. Ad haec si ideo ad Fidem immediate spectat istud effatum, quia revelatum fuit in universali effato: in immensum abibit eorum numerus, quae in posterum immediate pertinere ad Fidem credenda erunt. Cur enim non revelatum quoque dicendum erit, hunc illumve Sanctum virum Canoni Beatorum adscriptum, revera in caelis regnare? cur non & Archiepiscopum Parisiensem esse verum Episcopum? cur non & singulas Hostias populorum adorationi propositas continere verum Christi Corpus? cur non & huic vel illi Regi legitime lecto parendum a subiectis populis? Et innumera alia. Certe huiusmodi effata aliquo universali effato, quod Deus revelavit, & facto moraliter evidenti innituntur, sicuti nullo negotio quisque intelligat. Certe & ex his multa credenda sunt populis, ne debita officia negent, & ne graviter peccent. Attamen quis haec & alia ejusmodi immediate per Fidem credenda pronuntiet, quamvis universali effato, quo innituntur, sit immediate supranaturalis assensus adjungendus? Haec igitur quum necessario consequantur & pendeant a facto, cujus veritatem a caelo nequaquam edocemur, ne ipsa quidem tam certa reputanda videntur, quam certa nobis futura sunt Evangelica Dogmata.

Praeterea celebre est facinus Stephani VI. Romani Pontificis, qui Formosum legitimum Romanae Ecclesiae Praefulem, ab universa Ecclesia susceptum, (ejus cadavere ignominia & flagris affecto) e catalogo Romanorum Antistitum expunxit; iterumque Ordinibus sacris, ut initiarentur ab eodem initiati, praecepit: eaque omnia solemnibus Romanae Synodi votis firmavit. Nemo autem est, qui heic non legat, falsi arcessitam, & inanem pronuntiatam a Stephano propositionem illam: *Formosus est, aut fuit verus Romanus Pontifex*. Ergo Stephanus aut a Fide excidit, & Haeresim e Cathedra proposuit: aut ad Fidem immediate illa enunciatio non pertinebat. Primum nemo veritatis amans, & Pontificiae dignitatis studiosus dixerit; etenim Stephanus nefario quidem & inaudito sacrilegio Petri

Sedem deturpavit, sed in *quaestione Facti, non Juris, & malo exemplo, non falsa doctrina*, erravit, sicuti ait magnus Cardinalis Bellarminus. Restat igitur, ut a Fidei Dogmatis illud effatum excludatur, & excludendum quoque sit in posterum. Utrumque tamen capiatur Stephani exemplum, illud certum est, ab aliis Romanis Pontificibus, & ab ipsa Ecclesia, neminem hucusque tanquam Haereticum fuisse damnatum hac una de causa, quod credere nollet, aut negare auderet verum Romanum Pontificem hominem quempiam in Successorem Petri electum. Id cernere est in tot Schismatum Historia, quibus afflicta fuit Ecclesia & Cathedra Romana. Quae autem, quaelo, esse causa potuit, cur nunquam ad Fidem pertinere hujusmodi crimen, sive errorem, nemo statuerit, & nemo Haereticis idcirco ob hoc unum fuerit accensus, quum tamen ea controversia tot motus animorum exciverit, & toties versata sit in ore & iudiciis, tum universae Ecclesiae, tum Romanorum Pontificum; & qui negat aliquem rite electum in Successorem Petri, ipsum quoque neget esse verum Romanum Pontificem? Non alia utique videtur ratio fuisse, quam quod ista quaestio ad Factum pertinere crederetur, non autem ad Dogma, & immediate ad Fidem referri non posse.

Si dicas, ab hac censura ideo solum temperatum, quod rite electus nondum ab Ecclesia universa ut talis receptus fuisset: nobis persuadere non facile id possis, qui novimus tot aliis diris exceptos, tot poenis damnatos a Pontificibus Maximis Canonice electis, negantes impugnantesve legitimam eorum electionem. Ut autem aliis & rationibus & exemplis hac in re parcam, sufficere videtur Pauli IV. Pontificis Maximi sententia. Si *ullo unquam tempore apparuerit, (edicit ille Bulla XIX. in Bullar. Rom. & haec priora verba accurate notanda) aliquem ante ejus in Romanum Pontificem assumptionem a Fide Catholica deviasse, aut in aliquam Haeresim incidisse, &c. Promotio seu assumptio de eo etiam in concordia & de unanimi omnium Cardinalium assensu facta, nulla, irrita, & inanis existat, nec per ipsius Romani Pontificis intbronizationem, aut adorationem, seu ei praestitam ab omnibus obedientiam, & cujusvis temporis in praemissis cursum, convalescere possit.* Igitur fieri potest, ut quispiam non esse verus Pontifex aliquando appareat, licet Petri Sedem impleverit, sibi que omnes habuerit obedientes, dum olim Haeresi addictus fuisse deprehendatur. Igitur supranaturalis Fidei assensus exigi non potest, quo aliquis credatur verus Romanus Pontifex, etiamsi ab Ecclesia universa receptus fuerit, quando Ecclesiam

clesiam ipsam ab omni errore immunem in hoc negotio nequaquam arbitratrur ipsemet Paulus IV. Atque in ista eadem sententia fuisse antiquiores Theologi, quanquam obiter in ea versati. Progrediamur.

Sed quei certa per Fidem credenda erunt Romanorum Pontificum decreta ad Dogma pertinentia? quei non liceat eorum sententias contemnere, eorum electionem pro lubito revocare in dubium? quei evitari poterunt sexcenta alia incommoda, si certum aliquem hominem verum Petri Successorem credere nunquam jubeamur? Et haec quidem, fateor, in caussa fuere, cur proxime praeterito saeculo Scholastici quidem Theologi efflagitare coeperint immediatum divinae Fidei assensum in ista quaestione, repudiata opinione minus recentium. Nisi ita crederetur, visa est ipsis nutare Ecclesia, & doctrina Catholica, quod tamen antiquiores non extimescebant. Verum nihil fortasse hinc sibi atque Ecclesiae timere debuerunt ingenia pusilla, nihilque hinc sibi ingenia temeraria blandiri. Quanquam enim immediate ad Fidem ista referenda non sint, ea tamen credenda esse dicimus vera ac certa, & stare nihilominus potest Dogmatum & decretorum robur, & nihil in legitimos Pontifices audere licet.

Quod ut liqueat, statuimus primo tanquam evidens, Deum revelasse olim, praeter Facta & Dogmata quaedam particularia, universales etiam quasdam Regulas atque Sententias, quibus Ecclesia, & singuli homines in posterum regerentur, tum ut credenda crederent, tum ut facienda facerent, & non facienda vitarent. Universales autem illae Regulae atque Sententiae a Deo revelatae, ut usu valeant, applicandae sunt Factis quibusdam particularibus non revelatis, idque fit aut a Romanis Pontificibus, aut a Conciliis, aut ab hominibus singulis. Applicationem faciendam tum novimus, quum Evidentia aut naturalis aut moralis nos mover; istaque Evidentia sufficiens caussa est, ut merito aliquid agamus sive credamus; immo ita credere, aut agere saepe cogit, ut secus facientes non terrenis tantummodo poenis, sed etiam aeternis sint castigandi. Fides docet ac jubet, colendos esse parentes ac Reges legitimos; at simul non docet, hunc vel illum hominem esse certum parentem, & legitimum Regem nostrum. Attamen quia ex Evidentia morali cognoscimus, qui sint isti parentes & Reges, hujusmodi particulari facto applicare cogimur universale Fidei decretum, & hunc illumve hominem colere. Non colentes, cum in terris, tum post mortem, iusta poena manebit. Ad Fidem ergo immediate pertinere non potest haec.

haec enuntiatio: *Iste, vel ille mihi colendus est ut pater, ut Rex.* Sed num obsequium iis negare idcirco liceat? Apage. Evidentia moralis ita me de peculiari hoc facto certiore facit, ut sine gravi culpa atque ignominia debitam illi subtrahere reverentiam non possum, etiam si revelatio divina de huiusmodi Facto desideretur.

Ita & Episcopis nostris, & praecipue Successoribus Petri, secundum divina mandata a Christiano grege parendum est; iisque, & potissimum congregatis in aliquo legitimo Universalis Concilio, aut Romano Pontifici aliquod decernenti Dogma (a), credendum est, divinaeque Fidei assensus huic Dogmati accommodandus, prout sanctissimae Legis instituta praecipiunt. Nam & si revelatum a Deo mihi non fuerit, hunc vel illum esse legitime electum, verumque esse Pastorem, aut omnes in hoc illo Concilio congregatos, veros esse Pastores: negare tamen non possum, praeunte Evidentia morali, & fidem de ista Evidentia nobis faciente suo assensu ipsamet Ecclesia, & populi multitudine, quin ii sint legitimi Pastores Ecclesiae Catholicae, & quin mihi aliquid credendum in Religionis doctrina proponant. Noluit Deus tot particularia facta praedicare, aut identidem sua revelatione aperire. Rationi, & conscientiae nostrae usum dimisit universalium ab ipso revelatorum, quae, quum Evidentia poscit, applicaremus particularibus factis. Itaque ista facta conscientiae nostrae satis per Evidentiam nota certaque fiunt, ut nulla sit excusatio peccati, si propterea obsequi & credere nolumus Pastoribus nostris. Alioqui, si divinam revelationem ubique necessariam putamus; & quum desideratur, fas est negare fidem salutari doctrinae, obedientiam praeceptis, obsequium Majoribus: jam non Ecclesia solum, sed universae mundi Respublicae evertentur; immo nihil credere cogemur, & peiores quam Academici & Sceptici erimus. Nihil enim est, quod ab aliquo facto minime revelato aliqua ex parte non pendeat, eique conjunctum non sit: idque etiam in Religionis Catholicae oeconomia animadverti potest. At propterea a credendo, atque agendo non excusantur homines.

Exempli causa neque revelatio, neque Ecclesia certos nos faciunt, tot sacrarum Scripturarum editiones typis procuratas per Episcopos singulares, aut Doctores orthodoxos, purum putum continere verbum Dei, & omnibus carere mendis: quae tamen menda efficerent dubium, & immutare etiam divinorum Librorum sensum possunt.

(a) In Parisiensi editione, ut supra notavimus ad Cap. ix. haec additum, *qui assensum Ecclesiae universae*. Consule ibidem laudatam Epistolam.

sunt. Num idcirco nobis licebit fidem negare documentis inibi propositis? Nequaquam. Documenta ipsa divinae Scripturae immediate nobis non solent proponi a Deo, aut a Conciliis universalibus, hoc est aut a Veritate ipsa, aut a veritatis custodibus falli nesciis, quos nunquam auribus nostris audivimus, sed quidem a singulis Episcopis, Parochis, aliisque hominibus errori obnoxiiis. Num satis id fuerit, ut assensum Fidei supranaturalis quisquam neget doctrinae, per hoc hominum genus propositae, quum ipsam doctrinam immediate audire non possimus a Deo, aut a Conciliis Pastorum non errandi praerogativa donatis? Minime sane. Neque certum est divina certitudine, hunc illumve Librum esse foetus, sive sanctorum Patrum, sive Episcoporum, non confictos, non interpolatos: idque Ecclesia ipsa ita statuere nequit, ut ad Fidem pertineat. Quum tamen ex his fontibus Traditionem Christianae Doctrinae educi contingat, quis factum hoc uti minime certum caussari audeat, ne Traditioni ipsi, quae inde derivatur, toto intellectus obsequio adfuentur? Certe qui rem accurate examinet, inveniat, non Traditionem tantum, ejusque monumenta, sed Codices etiam divinae Scripturae, quos nunc habemus, certissimique sumus germanos esse Prophetarum & Apostolorum Libros, a serie factorum quorundam pendere, quae nobis per divinam Fidem certa non sunt. Praeterea nunquam ad Fidem spectare poterit, Episcopos, e quibus generale Concilium constatum fuit, sacro Baptismate, sacris Ordinibus rite fuisse initiatos, & corde haeresim non confovisse. Quis nihilominus eum ferat, qui Nicaeni aut Tridentini Concilii decretis morem gerere, & supranaturalem Fidem eorum Canonibus accommodare nolit, adeo levi in medium excusatione prolata? Alia id genus persequi non lubet.

Si ergo ista Facta non revelata minime impediunt, aut impedire possunt, quominus Christianae Doctrinae Conciliis, & Traditioni firmissimum Fidei assensum demus: cur necesse putabimus ad Fidem referre enuntiationem illam, *hic aut ille est verus Romanus Pontifex*, quasi liceat obedientiam Romanis Pontificibus, & obsequium negare definitionibus de Dogmate ab Ecclesia universa receptis, si ad Fidem immediate non spectet ejusmodi essatum? At, inquam ii, qui aliter sentiunt, quomodo divinitus certissima sint, ut fere omnium Catholicorum sententia habet, decreta Romani Pontificis, nisi divinitus quoque pro certissimo credendum sit, hunc illumve esse verum Romanum Pontificem? Quomodo (nos quoque reponere possumus) per divinam Fidem credendum est, hunc aut illum

illum esse verum Pontificem Maximum, nisi per eandem fidem credatur, hunc aut illum fuisse rite electum in successorem Petri, & Baptismate, & sacris Ordinibus rite olim donatum, & nunquam cum Haereticis sensisse, aut etiam post maximum munus adeptum in Haerem non declinasse, quod fieri posse similiter plerique affirmant? Sed his praetermissis, hoc sibi responsum habeant. Necessesse est, Dogmata Fidei certissima credere, atque obtemperare Maximis Pontificibus, quanquam eodem assensu non sit necesse eos credere veros Pontifices Maximos, & certa credere tot alia facta, de quibus nuper egimus. Ut enim Dogmata per Fidem amplectamur, certaue credamus, sufficit, ut facta illa, & legitima electio Romani Pontificis, nobis per moralem evidentiam innotescant. Confititur autem argumentum istud. *Quidquid a Deo revelatum est, verum certumque est; & quidquid per evidentiam nobis constat, ab Ecclesia, aut a Romano Pontifice receptum aut statutum fuisse tanquam revelatum a Deo, certum quoque nobis per Fidem divinam futurum est. Sed per Evidentiam nobis constat, Ecclesiam, aut Romanum Pontificem, hoc vel illud dogma recepisse, sive statuisse tanquam revelatum a Deo: Ergo id certum nobis esse debet per divinam Fidem.* Et revera quum jubeamur a Deo credere Christianam Doctrinam, quae ab ipso revelata, & ab Ecclesia, aut a Romanis Pontificibus asserta fuit: cur post tantam assertionis hujusmodi Evidentiam ea Dogmata credere nolumus? cur adhuc dubitare velimus? cur salutem nostram in periculum adducere non credendo? Sibi neget, si potest, conscientia nostra, Ecclesiam, aut Romanum Pontificem ista recepisse, aut decrevisse. Neget, hunc esse verum Pontificem Romanum, rite electum, rite ablutum baptismatis lavacro, nunquam haeresi addictum; hos vel illos Libros esse germanos sanctorum Patrum foetus; hoc illudve Concilium ex Catholicis Episcopis legitime coactum. Haec adeo evidenter constant, (quamvis per revelationem divinam non consent) ut jure nemo negare velit ac possit. Et qui ista negare, aut in dubium revocare licitum sibi putat, non est cur negare etiam non possit ac velit pleraque alia certissima & evidentia in hoc hominum rerumque temporario statu: quod tamen quantum a recta Ratione, Legibusque divinis atque humanis abhorreat, non est meum ostendere hominibus ratione utentibus. Regitur hominum vita variis Evidentiae generibus. Qui eis adversatur, aut demens est, aut temerarius, & poena dignus, si in re caecutiatur, quae in publicum malum, aut in Religionis, suave privatae salutis perniciem vergat.

Hinc

Hinc abjiciendae cavillationes; & diverticula, dolo malo, & sine ratione quaesita. Credendum, faciendum, fugiendum est, quod Deus per Ecclesiam nos credere, facere, ac fugere docet, si nobis cordi est aeterna vita & conscientiae quies.

Evidentia autem, ut dixi, alia est Naturalis, alia Moralis. Utrique interdum id roboris est, ut si aliquod effatum negemus, quod non ex Revelatione divina, sed ex Evidentia solum constet, negemus simul aliquod effatum & dogma a Deo revelatum. Posteaquam, exempli gratia, Evidentia Naturalis me certum fecit, hunc aut illum esse hominem: si inficiari velim, ipsum illum peccasse in Adam, non possum, quin simul negem effatum ad fidem pertinens, hoc est omnes homines in Adam peccasse. Aut ergo me delirum, aut impium prodam si hoc affirmare, illud negare pergam. Hoc patere potest in aliis sexcentis exemplis, tum quod est ad licite agendum, tum quod est ad necessario credendum. Igitur qui has evidentes enunciationes negare audeat, etiamsi non immediate, mediate tamen Fidei Dogmata laedit; ac illud praesertim, quod Christus peculiari providentia suam regit Ecclesiam; eique non deest in necessariis.

Quod saltem esse extra omnem dubitationis aleam mecum omnes censeant, illud est: Si quis Romanum Pontificem pacifice electum, pacifice regnantem, & ab universa Ecclesia receptum, non credat verum Romanum Pontificem, eique idcirco obsequi & obtemperare nolit iusta praecipienti, hac una excusatione fretus, quod non sit certum, ut ajunt, de Fide, illum esse verum Romanae Ecclesiae Antistitem: homo tam temerarius, utpote gravi crimine obstrictus, merito coerendus erit severissimis poenis, & commutatione Ecclesiastica privandus: Eadem dicas de legitime habito Concilio. Etenim, quamvis fidei assensu immediate credere legitimum hoc esse Concilium, nullo Ecclesiae decreto cogamur: cogimur tamen propter manifestas Fidei regulas Concilio generali ab Ecclesia recepto morem gerere, & Fide divina credere Dogmata ab eo definita, quum Evidentia simul ita agendum praescribat, & satis conscientiam nostram ab errore tueatur, & ad credendum impellat. Hinc iustis castigationibus repressi olim Theologastri quidam fuere, qui, quum ab Apostolica Sede damnatum iri praesentirent nonnullas suas absonas a Doctrina Christi sententias, sperarunt aut Romano Pontifici terrorem se incussuros, aut frustraturos damnationem, si hanc Thesim vulgarent ac propugnarent. *Non est certum de fide, hunc nunc Papam esse verum Pontificem Romanum.* Ridendum plane, &

perquam temerarium consilium, quo Schismati praeludatur, & omnia Ecclesiae tribunalia eludantur; quasi aliunde evidenter non constet, qui sint veri Pontifices Romani, & quasi fatendum ipsis quoque non fuisset, hanc unam sufficere Evidentiam, ut Romani Pontificis, & Conciliorum decretis atque auctoritati parere deberent, si Catholici esse ac dici vellent.

Alia sunt facta, quae in Ecclesia Dei constituta fuere tanquam certa, & constitui adhuc possunt, quibus etsi adjungendus non est supranaturalis Fidei assensus (non enim illa referre inter Dogmata licet) nefas tamen sit non amplecti, & non credere vera; & qui credere sive amplecti recuset, Haeretici cordis suspicionem non leuem contra se excitabit, aut saltem severitate legum ad meliorem sententiam pertrahendus erit. Hujusmodi sunt ea omnia, ex quibus Dogmatum unitas, & conservatio pendere videtur. Exempli causa, nunquam Ecclesia constituere poterit, tanquam Fidei Dogma, hos illosve Libros Hieronymo, Augustino, Chrysostomo, aliisque Patribus esse adscribendos. Id nos tamen novimus, & credimus Evidentia edocti, quae & Aristoteli, & Ciceroni, & Virgilio, aliisque, Libros tribuendos esse edicit. Sublata hac Evidentia, nefas non est de germanis hujusmodi Librorum Auctoribus dubitare. At qui contra Evidentiam fidemque antiquitatis Libros a Patribus conscriptos suscipere & deosculari nullet, compellendus foret, poenis etiam gravibus, ad opinionem hanc exuendam. Si siquidem Libri Divinae atque Ecclesiasticae Traditionis promtuaria sunt, eorumque veritas & conservatio mirum in modum conducit Evangelicae doctrinae conservandae atque explicandae.

Similiter nunquam certissimum de Fide, ut ajunt, erit privato cuicumque homini, se absque omni prorsus erroris periculo intelligere verba Librosque Conciliorum & Sanctorum Patrum. Attamen, ubi is evidenter cognoscat, se eorum sensa intellexisse, quousque aliter ab Ecclesia non edoceatur, certam credere debet doctrinam, quam in iis verbis & Libris communi & constanti calculo assertam contineri cognovit. Tandem inter Fidei Dogmata nunquam referre licebit, hunc illumve hominem Haeticum esse aut fuisse, puta Arium, Lutherum, Calvinum. Nemo tamen inter Catholicos ita insanit, ut id genus homines, Libris suis, & Ecclesiae totius consensione damnatos, negare velit, aut credere nolit a Fide vera devios, quod sibi per divinam Revelationem non constet, eos Catholicae Doctrinae revera fuisse adversatos. Id aliunde apertissime constat,

stat, hoc est ex ipsa rerum Evidentia. Hujusmodi autem facta ad judicium spectant Ecclesiae, Maximorumque Pontificum, & aliorum etiam Episcoporum; nullumque dubium est, quin iis judicantibus reverentia maxima debeatur. Reverentia, inquam, maxima, & assensus humilis, non autem divina Fides. Nam & ista judicia nihil aliud respiciunt, quam facta a Deo minime revelata; quare neque per se immutabilia sunt, neque ab omni prorsus erroris periculo immunia.

CAPUT DECIMUMNONUM.

In Judiciis Ecclesiasticis tria consideranda, nempe Doctrina, Persona, seu intentio docentis, & Voces, seu phrascs, quibus doctrina exprimitur. In Doctrina damnanda sive probanda, est ab errore immunis Ecclesia; non autem in judiciis de Persona. An judicia Ecclesiastica de Vocibus & sensibus supranaturalem Fidem postulent. Tum solum postulare videntur, quum ad Fidei doctrinam aut statuendam aut defendendam necessarius est in Ecclesia Spiritus Sancti afflatus, & quum de Traditione colligenda in Patribus, & de sensibus Canonum, & de versionibus sacrae Scripturae agitur.

NE tamen in judiciis Ecclesiasticis, de quibus nuper facta est mentio, suscipiendis atque pensandis fallamur, utilissimum puto animadvertere, distinguenda ibi semper tria esse, nempe *Doctrinam, Personam docentis, & Voces seu verba, quibus doctrina exprimitur.* Sub nomine Doctrinae venit id, quod significatur quibusdam vocibus, verbis ac phrasibus, istaque doctrina judicari potest sana aut perversa ab Ecclesiasticis Judicibus. Quod quum Ecclesia facit, certum est, errorem intercedere non posse, tum quia fieri non potest, ut Ecclesia Dei in Dogmate fallatur, & Christi promissa irrita efficiat; tum quia sententiam de re profert, quam a Deo ipso didicit sive in sacris Litteris, sive per antiquissimam Traditionem. Ideo immutabilia sunt ex institutione Christi, & ex natura sui, quod est ad hanc partem, Ecclesiae judicia, meritoque a Catholico grege supranaturalis Fidei assensum exigunt.

Persona docentis tum judicari dicitur, quum judicium fertur de mente anmove illius, qui doctrinam quampiam tradidit. Sacrorum Judicium & heic habent locum jura, non ita tamen ut eorum sententia (quod est ad hanc partem) nulli mutationi, nulli errori obnoxia sit. Humano more, humanis legibus atque successu ista peraguntur. Ut enim vetus habet regula, *Ecclesia non judicat de internis*. E solis autem externis, quantum fieri potest, interna judicantur. Fieri igitur potest, ut qui prava scripsit, aut pronuntiavit, recte animo senserit; nam & qui recte sentiunt, non recte semper loquuntur, aut disputant, & cor interdum aliud credit, quum os ex simulatione aliud pronuntiat; sicuti & qui a veritate aberrant, saepe errorem suum verborum ambiguitate obtegere solent. Praeterea multi ex infirmitate intellectus in errores labuntur, non ex pertinacia voluntatis; & cum eodem errore suo conjunctam habent debitam erga Ecclesiae judicia reverentiam, prompti abjurare quicquid noverint ab Ecclesia damnatum, & amplecti quicquid illa constituat. Hi sane inter certissimos Haereticos non sunt computandi, quanquam eos uti Haereticos Ecclesia de externis judicans rite damnaverit. Quae autem plena firmitas esse in hoc genere potest Ecclesiasticis judiciis, dum occultam feriunt mutabilemque hominum voluntatem ac mentem, & dum interdum e vivis sublato, anathemate & diris feriunt, nullam suae mentis rationem reddituros? Neque vero quidquam probri aut periculi in Ecclesiam venit, si heic erretur. Ad Doctrinam Christi, in qua certe statuenda errare nequit Ecclesia, non spectant hujusmodi facta, hoc est, hunc aut illum Auctorem privatum ejus erroris esse reum, de quo accusatur, aut recte scripsisse, quum secus animo sentiret. Sive hoc ille senserit, quod illi Ecclesia tribuit, sive non senserit, stat semper Catholica doctrina, errorefque in illo homine confixi nunquam desinunt esse errores, quanquam ab iis fortasse abfuerit ille, quem Ecclesia damnavit.

Nil igitur mirum, si uti quibusdam exemplis supra ostendimus, hujusmodi judicia iterum institui, & retractari, & mutari Ecclesia patiatur. Immo cuicumque modeste curanti, ut Auctorem quempiam damnatum ab erroribus purget, succensere Ecclesia minime consuevit; quum suae esse pietatis ducat, omnibus filiis suis quocunque tempore locum vindicandae innocentiae relinquere, dummodo scandala evitentur, & qui patroni munere funguntur, non sententias Auctoribus tributas, & ab Ecclesia proscriptas tueri, sed Auctores tantummodo ab erroribus, quibus inquinati credebantur, liberare contendant.

tendant. Sic Origenem, Theodoretum Abellardum, Gothescalcum, Abbatem Joachimum, aliosque, in ipsis etiam generalibus Conciliis damnatos, sacrilegium non fuit pro viribus tueri. Atque utinam nulum vere Haereticum unquam habuiffemus. Quosdam contra aut absolutos, aut innocentes proclamatos, re melius comperta, novis percutere censuris in more fuit. Illustria sunt, & huc revocari jure possunt Innocentii III. verba in Cap. *A nobis*, de sententia Excommunic. *Judicium Dei veritati, quae non fallit, nec fallitur, semper inniuitur; judicium autem Ecclesiae nonnumquam opinionem sequitur,* (in definitionibus nempe factorum; nam quae ad Dogma & Fidem spectant, veritate divina jam revelata inniuntur) *quam & fallere saepe contingit & falli. Propter quod contingit interdum, ut qui ligatus est apud Deum, apud Ecclesiam sit solutus: & qui liber est apud Deum, Ecclesiastica sit sententia innodatus.* Attamen quandiu error manifeste in sententiis judicium non appareat, & quandiu non constet, judices fuisse deceptos: Ratio poscit, ut inviolata sint & veneranda vel hujusmodi judicia. Quisquis levi de causa & futili aliqua suspitione ductus ea amplecti nolit, Ecclesiae, Romanorumque Pontificum auctoritati sanctissimae obstitit, & gravi ac justa castigatione plectendum se praebet. Sunt & ex his definitionibus, quae immutabiles certaeque evaserunt, non quidem proprie ex Ecclesiae auctoritate, sed ob nimiam rerum evidentiam, publicamque Haereticorum pertinaciam, qualem qui in Joanne Hus, Hieronymo Praegensi, Luthero, Calvino, aliisque ejusmodi Ecclesiae Catholicae hostibus non videt, mente oculisque caecutiatur necesse est.

Ad Voces venio verba, phrasas, formasque dicendi, quibus uti solent homines ad explicandam doctrinam suam, eamque transferendam de sua in aliorum mentem. Et istas omnino necessarium videtur a Doctrina distinguere; nam aut pravo consilio aut ex ignorantia possunt homines sub orthodoxis loquutionibus perversas celare sententias, & rursus orthodoxas haereticis vocibus convestire. Cognoscere autem, & judicare, quid sonent Voces, phrasas, formaeque, dicendi, est cognoscere, quis earum sit significatus, & sensus: qui itidem sensus, quum sententiam doctrinae continere & significare possit aut orthodoxam aut haereticam, pius propterea & sanus, aut impius & pravius sit, appareatque ipse quoque, necesse est, nihil considerata Scriptoris mente. Querimus igitur, an Ecclesia decernens, qualis sit, & utrum Catholicus, an Haereticus alicujus Libri non divini, sive alicujus dicti, ac propositionis sensus, falli umquam possit, & sitne illius judicio heic adjungenda supranaturalis fides.

Et quidem gravissimae rationes occurrunt, quae heic etiam divinae Christi Sponsae immunitatem ab errore errorisque periculo tribuendam esse admoneant. Illud enim primo constat, Ecclesiae Pastores, non ex arbitratu cerebroque suo, neque divinando (quod in Physicis ac profanis Historiis fieri interdum solet), sed ex Traditione majorum de Scripturarum sensu judicare debere, & Christi doctrinam exponere, atque adeo controversias in Dogmate esse dirimendas secundum ea, quae jam a Pontificibus Maximis, Conciliis, & sanctis Patribus hucusque accepimus. Quae res quanquam confirmatione non egeat, nobis tamen est Vincentii Lirinensis viri gravissimi auctoritate confirmanda: *Carbolicorum hoc proprium, inquit ille, deposita Sanctorum Patrum & commissa servare, damnareque profanas novitates. Ita enim in Concilio Epbesino omnium Patrum una fuit vox, ut quod erat antiquius traditum, teneretur, quod adventum nuper, exploderetur. Superius vero Apostoli vocem interpretans, dixerat: Depositum, id est, quod tibi creditum est, non quod a te inventum; quod accepisti, non quod excogitasti; rem non ingenii, sed doctrinae; non privatae usurpationis, sed traditionis publicae; rem ad te perductam, non a te perlatam; in qua non auctor esse debes, sed cultos; non institutor, sed sectator; non ducens, sed sequens, &c.* Unde autem colligi potest vetus ista neque novitia divinarum Scripturarum interpretatio, & Christianae Doctrinae explicatio, nisi e Conciliorum, Romanorum Pontificum, sanctorumque Patrum monumentis ac Libris? Et rursus qui sine errore colligi poterunt hujusmodi interpretationes? qui novis Canonibus prisca stabiliri doctrina, si falli Ecclesia potest in assequendo sensu Canonum antiquorum, Librorumque a Patribus lucublatorum? qui certa erit doctrina, si sensum verborum, sub quibus doctrina latet, sine errandi periculo Ecclesia nequit educere? Immo necesse videtur, non solum Librorum & Canonum sensum, sed mentem quoque & internum sanctorum Patrum consilium in iis vocibus ac phrasibus usurpandis, Ecclesia cognoscat atque intelligat. Nam etsi ab errore abessent Ecclesiastici judices in intelligendo sensu verborum, adhuc dubitandum restaret, num revera id sancti Patres exprimere voluerint, quod eorum voces ac verba sonant, quum fieri possit, ut quae homines animo sentiunt, & per verba apta prodidisse sibi videntur, aliter sonent, ac ipsi velint, aut aliter a lectoribus intelligantur. Ad haec, nisi certissimum sit Ecclesiae judicium, dum de verborum sensu judicat, quomodo profanas vocum novitates tuto declinabit? Neque
firmo

firmitate decreto comprobare ipsa potuisset Vulgatam, seu Latinam, exempli gratia, sacrarum Scripturarum Translationem, & palam edicere, nihil inibi contineri, quod verbo Dei adversetur, nihil quod Graeco aut Hebraeo Archetypo non respondeat. Alia incommoda omitto, aut nunquam, aut vix evitanda, ubi dicamus, intercedere posse errorem in Ecclesiasticis judiciis de sensu Librorum, vocum, & phrasium.

Verum suis quoque iisque molestissimis difficultatibus ejusmodi sententia laborat, affirmans, nulli errori obnoxiam Ecclesiam, de alienorum Librorum assensibus judicantem. Nam hujusmodi judicia feruntur in facta quaedam non revelata, in quibus nulla ab errore immunitas Ecclesiae Dei promissa fuit. Et ipsam quidem Ecclesiam novimus divinarum Scripturarum Interpretem, falli nesciam, a Deo constitutam; reliquorum autem Librorum interpretem pariter certissimam non novimus. Neque porro ipsamet consuevit divinum assensum hujusmodi judiciis vindicare. Quanquam Honorii I. Romani Pontificis Litterae in Oecumenica Synodo VI. tanquam haereticis sententiis scitantes proscriptae fuerint, non desuere tamen Catholici subinde viri, qui Litteras illas ab hujusmodi nota liberare, & Orthodoxas ostendere non dubitarunt. Ista de causa nemo hucusque succensuit, aut diem dixit praestantissimis Scriptoribus Baronio & Bellarmino Honorii Patronis. Nostis autem temporibus quanquam tot animorum seditiones excitavit quinque Propositionum damnatio *in sensu a Jansenio intentis*, & postrema hanc in rem habemus Clementis XI. Pontificis Maximi oracula, nondum tamen sancitum aperte fuit, spectare ad Fidem (quod est ad Jansenii sensum) Romanae Sedis seu Ecclesiae totius alioqui venerandam sententiam.

Equidem in hoc arduo negotio, uti & in aliis ejusmodi illud in primis cavendum reor, ne Miracula sine necessitate multiplicentur, hoc est, ut tum solum in Ecclesia mirabilem divinumque assensum, & supranaturalem opem admittamus, quum vera necessitas id possit ad tutelam Catholicae Doctrinae, & ad averendam Religionis perniciem in proponendis Dogmatis, & profligandis erroribus. Si ea necessitas absit, non video, cur sponte velimus excogitare Miracula in iis casibus, in quibus se extraordinario auxilio adfuturum esse non est pollicitus divinus Spiritus. Deinde cavendum, ne defensione nostra Ecclesiae ex se fortissimae noceamus: quod tum fieri posset, si illa ei privilegia tanquam necessaria tribueremus, quae postea casus aliquis ei defuisse ostenderet: qua opinione nostra Eccle-

siam

siam ipsam ludibrio ac telis inimicorum improvide atque incaute exponeremus. Quamobrem videndum est, an revera necessum sit, ut Ecclesia Dei, sicuti in Dogmatibus proponendis, & in sacris Scripturis interpretandis, ita & in Librorum non Hagiographorum sensu assequendo sit ab omni errandi periculo divinitus secura. Quid in hac re mihi probabile videatur, asseram, humillimum semper erga sententiam meliorem obsequium praefatus.

Et primo, Ecclesiam, interpretantem verba & sensum Canonum, Librorumque a sanctis Patribus conscriptorum, ut sanam inde Christi doctrinam hauriat, distinguere juvat ab eadem Ecclesia interpretante sensa & verba privatorum hominum, ut ea vel absolvat, vel damnet. Secundo, duae conditiones considerandae sunt in Oeconomia Christianae Doctrinae, quarum altera ad Ecclesiae Proceres pertinet, altera ad Christi fideles; utraque necessaria; illa, ut Pastores recte proponant: ista, ut populi recte credant, & credere debeant dogmata proposita. Prima conditio est, ut tunc solum se servandos ab omni erroris periculo inimunes Ecclesiae Pastores in proponenda caelesti doctrina sperare & credere possint, quum debitam fidem & diligentiam ipsi adhibebunt in colligenda ipsa doctrina e sacris Scripturis, Conciliis, Patribus, aliisque Traditionis Ecclesiasticae monumentis. Quae Concilia huic muneri ac debito desuere, quaequam initio congregata fuerint optimis auspiciis, Conciliabula evasere, ut de Synodis Ariminensi, Ephesina Latrocinii, aliisque exploratum habemus. Quapropter tum Episcopi in Conciliis, tum Pontifices Maximi judicaturi, quum lis est de Dogmate, non pro suo quique ingenio, suisve affectibus, sententiam ferre debent, sed qualem Traditio diligenter explorata suppeditat. Tum vero diligenter explorata Traditio dicitur, quum ex Patrum, Theologorum, & Conciliorum documentis, Episcopi evidenter intelligunt, num doctrina quaeplam tradita, an potius improbata a Majoribus nostris fuerit. Qua in re Evidentia moralis & requiritur, & sufficit, qualem prudentes viri in aliis humanae vitae gravissimis negotiis sequuntur, ut aliquod prudentissime credant, aut non credant. Ubi praecessit isthaec Evidentia, neque vis, aut pravi affectus intercessere: ad sententiam Ecclesiasticam certus est gressus, eaque doctrina, quae tum proponitur, divino assensu a singulis Christi Fidelibus credenda est vera, atque germana caeli doctrina. Implet enim conditio, quae ex parte Pastorum exigebatur, sua quoque promissa Christus implet, & terminulo est Petri Successoribus, Conciliisque Generalibus, ne a salutari veritate aberrant.

Altera conditio, Christi Fideles respiciens, ea est, ut unusquisque statim ac sibi perspicuum atque evidens sit, ejusmodi definitionem a legitime habitis Conciliis, summisve Pontificibus e Cathedra pronuntiantibus, vel olim, vel recenter, prodixisse, iis fidem adjungere debeat supranaturalem. Evidentia moralis & heic locum habet, credendique necessitatem imponit. Nam quoties aliquid a Deo revelatum fuit, idque per Ecclesiam minime fallacem constat revera fuisse a Deo revelatum: cur diutius suspendere velimus fidem nostram? Perspectum habemus, credenda esse quaecumque Dogmata habet vera Christi Religio. Si cordi nobis est aeterna salus, & grave scelus effugere animus est, iis habenda est plena fides, simul ac evidenter innotescit, eadem pro Dogmatibus ab Ecclesia proponi, tergiversatione omni, cavillationibusque submotis. Eodem modo, uti diximus, etiamsi ex Revelatione divina notum nobis non sit Romanos Pontifices, aut singulos Conciliorum Patres legitime electos, baptismate sacro ablutos, ab omni haeresi alienos fuisse; aut privatos homines, Parochos, & Episcopos, a quibus *quidam* ea dogmata Plebi Christianae tradi solent, aut falli aut fallere non potuisse, atque alia id genus: ab iis tamen Dogmatibus credendis abstinere non licet ubi moraliter evidens sit, a legitimis Pastoribus legitime propositam fuisse Christi doctrinam. In reliquis humanis negotiis & credimus, & agimus; & nisi agamus, merito interdum punimur, sola Evidentia morali praeunte, mentemque nostram movente: cur in omnium maximo negotio aeternum increduli esse, & moras ad credendum necesse velimus? Num omnia suo ore singulis nobis e caelo revelare debet Deus? num omnem quaestionem per miracula evidentia dirimere? Praecepit ille, ut Ecclesiam audiremus; & qui Apostolos, eorumque Successores Episcopos audit, Christum audit, ut ipsemet ait Lucae X. 16. Igitur, ubi conscientiae nostrae patuit, quid de Christiano Dogmate legitima Romanorum Pontificum, & Conciliorum, & Patrum auctoritas decrevit, id fortiter credendum; & nolle credere, aut infani, aut haeretici hominis erit.

His positis, si petatur, an Ecclesia falli possit in intelligendis sensibus & verbis sacrorum Canonum, & sanctorum Patrum, respondemus, ipsam falli non posse, postquam in iis expendendis curam debitam, & sinceritatem adhibuit, & Evidentiam moralem secuta est. Quam tamen immunitatem ab omni errore tum solum tribuimus, quum de colligenda Traditione caelestium Dogmatum agitur, non autem in aliis rebus & factis neutiquam revelatis. Id e Christi

promissis necessario fuit. Nam si Christus Ecclesiam suam a salutari veritate Dogmatum nunquam recessuram pollicitus est, uti aperte scimus pollicitum fuisse; & insuper si Dogmatum & Scripturarum vera interpretatio atque definitio haurienda est e sanctorum Patrum, Conciliorumque præcedentium documentis, uti hauriendam esse constat: necesse est, ut Ecclesiastici Judices hujusmodi monumenta eorumque sensus intelligere sine errore possint, quoties conditionibus sibi impositis rite defuncti fuere. Nam qui doctrinam sanam ac veritatem in Ecclesia sua Christus servet, & quo pacto Pastores tuto ipsam constituent, & ab hæreticis deliramentis tueantur, si errandi periculum subfit, vel post diligens Patrum examen, & Evidentiam compertam, & proscriptos sæculi affectus?

Peculiare igitur sancti Spiritus auxilium necessario adesse dicimus Ecclesiae, dum ejus Pastores monumenta Traditionis fideliter & sedulo consulunt. At illud adesse, aut necessarium esse, nequaquam dicere audemus in singulorum Patrum Libris & sensibus examinandis, atque interpretandis, vel quum Traditio inde hauritur. Spiritus sancti ope, inquam, indigent & donantur Ecclesiae Magistri, quum collective e sanctorum Patrum Libris Dogmata petunt; non autem id certum, quum singillatim de unoquoque Patre judicant, ejusque sensa exponunt. Paradoxum id videatur: nam postquam dedimus Conciliis & Ecclesiae, tanquam necessariam immunitatem ab errore in interpretandis omnibus aut plerisque Patribus collective sumtis, si rursus in intelligendis singulis falli ii possunt, errori quoque obnoxia sit eorum auctoritas oportet in interpretandis omnibus, aut plerisque Patribus; universalis enim e singularibus constat, & singularium infirmitas in universalis quoque transit.

Attamen mirari desinent, quicumque secum animo volvant certissimum illud Catholicae Ecclesiae effatum: nempe singulos sanctos Patres, & singulos privatos Praefules in doctrina Christi explicanda & tradenda, firmum veritatis argumentum praestare non posse; & contra omnes, aut plerisque in aliquo Dogmate & in sacrarum Litterarum expositione concordēs, quod est ad fidem & mores, solidissimum atque divinitus certum suppeditare veritatis argumentum. Nempe singuli, quanquam summa veneratione digni, errare tamen potuerunt, quum peculiari Spiritus sancti inspiratione quisque singillatim sumtus caruerit in suis conscribendis Libris, & quibusdam phrasibus ac verbis adhibendis. At omnes simul sumti errare nequaquam potuerunt; Ecclesiam quippe ipsi illi simul sumti referunt, quam nunquam

nunquam in errores lapsuram pollicitus est Christus. Deinde non quod aliquis vir Sanctus hoc illudve senserit, ejus sententia sufficit ad stabiliendum aliquod Christi Dogma, neque uno illius dicto niti Conciliorum judicia debent; sed opus est statuere & credere, quod omnes, aut plerique Patres, & rationes, & alia Traditionis legitimæ documenta ad ita credendum impellunt. Quapropter, quamvis in quibusdam Oecumenicis Conciliis, & plerumque a Dogmaticis & Polemicis Theologis, loca sanctorum Patrum afferuntur in confirmationem sacrorum Dogmatum, & Ecclesiasticarum sanctionum; eorum tamen singillatim sumtorum sensus ad fidem non pertinet; neque divino assensu credendum est, singula ea verba & phrasæ eum continere sensum, quem Episcopi & Theologi intelligunt. Sed interdu ea, quæ par est reverentia, aliter aliqua interpretari licet, intacta semper veritate doctrinæ. Id inter Theologos eruditione non minus, quam sinceritate conspicuos fieri sinit Ecclesia. Et in Oecumenica Synodo VII. ut alias Synodos prætermittam, occurrere ex his nonnulla possunt, uti, exempli gratia, minus apte adhibitus est ad firmandum Imaginum cultum S. Basilii locus, ubi ille de Filio Deo loquitur, perfecta & integra Dei Patris imagine. Nam quod de rationibus jam diximus, de effatis quoque Sanctorum Patrum dicendum est, quibus Dogmata stabiliuntur atque probantur. Plurimas tum rationes, tum sacrarum Litterarum & Patrum sententias, Concilia, & Romani Pontifices semper habent, & congerunt, quum Dogma quoddam rite decernunt. Sunt autem inter istas multæ invictæ, & ab impiis tantum aut dementibus in controversiam adducendæ; sunt & aliæ probabiles tantum, & verisimiles, quæ tamen invicem robur sibi dant, & accipiunt; & aliæ quoque interdum possunt animadverti, quæ nihil ad rem propositam faciant.

Ista vero omnia simul conjuncta eam Dogmatis ac Traditionis moralem Evidentiam præstant, quæ necessaria est, ut Ecclesiastici Judices prudenter & tuto de Doctrina credenda sententiam ferant. Quæ in re patet, nihil novi a Deo tunc revelari, nullumque novum factum divinitus statui; sed divinam opem tantummodo adesse, ut quod jam ante revelatum fuerat, tunc a judicibus sine errore deprehendatur, atque ut ab examine religiose ac sapienter instituto, & ab Evidentia morali, omnis umbra humanæ fallaciæ avertatur, etiamsi ad fidem singula ea facta, singulæ Patrum Interpretationes minime spectent. Et profecto Dei providentiæ ejusque promissis, pro Ecclesiæ Catholiciæ & Doctrinæ veræ incolumitate jam factis, tri-

buendum necessario est hujusmodi patrocinium, non autem in omnibus etiam singularibus. Eodem etiam modo ad peculiarem Dei providentiam pertinet, ne omnia sacrarum Scripturarum exemplaria, aut omnes sanctorum Patrum Libri in mundo pereant, ne omnes Episcopi in Synodis, ne omnes sancti Patres in Dogmatis exponendis errent; non autem pertinet, ut singula etiam Scripturarum, ac Patrum exemplaria serventur, atque ut singuli Episcopi, singuli sancti Patres nunquam in Doctrina fidei hallucinentur.

Ex alia autem regula, quam antea statuimus, certum est, unumquemque Fidelium, simul ac evidenter cognovit, Dogma aliquod ab omnibus, aut plerisque Patribus tradi, consentire statim, illudque amplecti debere, etiamsi nulla Ecclesiae definitio praecesserit. Si contra conscientiam & intelligentiam suam heic ille agat, & contraria tueri velit, ac & venditare incipiat, facile se praebebit, aut puniendum aut coercendum tanquam temerarium. Et nullum quidem solenniter constitutum est Ecclesiae Catholicae Dogma, quod evidenter antea non apparuerit in Patrum scriptis, atque in aliis Traditionis Ecclesiasticae praecedentibus monumentis memoriae mandatum. Id cernere est in Conciliis Ephesino, Chalcedonenſi, Constantinopolitano II. III. & IV. in Lateranenſi sub Martino, in Florentino, & ceteris fere omnibus, ubi e Traditione Patrum omnia fanciuntur. Id in Epistolis Maximorum Pontificum, Caelestini, Leonis, Gelasii, Hormisdæ, Vigili, Gregorii, Agathonis, & aliorum deinceps. Pelagianam pestem Julianus tuebatur, quibusdam pessime intellectis Patrum locis. At Augustinus a se stare, hoc est, cum Ecclesia Catholica sentire antiquos Patres in lib. 1. & 2. contra ipsum Julianum accuratissime demonstrat, & Irenaeum, Cyprianum, Reticum, Olympium, Hilarium, Ambrosium, Gregorium Nazianzenum, Basilium, Chrysostomum, Hieronymum suae sententiae faventes adfert. Saeculis autem proxime praeteritis, quibus Socinus, ejusque gregales, Myſteria vel omnium augustissima in dubium revocarunt, Arminianis subinde a tanta temeritate parum abludentibus, lis intentata est Nicaeno Concilio, illiusque decretis de vera divinitate Verbi credenda, quasi haec vetustioribus Patribus (si Superis placet) aut ignota, aut etiam improbata fuerit. Verum ab hujusmodi calumniis ita nunc liberata est Nicaeni Concilii fides cura hominum eruditorum, ac praecipue Georgii Bulli, cui licet a Catholicorum communione alieno multum tamen laudis debetur, ut jam nemo non videat trium priorum saeculorum Patres atque Scriptores cum Nicae-

Nicaenae Synodi Patribus in ea sententia aperte consensisse. Hanc itaque Evidentiam cum omnibus receptis Ecclesiae Catholicae Dogmatis atque definitionibus perpetuo conjunctam, hanc, inquam, Patrum Traditionem atque concordiam facile unusquisque per se deprehendat, si fideliter ac accurate veterum monumenta perpendat, idque satis esse potest, ut sine alio Ecclesiae decreto iis Dogmatis Christiani adjungere aut tuto possint aut debeant fidem. Sed istam Traditionem evidentiorē, & divinitus certam Ecclesia deinde facit, dum Dogmata ipsa statuit. Neque dubitare amplius licet, quin Patrum chorum Ecclesia probe intellexerit, & sine errore sensa illorum interpretata fuerit, quando certum est, illi divinum Spiritum non deesse, dum Traditio sincere colligitur, & doctrina a Majoribus tradita definitur.

Ad judicia ergo de sensu Canonum quod attinet, si agatur de generalibus Conciliis, aut etiam de particularibus ab Ecclesia tota probatis: videre nescio, qui admittenda non sit (vel quando singularem Canonum interpretationes fiant) in legitimis Ecclesiasticis Doctrinae Judiciis eo ab errore immunitas, quae illis certe est, dum sensus singulares Bibliorum, & collective sanctorum Patrum sensus exponunt in fidei & morum doctrina. Quum singularia haec monumenta certissimas contineant Evangelicae veritatis sanctiones, necesse est, ut ad earum sensus intelligendos opem conferat Deus, ne promissa Christi frustrentur, & ne in necessariis Ecclesia deficiat. Reliquorum Conciliorum Canones singulares, quos Ecclesia rite nondum probavit, etsi auctoritate & pondere praestare soleant singulorum Patrum scriptis, attamen non alia lege eorum sensa intelliguntur, atque explicantur, quam qua singulorum Patrum Libri. Utrobique similes rationes atque argumenta militant.

In intelligendis & comprobandis Versionibus sacrarum Scripturarum necesse itidem est, ab errandi periculo libera sit Ecclesia. Ideoque Vulgatam Latinam, quam Tridentina Synodus authenticam renuntiavit, non venerari, non divinae veritatis fidem interpretationem censere, piaculum foret, non quod singulorum verborum ac phrasium usus in ea Versione probanda divinitus Ecclesiae revelatus fuerit; sed quod eam Versionem post tot saeculorum, & Ecclesiarum, & Eruditorum consensum atque consilium, evidenter Oecumenica Synodus deprehenderit iis abundare dotibus, quae ipsam persuadeant & reliquis Latinis Versionibus praestare, & fideliter reddere divinum verbum, erudiendis in doctrina sana fidelibus necessarium.

Decreto

Decreto post tantam evidentiam prudenter concepto quin adfuerit ope sua divinum Numen, dubitare nos verat non una consideratio: Et necesse sane est, ut Latinae Ecclesiae sit aliqua Versio, unde Pastores & populi petere veram sacrarum Litterarum doctrinam possint. Nam Graecae & Hebraicae plerique nesciunt, & porro scire nequeunt. Quenam ergo erit unquam haec authentica, & fida, & sine fraude ac depravatione facta Versio, si eam ne post accuratissimum quidem examen Ecclesia sine periculo errandi statuere potest? Praeterea divini Verbi interpret legitima a Deo constituta fuit Ecclesia, & tot hucusque ex ipsa habemus decreta Vulgatae Versionis sensibus innixa, ad erudiendos in vera fide Catholicos. Porro ista Ecclesiae auctoritas, atque ejus decreta suspitione erroris laborabunt, quando certum non sit, eam a Deo regi, ita ut in assequendis Versionis alicujus sensibus minime decipiat. Divina autem providentia quum sapientissima & potentissima sit, ubi finem aliquem voluit, opus est, ut media quoque necessaria ad eum finem consequendum suppeditaret. Parco aliis intolerandis incommodis quae sequerentur, si Versionum, ac praesertim Vulgatae, sensus certo intelligere non posse Ecclesia dicatur.

Ceterum, uti dicebamus, non ita statuendum est, ut singula Vulgatae Versionis verba, immo omnia ejusdem puncta, & commata, existimanda sint divino calculo confirmata, quod generali constitutione ipsam Versionem Synodus Tridentina probavit; quam nonnullorum opinionem piam potius, quam prudentem & veram putamus. Nam nulla vitia in ea Versione deprehendi posse, nihilque illic haberi, quod aut Graecis aut Hebraicis Codicibus penitus non respondeat, qui affirmare velit, aut in hujusmodi eruditione plane sit hospes oportet, aut nimio zelo rapiatur. Hos errores, si ita appellare placet, haec menda, & haec qualescumque discordias a Graecis aut Hebraicis Libris, immo inter ipsa exemplaria Latina, saepe notarunt viri Litterarum scientia praestantes, Theologi, & Catholici, & in ipsa arce Religionis Roma; neque ignorarunt ipsi Tridentini Patres. Itaque authentica in iis solum proclamata Vulgata Versio, quae ad fidei & morum doctrinam faciunt, in quibus dignoscendis & constituendis inconcussa sunt legitima judicia Ecclesiae & Apostolicae Sedis. Reliqua dissimulata sunt, & Eruditorum arenae relicta, utpote non necessaria; neque enim in sensibus, rebusque minime necessariis statuendis divinam opem sibi tribuit Ecclesia. Proinde ea tantum mens Tridentinis Patribus fuisse videtur, ut Vulgata Versio

Verſio ſine erroribus & fidelis eſſe credatur in Doctrina ad fidem & mores pertinente; & ſapientiſſime decretum eſt, eam in diſputationibus, & concionibus publicis, & ſacris Myſteriis adhibendam eſſe, tutoque adhiberi poſſe reliquis Verſionibus poſthabitis, in quibus tales praeſerogativas non agnoſcit Eccleſia. Verum ne alias quidem improbavit Verſiones, quae bona fide concinnatae fuerint, & quantum fieri poteſt, veritatem originalis textus & Traditionem doctrinae verae expriment; multoque minus Hebraicos codices, & LXX. Interpretum Verſionem exploſit. In hanc rem praeter Sixtum Senenſem, Andream Vegam, Melchiorum Canum, Genebrardum, Marianam, Serarium, Bonfrerium & alios, conſulendus eſt doctiſſimus Cardinalis Pallavicinus libro 6. Cap. 17. Hiſt. Conc. Trid.

CAPUT VICESIMUM.

*Eccleſiaſtica iudicia de privatorum hominum Libris, Verbis, & Senſibus, ad fidem pertinere minime videntur. Et tamen doctrina in iis aut probata, aut damnata, Fide ſupranaturali credenda. Ipſa illa iudicia quandonam certa quoque credenda ſunt, quantum non aſſenſu divinae fidei. Quid heic Diſciplina praeci-
piat. In Janſenii cauſſa quid praefandum.*



TQUE haecenus de Eccleſia interpretante verba, phraſes, & ſenſum tum Canonum, tum Librorum, quos conſcripſere ſancti Patres, quum de Traditione colligenda, & ſalutaribus Dogmatis ſanciendis agitur. Reſtat, ut & de ſenſibus Librorum aut diſtorum agatur, quorum Auctores fuerint privati homines, aut Haeretici, aut alii ab Eccleſia proſcribendi. In his utique iudiciis quantalibet evidentia & cura peractis, quantumlibet ſuſpiciendis ac venerandis, eandem ipſam peculiarem divini Spiritus opem aſſeſſe non arbitror, quam in ſanciendis Dogmatis Eccleſiae tribuendam eſſe credo. Potiſſima huius aſſerti ratio eſt, quia non omnibus ſuae Sponſae iudiciis ſe praesto futurum Chriſtus pollicitus eſt, ſed iis tantummodo, quibus conſtituenda eſt, explicanda, ac proponenda ſalutaris doctrinae veritas, & eliminandi errores. Huiusmodi vero iudicia de privatorum hominum verbis ac phraſibus non doctrinam reſpiciunt, ſive ſa-

ve sanam, sive haeticam, sed solos verborum sensus suapte natura mutabiles, aut intelligibiles secundum arbitrium atque opinionem mortalium. Mutabiles quidem sunt, & equivoci interdum, tum in Patrum, tum in Conciliorum monumentis verborum sensus. At quum necesse sit illinc petere Traditionem, veramque doctrinam, necesse quoque est, ut Deus Ecclesiae addit sensus illos interpretanti, eamque ab errore tueatur, quando ipsam constituit columnam & custodem Veritatis. A verbis autem, & phrasibus Scriptoris alicujus, hominisve privati, neque cognitio, neque conservatio Catholicorum Dogmatum pendet. Jam aliunde sancita sunt, aut sanciri debent Dogmata, & secundum illa expendendi sunt eorum Librorum sensus, non autem secundum sensus eorum Librorum sunt expendenda Dogmata. Hoc est: quia ope divina certo Ecclesia cognoscit, quid Canonum & Patrum verba sonent, doctrinam Fidei ad eorum sensuum normam constituit. At contra ideo de Librorum privatorum sensibus Ecclesia judicat, quia ipsos jam constitutae doctrinae aut adversantes aut consonos animadvertit. Igitur, etiamsi Ecclesia in hujusmodi Librorum sensibus intelligendis falleretur (quod tamen accidisse, nisi evidenter contrarium pateat, nunquam a piis fidelibus putandum est), non ideo periclitaretur doctrinae veritas, non ideo Ecclesiae praerogativa in Dogmatis statuendis quidquam laederetur.

Ubi ergo constat (constare autem facile potest) quam doctrinam probare aut damnare velit Ecclesia, dum essatum quodpiam privati alicujus hominis probat, aut damnat: necesse est, ut integro animi & cordis assensu eam cum Ecclesia amplectamur aut abominemur doctrinam. Nulla deinde est necessitas, ut eodem etiam assensu fidei credamus essati illius verba revera sonare & significare id, quod Ecclesia probat aut damnat, nosque cum illa probamus sive damnamus. Certe non apparet, cur dicendum sit spectare ad fidem peculiare hoc factum. Non illud olim revelavit Deus ne nunc quidem Ecclesiasticis Judicibus opus est ut revelet, aut saltem ut extraordinarium conferat auxilium, ne in assequendo eorum verborum sensu erreretur, quando sive ea Auctoris verba id significant, sive non significant, ratum certumque stat de Doctrina Ecclesiasticum judicium, & Christiano gregi evidenter constare potest, de qua doctrina judicium tunc fuerit pronuntiatum. Id ex obvio verborum sensu facile agnoscitur. Si dubius & equivocus est ille sensus, ipsum per alia verba explicare & determinare solent Ecclesiastici Judices, uti pluribus exemplis confirmari potest, donec fidelibus evidenter in-

note-

notescat, quam doctrinam aut configere, aut commendare tum velit Ecclesia. Ita in Jansenii negotio dum Romana Cathedra, aut Ecclesia congregata explicet, si opus est (communi tamen sententia non est opus) atque statuatur, quem sensum, & quam doctrinam ipsa damnarit damnatamque velit in V. Propositionibus Jansenio tributis: Dogma Fidei tunc in tuto erit, atque errori praecludentur viae; neque ulla necessitas amplius erit, credendi supranaturali assensu, eandem illam damnatam doctrinam in Jansenii verbis atque intentione fuisse, quum id scire, aut credere, nescire, aut negare, merum tantummodo factum respiciat; a quo doctrina fidei nequaquam pender.

Sed alia quoque suppetit ratio, quare ad fidem pertinere non possint Ecclesiastica de privatorum hominum Libris, verbis, ac sensibus judicia. Hominum verba aequivoca, ut diximus, plerumque sunt tum ex institutione populorum, tum ex usu Scriptorum, metaphoris aliisque tropis utentium. Non unus itaque, sed diversus plerumque iis sensus subest. Neque impedire Ecclesia potest, quominus aliena dicta aequivocationibus scateant, & aequivocos sensus pariant. Neque hoc impedire miraculorum ope Deus voluit, aut vult, quum satis ipsi sit facere, ne in interpretandis explicandisque divinis Libris, & colligenda Traditione, & proponenda vera doctrina, errare possint legitimi Ecclesiae Catholicae Judices. Hinc est, quod Ecclesia ita statuere non potest, unum quempiam sensum verbis alicujus Libri, sive propositionis inesse, ut alius sensus subesse non potuerit, ac possit, quanquam simul ac statuit, quodnam dogma sub iis verbis ac sensibus claudi ipsa arbitretur, ipsumque damnat, dubitandum amplius non sit, quin recte & sine errore damnatum illud dogma fuerit. Experientia ipsa his suffragatur. Certe Ecclesia enuntiationes easdem secundum varios sensus acceptas, nunc adprobavit, nunc improbavit, & eadem omnino verba modo averfata est, modo amplexa, prout ipsi visa sunt signare aut pravam aut rectam doctrinam. Ita celebris illa thesis: *Christus est unus & Trinitate*, sive *unus de Trinitate passus est*, ab Hormisdas Romano Pontifice aliisque Catholicis rejecta primo fuit, quod ejus sensus ad Eurychianam Haeresim accedere crederetur, & ab ipsa significari, divinam naturam humanis doloribus ac infirmitatibus fuisse obnoxiam. At subinde eandem thesim uti Catholicam recepere Joannes II. & Vigilius Romani Pontifices, atque Oecumica Synodus V. quum nempe in Catholico sensu accepta fuit & credita veram Ecclesiae Catholicae sententiam sonare, atque exprimere. In Synodo Antiqchena vocem *Homou-*

Tom. X. P. I.

Z

son

son Episcopi complures proscribere, in sensu Pauli Samosatani acceptam. Nicaeni vero Patres in sensu Catholico consecrarunt. Ita & tempus fuit, quo variae circa Incarnationem sententiae secundum varias illarum intelligentias male aut bene sonabant. Quum Pelagii Litterae, ac Coelestii Libellus de gratia Dei coram Zosimo & Romana Synodo lectus fuisset, *Libellus ille Catholicus dictus est*, uti scribit S. Augustinus Lib. 2. ad Bonifacium Papam Cap. 7. ita ut Zosimus, pro fama utriusque Haeretici sollicitus, non sine aliqua indignatione ipsos purgarit apud Africanos Patres, inquit Ep. 4. *Est ne ullus locus, in quo Dei gratia, vel adjutorium praetermissum sit?* Verum Pelagius nomine Gratiae non peculiare Dei donum animae infusum, sed legem, doctrinam, exempla Christi, aliaque externa adminicula intelligebat. De hoc sensu monitus Zosimus ab Africanis Patribus, adprobatos ante Libros eorumque Auctores anathemate feriit, ab Ecclesia ejecit. Multus sim, si alia in hanc rem exempla congerere velim, quibus videas, in assequendis privatorum Librorum, verborumque sensibus tam certa non esse Ecclesiae iudicia, ut divinam fidem exigant, quum tamen eisdem semper sit divinitus certissimum de doctrina iudicium.

At inquit, aliquis: Ergo, si erroribus obnoxia est Ecclesia in damnandis privatorum Librorum sensibus, nullam huiusmodi iudiciis fidem habere debemus. Ergo liberum erit unicuique, aliter eisdem Libros, & privatorum hominum dicta ac verba, non secundum Ecclesiae interpretationem, sed pro intelligentia sua, explicare, adeo ut superflua quoque dici possint huiusmodi decreta. Ergo frustra tot ictibus Apostolica Sedes percusserit reluctantes adhuc Jansenianorum reliquias; immo parum aequae praeceperit, ut V. Jansenii Propositiones in sensu ab eodem Jansenio intento proscriptae, non ore solum, sed corde etiam a fidelibus ejurentur. Ita arguentur quidam, splendida in speciem, sed fallaci plane ac temeraria consecratione. Dicimus igitur, non exigi certe, ut divinae fidei assensu credamus, hominem quempiam ab Ecclesia, sive ab Apostolica Sede, tanquam Haeticum damnatum, reipsa talem quoque esse in conspectu Domini Dei, cujus unius est hominum corda scrutari; aut revera alicujus Libri sive Auctoris verba id sonare, quod damnatum ab Ecclesia fuit; eumque habere sensum, quem Ecclesia ipsis tribuere videtur. Fieri potest, ut ex aliis monumentis post iudicium primum detectis, & ex diligentiori locorum verborumque collatione, ille qui antea prave sentire putabatur, in recta sententia fuisse postea deprehen-

prehendatur, ejusque verba commodius & accuratius explicata, ab impietate liberentur. Quod quoties secundum germanas Criticae regulas, & sincero patrocínio praestetur, neque ab Ecclesia, neque ab Eruditis moleste ferendum est. Major enim cura Veritatis, & Christianae Caritatis habenda, quam proprii judicii, quando ejus naturae judicium non est, ut necessario veritas cum iplo conjuncta incedat: quod in Ecclesiasticis de Doctrina, seu Dogmate, judiciis rite peractis semper fieri, est apud nos exploratum. Ex adverso etiam contingere potest, ut re melius explorata atque discussa, qui Auctor, qui Liber ante ab Ecclesia aut probatus aut absolutus fuerat, male sensisse, & haeretica dogmata continere postea noscatur, & aequissime tandem damnetur. Ex hac regula Ibae Epistolam, atque Theodoretii Capitula, quae in Concilio Chalcedonenſi censuram Patrum effugerant, eorum Auctoribus Catholicae communioni redditus, deinde Oecumenica Synodus V. execrata est, impiisque sententiis atque erroribus scatere deprehensa iustissimo anathemate perculit. Rursus Honorium Romanum Pontificem Oecumenica Synodus VI. Haereticis accensuit, ejusque Epistola ad Sergium tanquam impia proſcripta. At veritati & aequitati suus perpetuo futurus est locus. Uique post tantum antiquitatis consensum ego negare non ausim (parcant Baronius, & alii) quin anathema dictum Honorio fuerit; sed cum Baronio, Bellarmino, & aliis contendere & nos possumus, Honorium male revera non sensisse de Christi Voluntatibus, neque Haereticum plane fuisse. Restat adhuc illius Epistola. Nihil ibi doctissimis viris occurrit, quod considerata temporum & rerum conditione, verum referat Monothelismum, hominemque faciat impia tradentem. Quare damnatam in Honorio doctrinam nos quidem execramur; at Concilii sententiam de Persona & Scriptis Honorii certe suscipiendam, sed non omnino certam censemus, quod & quamplurimi ante nos censuere, scriptisque prodidere, plaudentibus Eruditis, & Ecclesia atque Apostolica Sede post tot annos nequaquam improbante illorum consilium. Video, in magnis ambagibus versari, qui Epistolam illam merito fuisse damnatam evincere conantur, & Baronium atque Bellarminum cum sua sententia componere volunt.

Ceterum, quotiescumque Ecclesia, aliquem aut Auctorem aut Librum post plenam causae cognitionem damnavit, & illius mentem, istius sensum, quantum fieri potest in humanis, accuratissime investigavit, & conceptis verbis de adhibita diligentia, & de sensu proſcripto monuit fideles; confirmata sententia priore, & improbat

illius Auctoris five Libri patrocinio; tantum roboris Ecclesiasticis iudiciis accedit, ut iis non acquiescere, & adhuc adversari, non temeritas tantum, sed scelus sit, idque non leve. Veneranda semper sunt Apostolicae Sedis, & Ecclesiae, vel de his rebus iudicia. At tamen tolerare interdum Ecclesia solet ac potest, ut damnatis Auctoribus, Librisque proscriptis modesta & humilis defensio praestetur. Melius ipsa amat suos habere innocentes, quam reos. Et quamquam prius rite iudicaverit secundum allegata & probata: nihilominus aequi deinde bonique facit huiusmodi etiam patrocinia, utpote quae interdum veritati prospicere, semper Caritate abundare possunt. Verum, postquam Ecclesia nulli diligentiae pepercit, & patronos nihil solidi afferentes, immo cavillationibus tantum causam agentes, silere iussit novis decretis, humillime parendum est. Et non divina quidem, sed pia fides, & non oris tantum, sed & animi reverentia est his adhibenda iudiciis.

Ad leges Disciplinae, quae interdum tutelam suscipi reorum finit, pertinet etiam nostrae sententiae aequitas. Tum Ecclesiae interest aperire, tum fidelium cognoscere, qui sint Haeretici, hoc est homines Catholicae Fidei vel voce vel scriptis adversi, & qui sint Libri sensibus perversis, & errorem spirantibus contaminati, ut vera Christi Doctrina incolumis in congregatione fidelium servetur, & omnis errandi causa auferatur. Utramque pestem vitandam esse sci- mus e Christi ejusque Apostolorum imperio, ne, ut ait Apostolus 2: ad Tim. III. 13. *Mali homines, & seductores, & errantes, in errorem nos mittant.* Porro ex institutione divina, Pastorum est, scilicet Episcoporum, ac potissimum Apostolicae Sedis, lupos huiusmodi detegere, & venenata pascua remove. Ipsorum est iudicare, quid ovibus fugiendum sit, quidve sequendum. Igitur sine crimine, sine temeritate negari obsequium, & pia fides non potest huiusmodi iudiciis, ubi diligentissimo examine legitimi Iudices causam versare; ubi statutum est, nullius ponderis esse adhibitas in patrocinium personarum atque Librorum, rationes. Cur enim temerarium non sit, privatam suam opinionem solum Ecclesiae & Apostolicae Sedis, hoc est, Iudicum a Deo constitutorum, sententiae praeponere in re tanti momenti? Nisi his decretis humiliter & ex animi sententia obtemperandum, atque acquiescendum est, sique retractari ista iudicia possunt, quamquam adeo exquisita peracta: quandonam constabit, qui sint Haeretici nobis ejurandi, quae sint verba male fonantia, qui sensus impiam doctrinam referentes? Quotidie non acquiescendi, non obtem-

obtemperandi causas nectemus atque interea Haereticis frustra damnati bacchari pergent, eorumque Libri sensibus perversis infecti doctrinam perversam animis pervicacibus aut incautis legentium instillare non cessabunt. Quem quaeso judicaturum de sensibus verborum, de mente Scriptorum amplius appellabimus, quando Ecclesiam, Concilia, & Christi Vicarios auscultare nolumus, a quibus tam solemnii iudicio haec etiam causae pars & controversia diremta est? Utique non sunt e caelo expectandi Angeli, ut his quaestionibus finem faciant. Nunquamne parendum est?

At, inquit, nos Doctrinam ab Apostolica Sede, & ab Ecclesia damnatam damnamus; non enim illic errori obnoxia est Ecclesia Christi Sponsa. Hanc autem Doctrinam verbis & phrasibus illius Libri contineri, eamque illius hominis menti revera insedisse, neque divinitus cognoscit Ecclesia, neque jure nos ad credendum cogere potest. Silentium prae reverentia adhibebimus. Majora praestare necessum non est. Nam qui certos nos Ecclesia de re illa faciat, quam ipsa certo non cognoscit, & in qua judicanda errare potest? Verum argutis talibus Ecclesiae mandata eludere nefas est; & qui iis utitur, Fidei quidem leges se habere perfectas prodit, Disciplinae autem prorsus ignorat. Nimirum Disciplina praecipit, ut his etiam iudiciis rite peractis animum pie fideliterque submittamus. Cordi nobis futura est prae omnibus Catholica Doctrina: ergo abominandi, qui illam corrumpunt voce, scriptis; ergo damnanda scripta & sensa, quibus ex Ecclesiae sententia continetur male sana doctrina. Cujusnam vero est, nisi Episcoporum, & praecipue Romani Pontificis, iudice decernere, qui sint isti Auctores nobis execrandi, quive Libri, Verba, & Phrasae veneno infecta? Restat igitur ratio docet, hos prae aliis Auctores, Librosque esse a nobis damnandos, quos Ecclesia per juridicam & solemnem sententiam damnavit, & damnandos mandavit. Itaque huic damnationi quisque fidelis corde & ore subicere se debet, & inanem, ne erret in obsequendo, timorem deponere. Ferendi ergo non sunt ii Janfenii Episcopi olim Iprensis aetclae, qui post celebre ac repetitum ab Apostolica Sede, & ab Ecclesia universa receptum Janfenianae causae iudicium cedere nolunt & obsequi, & quorum nonnulli sub specie tuendi Janfenii & vindicandi a nota haereseos impacta, non quidem ejus personae, ut constar hujus controversiae peritis, sed ipsius doctrinae errores damnatos defendere & tradere non dubitarunt, Summis Pontificibus, Episcopis, omnique Ecclesiastica ac saeculari auctoritate contemptis.

Sibi

Sibi igitur irascantur, si Disciplinae severitatem in se experiuntur, qui Disciplinae Legibus adeo temere adverfantur? Fieri non potest, ut gravem Haeretici cordis suspensionem non ingerant, dum tanto molimine deploratam Janfenii causam tuentur. Nam quod est ad novissimum Clementis XI. Pontificis Maximi decretum, nihil equius efformari potuit, quam quum statuitur, *non ore solum, sed & corde rejici ac damnari ab omnibus Christi fidelibus debere damnatum in V. Propositionibus Janfeniani Libri sensum, quem illarum verba prae se ferunt, nec alia mente, animo, aut credulitate formulae Janfenianae condemnationis subscribi licere posse.* Jure (uti diximus) exigere a Fidelibus Ecclesia potest, ut Libros, hominesve a se damnatos dampnent. Quis autem mentis compos, & verae Theologiae gnarus, sibi persuadeat, licere aliquid ore damnare, illudque ipsum interea corde amplecti? Ista linguae & animi dissensio ulliusne potest ratiunculis dealbari, atque excusari?

Quod autem Apostolica Sedes in Janfenii causa nunc exigit, non nudijs tertius exigi coeptum est, sed ab ipsis Ecclesiae incunabulis invaluit. Ubi quempiam Haeresis Ecclesia damnavit, tum continuo praeceptum est, ut illum omnes pro Haeretico haberent, atque ut saltem Ecclesiae Ministri ipsum disertis verbis execrarentur. Formulae etiam, sive fidei Professiones fuere constitutae, quibus scribendum erat, uti post Janfenianam controversiam actum pariter fuit. Qui hosce Haereticos, eorumque scripta ejurare noluerunt, tum de Haeresi suspecti, tum Haeretici (si evidentia maxima suberat) & ipsi proclamati sunt. Unius Theodoretii exemplum memorasse sufficiat. In Chalcedonenſi Concilio Aet. 8. tergiversabatur ille, volebatque Nestorio statim anathema dicere. Post varias interpellationes, minitati sunt Patres se pro Haeretico ipsum habituros, nisi in Haereticum Nestorium anathema aperte pronuntiaret. Tum ille amplius non cunctatus, paruit, & orthodoxe sentire ex hac professione creditus fuit. Ceterum sequenti saeculo iterum in scenam Theodoretus rediit una cum Iba Edeſſeno, ac Theodoro Mopuesteno in celebri trium Capitulorum causa. Scripta istorum, tanquam a recta fide abhorrentia damnavit Synodus V. Oecumenica, reluctantibus plerisque Africae & Istriae Episcopis, Chalcedonenſis Concilii incolumitati tunc immerito paventibus, qui & inde perniciosum Schisma constarunt, quum alioquin omnes in doctrina fidei consentirent. Sed ejus Concilii judicium, cui primum reluctatus fuerat Vigilius, raturum tandem ipse habuit, aliiſque deinceps Romani Pontifices, ac successu tempo-

temporis immutabile stetit. Tum vero inexcusabiles habiti, qui eisdem iudicio subscribere noluerunt, & poenis ac censuris compulsi sunt ad subscribendum. Quamvis enim, uti vidimus, ad Fidei Dogmata non pertineat Personarum, Librorumque damnatio, at tamen ad Disciplinae leges spectat facere, & exigere, ut & huiusmodi iudiciis reverenti & humili animo assentiantur fideles, eosque, nisi obsequantur, temeritatis, scandalique crimine merito posse damnari, quum disciplinae contemptum, & perversae doctrinae suspensionem a se depellere isti non possint, si Libros & Auctores solemniter iterumque damnatos damnare recusent. Ad ejusdem Disciplinae auctoritatem referendum est, compellere posse fideles ad pie credendum & fideliter obsequendum in tot aliis factis a Deo quidem minime revelatis, sed moraliter evidentibus, & ut talibus ab Ecclesia rite judicatis, e quibus Doctrinae Catholicae stabilitas, & morum regimen quodammodo pendet. Talia habeto, qui sint legitimi Successores Petri, legitimi Episcopi, ac Reges; quae sint Oecumenica aut probata Concilia; quae Decreta indubia Romanorum Pontificum; quae germana Patrum scripta; & quid interdum revera sentiat aliquis ex Patribus; & quis Caelitum albo sit adscriptus, & alia ejusmodi, in quibus modo majorem, modo minorem reverentiam postulare poterit Ecclesia pro majore aut minore rerum certitudine atque evidentia, pro graviore aut leviori necessitate ad servandam unitatem atque doctrinam, & ad avertendos errores. Uno verbo, huiusmodi factis, a Deo quidem non revelatis, sed tamen cum Dogmate connexis, si Evidentiam praefertant, demens sit, & nonnumquam reputetur Haereticus, qui credere & obtemperare nolit: sin ambigua & dubia apparent; adhuc praestat Ecclesiae sententiam ferenti, utpote judici divinitus ad nos regendos constituto, quam infirmo nostro ingenio, piam adjungere fidem, ne ob timorem incerti & minime periculosi erroris in crimen certum incurramus: quale profecto est in tanto discrimine aut corrumpendae doctrinae, aut scindendae unitatis, obedientiam Praepositis nostris, rationem pro nobis Deo reddituris, pervicaciter denegare. Atque hactenus de iudiciis Ecclesiae in factis ad Historiam Ecclesiasticam pertinentibus, atque a Deo minime revelatis.

CAPUT VICESIMUMPRIMUM.

*In profanis Artibus, Scientiis, ac Historiis magna Ingeniorum liber-
tas. Sed & haec ab Ecclesia tunc coercenda, quum per eas sen-
sentias aliqua ex parte laeditur Fidei Doctrina, aut sacrosanctae
Literae erroris sive mendacii suspicione asperguntur. Sublato bu-
jusmodi periculo, liberum est in his sentire, quae velis. Regu-
lae nonnullae in hanc rem Sacrarum Literarum scopus. Quando-
nam sit, aut non sit, evidens Scripturae mens in rebus ad salu-
tem minime spectantibus.*

NUNC mihi dicendum restat, quei regenda sint homi-
num Ingenia, quaeve tum illorum tum Ecclesiae sint
jura in profanis Artibus, Scientiis, atque Historiis per-
tractandis. Lex illa omnium prima: *Licere ingeniis
nostris heic sentire, quod & magis lubeat, & verum
aut veri videatur similis.* Si Mathematicas Artes excipias, & prae-
cipuam partem Philosophiae morum, reliquae Artes ex opinione
hominum non parum pendent, tenebris innumeris involutae, in qui-
bus certum difficile offendas, hallucineris facile: id quod potissimum
in Physicis, Medicis, Astrologicis, Geographicis, Chronologicis, Hi-
storicis rebus animadvertere est. Caliginem istam superare Ingenia
nituntur. Si res bene cedat, secundos eorum conatus humana tan-
tum gloria manet, non autem caeleste praemium. Sin aliter acci-
dat, nihil est quod sibi timeant a divina Justitia; non enim in po-
stremo Orbis judicio cuiquam vitio vertetur, quod aut has Artes i-
gnoravit, aut in earum cognitione aberraverit. Huc spectant Ephre-
mii Antiocheni verba apud Photium Cod. 228. *Ηὐτο γὰρ ὁπρὶς πρ-
σεν ἰπποα ὧς. Inquisitio illa, quae de rebus Fidei suscipitur, si a-
berret a veritate, ingens animae naufragium offert. Quare vel mini-
mam, quae quidem eo pertineat, excutere syllabam oportet. At vero
disputatio illa, quae de quaestionibus habetur ad fidem minime spe-
ctantibus, recte quidem res habeat, si optatum finem veritatis asse-
quatur. Sin autem ab eo excidat, id quidem non bene successerit,
non tamen in exitum animae vergit. Unum igitur hinc redundare
potest*

potest incommodum, terrena videlicet gloria carere, si haec nescias; aut sese hominum cachinnis & contumeliis exponere, si in his turpiter erres.

Quum autem has Eruditionis partes non minus Ecclesiae, sanctis Patribus, & Christiani gregis Pastoribus, quam cuicumque homini privato, obscuras & ambiguas reliquerit Deus, & quum eorum tenuissimam portionem ipsemet revelarit, neque porro necessarium foret, ut ea revelarentur; non enim ad beatam in caelis immortalitatem suapte natura Animam perducunt, quod res Mundi uno potius quam altero modo esse, aut non esse, accidisse, aut non accidisse putentur: quis non intelligat, hujusmodi opiniones extra ditionem Ecclesiae plerumque esse, ingentemque Ingeniis patere libertatem, ut heic sese pro viribus, opinando, concertando, somniando etiam, ac delirando, exercent? Nova hoc in regno excogitare licet, vetera aspernari, susque deque etiam vertere. Et quoties de meris profanis rebus, siue cognitionibus agitur, a Religionis negotio omnino disjunctis, non alio loco habendi vel ipsi sancti Patres, quam quo singuli privati Auctores. Veneranda profecto semper est Conciliorum, sanctorumque Patrum auctoritas; sed quae in Dogmatis est certissima magistra veritatis, talem se praestare nequit in his etiam, quae sunt ultra fines sanctissimae Religionis, Doctrinaeque Christianae. Quare nescio, quo plausu excipiendi sint illi, qui in Physicis, in Historiis profanis, & hujusmodi argumentis Augustinum, Thomam, Bonaventuram, (a) aliosque sanctitate simul & eruditione celebres viros producant; rati se istorum auctoritate firmissimum suis sententiis comparasse praesidium, & ad ista certe magna nomina incutiendum esse mirum suis adversariis timorem. At sancti Patres in hisce Artibus humanis ac Scientiis, non Christum, sed Platonem, sed Aristotelem, sed Avicennam, homines videlicet impios, aut caecos habuere Magistros, aut suum intellectum fallacem; aut alios homines erroribus obnoxios, sequuti sunt. Quid ergo heic certi a sanctis Patribus polliceri tibi possis? Tantum sane eorum dicta valebunt apud cordatos viros, quantum rationibus, & robustissimis, neque fallacibus argumentis nitentur. Praeterea non hoc suae Ecclesiae, non Conciliis, non Patribus dedit Christus, ut Populum fidelem Astronomum facerent, Physicæ, Chronologiae, Historiae profanae, rerumque similium sine ullo errore peritum. In Crucifixi Schola satis est docere, satis edificare, quae vere de Religione credenda, quae

Tom. X. P. I.

A a

pie

(a) Praecedentes editiones, post Bonaventuram, addunt Antonium.

pie facienda, ut ametur Deus, Caelorumque Regnum vi beatissima tandem rapiatur. Sed haec manifestiora sunt, quam ut pluribus argumentis indigeant.

Ipsae tamen profanae Artes & Scientiae quibusdam evidentibus Christianae Doctrinae, sacrarumque Literarum monumentis possunt interdum opponi. Igitur altera Lex erit: *Nefas Ingeniis nostris esse, in cunctis Artibus, sive Disciplinis, aliter sentire, quam veritatis oracula clamant;* & Ecclesiae pastoribus jus esse a Deo datum heic quoque coercendi temerarias hominum mentes. Non heic de iis profanae Scholae opinionibus loquimur, quae recta feriunt Christi & Ecclesiae Scholam; nam hae statim damnandae cognoscuntur, quales de Moribus, Virtutibus, & Vitiis, de Natura divina, de Providentia, Creatione mundi, Anima rationali aliisque rebus bene multae occurrunt in Platonis, Aristotelis, Zenonis, Democriti & Epicuri Sectis. Loquimur de iis opinionibus, sive effatis, quae suapte natura nihil pertinere ad Fidem, nihil officere, nihil adversari videntur salutari Doctrinae Christianae Religionis. Etiam si aperta facie ista non militent, militare tamen clanculum, atque indirecte, possunt contra certissimam aliquam Religionis veritatem. Est Dogma Fidei, Prophetis ac Apostolis divinum adfuisse Spiritum, ne quid falsi memoriae mandaretur in sacris Scripturis. Multa autem in utriusque Testamenti Libris habentur, quae referri possunt ad Physicam, ad Astronomiam, ad Historiam profanam, ad Chronologiam. Turpiter erret, qui in ejus generis notionibus revera hallucinatos Prophetas arbitretur, & documentis eorum habere fidem nolit, aut falsi litrem intendat; caussatus tantummodo, non eam Deo fuisse mentem, ut nos eruditione profana imbueret, atque inuilem rerum scientiam per suas Scripturas revelaret. Certe non ista ad salutem necessaria, & in se considerata, minime pertinent ad Fidem. Sed quia a Scriptoribus falli nesciis, & divino Spiritu afflatis, consignata literis fuere, atque errorem in Prophetis sive fallaciam suspicari nefas est: idcirco hujusmodi etiam documenta certissima credenda sunt, & relationis causa procul dubio spectant ad Fidem. Neque sane ferendi Arminius & Episcopus Remonstrantium primipili, asfirmare ausi, Scriptores sacros in rebus levibus, & nihil ad salutem pertinentibus, memoria, aut ignorantia labi potuisse, & revera fuisse lapsos. Absit, ut hac temeraria medicina apparentibus quibusdam sacrorum Librorum contradictionibus atque difficultatibus consulamus, quando tot aliae rationes aequae commodae & innocuae occurrunt, quibus

quibus divinarum Literarum veritas & auctoritas a suspitione falsi & erroris liberetur. Idem dicendum de aliis Physicis atque Historicis opinionibus, quae si verae credantur consequenter infirmant, & falsitatis arguunt divina quaedam Myſteria & Dogmata, in Ecclesia Dei firmissime ſtabilia. In his igitur dubitandum non eſt, quin Ingeniis noſtris Ecclesia imponere frenum poſſit, ac debeat; neque enim committendum eſt, ut Spiritu Sancto inspirati homines laſſi putentur vel in levibus rebus quum non quae ſua erant, ſed ea duntaxat, quae Deus omniscius revelaverat, memoriae mandarent, & populo credenda exhibuerint.

Atque hae quidem regulae generales, & leges praecipuae ad iudicandum de hiſce quaestionibus. Sed iudicio ſubacto, & circumſpecta aequitate opus plane eſt in earum uſu. Nam una ex propoſitis legibus illam Ingeniis licentiam tribuit, quae in Ecclesiae & Veritatis perniciem declinare interdum poſſit: altera opinandi libertatem ita adimere nonnunquam poſeſt, ut Ingeniorum jura laedantur. Et proſecto quum praeteritis temporibus, tum noſtris potiſſimum, non deſuere, nec deſunt homines, quibus familiare eſt profanas diſciplinas, atque ſententias ſaeculi, quaſi verbis divinis infeſtas atque contrarias, infeſtari, & proſcindere internecino odio, perpetuis clamoribus. Si quid novi Phyſica, aut Aſtrorum Scientia, aut Ars Medica, aut Eruditio profana adfert: iſtud hominum genus mille pericula continuo timet ſanctiſſimae Religionis, & certis Fidei decretis. Solicii ergo nullum non movent lapidem, quo Auctores novarum opinionum, licet nihil rei cum ſancta Religione habentium, infament, eorumque Libros dilacerent, proſcribant, & ſupremis Ecclesiae Tribunalibus conſigendos exhibeant. Et eorum zelus utique laudandus, modo tamen ſit ſecundum ſcientiam, & cautiſſimis grefſibus procedat. Deplorandum enim eſt, ſi errores, ubi non erant, ſomniet; ſi illic pericula conſingat, unde nihil mali eſſuere poſeſt, & injuſtos neque neceſſarios compedes injicere velit naturali humanarum mentium libertati. Et revera non animadvertunt interdum docti pariter piique viri, ſe unius Ariſtotelis cauſam agere, quum Religionis cauſam tueri videntur. Peripatetica Philoſophia capti atque diſtenti, quidquid ab iſta abhorret, continuo falſum ducunt. Tantum nempe amoris ac venerationis huic uni Scriptori, aliſque antiquis Auctoribus, praedudicata opinio comparavit, ut eorum adverſarios, & contraria quaeque, non odiſſe eorum amarii nequeant, uſque adeo ut quando nulla alia ratio ſuccurrit nova inventa deſi-

ciendi, facile & crebro ad auctoritatem Principum, Academiarum, & Religionis confugiatur, quasi de Regnis, de Veritate, de Fide actum sit, si nova haec recipiantur in Scholis. At ista sinceriori iudicio, & sine affectibus, pertractare, atque insectari, aut defendere debet unus amor Veritatis. Unum hunc igitur nos consulentes, necessarium putamus quaedam heic statuere, quibus Ingenia nostra insistere jubentur, si rite fungi suo jure ac munere velint, neque in Religionis sacra quicquam peccare.

Et primo dicimus, tum posse ac debere Ecclesiam sententiam ferre, certumque illius fore iudicium de Quaestionibus Physicis, Medicis, Astronomicis, Geographicis, Historicis, aliisque hujusmodi, quum constabit, uno potius quam altero modo opinari, contrarium esse evidenti Scripturarum sanctarum, & Dogmatum veritati. Secundo, evidens erit, & constabit sacrarum Litterarum, Christianaeque doctrinae sententia, quando Prophetarum, Apostolorum, & Ecclesiae verba ac documenta nullam aliam interpretationem commodam sustinent, quam quae iis opinionibus omnino repugnat. Tunc enim variae ab hominibus excogitatae opiniones, quamvis ad salutem non necessariae, & ex sui institutione indifferentes ut aut credantur, aut non credantur, erroris, impietatis, & falsitatis iusta de causa damnabuntur. Tertio, si commode cum hisce hominum privatorum opinionibus conciliari poterunt divinae Literae, neque vis in Scripturarum explicatione sacris verbis inferatur, tunc neque impia, neque falsa appellare licebit hujusmodi, ut ita dicam, indifferentia Scientiarum & Artium placita. Quarto, erit ea interdum in hujusmodi sententiis indifferentibus rationum & experimentorum gravitas atque evidentiæ, ut non laudabile solum, sed & necessarium futurum sit, cum istis conciliare sacrorum Librorum sententias: quod commode saepe fieri poterit, si rectae Critices usus adminiculum pie & sedule quaerentibus ferat.

Quae sint autem harum legum fundamenta, breviter exponemus. Veritas una est. Innumerabiles ejus particulae non pugnant invicem, non discordant, sed amice conspirant: quod de Erroribus non accidit, quorum alter alterum insequitur nonnumquam, ac destruit, omni spe foederis utrimque sublata. Fac aliquid sit verum in Theologia, & in sacris Literis: necesse est ut idem quoque affirmetur in Physica, & in profanis Historiis. Rursus si quidquam verum certumque sit in Philosophia & in Historiis non sacris, aliter fensisse nequit divina Scriptura, & Christianorum Theologia. Unicum

cum tamen haec inter discrimen. Semper Ratio, semper Philosophia, aliarumque Artium documenta cedere Fidei, sacrisque Literis debent, aliquid evidenter tradentibus; non autem sacrae Literae ac Theologia, aliquid evidenter narrantes, submittendae sunt Rationi ac Philosophiae, quamquam & istae evidentiam jactent a suis partibus quam maximam. Et aequissime id ab ipsa Ratione exigitur; cum sacris enim Literis, & cum Fide, ac Revelatione divina, perpetuo & necessario conjuncta est Veritas. Aliquid revelante ac tradente Deo omniscio, & veracissimo, illic errorem aut mendacium excogitare, omnium perniciosissimum delirium est. Contra cum Ratione humana, cum Philosophia, Historia profana, aliisque Artibus necessario Veritas non habitat, & saepe error locum habet. Igitur falsum sit necesse est, quod a perspicua Fidei eruditione dissentit; neque enim alia esse potest Theologorum veritas, alia Philosophorum; alia Dei, alia hominum; ac proinde cedere oportet Ratio Fidei, non Fides Rationi, sicuti aequum est, ut homines Deo, non Deus hominibus cedat. Et gravissime profecto ac sanctissime pronuntiatum anathema in Lateranensi Concilio sub Leone X. Sess. 8. contra quosdam Peripateticos Philosophos, inter quos fuisse fertur Petrus Pomponatius, quod secundum Philosophicam doctrinam mortales esse hominum Animos dicerent, licet secundum Christianam Fidem immortales eos affirmarent. Rationem damnationis invictissimam his verbis concludere Patres. *Quum verum vero minime contradiat, omnem asserionem veritati illuminatae Fidei contrariam, omnino falsam definimus.*

At saepe etiam in humanis Scientiis & Artibus, immo in toto Rationis humanae regno, tanta esse potest Veritatis evidentia & perspicuitas, ut secundum ipsam Rationem, secundum istas Artes, non solum liceat, sed necessarium plane sit explicare non aequè perspicuam Scripturarum sanctarum mentem, ac verba. Id accidit, quum talem sensum divinae Literae prae se ferunt, qui si verus & germanus censeatur, intoleranda post se absurda & incommoda trahat. Hoc est, ubi sententiam aliquam tribus aliquibus verbis divinae Scripturae, contradictiones nunquam sedandae emergent inter haec & alia aut Scripturae loca, aut Fidei Dogmata, atque de Numine, ejusque Natura, ac voluntate, indignum aliquid sentietur; & recte Rationis principia, & Virtutum ac Morum clarissima praecepta, & receptissima apud omnes Christianos Artium placita, evertentur. Tunc ergo res monet, prioribus illis Scripturae verbis, utpote minus quam haec
alia

alia documenta perspicuis, non eum qui putabatur tribuendum esse sensum. Tunc non obvia ac literalis sententia, sed figurata accipienda fortassis erit; neque proprius, sed translatus sensus; eisque verbis aliquid aliud significare voluisse divinus Spiritus censendus erit; quod quale sit, facile ex aliorum locorum collatione liquebit. Hinc illud celebre & summo opere laudandum Augustini axioma in Ep. 143. olim 7. *Si Ratio contra divinarum Scripturarum auctoritatem reddatur, quamlibet acuta sit, fallit verisimilitudine; vera esse non potest. Rursus si manifestissimae certaeque Rationi velut Scripturarum sanctorum obijcitur auctoritas: non intelligit, qui hoc facit; & non Scripturarum illarum sensum, ad quem penetrare non potuit, sed suum potius obijcit veritati; nec quod in eis, sed quod in se ipso velut pro eis invenit, opponit.* Unde autem Anthropomorphitarum Haereticis erupit, nisi e perversa eorum locorum interpretatione, in quibus sacrae Literae Deo oculos, manus, pedes, aliaque membra, & corpus & affectus hominum tribuere videntur? *Oculi Domini super iustos, & aures ejus in preces eorum: Manus Domini fecit haec. Et quum audissent Adam & Eva vocem Domini Dei deambulantis in Paradiso ad auram.* Et alia id genus innumera. Haec, ut litera sonat, accipienda non esse, sed sine dubio censenda tropice & figurate dicta, quo per sensibiles imagines invisibilia intelligantur, quis quae-so nos docuit, nisi evidentissima lux Rationis, ac Theologiae naturalis, quae Deum plane incorporeum & spiritalem esse statuit? Ne contradicam ideae perfectissimae, quam & Natura & Scientiae mihi de vero & summo Deo indiderunt, a literali proprio sensu eorum verborum discedere cogor, & loca illa conciliare cum hujus ideae veritate manifestissima. Quando autem mysticus, aut figuratus sensus literali proprio sit praeponendus, & ab isto recedere non solum deceat, sed oporteat, doctissimi viri luculentissime tradidere. Sed unius Ecclesiae est decernere sine errore, quae interpretatio consonet aut repugnet Veritati, in sacris Literis, atque in singulis earum verbis certissime regnanti.

Si quidquam igitur literalis proprius sensus Scripturarum habeat, quod cum Artium, & Scientiarum, & Historiae evidentibus principiis & documentis pugnet, & commodam non recuset interpretationem, ista profecto adhibenda erit, aut saltem illam adhibere nemo sibi religioni ducat. Tantoque magis id praestare licebit, quanto certius est, majorem sine comparatione libertatem heic esse humanis Ingeniis, & nullam necessitatem credendi, sive discendi.

Certum

Certum enim est, in istis rebus Deum exquisitè erudire noluisse hominum genus, quum sacrarum Literarum verus sit scopus atque consilium nos ad Amorem Dei & proximi tantummodo informare, in quo universa Lex posita est, & Prophetarum doctrina. Quod quum fieri nequeat, nisi etiam cognoscatur, verus Deus, & verus Dei & hominum Mediator Christus Jesus, & nisi recta morum praecepta habeantur perspecta: haec etiam in Scripturis sacris revelare & inculcare hominibus Deo placuit. Reliqua ad humanas Artes pertinentia, quae illic narrantur, eatenus spectanda sunt, quatenus ad illam Scripturarum sanctarum mentem referuntur. Eo saltem fine consideranda non sunt, ut Physicam, Geographiam, Chronologiam, terrarum rerum Historiam, Astronomiam, Medicinam, Militarem Artem, & alia id genus, non secus ac ipsa Dogmata, discamus.

Quocirca quam diligenter Apostoli, & Ecclesiae Patres mandant, ut ad illustrandam, confirmandam, propugnandam Dei, Christi, & verae pietatis cognitionem, Scripturarum scientia adhibeatur; tam caute etiam vetant, ne in alias inutiles, & curiositati potius quam eruditioni salutari inservientes quaestiones nimium diverstant Christianorum ingenia, neve ad eas dirimendas in medium afferantur oracula divina, quasi divini consilii fuerit, & nostra & Creatoris nostri intersit, nos in his inanibus argumentis doctos esse aut ignaros, & sapere, sive desipere. Altiora, diviniore, & nostram salutem aeternam, non nostram temporalem eruditionem, sacri illi Codices respiciunt. Audiatur heic Gentium Doctor. In Ep. I. ad Tim. Cap. 1. illa prohibet, quae quaestiones praestant magis quam aedificationem Dei, quae est ex fide. *Finis autem praecepti est Caritas de corde puro, & conscientia bona, & fide non ficta.* Et Cap. V. 3. *Si quis aliter docet, & non acquiescit sanis sermonibus Domini nostri Jesu Christi, & ei, quae secundum pietatem est, doctrinae: superbus est, nihil sciens: sed languens circa quaestiones & pugnas verborum, ex quibus oriuntur invidiae, contentiones, &c.* Postquam in Epistola ad Titum multa de clementia Dei, de Mediatore, aliisque divinis beneficiis proloquutus est: Haec, inquit, *sunt bona & utilia hominibus. Stultas autem quaestiones, & genealogias, & contentiones, & pugnas legis devota; sunt enim inutiles & vanae.* Ubi nam ergo sunt, qui in divinis Scripturis quaerunt naturalium rerum, Astrorum, temporum, & locorum scientiam? Earum auctoritatem, nisi manifestissima sit, in his nimium inculcare, neque temeritate, neque periculo interdum caret: certe ab ipsarum consilio abhorret.

Pro-

Propterea idem Apostolus Cap. I. 9. Epistolae ad Titum postulat Christianum Episcopum ita Scripturarum scientia instructum, *ut potens sit exhortari in doctrina sana, & eos, qui contradicunt, arguere.* In doctrina, inquam, sana, & Pietatis, & Fidei, non in Physica, aut Chronologia, aut rebus profanis. Neque alio nomine se Doctorem, servum Dei, & Apostolum Jesu Christi in exordio hujus ipsius Epistolae profitetur, quam *secundum fidem Electorum Dei, & agnitionem veritatis, quae secundum pietatem est.* Quid autem refert ad pietatem, scire, cujus figurae, verbi gratia, Terra sit, quei supra Caelos sint aquae: an Caeli ex quinta substantia sint, & an ex se corruptioni obnoxii; num Ignis inter elementa computandus; quis Estheris conjux, videlicet utrum Xerxes, an Artaxerxes fuerit, & alia ejusmodi? Haec idcirco prae oculis habens sanctus Basilius in Examer. Hom. 9. Moysen laudat, quod ea praetermiserit, quae Philosophorum animos inani studio torquent. Scripturam autem ait suo honore, sua gloria spoliari per eos, qui ejus dicta ad inutiles quaestiones inflectunt. Similia habet Sanctus Hieronymus in Cap. 3. Ep. ad Titum, eique concinunt, quicumque pietate & judicio in explicandis sacris Literis excelluere. Quibus ex rebus sequitur, prudentissime agere Ecclesiam, quae ab hujusmodi quaestionibus dirimendis, & opinionibus probandis sive improbandis abstinet. Eas ipsa aut non curat, aut etiam contemnit: & siquidem veller interdum se istis immiscere controversiis, necessaria ad rectum certumque judicium ferendum praesidia ipsam deficere interdum possent. Nimirum Traditio sacra, antiqua, & continuata nonnumquam deesse, sine qua testatur Ecclesia se firmas proferre heic non posse sententias. Nam cur Deus incorruptam per tot saecula hinc de rebus scientiam, & Traditionem in Ecclesia sua servet, quando earum ignorantia nullum suis fidelibus, nullum suae Religioni periculum creat, atque ipse earum scientiam neque a nobis experit, neque nobis revera reliquit, immo contra ab earum inquisitione per suos Apostolos nos non semel deterruit?

Restat igitur, ut una de causa nonnumquam Ecclesia compescere & damnare possit has etiam indifferentes hominum opiniones, quum videlicet agitur de liberandis ab erroris aut mendacii suspicionem utriusque foederis Libris. Tum certe ad Ecclesiam spectat, falsa proclamare & irrevocabili ictu prosternere, quae aliter vera esse nequeunt, nisi falsi arguatur sacratissimum illud veritatis penus. Huc autem pertinent, quae sanctus Thomas habet 2. 2. Qu. II. Art. 2. ubi

ubi ait, quaedam spectare ad Fidem posse dupliciter; *uno modo directe & principaliter, sicut articuli Fidei; alio modo indirecte, & secundario, sicut ea, in quibus sequitur corruptio unius articuli.* Sed omnino appareat, neque appareat tantum, sed revera adsit oportet necessitas damnandi hujusmodi opiniones indirecte oppositas sacrarum Scripturarum veritati. Evidenter, inquam, constare prius debet, non alium sensum commode, & legitime, & secundum Criticae regulas, tribui posse Literarum sacrarum verbis, quam qui adversetur Physicis istis, Geographicis, Historicis, & aliis ejusdem naturae sententiis. Nam si per germanam aliquam, & non violentam interpretationem alius sensus a literali & obvio, convenire possit Scripturae divinae verbis; & componi cum Artium & Scieniarum effatis Prophetarum dicta valeant: non est cur ab ea interpretatione adhibenda nos jure ac merito impedire quisquam velit. Tunc in tuto sunt omnia. Tunc divinatorum Codicum dignitati consultum satis est, & Ingeniorum iuribus, & legibus optimi Judicii, verique Scripturarum interpretis. Neque temeritas amplius est, neque crimen perniciosum, id affirmare, quod a sacris Auctoribus negari non constat, aut id negare, quod ab iisdem affirmari manifeste non liquet. Sufficit autem in his rebus, uti diximus, a divinis iis Scriptoribus arcere aut mentiendi voluntatem, aut memoriae lapsus, aut rerum, quas narrant, ignorance quamcumque; non enim ista excogitare aut suspicari vel leviter licet in hominibus, quorum calamum regebat divinus veritatis Magister. Hoc periculo declinato, quae ad veritatem propius accedere, aut veri videbuntur similiora, sentire fas erit, in quaestionibus videlicet, quae sive in unam sive in alteram partem versentur, ad aeternam hominum vitam, eruditionemque salutarem nihil faciunt.

Interdum autem tantam esse posse diximus divinae mentis evidentiam in verbis sacrorum Codicum, ut abjicienda sit quaecumque alia diversa opinio rerum vel indifferentium. Atque id potissimum elucet in Historicis documentis, quorum sensum obvium saepissime accipiendum esse, manifesta ratio docet, atque adeo omnis inde excluditur figuratae dictionis suspicio. Quod Jacob ex utero materno prodiens, plantam fratris teneret, aut non teneret manu, nihil ad hominum salutem, & necessariam eruditionem spectabat; nullum enim continet aut innuit Fidei Dogma, sive praeceptum vitae. Sed quando hujus rei mentionem nobis relinquere ad aliquam semper utilitatem nostram divino consilio placuit; & Jacobum apprehensa fratris

Tom. X. P. I.

B b

plan-


planta, in lucem revera egressum fuisse, Genes. XXV. 25. ita narratur, ut nonnisi violenta interpretatio adhiberi possit Scripturae verbis: ejus rei Historia habenda est sine ulla dubitatione a Deo revelata, atque certissima. Similiter nullus esse potest dubitandi locus, quin sub Augusto Caesare facta fuerit descriptio illa, quam Lucas in Evangelio memorat II. 2. & quin Syriae aliquo modo praefuerit Cyrinus, sive Quirinus. Itidem certum nobis ac ratum est, Tobiae canem suo Domino praecurrisse, & quasi nuntius ad ejus parentes adveniret, blandimento caudae suum expressisse gaudium, Tob. XI. 9. Atque alia id genus certissima sunt; nam si aliter explices, quam litera sonat, manifestam vim infers narrationi divinae. Propter eandem rationem, quum ex evidenti Scripturarum testimonio, & perpetua Ecclesiae Traditione constet, Deum omnipotentissimum posse ex nihilo aliquid facere; & posse alicujus rei substantiam in alteram convertere, ita ut prioris substantiae accidentia, sive species, non destruantur, fiatque in hominum sensibus eadem sensatio, quam substantia sublata sive commutata prius producebat; & posse facere, ut humanum Corpus induta incorruptione glorificatum in Caelis, angustissimo spatio contineatur, & per corpora spississima liberum habeat aditum; quum, inquam, haec evidenter certissima sint nobis per Revelationem: statim consequitur, a veritate abhorrere, quidquid acuti, quidquid speciosi Physica excogitare & asserre contra possit.

Rursus eas rationes, eamque evidentiam secum ducere interdum Physica, Historia profana, atque aliae Artes possunt, ut prae illis non aequae evidentia, immo dubia sint Scripturae sacrae verba. Quod si contingat (saepe autem contingit) tum certe non licet solum, sed oportet, sacras Literas non repugnantes interpretatione aliquas explicare, quod semper commode fiet, consultis prius non temerariae Criticae regulis. Sive Metaphora quaeciam, sive Synecdoche, sive Metonymia, sive alius quispian Tropus & Figura in divinis verbis apparebit, quo non obviis, sed alius verissimus sensus illic significetur cum profanis opinionibus concors, ut nihil dicam de Orientalium populorum Dialectis, in quibus manifestum nimis est diversos plane a nostris saepe exhiberi dicendi modos. Unde autem novimus, tot Scripturae sensus aliter quam litera sonat significare, nisi quia rerum experientia, & humanae Artes ita accipiendos movent? Anima rationali carere bruta, anima quacumque carere simplicia corpora, jam notum est nobis. Ergo ubicumque iis Animam, aut etiam Animam rationalem, tribuere Scriptura videtur, illic Tropum

rum & Figuram aliquam haberi statim intelligimus, aut Animae vocabulum aliter apud Hebraeos accipiendum, quam apud Latinos. Eodem modo, hominem, cuius *cor & ossa tanquam tremulum aue-
runt, quique ut focum percussus fuerit*, vivere diutius non posse, tam certum est quam quod certissimum. Ergo Davidis verba haec narrantis in Psalmo Cl. 4. 5. de se ipso, aut de paupere quopiam adhuc vivente, non ad literam, sed figurate exponenda sunt. Idem-
que de versiculo sequente dicendum, ubi sanctus Rex ait: *A voce
gemitus mei adhaesit os meum carni meae*. Quodnam enim est angus-
tiae & miseriae signum, ossa habere carni suae adhaerentia? Nonne
& hoc in recte se habentibus conspicitur? Et nihilominus haec Da-
vid memorat, infelicem alicujus statum descripturus. Ergo dicen-
dum, carnem heic pro cute hominis accipiendam esse; cutis enim
est pars quasi homogenea carnis. Ossa autem cuti adhaesisse dicun-
tur, ut macies hominis extrema significetur, qua dicendi formula
& ipsum vulgus nunc utitur, & Comicus olim dixit: *Ossa atque
cutis sum miser*. Accedit etiam locus Jobi XIX. 20. *Pelli meae, con-
sumis carnibus, adhaesit os meum*. Seu, ut habent Hebraici Codices: *Pelli meae, & carni meae, adhaesit os meum*.

Tandem loca Scripturarum amplurima occurrunt de rebus ad salutem non necessariis, quae dubium sensum, dubiam significatio-
nem praeferunt, variasque facile admittunt, easque verisimiles, inter-
pretationes. In his, non immoderata quidem, sed magna tamen Ingenii licentia conceditur interpretandi, & disputandi, modo omnis Ingeniorum linea illo tendat, ut inter ceteras, quae verisimillima sententia videtur, Scripturis sacris tribuatur. Experimenta rerum, Linguarum peritia, Historia profana, omnesque Artes, & humanae Scientiae heic in consilium adhibentur; & quo graviore rationes & probabiliora argumenta unam potius quam alteram sententiam com-
mendant, eo tutius & laudabilius in eam Ingenia concedunt. Hinc tot in sacris Scripturis exponendis quaestiones. Hinc tot unius loci interpretationes, totque novi Eruditorum conatus, ut dilucidius, ve-
risimilius, & aptius quam antea explicentur Scripturarum loca. Ne-
que hujusmodi interpretationes, quia novae, unquam improbari pos-
sunt, sed quia insulae, ineptae, & a ratione absontae, & ab aliis Scripturae locis fortasse discordes. Nam in iis quidem, quae ad praecepta vitae, & ad Fidei Dogmata pertinent, jure interdicta est illa opinionum novitas, quae sanctorum Patrum consensui repugnet. At in istis indifferentibus rebus opinari, & nova proferre, nequa-

quam prohibemur; siue enim heic uno potius quam altero modo sentias, nihil hoc Fidei, nihil hoc Dogmatibus, & scientiae morum officit, ubi a singulis interpretibus in tanta interpretationum varietate satis consulatur dignitati & veritati sacrorum Codicum. Sic Eruditus hucusque licuit disputare, num Quirinus, memoratus, ut vidimus, in Evangelio Lucae, ordinarius Syriae Praefes fuerit, an extra ordinem, census causa illuc missus; aut an descriptio universi orbis Romani, ante indicta & completa fuerit, quam idem Quirinus Syriae praeesset. Id ex innumeris aliis exemplis liquere potest. Neque vero urgere quemquam possumus disputantem de his rebus scitu non necessariis, ut opinionem suam mutet, multoque minus ipsum tanquam Haeresis, & perversae doctrinae reum infectari, dum tamen hic rite & commode interpretari, suaeque opinioni minime contraria Scripturarum loca, si qua opponuntur, ostendere valeat. Ille tantum Haereticus est, qui pertinaci animo Dogma aliquod ab Ecclesia receptum, a Scripturis sacris, aut a Traditione commendatum, contemnit, rejicit, negat; aut Scripturae loca ad fidei & morum doctrinam spectantia contra mentem Ecclesiae, & consensum Patrum pervicaciter interpretatur. In reliquis ipsos Patres quidem venerari, aut religiose & κατὰ τὸν αἶμα sequi non cogimur: alioqui tot haberemus Haereticos, aut saltem temerarios, quot habemus Scripturarum Interpretes.



CAPUT VICESIMUMSECUNDUM.

An Scripturis sanctis repugnet Astronomorum sententia de Telluris motu diurno. Sacrae Litterae phrasibus vulgi ac figuris usae, ut verum quoddam significarent. Exempla in eam rem. Quid totus Orbis in Scripturis, extremitates Caelorum, Solem incalescere, aliaque ad Caelos, Stellas, ac Solem spectantia. Quando proprium litteralem sensum in Scripturis sacris retinere cogamur; & quando sit locus aliis interpretationibus.

EXIGERE itaque juvat, quum res poscit, ad hosce Canones inventa nonnulla, opinionesque varias Philosophorum, Physicorum, Historicorum, & quidquid in Mathematicis, Astronomicis, & Geographicis studiis aut novi aut antiqui traditur. Fac autem, exempli gratia, in Astronomia nobis occurrit quorundam systema de diurno circa Solem immobilem Telluris motu, cui complura loca e divinis Scripturis petita opponi videntur. Tum prudentis Theologi erit investigare, an ita perspicua sint atque evidentia sacrarum Litterarum loca, ut omnino peccetur contra melioris Criticae, ipsiusque rationis leges, & contra germanae interpretationis regulas, si illa trahere velimus ad opinionem eorum Astronomorum. Multa autem ab ejus sententiae tutoribus pro se adferri possunt. Quanquam enim neque in Physica, neque in Astronomia quidquam certi habeamus de Telluris motu attamen eam sententiam nondum Ecclesia, aut Apostolica Sedes damnavit, neque pro Haereticis reapse habet tot eruditos viros aut clam, aut aperte eam amplexos, sive olim, sive duobus proxime praeteritis saeculis. Copernicana quippe Hypotesis, ut obiter id dicam, non plane nova est, uti ex Aristotele, Cicerone, & Plutarcho apparet, eamque octoginta annis ante Copernicum asseruerat celeberrimus vir Nicolaus Cusanus Cardinalis in Libro de docta Ignorantia; sed illam Copernicus in multis perfecit, ejusque vestigia sequuti videntur Calendarii Juliani in Correctione Gregoriana emendatores. Contra vero his Scripturae sanctae locis immobilitas Telluris, & Solis mobilitas suadentur. Gen. XIX. *Sol egressus est super terram.* Et cap. XXXII. *Ortusque est ei sicut Sol.* Ecclesiastici verba

verba sunt Cap. 1. *Generatio praeterit, & generatio advenit; Terra autem in aeternum stat. Oritur Sol, & occidit, & ad locum suum revertitur, ibique renascens gyrat per Meridiem, & flebitur ad Aquilonem.* Ad imperium autem Josue praecipientis, ne Sol ac Luna moverentur, *steterunt Sol & Luna, donec ulcisceretur se gens de inimicis suis. Steterit itaque Sol in medio Caeli, & non festinavit occumbere spatio unius diei.* Ita Josue X. 12. 13. Alia loca praetermitto jam nota, jam usu doctorum hominum trita, quibus Terrae quies, & motus Solis aperte memorari videntur in sacris Codicibus. At quod est ad ea Scripturae verba, quae Tellurem immobilem significare videntur, fatendum est, parvo negotio conciliari posse cum Astronomorum sententia; etenim ibi potius affirmatur, Tellurem permanere, semperque esse, neque a suis cardinibus unquam dimoveri: quae sane consistentia, perduratio, ac firmitas localem motum in ea excogitatum nequaquam excludit. Ita quoque Firmamentum, Caeli appellantur; Aethera etiam seu Caelos divina Sapientia firmavit sursum, ut habetur Prov. VIII. 28. Et tamen a Caelorum firmitate motus nequaquam abhorret, ut in Ptolemaei Systemate traditur.

Longe clariora sunt pro Solis mobilitate sacrorum Librorum documenta. Verum animadverti debet, solere divinas Scripturas ad opinionem vulgi sese interdum accommodare, & retinere communem loquendi consuetudinem, ut ad rudis populi sensum & captum sese attemperent. Facilius enim ignarum vulgus ea concipit & percipit, quae usitatis dicendi formulis proponuntur, quam quae inusitatis, licet accuratioribus. Quod potissimum elucet in iis tradendis, quae ad salutarem Fidei & Morum veritatem non pertinent; nam, uti diximus, Deo per suas Scripturas loquenti non is scopus fuit, ut inanem erga res, scitu non necessarias, erga mundi elementa & corpora, hominum curiositatem pasceret, sed ut vere utilia ad aeternam beatitatem consequendam traderet. Neque in doctis humanae sapientiae verbis ipse loquitur, sed sese demittit ad earum locutionum usum, quae quanquam minus accurate, & ad humanae sapientiae trutinam impropriae dignoscuntur, rudi tamen populo veritatem quampiam utilem ac salutarem commodius exponunt. Quod si Deo corpus, & membra, & animi perturbationes, & operationes humanas tribuere non dubitarunt divinitus inspirati viri, quo significarent veros divinae operationis effectus: quanto aequius hujusmodi minus accurately loquendi genere uti poterunt, dum de Physicis & humanis

nis rebus quidpiam enarrabant? Est hoc figurate loqui, est hoc in usu apud omnes populos, immo & apud ipsos doctos, & praecipue Poetas, atque Orientales, neque enim veritas inde laediur, sed per eas etiam figuras eleganter traditur, quod vere tradere in animo fuit. Eruditorum autem hominum est in his non necessariis rebus, Ecclesiasticorum vero Judicium in rebus ad Fidem & eruditionem Christianam spectantibus, decernere, quid proprie, & quid figurate sit accipiendum.

Fuisse divinis Scriptoribus eum morem, ut secundum vulgi sententiam interdum loquerentur, luculentissimis exemplis demonstrari potest. Quum dicimus *Terrarum Orbem*, multoque magis quum *Universi* titulum addimus, nemo est qui nesciat, significari Populos omnes, & universas Provincias ac terras, quae terraquei globi spatio quaquaversum continentur. Sed alia interdum fuit, & adhuc est vulgi opinio, dicendique consuetudo. Nimirum totius Orbis vocabulo significantur Provinciae & Populi antea cogniti, & magna Terrae pars, aut vastissimum quoddam Imperium, quale olim Assyriis, & Alexandro Magno, & Romanae Reipublicae contigit. Inquit autem sanctus Lucas II. 1. *Exiit edictum a Caesare Augusto, ut describeretur universus orbis, ἀπογραφῆσαι πᾶσαν τὴν οἰκουμένην.* En ut vulgari opinione dicendique forma utitur sanctus Evangelista. Magnifice de suo Imperio sentiebant Romani. Nihil minus, quam totum Terrarum Orbem sua ditione se tenere aut arbitrabantur, aut distabant. In hanc rem celeberrima praesertim sunt Petronii verba in specimine Belli Civilis.

Orbem jam totum victor Romanus habebat,

Qua mare, qua terrae, qua fidus curris urrumque.

Et Hagesippus Lib. 2. Antiqu. Cap. 9. *Orbis terrarum, qui Romano Imperio clauditur ac definitur.* Attamen nemo in Historia aliquantulum versatus est, qui nesciat, longe abfuisse Romanos ab imperio totius Orbis, cujus amplam quidem partem armis victoricibus occuparant, sed revera opinione minorem, si cum tot aliis Provinciis adhuc indomitis conferebatur. Quum igitur in quibusdam Scripturae locis mentio fit de Terra, de toto Orbe, *πᾶσι τῇς οἰκουμένης*, non continuo accipienda sunt ea vocabula de omnibus Telluris gentibus atque Provinciis. Interdum per illa significatur Judaea tota cum Judaeorum tribubus late diffusis, interdum Romanum Imperium, interdum etiam ea Terrae pars, quae antiquis iis temporibus cognita

cognita erat, hominumque Judaeorum commercio patebat. Quam interpretationem admittit locus ille Pauli ad Rom. X. 18. ubi ad Evangelii praedicationem accommodat Psalmi XVIII. versiculum quintum: *Sed dico, numquid non audierunt? Et quidem in omnem Terram currit sonus eorum, & in fines Orbis Terrae verba eorum.* Non enim verisimile est, tum temporis in extremas usque Scythiae seu Tartariae inhospitae provincias, & in vastissimas Americae regiones, atque in tot alias barbaras gentes sub utroque Polo sitas, Evangelium & Apostolos penetrasse; quum novissime tantum, hoc est tribus proxime praeteritis Saeculis, magna earum regionum pars innotuerit, & amplissima adhuc Regna tum circa Arcticum, tum circa Antarcticum Polum, diligentiam & navigationem hucusque fugerint recentium Europaeorum, qui tamen sine comparatione anteferendi sunt veteribus nautis, & antiquis lustratoribus orbis. Et certum quidem videtur, ante saeculorum consummationem nullo termino constringendam esse Ecclesiae Catholicae fideique verae ditionem, omnemque prorsus gentes in hereditatem Christi cessuras. Verum Tertuliani, Hieronymi, Augustini, aliorumque Patrum aevo id nondum contigerat, quanquam ex ipsorum sententia Ecclesia Catholica *Mundum repleret, totum Terrarum Orbem incenderet; in toto orbe divideretur; impleret universam Terram; toto Orbe diffusa esset.* Maximam totius Orbis portionem ea nomina sonabant, illamque praecipue, in quam aditus erat Judaeis, Romanis, & Graecis. Haec vulgo erat terra nota, haec Patribus erat totus Terrarum Orbis. Divinae vero Scripturae illam vulgi opinionem, & loquendi consuetudinem usurparunt, revera significaturae eam Terrae partem, quam vulgus noverat; non enim divinum consilium eo etiam pertinebat, ut fideles hinc discerent, alias easque amplissimas Terrae partes haberi ultra cognitum orbem. Id quoque animadvertas, ubi Daniel praedicat, Alexandrum universae Terrae imperaturum. Lege etiam Cap. II. 5. Act. Apost. *Erant, inquit sanctus Lucas, in Hierusalem habitantes Judaei, viri religiosi ex omni natione, quae sub caelo est.* (a) Ita vulgo videntur cogitationes & velle ac nolle in Corde nasci; quum tamen certum sit, tum Mentis, tum Voluntatis sedem veram esse Cerebrum & Caput hominis. Innumera sunt loca divinatorum Scriptorum ad istam vulgi Opinionem composita.)

Ad

(a) Ex secundis curis comparatio istiusmodi addita, nam praecedentes editiones desunt in haec verba: *quae sub caelo est.*

Ad hunc eundem morem facit alius Aëtorum locus XXVII: 27. *Circa medium noctis suspicabantur nautae apparere sibi aliquam regionem.* Graeci Codices, non *apparere*, sed *appropinquare* habent, quum utantur verbo προσάγειν. Ubi videmus cum vulgo loqui sanctum Lucam, ipsumque externam speciem oculorum sequutum; nam navigantibus litora moveri, & loca remotiora accedere aut recedere videntur.

Provehimur portu, terraeque, urbesque recedunt,

Est versus perquam notus Virgilii 3. Aen. cui similes bene multos facile attexas. Quum autem Apostolus in 1. ad Cor. Cap. I. 21. ait: *Placuit Deo per stultitiam praedicationis salvos facere credentes:* cur eo vocabulo praedicationem Veritatis & Evangelii designat, nisi quia sapientibus hujus mundi, & humanae rationi stultitia videbatur Christiana Fides atque Doctrina? Idem Apostolus in 2. ad Cor. Cap. IV. 4. *Deum hujus Saeculi* Diabolum appellat, non quia talis ille sit, sed quia pro Deo ab Idololatriis habetur, & colitur, & ipse Deum sese venditat, uti innuitur Matth. IV. 9. & Luc. IV. 6. 7. Ab aliis ejusmodi exemplis abstineo, iis lubentius usus, quae ad propositum argumentum propius accedunt.

Nusquam certe manifestius oculorum judicia, & vulgi opiniones confectatur divina Scriptura, quam quum de Caelis, corporibusque caelestibus loquitur. Isaias XIII. 4. 5. *Dominus exercituum, inquit, praecepit militiae belli, veniensibus de terra procul, a summitate Caeli.* Hebraei Codices habent: *Venientes de terra procul, ab extrema Caeli.* Gentes de longinqua terra, & ab extremis partibus venturae, nihil aliud significant, quam populos ab extremis terrarum partibus ac finibus in Babyloniorum imperium ruituros. Desumpta autem ex opinione populari ea phrasis fuit. Vulgo enim videtur Caelum esse, non sphaericum, sed hemisphaericum, & in extremis terrae deficere, atque illic terminari. Eadem phrasis occurrit Deuter. IV. 32. & XXX. 4. & lib. 2. Esdrae I. 9. & Matth. XXIV. 31. Eo pertinet, quod in iisdem sacris Libris *Montes* appellantur *fundamenta Caelorum*. Ita 2. Reg. XXII. 8. de Deo canit sanctus Rex David: *Commota est, & contremuit terra: fundamenta montium concussa sunt, & conquassata.* Pro fundamento montium legitur in Hebraeis Codicibus *fundamenta caelorum contremuerunt* מְסֻדֵּי הַשָּׁמַיִם יָדָּנִים, *Mosedorb basciamnim irgazu.* Nimirum, si fidem oculorum, & iudicium vulgi consulamus, Caelum e longinquo videtur in montes desi-

definere, eos contingere, ipsisque quasi fundamentis inniti. Columnae itidem Caeli appellantur Montes, Job. XXVI. 11. quia montes tanquam columnae, ut oculo apparet, Caelum innixum sustinere videntur. Familiaris fuit omnium populorum Poetis haec eadem dicendi forma; & inde Atlas, Olympus, alique montes Caelum sustinere dicti, quasi ipsis incumberet Caelum. Neque aliunde *finis* seu *horizontis* nomen venit, nisi quia Caelum suo hemisphaerio contingere illam regionem videtur, quam terminat.

Non minus apertam in eo figuratae dictionis genere phrasim invenio Exod. XVI. 21. *Colligebant autem mane singuli (manna), quantum sufficere poterat ad vescendum: quumque incaluisse Sol, liquescebat.* Quid est, quod Sol incallescere dicatur? Num identidem frigescit, num de suo ardore atque calore Sol interdum quidquam remittit, ut subinde recuperet? Nequaquam profecto. Cum vulgo loquuntur sacrae Litterae. Matutino tempore, quum adhuc nocturnum frigus aerem occupet, Solisque radii nondum suam vim repetitis ictibus in oppositum atmosphaerae crassiore aerem exercuerint, Solis calor remissus, debilisque omnino videtur. Ipsum itaque Planetam sensim incallescere arbitrantur mortales, quo altius ab horizonte procedit, quasi in ipso, & non potius in aere, seu in hominibus ad Solem expositis cresceret aut decrederet calor. Occurrit eadem phrasim 1. Reg. XI. 9. ac utrobique in Hebraicis Libris adhibetur verbum **סח** *sacham*, quod proprie significat *calere, incallescere*, & passively accipitur. His adde Isaiam dicentem Cap. XIII. 10. *Obtenebratum fuisse Solem in ortu suo.* En res tantummodo apparens in divinis Litteris delineata. Quum nubibus obducitur Caelum, aut inter Solem ac Terram Luna interponitur, Sol ipse obtenebrari videtur: videtur, inquam, oculis mortalium; non enim ipsius globum revera tenebrae capiunt, neque ejus lumen deliquium patitur. Hinc Ezechiel XXXII. 7. sensum Isaiæ aliter expressit, inquiens: *Solem nube segam.* Quando vero in sacris Scripturis Stellae de Caelo aut casurae, aut decidisse dicuntur, tunc ad ea, quae apparent, alludere videntur Prophetæ: quippe non in Terram cadere plures Stellae possunt, quum earum singulae Terram sua magnitudine superent. Fortassis etiam in Epistola sancti Judæ Cap. I. 13. quae ibi *Stellae erraticae* appellantur, revera Stellae non sunt sed meteora, & aeris inflammationes in longum ductae, cadentibus Stellis perfimiles, quae vulgo Stellae creduntur.

Quid?

Quid? quod in iisdem etiam Scripturarum locis, quae pro Solis diurno motu contra opinionem Astronomorum proferuntur, sacri Auctores popularibus locutionibus uti maluerit, quam exquisitis, & ad verae Astronomiae Physicaeque amussim exactis. In Pl. XVIII. 6. de Dei gloria, quae in Sole, praesertim apparet, loquens Propheta: *In Sole, inquit, posuit tabernaculum suum. Et ipse (hoc est Sol) tanquam sponsus procedens de thalamo suo, exultavit ut gigas ad currendam viam. A summo Caelo egressio ejus. Et occursum ejus usque ad summum ejus. Nec est, qui se abscondat a calore ejus.* Heic Sol exoriens comparatur Sponso procedenti de thalamo suo; quibus verbis ad populi opinionem alluditur, putantis, Solem quiescere atque dormire, quandiu a nostro hemisphaerio abest, & cum aurora e cubiculo quasi post somnum egredi, atque interruptum cursum resumere. Sequentia verba parum apte exponit celebris quidam inter Astronomos, Almagesti novi Scriptor: ait enim, illic *Astronomico more initium finemque diei a summo, & in summo caeli, id est a Meridiani culmine, ac summa altitudine Solis peti. Summum Caeli*, quod heic memoratur, unde Sol egreditur, & aliud *summum*, quo pervenit, nihil aliud sunt, quam extremae Caeli partes, quae supra horizontem nostris oculis sese offerunt, scilicet Oriens & Occidens. Supra vidimus, in Isaiae Cap. XIII. a Vulgata memorari *summitatem Caeli*. Itidem *a summo Caelo usque ad summum ejus*, legitur Deuter. IV. 32. & XXX. 4. ejusdem Libri. Pro *summo Caeli* Vulgata legit heic *Cardines Caeli*. Haec autem omnia idem significant, videlicet *extrema Caeli* (quae etiam vox occurrit 2. Esdrae I. 9. apud vulgatum Interpretem), & in Hebraicis ubique exprimuntur per vocabulum קצוֹת *Katsch*, significans *finem*, *extremum*, *extremitatem* alicujus rei. Itaque in supra laudatis verbis Psalmi XVIII. quae Hebraice ita sonant; *Ab extremo caelorum egressio ejus, & revolutio ejus super extrema eorum*, divina Scriptura loquitur secundum opinionem vulgi. Rotunditatem Caeli minime aspiciens, neque concipiens vulgus, duas ipsius *extremitates* sibi fingit, oculis etiam hanc opinionem confirmantibus: alteram nempe, unde Sol oritur, alteram, quo se quasi fessum a cursu vespere adveniente recipit. In eadem quoque opinione vulgi fuisse traduntur nonnulli e Patribus, Caelum arbitrati hemisphaericum. Reliqua verba, ubi dicitur, *nihil sese abscondere a calore Solis*, hoc est, ejus fervorem omnia contingere, & in omnia penetrare: ad aliquam etiam vulgi opinionem fortasse respiciunt, sed iis immorari nolumus.

Potius afferam, quae in supra laudato Ecclesiastis loco de Sole narrantur in Hebraicis Codicibus. Ibi enim scriptum est **וְאֵלֵי קוֹמִי** *veel me Komo scioeph* hoc est, *& ad locum suum anhelus is*, seu *anhelat*. Ubi videmus, Scripturam sacram figurate loqui, non proprie, quasi Sol vivat, moveatur, & e cursu anhelans ad locum quempiam properet sibi constitutum, tanquam ad metam. Eadem de causa ad illa verba *Oriunt Sol & occidit*, Lyranus adnotat: *ut apparet ad sensum*. Celeberrimum autem ad preces Josue factum in Sole prodigium aliqua pariter nobis exhibet, quae Spiritus sanctus, non qualia revera sunt, sed qualia oculis nostris apparent, in ea narratione usurpavit. Cap. X. 12. Josue, referuntur ejusdem ducis verba: *Sol contra Gabaon ne movearis, & Luna contra vallem Ajalon*. Seu, ut alii vertunt, *super Gabaon, & super vallem Ajalon*; seu secundum Hebraeos, *in Gabaon, & in valle Ajalon*. Quum Tellus in comparatione Solis sit exigua moles, & Gabaon, ac valles Ajalon in eodem terreo globo sint minutissimum punctum; quomodo Soli praecipitur, ne moveatur, sive ut sileat (ita Codices Hebraei), ac ster supra Gabaon, & supra vallem Ajalon? Nunquid huic puncto respondere potest (a) immanis Solis globus, qui ab egregiis Astronomis decies centies millies superare magnitudinem Terrae universae creditur? Ad vulgare igitur oculorum judicium aludere videtur Josue; nostris enim oculis Sol apparet tanquam discus duobus palmis dimetiendus, & super exiguum unum Caeli spatium moveri. Infra additur: *Steris itaque Sol in medio Caeli*. At caelestes orbes, si exacte loqui velimus, carent medio, atque extremitatibus; nam in corpore sphaerico, in semita aut linea circulari, quae extremitas, quod medium revera excogitari potest? Ergo istud etiam interpretari juvat ad sensum vulgi. Nempe oculis ille medius esse videtur Caelorum locus, qui ab Oriente atque Occidente aequaliter distat. Concluditur tandem narratio his verbis: *Non fuit antea, nec postea, tam longa dies*. Ridendum se praeberet, qui ad litteram haec verba accipiens, contenderet, nullam in toto terrarum orbe longiorem illa diem fuisse. Peragrantibus regiones sub utroque Polo sitas exploratum est, Solem diutius lucere, ibique longiores sine comparatione contingere dies. Verum Scriptura ad intellectum & scientiam Judaici populi sese accomodabat. Rudi illi populo Solis effectus sub regionibus Polaribus ignoti erant: neque porro divinus Spiritus revelare volebat, ad utilia nimirum intentus, & a pascenda inani hominum curiositate alienus.

(a) Al. ingens Solis &c.

Quae quum ita sint, & tot exemplis jam pateat, non raro Scripturam sacram, & praesertim dum de corporibus caelestibus agit, humano more, & ex vulgi usu solere loqui: uti etiam sanctus Augustinus Lib. I. Cap. 39. *Quaest. super Gen.* & ceteri Patres animadverterunt: illud consequitur, neque temere, neque imperite agere, qui loca ejusdem Scripturae, mobilitatem Solis prae se ferentia, figurate accipiunt, explicantque per Metonymiam; ita ut Scriptura, non quae sint, sed quae appareant, illic enuntiet, & vera facta referat per improprias vulgi phrasas. Et non violentam, neque insolitam, neque absurdam interpretationem illic adhiberi, tot rationes suadent, quot exempla produximus. Quod si per ejusmodi aequam interpretationem error omnis, & mendacii suspicio a sacris Litteris excluditur atque arceatur, divinaeque Historiae dignitas & fides in tuto posita est: equidem non video, cur iis incertis & commode exponendis documentis urgere velimus Astronomorum opinionem, eoque minus, quae ipsam impietatis arcessere. Non est illa quidem certa, non demonstrativis rationibus probata, & per Tycho-nicum Systema suppleri forsitan potest; sed verisimilis tantum est, moribusque caelestibus explicandis, & superfluis compluribus removendis omnium consensu perquam idonea. At ne certissima quidem, neque evidentia esse videntur Scripturarum interpretamenta, quae adversus ipsam pugnare dicuntur, ut illorum patentissima veritas nuntantem istius verisimilitudinem suo pondere aperte prostrernat. Nam quod in hanc rem aliqui ajunt, *omnem sacrae Scripturae propositionem accipiendam esse in sensu litterali & proprio, quotiescumque in tali sensu non est repugnantia cum aliis propositionibus ejusdem Scripturae aequae, aut magis certis aut cum definitione summi Pontificis, aut cum propositione aliqua naturali lumine certa & evidenti*; hoc, inquam, tam latum ac generale axioma nescio quam opportune inculcetur. Certe quantum fieri potest, retinere & consecrari debemus Litteralem proprium Scripturae sensum. Verum prope innumera ibi sunt de rebus ad salutem non necessariis seu dicta, seu phrasas, seu verba, quibus neque Fidei, neque Ecclesiae placita, neque naturalis luminis lux palam repugnat, & tamen in sensu litterali ac proprio a Sanctis Patribus, aliisque Catholicis Interpretibus non accipiuntur. Ut aliter ista explicentur, atque accipiantur, quam prima facie accipiendi videantur, sufficit, ut id probabilior aliqua ac verisimilior ratio suadeat, petita e Liberalibus Disciplinis, e profanis Historiis, e populorum moribus, aliisque etiam minus certis fontibus,

& fit

& sit non violenta, sed naturalis, atque in aliis similibus locis usitata & probata interpretandi ratio.

Sed, ut clarius loquamur, meminisse debent viri Theologi, Litteralem Scripturae sensum, quatenus a Mystico distinguitur, vel proprium esse, vel figuratum. Est autem Augustini, & complurium sententia, interdum plures Litterales sensus uni Scripturae loco seu testimonio congruere, quum contra alii arbitrentur, unum solum convenire posse. Utrique recte sentire, eorumque opiniones facile conciliari posse videntur. Unicum tantummodo sensum litteralem (non excluso Mystico) aut propriis aut figuratis verbis expressum, in quolibet sacrarum Litterarum testimonio divinus Spiritus revera voluisse concludere censendus est. At quum Scripturae verba, quod est ad sensum Litteralem, sint obscura interdum, varisque interpretationibus obnoxia, incertumque non raro sit, utrum proprie an figurate sint accipienda: diversas propterea Litterales Interpretationes ad eundem locum adhibere licet. Harum quaelibet, modo contorta non sit ac violenta, modo non aliis Scripturae, Traditionis, & Rationis luminibus adversetur, convenire, & laudari, ac tolerari potest. Quandiu non constet, quae sit eo loco mens divini Spiritus, neque evidenter appareat unicus ille sensus, quem Deus significare voluit: quid vetat pluribus modis eandem explicare loquutionem, dum id religiose fiat? Loca autem illa Scripturarum, quae ad Fidei ac Morum doctrinam spectant, uno duntaxat modo esse explicanda, neque plures pati posse Litterales sensus, dicimus; quia germanum eorum sensum a Deo unice expetitur jam Ecclesia ab ipso Deo didicit, & per Traditionem, atque unanimem Patrum consensum ad nos usque transmisit. Quare in iis locis interpretandis ab Ecclesia, a Traditione, a Patribus recedere nefas est. Verum in aliis Scripturae locis, quibus doctrina salutis minime continetur, ubi sensus non aliunde jam certus sit, immo ubi iste sit obscurus, & diversam Litteralem Interpretationem commode patiat: locum utique habet Augustini aliorumque sententia, plures videlicet sensus Litterales convenire uni loco posse ac tolerari debere. Heic valent sanioris Critices leges. Quamvis obviis sensus minime tum incurrat in Fidei & Caritatis dogmata, neque rectam Rationem pulset: si tamen non bene consentire deprehendatur cum Experientiae, Physicae, Geographicae, Astronomicae, Historicae, Logicae, aliarumque Disciplinarum verisimilibus sententiis, & contra conciliari cum istis non absurde, non violenter possit, vel figuram aliquam illic ostendendo,

dendo, vel praetermissa supplendo, vel obscura explicando: probabiles fiunt, verisimiles atque tolerabiles alii etiam sensus Litterales.

Retinere igitur proprium Litteralem sensum Scripturae non cogimur, eique licet praeferre Figuratum Litteralem, siue quum verisimilis ratio hunc potius quam illum eligendum suadet, simulque in aliis ejusdem generis locis ita explicari Scriptura amat, siue quum hujusmodi explicatio a Patribus non impugnatur, non dissentiit ab aliis Scripturae clarioribus locis, non ab Articulis Fidei, non a recta Ratione. Hoc enim est, non in Allegorias Historicum Litteralem sensum desistere, sed eum Historicum ac litteralem sensum Scripturis tribuere, qui rei, & narrationi, & consuetudini Prophetarum aptius conveniat. Unicum exemplum dabo. De Hierosolymae excidio haec praedicebat divinus Magister, Lucae XIX. 44. *Et non relinquent in te lapidem super lapidem*. Uti nemo non intelligit, obvius Litteralis, ac proprius horum verborum sensus est, ita minutatim Urbis illius moenia, ac domos disjicienda ac subvertenda fore, ut unus lapis relinquendus non sit cum altero coagmentatus. Nihil prohibet, quin ita revera evenisse dicamus in celebri expeditione & victoria Titi. Adversus alia Scripturae loca, adversus Traditionem Patrum, aut Romanorum Pontificum, Conciliorumve decreta non pugnat hic sensus. Neque naturali lumini adversatur; poterant enim Romani id nullo negotio praestare, si animus fuisset, Historia etiam & Patres ita vastatam Hierosolymam ajunt, & solo aequatam, ut ne ullum quidem signum habitatae Urbis relictum fuerit. Praedixerat etiam Christus nullum Hierosolymitani Templi *lapidem super lapidem relinquendum, qui non destruat*, Matth. XXIV. 2. & Marci XIII. 2. Plene Prophetiam hanc impletam fuisse, Historia fidem facit. Ingentes immensae illius molis lapides victor exercitus omnino contrivit, atque dissolvit, ferrum ac plumbum, quo connexi fuerant, rapturus. Et ne vestigia quidem celeberrimi Templi reliqua fuere; ipsius enim fundamenta (a) quanquam id minime veri videatur simile) Turnus Rufus aratro evertit, adeo ut nihil integrum remanserit, nullusque lapis lapidi impositus. Parem igitur everfionem toti quoque Civitati contigisse, non solum non abhorret a vero, sed veri omnino simile videtur; & si audire velimus legem a quibusdam, uti supra diximus, nobis praescriptam, necesse erit id sine dubitatione credere factum.

Ex

(a) Haec parenthesi recens addita.

Ex alia tamen parte vix credi potest, tantum otii fuisse Romanis, ut tam minute amplissimam Urbem, ejusque omnia fundamenta conscinderent. Ad haec Auctor Josephus est Lib. 7. Cap. 18. de Bell. Jud. a vastitate Urbis immunes fuisse Turres, quae praeter alias eminebant, partemque muri ad Occidentem non fuisse dejectam. Quocirca, relicto obvio proprioque sensu, alter sensus aequae Litteralis & Historicus, sed priore verisimilior, tribui potest iis Servatoris nostri verbis. Is nempe vulgarem consuetudinem loquendi imitatus, *nullum lapidem super lapidem relinquendum* hyperbolice praedixit, quo significaret, Urbem funditus diruendam, ejusque eversionem ingentem, insuetam, & horrendam supra modum esse futuram: quam sane praedictionem nemo dubitat quin plene eventus complevit. Igitur videndum est, quare non & Astronomis liceat diversum ab obvio sensum quibusdam Scripturae locis tribuere, quum praecipue similis Interpretatio in aliis Scripturae locis simillimus non solum non vituperetur, sed etiam laudetur: & verisimiliores rationes, ut vulgo Astronomi fatentur, Copernicanae, quam vulgari sententiae, faveant; & hae rationes verisimiliores praefendam etiam, aut saltem ferendam esse suadeant adhibitam ab ipsis Interpretationem Scripturae. Hoc, inquam, videndum; quum ceteroqui pateat, Litteralem sensum in iis Scripturae locis intactum custodiri, & aequae per eam explicationem statui Miraculum, quod Josue contigit. Sed quomodocumque tandem ista quaestio versetur, illud certum est, in his ad doctrinam Fidei nequaquam spectantibus rebus, nihil aliud Ecclesiam ab Interprete exigere, nisi ut a sacris Scripturis omnis suspicio falsitatis ac erroris avertatur, idque praestetur per commodas ac verisimiles Interpretationes; & verisimilior Interpretatio minus verisimili anteponatur, quanquam ne ipsae quidem minus verisimiles idcirco sint repudiandae. Haec autem omnia praestitisse Copernicani sibi videntur. Quod an vere contigerit, prudentum eruditorum erit judicare, donec Ecclesia hanc rite controversiam decernat, si tamen id facere, aut utile sit, aut necessarium sanctissimae Religioni.

Neque est, cur aliquis dicat: Diurnus Telluris motus minime demonstrative ostenditur verus. Ergo rejiciendus. Ergo vetus & communis sententia de Solis motu retinenda. Nam non ideo omnes Scripturae Interpretationes rejiciendae, quia demonstratione caret ratio ita interpretandi. Alioqui de commentariis sanctorum Patrum, aliorumque Interpretum actum esset, eandem interdum sententiam varie

varie atque opposite in hujusmodi locis exponentium. Deinde prudenter quidem, & religiose Ptolomaei, seu Tychonis sententia retineatur, sed ita ut ad Fidem pertinere nondum dicatur, neque Haeresis postuletur contraria sententia. Copernicani enim Systematis rationes, etsi nequaquam demonstrativae sint, eae tamen sunt, quae dubium faciunt Scripturae sensum in locis supra laudatis, ipsumque verisimili ac probabili Interpretatione a se non dissentire ostendunt. Quid si aliquando haec demonstratio a solertibus Astronomis & Philosophis adinventiretur? Nonne tum certum foret, Interpretationem propositam non solum tolerabilem & aequam, sed etiam necessariam esse? At quis non videat, periculosissimum, atque a Religionis Ecclesiaeque institutione alienum esse, velle id nunc pertinere ad Fidem, quod cras pertinere non possit? Fides atque stabilitas credendorum in Ecclesia Christi, absit ut ab humanis experimentis pendeat. Alibi autem vidimus, Concilia ipsa Generalia ex Augustini sententia certissime definire non posse, quae e novis experimentis aliter se habere deprehendi possunt. At inquis: nulla unquam Opinionis Copernicanae demonstratio invenietur. Consentiam, si vis, & ego; verum prae difficultate rei semper fortasse desiderabitur hujusmodi demonstratio, non quod aperta Revelatio divina jam spem omnem illius inveniendae sustulerit. Ne Ptolemaici quidem, aut Tychonici Systematis demonstratio hucusque inventa; immo haec majoribus quam Copernicanum difficultatibus laborare videntur. Interim ergo prudentis est suspendere judicium, neque tam acriter urgere divinas Litteras, ut oppositam sententiam haeresis & impietatis infirmes. Id enim est contra Ecclesiae ipsius mentem, cujus in hisce quaestionibus moderationem omnia monumenta antiquitatis testantur, & nos dilucidius exposituri sumus.



CAPUT VICESIMUMTERTIUM.

Traditio, & Evidentia exiguntur, ut in his ad salutem minime spectantibus documentis statuatur, aliquid certo esse credendum. Concilii Tridentini laudandum de ratione interpretandi praeceptum. Evidentia in his non raro desiderata. Quid de Anisipodum existentia olim creditum, & quam prudenter ab ea quaestione divimenda abstinueris Ecclesia. Scripturae non detorquendae ad profanorum dogmatum susclam. Petavii & Sancti Thomae sententia de stylo Moysis.

UTI satis significasse mihi videor, ab Ecclesiae foro atque censura eximere sese non possunt quaestiones opinionisque eruditorum hominum hac una de causa, quod nihil in Fidei & Caritatis doctrinam directe & suapte natura influant, sive uno, sive altero potius modo definiantur, quotiescumque per eas Christianae Doctrinae divinitus certae pars aliqua laeditur, aut per latus confoditur, & erroris sive mendacii suspicione, nedum nota patenti, aspergitur divina Scriptura: tunc enim in eas gladium aequissime & sanctissime arripit Ecclesia, easque prosterнат, atque e fidelium scholis & cordibus eliminat. Duplici autem modo suum hoc jus Ecclesia exercere potest, aut ipsas opiniones revera damnando, tanquam Fidei & sacrarum Litterarum doctrinae contrarias, aut solum vetando, ne publice tradantur, neve per Libros disseminentur in vulgus, prudentissime prospiciens incautis, ignaris, & novitarum amatoribus, quorum saluti aeternae aut jam coepit, aut in posterum potest nocere ejusmodi quaestionum atque opinionum agitatio. Verum ista medicina raro, illa etiam rarius Ecclesia utitur, & neutra sane, nisi praecesserit accuratissima causae rerumque cognitio. Et primo sententias quasdam ad salutis fideique eruditionem per se non pertinentes damnatura, rem tantam peragere se non posse, neque debere, probe intelligit, nisi explorata Traditio, & Evidentia rei prius moneat, ejusmodi sententias sacrarum Litterarum, Fideique firmissimis documentis opponi. Nam si in judicandis rebus Fidei, quae proprie sui sunt juris, & quas Theologorum est scire, haec eadem fundamenta exiguntur in Eccle-

Ecclesiasticis Praefulibus: quanto magis eadem exigenda sunt, quum de aliis rebus iudicandum est, quas ad Religionem non tam proprie pertinere diximus, immo nos ignorare sine crimine possumus?

Saepe autem Traditio desideretur, saepe etiam Evidentia. Nam raro contingit, ut de inanibus saecularis eruditionis quaestionibus Traditio vera attribui possit Ecclesiae Dei. Huiusmodi quaestiones vel tanquam inutiles neglexerunt, vel tanquam perniciosas, humanaeque curiositatis nutritias fugerunt sancti Patres. Quod si eas pertractarunt, aut obiter, aut etiam ex professo, nihilominus tanti eorum dicta valere noluit Ecclesia, ut ipsorum auctoritatis fasses necessario submitterent omnia posterorum ingenia, & legitima inde Traditionis Ecclesiasticae forma petenda foret. Hanc Patribus venerationem profecto debemus, quum de Christi, & Ecclesiae, & morum doctrina loquuntur, eamque doctrinam in sacris Litteris unanimi consensu exponunt. In reliquis profanae Litteraturae partibus, immo in ipsis Scripturis interpretandis, ubicumque non agitur de salutari illa Fidei & Caritatis doctrina, nunquam ita premimur auctoritate, aut sanctitate, aut eruditione Majorum, ut si quid melius, verius, aut saltem verisimilius ac probabilius nobis occurrat, proferre, atque etiam adoptare non liceat, dum Scripturae sanctae veracitas, dignitasque ubique intacta servetur. Hac libertate hucusque sunt usi, atque adhuc utuntur recentiores Scripturarum Interpretes, omnesque eruditi Catholicae communionis, quoties in id genus controversias incidunt, neque religioni sibi ducunt dissentire a Patribus in iis quae quocumque modo explicentur, ac dirimantur, nullam divinis Litteris, nullam Fidei doctrinae, nullam Ecclesiae sanctae injuriam inferunt, & veritatem quam proxime possunt accurate confitentur. Eset igitur inquirendum, num venerandum Traditionis nomen recte ac legitime in Copernicanam aliasque ejusmodi causas a nonnullis proferatur: scilicet num sancti Patres Telluris motum revera damnarint, sacrisque Litteris contrarium appellarint, quum certe non a Copernico originem duxerit ea opinio, sed quibusdam ex antiquis Philosophis, uti diximus, in mentem venerit, & litteris mandata, fortasse ab ipsis Patribus ignorata non fuerit.

Interim nobis plane commemorandum est, & summe commendandum Tridentini Concilii decretum Sess. IV. evulgatum, quo nihil in hanc rem opportunius reperias. *Ad coercenda petulantia ingenia decernit sancta Synodus, ut nemo suae prudentiae innixus, in rebus Fidei & morum ad aedificationem Doctrinae Christianae pertinentium,*

sacram Scripturam ad suos sensus contorquens, contra eum sensum, quem tenuit & tenet sancta Mater Ecclesia, aut etiam contra unanimum consensum Patrum, ipsam Scripturam sacram interpretari audeat. Mirari tamen, neque injuria, liceat, quei hanc regulam sapientissime conceptam intorquere nonnulli velint adversus Copernicani Systematis patronos, quasi in omnibus quaestionibus unanimum Sanctorum Patrum consensum necessario sequendum Ecclesia pronuntiet. Non inquit sancta Synodus, piaculum esse a Patribus discedere in Quaestionibus Historicis, Philosophicis, Mathematicis, Physicis, Astronomicis, Geographicis, aliisque hujusmodi rebus, quibus sacrae Litterae materiam vastam suppeditant. Conceptis verbis petit illa, ut sensum Ecclesiae, ac eosdem Patres humiliter audiamus, fideliter sectemur, quum agitur *de rebus Fidei & morum ad aedificationem Doctrinae Christianae pertinentium.* Quibus sane verbis non tam aperte coerces petulantium Ingeniorum temeritatem in pertractandis rebus utilibus, siue necessariis ad Fidem, ac mores, quam tacite monet quorundam aliorum exuberantem zelum, ne sententiam & auctoritatem Patrum importune objiciant, & necessario praefendam putent in reliquis etiam aut minime necessariis, aut inutilibus quaestionibus, & in exponendis iis Scripturae locis, quae ad Fidem, & mores, atque aedificationem Doctrinae Christianae non pertinent. Si & hoc poscere Tridentinis Patribus animus fuisset, nihil erat, quod sua verba ad salutares tantummodo quaestiones e Scripturis emanantes spectare affirmarent; & saltem aliis dicendi formulis latius patere mentem suam indicassent. Sed iis perspectum erat, frustra ad Fidem trahi de his rebus scitu non necessariis, immo ad aeternam vitam inutilibus, qualemcumque sententiam.

Itaque sapientissime in eam illi ivere sententiam, quae & unitati Fidei consulit, & Ingeniorum libertatem non minuit, eprime intelligentes, quando Scripturae veracitas, Fideique verae doctrina sine vi collocentur in tuto, non esse litem intendendam diversis Interpretum sententiis de rebus ad Fidem, & Mores, & Christianae Doctrinae aedificationem nequaquam pertinentibus. Prae oculis autem Tridentinorum Patrum, ut arbitror, tunc erant Apostoli verba in Ep. 2. ad Tim. III. 16. *Omnis Scriptura divinitus inspirata utilis est ad docendum, ad arguendum, ad corripiendum, ad erudiendum in iustitia, ut perfectus sit homo Dei, ad omne opus bonum instructus.* Ad quid utilis sit divina Scriptura, en quam aperte Apostolus significat. Nimirum Justitiam tradere illius est scopus, quo nomine Vir-

tutes

tutes omnes complecti Scriptura solet, & ad Caritatem, & ad omne opus bonum Fideles incitare atque instruere. Non, inquit, ad Mathematicas, Astronomicas, Physicas, atque alias id genus controversias dirimendas, doctrinasque saeculares explicandas, non ad erudiendum in Historia naturali: quae verba nescio, quibus Codicibus fretus Almagesti novi architectus Apostolo affingit, ut Copernicanis invidiam creet. Ista quoque (non inficiamur) inuuntur, & obiter memorantur sacris in Litteris; sed ut eadem aliquo pacto & pro conditione sua nos ad Fidem, Pietatem, & Caritatem erudiant, & a nobis in eum finem considerentur, non ut reapse disputationibus nostris, & nostrae curiositati finem faciant. In hanc rem praecipue consulendus sanctus Augustinus Lib. 1. Cap. 35. & 36. de Doctrin. Christ. ubi Scripturae totius summam & scopum statuit in commendanda nobis Dilectione Dei, & Proximi.

Ceterum ex his etiam intelligere possumus, Evidentiam non raro deesse, necessariam prorsus, ut ab ipsis Ecclesiasticis Judicibus certa feratur de his quaestionibus ad salutem non pertinentibus sententia. Partim id contingere ex rerum difficultate, atque obscuritate, partim ex ambiguo Scripturarum sensu potest. Aut turgidus, nimisve sui aestimator, aut caecus aliorum venerator sit necesse est, qui tot Aristotelis, Epicuri, Cartesii, Galeni sententias, in Physicis potissimum, sine ullo discrimine certas esse contendat. Pleraque (ut noverunt, & dissimulare nequeunt sinceri Philosophi) intra unius verisimilitudinis pannoeria continentur. Quo quaeque deprehenditur, aut apparet verisimilior, eo dignior sit plausu & consensu eruditorum. Hinc tot sonorae lites, & verborum rationumque pugnae, non prius modum finemque habiturae, quam in terris habitare & litteras colere desinat mortalium genus. Has autem, ut ita dicam, ingenitas rerum tenebras ne ipse quidem divinus Spiritus in Libris suis discutere voluisse putandus est. Immo ipse testatur, se in hujusmodi rebus tradidisse Mundum disputationi hominum, seque Deum esse docentem utilia, & tradentem unam scientiam revera lucidam, & facilem, qualis (postquam loquutus est ipse, & postquam quid ipse locutus sit, ab Ecclesia Catholica illius Interprete edocli sumus) est Fidei Catholicae, & Caritatis doctrina, non autem Physicae, Astronomiae, & horum similium. Id autem in sacris Codicibus evidenter traditum non dicitur, quod plures commodas & germanas patitur interpretationes, e quibus nulla certissimis aliis Traditionis, & Rationis, & Scripturae documentis opponitur. Multo

Multoque minus ille Scripturae sensus evidens appellandus, cui verisimiliores rationes, & experimenta sive jam facta, sive peractu non impossibilia, diversum alium sensum, immo oppositum, esse praefendum movent, in iis nempe rebus, quarum, uti ex generali regula statutum est, certam nobis cognitionem Deus relinquere voluisse nequaquam videtur, & quas contineri Traditione Patrum difficile demonstretur, & quae nihil Religionis interfit, quod uno potius quam altero modo ab hominibus credantur.

En ergo causae, cur ab hisce quaestionibus dirimendis Ecclesia Catholica, & Patres, & Romani Pontifices plerumque abtinent. Tum solum in hoc etiam stadio currunt, suaeque non fallaci auctoritate utuntur, quum necessitas cogit. Tum vero cogit necessitas, quum evidenter adeo de hujusmodi quoque indifferentibus rebus Scriptura loquitur, ut unum tantummodo sensum ejus verba admittant, & reliqui sensus, reliquae interpretationes ab usu Scripturae ipsius, aut ab aliis manifestissimis ejusdem locis, aut a Fide, Traditione, Ratione recta aperte abhorrent. Sublatis hujusmodi periculis & incommodis, & Scripturae sanctae veracitate ac dignitate servata, placide has controversias Ecclesia intuetur, ac tolerat, aut certe eorum decisionem suspendit. Et cur in hisce minutis, & suapte natura non utilibus, neque necessariis quaestionibus dirimendis sese Ecclesia occupet, quae tot alias controversias inter Theologos & sacrarum Litterarum Interpretes regnare sinit, ipsasque dijudicare superfedet? Majoris momenti sunt istae, quam illae, & propius sine dubio ad Christianam Doctrinam accedunt, immo de ipsa Christi doctrina, de Fide, ac Moribus plerumque agunt. Pro istis etiam, & contra istas, afferuntur divinae Scripturae verba, quibus unusquisque sensum tribuit verisimilem, interpretatione praeposita, quae suis cum opinionibus conveniat. Attamen Ecclesia sustinet pacifice tantam quaestionum segerem, & interpretationum varietatem; & nisi absurda tradantur, & contraria receptis Dogmatibus, a judicando temperat. Ipsi etiam disceptatoribus sese invicem Haeresis & impietatis postulantibus, sapientissime mandat interdum, ut his contumeliis parcant, neque sibi judicium usurpent Apostolicae Sedi, & Conciliis reservatum. Ergo multo cautius & prudentius Romani Pontifices, & Concilia, aut despicunt, aut ferunt ista de rebus indifferentibus, & a Scripturae scopo alienis, litigia, dum sine Scripturae ipsius injuria ac dedecore exercentur.

Non

Non solum autem a iudicio, quantum fieri potest, in his Ecclesia abstinet, sed aegro nonnumquam fert animo, sacras Litteras in patrocinium Physicarum, aliarumque ejusmodi sententiarum, ita advocari, ut quisquis secus senserit, statim venditur violatae Fidei reus. Neque solum finit, ut arma e divinis Libris petita per verisimilem aliquam explicationem declinentur; sed ne impedit quidem, quominus apertas his de rebus sententias Patrum deferamus, ubi verisimiliora argumenta, robustiores rationes, multoque magis experimenta manifesta pro aliis iisque contrariis sententiis pugnant. Vulgata est veterum quorundam opinio, quae Antipodas ab Orbe terrarum excluderat, eamque heic memorasse non abs re erit. Post aliquot profanos Auctores ita sensisse videntur Lactantius, Augustinus, Isidorus Hispalensis. Nazianzeno ea quoque sententia placuisse fertur, neque ab ea abfuisse censendi Chrysostomus, Procopius, Diodorus Tarsensis, Acacius, Theodoretus, Theophylactus, Severianus, Euthymius, Joannes Damascenus, & alii, quibus Caelum non Sphaericum, sed Hemisphaericum putabatur. Utramque istorum opinionem, ne dicam puerilem, certe absurdam, uti nunc omnes fatentur, Astronomicae, Physicae, & Mathematicae rationes dejicere olim poterant, & demum Experientia profligavit. Antequam tamen Columbus felici ausu ignotum orbem pervium nobis scisset, fingere nobis liceat, Antipodas a quoquam assertos fuisse, & hujus opinionem sibi exagitandam delicatulos quosdam suscipere voluisse. Philosophia simul, & Experientia nonnullas verisimiles rationes sufficissent, quibus Antipodes negandi, Tellus non rotunda, Caelum vero hemisphaericum esse probarentur. Tum auctoritas Scriptorum, ac praecipue Patrum in aciem educta fuisset. Demum divina Scriptura proelium absolvere poterat. Uti supra vidimus, Caeli ac Terrae extremitates illic memorantur; totus terrarum Orbis sub Augusto descriptus, ab Apostolis aliisque Discipulis Christi peragrat, & per omnes gentes atque per universum terrarum Orbem Ecclesia jam diffusa temporibus Patrum occurrebant. Ergo nulli Antipodes statuendi erant, quos Populi & Patres tunc ignorabant, immo negabant.

Quid heic fecissent, qui Scripturam sacram de his etiam indifferentibus rebus loquentem in sensu Litterali proprio, neque figurato, ubique & semper accipiendam esse contendunt, quoties hic sensus non repugnat cum aliis Scripturae locis, aequae, aut magis certis, aut cum Ecclesiae definitionibus, aut cum propositione aliqua naturali lumine certa & evidenti? Non erant Scripturae loca, quibus adver-

faretur

faretur opinio, Antipodas Terraeque rotunditatem negans. Immo Se-
 verianus Isaiae verbis XL. 22. secundum versionem Septuaginta opi-
 nionem suam tuebatur; ibi quippe legitur: *Qui statuit Caelum tan-*
quam fornix, καμάρων Chrysostomus proferbat Epistolam ad Heb.
 VIII. 2. Procopius illis verbis Psal. 18. utebatur, *a summo Caelo*
egressio ejus. Ad haec erat dogma, quocum conciliari non posse
 contraria sententia putabatur. Nullus hominum non ab Adamo pro-
 paginem ducit. Si homines excogitabantur immenso interjecti Ocea-
 ni spatio a nobis diffiti, nulla ad eas terras navigatione cognita, &
 ne possibili quidem, uti olim arbitrabantur: aegre persuaderi, & cre-
 di, & sustineri posse videbatur certa de unius hominis propagatione
 sententia. Neque cum ulla Ecclesiae definitione proprius ille Scriptu-
 rae sensus pugnabat. Immo proferri contra poterant verba Zachariae
 Romani Pontificis ex Epist. 10. ad Bonifacium Moguntinum. Vir-
 gilium quemdam affirmantem, *quod alius Mundus & alii homines*
sub terra sint, damnat ibi Pontifex, & Sacerdotii honore privan-
 dum ait, *ejusque doctrinam perversam*, pugnantemque *contra Domi-*
num & animam suam, aperte vocat. Num denique in proprio sensu
 ea Scripturae verba accipientibus *aliqua naturali lumine certa & e-*
videns propositio opponi poterat? Immo qui Antipodas statuebant,
 naturali lumini renuntiare credebantur. Nam qui excogitare gen-
 tem, quae adversa nobis vestigia figat, neque in Caelum irruat? Id
 monstri simile videbatur; id eruditi ipsi, nedum rude vulgus, con-
 coquere minime poterant. Tam parum, inquam, apparebat a recta
 ratione absfona Antipodum negatio, ut illam cum Philosophi, tum
 Historici, & eruditorum fere omnium chorus sine comparatione ma-
 gis, quam alteram opinionem, consentaneam rationi, & experien-
 tia conferent. Si istos ergo homines auscultasset Ecclesia, certe con-
 clamaturn fuisset in Antipodas, in Caeli Terraeque rotunditatem.
 Et quid si eam sententiam Ecclesia tulisset, quam falsam & irri-
 dendam experimenta subinde monstrassent? Quantum quidem arbi-
 tror, eo tandem confugere necesse erat, ut diceretur, nihil mirum,
 quod in illo judicio Ecclesia defecisset, quae se quaestionibus immi-
 scere voluerit, ad salutis scientiam minime pertinentibus. Id autem
 nihil officere promissae ipsi ab erroribus immunitati, quae Dogmata
 duntaxat respicit, hoc est Fidei & Morum salutarem doctrinam.
 Nos nequaquam negare, quin falli & ipsa possit in factis & rebus
 a Fidei & Caritatis scientia alienis.

Verum

Verum & a nostrae defensionis necessitate, & ab errandi periculo sollicitè sibi cavit Ecclesia. Nunquam ipsa damnavit Antipodum vindices; nunquam iis Scripturas sacras opposuit; nunquam ut opponerentur amavit. Neque vero arbitror, Zachariam Pontificem in Virgilium idè tantum anathema dixisse, quod is Antipodas poneret. Adiphoram hanc opinionem inficiebat ille erroribus alijs. Nam & Solem alium a nostro, aliamque Lunam incolis iis, tribuebat, & pejora fortasse delirabat. Ceterum quo revera collinearet Virgilii opinio, & Zachariae censura, vix dicas. Totum illud negotium multa caligine obvolutum est, sicuti eruditi viri negare non possunt (a). Ab hujusmodi autem censura non alia profecto ratione Ecclesia abstinit, quam quod videret commodam probabilemve Interpretationem divinae Scripturae ab iis etiam adhiberi, quibus Antipodes, & Caeli ac Telluris rotunditas affirmabantur. Quando caelestibus Libris & Fidei Morumque doctrinae consultum erat, quid Ecclesiae intereret, quod hanc unus, illam alter opinionem, quanquam insulsam, sectaretur? quae auferendae litis necessitas? Non jam amplius de tyroda Scriptura agebatur, sed de Astronomicis, sive Physicis rebus ac diffidijs, quae ad Ecclesiam non pertinent. Quare auctoritas Scriptu-

Tom. X. P. I.

E c

rac,

(a) Praestat heic observare, Zachariae Summo Pontifici maculam ignorantiae nuper ab homine heterodoxo fuisse imperite, ne dicam malitiose inuslam. Is est nimirum *Johannes Alphonsus Turretinus*, qui in suo *Historiae Ecclesiasticae Compendio*, paucis ab hinc annis Genevae edito, anno scilicet 1734. hac de re verba faciens pag. 80. illa ore invido ignoranter effudit: *Ignorantiae hujus aevi haec e multis specimina sunt... quod Virgilius quidam, Presbyter Germanus, ob creditos Antipodas damnatus fuit.* Verum ad hanc diluendam calumniam latis est in medium proferre Zachariae verba ex ejus Epistola x. ad S. Bonifacium Archiepiscopum Moguntinum, descripta ex Tomo VIII. Conciliorum editionis Veneto-Labbeanae pag. 256. quae sic se habent: *De perversa autem doctrina quam contra Dominum & animam suam locutus est (Virgilius), quod scilicet alius mundus & alii homines sub terra sint, aliusque Sol & Luna; si convictus fuerit ita confiteri, hunc acito Concilio, ab Ecclesia pelle Sacerdotii honore privatum.* Ad quem locum hanc notam margini adlevit magnus Baronius ad an. 748. n. xi. *Dubitasse de Antipodis non est haereticus: Sed plures statuisse mundos, divinae repugnat Scripturae, ac prout haereticus esse convincitur.* En cur Virgilius damnatus fuerit; non ob creditos Antipodas, ut homo Calvinista calumniose contendit: sed quod alium mundum, alium Solem aliamque Lunam somniabat.

Heic autem de persona Virgilii observare non erit fortasse otiosum, eruditissimos viros existimalisse illum eundem esse cum Virgilio, qui postea Episcopus Salzturgensis fuit consecratus, & oxinde solemmnibus ritibus inter Sanctos a Gregorio IX. relatus. Ita Ecclesiasticorum Annalium parens ad an. 748. n. II. alique permulti eum secuti. At *Pagius* ad an. 746. n. VII. & ad an. 748. n. II. hunc Virgilium ab Episcopo Salzturgensi esse distinguendum avertit. Verum rationes ab eo allatae mihi videntur tantum ponderis non habere, ut Baronianam sententiam destruant; quam quidem sequi malim, eo vel maxime quod videam illam nuperrime probari a doctissimis Monachis *Mauro-Benedictinis* in *Histoire Littéraire de la France*, Tom. IV. pag. 19. & 26. in nota: nec illam in discrimen vocari a *Christiano Schottgenio* in *Fabriciana Bibliotheca Latina* med. & inf. Latin. vol. vi. pag. 838.

rae, nisi quum evidentia loca sese offerebant, nemini contorquenda erat in suae causae praesidium, ne risui exponeretur, si falsa tandem deprehenderetur opinio, quam ipsae Litterae sacrae antea tueri videbantur. Origenes tutatus sententiam Platonis, Aristotelis, Ciceronis, aliorumque Philosophorum de Anima Caelorum, Solis, Lunae, ac Siderum omnium, Ecclesiae fulmina in se pertraxit, tum quod aliis committis onerasset hanc ipsam opinionem, tum quod e Scripturae verbis in litterali sensu acceptis sibi patrocinium quaereret. Contra laudandus Theologorum Scholasticorum princeps Thomas non tam divino ingenio, quam prudentia & modestia ubique spectabilis. Is Opusculo X. seu XXXI. Art. 16. quaerens, an Angelus circulari motu movere Tellurem possit, ait, ordini certe rerum id minime repugnare, sed tamen sibi videri, *quod naturaliter terra quiescat*. Id autem probaturus, non Scripturarum loca, non Patrum verba promittit, sed Lectores ad unius Aristotelis argumenta dimittit.

Proinde erit hominis parum acuti, ac verum Scripturae institutum, & Ecclesiae mentem minime assequuti, incerta inculcare sacrarum Litterarum verba, quo certam esse persuadeat Philosophicam aliquam opinionem suam, aut falsitatis ac haereseos contrariam convincat. Incerta autem, siue non evidentia esse diximus Scripturae loca de indifferentibus hisce rebus, quum plures loco eidem convenire possunt verisimiles Interpretationes, eaeque Literales. Quae duo tela ex elephanti ore prominent, & deorsum retorquentur, idemque sunt ac ebur, *dentes* appellantur ex omnium fere Scriptorum, ipsiusque vulgi sententia. Sunt qui contendunt, *cornua* potius esse appellanda, quam *dentes*. Varro de Lingua Latina de his agens: *Quos dentes, ait, multi dicunt, cornua sunt. Ex temporibus enim enascuntur, & ex superiori mandibula per os resupinata sese efferunt, & decimo quoque anno ea elephanti abiiciunt & defodiunt, sicut cervi quosannis, & quoties amiserint, reponunt*. Praeter Varronem, Juba, Plinius, Aelianus, Oppianus, Pausanias ita sensere. Experientia quoque testis adducitur, quum ebur igne emolliatur ad quolibet recipiendas formas, quod dentibus animalium non contingit. Et haec quidem mihi videtur quaestio de nomine. Attamen argutulus quicumque accedat, & in postremam hanc opinionem exerat arma e Literis sacris. Ibi *dentes elephantorum* commemorantur 3. Reg. X. 22. & *dentes eburnei* Ezech. XXVII. 15. Alibi etiam in Hebraeis Codicibus ebur *we seen*, hoc est *dens*, appellatur. Nunc ergo rem definitam clamer ille sciolus, & pertinaciter amantem appellare *cornua*

nuu

luna potius quam *dentes*, tanquam erroris & impietatis rebus, ad Ecclesiae tribunal deferat. Ille profecto delirabit; risum vix sustinet bunt gravissimi Ecclesiae proceres. Quum toties a vulgo loquendi formas divina Scriptura mutuetur, & ad populi opinionem sese accommodet: cur non idem heic quoque contigerit? Incerta igitur sunt ista loca, & ad hujusmodi litem inepta; certumque potius est, hominem istum, si quis est, sacris Litteris abuti, eaque invitas in disputationem Philosophicam trahi.

Illi eadem nomina convenirent, qui *Lucem* esse *Ignem*, & *Lucem* proprie *calefacere* contendens, Graeca verba Marci XIV. 54. proferret, ubi Petrus dicitur *Σιμαών μου πρὸς τὸ φῶς, ὅτι calefactus* *bas se ad lumen*, sive *ad lucem*. At nihil necesse est, proprium Litteralem ac obvium sensum hujus loci retinere. Vulgarem dicendi consuetudinem sequutus est Evangelista. Usurpabatur autem? vulgo *φῶς*, seu *lux* pro igne, quod nempe Ignis cum calore lucem praebeat. Ita Euripides in *Rheso*: *ὄντω πρὶν ἢ φαν πολέμοιο πόσους φῶς*; *Nondum antea hostes succenderunt tantam lucem*, hoc est tantum *Ignem*. Neque minus inepte in Peripateticos veligaretur, qui Ignem ipsum inter elementa computari non ferret, perinde quasi ipsum ab elementis Sanctus Petrus excludat, dum ait Epist. 2. Cap. III. 12. *Es elementa ignis ardore tabescunt*. Idem plausus iis deberetur, qui adversus Cartesianam Scholam Qualitates rerum sensibiles non in corporibus, sed in hominum sensibus locantem, ea Scripturae loca adferret, quibus corpus aliquod amarum, dulce, candidum, nigrum, frigidum, calidum appellatur. Quod si valere, & commendari debet talis divinae Scripturae abusus, arguari etiam posset Copernicanus quispiam, verba afferens Lib. 1. Reg. Cap. II. 8. uti apud Latinum Interpretem habentur: *Domini enim sunt cardines terrae, & posuist super eos orbem*. Commemorantur etiam Prov. VIII. 26. *cardines orbis terrae*. At *cardines*, quos *πόλεις* Graeci appellant, sunt nomen relativum, & rem versatilem ac mobilem, sibi impositam, simul significant. Quandoquidem ergo in sensu obvio, proprio, ac litterali omnia Scripturae verba non repugnantia Fidei ac Rationi accipienda sunt, uti a quibusdam contenditur adversus Copernicum: Tellus versatilis, ac mobilis ex origine sua dicenda esset. Verum facessant ista ludibria. Non illa est Scripturarum indoles, ut secreta Physices atque Astronomiae aperire mortalibus velint. Sancti Prophetarum atque Apostoli ad sublimiora intenti, & ad captum usumque vulgi sese componentis, familiares usurpabant loquendi formulas. Hoc toties

inculcavimus; sed heic adjungere juvat Cl. V. Dionysii Petavii verba, cujus quae sit inter eruditos auctoritas, ii tantum ignorant, qui nullas, paene dixi, novere disciplinas. In Praefat. ad Libros de Opificio sex Dier. antequam aggrediatur explicandam rerum Creationem, sibi duplicem cautionem ac regulam ille praescribit. *Altera est, inquit, rerum olim reipsa vereque gestarum Historiam in Mosis enarratione contineri; non Allegoriis adumbratos & involutos nescio quos sensus spiritualium rerum corporeque carentium. Altera in illis ipsis naturalibus & corporeis exponendis rebus Moysen rudis bebetisque populi ad captum & ingenium temperasse stylum.* Infra idem repetit. *Haec mea perpetuo sententia fuit, omnia fere, quae heic Moses attigit, popularem ad usum esse loquendi intelligendique demissa.* Libro autem 1. Cap. 10. quaedam istius consuetudinis exempla affert. *Scriptura hoc ipsum, quod Caelum & Firmamentum vocatur, aerem esse non raro significat. Velut quum ait Psal. 146. Qui operit caelum nubibus. Et Matth. 16. Triste & rubicundum caelum. Sunt & ista vulgata, volucres caeli, & alia similia. Etenim Moyses, quod iam monui, & non semel dicere est opus, communibus & popularibus quum verbis tum verborum notionibus est usus. Vulgo autem caelum ita sumitur. Quare plebejo paene sermonis usu sic etiam Moses & Caeli & Firmamenti vocabula sumsit. Ut quum Volatile dicitur volare super faciem Firmamenti, ut Hebraea referunt; id est, super firmamenti partem illam, & in illa, quam aerem dicit. Nimirum quod aves, dum altius ab oculis nimis volant, Caelo propinquare dicuntur idiotis, adeoque juxta entimam caelestis orbis superficiem, & sub ea ferri.* Petavio praeiverat sanctus Thomas in 1. parte Summae qu. 70. Art. 1. ad 3. de motu Luminarium atque Sphaerarum agens: *Moyses, inquit, rudi populo descendens, sequens est, quod sensibiliter apparet.* Si igitur Moyse viro divinitus afflato ita res enarrare in more fuit, eique cum vulgo potius, quam cum saeculi Sapientibus, loqui placuit; idemque procul dubio fecere & alii Prophetas atque Apostoli, quum tamen suis hisce vulgaribus loquendi formis ac notionibus e rudi populo petitis res veras & sensum Historicum clauderent: quis tandem non intelligat, non esse per hujusmodi ambigua Scripturae sacrae verba dirimendas Quaestiones Physicas, Astronomicas, & alias id genus; neque hisce disputationibus sine magna rerum evidentia immiscendas esse Prophetarum sententias; multoque minus Haeresis ac impietatis postulandos, qui aliter sentiunt, quam Scriptura in speciem de his rebus indifferentibus

bus sentire videatur? Certe nemo non perspiciat, his haudquaquam insistendum, haec minime urgenda, si commoda ac verisimili Interpretatione litteralis Scripturae sensus aliter explicari possit; & ubi in hisce fluctationibus sine vi prospectum fuerit veritati sacram Litterarum, non esse de reliquo tam anxie sollicitaque curandum. Definit enim esse causa Fidei, quae non amplius ad rerum divinarum scientiam, sed ad Liberales Artes, incertamque mundi eruditionem pertinet. Definit esse opinio ad Fidem referenda, quae non contra, sed praeter Scripturam deprehenditur esse.

CAPUT VICESIMUMQUARTUM.

Sancti Augustini consilia, quum de interpretandis sacris Scripturis agitur in rebus Physicis, Astronomicis, & aliis id genus. Quid sanctus Thomas hinc sentiat. Quam Litteris sacris nonnulli abutantur ad suas privatas opiniones tuendas. Judicium Ecclesiasticorum munus in hisce controversiis, & quae Eruditio in ipsis euigatur. Cartesii de natura Corporis doctrina an Fidei dogmatibus aduersetur.

NUNC adjungenda est ad animadversiones nostras Sancti Augustini doctrina, haec tenus reservata, cujus unius auctoritas pro multorum esse potest. Ejus autem verba hoc in argumento adeo dilucida esse mihi videntur, ut mirari subeat, quei homines alioquin eruditi, & minime infantes, quanquam ea probe noverint, in aliam tamen a nostra sententiam abierint. Lib. 1. Cap. 18. de Gen. ad Litteram, *In rebus obscuris, inquit ille, atque a nostris oculis remotissimis, si qua inde Scripta, etiam divina, legerimus, quae possint, salva Fide qua imbuimur, aliis atque aliis parere sententiis, in nullam earum nos praecipiti affirmatione ista projiciamus, ut si forte diligentius discussa veritas eam recte labefactaverit, corrueamus; non pro sententia divinarum Scripturarum, sed pro nostra ista dimicantes, ut eam velimus Scripturarum esse quae nostra est, quum posius eam, quae Scripturarum est, nostram esse velle debeamus. Nomine rerum obscurarum, atque a nostris oculis remotissimarum, nihil aliud Augustinus significat, quam Physicas, Astronomicas, Geographicas, Chronologicas,*

gicas, atque hujusmodi alias, quae plerumque magna in nocte sedent. Ipsemet Augustinus paulo infra, quibus de rebus loquatur, satis significat, nempe *de Terra, de Caelo, de ceteris bujus mundi elementis, de motu, & conversione, vel etiam magnitudine & interval-
lis siderum, de ceteris descensibus Solis & Lunae, de circuitibus anno-
rum & temporum, de naturis animalium, fructuum, lapidum, atque
hujusmodi ceteris*, quae videlicet ad Fidei & pietatis eruditionem, & ad rerum divinarum scientiam minime spectant. Dum haec igitur disquiruntur atque explicantur, occurrere *Scriptorum etiam divi-
norum* documenta possunt. Tum videndum, an ista, *salva fide qua imbuimur, aliis atque aliis*, hoc est pluribus ac diversis sint obnoxia Interpretationibus, quarum nulla stabilitis Catholicae Fidei Dogma-
tis adversetur. Quotiescumque id accadat, auctor est sanctus Doctor, iudicium & affirmationem esse suspendenda, atque cohibenda. Quum enim fieri possit, ut re per humanas disciplinas diligentius discussa, & experimentorum ope in primis adhibita, verior sententia appareat, si quam nos jam elegerimus, eamque sacris Litteris unice tribuendam pervicaciter contenderimus, quae falsa demum, aut a verisimilitudine abhorrens dignoscatur, tum & nos deridendos propinabimus, & divinae Scripturae veracitatem in discrimen existimationis (quantum quidem in nobis est) adducemus.

Libro sequenti Cap. 9. haec alia habet sanctus Augustinus: *Quaeri etiam solet, quae forma & figura Caeli esse credenda sit se-
cundum Scripturas nostras. Multi enim multum disputant de iis re-
bus, quas majore prudentia nostri Auctores omiserunt, ad beatam vi-
tam non profuturas discensibus, & occupantes, quod peius est, mul-
tum pretiosa, & rebus salubribus impendenda temporum spatia. Quid
enim ad me pertinet, utrum Caelum sicut sphaera undique concludat
Terram in media mundi mole librata, an eam ex una parte desuper
velut discus operiat? En illam ipsam quaestionem, quam supra com-
memoravimus, de Caeli Terraeque sphaericitate. Hanc ipsam nihil
ad salutem, ad fidem, ad beatam vitam pertinere ait, quocumque
modo solvatur: porro prudentis esse Theologi ab his abstinere, &
in salubriora studia conferre tempus & operam. Attamen quia non
de ista solum quaestione, sed de aliis etiam ejusdem generis quae-
dam occurrunt in divinis Codicibus, & propterea defendenda venit
eodem tempore causae Scripturarum, haec addit Augustinus: Sed
quia de fide agitur Scripturarum &c. ne quisquam (Christianus) elo-
quia divina non intelligens, quum de his rebus tale aliquid vel in-
venerit*

veneris in Libris nostris, vel ex illis (hoc est Gentilibus ac Philosophis) *audieris, quod percepis assertionibus* (sive, ut in nova editione, *a se rationibus*) *adversari videatur, nullo modo eis* (eloquiis divinis) *cetera utilia monentibus vel narrantibus, vel praenuntiantibus, credas: breviter dicendum est, de figura Caeli hoc scisse Auctores nostros, quod veritas habes: sed Spiritum Dei, qui per ipsos loquebatur, noluisse ista docere homines, nullius saluti profuturum.* Apposite Augustinus ad ea, quae de Scripturae sanctae scopo atque instituto supra differuimus. Nihil igitur ignorarunt Prophetae; sed Spiritus Dei docere nos ista noluit, quae curiositati solum blandiuntur, & ad pietatem & caritatem nulla ex parte pertingunt. Quapropter, etiamsi ad istam controversiam referantur aliqua Scripturae divinae verba, nisi haec ita aperta & circumscripta sint, ut unum tantummodo litteralem sensum admittant, omnisque alia Interpretatio violenta sit ac inverisimilis, aut etiam exemplis careat, aut Fidei Rationique repugnet, non est omnino contendendum, unum potius quam alterum Scripturae sensum ad Fidem spectare. Juvat in his continere iudicium, & neutram adoptare sententiam, & ab aliena damnanda potissimum temperare, dum haec ea sit, quae Scripturam non invitam sibi concordare, aut saltem a se non dissonare ostendat. Quod si alicui sententiae de his rebus indifferentibus aut experimenta, aut potentes rationes adstipulentur, tantum abest, ut ea sit damnanda, quod Scripturis contraria videatur, ut contra necesse sit Scripturam ipsam per commodam aliquam Interpretationem ostendere ab eadem sententia minime discordem, dum tamen Scripturae sensus ita evidens non deprehendatur, ut falsitatis arguenda sit illa, quantumlibet verisimilis, contraria tamen opinio.

Huc pertinent, quae idem sanctus Augustinus adjicit. *Sed ais aliquis, quomodo non est contrarium iis, qui figuram sphaerae Caelo tribuunt, quod scriptum est in Litteris nostris: Qui extendit Caelum sicut pellem? (Ps. 103.)* *Sic sane contrarium, si falsum est, quod illi dicunt. Hoc enim verum est, quod divina dicit auctoritas, potius quam illud, quod humana infirmitas coniecit. Sed si forte illud talibus illi documentis probare potuerint, ut dubitari inde non debeat: demonstrandum est hoc, quod apud nos de pelle dictum est, veris illis rationibus non esse contrarium. Alioquin contrarium eris etiam ipsis in alio loco Scripturis nostris, ubi Caelum dicitur velut camera esse suspensum.* Tum pergit ostendere vir doctissimus, verisimiliter, & non inconcinne posse ista Scripturarum loca conciliari cum utraque illorum

rum sententia, qui aut Caelum minime sphaericum, aut sphaericum revera itatuunt. Quo facto non ille sollicitus est, quid potius hac de re Philosophi atque Astronomi sentiant. Fide Scripturarum in tuto posita, placide spectari potest eorum conflictus atque dissensus, & unius etiam partis victoria. Cap. X. ejusdem Lib. 2. alia Augustinus habet, quae a causa Copernici penitus aliena esse nonnulli affirmant, de quorum judicio eruditi viri, nullo partium studio capti, judicabunt. *De motu etiam Caeli*, ait ille, *nonnulli fratres quaestionem movent, utrum stet, an moveatur: quia si moveretur, inquirunt, quomodo Firmamentum est? Si autem stet, quomodo sidera, quae in illo fixa creduntur, ab Oriente usque ad Occidentem circumeunt &c.* Quid ad haec Augustinus? Neutram ille Philosophantium opinionem rejicit, neutram affirmat temerariam; sed potius contemnit, earumque rationes ne ullo quidem examine dignatur, tanquam controversias ad Fidem & Ecclesiam inutiles, & minime necessarias. At Scriptura de his loquitur. Augustino sat est ostendere, divina verba ejusmodi esse, quae neutri opinioni contradicant. *Respondeo* subdit ipse, *multum subtilibus & laboriosis rationibus ista perquiri, ut vix percipiat, utrum ita, an non ita sit: quibus ineundis atque tractandis, nec mihi iam tempus est, nec illis esse debet, quos ad salutem suam & sanctae Ecclesiae necessariam utilitatem cupimus informari. Hoc sane noverim, nec nomen Firmamenti cogere, ut stare Caelum patemus, &c.* Affinia sunt Augustini verbis ea, quae sanctus Thomas Opusc. X. seu XXXI. habet. Interrogatus de quibusdam articulis, prius monet, *plures horum ad Fidei doctrinam non pertinere, sed magis ad Philosophorum dogmata. Multum autem nocent talia, quae ad Pietatis doctrinam, non spectant, vel asserere, vel negare, quasi pertinentia ad sacram doctrinam.* Tum ita suam praefationem concludit: *Unde mihi videtur turius, haec quae Philosophi communiter senserunt, & nostrae Fidei non repugnant, neque sic esse asserenda, ut Dogmata Fidei, neque sic esse neganda, tanquam Fidei contraria, ne sapientibus hujus mundi contemnendi doctrinam Fidei occasio praebeatur.* Quae verba miratur quidam, a Copernicanis in suae sententiae tutelam advocari, quum isti doceant, non quae Philosophi communiter senserunt, sed quae contra communem Philosophiam omnino consistantur. Frustra hujus loci vim eruditus ille vir infringere conatur per illam vocem *communiter*. Et nos ejus responsionem eludere possemus legendo, non *Philosophi communiter*, sed, uti in aliis editionibus habetur, *Philosophi communes*. Verum quan-

do res

do res tenetur, superfluum est litigare de vocibus. Non ideo aliquid verum, & ab errore immune est, quod communiter a Philosophis traditum fuerit; nam & eorum dicta non sunt Fidei dogmata; & novae opiniones, antiquis contrariae, invehì possunt, & communiter accipi; & ipsum Copernici Systema se tueri jam posset, quum ab Astronomis fere omnibus verisimillimum prae ceteris censeatur; & Astronomis in Arte sua id juris concedendum videtur, quod Philosophis in sua. Ratio sancti Thomae, cur aliquid neque affirmare liceat tanquam dogma Fidei, neque negare tanquam Fidei contrarium, (sive communiter, sive non communiter a Philosophis tradatur) illa est, quia *Fidei non repugnat, & ad pietatis doctrinam non spectat*. Talia siquidem habere non secus ac dogmata Fidei, & humanis opinionibus pondus dare quo carent; est incerta hominum cogitata certissimis Fidei revelationibus temere aequare, & cum doctrina pietatis confundere curiositatis atque opinionis inventa ac somnia. Inter eas autem opiniones, quae neque Fidei adversantur, neque doctrinam pietatis contingunt, an sanctus Thomas habiturus Copernicanam fuisset, non levi conjectura assequi possumus; in hoc enim eodem Opusculo Art. 16. uti supra vidimus, Telluris mobilitatem negat, suamque tamen sententiam non sacrarum Litterarum testimonio, sed Aristotelicis duntaxat argumentis probat. Quod si ita est, videant, qui Systemata Astronomica ad Fidei doctrinam pertrahere conantur, ne sancti Thomae gravissimum consilium conculcent, & importune causam Fidei esse velint, quae, post adhibitam Interpretationem verisimilem, Philosophorum tantummodo atque Astronomorum esse videtur.

Atque haecenus oratio nostra, & tanta verborum moles, non ut Copernici patrociniū suscipiamus, cujus opinionem numquam nobis animus fuit adoptare, aut plusquam verisimilem arbitrari, sed ut quosdam avertamus a pertrahenda nimis facile, immo contorquenda in istud quaestionum genus auctoritate Scripturae. Nesciunt ii, saepius hunc esse divinatorum Librorum abusum, quam usum, & heic etiam superstitionem, temeritatem atque stultitiam habere posse locum, qua de re conqueritur Augustinus in Libris nuper laudatis. Deinde palam facere voluimus, cur tam caute ac raro ad configendas opiniones a doctrina Fidei ac Pietatis suapte natura diffitas, Ecclesia Catholica & Romani Pontifices procedant. Si quando igitur Ecclesiastici Judices utile sive necessarium putabunt ad severius examen poscere tot nuperas, in Physica praesertim, Medicina, & Astronomia, sententias, quibus tempora nostra adeo abundant: dubitan-

dum non est, quin eorum iudicium praeceffura sit omnis cautio, diligentia, & causae cognitio. Et solícite sane cavere solent sapientissimi Iudices, ne quis sub specie tuendae Fidei, servandaeque salutaris doctrinae curet, ut suae peculiare opiniones consecrentur, & ab Ecclesia recipiantur. Sunt qui, non pravo certe consilio, sed incauto sui suarumque anticipatarum Opiniorum amore, in hanc fallaciam dilabantur. Quicquid animo prius imbiberunt, & vetustatem olere sentiunt, sacrum ipsis est, & sacrum reliquis etiam, quantum quidem in ipsis est, esse volunt. Si quis igitur contra sentit, & nova profert, vix fieri potest, quin continuo in eorum odium offensionemque incurrat. Nam quis fere tam sui dominus, animoque tam probe composito esse solet, ut quae non tam sibi, quam aliis, veluti certissima tandiu persuasit, repudiare tam sero velit? Quis lubenter fateri senex, se primo deceptum, tum alios decepiſſe, & sibi erranti se alios adjunxiſſe pariter errantes? Ambitiosissima animalia sumus, nobisque cordi magis est (quamquam aliter nobis ipsis videatur) existimationis propriae, quam Veritatis causa. Facillime etiam nobis amor nostri persuadet, tunc nos pro una Veritate configere, quum magis ipsam insectamur: non enim pro illa, sed pro Opinioribus nostris nobis est pugna, quas verissimas esse olim statui mus, falsasque deinde demonstrari posse impossibile ducimus. Et quidem oscinere possis veteris Scholae amatoribus, nova haec ad Fidei doctrinam minime pertinere. Nihil refert. Antiquae sententiae & heic obtinere debent, quamquam interdum pueriles; novae exagitandae, quanquam interdum verisimiliores. Omnis porro lapis movendus, quo suadeatur, Novatores istos aliqua ex parte in Religionis dogmata, atque in sacras Litteras aut imprudenter, aut consulto peccasse.

Non pravus tamen saepe zelus, immo utilis plerumque diligentia illorum est, qui in has novitias Opiniones primi aciem movent. Si non aliud commodum per eos praeſtatur, saltem deterretur impietas atque audacia a venditandis suis mercibus, quandoquidem ne ipsis quidem innoxiiſ opinioribus sine rigido examine concessus est aditus. Interdum etiam latentia quaedam venena hac ratione deteguntur, ac remouentur. Quae vero sana sunt, vegetiora post exhaustam pugnam exurgunt. Accusationes igitur, & consilia istorum non contemnunt, sed amat Ecclesia. Ita tamen amat, ut ea interim accurate expendere velit, saluberrime cavens, ne plus aliquorum affectus valeant, quam Veritatis jura. Exploratum siquidem est, quod
supra

supra Sanctus Augustinus aiebat, nos interdum *non pro sententia divinarum Scripturarum, sed pro nostra ita dimicare, ut eam velimus Scripturam esse*, quae nostra est. Neque minus certum est, novitatem ac veritatem sententiarum in hujusmodi incertis disciplinis inanes plerumque titulos esse, quippe quae nullum per se certum aut veritatis aut falsitatis indicium secum trahant. Id tantummodo verum est, quod solidis verisque rationibus nititur, neque a certa Fidei doctrina discrepat. Illud falsum, quod cum Ratione recta, & Fidei dogmatis, aliisque certis monumentis aperte configit. In Christi solum Schola antiquitas doctrinae quo major est, eo fortius veritatis argumentum praeiit adversus novitatem. Extra istam Scholam veriora novitas, quam antiquitas, tradere interdum, aut saepe potest. Quocirca inter accusationes, defensionisque, medii stant oculo cautissimo Ecclesiastici Judices, & nunquam committunt, ut sibi alterutra pars illudat, fucumque faciat declamationibus vanis, nominibusque falsis. Quod ut facilius accadat, sincerissimos tantum veritatis amatores sincerissimi & ipsi in consilium adhibent. Neque contenti quum a se ipsis, tum a suis consiliariis arcere studia partium, congruam sibi vel per se, vel per eosdem comparant cognitionem causae (a). Quam in rem animadvertendum est, esse quosdam, qui in Iudiciis Ecclesiasticis, quum de Physicis, Astronomicis, & hujusmodi rebus judicandum est, absolutam istarum disciplinarum scientiam postulant. Nam quid solidi exspectes, ajunt, immo quid non exspectes infirmi ab iis, qui de incognitis, sive non fat perspectis negotiis, judicium ferunt? Contra sunt, qui Praefules Ecclesiae, atque Theologos ab hujusmodi labore amplissime liberant, fat esse arbitrati, si nudam sententiam sive Physicam, sive Astronomicam sibi oblatam conferant cum Scripturae sacrae, Catholi-

F f 2

caequae

(a) Illustre hujusce rei exemplum in promptu est, quod & ipsi CL. Auctori non fuisse incomptum exilimo. Estat illud in *Itinere Italico* pag. 142. a doctissimo Joanne Mabillonio memoriae traditum his verbis Anno 1686. die xxix. Januarii, post meridiem habita est Sacra Indicis Congregatio in Vaticano. . . . Ex schedula ego quoque monitus sum illi Congregationi interesse ad promendum quaecumque suffragium meum super quibusdam libris Vossianis de diluvio non universali. De eodem argumento antea dixerunt tres alii. Is enim in illa Congregatione mos obtinet, ut Consultores deputati duo vel tres pro rei gravitate sententiam suam de proposito libro prouinciant, scriptoque consignent. Hoc scriptum mox secretario Congregationis traditur in manus, qui rationes votorum in compendium redactas ad Cardinales denuo refert, ex qua relatione Cardinales statuant quod sibi consultus videatur. Hactenus Mabillonius, conis ipsum Votum de quibusdam Isaacii Vossii Opusculis comparat inter ejusdem Opera posthuma a D. Vincentio Thuvillier edita Parisiis 1724. Tom. 2. pag. 59. 62. Nempe tunc examinanda occurrebant Vossii Opuscula, *De Septuaginta Interpretum Chronologia*, & *Dissertatio de aetate mundi*: super quibus illiusmodi iudicium tulit Cl. Mabillonius, nullum videri periculum in toleranda Vossii opinione, atque adeo ab ejus censura posse temperari.

caeq̃ue Theologiae documentis, & deinde statuunt, num his veritatibus ea opinio repugnet, an cum ipsis amice consentiant.

Verum illi fortasse nimia, isti certe nimis pauca a Theologis, & Ecclesiasticis Judicibus exigunt. Episcoporum non est, ut verum fatear, considerare, atque decernere, sintne verae an falsae in Philosophia, Astronomia, ceterisque Artibus profanis propositae opiniones. Pertinet ea cura ad Philosophos, earumque Artium peritos, non autem ad Theologos. Atque adeo haec opiniones Ecclesiasticus Judex contemplari solum debet tanquam consonas scientiae divinarum rerum, atque revelationi, aut ab ea dissonas. Ad quod opus sufficit, ut illam sibi earum sententiarum notitiam paret, qualis a viro prudente exigitur, adeo ut sibi conscius sit, se quaestionis statum, remque ipsam sine errore intelligere. Hoc praestare etiam potest, qui non sit numeris omnibus perfectus Astronomus, & Physicam omnium Scholarum exquisitissime prius didicerit. Notitia, inquam, & cognitio congrua Opinionum profanarum necessaria quodque est Ecclesiastico Judici, quamquam quousque se protendere debeat, quantaque futura sit, ne imprudenter Theologica trutina de iis judicet, vereor ut unquam definiri apte possit. Sunt enim, quae communem tantum hominum intelligentiam exposcunt; sunt quae ab exquisitis atque abdiris Scientiarum ac Artium principiis arctissime pendent, vixque teneri possunt, nisi prius ipsa principia intellectu probe complexus fueris. Quid heic faciat Judex prudens? A praecipiti iudicio abstinere, arbitror, donec in rei penetralia tuto pede sese ingesserit. Illud porro certissimum est, oportere semper, ut antea quam pronuntietur, an sacrorum Codicum & Orthodoxae Theologiae documentis opinio quaecumque consonet, sive repugnet, perspectissimae sint Ecclesiasticis Judicibus tum negantium tum affirmantium rationes, non solum quatenus Theologiam respiciunt, sed quatenus etiam ad singularem aliquam disciplinam spectant. Quares necessario exposcit, ut ea saltem disciplinae pars cognoscatur, unde rationum cognitio pender. Si, exempli gratia, quaeratur, an Fidei doctrinae adversetur Cartesius, quum essentiam Corporis Physici statuit in extensione Quantitatis, neque Substantiam ab ipsa Quantitate fecernit: erunt profecto complures, quibus conciliari non posse videbitur huiusmodi placirum cum Ecclesiae sententia de augustissimo Altaris Sacramento. Heic profecto necesse est, ut de ista controversia iudicaturus Peripateticam Scholam aliquantisper terat, donec Substantiae, Specierum, atque Accidentium nomina ac historiam

riam probe norit; ad ejus quippe scholae sententiam respexisse videntur Tridentini Patres de Transubstantiatione loquentes. Tum delatam ad Ecclesiasticum tribunal Cartesii opinionem si serio, si recte expendere velit, hujus quoque Philosophi theoremata de natura Corporis perscrutetur oportet, rationesque perpendat, quibus ille suam sententiam ingeniose munivit.

Id plurimum interest. Nam, ut alibi diximus, verum vero adversari nequit; atque uti cum veritatibus Theologicis Philosophicae, ita cum Philosophicis Theologicae revera pugnare non possunt. Quamobrem tam ex his illae, quam ex illis istae lucem mutuo accipiunt, & certa incertis dant legem, ut si exempli causa aliquid in Physica certum sit, inde incerta sacrarum Scripturarum verba sint explicanda; & contra certis divinorum Librorum sententiis incerta Physicae documenta se conformare debeant. In hac autem controversia statim occurrit, jam spectare ad Fidem, certissimumque esse debere inter Catholicos, Substantiam panis & vini in Sacramento Altaris converti in Substantiam Corporis & Sanguinis Christi, permanentibus tamen ac perdurantibus in Sacramento pristinis Speciebus panis ac vini, ita ut externis sensibus nulla illic appareat facta Substantiae mutatio, atque non amplius sit, neque appellari proprie possit panis & vinum, quod ante consecrationem panis & vinum proprie fuerat. Quum ergo verissimum, certissimumque hoc sit in Fidei Theologia, id quoque in Philosophia verum certumque sit necesse est; & fallacia laborabunt quaecumque verisimiles, ingeniosaeque rationes a Philosopho excogitentur contra firmissimum hoc Fidei documentum. Propterea se rem non inficiari, se rem credere, Cartesiani Catholici ubique ajunt. Modum tantummodo, quo hujusmodi prodigium fiat, & quomodo pereat, intactis Speciebus, panis ac vini Substantia, ab Ecclesia minime fuisse constitutum, affirmare se posse arbitrantur sine injuria Theologiae. Tum nervis omnibus contendunt, ut ostendant, nihil dogmati Fidei repugnare naturam ac essentiam Corporum, quam tradunt, suamque opinionem conciliari posse cum Ecclesiae decretis. Utrum isti vera, an somnia nobis narrent, qui judicare prudenter cupiat, necesse est in primis, ut sollicitè vestiget, intelligat, & expendat Cartesianae sententiae rationes; tum perspiciat, an uti rem, ita modum Ecclesia quoque statuerit. Si enim vera & certaprehenditur Cartesii de natura Corporum opinio, neque modum physicum Sacramenti definiit Ecclesia, neque reipsa Aristotelicum placitum consecrare illi animus fuit:

fuit: jam non est, cur Cartesianam sententiam explodamus; quum praecipue in ea fuisse sanctus Augustinus videatur; immo tunc non aliud, quam quod Cartesius, sensisse Ecclesiam, excogitare licebit. A Cartesianis autem putatur, minime Tridentinis Patribus fuisse consilium consecrandae Peripateticae de natura Corporum sententiae (ab his enim quaestionibus dirimendis Ecclesia abstinere solet) & consulto ipsos Patres vocabulo *Specierum* fuisse usos, quum *Accidentia* nominare potuerint, ut ea voce solum, significarent sensationes illas quae sublata panis ac vini in Sacramento substantia, adhuc in sensibus nostris fiunt, & fieri non negant quum Peripatetici, tum Cartesiani. Contendunt insuper, Ecclesiam nequaquam statuisse, quei Species in Sacramento sine substantia panis ac vini permaneant. Quibus diligenter ab Ecclesiastico Judice examinatis tum constare poterit, num absurda, num falsa sit, illa Cartesii opinio (qualis certe erit, ubi cum certo & vero dogmate Ecclesiae consentire non posse dignoscatur), an potius toleranda sit, sive etiam laudanda.

Hoc ergo exemplo patere potest, eas esse interdum quaestiones, quae a mero Theologo prudenter absolvi nequeant, nisi in disciplinas illas (a) excurrat), unde pendunt argumenta quaestionum. Constat etiam, prudentis judicii leges exposcere, ut non accurate minus in his controversiis investigentur, intelligantur, & expendantur accusatorum, quam reorum rationes. Cavere autem prae omnibus Ecclesiasticos Proceres debere, ne quis eorum auctoritate & gratia abutatur, profanas nimirum & Philosophicas opiniones ad sacri Juris tribunalia deferens, & impietatis postulans, & damnationem suadens & urgens, quasi de Christianae Fidei magno negotio agatur; quum tamen anticipata aliqua Opinio, & Aristotelis, exempli gratia, amor, & odium alienae sententiae potius, quam sanae Fidei tutela, tantos conatus exciverit. Facile appareat, quid Judici Ecclesiastico accidere possit, si hujusmodi accusatoribus, Religionis causam prae se ferentibus, facile credat, & praecipue si ipsosmet in consilium adhibeat, & unico eorum filo se in judicandis controversiis regat. Quod & dictum velim, dum de meris Theologicis, immo de quocumque alio negotio lis excitatur. Maximi ponderis res agitur, quum de Fidei doctrina, quum de Opinione probanda, sive improbanda, & de aliena fama configenda, hominibusque damnandis agitur. Jacta alea revocari amplius non potest. Si post accuratum examen tenebris adhuc obsita manet controversia, praestat judicio

(a) AL. excurreatur.

dicio parcere, quam errandi discrimen subire. Interdum etiam Ecclesia re in medio relicta, accusatoribus silentium indicit, donec accuratori trutina iterum causa pensetur, prohibetque ne pendente iudicio nota Haereseos aut impietatis impingatur opinionibus exagitatis. Interdum denique sententias aliquas, licet nondum postremo caliculo damnatas, tradi tanquam certas & veras, Ecclesiastici Iudice prudentissime vetant. Etsi enim eas falsas & Fidei doctrinae oppositas non judicarunt, periculi tamen plenas, & errori proximas intelligunt. At de his in sequenti Libro fusius nobis agendum est, ubi investigabimus, quandonam, & ubi, & quibus liceat, siue non liceat, Veritatem (a) efferre) literisque consignare, & quae sint iura Ecclesiae, ut nos aliquando ab Opinionibus, quas nos putamus veras, scriptis aut ore praedicandis avertat.

FINIS LIBRI PRIMI.



DE

(a) Al. *proferre*.



DE INGENIORUM
MODERATIONE
IN RELIGIONIS
NEGOTIO.
LIBER SECUNDUS.

CAPUT PRIMUM.

Amplum jus Ingeniis in prodenda, ac annuntianda Veritate: sed ita ut Justitia, Caritas, & Prudentia numquam ab isto jure laedantur. Haeretici in suae Religionis doctrina annuntianda, quippe de illius Veritate non satis certi, & sine missione legisima Evangelium praedicantes, Justitiae defunt.



UMMO ac praestanti ingenio viri, quos desidia nunquam invadere, nunquam turbulenti rerum terrenarum affectus occupare diu possunt, solent, abjectis omnibus curis, se totos ad inquisitionem Veritatis conferre, atque in ejus contemplatione tanquam in beatissimis Elysiis consistere, ac sese abdere. Quod minime mirum; nam quum humana felicitas, vel ipsis Ethnicis Philosophis testibus, sita sit in Sapientia Virtutibusque animi: quanam vera Sapientia homini contingere potest, nisi in sacratissimum adytum Veritatis prius fuerit pene-

tra-

eratum? Inter tot autem Veritates, quibus si recte utamur, ad bene beateque vivendum quasi manu perducimur, illa certe omnium princeps, & sola propemodum necessaria, Veritas Christianae Religionis, unde tot sanctorum dogmatum eruditio fluit. Qui vero heic profecere, vix imperare sibi deinde potuerunt, quominus alios quoque homines continuo adficerent in suae felicitatis communionem. Itaque aut in libris, aut in disputationibus, aut etiam in publicis scholis & rostris, veritates a se compertas, magna contentione animi atque ingenii, vulgarunt, illustrarunt, suaserunt. Quod alterum studium si priore etiam longe laudabilius, neque tamen minus utile dixerimus, luculentissimae rationes facile occurrent, quibus sententia nostra firmetur. Quum itaque versata sit haec oratio nostra in iis perfectendis, quae spectant ad investigandas & consequendas sine errore saluberrimas Christianae Fidei, Catholicaeque Ecclesiae veritates; restat ut in posterum explicemus, quemadmodum etiam, & quatenus, annuntianda sit atque aliis communicanda huiusmodi eruditio. Et heic enim, non secus ac in superiore navigatione, scopuli, & sirtes, & pericula varia offenduntur; a quibus nisi mature opportuneque caveamus, verendum est, ne iactura fiat non solum existimationis & nominis, sed etiam terrenae quietis, & caelestis demum beatitatis.

Illud ergo ex omnium sapientium consensu exploratum in primis est, uti in quaerenda ac discenda Veritate, ita & in proferenda atque prodenda, amplissimum jus patere Ingeniis humanis. Inter honestissima simul, utilia, & delectabilia bona proximum a Deo locum Veritas, immo, ut melius dicamus, eundem cum ipso locum obtinet; Deus enim summa, & ipsa Veritas est, cujus particulae variae ac innumerae se in hominum mentes infundunt, & per omnia creata excurrunt. Quamobrem cui contigit Veritatem, hoc est, exitium istud bonum, consequi, nullum dubium est, quin & liceat, & laudi singulari vertendum sit, reliquis etiam partiiri tam nobile divinumque patrimonium. Christiani hominis est alios efficere meliores & sapientiores, quum possit, & lucem quam sibi comparavit, communem aliis velle. Neque vero, ut in terrenis opibus distribuendis atque elargiendis usuvenit, quisquam sit minus quam antea dives, communicata reliquis hominibus Veritate. Nihil propterea decrescit privato hominis aerario, & animus ditior inde potius evadit, quum ad priora ornamenta accedat liberalitatis laus, & caritatis fructus. Interdum vero non licet solum, sed etiam necesse est Veritatem annuntiare, & prodere atque tueri: quod onus Episcopis, &

universis Pastoribus Catholici gregis incumbit, quum ad *populos doctrina sana informandos*, tum ad errores subinde nascentes *eliminandos*. Interdum non necessitate quidem, sed optimo summeque pio consilio Veritas disseminatur, quum nempe ad *populos barbaros atque infideles Evangelii lumen defertur*, quod sanctissimum opus per tot saecula una Ecclesia Catholica sibi vindicare & peragere consuevit, & adhuc peragit, Apostolicae Fidei non minus, quam zeli Apostolici heres.

Verum haec non sunt hujus loci, neque ampliorem sermonem postulant; adeo apertum est, atque homini a natura insitum, honestissimam, sanctissimam, & eximiis laudibus dignam esse Veritatis propagationem, & illius praecipue, quae ad aeternam vitam perducere potest. Satiùs ergo est statim aggredi limites, quibus constringitur vastum jus Ingeniorum in Veritate annuntianda. Quod ut paucis complectamur, illud mature statuimus, recta esse non posse hominum opera, nisi a Justitia vera procedant, & Caritatem Christianam ducem, Prudentiam vero comitem habeant. Has ergo virtutes prae oculis habeat necesse est, qui recte proferre, aliosque docere velit Veritates ad orthodoxam Religionem & eruditionem Christianam spectantes. Primum autem Justitiae munus est interdicare, ne quis in negotio Religionis Veritatem evulget ac tradat, quam ipse certo prius non noverit revera talem esse. Non, inquam, homini licet, tanquam vera Fidei dogmata proferre incertas opiniones suas, aut certi erroris insimulare atque damnare, quae sibi falsa & damnanda esse prius non constat. Quis enim non intelligat, quantum ab aequo & ratione abhorreat, tanquam medicinas propinare, quae venena esse dubitare possit? Et id quidem temere fiat in curandis humanis corporibus. Quanto autem minus tolerandum est in animarum curatione, quum de hominum aeterna aut salute, aut damnatione agitur, non de temporaria corporum vita? Nefas ergo est, & Justitiae legibus adversatur, in tanti mali discrimen populos adducere, & tanquam Veritates Theologicas venditare, quae forte perniciosissimi errores esse deprehendantur.

Equidem fateor, non tam facile invenias homines in hanc Justitiae partem oculis apertis, animoque sui criminis aut periculi consilio incurrentes. At innumeros profecto offendas ex ignorantia, & caecitate mentis, & ambitione peccantes. Rari, inquam, sunt, qui dum populum erudiunt, dubitent de Veritate suae Legis. Se recta eertaque tradere constanter arbitrantur, vel dum aperte errant atque

que delirant; ipsique omnium pestilentissimi Haeresiarchae non aliter (quantum quidem conjicere juvat) de sua doctrina plerumque judicabant. Verum neque ipsi Haeresium conditores, neque Haereticorum gregarii idcirco ab eorum numero eximi possunt, qui Veritatem & Justitiam ex temeritate saltem & caecitate laedunt, dum pro veritate errores incaute disseminant, & Christi gregem quamquam nolentes, inficiunt. Si minus occupati forent opinionibus anticipatis, si plus humilitatis ac sinceritatis eis esset, tum intelligere possent, ac fateri fortasse vellent crimen suum atque infortunium. Ipsos toties Catholici provocarunt ad rationem reddendam, quare Fidem veram, & Justitiam non conculcarint, quum ab Ecclesia Catholica discesserunt, & Schisma adhuc consient, & diversas a Catholicis sententias tradant, & aliqua Catholicorum dogmata erroris ac impietatis accusent. Oblata est ipsis germana & unica methodus, qua se rite purgarent, & in tanto negotio se minime hallucinari ostenderent. Legitimas causas nondum attulit gens illa, propositi tamen sui tenacissima, & nunquam allaturam esse, certum est nobis. Nam quei a se Veritatem stare illi ostendant, quum certam methodum fugiant, ut rem tantam pro dignitate Fidei, & suae salutis necessitate, convenienter assequantur? Qui se in suo schismate atque doctrina nullo crimine, aut errore teneri evidentiter ostendant, postquam Traditionis vim, Ecclesiae verae & Conciliorum auctoritatem, sanctorumque Patrum consensum flocci faciunt, & Ecclesiam ipsam non solum turpissimis in dogmate erroribus obnoxiam, sed etiam in ipsos errores jam foede prolapsam, & per tot saecula Babylonem & Meretricem egisse, affirmare non dubitant? His fundamentis everfis, quae tamen tantopere a divinis Scripturis commendantur, & excogitato admissoque tam horrendo Ecclesiae Catholicae adulterio, a quo tamen abfuturam semper Ecclesiam veram Scripturae ipsae pollicentur: quid jam certi superest, ut quis sibi aliisque sine haesitatione persuadeat, se in Christiano dogmate nunquam errasse, aut errare, suamque Ecclesiam legitimam esse Christi sponsam? Videndum igitur, an oculorum mentisque usum iis eripuerit, aut eripiat ambitio. Exponendum est, viresne majores apud illos suum, an totius Ecclesiae Catholicae judicium sit habiturum, & an totius antiquitatis consensio sit dissonantibus Novatorum consiliis in tanto negotio praeferenda. Fortasse mentibus tam male affectis certissima statim non appareant quaedam Catholicorum dogmata: sed profecto neque certa Novatorum videbuntur documenta,

si accurate aliquantulum res pensitare, & caute iudicium ferre *velint*. Quod si dubia ac incerta sint, quibus Novatores a Catholicis *disfentiant*: quo jure nutantes sententias populo ii venditant, ingentique errandi periculo credulam gentem exponunt?

Altera Justitiae lex est, ut Evangelii Veritas nonnisi ab iis annuntietur, qui aut aperte, aut tacite ab Ecclesia, legitimisque Ecclesiae Pastoribus ad annuntiandum mittantur. Hanc legem Apostolus statuit, & ratio ipsa confirmat. Erroribus obnoxii sunt singuli homines; sub ovina pelle delitescere possunt lupi, & fallere gregem; Haeretici identidem prodeunt, morbosam doctrinam diffeminantes; & innumerae Sectae veritatem, & verum Dei cultum, longe lateque sonant. His insidi corrumpique facile potest ovile Christi; non enim indoctae plebis est, sophismata omnia ac deliramenta ad falsi originem revocare, sibi que a tam bene comitis mendaciis cavere. Ipsi acuti ac eruditi homines non raro inter ista fluctuant, & ducuntur contrariis opinionibus. Ergo poscit ratio, ut iis tantum liceat erudire populos, qui legitimam docendi auctoritatem ab Ecclesia vera acceperint. Neque itidem populis licet alios audire ac habere doctores, quum quos Ecclesia vera ad id muneris rite elegerit, aut in eo munere versari ipsa apertis oculis patitur. Quum in una Ecclesia Dei veritas Religionis, & sana doctrina habitet, quicumque ista Ecclesia probante, aut saltem, quum conscia sit, non improbante, doctorem agit, jure agit, & jure censendus est ab errore abesse, & vera tradere: Contra ille Justitiam laedit, qui non vocatus, non missus, non saltem tacite probatus, sumit sibi honorem, & docendi ministerium usurpat.

Mirum est, quam anxios efficiat, & verbis rationibusque examinet hic locus sinceris veritatis amantes, quorum non pauci adhuc sunt inter nostri temporis Novatores. Et ipsi intelligunt hujus legis aequitatem; norunt hac de re Apostoli praecepta; statuerunt & ipsi, nemini licere sine praevia legitima vocatione atque missione, verbi Dei praekonem fieri. Primi autem praetensae, quemadmodum vocant, Reformationis Auctores, Lutherus, Zuinglius, Calvinus, Socinus, & alii, quo titulo, quaeso, quo nomine Christianum orbem docendum sibi sumere, & antiquissimas Catholicae Religionis quum sententias tum consuetudines immutandas, ridendasve susceperunt? Nul-la ipsis extraordinaria, ut ajunt, & immediata a Deo vocatio fuit. Si fuisset, signis & prodigiis, quae veraces ac viros Dei Prophetas perpetuo comitantur, divinitus acceptam docendi auctoritatem confirmat.

firmassent. Defuit & ordinaria vocatio. Non ipsis sacrum docendae plebis munus, & Scripturas interpretandi, & ritus veteres proscribendi facultatem demandant aut Romani Pontifices, aut Episcopi legitimi, aut Concilia Orthodoxa. Immo Episcoporum omnium, & Ecclesiae totius voce atque consensu id munus ipsis interdictum fuit ac ereptum, eorumque audacia damnata. Ipsi praeterea sese, vel racentibus Episcopis, jam reos prodiderant atque damnarant. Etenim nonnulli ne Sacerdotum quidem albo adscripti fuerant, & tamen Sacramenta ministrare sunt ausi. Rerum divinarum imperiti quidam fuere; & tamen Scripturas sacras suo Marte explicare, & eo in studio a sanctis Patribus discedere non dubitarunt. Deinde quandonam Dei Ecclesia lubenti animo ferat, & prober, & auctoritate donet homines, qui se ipsam evertant, & Altare contra Altare erigant, & schismata faciant? Dubium ergo nullum esse potest, quin primi isti Haeresum auctores Iustitiae inflixerint magnum vulnus, dum Veritatem, quam deperditam aut viriatam sibi confingebant, restituere conabantur. Nemo autem ex iis justum se putet, qui tam injustos potius duces, quam ipsam Christi Ecclesiam, pertinacissime sequuntur. Nam quod ajunt, annunciandae Veritatis, & refellendi Erroris, Christianam omnibus esse libertatem, eamque ita singulis inesse, ut eripi nobis a nemine possit ac debeat: splendide profecto falluntur. *Cur quosdam posuit Deus in Ecclesia, primum Apostolos, deinde Prophetas, tertio Doctores, in opus ministerii, in aedificationem corporis Christi?* Cur Hierarchicum Ordinem instituit? Non igitur omnium est Sacerdotem Doctoremque legis agere, sed eorum tantummodo, quos Ecclesia publice decernit, aut non invita patitur. Accedit, quod tum certe vim habitura non est hujusmodi libertas, quum annuntianda est Veritas incerta, dubiique sunt errores, quos exagitandos suscipimus; multoque minus, quum nuntianda sunt pro veris falsa, prava pro rectis, & quum ab errore longissime illa absunt, quae judicantur damnanda. Porro sana esse, quae ab Haereticis in Ecclesia Catholica repudiantur; corrupta, quae ab Haereticis in suis conventibus ac Libris proponuntur: potior Christianorum pars hucusque contendit. Quare si petas ab eruditis viris, num jure non adimi possit Ingeniis hisce novaturientibus docendi in Ecclesia libertas: nemo negabit. At inquam Haeretici: Certi nos sumus, nos nihil tradere, quam quod Christus & Apostoli tradiderunt, nos nihil damnare, nisi quod Christi & Apostolorum doctrinae adverfatur. Ita porro arbitrentur; sed quidnam aliud occine-

occinerunt antiqui. Hæresiarchæ, eorumque filii, quos tamen & ipsi Novatores, non secus atque Catholici impietatis arguunt? Non idcirco iis pestibus grassari libere licuit, & veneno populos afflare, reclamante nequidquam Ecclesia? Quod si quis e Novatorum gremio exsurgat (quod identidem fieri consuevit), & falsi postulare dominantem Religionem, aliamque invehere una cum aliis doctrinis velit, Evangelii nuntiandi, ac erroris confodiendi jure amplissimo sese tuens: nemo inter ipsos Novatores hominem, ejusque audaciam non abhorreat, non damnet, & ad silentium compellat. Nemo ab eo audiendo suum non avertat gregem. Nolint ergo suos patres alio a nobis dimetiri pede, quam quo ipsi filios dimitentur, in parentem Ecclesiam armatos. Et discant, læsam ab eorum patribus Justitiam, & ab unoquoque in posterum quoque lædendam, quoties sine aperto aut tacito Ecclesie veræ consensu, docendi munus arripiant, licet nonnisi vera & recta se prædicare arbitrentur.

CAPUT SECUNDUM.

Caritas quando obset, ne Veritas evulgetur. Ejus leges. An, & quando, & quomodo evulgandi errores Procerum Ecclesiasticorum. An aliorum errores, & vitia, & quando id liceat, aut necesse sit. Abusus, & excessus in hisce. An mordacitas styli ferenda.

VERITATIS præconibus non sola Justitia præcipit, ut cautissime prius & solícite caveant, ne falsa pro veris venditent, ne pro recta perversam doctrinam obtudant. Id etiam Caritas & Prudentia artissimè præscribunt & imperant. Quale enim amoris genus illud est, quo Proximum nostrum prosequimur; quale Prudentiæ facinus, quum ipsum vitiosis aut agendi, aut credendi documentis imbuentes, a veræ Fidei ac Pietatis semita stolidè avocamus? Dubitatio ipsa, ne venenum propinemus, a medicina exhibenda abstergere nos debet. Hostis enim potius, quam amantis est, in æternæ mortis discrimen illos adducere, quos certus non sis te ad æternæ vitæ spem erudire posse. Verum non heic solum, stat Caritatis & Prudentiæ disciplina. Etiam si vera ac certa sint, quæ tradere animus est, quædam tamen sunt, quæ, silere ac tegere, interdum Prudentia,

dentia, interdum Caritas nos jubet. Justitiam fortasse laesuri non sumus, vera narrantes; at certe Caritatem, certe Prudentiam quandoque vulnerabimus, quae non omnia vera, ac certa, neque semper, in publicum efferri patiuntur. Quid igitur Caritas & Prudentia heic velint, & quatenam sint earum consilia & leges, differendum restat.

Prima lex ista a nobis ponitur: *Ita dicendum, aut silendum est Verum, ita errores aut refellendi, aut dissimulandi sunt, ut Caritas ordo servetur.* Id ni fiat, ipsa Caritas desiderabitur. Videlicet praeponendus est ex institutione Caritatis amor Dei, & Fidei, & Ecclesiae ceteris amoribus. Post hunc amorem valere plus debet Reipublicae, Regis, & Patriae, quam privatorum dilectio. Primam istam legem Religio & Philosophia summopere commendant. Ex his enim Virtutibus est Caritas, quae ordinem exigunt, & sine ordine pereunt. Recta autem ratio docet, majorem his rebus amorem deberi, quibus est majus pretium ac dignitas, & quibus nos majora debemus. Proinde oblatis duobus, quorum alterutri, prodendo, sive occultando verum, displicere, aut placere oporteat, nullum est dubium, quin illi sit inferiendum, quod apud nos amore sit dignius, atque praestantius, praefereendumque sit privato publicum, temporario aeternum, corporeo spiritale bonum. Altera Caritatis lex est: *In profigendis erroribus, & in praedicatione utilis aut necessariae Veritatis, ita se gerere homo debet, ut moderationis quantum fieri potest recorderetur, atque ut id solum cures, quod sanare alios, melioresque efficere, non autem vulnerare peioresque facere possit.* Proinde nullam Caritatis rationem habere dicamur, si una cum erroribus homines persequimur, si eorum mores, (a) atque existimationem pessundare nitimur; si nomen potius nobis, quam proximo nostro salutem conquirimus, prodita inhoneste illius imbecillitate atque ignominia. Duas itidem leges Prudentia nobis ob oculos ponit. Earum prima est: *Circumspiciendum esse. Veritatem praedicaturis, ne dum unum bonum ex una parte, quaerunt, gravius ex alia malum incense excitent, qualia sunt schismata, scandala, funesta dissidia, atque horum similia.* Altera est: *In praedicando. Vero, & alienis erroribus insectandis, perpendendum esse tempus, locum, & personam cum corrigentis, tum corrigendi, & qualitates cum dicendis, tum dicendorum.*

Non

(a) Heic notare videtur Auctor suum *Phereponum*, id est Joannem Clericum, qui petulanter nimis antiquos Ecclesiae Patres insectatur in *Epistola Critica* IV. ubi Joannis Dallsii Librum de usu Patrum propugnat. Ibi namque omni pudore posthabito, plura congerit quibus valeat veterum Patrum auctoritatem labefactare.

Non enim cuicumque licet quemcumque corrumpere, & omnia prodere, aut ubique, aut quovis tempore.

His legibus positis, atque alte animo infixis, tam difficile non erit agnoscere, quando necesse sit, aut expediat, aut deceat, Veritatem prodere, & litteris consignare, quave ratione praestandum id sit, aut ipsam occultare, atque silentio tegere. Fingamus ergo, Auctorem aliquem, aut Episcopum, aut etiam Primatem Ecclesiae vtrum, in doctrina Christi revera falli, erroresque suos aut scriptis, aut voce in vulgus spargere. Ejus vulnera dissimulare piaculum fuerit. Nam quamvis ipsius accusatio, & inde emanans ignominia, a Caritate quam ipsi debemus, recedere videatur, Caritatis tamen ordo poscit, ut Ecclesiam & Rempublicam magis amemus; neque committendum est, ut universitas periclitetur, dum unius existimationi servandae fudemus. Veritatem itaque revelare, ac super testia praedicare, falsaque dogmata quantis poterit viribus impugnare, heic non solum unicuique Christiano licebit, sed necesse erit sacris Ecclesiae custodibus. Immo, istis prae timore, negligentia, ignorantia, aut conspiratione tacentibus, privato cuicumque homini id oneris incumbet, ut in lupum exsurgat dormientesque Pastores suis clamoribus excitet. Ne ipsos quidem sanctissimos Patres, nobis alioqui summa veneratione spectandos, habere aliter in hac parte decet. Homines & ipsi fuerunt. Incaute interdum loquuti, pessime sensitse videntur. Nonnulla etiam Ecclesiae decreto nondum stabilita tradidere, quae qui nunc pervicaciter tueretur, Haeretici notam nequam effugeret. Hujusmodi ergo naevos arguere, ac prodere liberum est nobis, non quod male doctissimis iis & venerandis capitibus velimus, sed quod Ecclesiae toti, ac Fidei sanctissimae velle melius debeamus, quam singulis ipsis Patribus. Juvat autem, & Reipublicae plurimum interest, nosse quibus in locis non satis recta tradiderint Majores nostri, ne quis tantorum nominum auctoritate, ubi non debet, fretus, in transversum agatur, ipsamque Ecclesiae universae Fidem inde oppugnet. Est & hoc aliquod Caritatis genus in ipsos sanctissimos Patres, atque in alios errantes. Illi, si viverent, Libros suos lubentissime emendarent. Quum id amplius ipsi non possint, amant tamen sibi a posteris eam medicinam adhiberi, quae si non purgare penitus Libros suos, at certe a suis Lectoribus arceret morbum qualemcumque valeat. Reliqui vero, dum vivunt, erroris moniti, sicuti honestatis & veritatis amantes putandi sunt, ita gaudere credendi, quod tum se, tum Lectores Auditoresque suos opes nostra

nostra ab errore sentiant revocatos. Atque haec de erroribus, qui in Fidei Christianae, & Ecclesiae Catholicae perniciem recta contendunt.

Alii sunt errores extra Fidei doctrinam, tamen non extra Religionis pomoeria. Ejusmodi sunt singulorum hominum abusus in ministrandis Sacramentis, in sacris Ordinibus conferendis, in veneratione tum Sanctorum, sacrarumque Imaginum, tum etiam Reliquiarum, & in ipso externo Dei cultu, atque Mysteriis, aliisque similibus rebus. Pastorum profecto proprium est munus, hanc ab Ecclesia Dei pestem avertere tum praedicatione, tum scriptis, atque decretis. Sed ipsis nihil proficientibus, gloriosum semper fuerit, Deoque gratissimum, si nostras jungamus copias, sique privatorum etiam telis hujusmodi monstra conficiantur. Quod si eo usque malum creverit, ut diutius remedia disferre periculosum sit, neque Ecclesiae Praefules gliſcenti malo, quod eorum munus poscit, occurrant: frustra audaciae accusabitur privati hominis consilium, (a) qui hosce petulantes abusus ad Tribunal Ecclesiae deferat, ac in eos exferat vocem & calamum. Dummodo veram iste doctrinam adferat, publicosque errores, & crimina non somniata exagitet (quod accuratissime prius curandum), nihil in Caritatem peccabit, immo secundum ipsam faciet: atque adeo nos omnes in hisce casibus zelari zelum domus Dei jubemur, & Veritatis ac Religionis jura publice tueri, in quae perversi hujusmodi Christiani suis vitiis conspirasse videntur. Idem dicendum de alio errorum genere, quo Ecclesiastica Historia deturpari, & rudium populorum traditio infici potest. Consistat Martyrum, & Confessorum, seu Vitae seu Reliquiae, seu opera miranda; suppositi sanctis Patribus, & praeclaris Ecclesiae viris Libri; origines Ecclesiarum, & Monasticorum Ordinum, aliaeque innumerae ad Episcopos, ad Concilia, ad Ecclesiam pertinentes res gestae, mendacio infuscaatae, aut e levissima tantum popelli narratione depromptae; & confidenter ad memoriam posterorum literis traditae: haec omnia procul dubio Veritatis inimica sunt, & Ecclesiae. Ubi ea confingere, aut adoptare, aut dissimulare turpissimum est, ita revelare, & palam exhibere, justissimum, atque honestissimum. De vindicanda Veritate agitur, de liberanda Ecclesia ab hisce inquinamentis & fucis non modica ex parte perniciosi. Quis heic laesam Caritatem

Tom. X, P. I.

H h

cla-

(a) Quis non videat ad hunc locum respexisse nostrum Pritanium, quom Opus illud excogitavit ediditque Italice scriptum, cui titulus: *Della regolata Divozion de' Christiani*? in eo enim plures abusus perstringit erroresque; qui licet sint extra Fidei doctrinam, non sunt tamen extra Religionis pomoeria, ut ipse loqui amat.

olamet? Primum locum obtinere debet Veritatis, & Ecclesiae, & Reipublicae amor. Et quando restitui tam utilis Veritas, aut ab Ecclesia & populo error eliminari non potest sine alicujus offensionis: utique praestat, unum aut paucos dolere, quam multos. Quamquam & illi injuria dolebunt, quum beneficium non tam Ecclesiae matri conferatur, quam ipsis.

Quod in his tamen casibus homini Caritas enixe commendat, illud est, ut quantum fieri potest, parcatur personis, dum errori ac vitio non parcitur. Si simul stare queunt Reipublicae utilitas, & necessaria medicina, ac privatae quietis atque existimationis conservatio, ambo utique sunt procuranda. Tum solum finit Caritas, nos privatorum commodis & honori nocere, quando aliter publica res restitui sanarique non potest. Quum igitur in doctrina Fidei quisquam incaute delirat, neque in vulgus sua commenta dispergit, sibi tantum canens, huic adhibere decet salutarem Christianae correctionis helleborum, ubi legibus Ecclesiasticis aliter cautum non sit; hoc est clam & amice ita monendus, atque docendus, ut si animo sit docili, vulnera sua se cognovisse gaudeat, neque erubescat. Sin iste deliria sua pertinaciter tueri pergat, & benevolum monitorem semel iterumque contemnat, & mutandae sententiae spem nullam relinquat: nihil, Caritate etiam suadente, tunc utilius praestari potest, quam si ejus contumacia (uti Christus ipse mandavit) ad Ecclesiam deferatur, cujus auctoritate tum ipse in officio contineatur ac sanetur, tum ab ejus afflatu liberetur Respublica. Hujusmodi autem homines non palam errantes, non erroris sui praecones, cur ego palam & nominatim, aut scriptis aut voce persequar, ac in triviis ridendos propinem, & exosos omnibus puniendosque faciam? Clam peccavere, corripri clam possunt, & corrigi clam amabunt. Quid punis in errante nomen, & famam, quae errore adhuc latente, & emendationem fortassis non refugiente, nullam adhuc poenam commeritae sunt?

Illud vero constat, licere atque decere publicis scriptis ac tubis in illos ferri, qui errori conjungere proterviam, & insaniam suam erumpere in publicum sinunt. Non est quod ego eorum morbum ac nomen occultare debeam, quum ipsimet evulgaré non dubitarent. Publicum Ecclesiae hostem publice oppugnabo, publice, si vires suppetent, evertam; ut si non ipsum ab errore revocem, reliquos saltem pugnae spectatores, atque adeo Rempublicam ipsam in veritatis acie confirmem. Sed in hoc hominum genere insectando suus quoque :

quoque Caritati locus esse potest. Inter ipsos sanctos Patres sunt, qui Haereticos, & eorum affectas, atque patronos aculeatis exagitant Libris, multumque etiam Plautino sale perficiant. Primas inter ipsos Hieronymus tenet. Sunt & Scriptores, qui sibi temperare nesciunt, quin adversus Ecclesiae hostes quidquid ad manum veniat, intorqueant. Contrumeliis nullis parcunt, quarum etiam non paucae veritatis fundamento carent. Mille vituperiorum plaustra in ipsos congerunt; uno verbo nihil non movent, quo communem prosternant Religionis verae adversarium. Quod est ad nonnullos e sanctis Patribus, non iis vitio vertimus, quod acerbis interdum pro veritate scriptis pugnaverint. Christianum zelum ne hic quidem stylus dedecet; hos ignes ipsa bona causa, ac defensio cognitae Veritatis, ultro suggerit, non facile sane culpandos, nisi quum ad calumnias concitata oratio dilabitur. Sibi ergo imputent, si tam aspere accipiantur, quicumque a recta Christi doctrina defecisse minime contenti, positos quoque a Deo Judices, hoc est, Ecclesiam ipsam, non spernere solum, sed etiam dilaniare atque infamare minime verentur. Habeant illi & hanc suae contumaciae poenam, & populus eisdem abominare atque abhorreere eo facilius discat, quo libentius fertur ad legendam in piperatis disputationibus illorum damnationem. Attamen, si nobis optio detur, placidam, quam iracundam in refellendo errore facundiam sequi mallems. Placuit haec aliis Patribus, & Augustino praesertim, qui quum aliis nominibus maxime sit commendandus, hoc ipso in primis apud posteros spectabilem se fecit, quod certando cum Haereticis vel procacissimis, nunquam mansuetudinem suam, atque verborum lenitatem, quamvis laceffitis maledictis, abjecerit. Et certe vix est ut hominem animal omnium ambitiosissimum, conviciis & acerrima reprehensione de sententia atque errore deducas. Mordacissima oratione exasperatus ille vindictam potius, quam emendationem cogitabit. Contra gravis simulque mitis confutatio, animum adversarii ab auscultanda Veritate nequaquam aversens, plus quam altera potest, quum & ejus errorem vincere, & ipsum errantem sanitati restituere possit. Quae cura Christiano Scriptore, quam altera, profecto dignior. Nostrium enim esse debet, non ignominia onerare, sed ad meliorem frugem, quantum in nobis est, fratrem nostrum convertere, fratrem lucrari. Mirum autem est, quantum & peccantes ad poenitentiam, & errantes ad palinodiam alliciat gravis illa mansuetudo corripiens, sive resutantis.

IN RELIGION. NEGOTIO. LIB. II.

H h a

CA-

CAPUT TERTIUM.

Calumniæ numquam adhibendæ. Conviciis temperandum. Non impetandi errores, nisi bene perspecti. Placide quantum fieri potest pugnandum; & quando secus deceat. In confutandis erroribus ad Religionem minime spectantibus quæ libertas Ingeniis. Caritati ac Moderationi & heic suus esse debet locus. Quando vitia morum adversariis objicere liceat.

PORRO, si adhuc stat animo tua scripta contra Catholice Veritatis & Ecclesiæ inimicos aculeato, iratoque etiam stylo armare: non impedio scribentem. Sed ira modum habeat; honestatem non obliviscatur oratio; pro Ecclesiæ & Fidei Apologia non inveniant Lectores virulentissimam Satyræ. Alioqui non Aequitas solum, & Caritas, sed & Justitia ac Prudentia illic desiderabitur. Nescio enim, quo pacto justitiam ac prudentis nomen retinere possit, qui ita in hostem irrumpit, ut se quoque incaute laedat; adversarii culpas tam effulse persequitur, ut se maledicum fieri minime sentiat; atque ita in aliis reparare vult Veritatis jacturam, ut ipse interim ad calumnias & convicia descendens, moderationem virilem atque Christianam in se ipso perdat. Difficile est, fateor, igitis ingeniis pacate heic agere, zelo potissimum sacrae Fidei flammæ augente. Pugnae ipsius ardor ita istius omnes temperare non sinit, & ut errorem tantummodo alienum, non & personas aliquando feriamus. Vel cautissimis & mansuetissimis pugnatoribus jacula interdum elabuntur, quæ animum ferientis occulte fallunt. Verum circumspectum est nobis, quid in certamine ad tam facile lubenterque mordendum ingenia nostra stimulet atque impellat. Interdum unus amor nostri tantum polverem excitat. Amamus famam religiosi zeli, quem quoque plus in censura irascimur, etiam si excedimus; eo commodius iuasuros nos esse speramus. Querimus Lectorem plurimum, eumque novimus ad Plautinas mensas, & scommata lubentius confluentem; quare per Satyræ nostris, Libris curamus, ut accedat commendatio major. Credimus etiam in hoc loquendi genere evidentius apparere bonæ causæ conscientiam. Verum heic non raro noster nos fallit affectus;

& præ

& præ omnibus spectanda est Veritas, quæ certe ab erroribus liberari, defendi, suaderi potest, sine tanto felle, tantaque petulantia orationis. Denique ab ingeniose acuto quam maxime differt amarus atque maledicus stylus. Illo sapiens quoque libentissime utatur; ab isto temperet. Nam dum rationibus & argumentis dimicetur, jam in tuto est Veritatis causa; neque interim adversario, quantum in nostra manu est, de nobis querendi ulla relinquatur iusta ratio.

Jubet nos ergo Caritas placide vel in pertinaces Hæreticos agere, (a) ut non tantum illorum errori prosternendo studeamus, sed & saluti propiciamur. Quanto autem magis ipsa nos moneat, ne ipsis errores & crimina imputemus, falsa, sive conficta? Ejusmodi hominum insaniam, atque impudentiam, supra modum exaggerare plerumque solet mendax fama, aut adversariorum ira. Proinde æquum est, & Caritatis lege sancitum, ut in hoc etiam communium hostium genere, eorumque Libris nihil vituperemus; nihil fidenter damnemus, quod prius non constet ipsorum sententia affirmari atque probari. Quæ in re nullus dubito, quin Catholici quidam minus cauti, & caeco zelo abrepti, interdum se quoque præbuerint arguendos. Per nonnullos e primis Lutheri & Calvinii oppugnatoribus non stetit, quomodo in longam seriem excrescerent illorum errores. Supra centum Calvinii blasphemias numerabat Fevardentius, Scriptor stylo quoque parum in ipsos Hæreticos moderato usus. Tam multa, ac tam graviter, non delirasse Calvinum, ejusque sectarios, cum ipsi postea palam facere, tum nostri sensim deprehenderunt, simul ac remissus est prius ille certaminis impetus. Minus, inquam, Lutherani, & Calviniani, quam videbatur, olim a veritate Catholica aberant; minus etiam nostra tempestate absunt; quum a suis parentibus jam in aliquibus discesserint, minus aperte impiis falsive sententiis, discessuri, uti sperandum est, a reliquis etiam, ubi Catholicorum doctrinam, vitia prædicant, declamatoribus suis, audire desinent, parum vero à Conciliis & Catechismis nostris publicè probatis haurire incipient. Et revera istud, ut dicam familiare est, sed in consuetudinem & quendam quasi legem apud ipsos transiit, ut Catholicorum doctrinam atque Ecclesiam in eorum scriptis atque concionibus ita discerpatur, ut deformetur, ut nativam suam faciem ac puritatem

tem

(a) Sæculo præterito vertente, egregie præ aliis id præstitit in celeberrimis suis Operibus æsthetica Gallææ editis, Cl. V. Jacobus Benignus Bossuetus. Meldensis Episcopus, quem hac in re tanquam excellens exemplar imitandum proponit noster La-mondus in aureo illo Opusculo, *Riflessioni sopra il Buon Gusto nelle Scienze e nell'Arti Parte II. Cap. X. pag. 171. Hujus vera Editionis nostræ Tom. VIII. pag. 284.*

tem prorsus amittat. Quotidiani sui muneris esse quilibet Ministellus putat, in mores, opinioneseque nostras qua maledictis, qua declamationibus invehi; sceleris criminibus ac erroribus dogmata nostra onerare; ipsas nostrorum virtutes, ritusque pios, fulcis exprimere coloribus; omnia denique dissimulare, quae nobis militent, quaeque aut proderet confestim possent incautam obtestationem eorum; aut nostram tueri optimam causam. Sic alitur in populis jam annosus error, & deplorandum schisma. Plebs autem a teneris, ut ajunt, unguiculis educata atque infersa hujusmodi naeniis & calumniis concionibus, nihil vehementius horret, quam Catholicorum Fidem & Sacramenta. Quid? quod non auribus tantum, sed & oculis imperitorum sua spectacula ministrantur. Conclavia & Libri maledicis picturis abundant, quibus somniata Babylon lepidissime, ut sibi persuadent, sed insulse omnino, descripta exhibetur, & innumera Antichristi jam in eorum phantasia nati, sive Monachorum, sive Episcoporum, gesta subfannantur atque deturpantur. Hac autem in parte ii praesertim excellere solent, quibus & crassior aerem, & frigidior patriam, & minus elegans ingenium natura dedit.

Equidem si qui sunt inter Catholicos, quibus adhuc hujusmodi genus pugnandi placeat, non solum nullas a me laudes expectent, sed multam potius vituperationem. Viros liberaliter eruditos, nedum Christianos, ista non decet. Et nostros moneo, potissimum vero monendos reor alienae communionis Scriptores atque Oratores, ut potè saepius & foedius in hujusmodi studio peccantes, ut dum Religiois Veritatem sermonis Libri sive pertractant atque tument, a conviciis & maledicentia abstineant, & quantum fieri potest Caritatis consilia auscultent. Prius adversariorum sententia atque argumenta probe teneantur, neque a privato quopiam ineptove Scriptore dogmata Ecclesiae Catholicae, aut diversarum Sectarum hauriantur, sed a publicis Fidei professionibus, publicaeque receptis Libris. Longe alia sunt in Protestantium ore, ac in Catholicorum Conciliis bene multa, quae profecto ignorare consutaturis non lides, ac ignorata damnare temeritatis est, ne dicam de mentis. Id non dissentitur, qui inter Protestantes temporibus nostris sinceritate praestant & diligentia, & perperam culpata fuisse, atque culpam multa Catholicorum sentiunt. Tum adversus bene perspectas sententias exferendae, & quae sunt, solidae rationes, certis innixae principiis, ac inde rite deductae. Quid his non jam clanculum, sed aperte sese immiscet impudens & vilis contumeliarum atque fannarum familia? Cur calum-

niis caute non occluditur aditus? Quid barbarico more ictus vibrantur? Et hoc vulnerare atque exasperare, non autem sanare adversarium: quod tamen postremum Caritas a nobis unice postularet. Vincat ergo Veritas pondere argumentorum, non opprimat ira mordacitate & furore dictorum.

Hic autem suavi Caritatis edicto contraire ille dicendus non est, qui furiosos, calumniosos, & maledicos Scriptores non aliter refellere potest, quam eorum vitiis excussis, & palam confossis. Quid agat iste Censor, quanquam placidus atque modestus? Si Veritatem vindicare vult ab alienis telis, non potest quin malam adversarii fidem mansuete quidem accuset, & prodatur, sed tamen accuset. Adulteratos ab ipso codices, truncatas sententias, dissimulata consulto argumenta, confectaria, captiosas & sophisticas rationes, declamatorias phaleras atque hyperboles, conficta exempla, & alia huiusmodi; satyricus & immitis non est, qui arguit, & spectanda omnibus praebet: sed ille temerarius, & indoctus, & parum pius, & parum mentis compos, aut suae existimationis prodigus, qui talia in veritatis ludibrium palam est ausus. Haec, ut dici solet, causa causae responderet. Attamen haec etiam habere potest, quo se prudentem & humanum, & vitiorum, non hominum, insectatorem sed probet Scriptorem. Scilicet, quantum materia finit, non exaggeret, sed minuat culpas; & errata inimici aut nude tantum describat, atque ita deum describat, ut benevolum adhuc se illius objurgatorem & correctorem ostendat. Haec, fateor, facilius suadere aliis, & in aliis observata laudare, quam a nobis impetrare possumus; nam & qui prius animo statuunt, se non secus cum Haeretico atque inimico agere velle, quam cum fratre atque amico, vix fidem sibi praestare possunt factis. Sed optima nobis proponenda, ut eo si non pervenire datur, accedere saltem, quisque contendat. Vix enim excogitari potest, quantum conducirer ad inuicem pacem atque concordiam inter tot Ecclesiae Christianae aut veros aut perduelles filios, tanta opinionum diversitate sejunctos; adeoque miserabili schismate tandiu distractos, si pacifico stylo, placidisque disputationibus utrinque ageretur, oculis in unam Veritatem semper intentis. Atque ad hoc in primis utinam ii sedulo mentem converterent, qui refutant errores ab uno quidem Scriptore sparfos in vulgus, sed alicui sectae communes. Tum in uno multi feriuntur; mitiusque propterea dimicandum, ut non unum tantummodo, sed plures amica consutatione lucreris, & Ecclesiae restituas.

De

De rebus ad Religionem & Ecclesiam nihil spectantibus inter-
dum lis erit. Multas Physica suppeditat, multas Jurisprudentia ac
Historia, multas Rhetorica, & Poetica; atque ipsa etiam Gramma-
tica. In his excogitandis, referendis, atque explicandis humanum
ingenium, atque eruditio saepe deficiunt. Hinc viris criticis, num-
quam non in similes errores intentis, negotium grande, neque mi-
nus Typographis. Si quosdam audire volumus, ab omni Librorum
censura temperandum. Aut enim vera & recta docent: & in Cen-
soris caput recidet censura si fiat: aut falsa & inepta continent: &
inani idcirco refelluntur labore, quum suapte natura sint casuri, &
ad blattas tineasque damnandi. Peritur etiam, quo jure in Aucto-
rem tibi non injurium, immo tui nescium, censoriam auctoritatem
exercere velis. Sed qui ista petunt ac monent, adhuc ignorare vi-
dentur, quam facile error in homines irreat, atque ab iis adopte-
tur, quantumque humanae Reipublicae interfit, Verum ac Bonum
a Falso & Malo distinguere atque tueri. Ut de Veritate potissimum
loquar, publicum illa & univiale bonum est, divino munere adhuc
in terris relictum. Ita totum est omnium, ut totum sit etiam sin-
gulorum, nullique licet me decipere, atque in errorem trahere, &
cogere, ut falsa pro veris, vera pro falsis amplectar. Quum tantum
ac tam nobile patrimonium aliqua ex parte quisquam laedit, men-
dacio indulgens, aut falsa incaute venditans, res mea laeditur, &
pro bono malum, hoc est, error mihi obtruditur. Meum ergo est
mea tueri, mihiq; ab errore cavere, & contra Veritatis inimicum,
qualicumque sit, dimicare. Quod si palam Veritati bellum indicit-
ur, (id quod in Libris falsa ferentibus, & publica luce donatis,
usu venit) jam fas mihi est, bonum non jam amplius tantummodo
meum, sed publicum, ab injuria publice vindicare, & a Republica
errorem removere, Reipublicae ipsi perniciosum. Quis me jure ac-
cuset, immo quis jure non laudet, quod non sinam decipi gentem
meam, & regnare Veritatem velim? At error est in Historia, in
Physica, in Poetica, in Grammatica, & in ceteris, ut ita dicam, lu-
dicris aut iocandis studiis, non in gravi Religionis, aut legum, &
morum scientia. Esto. Anne propterea ferendus, neque eliminandus
est error? Et ista mihi & Reipublicae nocent, quantum pessunt
malum quippe est falsi tam in magnis, quam in parvis; & omnium
interest, ne in Poetica quidem, & Grammatica, nedum in Physica,
& Historica eruditione, falsa aut prava disseminari & credi. Uti vo-
ro nulla ratio hominem excusat, quod si Libros optimos, & opti-

ma tradentes, censoriam virgam adhibeat; ita rationes multae cum eo faciunt, qui Libros malos, & falsi aut vitii magistros, resellendos corrigendosve suscipit. Magnam partem ex indoctis constat hominum genus. Inter ipsos Literarum cultores rarum iudicium est, & crebra hallucinatio. Ita vero interdum conditur, & celatur, & colore veritatis, error ac falsitas incrustantur, ut vel peritis imponant. Non est ergo illius vituperandum consilium, qui ab errandi periculo atque ab imitatione pravorum, Rempublicam aut statim, aut tandem eripiat. Sed potius ille laudandus, quod censura sua causam faciat reliquam gentem, & labore suo ceteros a labore exquisiti examinis liberet. Ineptissimos tantum Libros, & nemini officere valentes, anxie in trutina suspendere & refutare velle, est hominis cum inepto ineptire cupientis. Ceterum qui & hoc sibi negotii sumat, quo saltem ab imitatione similium arceat alios Literis operam dantes, non ut suo adversus Auctorem odio obtemperet, in Prudentiam fortasse peccabit, nequaquam vero in Iustitiam.

Tractantibus autem & huiusmodi, quanquam interdum levis momenti, quaestiones, inculcanda est iterum moderationis & humanitatis mentio. Quando aliter fieri non potest, ad ravim usque contendatur pro quacumque Veritate, in quemcumque errorem, ac malum Librum. Sed non lacerentur in contraria, licet absurda, sententia positi. Nimia dicacitate non corrumpatur, non infametur bona causa. Rationibus tantum, non conviciis & maledictis, servata est palma. Praeterea quid, amabo, ferventi censurae tuae, aut Apologiae, cujus argumentum est error intellectus, mores quoque & personam adversarii interferis? Indignatur Veritas, se talibus armis defendi, quum haec illam nihil revera defendant, & in unius utentis probum convertantur. Et tamen Cenfori suo, quem natura monoculum, gibbosum, claudum fecit, aut ingenti naso armavit, quoniam tanta animi moderatione olim respondebant, ut haec illius vitia non memorarent atque riderent? Quinam ita sibi imperare poterant, ut adversarii luxuriam, ambitionem, artesque pravas in literariam pugnam non inferrent? Inventi sunt; parum dixi; inveniuntur, qui paupertatem & ignobilem originem Cenfori suarum opinionum obijciant, quasi in istius ore Veritas quoque & argumenta Veritatis, obscuram & miseram dicentis conditionem, ejusque sinistrae fortunae combiberint. Statuunt alii potiorum suae defensionis vim in recriminando adversario. Quod quidem quum nihil utilitatis saepe inferat causae, qua de agitur, id unum potest, ut ad

inhonestam vilemque vindictam inferviat, quando ad justam tutelam non potest. Parum certe videntur acuti, qui hac arte quidquam pro se profecturos se esse sperant. Vulnere quidem inimico, sed sibi salutem non creabunt, ab eo non dissimiles, qui se non avarum, & non dementem probaturus, id tantummodo ostendendum sumit, se inter avaros atque dementes solum non esse.

Fieri tamen potest, ut non liceat solum, sed etiam quandoque expediat, in adversariorum mores, & crimina inquirere, moderationis tamen ac Veritatis cura nunquam seposita. Quum nempe ad veritatis & innocentiae praesidium facit eadem ipsa morum & criminum revelatio. Hujusmodi telo nonnumquam calumniatores feliciter repelluntur; & in forensi palæstra, ac in orationibus judiciariis multus esse potest illius usus. Praeterea aequum simul & laudabile fuit, moribus eorum, qui recentiores Haereses condidere, litem intendere. Nempe ne hoc quidem postremum erat argumentum pessimae illorum causae, neque parum conducebat ad veritatem Catholicæ Ecclesiæ firmandam. Ut Ecclesiam istam a vera Fide jam prolapsam, & a multis saeculis invisibilem, Idolis & Antichristo servientem, restituerent, divinitus constitutos Lutherum, Zuinglium, Calvinum, atque alios id genus homines, distitarunt eorum sectatores. Hos extraordinarios viros, extraordinaria & caelesti vocatione ad Ecclesiam reformandam missos, appellabant. Verum quum novos hosce Prophetas nos ostendamus, non solum omnibus Prophetarum donis caruisse, sed etiam multis abundasse vitiis, neque meliores evasisse, qui in eorum disciplinam & dogmata concessere, sicuti praeter multos alios locupletissimus testis Desiderius Erasmus affirmat: cuinam persuadere in posterum se posse putant nonnulli populi, nuperos istos Catones e caelo cecidisse, caeloque consentiente, immo impellente, tot in Ecclesia Dei excitasse schismata atque tragœdias? Uti vero adversus ipsos legitime ejusmodi argumento utimur, ita ipsi inepte adversus Catholicam Ecclesiam argumento a moribus educto utuntur, utcumque corrupti Catholicorum Sacerdotum, Monachorum, & populi mores tunc fuerint, quum signa in matrem suam Lutherus movit: discessionem idcirco facere non licuit ab istorum societate, & communione. In mores enim, non in dogmata vitium fluxerat; & iniquum plane est, sanctitatem & rectitudinem Religionis dimetiri & damnare ex perversis hominum moribus, quum contra damnandi sint pravi hominum mores & sanctitate & rectitudine legum, quas ipsa Religio proponit.

CA.

CAPUT QUARTUM.

Errores in Sanctorum Patrum scriptis non dissimulandi; sed modeste agendum, & excusandi errantes. Prudentiae in proferenda Veritate, & erroribus insectandis habenda ratio. Quot modis in hanc virtutem peccetur. Scandalis ac seditionibus non aperciendus adiens.



UUM de Fidei doctrina agitur, diximus, Veritatis causam poscere, ut vel ipsis sanctis Patribus non ignoscatur. Id repeto: dissimulandi non sunt errores, qui in nonnullorum Patrum Libris interdum occurrunt, ne iis quisquam abutatur in Ecclesiae perniciem, quae contra sensit, & sentit. Verum quandoquidem Christiana moderatio tanti facienda est, vel quum in Haereticos scribitur, quanto magis eadem servanda est virtus, quum detegendi sunt naevi sanctorum Patrum? Heic itaque duo observanda in primis. Primum est, ut quantum fieri potest, non errorem solum, sed etiam erroris suspensionem a magnis illis viris amoliamur. Quod contingit interdum, quum ex plurium locorum collatione deprehenditur, aliam fuisse eorum sententiam, quam quae in uno quopiam Libro, seu Libri loco, sonare videatur. Tum si commodum aliquem sensum eorum verba patiuntur, hunc ipsis tribuere fas est; nihil enim verisimilius est, quam tales tantosque viros, cum Ecclesia & ceteris Patribus omnia plerumque concordēs, ne in ea quidem opinione ab iisdem Patribus atque ab Ecclesia dissensisse. Prolatis etiam quandoque Codicibus notae melioris, parum sanis Libris succurritur, unde fluere videbatur parum sana doctrina. Et multa quidem sunt, in quibus cum veteres tum recentiores Haeretici putant pro se habere sanctorum Patrum consensum; & loca non pauca producunt, suis in speciem opinionibus accommodata. Sed illud constat, nullum esse Dogma, in quo ostendere possint Haeretici, non dicam omnes, sed ne magnam quidem partem Sanctorum Patrum secum facere. Ubique aut omnes, aut plerosque Catholica pro se habet Ecclesia. Si qui favore Heterodoxis videntur; adhuc adhibitis explicationibus non violentis, & hi non raro ab ejusmodi nota liberantur. Qua tamen in re,

uti saepe diximus, tam caeca esse Caritas recusat, ut aliqua ex parte Veritatem pessundet. Ne ii quidem in nostram causam sunt inviti trahendi. Quanquam enim aliquis Patrum paria cum Haereticis quapiam in re nonnumquam scribat, inde sibi Catholica Ecclesia nihil timendum habet, quae non singulorum Patrum auctoritate nititur, sed conjunctorum; & praestantiorum aut uberiorum istorum partem paucioribus opponere potest.

Ad haec, ubi honesta nulla & commoda ratio succurrit, quae ab erroris specie liberentur quorundam Patrum dicta, ita Veritatis amans hujusmodi naevos prodit, ut Caritas simul vindicet eorundem auctores a crimine. Videlicet, culpam Haeresis non omnis contrahit; qui haeticam aut perversam profert sententiam. Oportet errori conjunxisse pertinaciam. Opus etiam est, ut prius ejusmodi sententiae inter errores ab Ecclesia numeratae fuerint, aut eae sint, quae vel sine Ecclesiae decreto cognosci non difficile possint tanquam a vera Ecclesiae doctrina alienae. Nullum autem e Patribus indicare est in aliqua opinione tuenda pervicacem adversus Catholicam Ecclesiam. Alioqui, non sanctorum Patrum albo, sed Haeticorum ille jam fuisset inscriptus. Praeterea si quis eorum in parum sana sententia constantem se prodidit, utique ea fuit sententia, quae sine crimine, atque intacta Fide Catholica animo indui defendique adhuc poterat, quippe nondum satis explorata, & Ecclesiae calculo nondum improbata, sive damnata. His animadversis, Caritati simul & Veritati factum erit satis; neque religioni sibi postea ducet eruditus Scriptor ea in sanctis Patribus modeste arguere, quae forte absint a regula totius Ecclesiae. Et quidem nonnisi laudandus, qui hujusmodi Caritatis Christianae artes exerceat pro vindicandis ab haeresi & a crimine (dum fieri absque Veritatis iactura possit) reliquis hominibus, atque Scriptoribus. Sed hoc beneficium potiore jure a nobis exspectant, quos vulgo Patres dicimus, viri nempe doctrina, sanctitate, & sacro ministerio plenumque insignes, & ab ipsa Ecclesia laudati. Quamobrem Christianus pudor in iis desideratur, qui acerbis censuris tam veneranda capita interdum exagitant. Neutiquam vero tum ferendi Censores, quum non solum veros immodeste iis errores objiciunt, sed falsos etiam effingunt, atque in eorum Libris reprehendunt germana Ecclesiae Catholicae dogmata. Verum de his iterum erit agendi locus, ubi a censura Joannis Phreponi sanctum Augustinum vindicabimus.

De.

Demum in veritate exserenda, erroribusque palam insectandis, maxima Prudentiae habenda est ratio, sine cujus ductu vel ipsae virtutes, ad actionem deductae, in vitia degenerant. Ad istam nimirum pertinet, significare, quando, & quomodo, & quibus in locis, & per quos aut dissimulanda, aut praedicanda sit Veritas. Primum igitur Prudentiae praeceptum est: *Non expedire, immo nefas interdum esse, veritates quasdam proferre, atque inculcare, e quibus pessima enascantur scandala.* Heic certe cum Prudentia Iustitia consentit. Aequitas non jubet ea silere ac dissimulare, quae nihil publicae rei profunt, & multum privatae noceant. Proptereaque privatis adversariorum moribus in literario certamine censura parcere debet. Nihil enim aut utile, aut certe necessarium est populo rescire, quibus vitiis adversarii nostri corpus natura signaverit, aut quibus perversis affectibus animus illius abundet. Solus hominum livor ex hisce spectaculis oblectationem capit. Contra vero adversariorum existimationi & nomini officitur, eorum vitiis revelatis, publicaeque irrifis; quum tamen hujusmodi censurae genus neque ad literariam litem dirimendam, neque ad animum inimici meliorem efficiendum, adhibeatur. Iterum: *Aequitas praecipit, ne ira prodesse Reipublicae velimus, ut ipso tempore ipsoque beneficio gravius eidem noceamus.* Ita omnium vituperationem incurrat Medicus ille, qui ut ab aegroto morbum levem depellat, alium ipsi, atque priore graviorem, suo pharmaco creat.

Quum itaque errores & vitia inter homines obtinent, in eorum castigationem Caritas exardescet, Iustitia armabitur; unaquaeque pro tuenda veritate, ac errore eliminando. Verum ambas in aciem circumspicte ducet Prudentia, neque agere sinet, nisi opportuno tempore, loco, & ardore. Interdum etiam silentium indicet, & a pugna retrahet, majoresque aut minores animos pro rei qualitate inspirabit. Nullum tam grande malum est inter Christianos, quod Christianae doctrinae corruptioni aequari possit. Nunquam ergo silendum, numquam occultandam veritatem Prudentia nobis auctor erit, quum quis tanquam Christi doctrinam venditare incipit errores, & sententias verbo Dei sive scripto, sive non scripto, contrarias. Rursus quum istam Fidem, divinamque doctrinam in me perdere quisquam hostis Christi nititur, me vel minis, vel donis, vel aliis artibus ad eam ejurandam compellens, sive alliciens: dum vox & vita suppetent, committendum mihi non erit, ut confessio Veritatis, ejusque firmissima persuasio, mihi eripiantur. Ceterum in aliis casibus, ita poscente Prudentia, non erit interdum erroribus eorum, qui sunt

extra

extra Ecclesiam, (exempli gratia, Ethnicorum aut Mahumetanorum superstitioni) apertissimum ac enorme indicendum bellum. Tria prima Ecclesiae saecula, Terris frustra & Inferis contra pugnantis, Religionem Christianam stupere triumphantem, Crudelissimos Tyrannos in Christi nomen conjuratos fatigavit & vicit innumera-
bilibus Christianorum fortissima patientia. Attamen dissimulandum non est: inter ipsos Martyres fuere nonnulli, quos in flagrantissimo veritatis & Religionis zelo Prudentia defecit. Non contenti sanctis-
simam Religionem rationum robore defendisse, & superstitionem Ethnicam scriptis & voce fugiendam denuntiasse (quod veritatis cul-
tores revera decebat), Gentilium quoque Idola comminuerunt, fana,
& cultum profanum palam irridere, ipsosque Ethnicos Magistratus
ultra irritare non dubitarunt. Hinc auctae interdum persecutiones;
& multorum fides aut vita in discrimen adducta. Theodosii quoque
junioris temporibus immanis procella excitata est adversus Christia-
nos in Perfide. Ex istis sublata sunt milia quam plurima, ibique
paene funditus excisa Christi Ecclesia. Tot autem mortibus & in-
commodis causam dedit unius culpa. Audas nempe Episcopus, vir
ceteris virtutibus illustris, sed Prudentia non satis instructus, quod
Pyreum, sive Templum Gentilium, evertisset, tum in se, tum in
reliquos fratres, atque in cuncta Christianorum Tempia concitavit
iram Persici Regis. Utique Martyria feliciter ac fortiter dimicanti-
bus utilitati sunt & gloriae. Sed accersenda sine necessitate non sunt,
ne tentetur Deus, ne constantia nostra mediis in cruciatibus pericli-
tetur, aut saltem ne in fratres, atque in Ecclesiam, miserandae ca-
lamitates & postrema incommoda per imprudentiam nostram deri-
ventur. Vide Concilii Illiberitani Canonem LX. atque in eum Men-
dozae & Aguirrii commentarios.

Ad haec, Veritatis praeditores, & insectatores errorum, Pru-
dentia circumstare debet, atque indicare, quae scandala, qui tumultus,
quaeve alia incommoda consequi possint Veritatem aut eo tem-
pore, aut eo loco, aut ea ratione depraedicatam. Si errores in do-
ctrinam Christi minime pugnant, nonnunquam minus malum fuerit
tolerare paulisper, & proderit differre censuram. Animi Regum,
exempli causa, exasperandi ita non sunt propter hujusmodi causas,
ut eos ira atque ambitio ad schisma trahat, atque ad Ecclesiam ve-
ramque Religionem ejurandam. Teterrimum malum Schisma est.
Vae sine ratione constantibus. Sed vae iis etiam, qui imprudenter
solicitant alios ad tam detestandum facinus. Sunt qui abusus, & vi-
tia,

tia, & errores publice configere nesciunt, nisi etiam classico inflato juribus aliis incaute officiant. Nam sicuti dum regnorum aerumnas nonnulli deplorant, earumque auctores lacerant, populos imprudenti declamatione ad seditiones movent, atque ad auferendam legitimis Regibus debitam obedientiam: ita Praesulum & Sacerdotum, & Monachorum non somniata vitia argumentum aliis investivarum sunt, qui tamen interim hadquaquam cernunt, se ita agere, ut plebs reverentiam exuat erga optimos etiam Episcopos, & universo Ordini Sacerdotali obsequium neget. Abusus in Sacramentis ministrandis, in usu pietatis, in Imaginum sacrarum Sanctorumque veneratione, atque in Indulgentiis promulgandis deprehensos, descripserunt alii, damnaruntque acerrime. Causam, consilium, zelum laudo. Verum ipsis cavendum accurate fuerat, ne dum vituperanda vituperabant, & abusus configebant, ipsas quoque res sacras, & semper venerandas, aut Haeticorum ludibrio exponerent, aut etiam in contemtionem adducerent Catholicae plebis. In Miracula confecta invehuntur alii, aut nimis laxas nonnullorum Theologorum opiniones ferre non possunt; pro utrisque conscribunt alii Apologias. Qui veritatem isto in certamine tuentur, rem justitiae gratam praestant, iisque immerito irascamur. Sed quum illi suspitione falsi vera etiam miracula a se aspergi non animadvertant; aut integrum aliquem Ordinem ex paucorum culpa in invidiam incaute trahant; isti vero Miraculis etiam falsis aut opinionibus parum probabilibus eodem tempore, quamquam praeter suum propositum, auctoritatem & licentiam concilient: indignandum profecto est, quod isti Prudentiam prius non consuluerint, eamque suorum scriptorum non praefecerint ductricem atque magistram.

Quid itaque curae futurum sit hujus virtutis amanti, dum praedicanda Veritas, erroresque sunt palam increpandi, facile hinc intelligere possumus. Interdum vir prudens errores populi, aut vitia, atque scandala Sacerdotum, Ordinisque Monastici, deferenda potius censet ad Episcopos, & potissimum ad Apostolicam Sedem, quam publicis vexanda clamoribus. Certam ille mavult ab Ecclesiae Principibus exspectare medicinam, quam dubiam & periculofam a privata censura. Et sane quidquid a Romanis Pontificibus, & ab Episcopis, atque Conciliis in disciplina corrigitur, atque interdicitur, quamvis multa se antiquitate, & populorum usu tueatur: turbas & seditiones movere non solet & nequit. Satis persuasum est Christianae plebi, nihil ab iis auferri, improbari, aut immutari, nisi quod

a ve-

a vera pietate abhorreat; facileque auctoritati legitimæ ac venerandæ obediens acquiescunt. Non id æque sibi persuadeat populus de privatorum censuris, & maxime tacentibus Pastoribus, quorum silentium aut inertiam pro suffragio & consensu oves errantes interpretantur, vel quando agitur de non levibus superstitionum scintillis. Hinc aut nullus censurae privatae fructus, aut si quisquam, is certe rarus, & periculosus, & a Pastoribus dormientibus interdum avertit animos gregis. Itaque prudentis est, Petri Successores, & Ecclesiae Antistites, potius, quam populum ipsum, ad horum emendationem concitare supplici voce, mitibusque etiam querelis.

Sed pergunt altum stertere, aut connivere Episcopi. Nolo causam Veritatis, & zelum domus Dei, & errantium curam idcirco abiciat Christianus. Fas est ipsi publicis scriptis revelare cognita vulnera, fas est confodere pertinacem errorem. Ita tamen se gerat, ut eodem opere, atque instituto reverentiam suadeat atque confirmet erga supremos Ecclesiae Magistratus. Abusus, & scandala, & falsam pietatem, & populares errores, configat obelo; sed simul Sacramenta, & germanum Religionis cultum, & solidam Pietatem, & sanas sententias, & unitatem Fidei maxime commendat. De Virginitatis laudibus agens, Conjugio suam non detrahat laudem: quod satis non cavisse sanctum Hieronymum olim suspicati sunt quidam. Si divinae Gratiae vim & necessitatem tuetur, Arbitrii libertas in ejus scriptis æque commendetur. Et vicissim Arbitrii virtus atque libertas tantopere non extollatur, ut deprimatur dignitas & necessitas Gratiae. Dum vero corruptos vel ipsorum Praefulum mores, nullo tamen aperte designato, carpit, tantum absit, ut aut contemptum Romanae Sedis, & Episcoporum, & Religiosorum Ordinum inducere possit ac velit, aut aliqua ex parte juvet ambitionem & impiam reformationem, quam jactitant nostri temporis Novatores, ut ipsorum Episcoporum, & praecipue Maximorum Pontificum decretis atque Conciliis utatur ad haec omnia confutanda atque proscribenda, pariterque prodar, quantum in hujusmodi emendatione excefferint Haeretici recentiores. Quenam enim emergere vitia, abusus, & superstitionum deliria paene jam possunt, quae Patres, Episcopi, & Romani praesertim, suis aut scriptis aut Synodis antea non ejurarint, monuerintque esse fugienda? Praeterea prudenti viro nunquam certe nimia Opiniorum laxitas probatur, sed ne nimia quidem austeritas. Quanquam si in alterutram partem peccandum sit, severitate malit, ne jam pronae hominum naturae ad sese emancipandam
in vi-

in vitia, ipse calcaria addat exuberanti indulgentia. Non minus ergo anxie cogitat, quantum scriptis atque oratione sua prodesse Ecclesiae & populo possit, quam caute circumspicit, ne qua ex parte noceat. Atque huiusmodi ratione Veritatis jura intrepidus exercet, simulque, numeros omnes implet judiciofae sagacitatis, atque Prudentiae. Pertinet & ad istam virtutem inspicere, liceatne, an non, aut saltem num expediat an non, in Moralis Theologiae Libris tot luxuriae secreta prodere, quae Sacerdotes quidem Confessionibus excipiendis destinatos ad bonum erudire, sed simul etiam multos eorum criminum antea ignaros instruere, ne dicam juvare, possunt ad malum. Quam quaestionem nos in medio relinquimus, & solum innuere necessarium putavimus.

CAPUT QUINTUM.

Quando, & quibus de causis, damnare & configere Libros, Pastoribus Ecclesiae liceat, aut sit opus. Et heic a Consoribus Ecclesiasticis in Justitiam peccari potest, in Caritatem, & in Prudentiam. Qui abusus & excessus in salvari ista auctoritate exercenta fugiendi sint.

POSTQUAM vidimus, in annuncianda Veritate, erroribusque & vitiis palam corripiendis, convenire debere atque conjungi tres virtutes, Justitiam nempe, Caritatem, atque Prudentiam: statim apparebit; quo jure, & quando, Ecclesiae Pastores damnare possint ac debeant Libros vel olim editos, vel quotidie erumpentes in lucem. Exploratum est, nihil magis futurum esse cordi pascentibus gregem Christi, quam removere & avertere ab ovili suo quaecumque venena, quoscumque lupos. Quei ergo ferant, perniciosos Libros passim grassari, & suo gregi impune nocere? Perniciosi autem, minimeque ferendi sunt ii omnes Libri, in quibus aut corrumpitur doctrina verat Religionis, aut Justitia desideratur, aut Caritas, aut Prudentia. Scilicet illic aut falsa pro veris produntur, aut vera pro falsis: quo laeditur Religio atque Justitia. Aut maledicentia veritatis causae sese immiscet: quo Caritas vulneratur. Aut majora Ecclesiae, sive Republicae incommoda, quam commoda, afferuntur: quod Prudentiae

Tom. X. P. I.

K k

adver.

adversatur. In his autem omnibus locum habere debet Ecclesiasticorum Judicium, & Apostolicae praesertim Sedis, atque Conciliorum auctoritas, ut quantum fieri potest eorum cura, nihil officiat neque Veritati, neque privatis officiis, neque publicae tranquillitati. Non quod Veritatem prodi aegre ferant, sed quod ferre non debeant, illam cum aliena injuria sine necessitate prodi, ejusque praedicationem inopportune imprudenterque peractam in publicam perniciem verti; hujusmodi enim beneficia aequius appellanda sunt malefacta. Audiendi porro non sunt Haeretici, qui Ecclesiasticis Pastoribus irascuntur, & male quotidie dicunt, propter usum istiusmodi juris. Parum sane aequi, dum Ecclesiae ac Deo negant, quod ipsi in suis Urbibus propter temporaria commoda faciendum putant, nullum videlicet ferentes Librum, quo Regum jura laedantur, & publicae leges improbentur, & publica tranquillitas aliqua ex parte in discrimen adducatur. Quis vero Anglos exempli causa commendet, quod Spinosa Libros ita hodie manibus omnium permittant, ((a) ut quisque sceleribus suis ibi quae rere praesidium possit;) quum certe ne unum quidem publice tolerare soleant Librum, a quo Regni, sive Reipublicae suae jus & concordia convellatur.

Restaret, ut exemplis rem confirmarem, excurreremque per aliquot Libros, a Catholicis & probis etiam viris conscriptos, sed a Romanis, aliisve legitimis Magistratibus confixos, quo palam fieret, unum ex tribus iis defectibus justissimam damnationi causam praebuisse. Verum & otio meo, & aliena patientia facile abuterer in re nimirum, quam nemo non possit ingenio suo experiri, certamque saepissime animadvertere in tanta exemplorum copia. Juvat potius orationem convertere ad aliud argumentum minus fortasse exploratum, hoc est, ad leges ac limites, quibus Ecclesia, & Romana Sedes, & recta in primis Ratio, circumstrictam vult auctoritatem ipsam Ecclesiasticorum Censuram. Nemo quippe ignorat, quanta, & quam justa facultas sit sacris Judicibus in Libris malis interdicens, atque confisgendis; alii interdum ignorari a nonnullis, quam saute ac moderate hujusmodi facultate utendum sit. Ut igitur huic quoque parti faciam satis animadverto, eos, qui Censuris munus obire velint, non secus ac ipsos Scriptores, triplici de causa muneri suo deesse posse. Ipsi quippe aequae, atque Librorum Auctoribus,

(c) : neces-

((a)) Prioris editiones: ut vel ipsa sacra infima plebis sceleribus suis ibi quaerat praesidium &c.

necessario circumspiciendae sunt tres illae virtutes, Justitia videlicet, Caritas, atque Prudentia.

Nam quod est ad Justitiam, quis dubitare potest, quin & ipsi Censores de Fidei Dogmatis agentes, ab illa discedere quandoque possint, quum homines sint, erroribusque reliquorum more obnoxii? Bene de omnibus sentire volo. Immo suspicari nescio, quemquam tam perditae sui oblitum, ut vera & recta tanquam falsa ac prava damnare, sciens & prudens sustineat. Verum numquid non potest permultis aliis modis Justitiae valedici? Hominem, ut ita dicam, nolentem, & inscium perversi affectus ad injusta rapiunt. Sed quod heic omnium maxime in transversum agere Judices possit, ignorantia est, quo morbo se laborare plerique non sentiunt, iique minus interdum sentiunt, quorum nomini splendidos titulos fortuna aut virtus addidere, quique erecti populos sibi venerabundos ab alto despicunt. Videant igitur ipsi, quantopere sibi curandum sit, ne immerito aliorum scripta feriant, eorumque Auctores indebita ignominia onerent, frustra indignante Justitia, frustra conquerente Veritate. Nam quamvis sententiae suae rationem vulgo reddere non debeant, supremo certe omnium Judici reddituri sunt, eidemque poenas daturi, si quando culpa sua defecerint in infligendis nimia facilitate ejusmodi poenis atque censuris (a): gravis quippe criminis rei apud Deum sunt.) (b) Proinde nisi prius liquido constet, opiniones quasdam a Catholicae Fidei Veritatisque norma revera discedere, hasque easdem opiniones in Libris dubio procul contineri, non est praecipitanda sententia atrox in eisdem Libros atque Scriptores. Regnet pro suo libito quibusdam in Scholis verisimilis opinio aliqua; non intercedo. Sed liceat aliis aliter sentire, quando Catholicae Ecclesiae doctrina jam rata atque stabilita aditum secus opinandi nondum sustulerit. Etenim dogmata Catholicorum, non e privatis Scholis, sed e publicis Conciliorum & Patrum, aliisque illustribus Traditionis monumentis petenda sunt. Liceat & quibusdam Judicibus peregrinos esse in aliquibus Scientiis, atque sententiis. Non id ipsis probro vertimus, dum de hisce ignotis Scientiis, minimeque exploratis sententiis judicium sibi non arrogent, earumque patronos damnare nolint, nisi prius perspectam habeant illorum causam atque rationes. Quid quaeso iniquius, quam damnare, quae non intelligas,

K k 2

aut

(a) AL. post vocem *censuris* statim additur *Proinde*.

(b) Hac de re jam antea questus erat graviter Auctor noster in Opere cujus modum meminimus, (*Riflessioni sopra il buon Gusto*) Part. II. Cap. X. pag. 181. Hujus autem Editionis nostrae Tom. VIII. Cap. X. pag. 272. & seq.

aut nescias? & animo ante aliquid statuere damnandum, quam tibi liqueat, an falsum sit, atque perniciosum? Tacere non possum, quod egregie in hanc rem habet Alphonsus de Castro Lib. I. contra Haereticos Cap. 7. *Sunt, ait, qui sic afficiuntur aliquorum hominum scripturis, ut si forte quempiam viderint, qui vel digito transverso ab eorum sententia discedat, Haeresim statim inclament. Et post pauca: Quare fateor, me non posse cohibere iracundiam, quories video aliquos ita additos hominum aliquorum scriptis, ut impium autement, si vel in modica re quis ab ejus sententia discedat. Volunt enim hominum scripta, velut Divorum oracula, recipi, illumque honorem illis exhiberi, qui solis sacris Litteris debetur. Non enim juravimus in verba hominum, sed in verba Dei. Reliqua viri doctissimi verba aequissime exoptulantis legere juvabit, cui Ochamus, Joannes Major, Canus, Bannes & alii, suffragium addunt.*

Neque minora exigit a nobis Caritas, quam Justitia. Regnum Caritatis Christianorum Religio esse deberet. Nihil nobis enixius cum divinus Praeceptor, tum ejus Apostoli, atque Apostolorum successores commendavere. Nihil magis distinguere deberet Ecclesiasticos Judices a Saeculi Magistratibus. Quenam ergo iis accedere existimatio potest, qui vel nullam, vel tenuissimam Caritatis speciem exhibent in Auctoribus Librisque nonnullis proscribendis? Sunt qui, ut zelum prae se ferant, ut docti & acuti videantur, in omnibus Libris, quicumque offeruntur, errata inveniunt, sive ut melius dicam, semper invenire volunt, & se invenisse sibi continuo persuadent. Aliis sua auctoritas languere, nihilque posse videtur, nisi quaerant quos damnent; nisi habeant, in quos terricum vultum atque supercilium Caritatis loco exercent. Sunt & qui certos, aut certae alicujus Familiae Auctores jam perosi, tum de se benemeritam vocant fortunam, quum sibi eorum Libros obtulit, certe, si fieri umquam possit, damnationem amplius non evitatueros. Hinc in plano quaerunt salebras, in scyrpo nodum. Ad extraneos sensus Scriptorum verba obloquentur, & eorum mens eluditur, ut criminationi tandem atque damnationi sit aliquis locus. Sanctus Eulogius Alexandrinus in Libro contra Severum & Timotheum, uti Photius est auctor, Cod. 225. *Constituit legem & canonem; scripta dijudicare non oportere ex parte, neque fragmenta quaedam sumendo ex his de sorta, de Scriptoris mente iudicium ferendum.* Verum haec nonnullis erat olim cantio exotica, qui nihil sibi religioni ducebant, ex quibuscumque locis detruncatis, ex meris suspicionibus, anathema pronuntiare

tiare adversus Auctores eorumque Libros, quando ex aliis locis arduum non esset quum Libros, tum Auctores, ab ea vindicare ignominia. Quanto autem melius quaeſo fuisset, homineque Christiano & Judice Ecclesiastico dignius, majorem impendere curam in inquirendo, quei Auctores & Libri defendi excusarique possent, quam quei damnari, (a) (atque erga alios eandem Christianae Caritatis mensuram adhibere, qua alios erga se uti amarent?) Quum vitium satis apertum se dissimulari non patitur, & excusationi locum aufert: intrepide sententia feratur, & inauditis quoque Auctoribus proſcribantur Libri. Reipublicae debetur isthaec medicina. Contra vero in rebus dubiis, quibus honesta interpretatio sine veritatis offensione praestari, quibus sine Reipublicae incommodo ignosci potest: Caritas amat lentos, benignos indulgentesque judices. Atque hinc Adriani Florentii, qui postea ad Pontificatum Maximum eveetus fuit, multum olim commendata est invidenda facilitas atque mansuetudo. Quum Lovaniensis Academiae Decanum ageret, omnia quorumvis Catholicorum dicta, quantum per conscientiam & Religionem liceret, benigna interpretatione emollire, & in rectum sensum trahere solebat. Paria & alii facerent, si aureum & vulgatissimum illud Christianae Caritatis praeceptum identidem respicerent, hoc est: *Auctoris judicandi personam induere, ejusque rationes amantissime animo suo pingere debes, & in absolvendo potius atque parcendo, quam in damnando, sistere cariorum tui ministerii laudem.*

Tertia accedit Prudentia, quam necessaria, tam rara ac difficilis in agendo virtus. Illa utinam in Censoribus Ecclesiasticis nunquam desiderata fuisset. Expeditae quidem sunt causae, cur Libros & Auctores damnare liceat, sive necesse sit; sed non omnium deinde est; judicioſe statuere, qui locus, quod tempus, quae materies damnationem poscat. Norunt ad censorium munus asciti, nihil Librorum ferendum esse, quod Religioni noceat, aut rectis moribus, aut alienae famae. Nonnullorum zelus ita effervescebat, tantumque illorum aciem acuit, ut aliquid ubique offendant, quod uni ex his tribus adversetur. Horrore percelluntur, si quemquam videant, pie licet ac moderate, abusus aliquot perstringentem in Sacris, in Sacerdotibus, in cultu Dei atque Sanctorum, in Religiosorum hominum corruptis moribus, in nimia Opinionum laxitate sive rigore. Undique timent exitium sanctissimae Religioni Catholicae. Undique pavent, ne in castris Haereticorum Auctor militet, neve iis nimia libertate,

(a) Al. damnari? Quum vitium & A.

te, modicave cautela adversus nos arma ministret. Ipsa olim Orientalium Linguarum peritia magnum faceflebat negotium eruditis, quasi ad haeresim accederet eruditionem hanc habere cum Haereticis communem. Aliquot in hoc genere non imitanda vidit Saeculum illud, quo pestis Lutherana & Calviniana, tot populorum animos novitate sua fascinosos alliciens, maxime grassabatur. Inter quae non illud postremum, quod in suspicionem nutantis Fidei adducta sunt ipsa purpurati Senatus clarissima lumina, Sadoletus, Moronus, Contarenus, & alii. Neque sua Bellarmino postea defuere incommoda.

Jam una cum oestro malefano ejurandae Catholicae Religionis deferbuerunt suspensiones illae. Sed penitus sublatae non sunt, neque omnes auferentur, dum parum prudentes erunt. Propterea si & nostris temporibus quisquam Librorum Auctor non probet Scriptores illos, qui potestati Saeculari, aut Spirituali, plusquam veritati favent; si titulos quosdam verus Eruditus minime toleret, effusa nimis laude aut in Sanctum quempiam virum, aut in quasdam institutiones pias, aut in Apostolicae Sedis Antistitem maximum ab aliis congestos; si quidquam in sanctis Patribus, aut in Baronio, & in Bellarmino, aliisque ejusmodi Scriptoribus notet: si demum aliquid e tenebris antiquitatis depromat, quod Haeretici olim procuderint, immo si quid ex Haeticorum scriptis palam adferat; de hujusmodi homine sinistre interdum judicatur, illiusque Libris lux aut omnino negatur, aut semel concessa auferitur. Moerens haec memoro, sed tamen fidenter; quanquam enim imprudentibus, atque indoctis me displicere posse intelligam, certe scio me prudentium aures minime offensurum. Nobis enim jam constat, neque Pontificibus Maximis, neque supremis aliis Ecclesiae Magistratibus isthaec esse tribuenda. Nonnisi sanctissime instituta sunt Tribunalia, ad quae deferantur pravi Libri, eorumque Auctores. Optimis item legibus armata fuere; mentem quoque optimam in Judicibus maximis semper credere par est. Verum ne ibi quidem deesse potest infortunium illud, quod omnem potestatem fere semper comitatur. Caput brachiis indiget; laudanda vero capitis consilia nonnumquam frustratur aut prodit brachiorum infirmitas. Ita & Reges, & Episcopi ministris indigent: atque istorum vitio aut socordia fieri potest, ut illi auctoritate sua abutantur, & castissimis legibus desint. Quid faciant Ecclesiastici Judices, quum alienis oculis, aliena fide, atque prudentia in tot rebus atque negotiis nequeant non uti?

Quae-

Quaestitores haereticæ pravitatis monet Roma, ut vigilant, neque finant per Cartesianæ aut Epicurææ Philosophiæ novitatem quidquam spargi a Catholica Religione absolum. Rectissime id est. Etum. Qui inter Quaestitores prudentia simul & eruditione excellunt, quid heic fugiendum, quid permittendum sit, non difficile noscunt, prudenterque obtemperant. Contra, quibus aut doctrinæ aut judicii inopia est aliqua, nihil non videtur in Philosophicis abhorre a fide si vix tantillum a Peripatetica sententia discedat. Atomorum & Corpusculorum nomen nescio quid Haereticum sonat ipsorum auribus, quasi & in Aristotelis Schola ferri ista non possint. Formam Substantialem rerum de medio tollere, non Aristoteli tantum, sed Religioni etiam putant injurium. Si ex ovo quodammodo homines quoque nasci dicantur (quod experientia omnium oculis prodere videtur) inde consequi statim putatur, nihil hominem differre ab animantibus brutis. Id genus multa quotidie occurrunt. Facit Ignorantia, ut a sententiis probandis non secernantur improbandæ; facit deinde infelix Prudentia, ut metu probandi malas, ne bonæ quidem litteratis hominibus pernittantur. Hinc tam difficiles quidem se præbent in editione quorumcumque Librorum concedenda; hinc tam faciles alii in editis Libris confingendis. Eo etiam devenere pauci quidam, ut votum suum Libris negarent, non alia de causa, quam quod Graeca ibi non intelligerent, immo in ipsa materia hospites plane forent. Quemdam quoque novimus ideo duntaxat vetantem Libros nonnullos vulgari, quod illic tituli quidam, honoris politici causa, sed non sibi satis probati, nonnullis personis non Ecclesiasticis deferrentur; quæ certe cognitio pertinet ad Principum, non ad Pastorum jura.

Quis autem non doleat fatum Litteratorum, ubi talia contingunt? Quis itidem non intelligat, quantum hæc absint a mente ac legibus Romanorum Pontificum, atque Episcoporum quorumvis? Nihil isti arctius commendant, quam ut ne cuiquam injuria afferatur, atque ut Caritati ac Prudentiæ ubique sit locus. Conveniunt in hanc rem sancti Damasi verba in Epist. 4. ad Episcopos Africanos cap. 6. *Decet, inquit ille, Domini Sacerdotes fratrum causas pie tractare, & venerabiliter intendere, atque eorum judicia super sacrificia ordinare, nec proterve aut tyrannica dominatione (ut de quibusdam refertur), sed caritative pro Deo, & fraterno amore cuncta peragere: & quod sibi quis fieri, secundum Dominicam vocem, non vult, aliis inferre non præsumat; & in qua mensura mensi fueritis, reme-*

remeteretur vobis. Quod si de Libris & Auctoribus damnandis agitur; audiatur Zozimus in Epistola 4. ad eisdem Africanos ita scribens, *Docet nos terrena moderatio, quae saecularibus arbitriis & causis primum de ipsis iudicibus eligendis, repudiandisque sit. Et quanta cunctatio, quot interpositae dilationes? quoties adhibita comperundinatio, etiam sub ipso fine certaminis ampliare iudicia cum innocenti reo? &c.* Haec omnia nientior, nisi in patrocinium suendae innocentiae recepta sint. Tolerabilius est enim innocentem quemlibet tardius inveniri, quam cito pro nocente damnare. Quod praeclarissimi illi Pontifices monuere, inonent adhuc; & optant quotidie illorum successores. Votum, inquam, est horum quoque, ut inferiores Iudices, atque Ministri, antequam durius aliquid in Libros eorumve Auctores statuunt, iterum iterumque cogitent, an defendi, an sustineri potius possint, quam damnari. Caritatem, Justitiam, & Prudentiam omnibus & isti commendant, ne legitima auctoritate quisquam illegitime, hoc est, contra jus fasque utatur. Si quis abutitur, non Romanae quidem Sedis, non Episcoporum, non sanctissimi instituti culpa est: sed eorum, qui sanctissimis legibus abutuntur in incommodum & calamitatem privatorum, seque damnant, dum alios injuste assilunt atque condemnant.

Ceterum non tam facile heic a nonnullis peccaretur, ubi animum adverterent ad gravissima & crebra mala, quae consequuntur immerito interdicentem, ne Libri edantur, aut editos injuste vexantem. Primo, Auctorum fama & nomen ignominia non levi afficitur, perinde quasi aut Fidem prodiderint, aut Caritatis & Prudentiae legibus renuntiarent, quum tamen suo munere fuerint recte perfuncti. Ingens deinde ipsis creatur doloris causa, conspicientibus post tot labores intercidere fructus ingenii atque eruditionis suae. *Neque enim, ut est apud Synesium, aliter erga Libros suos quisque afficitur, quam parentes erga liberos suos.* Tertio, nemo non videt, quam speciosus enormi ista morositate atque severitate declamandi locus offeratur hostibus Catholici nominis. Non est profecto committendum, ut fama obtineat, inter nos bonis ingeniis ac Artibus crucem figi, nimiosque Eruditioni compedes adhiberi. Cavendum praeterea ne propter quorundam abusus malevoli aniam capiant vituperandae potestatis tam legitime sanctaeque constitutae. Quarto in ipsam Ecclesiam immo in totum genus humanum recidit huiusmodi injuria. Recidit demum in ipsam Veritatem. Hinc enim eruditi a scribendis Libris;

Libris;

Libris; ab explicanda ac proferenda Veritate, (a) (ab amplificando Litterarum Regno,) atque ab erroribus stylo suo infectandis absterrentur. *Frustra quippe, ut ait quidam, niri, neque aliud, fatigando, nisi odium quaerere, extremae demensiae est.* Certe novimus, qui, ne sibi configendum foret cum indocili quorundam Censorum inficitia atque impotentia, dimissis Theologicis ac Philosophicis studiis, se totos conjecerunt in eruditionem profanam, unde si non aequa laus, certe minus periculi, & plus quietis expectandum fuerat. Non ergo privatis tantum studiis officitur ab hisce Censoribus, sed publicae etiam utilitati, & Ecclesiae, quae Scriptoris Theologisque indiget, non assentatoribus, dum scribunt, neque zelo immoderato ferventibus, dum judicant, sed solida eruditione refertis, & omni superstitione & affectu vacuis.

CAPUT SEXTUM.

Prudentiae consilia ad Ecclesiasticos Censores. A Novitate vocum & sententiarum timendum; sed non omnia nova, aut noviter dicta damnanda. Quam necessarium Superstitionis faciem habere perspectam, ejusque excessus prodere. An laudandum Votum sanguinis profundendi pro tuenda immaculata Beatæ Virginis Conceptione. Scrupuli, cavillationes, & asperitas a sacris Censoribus abstuturæ. Bona procuranda, sed ita ut mala graviora non inde fluant. Sanctorum Patrum Libri non mutilandi, cum per typos evulgantur. Cavei hac de re accusatio repulsa. Quæ, & quando vitia Ecclesiasticorum litteris consignare deceat.

PARUM tamen me profecturum sperarem, si indicatis tantummodo vulneribus, non aliquid etiam de medicina dislicerem, simulque adminiculis quibusdam non juvarem vacillantem nonnullorum Prudentiam. Prima ergo esto regula: Censores Ecclesiastici sibi metuere debent ab omni novitate sententiarum atque verborum, sed ita tamen ut ne quidquid novum sibi videtur, consinuo sale judicent, aut quidquid novum revera est, damnandum quoque illico arbitrentur. Certe prudentibus Theologis suspectæ semper futuræ sunt profanæ vocum novitates, uti

Tom. X. P. I.

L I

nos ..

(a) Alias, Veritate, atque ab erroribus &c.

nos Apostolus monuit; eorum quippe est ob stare, quominus antiqua Traditio atque Doctrina ab ingeniis novaturientibus vel minimum vitietur, sive obliteretur. Magna heic idcirco circumspectione est opus, neque prius nova in lucem prodire sinenda sunt, quam deprehendantur cum vetustis dogmatibus consentanea, aut saltem ab ipsis minime dissonantia. Sed animadvertendum, facile ignorantiam abuti posse hac lege. Indoctis nova omnia videntur, quae illi antea ignorarunt. Quid si velint haec ideo repellere, aut erroris suspitione onerare? Hercle id ridicule fiat, & in Justitiam peccetur. Quis moleste non ferat, eruditorum hominum studia latere, & jacere debere, quod peregrinum sapiant quorundam palato? Ad Censores potius ac Judices pertinet diligenter investigare, an ea nova sint, simulque perniciofa, quam ad eruditos filere. Praeterea erunt etiam quaedam nova, sed non continuo quoque erunt culpanda. Noviter enim quaedam, non nova dicuntur, & sub vocibus novis antiqua dogmata saepe exhibentur. Exhibitati olim fuerunt Ariani, quod celebrem vocem *ὁμοούσιον*, sive *consubstantiale*, rejicerent, tanquam nuperum figmentum. Verum praeterquamquod ante Patres Nicaenos in explicando Trinitatis divinae arcano, eandem Catholici quidam vocem usurparant, nihil per ipsam significabatur, quod novum in Ecclesia Catholica foret. Item dicendum de *Transsubstantiatione*, de Sacramentorum vi *in opere operato*, aliisque ejusmodi vocabulis inter Catholicos non solum receptis, sed etiam sacrae. Quapropter si res, quae nominibus *Scientiae mediae*, aut *Physicae Praedeterminationis* significantur, cum veteri Traditione componi possunt, aut eidem nequaquam adversantur; non video, quei ferri & ipsae voces in Scholis non possint. Apostolus enim profanas vocum novitates confiteus, non ipsa nuda vocabula rejicit, sed novam sub ipsis conclusam doctrinam. Scite sanctus Hilarius Lib. 2. de Trin. *De intelligentia, Haeresis, non de Scriptura est; & sensus, non sermo sit crimen.*

Aliera erit regula: *Prudentis quidem est, Libros & Orationes non tolerare, e quibus scandala exoriri possint; sed aequè prudentis est, ita ingeniis atque Scriptoris non adimere potestatem insectandi erroris atque superstitionis, ut haec mala per Ecclesiam sine obice fluere & bacchari exinde pergant.* Jam diximus, ferendos non esse, qui vera quidem vitia, seu certos abusus in sacris, atque in externa tum Religionis tum Ecclesiae oeconomia deprehensos, suis arguant disputationibus, sed ita se gerunt inconcinne atque imprudenter,

ter,

ter, ut in Sacramenta ipsa, in Religionem ipsam, sive in sacros Ministros, summasque potestates excitent contemptum & odium plebis. At quando & modestia zelo conjuncta est, & prudentia temperat indignationem piam: quid hisce quaeso Scriptoribus male velimus, rem Ecclesiae, publicumque bonum gnauiter procurantibus? Equidem dicere non verebor, quod facere alios non pudet. Multis sensum horroris incurrunt solae audaces atque impiae sententiae. Superstitiosa dogmata, & opera Superstitionis ipsius, aut vix deformia ipsis videntur, aut certe non videntur igne ac ferro excindenda. Et sane Pieratis ac Religionis speciem Superstitio praeferre semper solet; est enim plerumque harum Virtutum excessus ex ignorantia progenitus. Illius autem foeditas vix apparet, ejusque venena parum timentur. Quis autem non intelligat, aequae in Religionis perniciem conspirare Haereticorum impudentiam, & adulterinam superstitiosae gentis pietatem? Et hinc itur in errorem, & hostibus censurae materia ministratur. Quamobrem Ecclesiae Dei cavendum est a Superstitione, & perquam solícite, quum facilius nocere soleant ac possint occulti, quam aperti hostes; & dulcius bibantur errores, pietatis colorem prae se ferentes, quam petulans, & aspectu primo deformis, impiorum doctrina.

Itaque non solum conducit, sed opus est habere Scriptores pios, atque Theologos exquisita eruditione zeloque pari conspicuos, qui Superstitioni identidem pullulanti, & contra Catholicorum Praesulum scita ac mentem regnanti, sese impigre objiciant, styloque bellum inferant. Quum id modeste prudenterque peragitur, quid invidet Ecclesiae necessariam utilemve medicinam? Cur tam facile eorum scriptis lucem negas, aut eripis? Omnia ferme sanctorum Patrum, & antiquorum volumina aliquas habent falsae Pieratis accusationes. Immo acerrimae apud illos leguntur orationes, quales ne imitari quidem prorsus nos vellemus, in corruptos Clericorum & Monachorum mores, in superstitiosas parumque pias consuetudines, in licentiam Opinionum, & vitia Praesulum. Nulla inde tamen scandala consequuta sunt, & illis nemo succenset. Nos adeo delicati evasimus, ut ne leves quidem puncturas ferre possimus, atque extrema inde semper mala timeamus. Erunt, ita me Deus amet, qui & hunc Librum censeant ad temeritatem accedere, quanquam tam levi brachio infelix ista morositas perstringatur. At aliter sentient, quantum quidem spero, doctissimi atque prudentissimi inter Catholicos. Quippe istis jamdudum exploratum est, nimis felicia fore, ni-

mis progressura Vitia, si ne unus quidem contra hircere auderet; & Ecclesiae causam non minus agi, quum externum Haereticæ Doctrinae virus ab ipsa arceretur, quam quum interna Superstitio inde perturbatur. Non intelligunt imperiti, quantum Ecclesiae intersit, Superstitutionis vitium populo universo innotescere. Quod quia plerisque de nomine quoque ignotum est, hinc fit, ut sero a multis mos geratur summis Pontificibus, Episcopis, atque Conciliis, superstitionis saepe confitentibus atque interdicentibus. Difficile enim dedit ac abjici solet, quod Pietatis personam refert, sacrumque jamdiu & sanctum videtur.

Proderit heic unum producere exemplum ejusmodi piae, ut ita dicam pervicaciae. Satis quibusdam non fuit, calamo & rationibus immaculatam Deiparae Conceptionem tueri: quod proculdubio cum vera pietate consonat. Nescio quid etiam illustrius invenisse sibi sunt visi, quo suum in Virginem testarentur obsequium. Sacramento videlicet sese obstrinxerunt, atque voverunt, se pro hujusmodi Opinatione tuenda sanguinem & vitam duros, quoties occasio polceret (a). Novitum certe Martyrum genus, quod nusquam Majores nostri somniarunt, nunquam posterius nostri, si quidquam sapiunt, probent. Neque Evangelium, neque Ratio recta nos docent adeo levibus de causis licere animam prodigere. Non pro opinionibus nostris, sed pro divinitus revelatis, legibusque sanctissimis, profundus est sanguis. Hominum enim Opiniones tam falsum quam verum complecti possunt; & hominis parum prudentis est pro incerta Opinione (quae falsa esse potest, & certe necessario defendenda non est) ultro jugulum offerre carnifici. At mihi certissima est hujusmodi Opinio, aliquis dicet. Cui? Homini nempe, creaturae fallacissimae. Num, rogo, certum est aliquid, quia id tibi certum videtur? Revelavit Deus, quae sine erroris suspitione credenda sunt vera. Ecclesiam habemus fidissimam horum Dogmatum testem; atque haec nobis, dum vita suppetit, confessione & sanguine sunt asferenda, atque inde sperandum est aeternum in caelis praemium. Verum, quanquam summe pia sit persuasio illa, qua beatissimam

Chri-

(a) Viginti sex anni jam fuerant elapsi, ex quo doctissimus Auctor haec litteris tradiderat, quum in ipsum nonnulli obscuri nominis scriptores, zelo quidem, sed non secundum scientiam, ducti calamus strinxerant: quos tamen *Lamindus* noster acriter confutavit, edito Mediolani, seu potius Venetiis, anno 1742. sub nomine *Antonii Lampridii* egregio Opere inscripto: *De superstitione vitanda*. Pugna vero ab adversariis instaurata, impavidus *Lampridius* iterum in arenam descendit, vulgatis ibidem anno 1743. *Epistolis* sub nomine *Ferdinandi Valdesii*, quarum in fronte titulum praefixit: *Appendix ad Librum Antonii Lampridii*.

Christi parentem sine labe conceptam putas, nihil aliud tamen est, quam Opinio humana, errori obnoxia, dum Romana Sedes, atque Ecclesia, ejusmodi sententiam antiqua Traditione, & Revelatione divina sufficienter niti non statuant. Cur tu sanguine, quem sine legitima causa fundere nefas est, testari tanquam certissimam vis Opinionem, quam Ecclesia ipsa, tot licet piorum quorundam precibus fatigata, certam decernere nondum sustinuit, & prope est ut dicam, decerni non posse silentio suo quodammodo significavit? Quis te certum facit de caelesti Regno, ad mortem non sine aliqua temeritate ruentem?

At enim, subjicis, quanquam subesse error huic Opinioni, & falli intellectus possit, numquam tamen heic errare affectus dicitur. Incerta sit, ut lubet, Opinio; certus tamen est zelus, & huic caelum impetrabit Virgo. Sed, o sodes, meminisse debes, dari quoque zelum sine scientia, zelum inconsultum, & prudentiae monitis injurium. Recta quidem voluntas imprudens facinus excusare possit, non autem inde sperare praemium ac laudem. Ut sit post Filium suum supra ceteras creaturas laudanda Maria, non indiget ipsa dubiis laudibus, neque imprudenti sacrificio. Et tu contra indiges vita tua, ut eam in Fide tuenda, ac virtutibus exercendis justius impendas. Irasceretur potius, ut arbitror, Christi Mater (si quis cadere in animam sanctissimam & beatissimam posset irae sensus), quod humanas Opiniones, licet pias, pari confessione & ardore tuearis, atque divinam Revelationem. Si tibi Virginem devincire melius & prudentius cupis, illius quantum potes imitare virtutes. Illi honorem, sed prudenter, habe; *honor enim Reginae judicium, diligit*, (a) (ut sanctus Bernardus de hoc ipso argumento agens ajebat.) Fac ut supremo illi Regi placeas, qui & Mariae & noster Deus est; & Mariae placebis. Quomodo te Numini placitum putas, illiusque Martyrem te futurum speras, si rite certus non es, te pro Veritate mortem oppetere, idque tanta contentione fuisse vis, quod aliter Deus voluisse potest, incertumque adhuc est, an aliter esse voluerit? Cave, ne amorem ac reverentiam Virgini debitam eo usque amplifices, ut Superstitiosam efficias. Non unus autem ego in hoc voto profundendae vitae pro immaculata Conceptione Virgini Superstitionem timeo. Timuit, & timet Apostolica Sedes, quae quamvis eandem Opinionem maxime verisimilem & piam ducat, nihilominus hujusmodi votum in Theophilo Raynaudo olim non probavit, ipsumque

(a) AL. diligit. Fac ut supremo Ora.

ipsumque affirmantem pro ea causa pium esse mori, silere iussit. Aliud enim est aliquid tanquam verisimile, & aliquid tanquam certum affirmare. Sed frustra fuit illud a Romano Pontifice antidotum. Nostri quoque temporibus tum in privatis colloquiis, tum in publicis concionibus idem Verum repetitur, eadem sponso auditur. Credi non potest a Prudentia abhorrens, quod tanta Pietatis lineamenta praestet. Et tamen si hoc ferendum est, non video quei in immensum protendere non liceat novum hoc Martyrii genus. Nam & alii vitam vovebunt, atque exponent, quo, exempli causa, Lauretanam aedem sustineant ^(a) (Servatoris Conceptione) illustratam revera fuisse & Francisco Assisnati, atque Catharinae Senensi stigmata fuisse divinitus impressa, & ab aliis sanctis viris Miracula quaedam procul dubio fuisse patrata. Quod certe in Ecclesia Dei nunquam tolerandum, ne idem divinis atque humanis habeatur honor, neve temere, & pro mendacio interdum, projiciatur pretiosa hominum vita. Vide Alphonsum de Castro de iusta Punit. Haeret. Lib. I. Cap. 8.

Regula tertia esto: *Prudentis est, cause omnia perpendere, ut quantum potest, errorem, aut errorum, atque vitiorum causam in Libris damnet. Sed a Prudentia discedis, qui tam caute agere vult, ut in scrupulos postea, & cavillationes, & asperitatem nimiam se proripi non animadvertat.* Scrupulos appello, ubique Haereses suspicari, ubique metuere, ne Religioni vulnera infligantur, ne in venerandos Majores, atque in sacra, contemptus aut odium creetur, neve Lectoribus propinentur errores, eorumve moribus officiantur. Cavillationes voco in deteriorem partem accipere semper velle, quae sanum facile pariunt sensum; & sive sententiae, sive sint voces, explicationem rectae Fidei ac honestati consonam commodissime admittunt. Asperitatis nomine significare animus est, tot obices interdum opponere editioni Librorum; aut quae facile emendari possunt, prorsus opprimere velle; aut Scriptores, Ecclesiae sanctae ob sinceritatem, quam profitentur, nimium necessarios, rigidissime semper excipere; eorum calamos deterrere, eorum labores ac famam levibus nonnumquam de causis divexare. Neque enim quaecumque sortia, acia, & magna cum libertate scribuntur, Ecclesiae nocent, sive Lectoribus. Huiusmodi quoque Libros conscribi interdum atque vulgari, plurimum conducit. perfecto populorum atque Ecclesiae regimini. Neque aut produs amorem Haereticis, aut pravae doctrinae laudem

(a) Al. *Servatoris vita.*

dem sonas, si Eruditos quandoque appellas Protestantium quoddam, eorumque verba & inventa in tui commodum trahis. Haereticum non est, quidquid Haeretici dicunt; cujuscumque enim ore Veritas proferatur, suam retinet pulchritudinem; & nemo nescit, Eruditionem optimam cum pessima Fide saepe consistere posse.

Postrema tandem regula statuatur: *Prudentis est ita depellere, quae nocere possunt, ut interim tamen remedium ipsum, majorem non adferat Ecclesiae atque Reipublicae perniciem, aut majorem non impediat utilitatem.* Certum est, Haeticorum impiorumque Libros jure proscribi, & e fidelium manibus tolli. Ea ratione Catholicis hominibus cavetur a viru praesentissimo, cujus progressibus vim addere posset infinita humanis mentibus & cordibus corruptio. Attramen si quis Catholicum quemque, doctum licet piumque virum, ab hujusmodi Librorum lectione prohiberet, is in incommodum gravius Ecclesiam impelleret, laederetque Prudentiae leges apertas. Facere nequeunt edicta Praefulum, ut perversi Libri statim a confixione aboleantur. Non solum inter haeticarum regionum pmoeria libere illi versantur, sed in Provincias quoque Orthodoxas, atque in sinum ipsum rectae Religionis, confidentissime penetrant. Si doctis viris talia legendi facultas nequaquam daretur, eorumque doctrinam exitialem refellere commodum minime foret: quis non intelligat, quam impune vagari & debacchari posset inter Catholicos ipsos terribilis pestis? Adversariorum proinde rationes, sophismata, ac artes noscere, quibus Orthodoxa Fides impetitur, non juvat tantum, sed necesse quoque est, ut nostra deinde melius confirmemus, atque tueamur & fratres ab errore avocemus, aut saltem ne de silentio sibi victoriam Haeticus canat.

Ad haec sunt Libri, quos aliqui errores inficiunt, aut obsceni-amores, venenumque satyricum aliqua ex parte deturpant. Reliquam, videlicet potiore, Librorum istorum partem commendant non paucae virtutes, & suam ex ipsis utilitatem capere litteraria Respublica potest, siue elegantiam styli consideres, siue eruditionem, siue doctrinam. Jam constat, non esse ferenda hujusmodi scripta. Sed quando extrahi inde naevi illi possunt, iisque demtis reliquum Libri servare fas est, atque utile fuerit: utique Prudentia poscit, ut retinere Librum mutilatum, quam integrum abjicere malimus. Cur eadem poena tam bonum quam malum involvit? Si utilia & recta scribit Haeticus doctissimorum hominum judicio, eaque ab aliis minime sanis opinionibus depurata habere potes: quid tibi religioni ducis

ducis ab ipso accipere donum non insidiosum, non nociturum? Quamobrem Expurgatorios Indices à Catholicis excogitados nemo non laudet, si tamen eruditis aequè ac prudentibus Theologis eorum cura demandetur. Prudentibus, inquam, & nequaquam superstitiosis, ne cum lolio frumenta evellant, neve illinc etiam timeant, unde nihil timendum est. Magnum autem heic illi auderent facinus, certe non imitandum, immo deplorandum, qui non recentiorum tantummodo Libros sibi emaculandos susceperent, sed veterum quoque Patrum. Censores illos nimium profecto Prudentia deficeret. Nam ut consulerent paucorum inter Catholicos infirmitati, quibus persuaderi fortasse possint errores nonnulli, quia in Patrum Libris, & a Patribus disseminati; attamen ista paucorum utilitas gravissimo incommodum incommode, & ipsius Ecclesiae Catholicae (dum illorum operam per se spectemus) dedecore emeretur. Si Patrum scripta mutilantur, si illinc aufertur, quidquid nostrae communionis hominibus nequaquam arridet, sique illic tantum permittitur, atque evulgatur, quod nostris moribus atque sententiis consonat: quae fides in posterum erit ipsorum Patrum editionibus? Immo erunt ex ipsis Catholicis infirmis, qui suspicentur, malam esse causam nostram, quae sibi vel a sanctis Patribus metuit, & arma inimicorum non repellit, sed eludit; non frangit, sed occultat. Praeterea quam bellam declamandi adversus Catholicos occasionem Haereticis non ministrarent hujusmodi Censores? Videremur nempe malis artibus, & cuniculis, tueri causam Veritatis.

Atque id nobis non ita pridem post alios multos insultando objiciebat Guillelmus Cave in Proleg. ad Hist. Literariam Scriptorum Ecclesiasticorum (*), quasi Curatores Indicis Expurgatorii in Hispania manum intulerint ipsis Patrum scriptis. Cui tamen ita responsum velim: si ab Hispanis id revera praestitum fuit, Ecclesiam universam minime suffragium addidisse Quaesitorum illorum confidentiae nimiae. Omnibus non imputandum paucorum facinus. Alias Catholicorum Provincias aliter in Expurgatoriis Indicibus efformandis sese gessisse; & prodire adhuc inter ipsos Catholicos integra Sanctorum Patrum opera, ne ullo quidem apice demto, in Gallia potissimum, & cura praecipue doctissimorum Monachorum Sancti Benedicti e Congregatione Sancti Mauri. Addo, Prudentiam fortasse desiderari in Indicis Hispanici curatoribus, at certe ab iis malam

fidem,

(*) Jampridem, & quidem ante nostram *Præfationem*, idem notavit castigavitque in Euvro, celeberrimus *Richardus Simon* in Opere Gallice inscripto, *Bibliotèque Critique*, Tom. I. Cap. XVII. pag. 255. 270.

fidem, & fraudes abesse, ne dicam timorem & conscientiam desperatae causae. Aperte enim, non clanculum, truncanda esse quaedam Patrum loca edixerunt, idque ut pusillis prospiceretur, quibus vel ipsa Cantica Canicorum olim negabantur, ne ex eorum lectione, minus honesta de divinis rebus animo conciperent. Eadem Patrum loca in controversiis & Scholis non dissimulari a nobis; & palam ostendi, nihil illa officere Dogmatibus Ecclesiae Catholicae. Sanctorum vero Patrum sub nomine non omnes venire veteres Ecclesiasticae doctrinae tractatores; proptereaque parem singulis deferendum honorem non esse. Postremo ne id quidem ab Hispanis praestitum fuisse contenderem. Aliud enim est, textum Sanctorum Patrum, aliud Indices in Opera Patrum concinnatos expurgare, aut Interpretationem infidam ab Haereticis obtrusam configere. In germanum textum nihil Hispani tentarunt. Tota eorum cura stetit in Indicibus atque Interpretationibus purgandis. Alicubi fortasse nimis in purgatione rigor adhibitus. At semper expuncta sunt, quae in Indice atque interpretatione, non autem in textu Patrum, perversam ingerunt aut sapiunt doctrinam. Nisi alio properandum esset, id exemplis prolatis confirmare facillimum foret. Quod si Patrum Opera mutilassent nonnulli suis in editionibus, illorum quidem rectam voluntatem meum non esset vituperare, sed omnium sane esset eorum non imitari consilium.

Restat igitur, ut excusatione potius quam laude excipiamus; si qui talia peregerunt in Sanctorum Patrum scriptis. In his procul dubio occurrunt aliqua interdum minus commode, minus caute, minusve perspicue dicta, aut etiam ab Ecclesiae totius mente, ac Traditione aliena. Expungenda autem ista non sunt e publicis editionibus. Interpretationes potius apponendae aut subjiaciendae. Scholiis ac notis edocendus est Lector sanam doctrinam, aut confirmanda est rationibus melior sententia. Ita infirmis cavetur, & Eruditorum, editionem curantium, sinceritas, ac optima fides, in tuto collocantur. Illud enim prae oculis perpetuo futurum est nobis: Catholicam Ecclesiam, quae nihil sibi a tot Haereticorum arietibus pavet, longe minus formidare sibi debere a Sanctis Patribus, suis nempe Magistris, & veritatis testibus. Ceterum saepe recentiorum temporum Novatores conquesti sunt, adulteratos fuisse a Catholicis, & a Monachis praesertim, MSS. Codices Patrum, ne quid sententiis, quae inter nos obrinent, quidquam illic adversi appareret. Hinc in ipsos Monachos mille injuriarum plaustra exonerata fuere; sed ini-

Tom. X. P. I.

M m

que

que plane, & ingratiis. Undenam enim & ipsi Haeretici habent tot aut edita, aut calamo exarata, Sanctorum Patrum scripta, nisi e Catholicis, praecipueque Monachorum studio? Prope est ut dicam: pleraque antiquitatis monumenta jam periissent, nisi Monachos Graecos atque Latinos habuissimus, eorum custodes, amanuenses, Librarios. Ac proinde Monachis fere solis debemus, quaecumque veterum Patrum scripta, integra, atque a tot mendis expurgata, cunctis plaudentibus, evulgantur in dies. Si quis inter illos (hoc autem nunc pendere non vacat) adeo delicatus, imprudensque fuit, ut Catholicae Ecclesiae opportunum duceret, aliquid sine dolo malo immutare in Patrum Codicibus, sive quidquam illinc demere: cur omnibus Monachis vitio & crimini vertitur paucorum inconsculta temeritas? Per alios Codices a Catholicis, & iis plerumque Monachis descriptos, vitiiati Codices adhuc emendantur. Gratiae ergo potius habeantur Monachismo pro tot tantisque diligentissime servatis, quam maledicta rependantur pro tam paucis, si quae sunt, dedita opera atque imprudenter corruptis. Nam & nos ad vituperandum parati sumus, si qui fuerunt, quibus maleficus zelus suaserit inferendas esse violentas manus scriptis Patrum; quum contra aequae laudandis judicemus innumeros alios, qui ab huiusmodi facinore abstinerunt, noveruntque, non solum hisce artibus non indigere Catholicam Religionem, sed per illas etiam non parum incommodi & dedecoris eidem asserni. Prudenti igitur perspicendum est semper, ne, dum unum curat vulnus, novum ipse graviusque inferat, aut ne maiorem quampiam utilitatem perdat, dum minorem persequitur. Hac de causa nunquam proscripita, semper tolerata sunt quaedam Ethniconum Scriptorum loca, puta Taciti, Suetonii, Plinii Nepotis, Celsi, Luciani, quanquam Christianis interdum injuria; talia enim mirum & ipsa in modum nunc inserviunt ad confirmandam adversus incredulos cum doctrinam, tum antiquitatem Christianae Religionis.

Sed age, quoniam de Prudentiae legibus nobis est sermo, breviter inquiramus, ferendine sint, an damnandi, qui Ecclesiasticorum Praefulum jam vita sanctorum; aliorumque sacrorum Ministrorum, atque Ordinum vitia suis in Historiis describunt, atque insimulant. Primo animadvertere necesse est, num quae probrosa de huiusmodi hominibus referuntur, cum veritate pugnent, an habeant eandem amicam. Quis dubitet, quin prorsus cohibendi sint, sive damnandi Auctores, quibus religio non est falsa pro veris, incerta pro certis evulgare in sacrorum Antistitum, Sacerdotum, atque Mo-

nachorum contumeliam? Ipsum narrare dubia, ipsum rumores suspicionesque vulgi faciliis, tanquam oracula, mandare literis, legitimam saepe ac saepius causam praebere potest, cur adeo temerariis narrationibus nulla adhibeatur fides, nigrumque Theta ab Ecclesiasticis Censoribus praefigatur. Non est profecto permittendum a publicis Ecclesiae, Saeculive Magistratibus, ut vel uni homunculo scelera perversique mores immerito ac palam tribuantur, nedum iis hominibus, quos supra vulgarem hominum sortem evexit, fecitque venerabiles Ecclesia Christi, & pium aliquod institutum vitae. Quot autem de ipsis Romanis Pontificibus commenta nobis non dedit nonnullorum in eos odium, invidia, improbitas, ubi inter ipsos & alios quosdam Episcopos aut Principes dissidia interdum funestissima intercessere? Non ulla magis bella occasio, qua Pontificibus Maximis teterrima quaeque & nefanda pro inimicorum arbitrio adscriberentur. Vel somniata est Papisia quaedam Johanna, & fidem apud credulos non paucos fabella, quanquam male confuta, invenit.^(a) Certarunt Haeretici quoque, & reliqui Schismatici, ut eorumdem Pontificum sanctam denigrarent. Conclavium pariter confecta secreta evulgari vidimus; & nostris temporibus hisce ludibriis quidam Italus Baravos oblectabat, ad quos sese receperat, deserta Religione Catholica. Quo in studio liberaliter quidem daturi sumus, non semper calumniis actum fuisse, & vitiiis minime caruisse quosdam ex iis Pontificibus. Sed qui res accuratius, & sine praejudiciis pensitant, in plerisque ex iis accusationibus veritatem desiderari nullo negotio intelligunt. Aequitas ergo, atque Prudentia, hoc hominum Librorumque genus proscribendum jubent.

Quod si crimina vera memoriae produntur, neque livor aut obrestatio calamum Scriptoris abripiunt: interdum toleranda erit huiusmodi libertas, & veritatis cura. Oportet enim, timorem quoque famae instare principibus in Ecclesia viris, & Ecclesiasticis quibusve, quo etiam freno coerceantur tum ab impotentia dominandi,

M m 2

tum

(a) Vel ipsis sanioris iudicii heterodoxis fabula haec non tantum visa, sed probata. Primus qui hanc spartam adornandam suscepit, fuit *David Blondellus*, edita Galliae anno 1647. De *Joanna Papisia Austriaca*, quae deinde post decem annos Amstelodami a *Stephano Garcellaro* est recula. Eadem sententia nuper a *Christophoro-Augusto Heumanno* in peculiari Dissertatione qua illam fabulam profligavit, fuit propugnata. Dissertatio isthaec inscribitur: *De origine vera traditionis falsae de Joana Papisia*. Exstat autem in eiusdem *Heumannii Dissertationum Sylloge* Tomi I. Parte II. edit. Göttingae 1744. in 8. etique num. Sexta pag. 352. 414. Novissime tandem anno 1749. prodit *Cl. Vir. Josephi Garaspis* praefantissima Dissertatio, *De Nummo Argentae Benedicti III. Pont. Max. in qua plura ad Pontificiam Historiam illustrandam, & Joannae Papisiae fabulam refellendam profertur.*

tum a reliquis fordidissimis Saecularium hominum vitiis. Atque utinam non fuissent, neque forent adhuc, Episcopi & Sacerdotes, quales Apostolus nollit. Utinam non vidisset, neque videret orbis Monasticae vitae professores, veste tantum & colore suis Institutioribus similes, cetera dissimiles. Si horum gesta literis consignanda sunt, num alios homines describere licet, quam ipsi fuerunt? Num adulatione fama illorum palpanda? At ista, inquires, dissimulanda. Utique, si crimina privati hominis sint; si nihil rei cum populo, & Religione habeant; si nihil utilitatis, eoque magis si quidquam incommodi in Rempublicam fluere potest ex eorum revelatione; si denique e vivis nondum excessere criminosi. Nam & discordiarum rixarumque causa omnis tollenda, & a scandalis, & ab una hominum inhonesta curiositate pascenda, nobis est abstinendum. Verum quum publica sunt scelera, & cum Religionis atque Ecclesiae negotio conjuncta sunt, eorumque Auctores humanis rebus defuncti, irae atque vindictae locum sustulere: videndum est, an non majorem Respublica utilitatem capiat, iisdem proditis, quam dissimulatis hominum vitiis. Erunt vitia, donec homines; sed ne vitia impunita debacchentur, arguenda sunt atque improbanda palam, eorumque horror incutiendus hominibus. Ex majorum autem exemplis discunt successores, quid sibi agendum non sit; discunt vereri famam, parcentem quandoque viventibus, in mortuos omnes aequam; agnoscunt turpitudinem suam aliena sub imagine expressam. Interest igitur Ecclesiae atque Reipublicae, ista quoque interdum evulgari. Accedit ad haec summe laudanda in Historicis virtus sinceritatis, quam ab Ecclesiasticis Scriptoribus abhorreere nemo sanus dicat. Et certe magnus ipse Annalium parens Baronius, quanquam ab Haereticis insimulatus, quasi plus aequo faveat Romanis Pontificibus, ne istorum quidem facinora vituperanda, quum fert occasio, dissimulat. Ceteri Episcopi, Presbyteri, & Monachi, quo quisque longius e probitatis via deflexit, eo tetrioribus pinguntur coloribus in ejusdem Baronii Annalibus. Atque hunc ipsum servavere morem alii inter Ecclesiasticos celeberrimi Historici. Neque vero nos ignorare sinit eadem Historia, sanctos Patres humanis & ipsos interdum laborasse infirmitatibus; & siquidem siluisset Historia, satis nonnullorum Patrum scripta, jamdudum evulgata, loquuntur. Quod heic tamen cavendum maximopere puto, prudens piusque eruditionis Ecclesiasticae cultor ita narrabit aliorum probra, mores perversos, artes pravas, ut quantum fieri potest, neque modestia, neque pietas, neque Caritas in ipsius narratio-

ne desiderentur. Erudiet Lectores utili veritate; sed ab ipsis simul etiam caute depellet scintillas omnes odii, sive contemptus in Religionem, in sacros Ministros, atque in reliquos Monachos, eorumve piissima & optima instituta. Atque haec satis sint ad hujusmodi quaestionem. Nam ipsius Prudentiae est, dignoscere in agendo, quae referre, quaeve praeterire liceat atque expediat. Interim tamen illa stet regula: *Non esse ita Scriptoribus praecidendam libertatem, ut ipsis nunquam fas sit Majorum vitia & crimina in medium proferre.*

CAPUT SEPTIMUM.

An ad Religionem veram compellere quemquam summis Magistratibus liceat. Id jus Ecclesiae ac Regibus in Haereticos. Phereponi hae causa in sanctum Augustinum irae, ac injusta censura. Manifestae Religio aliqua evidenter credibilis danda est, atque haec est Catholica. Donatistae phreneticis comparati, neque injuria a sancto Augustino. Plerique ex iis non ficto animo Catholicam communionem amplexi. Legum terror rationibus additus laude ac utilitate non caret. Exemplum Dei hunc in rem juste ab Augustino adhibitum.



INQUIRENDUM nunc restat, quodnam jus humanis Ingeniis, quodnam Ecclesiae sit in professione Religionis; num videlicet futura sit omnibus libertas illius Religionis profitendae, quam ipse putat optimam ac veram; an hujusmodi libertati opponere se debeat certa Veritatis custos Ecclesia, reluctantisque ad meliorem Fidem pertrahere atque compellere. In argumento amplissimo en quae statuenda videntur. Quum Ecclesiae subiecti non sint Gentiles, Muhammedani, atque Judaei, nihil eadem juris in ipsos sibi tribuit, nisi suadendi, atque hortandi, ut suis erroribus abdicatis, cum Religione vera consentiant. Jus est ipsi Ecclesiae in solos Haereticos, quos nempe a sua ditione non ideo solutos credit, quod ipsi ab ejus communione sese exemerint; nam & in transfugis militibus regius character perdurat, & possessione ac jure servorum, atque filiorum, quod a se fugerint, nequaquam spoliantur domini, atque parentes. Haereticos ergo Ecclesia potest suis urgere armis, quo illos in suam caulam rursus perducatur: armis, inquam, spiritalibus,

libus, excommunicatione, ac diris omnibus. Ad Reges autem, Sæculique Principes spectat, salutaribus etiam poenis sollicitare devios, aut alienos a Fide, ne in errore diutius persistant, neve eidem immoriantur.

Porro gravis heic Novatorum nostri temporis in sanctum Augustinum tumultus, atque acres quaerimoniae in Catholicos, & in Christianissimum praecipue Galliarum Regem, qui quinque & viginti abhinc annis hîce castigationibus est usus, ut Calvinî sectatores sibi subiectos in gremium Ecclesiae Catholicae impelleret. Phereponus autem totus in istam quaestionem invadit, & heic effusius quam alibi irascitur Augustino, quasi Catholicis Imperatoribus primus auctor iste fuerit, ut leges in Haereticos promulgarent, & certe severitatem in ipsos suaserit, atque laudarit. Immo libere fatetur Phereponus, se ista potissimum de causa impulsam fuisse ad exercendam in alia quoque Augustini Opera virgam censoriam; non enim homini parcendum, eo consilio tam male de mortalium genere, ac de ipsa Religione merito. Equidem nihil miror, tantam bilem in Phereponi praecordiis exarsisse. Arminianorum, five Remonstrantium, quibuscum Censor ille facit, praecipue sententia est, nemini Religionis causa molestiam esse inferendam. Atque ita sentire, aliisque suadere, commodum plane ipsis atque utilissimum, formidantibus nempe, ne rigidis Calvinianis, numero & auctoritate praestantibus, clavumque ipsius Reipublicae tenentibus, aliquando placeat (quod Synodi Dordracenae temporibus tentatum quoque fuit) minorem prosternere Remonstrantium gregem, sibi adhuc adversantem. Verum Augustini sententia, quam Catholici semper amplexi sunt, tot rationibus nititur atque confirmata est, ut nostro clypeo amplius egere non videatur. Attamen argumenta & censuras Phereponi sancto Augustino oppositas refutare, si non necessarium, saltem utile fuerit. Quod priusquam praestem, animadvertere necesse est, non Augustini tantum aeo adversus Haereticos & inimicos Christi suis legibus decertasse Imperatores; sed statim ac ad Christianos transit Romanum Imperium. Constantinus Magnus, Valentinianus senior, Gratianus & Theodosius Magnus, ut alios omittam, ante Augustinum, & Augustini consiliis ac precibus minime expectatis, Idolorum cultores & Haereticos exagitarunt, compescuerunt, variis legibus, multis, & poenis. Id testantur Eusebius, Socrates, Sozomenus, Theodoretus, Hieronymus, & alii. Imperatorum illorum *Leges* leguntur adhuc in Codice Theodosiano. Etiam tum Episcopi hîsce

Augu-

Augustorum editis, eorumque zelo, & pia asperitati laudes atque suffragium adjugebant, ut facile constare possit, sanctum Augustinum neque primum auctorem, neque primum laudatorem fuisse adhibitae olim etiam a Regibus in Haereticos Ethnicosve subiectos severitatis.

Primum Augustini argumentum, quod sibi sumit exsolvendum Phereponus istis continetur verbis in Epist. XCIII. olim 48. Cap. I. *Si quisquam inimicum suum periculosis febribus phreneticum factum currere videret in praeceptis: nonne tunc potius malum pro malo redderet, si eum sic currere permitteret, quam si corripiendum ligandumque curaret?* Comparationem hanc ex phrenetico deductam eum in finem, ut ostendatur licita persequutio in eos, quos, ad Veritatis & germanae Religionis professionem adducere volumus, nullius esse ponderis Phereponus ait pag. 492. *Animadv. Phrenetici enim (ita ille reponit) sine ullo dubio sunt phrenetici, & societatem civilem plane perturbant. Itaque leges civiles eos coerceri patiuntur & jubent. At in controversiis de Religione, in quibus saepe videas contrarias partes Virtutum Christianarum aequae studiosas, legibusque civilibus pariter obsequentes; res non est neque adeo manifesta, ut alterae partes alterarum homines phreneticorum loco habere queant; nec in tantis affectibus, quanti heic deprehenduntur; alii aliorum iudices esse possunt.* Facile evanescent istae ac aliae in hanc rem afferendae postea, Cenforis argutiae, si unum principium statuimus, quod qui ignorat, sive contemnit, nescio quam recte inter Christianos sit adhuc recensendus. Nempe: esse debere, & esse reipsa, Religionem aliquam inter homines a Deo constitutam, eamque non solum veram, certam, ac divinam, sed etiam evidenter credibilem, & a quocumque amplectendam, dum ejus rationes & dogmata audiantur, atque expendantur. Et quale quaeſo Dei optimi ac sapientissimi consilium fuisset, mortalium genus edocere Religionem veram, nisi vera haec ejus Religio inter reliquas falsas prodere se, & suam revera precellentiam manifeste semper aperire potuisset, ac posset? Quid hominibus profuisset, atque prodesset divinum beneficium, si nemini umquam contingeret sine dubitatione perspicere, atque cognoscere, quanam sit unica illa caelestis Religio? Nonne apud Deum excusare se merito posset, quicumque erraret in Religionis delectu, quando abditum, obscurum, & dubium semper foret, quae una sit amplectenda? Ergo frustra Christus nos docuisset. Ergo frustra Spiritus Sanctus loquutus fuisset per Prophetas, Apostolos, atque Evangelistas.

Ex

Ex hoc principio sponte alia fluunt. Nam si recta Ratio fateri nos cogit, veram aliquam Religionem, eamque evidenter credibilem, non debere duntaxat esse inter homines, sed esse re ipsa; sique, uti nos ostendimus, & adhuc ostendere possemus, ne ipso quidem Pherepono, ut arbitror, dissidente, sola Religio Christi eadem una est, cui evidentia conveniunt Veritatis & Divinitatis signa: ergo evidenter errabunt, quicumque a Christiana Religione absunt. Rursus quum Religio ista in plures easque diversissimas societates, invicem dissidentes, atque contrarias dividatur: necesse est, una tantum inter societates hasce veram & germanam Christi Religionem possideat; reliquae falsitatem ac errorem sentiuntur. Atqui nulla alia esse societas ista potest, quam Catholicorum, uti & nos supra ostendimus. Ergo Religio Catholicorum evidenter credibilis esse debet, atque adeo est, si recte positum est primum illud principium, nempe necessario futuram esse inter homines Religionem aliquam, evidentia veritatis ac certitudinis signa praefertentem. Quod si Catholica Religio evidenter credibilis est, quid aliud consequitur, nisi ceteras Christianorum societates errare, delirare, & quod est ad Fidem, loco phreneticorum esse habendas? Denique si exceptis Catholicis ceteri homines in Religione delirant, ergo etiam in Veritatem, & in Deum peccant: ergo salutarium vexationum ope illos revocare ab aeternis poenis, nonnisi Caritatis Christianae consilium laudabile fuerit.

Consistimus heic, & petimus nunc a Pherepono, qui pronuntiarit, *non esse in controversiis de Religione rem adeo manifestam, ut alterae partes alterarum homines phreneticorum loco habere queant, sanosque esse affectus, ut heic alii esse aliorum iudices non possint.* Haec, ut sonant, Judaeis etiam, & innumeris Gentilium, ac Muhammedanorum sectis somnum in errore dulcissimum conciliare valent. Nam quomodo illi excitentur, vincantur, & ad nos evocentur, si ipsorum iudices esse non possumus, neque manifestum est, neque manifestum esse ostendere valeamus, eos in Religionis controversiis delirare? Quis Christianorum de sua, aliorumque Religione, hucusque talia pronuntiare est ausus? Quod si Phereponus de controversiis inter varias tantummodo Christianorum societates ferventibus haec habet: quo vergat sua haec sententia, animadvertat. Si manifestum satis, apertumque non est, neque esse potest, quatenus e tot Christianorum societatibus veram Fidem atque Doctrinam caelestem tueatur: ergo quaelibet inter nos Secta, quilibet Haereticus, quan-

quancquam a Catholicorum, ipsorumque Protestantium dogmatis remotissimus, excusationem honestam praetendet, cur ejurare suas opiniones nolit. Ergo unusquisque, dum in Deum & Christum credat, & a pravis operibus absteineat in sua Secta & Religione, aeternam salutem se posse adipisci merito arbitrabitur. Ergo ferenda erit omnium Haereticorum colluvies; neque rationem Deus nos edocuerit discernendi mendacii & erroris a Veritate; neque ullum in Ecclesia sua Christus controversiarum Judicem constituerit, quo tamen Judaeorum Ecclesia non caruit. Ergo Apostolus ad Titum 3. frustra monuerit. *Haereticum hominem post unam & alteram correptionem devirandum, & frustra rationem adjecerit, quia subversus est, qui ejusmodi est, & delinquit, quum sit proprio judicio condemnatus.* Frustra idem 2. ad Tim. 2. significarit, Haereticorum sermonem cancri ad instar serpere, eosque a veritate excidisse, atque inter opera carnis enumeravit Haereticos, quae qui agunt, Regnum Dei non possidebunt. Frustra Joannes in Ep. I. v. 2. haec de Haereticis dixerit: *Ex nobis, eiecerunt, sed non erant ex nobis.* Denique frustra Deus Ecclesiam unam, & concordem, & puram instituit; & obtemperare nos jusserit Praepositis nostris; & Spiritum veritatis in eadem Ecclesia ad finem usque saeculorum mansurum pollicitus fuerit, & Ecclesiam suam nobis audiendam edixerit. (a) Nimis excresceret oratio, si confectaria quasque absurdissima recensere vellem, quae secum trahit inconsulta Phereponi opinio.

Sed ergo Haeretici hominis confessionem ultro oblatam libenter accipio. Fatetur ille, non satis constare, in controversiis de Religione quibus partibus Veritas adsit ac faveat. Eidem credimus; sed haec de Haereticorum solis conventibus vera esse possunt, & Haeretico ulli sentire aliter & pronuntiare non licet, dum serio suae Religionis dogmata ac methodum perpendat, & verum sincera confessione prodere velit. Ex quo enim quis e Catholica Ecclesia excessit, eamque visibilem, sanctam, errare nesciam, & Judicem controversiarum negat: ille jam renunciat principiis omnibus, quibus sibi palam fieri possit, ubinam certo Veritas Fidei regnet. Nimirum lex omnis credendi, hisce principiis abjectis, tum sistitur aut in interno assatu, aut in viribus Rationis suae. Unusquisque autem se heic pollere satis putat, & nemini vult concedere, sacras nempe Scripturas, prout sibi convenientius videtur, explicans, & in suam sen-

Tom. X. P. I.

N n

ten-

(a) In praecedentibus editionibus, typoshetarum ositantia, omissa haec verba: *Nimis excresceret oratio.*

tentiam ubique trahens. Quum ergo paria Haeretici omnes canant, & suum quilibet sensum producat: quis non videat, manifestum factis inter illos esse non posse, quis in Fidei controversiis errer, quive attigerit Veritatem? Quod si manifestum id nequaquam est, ergo sine iniquitate una Haeticorum societas in alteram saevire Religionis causa non poterit; multoque magis inique ager, si in Catholicos, quos non solum moerentia rationum; sed antiquitas etiam, & Traditio tuetur. At Ecclesia Catholica divinis quibusdam privilegiis munita, evidenter intelligit ac sentit, a se veritatem, ab Haeticis vero errorem stare. Ea quippe est, quam Deus locavit inter homines *columnam ac firmamentum Veritatis*; quacum Christus pollicitus est se aeternum fore; in qua posuit visibiles, & rite electos Pastores, atque Doctores; quae ab aliqua Ecclesia, ut Haeticis omnibus accidit, divulgata non est; quam audire, cui credere jubemur; nulli enim fallaciae atque errori (quoties de Dogmate, & de Fidei controversiis agitur) obnoxia est; immo Iudex controversiarum omnium, in Religione occurrentium, a Deo constituta fuit.

Haec autem omnia invictissime confirmata reperias in Catholicorum scriptis. (a) Confirmavi & ego brevi sermone in hoc Libro.) Ac proinde nullo negotio colligere jam possumus, quam labili fundamento argumentum Phreponi, quam stabili sententia Catholica innitatur. Ubi enim Catholicis evidens sit, se vera tradere & credere, consequens etiam est, ut Haeretici contraria docentes, atque credentes, delirare quodammodo dicantur, & Orthodoxi istorum Iudices merito esse possint. Quod si Haeretici errant atque delirant, ergo phreneticorum similes sunt, proptereaque coercendi, & medicamenti etiam amaris ad sanitatem revocandi. Similes, inquam, sunt phreneticorum. Ut enim phrenetici, phantasia ex morbo vitata, in furias acti, non sibi solum, sed rei etiam publicae esse damno atque incommodo possunt, ideoque cohibendi sunt: ita etiam Haeretici, intellectu propter errorem corrupto, quum sibi tum aliis nocere queunt, aeternas in se poenas derivando, & alios in eundem errorem, eandemque damnationem trahendo. Denique si etiam daremus, nulli alii Sectae Haeticorum nomen phreneseos convenire posse, ac certe phreneticis accensendi erant Donatistae, qui eo usque furebant, ut nedum in Episcopos Catholicos, sed in se ipsos saevirent, & se flammis ac morti sponte darent. Igitur quis non videat, Christianae Caritatis munus fuisse, ita illud hominum

genus

(a) Al. Confirmamus & nos in hoc Libro.

genus salutaribus quibuldam castigationibus veluti medicaminibus opportune aggredi, ut oculos tandem aperire vellent ad veritatis lucem? Augustinus autem eo in loco adversus ipsos Donatistas agit.

Quae subinde Phereponus adfert, verba potius quam argumenta sunt. Inquit enim: *Multitudinem, aut potentiam, quae sibi ius iudicandi vi adrogare solent, huc nihil facere, quum Veritatem penes plerisque & potentissimos fore nusquam promiseris Deus. At certe Deus promisit, Veritatem apud Ecclesiam suam fore. Catholici vero in sola multitudine atque potentia nunquam constituerunt Veritatis fiduciam, sed in rationibus, in Scriptura sacra, in Traditione, atque in ipsis Christi apertissimis promissis, quae nulla sibi societas, praeter Catholicorum, vendicare potest. Inter Christianos nota quoque Ecclesiae verae fuit ac erit amplitudo, atque universalitas, ut ita dicam, ipsius. Habemus enim firmissimos Propheticos sermones, quibus ista amplitudo promittitur germanae Christi Ecclesiae. Huiusmodi notam iavictissimae aliae Veritatis notae ita comitantur; ut cuicumque sine partium studio agentis innotescere semper queat, nos legitimum esse Christi gregem: quod de se ostendere numquam contingeret Haereticis. Subdit Phereponus: *Si ad ea usque tempora, quibus Vandali Ariani in Africa longe potentiores fuerunt, vitam produxisset Augustinus; vidissetque ab iis male haberi Catholicos Afros, quasi impios ac phreneticos: facile sensisset se periculosa ratiocinatione esse usum contra Donatistas, & denuo coepisset defendere sententiam, quam prae affectu retractarat. Ut lubet, hariolatur hic Censor. At nos longe fidentius dicimus, Augustinum in Vandalica persecutione positum, a sententia, quam tuemur, non fuisse recessurum. Neque enim facere Vandali poterant, ut minus quam antea Augustino manifesta foret Catholicae Religionis Veritas, & Ariatorum impietas. Ipsos potius, magis quam antea, phreneticos fuisset arbitratus, quippe qui ad errorem adjunxissent etiam rabiem atque furorem. In hisce autem angustiis patientiam parant, ac parare debent Catholici; parasset & Augustinus: quod jam fecerant Majores nostri sub Imperatoribus Ethnicis, atque Tyrannis. Vandalis vero objicientibus phrenesim & pertinaciam Augustino, habuisset iste solidissimas rationes ipsis reponendas, quales nullus Haereticus habere unquam contra Catholicos potest. Quamobrem quum Augustinum tum deprehensurum fuisse argumenti sui vanitatem, Phereponus frustra somnians exclamet: *O infelicia argumenta, quae paulo post mera sopbismata facta sunt! Orationes imprudentes, ac fallaces, quae errori***

aeque patrocinabantur, ac veritati! patiatur ille, nos hoc unum dicere, neminem levius & confidentius sibi triumphum canere potuisse, quam nunc Phereponus faciat.

Pergit Cenfor, & Augustinum audire recusat, affirmantem, & Circumcellionibus multos jam Catholicae Ecclesiae redditos, damnare suam pristinam vitam. Non credit Phereponus, neque credendum putat, homines facinorosos, qui rationes semper antea spreverant, poenis subito adductos fuisse ad id profitendum, quod damnarant. Hoc ab ipsis factum arbitratur, ut potentioribus partibus ore gratificarentur; non enim verbis metu extortis habenda fides. Nimirum videtur heic ignorare Phereponus rem sibi notissimam, nempe quale hominum genus Circumcelliones fuerint. Cum ceteris Donatistis errantes in Fidei doctrina, rebelles Imperatoribus, in Catholicos mille modis, immo & interdum in se ipsos, morte sibi conscita, dementissime ac furiosissime saeviebant. Quid facilius, quam aliquando animadvertere manifestum scelus? Quid verisimilius, quam hosce homines a Catholicis territos, atque edoctos, in sese tandem fuisse reversiones, prioremque agnovisse insaniam? Verane an falsa quis in tormentis fassus fuerit, tum dubitare possumus, quum aliunde non constat, accusatum effecisse, quae ipse fassus est. Potuit tum vis adhibita extorquere confessionem falsam. Dubium itidem erit, an quis vi admota errorem suum, pravamque sententiam revera, uti fateatur, agnoverit, quum dubitari potest, num illud sit error, num prava sententia. At, ipso testante Pherepono, apertus erat error, manifestissima insania Circumcellionum antea furentium. Quis ergo, plerosque saltem illorum jam pacata mente pristinam vitam detestantes, ex animo tunc egisse non credat, & patentissimis denique cessisse rationibus? Quis ideo magis non credat, si recogitet, Catholicos in adhibendo rigore moderationem non fuisse oblitos? Sed Phereponus nihil facile credit, quod suae Sectae, suisque anteceptis opinionibus noceat. Et jam nobis timendum est, ne stultos in posterum vocet Judices Christianos qui fidem unquam habeant confessioni, sive honestae alicui promissioni reorum in tormentis factae, & post ipsa tormenta confirmatae; aut ne facinorosi, qui diu rationibus resistere, unquam ipsis cedant, quanquam poenis meliora sapere, & ad mentem redire coacti, & quanquam rationes ipsae dilucidam Veritatem atque Justitiam omnibus notam contineant.

Hasce autem rationes Donatistis magna cura fuisse explicatas, auctor est ipsemet Augustinus. Inquit enim: *Si terrentur, & non doce-*

docerentur, improba quasi dominatio videretur. Rursus si docerentur; & non terrentur, vetustate consuetudinis obdurati, ad capeſſendam viam ſalutis pigrius moverentur, &c. Verum iſta non ſufficiunt Pherepono. Terror, ſi ipſi credimus, conjunctus doctrinae eam vehementer ſuſpectam facit; quippe quam putant homines, niſi vi & auctoritate fulciretur, ſponte ſua collapsuram, nec terrore legum uſi, niſi quia lumine veritatis ſibi hominum animos conciliare nequit. Sed quoniam ſint homines iſti, qui ita judicant, quaeso nobis edicat Phereponus. Certe nonniſi homines facinorofi, caeci, & perverſi. Nam pii, recte compoſiti, dociles, ubi placidis animis doctrinam ipſam intime excutiant, ſecus judicabunt. At hac ipſa de cauſa facinorofiſ, caecis, ac pertinacibus adhibentur terrores, ut attentum & ipſi animum adſerant ad doctrinam caeleſtem, atque ad Veritatem, quae ſibi offeruntur. Hoc autem hominum genus, in errore & improbitate obfirmatum, male forſitan ſemper, vel ſine tormentis, de doctrina judicaſſent, quippe qui non viderent, neque ſentirent, illam lumine Veritatis ſibi conciliantem animos. Terrorem ergo adhibere licet, ut ſe recte edoceri patiantur; edocſti vero agnoſcent, ſuſpectam minime eſſe doctrinam, quae in eum ſolum ſinem terrore utebatur, ut in ſuae Veritatis lucem oculi perverſitatis intenderentur. Quapropter Ethnicis antiquis, & Turcis terrore ſolum, non autem doctrina (& ſi doctrina, certe fallaci ac falſa doctrina), in ſuam ſententiam populos pertrahere conantibus, Phereponi verba objici potuiſſent; non autem Catholicis. Et videat ipſe Phereponus, quid ſceleſtis ac improbis hominibus reſponderet, ſi eadem argumentatione uſi, Juſtitiam quum humanarum tum divinarum Legum ſuſpectam haberent, eo quod terrore poenarum armentur. Neque enim Veritates Religionis minorem, quam Juſtitia Legum, in animos vim habere dicendae ſunt, ſi attente audiantur. Alioqui apud Deum & apud homines excuſandi forent, quicumque in Religione aliqua, licet falſiſſima conquieſcunt.

Adducit ſubinde Auguſtinus exemplum Dei O. M. qui nos certe amat, & tamen nos non ſolum docere ſuaviſer, verum etiam ſalubriſer terrere non ceſſat. Ad haec Cenſor: *Quis homo audeat, inquit, ſibi jus in ejusdem naturae participes, idem ac Deus, adrogare, niſi qui ſe hominem eſſe ſit obliſus? Quis enim ignorat, aliud plane jus eſſe Creatoris in Creaturas, aliud Creaturarum in ſe invicem, aliamque Dei ac hominum affectionem? En quibus captiunculis Letorem ſuum Phereponus detineat. Nemo ſanus, multoque minus*

Catho-

Catholici, tale jus in homines sibi unquam adrogarunt; quale Deo competit, omnium Creatori, ac Domino vero, & animas in gehennam mittere valenti. Sed quidem putarunt, & adhuc merito putant, legitimis Regibus atque Magistratibus jus esse animadvertendi in fontes quamvis ejusdem naturae participes; & in officio continendi, & corrigendi, & terrendi homines, ne in errores ac vitia defleant, sive ut inde revocentur. Quod dum praestant, non suo jure Magistratus & Reges faciunt, sed jure, quod ipsis Deus contulit, potestate regnandi collata. Neque propterea quod omnis erroris & affectus in judicando & castigando sit. expers Deus, Reges vero & Magistratus pravis affectibus erroribusque sint obnoxii, a judicando & castigando abstinere isti debent, dicendive sunt conservos suos non amare. Nam & amant, quum injustos ad meliorem frugem revocandos justis plectunt flagellis; & amare etiam possunt, dum justos, & minime errantes, prae errore castigandos arbitrantur: a quo tamen errore abuisse Catholicos in causa Donatistarum nos certo scimus. Quid ergo ad Augustini argumentum faciant Phereponi verba, quodcumque in latus vertantur; non video, nisi ut persuadeant, nullum homini jus in alterum esse debere, & legitimis Regibus atque Judicibus nefas esse usum (a) securis, aliarumque poenarum.)

Hinc etiam responsio peti potest ad Phereponi iratas voces, minime ferentis, ab Augustino ex vocatione Sauli divina vi peracta exemplum sumi. Quum enim illa prodigiose peracta fuerit, indignatur Phereponus, cum caelestibus miraculis conferri vim a militibus licitoribusve Magistratuum allatam, & quia Deus miracula interdum adhibuit ad homines convincendos, hinc colligi ideo licitum esse vi usi. Si Augustinus, inquit Cenfor, *similes artes* (hoc est Miracula) *adhibere potuisses ad convertendos Donatistas, nihil erat, cur eum hic confutarem, & omnem pervicaciam facile vicisses.* Iracundiae quaelo Phereponus parcat, ne illius oculis turbidus affectus aspectum Veritatis eripiat. Quandoquidem Augustino & Catholicis Regibus semper ad manum non sunt Miracula, num ideo illorum Caritas ab honesta severitate, aliisque artibus abstinere debet, quae vincere pervicaciam Haëreticorum possit? Sed animadvertas Phereponus, aliud esse Miracula, aliud vim adhibere, ut quis ab errore ad veritatis cognitionem traducatur. Quanquam magna virtus sit Miraculis, ne ipsa quidem tamen pervicaces facile vincunt. Testis ea Miraculorum copia, quae Christus, Apostoli, Moses, atque Prophetas tam copiosum

(a) Al. Securis & fustium.

fecerunt, persistentibus tamen in incredulitate Aegyptiis, atque Judaeis. Haec quoque in irritum cadunt, nisi potentis suae Gratiæ vi suavissima Deus agat in renitentium corda. At praeter Miracula usus est Deus vi externa atque sensibili ut Saulum de persecutore Apostolum faceret. Dicimus ergo, Augustinum cum caelestibus Miraculis non conferre, quod est ad virtutem convincendi homines, salutarem illum rigorem, quem Reges interdum adhibent ad sanandos pervercos Haereticos. Neque affirmat, severitatem istam suapte natura aptam esse ad convincendos animos, & persuadendum verum, quum id proprium sit rationum, atque argumentorum, ad quae audienda reluctantes per rigorem trahuntur. Sed tantum infert, & rectissime infert, ideo licitum esse vi uti ad Haereticos in meliorem sententiam perducendos, quippe quod & Deus salubri violentia in eundem finem interdum sit usus. Posuit nempe Deus Reges in terris vicarios suos, ut veram quoque protegerent Religionem, atque Ecclesiam, & Veritati omnium praestantissimae subsidium afferrent. Quum vero Catholici Principes certissimum habeant, & merito habeant, a se Religionem veram stare: cur ad ipsam amplectendam urgere homines pertinaces sibi subjectos, aut eosdem in ipsa continere, licitum sibi non putent, quando ipsemet Deus Saulum furem ex equo dejiciens, & caecitate percutiens, exemplo suo ostendit, vim in hunc finem usurpata consentire posse cum Caritate, atque Justitia? Non poterat Augustinus, non poterant Catholici Imperatores Miraculorum vi pervicaciam atque insaniam Donatistarum frangere. Fortasse ne ita quidem fregissent. Vim ergo aliquam salutarem, cujus exemplum Deus praemisera, ipsis adhibere fas fuit; ut attentiores exinde aures & animos gens illa haberet, si tamen vellet, ad vim rationum, & ad Veritatem doctrinae.



CAPUT OCTAVUM.

Et Haeretici Catholicam Ecclesiam persequuntur. Augustinus & Africanus Episcopi perperam insimulati impotentiae atque ambitionis in Donatistas. Eorum Christiana Caritas, ut schismati finis fieret. Cur mortis Donatistae quidam damnati. An, & quomodo piam Dei severitatem cum Afrorum Episcoporum severitate composuerit Augustinus. Non omnis persecutio mala. Recte id ab eodem Augustino demonstratum variis Litterarum sacrarum documentis & exemplis.



ROBATURUS Augustinus in eadem Epistola 93. posse dici, Ecclesiam Catholicam persecutionem ab impietate & superbia Haeticorum pari, exemplum Apostoli adfert scribentis ad Gal. IV. 29. Isaacum ab Ismaele persecutionem passum, etiam si legamus ancillam potius & ejus filium Ismaelem; ab Isaaci matre Sara passos graves molestias. Excandescit hic Phereponus, & ait: *Verum quidem est, Hagaram male habitam a Sara, sed eo hic non respicit Paulus, verum ad Ismaelis actionem cum Isaaco proseruius ludentis, quam vocat persecutionem quamque confert cum persecutione, quam Christiani patiebantur a Judaeis: & quae non erat sita in eo, quod viderent Judaeos superbos esse ac pervicaces (quod nemo, nisi Poenus Rhetor persecutionem vocaret) sed in eo quod ab iis omni molestiarum & poenarum genere afficerentur. Absurdum est conferri haece persecutiones, quas tempore Pauli Christiani ferebant, cum affectione animi Episcoporum, & ceterorum Clericorum Afrorum, qua aegre patiebantur sibi contradici a Donatistis. Alia addit, hoc est omnia turbat Phereponus, Augustino quod sibi lubet affingens, ut in eum declamandi postea bellam occasionem arripiat. In haec autem modestissima verba denique definit: Illudebat sane miserris Hipponensis Rhetor, quia sentiebat, omnia impune a se in illos potuisse dici. Verum sanctus Doctor nihil Apostolo affingit, sed quidem Apostoli verba acute perpendit, neque ait, sitam fuisse in superbia & pervicacia Judaeorum persecutionem, quam ab ipsis Judaeis sustinere Christiani; neque cum iis persecutionibus contrahit molestias a Donatistis Catholicae Ecclesiae illatas. Haec omnia*
e Phere-

e Phereponi cerebro nata sunt, inficio Augustino, & reluctantis Augustini verbis. Sed quidem comparabat sanctus Doctor Ismaelis actionem in Isaacum, quam *Persequutionem* Apostolus appellat, cum Donatistarum aliorumque Haereticorum superbia, pervicacia, & impierate, quam *persequutionem* quoque Augustinus vocat in Ecclesiam Catholicam. Sicuti enim ille qui erat secundum carnem, ab Apostolo dicitur persequutus fuisse eum, qui erat secundum Spiritum, non alia de causa, quam quod luderet cum Isaaco (vocabulo מרזאבהk utitur Scriptura sacra), quia ludus ille, quanquam institutus non esset ad afferendam gravem aut vitae, aut animo, aut facultatibus Isaac perniciem atque dolorem, nihilominus aut ex superbia, & protervia, & irrisione injurius erat dignitati Isaac, aut ipsum edocebat cultum Idolorum, aut ad hereditatem eidem legitimo successoris eripiendam tendebat; ita & persecutio appellari potest, quidquid Haeretici faciunt adversus Ecclesiam Catholicam ex superbia, ac impietate, etiamsi nullam vim atque molestiam inferant Catholicorum fortunis atque corporibus. Utrobique autem metaphorice forsitan adhibetur *persequutionis* nomen, sed ut certe per illud significetur vere aliquod malum alterius corpori, sive animo illatum. Et quisnam ignorat, quantum Ecclesiae Dei noceant Pseudopostoli, & Haeretici, lupi nempe rapaces, non parcentes gregi, uti eos Apostolus nominat act. XX. 29. loquentes perversa, ut abducant discipulos post se?

Quis ignorat, injustitiam, & superbiam, & impietatem Donatistarum, a quibus olim discissa est unitas Ecclesiae, & vinculum Caritatis, & ipsamet Ecclesia infamata; qui praeter se solos, reliquam innumerorum Christianorum Rempublicam e Fide excidisse putabant, idque ex dubia unius, aut paucorum culpa; qui Sacramentis vim non a Deo, sed a Ministri qualitate inesse contendebant, & in Catholicos, atque in se ipsos crudelia patrabant? Ab hujusmodi hominum genere persecutionem patiebatur, & adhuc patitur Ecclesia, graviolem interdum, quam quas a Tyrannis est olim perpeffa; in iis enim complurium animae perduntur, in his sola corpora perierunt. Atque haec est eo in loco Augustini sententia. Prostant Libri. Attente ac sincere consideranti verba, nihil inde aliud eruitur.

Quid est ergo, quod tam impotenter in Poenum Rhetorem Phereponus fertur? Nonne in hominem hunc aequius sua verba conveniunt? Sed illudie Phereponus miseris Lectoribus suis, quia putas

Tom. X. P. 1.

O o

omnia

omnia impune illis cursim legentibus a se propinari posse. Verum magis etiam fiet palam quantopere eum tranversum rapiat affectus, & malae causae tutela, dum carpit affectionem animi Episcoporum, & ceterorum Clericorum Afrorum, qua aegre patiebantur sibi contradici a Donatistis. Ad quae e vestigio addit: Quis ferat eum persecutionem dici pati, cui dolet, quod non dominetur aliis, aequae ac miseros, qui sacularibus omnibus spoliantur, in exsilium mittuntur, fustibus caeduntur, immo & occiduntur, nam hoc factum liquet ex Epistola C. in qua Augustinus intercedit ne fiat? Haec ille de Episcopis Afris, & Augustino potissimum, dicentibus, se persecutionem a Donatistis pati. Nihil autem ego adferam de multis, exiliis, & poenis in Donatistas congestis ab Imperatoribus. Satis enim est monuisse, id hominum genus haec omnia nimium commeruisse, quum jam eorum Schisma non Deo tantum & Ecclesiae adversaretur, sed humanas quoque Leges pessumdaret. Quam immaniter in Catholicos, eorumque sacra Tempia, & vel in ipsos Episcopos caedibus etiam patratiss grassati fuerint; quam pervicaciter Imperatoris edictis, & omnibus pacis consiliis restiterint, nemo ignorat, & ne ipse quidem Pheronius. Sed qualiter affecti erga Donatistas fuerint Africae Antistites Catholici, eorumque Clerici, praeterire non debeo. Cum Augustinus pluribus in Libris, tum memorabile quoddam factum, nunquam interiturum, sat prodit, a Catholicis non res aut Cathedras Donatarum, sed ipsos Donatistas fuisse quaesitos; eosdemque in Africa Praefules Catholicos a libidine dominandi longissime abfuisse. Antequam Carthaginiensis Collatio anno Ch. 411. haberetur, in qua de vera Ecclesia disputatio ineunda, & de concilianda pace inter Catholicos atque Donatistas agendum erat, deliberatum in Catholicorum Concilio fuerat, quibus conditionibus excipiendi essent Donatistae post pugnam. In mentem aliquorum subiit offerre, ut vincentibus adversariis Catholici omnes Episcopatus muneri renuntiarent, & universae plebes Africae Christianae accenserentur Donatarum Episcopis. Quod si vincerentur Donatistae, nihil tamen deperderent, dum in communionem Catholicae Ecclesiae redirent. Singuli Episcopi Catholici non indignarentur in honore & munere socium & aequalem habere, ubicumque Episcopi duo Schismatis causa constitui ante fuissent. Uno eorum defuncto, alter superstes integrae Ecclesiae praeset. Minime priusquam iri hasce conditiones a reliquis Episcopis Catholicis Augustinus & alii nonnulli suspicabantur, quibus amor pacis, & Caritas talia suggererat.

Nam

Nam & id contra Canones erat, & nonnullis incommodo gravi esse poterat. Verum, ut ipsius Augustini verbis utar in Lib. de Gest. cum Emer. n. 6. *quando ventum est, ut hoc palam fieret, in Concilio univerforum tam frequenti, paene trecentorum Episcoporum, sic placuit omnibus, sic exarserunt omnes, ut parati essent Episcopatum pro Christi unione deponere, & non perdere, sed Deo ruius commendare.* Legatur Epistola ab eodem Concilio ad Marcellinum. Tribunal hac de re conscripta, ubi prae ceteris egregia illa verba tacenda non sunt: *Episcopi propter Christianos pupulos ordinamur. Quod ergo Christianis populis ad Christianam pacem prodest, hoc de nostro Episcopatu faciamus. Si servi utiles sumus, cur Domini aeternis lucris pro nostris temporalibus sublimitatibus invidemus? Episcopalis dignitas fructuosior nobis erit, si gregem Christi magis deposita collegeris, quam retenta disperferis. Nam qua fronte in futuro seculo promissum a Christo sperabimus honorem, si Christianam in hoc seculo nostrer honor impedit unicuique? Neque tum solum Donatistis hanc in Episcopatu societatem Catholici obtulerant. Jam pridem id fecerant, uti significat Optatus Milevitanus Lib. 1. Hist.*

Ecce memorandum facinus Episcoporum Afrorum, quorum Caritas erga Donatistas contumacissimos in aliis etiam iisque plurimis occasionibus effulsit, ut jam satis intelligamus, nonnisi ab animo aequitatis obliito, aut furente prae odio, erumpere potuisse, quae de illorum ambitione & dominandi cupidine nuper a Pherepono audivimus. Neque heic detinebo Lectores, tot alia monumenta producendo, quibus constat, Catholicos Africae Episcopos, & Augustinum in primis, id unum in votis habuisse, ut a stultitia, seu potius caeco furore Donatistas revocarent, ab extremis suppliciis immanium caedium reos vindicando, & eorum Clericis & Episcopis cum Ecclesia vera conciliatis pristinos honores ac munera quaeque servando. Quei componi ista possunt cum iis, quae infra addit Phereponus? *Deus ex nostra salute nihil lucrabatur. Sed Afri Episcopi, auctoritate, dignitate, atque opibus eo majores erant, quo greges eorum numerosiores fiebant, quae non ultima causa harum vexationum fuisse videtur.* Cur vero dicat Censor, Deum ex nostra salute nihil lucrari, juvat explicare legentibus, quam male ista huic sedeant loco. Respondebat Augustinus Donatistis, Ecclesiae Catholicae crudelitatem obijcientibus, severitatem hujusmodi non culpandam, sed laudandam. Caritas enim cum iis vexationibus conjuncta erat; & Caritatem non minus misericordia, quam severitas decet. Exempla

inde multa congeriebat, ut ostenderet, non ideo quemquam accusandum, quod alteri noceat, atque molestus sit; sed animum illius esse respiciendum, qui tum magis misericors, & benevolus, aut saltem iustus est, quum plus interdum saevit. Hanc in rem inter alia scribebat Augustinus, *Deum proprio Filio suo non peperisse, sed pro nobis omnibus tradidisse illum*. At Phereponus: *Quid simile est actioni Dei patientis volentem Filium suum occidi, in salutem humani generis, a sceleratis hominibus, ac moliminibus Ecclesiasticorum, qui concitabant Magistratus in miseros Donatistas?* Tum petit Phereponus, an quisquam inter Afros tam perfrectae frontis fuerit, ut audeat postulare ab infelicibus Donatistis, ut crederent Catholicos tam bene erga eos, quos venabant, affectos, quam erat Deus erga homines, quum Filium suum venationibus traderet, ut genus humanum salvaret? Ad haec addit, quae nuper memoravimus; & orationem tandem ita concludit: *At Rhetor noster non tantum veri, sed ne verisimilis quidem, ullam rationem habet. Nec opus erat: quum hisce argutiis minime cessuros, multae, carceres, exilia, mors manerent.*

Quam plane verum est litigare volentem, rationes interdum; nunquam convicia deficere posse! Sed dolendum est, incidere Lectores non satis cautos in id Auctorum genus, qui nihil pensi habent in publicum efferre, quidquid non Veritas attente perfecta exferere, sed ira praecepta effutire jubet; quique sibi prius, tum auditoribus suis, magna confidentia imponere non dubitant. Quis autem, ut Pherepono jam respondeamus, tam leviter Libros Augustini, atque Historiam Donatistarum percurrit, ut statim non intelligat, quam calumniose dicatur, nullam Augustino & Afris Episcopis curam fuisse Veri, & ne Verisimilis quidem; immo ne hoc quidem sibi necessarium illos putasse? Tot egregia volumina in Donatistas conscripta, tot Collationes, quae sitae ac institutae, tot fortissimae rationes a Catholicis adhibitae, vel me tacente, produnt, an Augustino, ejusque in Africa collegis, Veri ac Verisimilis cura studiumque fuerit, & an potius severitatis quam argumentorum vi emollire ac frangere ipsi optarint pertinaciam Donatistarum. Quod autem de morte Haereticis eisdem illata Phereponus interfert, ludibrium pariter Veritatis est. Severas in se leges, ut ita dicam, ab Imperatoribus extorserat immanis jam facta crudelitas Donatistarum. Ipsae tamen leges severiores neminem mortis damnabant, eo quod Haereticus quisquam tantummodo foret: *Non supplicio capitali*, scribit Augustinus Ep. 50. nunc 185. Cap. 7. *propter servandam etiam*

cir-

circa indignos mansuetudinem Christianam, sed pecuniariis damnis propositis, & in Episcopos, vel ministros eorum exilio constituto. Si quidam ex iis morte violente sublati sunt: pauci, & grassatores, & Circumcelliones multarum caedium rei fuerunt. Episcopi vero, & Augustinus in primis, intercessere semper, ne illo usque descenderent justus alioqui rigor, & cohibendi nimii furoris necessitas. Immo ipsas lenire multas, & leges ipsas mitigare, quantum licuit, omnium cura fuit. Id constat ex variis Augustini Epistolis. Quod si plus quam par erat, quisquam militum Caesareorum, sive Praefectorum, abusus est auctoritate legum in personas facultatesque Donatistarum, id in omnium aequissimarum legum conditionem referendum, quarum nulla huiusmodi infortunio obnoxia non est. Id contra mentem ipsius Imperatoris factum, & praecipue Episcoporum, omniumque proborum. Haec omnia, aiebat Augustinus, displicent bonis, & ea prohibent, & cohibent, quantum possunt: quantum autem non possunt, ferunt: & sicut dini, pro pace laudabilia tolerant, non ea laudabilia, sed damnabilia iudicantes.

Quod est ad comparisonem divini erga homines affectus, & Episcoporum erga Donatistas, nemo certe Catholicorum ita desipuit, ut se cum Deo conponeret. Sed nemo itidem futurus nunc esse deberet; adeo sui oblitus, ut pravam in Episcopis Afris animum fuisse conderet, eorumque tum ambitionem, tum avaritiam affirmaret causam dedisse invocandi in Donatistas legum subsidii. Qui Clericis & Episcopis Donatistis omnia ut prius intacta volebant, offerebantque vel Sedes proprias, ut eos Christo ac verae Ecclesiae lucrifacerent: qua ratione censei, qua fronte dici possunt abominandis cupiditatibus ad vexandos Donatistas impulsus? Id multo minus suspicari nefas, si temporum illorum Historia sincere consulatur; & quantopere publicam pacem Haeretici illi immanitate sua turbarent, innotuerit; & quid eorum querelis atque calumniis sanctus Augustinus responderit, praecipue in memorata Epist. 50. nunc 185. Ceterum petenti Pherepono, an quid simile reperiri possit inter actionem Dei tradentis Filium suum pro salute hominum, & Catholicorum concitantium Magistratus in miseros Donatistas, respondemus, non exiguum similitudinem intercedere, quantum tamen patitur infinita operantium differentia, ut actiones assimilentur. Sicut enim Deus, quo infinitae suae Iustitiae fieret satis, & humanum deinde salvaretur genus, voluit, non quidem scelus Judaeorum, sed tormenta & mortem Filii sui; ita etiam Episcopi Afri, quo a per-

tina-

tinaci errore, & a certis gehennae periculo Donatistas deploratos averterent; castigationes in ipsos decerni voluerunt. Utrobique severitas, sed iusta severitas conspicitur; utrinque Caritas effulget; utrinque per severitatem magnum hominibus quaeritur bonum, & proinde iusta, pia, ac laudabilis cum Dei, tum Episcoporum actio est, nisi quod hominum opus, quamquam iustum & pium, nulla ex parte aequare potest divini operis pretium, atque successum. Neque porro necesse est, ut in omnibus; & minutissime sibi respondeant res comparatae, dum in eo vigeat similitudo, in quo res ipsae assimilatae fuerunt. Quae quum ita sint, quis jam pudorem, sive ut dicere jam licet, impudentiam Phereponi non miretur, dum hac de causa ait: *Pudet immorari confutandis eiusmodi ratiocinationibus, quae ne Logice quidem Tironibus hodie condonarentur?*

Multo magis mirabitur Lector hominis confidentiam, quum intelligit, nunquam institutam fuisse ab Augustino comparisonem inter Deum ejusque actionem, & affectum erga homines; & Episcopos Afras, eorumque actionem atque affectum erga Donatistas. Ideo tantum exemplo Dei non parcentis Filio suo, sed eum pro salute hominum tradentis, Augustinus utitur, ut generale illud effectum probet: *Quum boni & mali eadem faciunt, eademque patiuntur, non factis, & poenis, sed causis utrique discernendi sunt.* Et infra. *Discamus in similitudine operum discernere animos operantium nec clausis oculis calumniemur, & benevolos pro nocentibus accusemus.* Opera similia multis exemplis ostendit Augustinus, & tamen quia diversi sunt operantium animi, diversae operandi causae; hi pios & justos, illi impios & iniquos se produnt. Certum autem est, Deum non solum passum fuisse, ut innocens Filius suus a sceleratis necaretur, sed etiam voluisse, atque exegisse, ut tormentis ad mortem offerretur ejusdem Filii vita. Et ipse Filius, volens quidem & liber, sed tamen obediens Patri usque ad mortem, & ejus aeterno decreto ac voluntati obsequens, traditus est Cruci pro nobis. Reus, impius, & damnandus nobis illico videretur, qui tale aliquid vellet atque exigeret, nisi ejus animum atque ita agendi causam discerneremus. Quum vero infinita Justitia, atque infinita Caritas Deum permoverint ad hujusmodi actionem, propterea summe pia, iusta & laudabilis fuisse cognoscitur actio illa Dei, qui alioqui nihil non pium, non iustum agere potest. Ergo quem in finem, & quanto jure mentionem Dei tradentis Filium suum, fecerit Augustinus, non comparans severa cum Episcopis Afris Deum, neque Moysen,

neque

neque Graecos pro Paulo Apostolo caedentes Sosthenem Judaeum, neque Paulum eundem, neque Apostolos, neque ipsum Christum: quibus tamen omnibus exemplis apposite probat, justum opus, & pium esse posse in aliquibus, quod injustum & detestandum postea deprehendatur in aliis. Pro sua liberalitate Phereponus comparationem istam alio derorquet contra Augustini mentem, ne se declamaturum tam cito materia deficiat, quanquam inter ista, ut videmus, intercedere similitudo aliqua possit.

Sunt Augustini verba §. 8. in Epist. 93. olim 48. Cap. 2. *Si semper esset laudabile persecutionem pati, sufficeret Domino dicere: Beati, qui persecutionem patiuntur, nec adderet, propter justitiam.* Ad haec ait Phereponus, Donatistas non solum se praetulisse Catholicis, quod persecutionem paterentur, sed quia, ut quidem putabant, hoc fiebat justitiae causa, quum nollent id facere, quod sibi illicitum esse, ac Deo displicere credebant. Tum addit, hanc animi affectionem laudandam, etiam in errantibus; vituperandos contra esse, qui ab invitis extorquent, ut id faciant metu suppliciorum, quod illicitum esse putant. *Quamvis enim, quod invisi faciunt, natura sua rectum esset, Deo non possit non displicere, qui non vult ore dumsanct coli, sed potissimum animo, nec ab invitis quidquam accipit.* Ita ille. Et ei quidem gratias habebunt quum Judaei, tum Muhammedani, & Gentiles, ceterique Haeretici vel pestilentiores, quod plaudat eorum pertinaciae in tuendis erroribus, in impietate servanda. Sed quid refert, quod ista protervia a non mala affectione prodeat, hoc est a voluntate non faciendi, quod illicitum putatur? Num propterea excusandi, immo laudandi Judaei, & Donatistae, & reliqui, a Christo, aut a vera Christi doctrina averfi? Dicat Phereponus, si audet, si potis est, & evacuet Crucem, & Religionem Christi. Quod si gentem illam ab ira Dei salvare nequit falsa illa persuasio, atque pervicacia: cur vituperandi quaevis sunt, qui eos a tanta miseria liberare conantur, & in spem aeterni Regni pertrahere? Nonne & haec animi affectio in Catholicis laudanda, quippe a Christiana Caritate progenita? Certissimum autem est & apud nos, Fidem a libera voluntate, non a coactione esse expectandam? Deoque non solum non probari, sed invisos esse, qui animum ab ore discordem in Religione ferunt. Sed quae a Catholicis interdum adhibentur in Haeticos moderatae castigationes, & usus modestus terrorum, non eo tendit, ut errantium voluntas adigatur ad veteres opiniones ponendas, & ad meliorem amplectendam;

dam; sed ut propter suppliciorum sive incommodorum imminentium formidinem, acrius & aures attentiores praebeantur doctrinae sanae, & veritatis praedicationi. Quod si Deo displicet, quidquam ab hominibus, autis fieri, etiam ad naturam suam rectum foret, non minus etiam eidem displicet, perniciosos & impios errores ultro ab hominibus propugnari, quanquam credentibus se pro Veritate certare. Quapropter si ad evitandas vexationes quisquam fido animo ad veram Fidem convertitur, id quidem ejus vitio aut infelicitate contingat, non autem Catholicis culpae vertendum, qui quantum in ipsis est, hominem illum & a primis erroribus, & ab illa gravi calamitate liberum optant, & liberare contendunt.

Pergit Augustinus ita scribere in memorata Epist. 93. Cap. eod. *Item si semper esset culpabile persecutionem facere, non scriptum esset in sanctis Libris: Detrahentem proximo sua occulte, hunc persequer. Aliquando ergo & qui eam patitur, injustus est; & qui eam facit, justus est.* Respondet Phereponus, hunc Psalmi centesimi locum, nihil facere ad persecutionem hominum, dogmata quae-
piam bona fide amplectentium, nec ceteroqui deteriorum morum, quam sunt reliqui cives. David enim ibi non agit de quavis persecutione, sed tantummodo pollicetur, se a conspectu suo ejecturum calumniatores omnes, loquiturque de delictis, societatem civilem perturbantibus, & de quibus non ex religionis, sed ex civilibus legibus poenae sumi possunt. Nolo heic disputare de sensu vocabuli Hebraici, *Asmish*, quod solum Phereponus interpretatur: reliqui vero Linguae sanctae periti interpretati sunt, *succidam, disperdam, interficiam, interficiebam, & usque ad internecionem persequer.* Neque itidem placet heic inquirere, an pravae opiniones in Religionis doctrina societatem civilem perturbent, & Ecclesiam scindant, & Deo sint invisae, ac propterea poenas quoque civiles mereantur a Regibus, quos Deus custodes etiam constituit Religionis germanae, & doctrinae caelestis. Praeterea etiam, nulli coetui magis convenisse calumniatoris notam, quam Donatistis, Caeciliani, Imperatorum, Judicum omnium, & Ecclesiae universae calumniatoribus conclamatis: quod ne ipse quidem Phereponus negat, Animadvertere solum juvat, Phereponum non heic minus, quam alibi imponere Augustino, sive nesciat, sive velit apertissima illius sententia intelligere. Illo Psalmi loco utitur Augustinus, non ut ostendat, licere Catholicis persequi Donatistas: sed ut ostendat, non ideo quemquam statim esse culpandum, quod persecutionem faciat; nam & sanctus David persequer.

persequeretur calumniatores, neque tamen injustus idcirco fuit. Si semper, inquit, esset culpabile persecutionem facere, non scriptum esset in sanctis Libris &c. Propositis Psalmi verbis, conclusionem inde istam elicit: *Aliquando ergo & qui eam (persecutionem) patitur, injustus est; & qui eam facit, justus est.* Ubi vides, ex tribus propositionibus, quibus constabat Syllogismus a Donatistis instructus, solam primam universalem his verbis conceptam: *semper culpabile est persecutionem facere*, ab Augustino falsitatis argui, & merito argui. Quocumque enim nomine appelles, quod Regius Psalmes comminabatur calumniatoribus, grave istis molestumque futurum erat, & proinde a persecutione minime distabat, eique persecutionis, sed justae minimeque culpabilis, convenire nomen potuit. Vides etiam, ab Augustino ea Psalmi verba non accipi, quasi de quavis persecutione David loquatur, neque adhiberi, ut justa demonstraretur persecutio Donatistis illata. Phereponus autem contra ventos pugnans, sibi fingit, Augustinum nihil aliud voluisse, quam hoc postremum, a quo tamen tunc Augustinus alienus erat. Quare Censor in ea verba confidenter erumpit: *Hocine est Scripturam, ut decet, interpretari, an temere arripere vocabulum male intellectum, ut videaris aliquid dicere, quum revera nihil dicas?* Hocine est, & ego dicam, censuram agere, ut decet, an sibi umbras effingere, ut in illas digladiaris, & videaris aliquid evincere, quum revera nihil evincas?

Ejusdem ponderis sunt sequentes Phereponi animadversiones; & utinam non pigeat Lectorem audire, ut me piget refutare talia. *Occiderunt impij Prophetas*, inquit Augustinus in eadem Epist. 93. olim 48. Cap. 2. §. 8. *occiderunt impios & Prophetas.* Ad quae Phereponus: *Quosnam propter meras opiniones occiderint Prophetas, debuisset dicere Augustinus; nam si quos occiderint propter male facta, ex Lege ipsa Moyses morte plectenda, hoc nihil facis ad Donatistas, aut alios similiter errantes.* At Augustinus, si hoc objecisset Donatista aliquis, ut arbitror, serium risisset, non quia sibi deesset, quod heic responderet, sed quia nulla responsione opus erat ad hujusmodi interrogationem. Neque enim, dum haec scribebat, sibi propositum erat, aut esse debebat, inquirere, cujus delicti causa occisi a Prophetis impii fuerint. Quaecumque enim causa Prophetas eo impulerit, injusta certe poena esse non potuit, quippe quae zelo Dei, & Deo ipso jubente de hominibus sumta. Hoc autem Augustino satis erat, ut universalem illam sententiam confirmaret a se

productam, nempe: aliquando & qui persecutionem patitur, injustum esse; & qui eam facit, iustum. Cur vis Augustinum debuisse dicere, quod ad rem propositam nihil necesse fuit? Ceterum ex Deuteronomii Cap. 13. & 17. & 18. & ex nonnullis exemplis antiquae Legis, non difficile fuisset huiusmodi etiam Phereponianae interrogationi facere satis. Pergit Censor. *Præterea ostendendum fuisset, quidquid fecerunt Prophetæ, id licitum esse sub Novo Testamento; nam hoc pernegat Christus disertissimis verbis Luc. IX. 55. 56. nec quemquam legibus a Christo latis solvere potest Augustini auctoritas.* Cupientibus Discipulis, ut Samaritæ flammis e caelo demissis comburerentur, Christus ait: *Nescitis, cujus Spiritus estis. Filius hominis non venit animas perdere, sed salvare.* En Lucae verba. Quid Catholici nonnulli ad ea respondeant, sentientes, morte quoque Haereticos pertinaces posse iuste mulctari: apud alios legere Phereponus poterit, quum sibi vacabit. Nobis interim mitiora luadentibus satis est pro Augustino respondere, nihil pertinere ad Donatistarum causam locum illum Evangelii. Ecquando enim Donatistarum animæ a Catholicis perditæ fuerunt propter solam Dogmatum sive opinionum differentiam? Quandonam ab Imperatoribus statutum fuit, ut Haeretici illi perimerentur, nisi forte quum turbatae publicae pacis, & caedium, & perduellionis rei deprehendebantur? Poenæ duntaxat moderatae, levæque mulctæ in ipsos decretae a legitimis Magistratibus, idque secundum Christi Spiritum, & desiderio salvandi, non perdendi illorum animas, postea quam nulla mansuetudine, nullis rationibus ab apertissimo errore, & a furore se non patiebantur revocari. Ostendat Phereponus, quibus Christi legibus id in Lege nova interdictum fuerit, & quei Christianae Caritati adverferetur; atque erit tum nobis magnus Apollo.

Flagellaverunt Judæi Christum, Judæos flagellavit & Christus. Sunt Augustini verba. Quae ira excipit Phereponus; *Quasi vero flagellatio illa, qua Christus pecudes, potius quam homines eiecit e Templo, possit conferri cum crudeli flagellatione, quam Christus passus est a Romanis, Judæis gratificantibus. Aut Augustinus valde spernebat ingenia Donatistarum, quibus se ejusmodi ratiocinationibus os obstruere posse sperabat; aut multo majorem fiduciam habuit in Edictis Honorii, quam in pondere rationum.* Jamdiu conviciis rem suam agere Phereponus instituit. Sed ego verè studiosos atque sinceros Lectores rogabo, ut perspiciant, quam opportune Phereponus suam heic bilem in Augustinum rursus exoneret. Dixerat sanctus Doctor: *Pla-*

ne semper & mali persecuti sunt bonos, & boni persecuti sunt malos. Illi nocendo per injuriam, illi consulendo per disciplinam. Illi immaniter, illi temperanter. Illi servientes cupiditati, illi caritati, &c. Tum exemplis rem firmat, atque inter alia memorat Christum a Judaeis flagellatum, qui & Judaeos in Templo vendentes & ementes flagellis caeciderat. Exemplum hoc apposite cadere ad confirmandam Augustini sententiam universalem nemo non videat. Certissimum enim est, tam Christum, quam Judaeos, rem illam praestitisse. Sed Christus bonus consulendo per disciplinam malis, isti mali nocendo per injuriam bono, id praestitere; ille Caritati serviens; isti Cupiditati; ille temperanter, isti immaniter. Quid est, quod intentioni Augustini plane heic non respondeat? Sed, inquit Phereponus, cum Judaeorum crudelissimo rigore conferri non potest mitissima severitas Christi in Judaeos; & Judaei e Templo ejecti pecudum similes fuere, ac flagello propterea digni; Christus autem innocentissimus fuit, & ingenuus moribus. Quis rogo acutum Phereponi ingenium jam non miretur, tantum discrimen inter Christum & Judaeos nostris demum temporibus reperientis? Immo, si Pherepono credimus, quis non agnoscat Augustinum aut stupidum, qui discrimen istud non animadverterit, aut callidum, qui dissimularit? Verum, ut serio agamus, dicat Phereponus, num Augustinus sibi probandum sumserit, malos persecutionem in bonos, & bonos in malos semper exercere? Si probandum id non sumsit, sed quidem, non minus bonos quam malos, ex diversis tamen causis, persecutionem agere: quid refert animadvertere discrimen inter Christi, & Judaeorum flagellationem? Obstatne discrimen illud, quominus immerito Judaei Christum, Christus Judaeos merito, reipsa flagellarent? Praeterea non & hanc ipsam differentiam significavit Augustinus, dum inquit, bonos persecutionem *temperanter* facere in malos, & malos contra *immaniter* saevire in bonos? Quod si Judaei e Templo expulsi pecudes erant, num propterea mali, & nocentes, & plectendi non fuere, quando *orationis domum fecerant domum negotiationis, & speluncam latronum*? Quacumque ex parte animadversionem Phereponi contemplemur, nihil occurret adversus Augustinum. Quid aliud ergo Phereponus inde obtineat, nisi prodere se scientissimum pessimae omnium censurae, quae tum fit, quum nos arreptis temere Auctorum verbis, neque mente, consilioque eorumdem Auctorum considerato, somniamus in iis, quae postea stylo nostro libere infestemur? Porro ex his judicent aequi amantes, num

Augustinus Donatistarum, an potius Phereponus Lectorum suorum ingenia valde spreverit, haec scribens quae tam facile sophisticam redolere noscuntur.

Mitto non absimiles hominis illius notas in ea verba Augustini; *Traditi sunt Apostoli ab hominibus potestati humanae; tradiderunt & Apostoli homines potestati Satanae*; quia nihil ad rem illae faciunt, & una eademque responsione jam per nos confutatae fuerunt. Quum subinde Augustinus sentiat, ideo Apostolorum tempore non invocata fuisse Regum auctoritatem in praesidium verae Fidei, quia nondum Rex ullus erat Christo deditus: ita respondet Phereponus: *Quasi vero ea non fuerit nativa indoles Regni Christi, quod ipse testatur non esse huius mundi, quamobrem legionibus minime defendebatur. An non potuit Christus, si voluisset, ingentem copiam Judaeorum vocare ad arma, ut se succretur contra inimicos: & quod viribus humanis deerat, vi divina miraculorum perfacile superare, si isa Deo visum fuisset?* Utrique Christum id potuisse, cum Pherepono affirmamus. At qui venerat ad instituendum, atque exercendum spiritale Regnum in terris, Regnorum temporalium jura & leges intacta relinquere, non evertere, voluit. Exemplo itaque suo tantum significavit, Pontifices, Sacerdotes, & reliquos spirituales Ministros suos jus armorum saecularium sibi tribuere non debere. Ostendit, non esse Fidem suam, Turcarum ad instar, vi gladii propagandam, & ad eam suscipiendam invitos homines extremis suppliciis non esse cogendos. Demum nos docuit, excitandas non esse vel pro vera Fide seditiones populorum adversum legitimos Reges, & contra Praepositos nostros: quod Anabaptistae, Calviniani, & alii Novatores, ipsique olim Donatistae, sunt ausi. Nunquam vero Christus docuit, legitimos Reges, qui non sine causa gladium portant, & ministri Dei sunt, peccare, & inique facere, si veram Fidem, quam ipsi favente Deo amplexi fuerint, & Fidei unitatem, sanctam rectam in populis sibi & Ecclesiae subiectis servare, atque a ruina & divisione tueri velint, & salubribus in eum finem suppliciis temporalibus in refractarios utantur. Immo piis Regibus, & politicis Magistratibus hoc onus incumbere, cum recta Ratio, tum sacrarum Litterarum exempla persuadent.

CAPUT NONUM.

Quod Augustinus de Rogatistis, & de venatione Haereticorum, sententia mutata, scripsit, non immitem eum, neque Proteum arguis. Hipponensis Civitas credenda est non ficto animo Schisma ejurasse. Inter Catholicorum & Muhammedanorum persecutiones quam magna differentia. Sententia Augustini de divina Gratia non excludit utilitatem poenarum in Haereticos pertinaces. Nullo jure culpatus a Pherepono Augustinus, culpans Donatistam asserentem, neminem cogendum esse ad bonum.

ROGATISTAS, qui Schisma ab ipsis Donatistis fecerant; alloquens Augustinus in laudata Epist. 93. Cap. 3. §. 2. ait, illos quidem reliquis Donatistis videri mitiores, quod cum immanissimis Circumcellionum gregibus non saevirent; sed non ideo mitiorem inde ipsorum animum ostendi posse. *Saevire vos nolle dicitis; ergo, inquit Augustinus, non posse arbitror.* Immitte ac inhumanum Pherepono videtur hoc Augustini responsum, & alienum a mansuetudine, quam prae se ferre solebat. *Quis enim ait, noverat eorum animos? Annon poterat fieri, ut ex animo ab omni persecutione abborerent? Facile sane hoc mihi persuadeo.* Et Augustinum, quippe affectu occaecatum, ideo tam futilibus rationibus usum fuisse pronuntiat. Sed utinam sibi semper tam facile de aliorum animis bene persuaderet Phereponus; neque enim adeo frequenter, ut vidimus, & visuri sumus, Augustino & Catholicis malediceret, ineptis tantummodo & virulentis suspitionibus indulgens. Equidem quin mitius respondere potuerit Augustinus, inficias non eo. Quid enim dissimulemus Christianae Caritatis loquelam in his casibus? Verum Augustinus ita sibi respondere fas licitumque putavit, ut Rogatistas moneret, ipsos non idcirco se a persecutione faciendi alienos venditare posse, quod reipsa non facerent; nam & ad faciendam vires deerant (erant enim Rogatistae numero tantum decem) & eorum auctor Rogatus a contentione minime abstinerat. Ceterum e vestigio subjicit Augustinus, se mittem hunc animum in Rogatistis ponere, & credere velle. *Sed potamus ait, vos etiam nolle, quod non vultis &c.* Hoc autem omittere

tere

tere Phereponus non debebat, si agere sincerius cum Augustino stauisset, quem alioqui mansuetum virum ipse negare non potest.

Faretur infra Augustinus, se olim in ea sententia fuisse, ut Haereticos nulla molestia temporali afficiendos arbitraretur; sed aliam se postea mentem induisse, ex quo tum experimenta, tum rationes validissimae sibi nimium persuaferant, non iustam solum, sed utilem plane ac necessariam interdum esse hanc agendi rationem. Ad haec Phereponus ait, Augustinum, uti norat *ex Rerborica institutione* id dicere pro temporibus, quod causae postulabant, ita etiam pro temporibus sensisse. Etsi daremus, Augustinum ex institutione Rhetorica novisse in utramque partem dicere, non quod veritas, sed quod causae postulerent: num illum excogitare etiam aut credere possumus adeo excordem, & impium, ut eandem servare consuetudinem vellet in tanti momenti rebus, atque ubi de Religionis, & Ecclesiae honore, & de sua, ac aliorum aeterna salute agebatur? Id suspicari, id credere sine ulla prorsus causa, atque ratione, quum inhumanum, tum iniquum esse, quis non intelligat ex ipsius Phereponi nuper allata sententia? Mutavit opinionem Augustinus; at vi exemplorum atque rationum victus. Id quotidie prudentes, & veritatis amantes faciunt, qui meliorem sententiam amplexi in ea consistunt, & consistendum sciunt, & tum potissimum, quum ad aeternae salutis periculum, atque ad leges divinas res pertinet. Attamen Phereponus haec subicere non erubescit. *Quis dubitat, quin si Ecclesiae Africanae a persecutione abhorruissent &c. contrariam causam copiose peroraturus fuisset? Ego sano nullo modo dubito, quin si illum apud Vandalos venaræ ab Arianis Ecclesiae Africanae causam dicere oportuisset, contrariis plane usus esset argumentis &c.* Non solum Phereponus ipse non dubitat, sed neminem alium dubitaturum esse ait, quin Augustinus tunc Proteum æsturus fuisset. Quo quid durius dici possit, non facile reperias. Nos contra, & Augustini sanctitate perspecta, & Ecclesiae Catholicae argumentis bene perpensis, neutiquam dubitamus, quin Augustinus perstiturus in ea sententia fuisset, quam heic post illud tuemur. Quod si Ecclesia Africana a persecutione Haereticorum, siue, ut melius dicam, a salutaribus remediis ac poenis in ipsos experiendis abhorruisset, non ideo id factum fuisset, quod illicita haec remedia Episcopi censuissent, sed quod opportuna atque utilia tum temporis minime iudicassent: quod contingere interdum potest. Augustinus vero, si ad tyrannidem usque Vandalorum protraxisset vitam,

tam, utique illorum damnasset, & confutasset rabiem in Catholicos, quia ut impia erat Vandalorum, & olim Paganorum doctrina, ita ipsorum rigor pro eadem doctrina propaganda injustus erat. Catholicorum autem numquam damnasset piam severitatem in Haereticos, quippe in caelestis doctrinae, & germanae Religionis praesidium adscitam, & magna moderatione exercitam.

Augustinus in eadem Epist. 93. Cap. 5. §. 17. affirmat, Civitatem suam, *quae rota erat in parte Donati, ad unitatem Catholicam, timore Legum Imperialium, conversam fuisse*, & Schisma deinde ita fuisse detestatum, ut eidem nunquam immixta fuisse crederetur. Sed nullam ei fidem habet Phereponus; *Difficillimum enim putat, ut grandiores natu, & perspicacioris ingenii homines alieniores multo non fiant a Doctrina, quae eis vi ingeritur*. Si Donatistas evidens injustitia non divisisset ab Ecclesia Catholica; si item Ecclesiae huic non essent (quae certe illi sunt, & apud nullos Haereticos sunt) aperta Veritatis signa; si denique rigor solus a Catholicis adhibitus fuisset, non autem explicatae, atque inculcatae Donatistas ejurandi Schismatis manifestae rationes; immo si rigor ipse, licet moderatus, eo duntaxat respexisset, ut invitis Doctrinam Catholicam ingereret, & non ideo potius adhibitus fuisset, ut converteret animos pervicacium ad auscultandam diligentius meliorem sanioresque doctrinam; Si, inquam, haec omnia in Donatistarum causa non praecessissent, parcere aliquo pacto possemus Phereponianae suspicioni, quanquam rationibus destituta. At quum haec omnia conveniant in illam causam, nimis aequum est credere, non ficto, sed vero animo conversos fuisse Hipponensium plerosque, uti & alios Donatistarum populos non paucos, quos Augustinus commemorat. Mitto alia in hanc rem argumenta, quippe sola teste experientia res confici potest. Nostri quippe temporibus in Galliarum Regno idem fere conspeximus, quod sua aetate vidit Augustinus. Num affirmare Phereponus poterit, immensum Calvinianorum numerum ad Fidem & unionem Catholicam ibi conversum, inter quos & grandiores natu, & perspicacioris ingenii homines, & docti viri, immo Pastores ipsi fuisse, omnes a Catholicorum doctrina alieniores factos, quum ipsam & amplexi fuerint, & constanter adhuc teneant? Quin ex iis aliqui simulatum animum ad Catholicam Ecclesiam detulerint, negare nolo. Verum plerosque scimus, & contendimus, ex animo egisse, & apertissime novisse, quantum Haeresi & Schismati adhaerentes, a Veritate & Caritate abessent: quod & Donatistarum pleri-

plerisque ad eandem Ecclesiam converſis contigiſſe olim, ſidenter nobis perſuademus, & Auguſtinus aliſque teſtantur.

Ceterum Phereponus, ne ubique durum ſe nobis praebeat, fatetur, adoleſcentes, & Haereticorum filios Catholicis placitis educatos, ſinceriſſime Fidem Catholicam amplecti. Non eſt hic exiguus ſalutarium terrorum fructus. Sed adhuc idem Cenſor contendit, *Schiſmatis ſinem imponi vexationibus nonniſi inique atque inhumane poſſe*. Quibus rationibus hoc ille contendat, ignotum eſt nobis; nam quas haecenus depromſit in Auguſtinum, nihil ſolidi habere deprehendimus; & contra ſolidiſſimae adhuc vigent, quas Auguſtinus attulit, quaſque Phereponus aut infelicitè inſectatus eſt, aut attingere auſus, ut puto, non eſt. Attamen haec fortasſe, quae ſubjicit, rationum loco Cenſori fuerunt. Inquit enim. *His artibus non modo Schiſma ex pertinacia aut imperitia ortum, ſed & omnem veritatis cognitionem tolli, ut liquet vel ipſius Africae exemplo, in qua Muhammedanorum furor exiinxit illic Religionem Chriſtianam, ſimilibus artibus iis, quibus evulſum fuerat olim Schiſma Donatiſtarum. Igitur, tandem concludit, non erat quod de eventu gloriaretur Auguſtinus, qui omnium vexationum par eſt*. Si Auguſtini Epistolam iterum legiſſet, aut ſtudioſius ſemel legiſſet Phereponus, intellexiſſet, Auguſtinum nequaquam de illo eventu gloriari, quanquam Catholicis futurum eſſet gaudio, tot populos amplecti, ad unitatem Fidei, atque ad veram Eccleſiam reverſos. Id ille refert, ut cauſam tantummodo prodat, quare ab antiqua ſua ſententia ipſe diſceſſerit. Nempe verebatur olim, ne Legum terror ex apertis Haereticis fiſtos Catholicos faceret: quam tamen ſuſpicionem deinde ſuſtulit experientia ipſa. Quod reliquum eſt, eſſi injuſtae vexationes (ita Deo propter hominum ſcelera permittente) parem cum juſtis affectum ſortiantur (quo tamen eventu caruere tot Paganorum ſaeviſſimi conatus in Chriſtianam gentem), nihilominus animadvertere debemus, nonniſi temere comparari hac in re potuiſſe Catholicos cum Muhammedanis. Orthodoxi ac legitimi Imperatores in populos ſibi & Eccleſiae ſubjectos, ſed perſevaces, & per apertam iniquitatem ab eadem Eccleſia vera ſejuñctos, poenas moderatas conſtituebant, ut iterum ad ovile Chriſti perditas oves revocarent, neque prius errantes revocarent, quam erudiſſent, eiſque errorem priſtinum maniſeſtum ſeciſſent. Muhammedani contra in ſolo terrore, & vi acinacis, ratione omni ſepoſita, ſine ullo dominationis legitimaе jure, ſine bona cauſa, populos alienos in antiqua Religione ſtantes, ad novam amplectendam

dam coegere, quam Catholicae praefendam nemo liber & ingenio valens persuadere sibi possit. Quid heic simile sit, non video; & ne ipse quidem Phereponus videat, utpote qui neque diffidetur, Donatistas iniquo titulo secessionem olim a Catholicis fecisse, neque diffidendi potest, falsam esse & absurdam Muhammedanorum fidem atque saevitiam. Etiam si ergo iisdem artibus quum Catholici tum Muhammedasi usi fuissent, & par utrimque fuisset eventus, quia tamen jus legitimum, & iusta causa, & recta Doctrina Christianis Imperatoribus erant; haec autem Muhammedanis deerant: nefas profecto erat Pherepono, moderatum rigorem pro custodia veritatis adhibere cum extremo rigore pro impietate propaganda usurpato conferre. Ut toties Augustinus ostendit, immo ut quotidie nobis cernentibus uluvenit, quum boni, tum mali persecutionem faciunt; sed iuste illi, inique isti; illi odio, sive errore incitati; isti Caritate, & Veritate ducti. Oppresserint ergo Donatistas Catholici, Catholicos Muhammedani; Iustitia nihilominus semper faciet, ut illos laudemus; iniustitia, ut istos damnemus. Denique dissimulare quidem possumus, dici Muhammedanos similibus artibus usos ad extinguendam in Africa Religionem Christi, ac usi Catholici fuerint ad auferendum Donatistarum Schisma: quod certe nunquam ostenditur; sed absolvere plane nequimus Phereponum sine ulla ratione contententem, per huiusmodi vexationes non solum Schisma, sed & omnem veritatis cognitionem tolli. Id jure de Muhammedanis artibus, & (a) Arabica crudelitate canatur; immerito & falso de Catholicis: sicuti ex ipsa Donatistarum Historia liquet. A Catholicorum parte evidens Veritas stabat, Nihil intentatum Catholici relinquebant, quo istam pertinacibus persuaderent; eo collineabat Romanarum Legum terror, ut se Donatistae edoceri paterentur eandem; & plerique edocsti, insaniam praeteritam ex animo detestabantur, errore veteri perspecto, & nova veritate imbuti. Quid heic simile cum caeca feritate ac impietate (Arabum)? & quis dicere audeat, in hisce casibus atque conditionibus veritatis cognitionem tolli, quum contrarium evidenter curetur?

Infra nequit capere Phereponus, quomodo ita ratiocinari posset Augustinus, *qui credebatur homines ad Deum sola gratia interna, & electis solis concedenda converteri, & ad vitam aeternam adduci. Quid enim, inquit, magis alienum a gratia divina, quam multae, exilia, atque alia supplicia?* At nos respondemus, utique Fidem non ex

Tom. X. P. I.

Q 9

Me.

(a) Al. Turica, & post pauca, Turatum.

Meritis, sed ex Gratia venire. Sed quum ipsa Fides ita sit Dei donum, ut actus etiam sit liberi arbitrii, & omnes jubeamur bene sentire, & recte agere; propterea homines cuncti, ad bene sentiendum, & recte agendum sollicitandi sunt. Consilia, praecepta, leges, praedicatio Evangelii, & variae convincendi ac hortandi rationes in hunc ipsum finem adhibentur. Correptio autem, quae ut habetur Proverb. 29. *tribuit sapientiam*, modo inferre, modo conservare potest donum Fidei, & prodesse hominibus. Quare non solum laudanda, sed etiam Gratiae divinae instrumentum dicenda est. Neque vero nos, quia Gratia Dei, non sine tamen libero Arbitrio, probos homines facit, a bonis operibus abstinere debemus, aut cessare ab urgendis ad bona opera ceteris fratribus. Neque item Apostolica Gratiae Doctrina obstare debet, quominus injustos, impudicos, & blasphemantes Deum, legitimi Judices ad juste, pudice & pie vivendum salutaribus poenis impellant. Nos quod nostrum est, faciamus; Gratia quod suum est, faciet. Sed si ista non capit Phereponus, multo minus capere ego nescio, cur ipse loqui his verbis pergat: *Quis dicere sustineat, qui modo pudore aliquo teneatur, nec omnem Religionis reverentiam exueris, irritam plane esse verbi divini praedicationem, nec gratiam divinam cum ea conjungi, nisi accedat persecutio?* Iram quaelo non profundat Phereponus. Non Augustinus, non Catholici unquam sensere, *irritam plane esse verbi divini praedicationem*, nisi illam persequutio comitetur. Immo nos affirmamus, Evangelii potissimum praedicationi Deum conjungere suam gratiam, suisque gratuitis donis referre per illam aditum consuescere. Sed negari non potest, quin irritus quoque interdum sit praedicationis istius effectus, vel quod attentum animum ad illam homines non adhibeant, vel quod pervicaciam & caecitatem luci Veritatis, & pulsanti Gratiae opponant. Atque utinam Judaei, Muhammedis sectatores, Gentiles, & tot Haeretici, hujus calamitatis fidem nobis non facerent. Ergo ut ejusmodi pertinacia & caecitas amoveantur, atque ut animum in praedicationem Veritatis solertius homines intendant, rigor & moderata severitas interponuntur interdum a legitimis Regibus sive Magistratibus (in (a) Christianos sibi subjectos in Schisma prolapsos) non sine ingenti animarum fractu. Quia in re, ut patet, non statuunt Catholici vim animorum emolliendorum in vexationibus adhibitis, sed in Gratiae divinae efficacia, quae his modis tum utitur, ut de pertinacibus hominibus,

(a) Haec verba nuper addita, secundis curis, ab Auctore.

minibus, incuriosis, & nolentibus, attentos ad verba divina, & volentes faciat. Neque vero unquam a salutaribus hifce poenis Catholici disjungunt praedicationem Evangelicae Veritatis, sed potius ad eas tantummodo confugiunt, ut ista praedicatio studiosius auribus accipiat, & in mentem fluat.

Ad Augustini Epistolam Centesimam quintam Pheroponus notat, Augustinum nimio affectu occaecatum, in eo falsum fuisse, quod Donatistis, indulgentiam suae factioni ab Honorio Imperatore concessam distitantibus, mendacium exprobrarit. Nam, inquit Pheroponus, eo tempore (uti ex Concilio Carthagine XVIII. Kal. Jul. Anni 410. habito constat) libertas facta omnibus fuerat cuiusvis Religionis sequentiae, ideoque non mentiebantur Donatistae. Lectores autem suos Censor adire jubet Augustini Vitam ab erudito Benedictino proxime praeteritis annis elucubratam Lib. 6. Cap. 7. §. 2. ut Augustini errorem manifestius intelligant. Nos Auctorem Vitae Augustinianae adimus, & utique inde edificimus, aliquando ab Honorio Augusto per dolum expressam, & revera promulgatam fuisse Legem Haereticis faventem, quam non dubitamus, quin Donatistae etiam in sui favorem interpretarentur. Verum Donatistas ab antiquis Legibus liberare animus Honorio non fuit; Epistola vero memorata Augustini (uti animadvertit & recte infert eruditissimus Scriptor Vitae ejusdem) scripta fuit, antea quam re ipsa libertatem cuiuslibet Religionis colendae concessisset Honorius, quanquam Donatistae famam jam concessae evulgarent. Quare intelligat Lector, quanta huic Censori habenda sit fides.

Presbyterum quemdam Donatum, ex factione item Donati, existimantem, & idemidem repetentem, *neminem cogendum esse ad bonum*, Augustinus ita alloquitur in Epist. 173. alias 208. §. 2. *Attende quid Apostolus dixerit: Qui Episcopatum desiderat, bonum opus concupiscit. Et tamen multi, ut Episcopatum suscipiant, tenentur inviti, perducuntur, includuntur, custodiuntur, patiuntur tanta quae nolunt, donec iis adsit voluntas suscipiendi operis boni.* Pheroponus pag. 498. *Animadv.* primo difficilem se praebere videtur ad credendum, fuisse olim, aut nunc esse, *qui vere cogantur dignitates & opes Ecclesiasticas accipere, quum antea nolent.* Scilicet nihil ille veretur in sulphurionem adducere omnia, & ubicumque eum incessit cupido, ipsi Augustino abrogare fidem. Et sane miror, hominem hunc adhuc ignorare, vetari nos ab Aequitate & Caritate male sentire, immo non bene sentire de aliis, sine potenti ratione. Ut

enim hominis improbi est, neminem alium credere velle probum; ita imperiti est negare, quod nunc ipsa testatur experientia, & multo magis Augustini tempore testabatur. Nunquid enim ille tam hebes, aut impudens fuerit, ut rem veluti vulgarem, & Donatistis compertissimam narraret, quae multis jam non constaret exemplis? Immo complura antiquitatis monumenta, quae heic innuere supervacaneum puto, hoc idem adhuc dilucide testantur. Deinde Phereponus ita differit: *Sed qui ita coguntur, putant etiam ipsi Episcopatum esse opus bonum; nec eum refugiunt, quasi malum quidpiam, sed tantum quod ei oneri recte ferendo impares se judicent. At Donatistae malum per se esse ac Deo displicere, quamvis ea in re errarent, putabant id quod facere cogebantur; nec vexationibus aliter us sentirent adduci poterant.* Detecto hoc Augustini paralogismo, res poscebat, ut aliquo documento Lectores suos Phereponus dimitteret. Inquit igitur: *Itaque nihil ad rem hoc exemplum facis, nec adhibetur ab Augustino, nisi more eorum Rhetorum, quibus satis est vel levissima verisimilitudinis umbra, ut sibi recte ratiocinari videantur; ejusmodi hominibus nimis scaruerunt per multa saecula Christianae Ecclesiae, sed praesertim illo aevo. Optandum esset eos, qui publicae causam Ecclesiarum suscipiunt, paulo studiosius Dialecticae & Rhetoricae severiori operam dare, ne tot sophismata, ac inanes phaleras phibulae vendirarent.* Et nos optamus, Ecclesiasticos non solum viros, sed & omnem veritatis cultorem, Dialecticae ac Rhetoricae severiori multum studere, ut a sophismatis ac inanibus phaleris abstinerere discant. Sed itidem optamus, ut Critici viri non minus Modestiae, quam eidem Logicae, studeant, atque a petulantia temperent; neque generali censura quemquam, veluti indoctum, Sophistam, ac levissimarum mercium propalam; traducant, quod ipsum aliquando errasse deprehenderint. Praeterea optamus, ut magnos viros jam functos humanis rebus si quando emendandos suscipiunt (quod certe per nos licet), sine supercilio, sine malignitate emendent, & modeste atque circumspetto iudicio de tantis viris pronuntient, uti jam Quintilianus monebar; neque impotenter insultent Ingeniis tam bene de re Literaria, & de Veritate, & de Religione aliqui meritis; immo non prius quempiam ex iis carpant, quam sibi satis constet illorum error. An ab aequissimis hisce honestisque legibus Phereponus quidquam discefferit, jam puto Lectores sobrios atque honestos ante me dudum intellexisse. Sed heic vix ille ferendus, quod tam universali sententia percellat Augustini Saeculum,

culum, quo florere tot illustres, magnique nominis, ac ingenii Scriptores. Multo minus ferendus, qui nobis exhibere audet Augustinum Logicæ studiis perfunctorie excultum, quando vix alium inter veteres offendere possumus, qui acutiori mente, & meliori Dialectices usu, quum res poscebat, veritatem investigarit, defenderit, & Sophismata caverit. Nam quod & apud illum paralogismus quandoque occurrere aliquis possit, non ingenio, non voluntati, non Logicæ neglectui tribuendum id est, sed hominum conditioni miserræ, cui nullus propterea insultare sibi licitum putat, nisi qui se hominem esse fuerit oblitus.

Sed quid, si ne heic quidem Augustinus contra Logicam peccarit, ubi tanquam in opportuno loco ipsum ad Logicam addiscendam amandare videtur Phereponus? Quid si Logicæ se minus gnarum, ne dicam Sophistam, heic se Phereponus prodiderit, ubi sophisma Augustini sibi redarguendum putat? Periculum faciamus. Quid agebat Donatus ille Donati sectator? *Neminem cogendum esse ad bonum. Deum dedisse homini liberum arbitrium; ideo non debere cogi hominem nec ad bonum.* Hoc ex Augustini Epistola nuper laudata discimus. Quid Catholicus ad hæc respondere debuit? Num ostendere Donatistarum Schisma esse malum, Unitatem Fidei & Ecclesiæ Catholiciæ bonum esse? Id fecisset inopportune. Neque enim poscebat Presbyter Donatista, ut sibi demonstraretur, *bonum esse* redire in Catholiciæ Ecclesiæ gremium. Non agebat: *Neminem ad malum esse cogendum.* Agebat: *Neminem cogendum esse ad bonum.* Hoc est, aut jam sibi persuaserat *bonum esse*, quod Catholici sibi inculcabant; aut saltem non negabat, & concedebat, *id esse bonum*, agebatque *se sic velle errare, se velle perire* in Hæresi sua, uti infra Augustinus tradit. Quid aliud ergo Logicus vir ad Donatistæ effatum reponere debebat, nisi ostendere, homines *ad bonum* quoque impelli posse, atque debere? Quod Augustinus apposite facit producto vulgari eorum temporum exemplo, cui vel ipsi Donatistæ nihil obicere possent ac vellent, eorum nempe virorum, qui ad Episcopatum suscipiendum, hoc est, ad bonum amplectendum, cogebantur. Nihil ergo faciat huc animadvertere, Donatistas malum putasse id, quod facere a Catholicis cogebantur. Ex Donati ultronea confessione assumebat Augustinus, id *bonum esse*. Tum ex Logicæ regulis id tantummodo evincebat, quod solum a Donato negabatur, videlicet, *cogi homines ad bonum debere*. Si *bonum* id esse negasset Donatista, tum Augustinus aliter sibi ad negantem respondendum novif-

novisset. Quamobrem nemo Logicae praeceptis instructus non intelligat, quantum ad rem faciat illa Augustini responsio, & quantum contra a Logica alienum fuisset ea respondere, quae si Phereponum audire volumus, respondenda tunc erant. Pudere deberet hominem Criticum tam supine Censorem agere.

CAPUT DECIMUM.

Non infamatur ab Augustino Ecclesia trium priorum Saeculorum, neque eidem affingitur aliqua dissimulatio iniqua. Non omnis persequutio improbata a veteribus Christianis, sed ea tantum, quae pro errore contra veritatem exercebatur. Neque Ethnicis criminari jure potuissent poenas moderatas in averfos a Religione vera statutas. Augustinus erga Manichaeos miris, sed non idcirco incusandus, quod salubres Haereticorum venationes deinde laudavit.

FACILE ab iis, quae ad Epistolam 185. olim 50. Augustini pag. 521. Animadv. habet Phereponus, expedire sese posset, quicumque Donatistarum insaniam, aut ex ipsius supra memorati Presbyteri facinore, aut ex tot aliis Historiarum monumentis colligat, eoque magis qui demum animadverterit, quam nullis rationibus, sed solum indignis suspitionibus omnia corrumpere, & denigrare Phereponus soleat. Quam artem si in isto Censore probare velimus, jam nihil erit, in quod saevire impune non possimus, culpamque falsitatis conferre. Sed ne heic quidem is sine responso dimittendus est, quippe multum expatiatur, ut ostendat, Augustinum non animadvertisse, quantum ipse universam Ecclesiam Christianam trium priorum a Christo nato Saeculorum suis dictis infamaret. Quei tam male Ecclesiam habeat Augustinus, videamus. Donatistis dicentibus, non petiisse a Regibus terrae Apostolos salia, hoc est, ut vulgo dicitur, non invocasse saeculare brachium pro tutela Religionis verae, Augustinus respondet in eadem Epist. 185. Cap. V. §. 19. *Quis tunc in Christum crediderat Imperator, qui ei pro pietate contra impietatem leges ferendo servires, quando adhuc illud Prophetisum complebatur: Assiserunt Reges terrae, & Principes convenerunt in unum adversus Dominum &* *adver-*

adversus Christum ejus? Tum addit, ex quo Imperatores Christianae Religioni dederant nomen, potuisse illos, & debuisse pro ipsa Religione tuenda, & errore proligando, leges condere, Christiana tamen moderatione dignas. Hinc Phereponus infert, Augustini mentem esse, a primis Christianis improbatam non fuisse persecutionem omnem: quod si verum esse ponimus, infamis ex Phereponi sententia fuisset Ecclesia sub Ethnicis Imperatoribus, graviter semper de persecutionibus, quasi humanitati contrariis, conquesta. Exspectamus a Pherepono argumentum, quo palam fiat, tam absurda consuetudina venire ex Augustini sententia. Ecce. *Si enim dicamus Christianos antiquiores ea tantum de causa vexationes damnavisse, quod in ipsos exercerentur, non in Ethnicos: habendi erant callidi dissimulatores, qui tempori dumtaxat serviebant; quum damnarent quasi impia & inhumana, quae ipsi libentissime fecissent, si potuissent.* Tum e vestigio haec alia subjicit: *Neque enim vetustiores Christiani damnavant persecutionem, quam ipsi patiebantur, sed omnem omnino, quaecumque esset.* Postrema haec verba si perpendantur, quamvis speciem praeferant rationis, & confirmationis superiorum, nihil tamen aliud continent quam id, quod in quaestione est. At quaeso non adferat pro re comperta Censor iste, a vetustioribus Christianis omnem omnino quaecumque esset, persecutionem damnatam fuisse. Hoc ille dicit; sed hoc illi adhuc demonstrandum restat. Superiora ergo repetamus Phereponi verba, quae sane ad rem propositam faciunt. Ad ea vero ita respondemus, antiquos Christianos non ideo de vexationibus fuisse conquestos, quod in se, & non in Ethnicos, exercerentur; sed quidem quod exercerentur contra Veritatem, & contra Veritatis patronos, & in patrocinium patentissimae impietatis, & infelicissimi & apertissimi erroris. Expostulantes de iniqua crudelitate nunquam negarunt, quin moderatae persecutiones aliquae a legitimis Regibus exerceri licite possent, ut ab impiis opinionibus pars populi sibi subjecti liberaretur. Ergo nihil dissimulabant Christiani veteres; neque tempori serviebant; neque libentissime idcirco Ethnicos persecuti fuissent, si potuissent; nam quamvis id liceat, aegre tamen a Catholicis semper factum est, neque parem Ethnicis vexationum mensuram reddidissent Catholicis; neque alia praestare cupiebant, quae nunc sibi Phereponus fingit; atque adeo sententia Augustini veterem Ecclesiam minime infamat.

Sensit Phereponus haec sibi illico reponenda esse; quare hanc nobis justam defensionem eripere conatur, ita scribens pag. 521.

Non

Non poterant dicere Christiani, se Veritatis esse patronos; Ethnicos mendacii. Nam quamvis verum hoc esset, controversia illa etiamnum pendebat, dum Ethnici contra sentiebant; armaque eis in Christianos, interea dum Christiani ipsi fierent, suppeditabantur; nam dum se pro Veritate stare illi putabant, debebant ex Christianorum sententia velle aliter sentientes. Quamvis Ethnici se pro Veritate stare putarent, attamen Christiani minus perspicaces fuissent, & rationem convincendi, atque exarmandi superstitionis furoris nunquam prudenter iniissent, si persequutionem omnem, quaecumque sit, damnaissent. Tunc enim Ethnici, qui sese elumbes plane sentiebant, quum eo res veniebat, ut Christianos ostenderent non pios, non veritatis patronos, se vero non impios, non mendacii sectatores; vires resumissent, & fortissimos, immo ex una parte invictos se praebuissent adversus Christianam gentem. Nimirum dimissa quaestione illa, utrobi, nempe, Veritas, & Religio vera staret, lubentissime in alteram quaestionem invasisent, num, scilicet, improbanda sit persequutio quaevis. Argumentis autem tum a naturali ratione, tum ab omnium populorum institutis, tum ab ipsis Christianorum sanctissimis Libris, facile ductis, ostendissent, licere Magistratibus legitimis persequi & divexare impios ac impios, ut aut emendentur, aut iustas dent poenas. Nos contendimus, in huiusmodi controversia rationibus obruendos fuisse Christianos. Quod profecto eorum apud Ethnicos bonam aliqui causam pessumdedit, quasi Christiana gens, quam impiam atque supersticiosam illi credebant, ea falsa opinione eximere sese voluisset debitis impietati suppliciis. Saltem, ut quisque intelligere potest, difficilis illa quaestio difficile composita fuisset, atque interim dum componeretur, debacchari perrexisset confidenter in Christi gregem Paganorum furor. Restabat ergo, ut ad priorem quaestionem, quam unam revera nos dicimus agitatam, regrederentur Religionis Christianae patroni, contemptoque Phereponi consilio, hoc solum peterent, hoc probarent, nempe ab impietate atque a superstitione nimium abesse Christi Fidem; impium contra atque supersticiosum esse Idolorum cultum, atque Ethnicos pro Veritate minime stare. Si heic vincebant Christiani, ex ipsorum Ethnorum sententia divexandi amplius non erant; non enim illos, qui se pietatis & veritatis cultores probabant, suppliciis addicendos Ethnici credebant. At hoc facile, & illico, & invicte ostendere poterant Christiani, vel Pherepono iudice: tantum eminet ac patet supra Ethnorum superstitionem veritas Religionis Christianae. Quod Christiani tan-

tuna

tum fero profecerint, fero saevitiam Tyrannorum evaserint: non suae causae infirmitati, non spreto Phereponi consilio, tribuendum, sed impotentiae, & caecitati Ethnicorum, quam heic pluribus describere non vacat. Non ergo, ut Phereponus autumat, arma in semetipsum Christiani suppeditabant Ethnicorum crudelitati, dum sentiebant, licere persequi impios; nam quum se impios non esse e vestigio & evidenter ostenderent, simul etiam persequutioni modus erat illico faciendus. Ministraissent potius rationem perpetuo saeviendi, si (quod Phereponus eos fecisse veller) contendissent, ne in impios quidem & superstitiosos, & sacrilegos licitum esse animadvertere, & inique vexari, quos ideo vexas, ut impietatem erroresque nefarios contra Divinitatem ejurent.

Non conquiescit Phereponus, sed haec addit: *Si potuissent praevidere Ethnici, adfore aliquando tempus, quo morte mulcerentur Diis Sacra facientes a Christianis Imperatoribus, nec sine plausu Episcoporum, licet alioquin in partes abiissent; Christianos infamassent, quasi factiosos & malos homines, qui non dicebant, quod sentirent, quum Religionem liberam esse oportere clamitabant: Tum orationem suam ita concludit: Nec dubito quin Ethnici, qui supererant in Imperio Romano, & vicini etiam Idololatrae, ut Persae, talia Christianis objicerent.* Male accidit vetustioribus Ethnicis, quod hominem acutum, qualis est Phereponus, illorum aetas ac superstitio non tulit. Eos enim iste fortasse monuisset, ut in Christianorum animos profundius inquirerent, seque diligentius liberarent a gente seditiosa, & vindictae sitim occultante. At nos aequius putamus, Ethnicos, si praevidissent, quae vere a Christianis Imperatoribus praecienda erant, nulla infamia aspersuros fuisse Christianam sui temporis gentem; & siquidem fecissent, iniqua, ut ceterae aliae, fuisset haec etiam accusatio. Nunquam enim clamitaverant Christiani, non licere legitimis Principibus superstitionem & manifestam impietatem proscribere, & salutaribus poenis urgere impios ad meliorem sententiam; sed quidem superstitiosum & aperte sacrilegum Idolorum cultum Christiani appellabant. Deinde magna inter Ethnicorum & Christianorum persequutiones intercessit differentia; quippe Ethnici invitos Christianos coegerunt, Ethnicos vero invitos nunquam coegerunt Christiani veterem suam Religionem ejurare. Immo quae capitalia supplicia memorat heic malevolenti animo Phereponus, in neminem decreta fuere, quod Ethnicismo intime addictus esset, sive quod Christo nomen dare detrectaret; sed in eos duntaxat, qui ex-

ternum Idolorum cultum, & nefaria sacrificia, impioſque ſuperſtitio-
nis illius ritus vetitos exercere palam deprehenderentur. Quamobrem
inique talia Chriſtianis exprobraſſent Pagani, qui ſibi, quum rerum
potiebantur, fas eſſe cenſuerant, invitos etiam Chriſtianorum animos
eogere timore mortis ad ejurandum Chriſtum, & Idola colenda.
Iniquiſſime autem tanquam ſeditioſos, & vindictam anhelantes dicti-
taſſent Chriſtianos, quos, uti ſanctus Cyprianus, Tertullianus, &
alia antiquitatis monumenta teſtantur, obſequium & fides erga legi-
timos Reges poſſimum commendavit, quamquam in eum nume-
rum & in eas vires excreviſſent, ut Paganorum jugum excutere ſe-
curi jam poſſent, & quanquam tam male quotidie haberentur a
ſaeviſſimis Tyrannis, ut non deſtuiti patientia ad miraculum acce-
deret. Quare ſi Chriſtianis ea, quae Phereponus ſibi perſuadet, obje-
ciſſent Ethnici ſuperſtites, ipſi nunquam ſane ad Chriſti Religionem
inviti coacti: habebant Chriſtiani, quo eis ora ſtatim obſtruerent,
ſequae a ſimulationis, & perfidiae, & crudelitatis nota defenderent.

Quum non ſint, niſi ſuſpicionibus inanes, & odii duntaxat ac-
livoris teſtes, praetereo notas, quas Phereponus habet ad Sermonem
CCCLIX. Auguſtini. Alia nos vocant. Quam ſincera Catholicorum,
ſaltem plerorumque, Caritas foret in Donatiſtas, jam ſupra docui-
mus, & eorum temporum Hiſtoria luculentiffime docet. In Ani-
madverſionibus autem ad Cap. 1. §. 2. Libri contra Epistolam Ma-
nichaei exoſculatur Phereponus ea Auguſtini verba, quibus ſe a per-
ſequeutione alienum, & manſuetiſſimum erga Manichaeos praeberet.
*Illi, inquit Auguſtinus, in vos ſaeviant, qui neſciunt, cum quo la-
bore verum inveniat, & quam difficile caveantur errores. Illi in
vos ſaeviant, &c.* Sed oppido Cenſor dolet, Auguſtinum ad mor-
tem uſque in tam pia ſententia non perſiſtiſſe; nam hunc Librum
ſcripſit ſanctus Doctör circiter Annum Chriſti 397. Anno autem
412. plane mutaverat mentem. Ne nos quidem inſicias imus, quin
pia fuerit illa Auguſtini ſententia; ejuſque verba nos quoque alte
in eorum animos immiſſa vellemus, qui nimio interdum rigore in
Haereticos ſaeviunt, & perdere, quam ſanare malunt errantes. Ve-
rum debuit Phereponus oſtendere, impiam fuiſſe alteram ſententiam,
in quam ſe meliori conſilio tranſiiſſe poſtea Auguſtinus ipſe fatetur.
Nos aequae piam, & Juſtitiae conſonam, & praeterea Eccleſiae ipſi-
ſque pertinacibus atque phreneticis utiliorem ſaepe numero eſſe alte-
ram etiam, dicimus. Ut enim pium eſſe poteſt facinoroſis parcere,
& non ſaevire in improbos, quia peccare humanum eſt, atque a
vitiis

vitii criminibusque difficile abstinere se possunt homines, virtutemque sectari; ita pium, & aequum, & Reipublicae, ipsique scelestis utile est, in eos interdum saevire, ut aut ipsi, aut eorum exemplo ceteri emendantur. Neque aliter tum sentiebat Augustinus, vel quum in priore sententia fuit; siquidem scribit in eodem Libro Cap. I. *Dominum per servos suos regna subvertere erroris, & emendandos esse potius, quam perdendos errantes.* Ad emendandi autem rationem pertinere ait supplicia, exilia, orbitates, & molestias corporis. Cur vero mitiorem in Manichaeos agendi formam probaret Augustinus, ipse docet, quia olim ejusmodi errore deceptus difficillime ad lucem veritatis evasit. Ceterum quum ait: *Illi in vos saeviant &c.* dubitare cogor, num respiciat ad justas punitiones, sive ad salutares poenas a legitimis Magistratibus in Haeresim pestilentissimam decretas; an potius ad rationem disputandi, eosque coarguendi, quae quum aspera & saeva esse possit, lenis tamen potius Augustino usurpanda videtur. Ego, inquit Cap. 3. §. 3. *saevire in vos omnino non possum, quos sicut meipsum illo tempore, ira nunc debeo sustinere, & tanta patientia vobiscum agere, quanta mecum egerunt proximi mei, quum in vestro dogmate rabiosus & caecus errarem.* Augustinus certe saevire flagris, & castigationibus in Manichaeos non poterat; poterat quidem disputatione, ac Libris. Quodcumque tamen intelligas, certe nusquam ibi Augustinus damnat, uti Phereponus sibi persuasit, promulgatas a Christianis Imperatoribus in Manichaeos leges. Quod autem Phereponus miratur, ab Augustino coeptas esse probari Haereticorum persecutiones, eodem tempore, quo Gratiae ineluctabilis inspirationi omnes bonas hominum actiones tribuere caepit: jam diximus, divinam Gratiam praedicationibus, cohortationibus, miraculis, & ipsis etiam salubribus vexationibus uti, ut viam sibi sternat in hominum corda, quibus nunquam adimit essentialem Voluntatis libertatem. Valde autem fallitur Censor, si *ineluctabilis gratiae* nomine significare vult, *necessitantem* (ita liceat loqui) & Calvinianam gratiam Augustino placuisse. Non alia heic ei fuit sententia, quam Catholicae Ecclesiae, ut jam doctissimi viri demonstrarunt; quare nil mirum, si cum ea Augustinus componeret sententiam de justis adhibendo rigore in perversos Haereticos.

CAPUT UNDECIMUM.

Donatistae multorum criminum rei, & puniendi quoque ex Legibus politicis. Probata ab ipso Deo moderata Haereticorum venatio. Inepta declamatiuncula a Pherepono afficta veteribus Christianis, qui persecutionem Ethnicam ideo injustam vocabant, quia pro impietate erat. Maxima disparitas inter Ethnicos, & Christianos Imperatores, quod est ad venationem subjectae gentis. Ad summas potestates pertinet coercere impios, & a vera Religione devios.



LIBENTER jam dimitterem istam quaestionem, si Phereponus, quem nimium urunt Dordracenae Synodi tempora, & parium infortuniorum timor, finem loquendi hac de re facere posset. Tanquam ergo nihil hactenus attulisset, in Augustinum animosius iterum insurgit, quum hujus Librum primum contra Epistolam Parmeniani commentatur. Decreverat Constantinus Augustus in Donatistas, non semel in Caeciliani accusatione falsi convictos, animadvertere. Hoc immaniter, & Osio Episcopo suggerente, a Constantino factum, criminabatur Parmenianus. Iterum Haeretico succinit Phereponus pag. 602. & ait: *Donatistae propterea occidi non debuerunt, quod de Caeciliano probare non potuerant, traditorem fuisse, aut a traditoribus ordinatum; vel quod secessionem fecissent, quamvis immerito, a reliquis Ecclesiis Christianis; si modo legibus civilibus ceteroqui paterent. Haec delicta & vulnera minoribus remediis curanda fuerunt. Quasi civiles Leges gravissime non laedat, qui calumniis alterum petit; quasi severissimae poenae ab iisdem Legibus propositae antiquitus non fuerint contra Calumniatores, & falsos accusatores, eosque potissimum, qui ultimo judicio superati, Imperatorem gravia corruptum fuisse criminabantur, quales, ut ex Augustino intelligimus, Donatistae fuere. Quo autem supplicio dignos ex ipsis etiam civilibus Legibus non reputaret Constantinus Donatistas, qui ad judicium suum toties appellarent, toties falsi convicti fuerant, & tamen Imperialia Decreta flocci facientes, quasi causam obtinuissent, furioso Schismate (cui falsa ipsa accusatio originem dederat) tam pervicaciter Ecclesiam dilaniare*

laniare atque infamare pergebant? Attamen Constantius; ipsius for-
 sitan Offi precibus delinitus, longe mitiori sententia, quam mere-
 rentur, Donatistas compressit, uti ex Historia constat: quod non sa-
 tis considerasse, aut considerare noluisse Phereponus videtur.

Capite IX. ejusdem Lib. 1. contra Epistolam Parmeniani de
 Haereticis ita scribebat Augustinus: *In quo en occulto imperio Dei,
 per manifestum hominum imperium, multa quibus coercerentur severis-
 sime constituta sunt; nec solum Haereticis, quoquo modo saltem Chri-
 stiano nomine dealbatis, sed etiam ipsis Paganis, &c.* In hunc locum
 ita scribit Phereponus pag. 603. *Rectius dixit Augustinus, quam pu-
 tabas occultum esse imperium Dei de vexandis Haereticis; nam pro-
 fecto adeo in Apostolorum scriptis latet, ut nec ipse, nec alius qui-
 quam id proferre adhuc posuerit.* Tum addit, eo latente imperio,
 excusari non posse Christianos Imperatores, qui *Esbnicos imitati,*
meras opiniones pro delictis habuerunt, & contra sentientes gravibus
 poenis affecerunt. Non enim res tanti momenti, & *cujus sunt tam*
horrendae sequelae, unquam a Christianis tentanda erat, Deo non
 tantum tacente, sed etiam tot & tantis de amore in universum hu-
 manum genus iteratis praeceptis, & disertissimis verbis rem vetan-
 te. Quod est ad Augustini verba, nemo non intelligit, *occulto Dei*
imperio significari internam illam inspirationem, qua Deus cum Re-
 ges tum ceteros homines ad optimas & iustas leges condendas, &
 ad virtutis opera occulte sollicitare solet. Phereponus vero *imperium*
Dei, sive praeceptum, de vexandis Haereticis aperte conscriptum in
 Apostolorum Libris exigit ab Augustino, quasi ab Apostolis omnia
 Regum jura Literis consignanda fuerint; quasi jus Regum in pervi-
 caces Haereticos, sibi atque Ecclesiae subiectos, ex ipsis Apostolo-
 rum, aliarumque sacrarum Literarum locis, rite non deducatur, &
 luculentissime demum non persuadeatur a recta Ratione. Certe Ha-
 ereticorum vexatio res magni momenti est; sed nos nullas inde *adeo*
horrendas sequelae novimus, aut saltem non alias, quam quae co-
 mitantur vexationem iustam malorum ac improborum hominum.
 Ut enim istos ad meliorem frugem, ita illos ad meliorem mentem
 Magistratus legitimi, dispari tamen severitatis genere, pertrahere ni-
 tuntur. Quod quum accidit, (& saepe de Haereticis accidisse no-
 tum est) optima est vexationis adhibitae sequela tum homini emen-
 dato, tum Regi emendanti: quae certe optima sequela longe supe-
 rat & pensat quaecumque Phereponus asserre contra possit. Homini
 autem non minus timendum sibi est ex impiis opinionibus, ex
 contemptu

contentu Ecclesiae, ex Haeresi & Schismate, quam ex malis moribus. Proinde vituperare non potest moderatas Imperatorum Leges in Haereticos; nisi qui pravas de Religione opiniones nihil hominibus, nihil Ecclesiae verae, nihil Reipublicae nocere sentit, & iniquum putat urgere errantes, & perversas ad veritatem dignoscendam atque amplectendam, sive custodiendam. Neque vero quod tot praeceptis amorem in humanum genus exposcat Deus, idcirco vexationes moderatae in Haereticos interdictae dicendae sunt. Nam ideo reipsa nos illas ab ipso Deo probatas affirmamus, quia ex amore sive caritate in Haereticos exercentur, quos non minus quam nos veritatis affectus & erroris expertes vellemus, ut ipsi quoque nobiscum Deo miserante ab ira ventura liberentur. Amat & qui castigat. Innumera id exempla ostendunt, & Judicum in primis, qui iustis poenis nocentes plectunt, ut perversas eorum voluntates sanent. Alioqui ne morum quidem crimina Deus amantissimus hominum aut punita vellet, aut ipse puniret. Sed quod Censorem istum in tot paralogismos conjicit, illud est, quod tam Ethnicorum, quam Catholicorum, atque Haereticorum sententias de Religione pari gradu habet tanquam meras *Opiniones*, hoc est, a certitudine acque diffinitas: quae in re an non ipse, qui tamen se Christianum dicit, desipiat, Eruditi judicent.

Ad Ethnicos Phereponus se rursus confert, quos capitali supplicio, si sacra Diis suis fecissent, multandos, decretum est ab Imperatoribus Christianis. Crudelem appellat Censor, & Christiana mansuetudine prorsus indignam hanc Legem. Augustino autem hujusmodi edicta laudanti talia reponit Phereponus pag. 603. *Haec si possent laudari, omnia a Christianis, per tria prima saecula, dicta contra persecutionem Religionis causa, quasi stulta aut mala fide dicta, essent habenda. Stultum enim fuisset id oppugnare, quod aequissimum esse putares; nam non persecutio ipsa quasi per se mala, peruisset ab iis oppugnari, sed tantum, quae fieret contra recte sentientes.* Crambem recoquere nos cogit Phereponus, & reponere, oppugnatam a Christianis fuisse non omnem persecutionem, sed eas tantummodo, quae exercentur in verae Religionis perniciem, ac in tutelam impietatis. Id ergo olim oppugnabant Christiani suis vocibus & scriptis, quod iniquissimum esse putabant, quum nempe ab impiis Ethnicis in Christianos recta sentientes fieret; aequissimum vero putabant, si pro veritate contra errorem factum fuisset. Quae haec quaeso umbra stultitiae? At inquit Phereponus: *Cupiebant Chri-*
stiani

stiani ab Ethnicis, dum Ethnici erant, omnem persequendi animum abjici; hoc est, se ab iis non venari, quamvis Ethnici crederent eos in errore versari, quod multis locis probari posset. Nos expectabamus testem, aut rationem aliquam, quibus demonstraretur, Christianos omnem olim, quaecumque esset, persecutionem detestatos. Phereponus affert id solum, quod in quaestione est. Multis locis, inquit ille, probari id posset. Cur tam avarus est, ut ne vovum quidem producat? At nos legimus Christianorum veterum Apologias, Justin, Athenagorae, Minutii, Tertulliani, Cypriani, & similia, & nihil tale reperimus. Toti illi sunt in demonstranda veritate & probitate suae Religionis, in calumniis evertendis, in Ethnicorum impietate ac iniustitia prodenda: quo facto rectissime concludebant, iniquam esse persecutionem, quam sustinebant, atque adeo ab ipsa cessandum.

At Phereponus, lubenter dimissis veterum testimoniis, mirabilem rationem loco eorumdem de suo penu educit, ita scribens: *Quod si Christiani persecutionem non improbabant, si modo a recte sentiensibus in errantes euceretur; oportuisset eos, si animum nudare voluissent, sic Ethnicos alloqui; Nunc quidem, dum infirmiores sumus, o Ethnici, a vobis dissensientes clementer ferri cupimus. Sed si quando rerum posicmur, ne fallamini, non eandem clementiam vobis praestare statuimus: Aras, Tempia, ac simulacra omnia evertemus, sacrificiaque vestra ita vetabimus, ut sacra Diis vestris facere vobis capitale futurum sit. Interea vos oramus, ut erga nos clementer vos geratis, dum superiores estis, quamvis, si unquam Imperatores Christianos habere possimus, vos quasi impios finis interfeturi, si Religionis vestrae cultum sueri velitis. Post hunc locum, quem integrum asserere placuit, ne sita in ipso victoriae spe fraudaretur Phereponus, nemo, si eidem credimus, non intelliget, aliter quam Augustinus sentire debuisse Christianos vetustiores. Haec enim, inquit Cenfor, sunt necessaria sententiae Augustinianae consecratio. Nos vero nullum aliud consecretarium tam elegantis orationis a Pherepono confectae videamus, nisi Phereponum ipsum in declamatoriis coloribus addiscendis non frustra collocasse tempus. Nam qui truxina severiore sententiam Augustinianam expendunt, haec tam necessaria consecratoria assequi intellectu non possunt. Primo ergo dicimus, veterum quoque Christianorum sententiam fuisse, licere Magistratibus legitimis coercere impietatem, ac superstitionem, quae vere talis esset. Pro iis multis locis, quibus contrarium ostendi posse, agebat quidem Phereponus,*
in spe-

in speciem minans, se non sine industria a proferendis abstinens, nos pauca dabimus. Justinus Martyr in Apologia secunda, quae nunc ab eruditis prima dicitur: *ἡμεῖς μὲν γὰρ πρὸς οὐδενὸς πείσασθαι τι κακὸν δύνασθαι λογιόμεθα, ἢ μὴ κακίας ὑπαίτιαι ἐλεγχώμεθα, ἢ πονηροὶ διεγνώσμεθα*, Id est: *Nostra*, inquit, *ratio est, a nemine nos quidquam mali pati posse, si non aut malefici coarguamur, aut pravi cognita causa judicemur esse*. Infra subdit: *Oramus, ut quae Christianis obijciuntur crimina inquirantur; atque si ita se habere probata fuerint, pro eo atque par est, puniantur, seu patius, acrius etiam puniantur*. Praecipuum autem crimen Christianis objectum, Impietas ac Irreligio fuit. Quare Justinus ab isto in primis purgat Religionem Christianam, ejusque cultores, atque doctrinam. In eadem verba scribit Athenagoras in Legatione pro Christianis. *Trium flagitiorum infamem rumorem de nobis spargunt: Impietatem, Epulas Thyestes, concubitus incoestos, ἀδιουγητα, Οὐσίτια δειπνα, οἰδιποδείας μύζας*. Quae si vera sunt, nulli vel senui, vel aetati parcite, ad poenas rapite, &c. Tum rogat, ut si commenta haec sint, atque calumniae, a saeviendo temperent contra justitiam. Rogat, ut de Christianorum vita inquirant, quam innocentem invenient, & de eorum opinionibus, quas veras & pias non cognoscere nequibunt. Impietatis autem calumniam sibi primo loco suscipit diluendam.

Num ergo persecutionem quamcumque, an illam tantummodo, quae contra probos, pieque ac recte sentientes fit, damnarent Christiani antiquiores, ex his judicent aequi Lectores. Tertullianus itidem, quamvis una cum aliis merito conquereretur, a Romanis Christianos propter diversas de Diis opiniones tam crudeliter vexari, quum tamen reliquis Philosophis in Imperio Romano liberum foret, quae vellent de Diis, & de Religione Ethnica sentire: idem, inquam, Tertullianus Cap. X. Apologet. agnoscit, Christianos jure ac merito fore plestendos, ubi falsa & impia esse ostenderetur eorum sententia de Diis. *Scimus*, inquit, *Deos non colendos. Itaque Sacrilegii, & Majestatis rei convenimur. Summa haec causa, immo tota est, & usque digna cognosci, si non praesumptio, aut iniquitas indicat: altera quae desperat, altera quae recusat veritatem*. En quo in loco statuatur ille totum quaestionis cardinem. In opinionum videlicet examine. Si vera de Diis sentiant Christiani; injusta vexatio fuerit. Sin impia & sacrilega; tum justa persequutio. Addit propterea: *Exigere debetis, uti probemus, non esse illos Deos, & ideo non colendos; quia tunc demum coli debuissent, si Dii fuissent. Tunc & Chri-*

Et Christiani puniendi, si quos non colebant, quia putarent non esse, constaret illos Deos esse. Quibus ex verbis plane videas, non solum non improbatas, sed probatas a veteribus Christianis persecutiones, quum contra errorem ac impietatem fiebant; quae ipsa Augustini sententia est.

Ergo non inquit Phereponus, quaecumque ab iis Christianis dicebantur contra persecutionem adversus se commotam, mala fide fuisse dicta. Damnabant ii atque detestabantur persecutionem injustam, qualis apertissime erat, quae contra eosdem fiebat; non autem damnabant, quae iuste fieri poterat contra patentissimam Ethnicorum impietatem. At Phereponus reponit: Ergo animus erat Christianis persequendi, quum possent, Paganos, & *oportuisset eos, si animum nudare voluissent*, ad Ethnicos loqui concinna illa oratione, quam nuper ex ore ipsius excepiimus, *aut certe nihil obstat, quominus eorum dicta sic interpretarentur Ethnici, si Christiani credebant, quod hisce temporibus credebatur Augustinus.* Mirum est, hominem acutum nondum perspexisse, aut perspicere non potuisse, quantum intersit inter sentientem, licere aliquid facere, & volentem, si ve cupientem facere id quod licitum creditur. Christiani veteres utique arbitrabantur, fas esse impios vexationibus moderatis ad meliorem sententiam incitare. At quis Logicam veram edoctus inde veluti necessarium confectarium deducat: ergo & cupiebant persequi impios? Innumera sunt, quae facere licet; & tamen homines facere neque cupiunt, neque volunt, quia & ipsum non facere licitum est. Ridiculum praeterea est, eam Christianis assignere orationem, quum Christiani illi nondum scirent, an opus aliquando futurum foret suppliciiis ad cohibendam Ethnicorum superstitionem, & an Ethnici omnes Christi Fidem ultro non essent amplexuri; & an Imperatores sibi addictos tam cito habitura esset Christiana Religio. Deinde num spectabat ad privatos Christi fideles dicere: *Nos statuemus, nos evertemus, nos verabimus, nos persecutionem faciemus?* Regum, non privatorum, ista sunt jura; & velle talia ad Reges pertinet, non ad subiectos. Neque adeo inepti erant Christiani illi, ut incertam voluntatem Imperatorum futurorum tam circumscripte, tam fidenter in Ethnicos interpretarentur, quum ne certum quidem sibi foret, quis rerum status futurus esset, quum Ecclesia hujusmodi Imperatores habitura erat. Quod ab Ethnicis interrogati respondere poterant, illud erat: An Imperatores, (si quando societas Christianorum habebit) contra vos asperi quicquam sint constituturi, nos

later. Scimus quidem, si id ab ipsis fiet, licite faciendum ex vestra ipsorum opinione, qua fas licitumque creditis impios & sacrilegos vexare, ut ad Veritatem assurgant. Quod est ad nos, paratissimi ad ostendendum sumus, & evidenter ostendemus, si nos audire sustinebitis, si aequas aures praebebitis rationibus, unam nostram Religionem Veritatis & Pietatis esse Magistram; atque adeo nullum vobis justum esse titulum tam crudeliter saeviendi in Christianam gentem.

Sed quod Phereponianae declamationis absurdum augeat, est comparatio instituta inter persecutionem ab Ethnicis in Christianos, & alteram a Christianis in Ethnicos commotam, quam postremam Phereponus invidiosissime commemorat, & lepide ex ipso Christianorum ore audire nos facit. Neminem ex Ethnicis interficiendum sanxere Christiani Imperatores, quod Ethnicismo adhaereret, quod Superstitionem minime ejurare vellet, quod Religionem Christianam non amplecteretur. Vel Honorii, & Augustini tempore ingens Paganorum copia pacifice agere sinebatur intra fines Imperii Romani, & in ipsa Urbe; immo ad Consulatum usque ascendebant Proceres aperte Pagani. Quid heic quaeso simile cum persecutione teterrima ab Ethnicis tandiu facta, cujus erat scopus invitas Christianorum voluntates, sine rationum pondere, & solo mortis metu, cogere ad abnegandum Christum, & ad colendos mortuos Deos? Quid ergo adversus Ethnicos ab Imperatoribus Christianis constitutum est? Nempe externum Ethnicae Religionis, sive ut melius dicam, publicum Superstitionis exercitium Caesarea lege interdictum, & capitale supplicium contra inobsequentes propositum fuit. Hanc legem *crudelem, & Christiana mansuetudine prorsus indignam*, Pherepono appellare placet. Verum vel ex ipsis Haereticis Principibus nemo licitum sibi nunc non putat, cum externum cultum publicumque exercitium interdicere illarum Religionum, quas impias & sacrilegas esse credit, tum inobedientes extremis plectere rigoribus. Petat homo ille a Batavis suis, ab Anglis, & reliquis Protestantibus, num id facere liceat, quando licitum sibi omnes duxerunt (in hoc tamen errantes) e suis proscribere finibus ipsius Catholicae Religionis exercitium: quam, utut caeco odio ferantur, comparare nunquam audebunt cum impia & manifesta Paganorum superstitione. Praeterea videat novus iste Patronus Ethnicismi, qui nunc audeat crudelitatis postulare Imperatores, quod in suo Regno tolerare noluerint publicum Idolorum cultum, quem tantopere execrantur divinae Litterae, & eradicandum jubet Deus; & non eradicare quum possis, crimen est, intacta
tamen

tamen in hominibus subiectis arbitrii libertate relicta. Talia ab homine Christiano, & nequaquam habere, expectanda non erant; eo-que minus, quod ipsos Christianos ita loquentes inducat, ut videantur liberas Ethnicorum voluntates olim coegisse ad Christi Fidem, & multis caedibus eorum fregisse contumaciam; quod falsissimum est.

Pergit Phereponus pag. 663., & adversus Augustinum demonstrare conatur, minime pertinere ad Imperatorum potestatem coercere, vel punire impios, & a Religione vera alienos. Inquit autem, summis Potestatibus demandatam solum fuisse Legum civilium, & publicae tranquillitatis tutelam, nullam vero societatem esse, quae iisdem Potestatibus detulerit *curam opinionum, praesertim Theoreticarum, ita ut eas sanciant, quae ipsis placebunt, proscriptis omnibus aliis, atque auctoritate sua, & armis, si necesse sit, e Republica eliminatis*. Tum addit, neminem tam insanum esse, qui putet sibi necesse esse sequi opiniones summae Potestatis; alioquin innumera inde consequerentur absurda. Sed quid attinet ultra immorari in illius rationibus referendis? Quaecumque ille habet, quadrare forsitan possunt in Batavorum, & Anglorum πολιτείας, apud quos saeculares Potestates, sive civiles Magistratus, sibi jus perperam arrogant dirimendi Religionis negotia atque controversias; & apud quos (si principia sequi velint, propter quae a Catholica Ecclesia sese disjungere licitum putarunt) nullis Conciliis, & ne ipsi quidem Ecclesiae suae, in Fidei causis, certa ab errore immunitas tribui potest. Apud illos, inquam, jure conqueri potest Phereponus Arminianus, quod Arminianos Haereticos Calvinistae potentiores minis & poenis olim a sententia dimovere voluerint, quum certe secundum eadem principia magis isti quam illi de veritate suarum opinionum certi esse non possint. Et nos habemus, quod Prudentius *πρὶ σπφ.* de Gallieni Caesaris edicto habet.

Damnes, si sapias, anile dogma.

Jussu est Caesaris ore Gallieni.

Quod Princeps colit, colamus omnes.

Verum haec neque in Religionem Catholicam, neque in Catholicos Imperatores quidquam conveniunt. Nemo nostrum dicit, nos sequi oportere summarum Potestatum Religionem, quaecumque sit; nam Regibus terrae nunquam Deus pollicitus est, eos in Veritatis partibus semper futuros, neque eorum judicio dimisit Religionis verae criterium. Ecclesiam dicimus audiendam & sequendam esse. Evi-

denter ostendimus, contra Ethnicos aliasque a Christo averfas gentes, veram in ista Ecclesia Religionem reperiri; & adversus Haereticos aequè evincimus, huic uni Ecclesiae concedendum, & obtemperandum esse in quaestionibus & judiciis ad Religionem pertinentibus. Huic igitur Ecclesiae ipsi quoque Reges parent, nihil in hoc a ceteris Christianis dissimiles; sed ipsorum Regum est cum Religionem istam veram, tum Ecclesiam ipsam, ejusque unitatem auctoritate sua tueri. Ut igitur verum est, summis saeculi Potestatibus nunquam concessum fuisse jus decernendae Religionis verae, aut ineluctabilis iudicii ferendi de opinionibus ad Religionem spectantibus; ita falsum est, ad summas ipsas Potestates non pertinere defensionem caelestis Religionis, & unitatis Ecclesiasticae. Primum Reipublicae vinculum Religio est; & nihil magis hominum interest, quam aut veram ipsam Religionem cognoscere, aut in ipsa permanere, quum & ideo in mundum invehantur, corporique copulae hinc peregrinentur animae, ut Deo vero serviant, & intelligant quid de ipso ejusque operibus credendum, quisve ei cultus sit exhibendus. Nemo ergo non videat, non a populis tantum, sed ab ipso Deo demandari Principibus curam arcendae impietatis, & servandae ac propagandae Religionis illius, quae certa & divina probari potest: quippe quod aperte in civilem animorum concordiam, in Dei honorem, atque in incredibilem utilitatem populorum post mortem, cura ista redundet. *Quis mente sobrius* (utar Augustini verbis, in Ep. 185. Cap. V. §. 20. olim 50.) *Regibus dicat: Nolite curare in Regno vestro, a quo teneatur, vel oppugnetur Ecclesia Domini vestri? Non ad vos pertineat in Regno vestro, quis velit esse sive religiosus, sive sacrilegus: quibus non potest dici: Non ad vos pertineat in Regno vestro, quis velit esse pudicus, quis impudicus? Usque adeo autem verum est, Religionis tuendae curam summis Potestatibus traditam, & velut a natura insitam esse, ut vix ulla ostendi possit Respublica, quae contra impietatem, contra violatores suae Religionis, Leges aliquas non condiderit, quamquam illa saepe Religio falsa ac sacrilega fuerit.*

CAPUT DUODECIMUM.

Posito in Regibus jure vexandi impios, nulla Christianis, aut saltem Catholicis imminere debent incommoda apud Ethnicos & Muhammedanos. Religio Christi manifeste vera, eamque sueri pertinet etiam ad Reges. Poenae utiles, ut Haeretici in veritatem attentius oculos convertant. Quam sanctitatem in subiectis exigere debeant civiles Leges. Diffensiones in Religione politico quoque regimini noxiae. Lactantii locus explicatus. Ecclesiae Catholicae aperta veritas, & potissimum in controversia cum Donatistis.



T, inquit Phereponus pag. 603. Si dixeris, non licere errantibus potestatibus facere, quod licet recte sentientibus, in labyrinthum inextricabilem te conjicies. Nam quis demum judicabit heic de errore? Credunt Ethnicici, credunt Muhammedani, credunt Haeretici Principes te errare, qui te putas recte sentire; ac proinde te venare debebunt, nisi forte velis tibi soli ab omnibus credi, a te vero nemini; quod furiosum esset. Quaestio nostra est, num Regibus liceat moderatis vexationibus impios & a veritate Fidei alienos sollicitare ad amplectendam Religionem veram. Magnum incommodum, si id licere affirmemus, inde minatur Phereponus; arrepta enim hac ipsa opinione, Ethnicici, Muhammedani, ac Haeretici Principes, quibus persuasum est, se bene sentire, ceteros vero a germana Religione abesse, in posterum sibi jus tribuent debacchandi in recte sentientes. Fateor & ego non leve futurum hujusmodi incommodum. Sed velim scire, num Phereponus putet, aliquid definere esse licitum ac bonum non alia de causa, quam quod eadem ipsa re impii & scelerati illicite ac male utantur, aut uti possint. Licita & bona est auctoritas legitimis Principibus delata puniendi fontes & facinorosos. Certe a sua bonitate jus istud non cadit, quod sive mali, sive errantes Principes infontibus quandoque noceant, aut nocere valeant. Religionem veram amplecti, defendere, persuadere ceteris, & propagare, optimum caeloque gratissimum est. Num idem dicendum de amplectentibus, tuentibus, suadentibus, atque propagantibus Religionem falsam, sive Superstitionem? Istudne malum facere potis est,

est, ut illud cesset, quod prius erat, bonum esse? Non ergo evincit Phereponus, injustam illicitamve esse impiorum & prave in Religione sentientium vexationem, eo quod eadem auctoritate possit & impius in bene sentientes uti. Sed eo semper deveniendum, ut quaeratur, quis veram tueatur Religionem, & quis ab ipsa aberrat.

Attamen, inquit ille, quis Judex erit? cui potius credendum? cur tibi uni credendum, quum tu nemini concedere velis? Quid autem aliud heic agit Phereponus, nisi se conjicere in intoleranda illa absurda, quae non ita pridem monuimus esse omnino vitanda? Nempe non sine gravi ignominia Christianae Religionis necesse est ille sibi fingat, ita doctrinae & Ecclesiae, quam Salvator tradidit, atque fundavit, occultam esse Veritatem, & lucem, sive tam parum evidentes parumque manifestas esse rationes Fidei nostrae, ut *furiosus sit* (verbis Phereponi utor) qui sibi Christiano ab Ethnicis, Judaeis, atque Muhammedanis credi, ipse vero nemini ex illis credere velit. Quis non miretur, ac doleat, ab homine, qui se Christianum dicit, furentes appellari Christianos, quum sibi de veritate Religionis nostrae tot ac tam invicta argumenta solidasque rationes proferentibus credi a ceteris volunt. Quid Christiani nominis hostes pro se in posterum non dicant, si nunc pertinaciae sui erroris ita plaudentes inveniant ipsosmet Christianos? Deinde ex Phereponi sententia consequens erit, excusandos esse, aut excusandos credere se posse, quibus Christi Religio non arridet, & contra Superstitio placet; nam de vera Religione nemo in terris Judex esse potest, & oportet, *unusquisque sequatur & faciat, quod verissimum & optimum, ex animi sui sententia, ei videtur*. Haec sunt Phereponi verba, post quae nescio, quei damnare ille amplius pergat immanem & injustam Ethnorum sive Judaeorum crudelitatem in Christianos, nedum justam & moderatam Catholicorum severitatem in aversos a Religione vera. Quippe tum his, tum illis optimum ex animi sententia videbatur persequi gentem, Deo, ut credebant, invisam; ipsique Deo se praestare obsequium arbitrabantur, quum a se dissentientes plestebant.

Reliqua perquam horrenda consecraria, quae hinc fluunt, iterum exponere opus non est. Intelliget ipse Phereponus, si animo minus nobis infenso in suarum opinionum effrenem licentiam inquireret. Quod si, ut Christiani toties ostenderunt, & facile adhuc demonstrare valent, evidenter Ethnici, Muhammedani, ceterique id genus homines Veritati repugnant; necesse est etiam, evidenter cognoscere

gnoscere possint, se in Iustitiam peccare, quoties Christianos sanctissimae Religioni addictos persequuntur, & persequi licitum putant. Neque porro minus constare potest, Haereticos in errore versari, simul ac eorum doctrina & credendi methodus, exigitur ad constantissimas ac certissimas regulas Catholicae Fidei. Quae quum ita sint, ubi Principes Ethnici, Muhammedani, ac Haeretici vexare instituant Christianam atque Catholicam gentem, tanto se crimine illi obstringent, quantum crimen est apud Deum, ab ipsa Religione Christi & ab Ecclesia Catholica abesse ac defecisse. Catholicis vero tunc exferendae sunt rationes quum Fidei nostrae, tum alienae iustitiae: quibus si nihil proficiatur, & errare ac saevire pergat caecus persequutor: arma patientiae tum expedienda sunt, & illa Apostoli verba alte animo committenda: *Omnes qui in Christo pie vivere volunt, persecutionem patientur.* 2. Tim. III. 12. Non alia ratione, non alio clypeo sese tutati sunt veteres Christianae Religionis Athletae.

Sed nullamne, inquires, curam Religionis gerere debent Principes? Ita se interrogat Phereponus, atque ita sibi respondet pag. 603. *Maximam & quae in hoc potissimum sita est, ut ne quis Religionis causa alium venet aut male habeat, &c.* Ne nos quidem dicimus, vexari quemquam Religionis causa debere sine auctoritate Principis. At hoc missum faciamus. Si igitur Phereponi iudicio standum est, nullam fere aliam Religionis curam gerere Principes debent, nisi ut cuicumque subiecto liceat quam velit Religionem pacifice tueri. Dum sibi legibusque civilibus morigerum habeat populum, cetera Princeps contemnat, & pro nihilo ducat, Deum blasphemari, sacrilegis ritibus creaturas adorari, Christum fabulis accenseri, ejusque veram Ecclesiam, & Sacramenta ut lubet proscindi. Scilicet, si Pherepono credimus, nullam ferme Religionis curam gerere debet Princeps, sed tantum politicae ac temporalis tranquillitatis, quam diversarum Religionum causa turbari ipse nunquam sinet. En ut solum temporalia Phereponus sapit. Sed oblitus est, ut puto, in sacris Litteris Mosem, Phinees, Heliam, Jehu, Ezechiam, Josiam, & alios laudari propter pietatem, quod aut lucos, & Tempia Idolorum disjecerint, aut impiis sublati cultum ac Religionem Dei veri propagarint. Oblitus est, Religionem praecipuum esse bonum humani generis, politice etiam considerati. Neque perpexit, aliter Regem, quia homo est, aliter quia Rex est, & Rex Christianus, inservire Deo, ac aeternae hominum felicitati, debere. Quod si hominum singulo-

rum

rum virtus est, & quiddam etiam debitum, Veritatem cognitam propagare, ac bonum diffundere, erroremque atque superstitionem auferre: quanto magis Regum munus id erit, quorum curae tradita est vera populorum felicitas, quorum auctoritati demandatum & vitia emendare ac evellere, & virtutes, quarum prima Religio est, conservare, poenis quoque, si res poscat, adhibitis?

At, reponit Phereponus pag. 604. *nulla alia tutela indiget Veritas, nisi ut ei liceat luce propria fulgenti oculos hominum ad se convertere, & firmis rationibus animos eorum allicere. Nulla erroris oppugnatio certior est quam ut perspicue confuteretur, & libere rettegantur hallucinationes. Sic ergo faveant Magistratus Veritati, sic Errori adversentur. Ubi cumque utrumque licebit facere, brevi de Errore Veritas triumphabit.* Profecto & nos dicimus, nullam erroris oppugnationem esse validiorem, quam ut perspicue is confutetur; immo nullam aliam ejus oppugnandi rationem legitimam nos novimus, quando ipsas errantium vexationes ideo solum probamus, quod a veritate devii per eas fieri soleant attentiores ad perspicuos errores. Nulla autem alia tutela, quam confutatione errorum, juvandam esse Veritatem, & etiam si nil aliud agas, brevi de Errore ipsam esse semper triumphaturam, suadere quidem, sed nobis nunquam persuadere Phereponus poterit. Nimum in nostros omnium oculos experimenta contraria, eaque passim, & omnium temporum, incurrun. Certe arbitretur, ut puta, Phereponus, cum Veritate consentire Arminianorum opiniones. Eisdem porro perspicue exposuerunt Arminius, Episcopus, Grotius, & alii non pauci; contrarias quoque rationibus variis infectati sunt iidem. Nunquid vero in Arminii sententiam ingenti copia concessere conterranei saltem Calvinistae rigidiores? Nunquid Calvinii dogmata de Lutheri erroribus hucusque triumpharunt? Num de ipsis Idololatriis, atque Judaicis, quibuscum versantur Batavi? Alia innumera exempla praetermitto. Aut ergo fateatur Phereponus, veritatem sibi suisque deesse (quod nos credimus): aut intelligat, non sufficere interdum veritatis praedicationem; sed moderatas quoque & opportunas vexationes non parum prodesse ad effringendam pertinaciam & caecitatem, quam Veritatis praedicationi opponere solent errantes. Neque solum obduratae persistant in veteri errore mentes, sed quotidie in novos alios diffundunt, in Haereses, in Schismata, in Scepticismum ac Atheismum ipsum, si nullo freno, si nullo terrore compescantur. Non ergo Veritatis, sed Erroris conservatio & propagatio ex ea licentia, & pace dima-

nat,

nat, quam Phereponus tantopere extollit atque commendat. Confutatione autem non indiget, quod subinde ille in culpam potius Christianorum, quam in vitiosos Ethnicorum affectus, rejiciat seram post Constantinum ipsum de Ethnicismo victoriam. Nemo rerum causas intime percrutetur, & Historiam calleat, secumque reputet, quid ante & post Constantinum, & nostra etiam tempestate, factum fuerit, & fiat: cui statim innotescere non possit, quam leviter, quam sine pudore, & quanta cum infamia Christianae Religionis, atque contemptu veritatis, talia nunc a Pherepono obtrudantur.

Infra contendit idem Cenfor, imperite ratiocinari Augustinum, dum in Haereticos, atque in impias dissensiones iuste exerceri posse rigorem legum putat, quia Apostolus inter opera carnis enumerat *fornicationes, immunditias, contentiones, aemulationes, animositates, dissensiones, & haereses*. Inquit ergo Phereponus: *Quis ignorat, quaecumque Evangelicis Legibus damnantur, & quae praesertim Paulus loco ab Augustino allato perstringit, civilibus legibus nec solvere plecti, nec posse?* Tum addit, *Leges civiles esse hominum conditioni attemperatas, nec ab iis eximiam quandam sanctitatem postulare, sed tantum eam virtutem, sine qua Civium societas incolumis esse non potest*. Augustinus locum Apostoli attulerat, ut ostenderet, Haereses, & Schismata, & dissensiones in Doctrina Fidei, iniquitatis esse fructus. Quum vero Idolorum cultores iuste puniri posse Donatistae faterentur: hinc Augustinus Haereticos quoque merito vexari atque coerceri posse inferebat. Phereponus contra neque Haereses, neque Idolorum cultum inter ea crimina recenset, propter quae a civilibus Legibus sunt homines male habendi. Quod quum audio, mihi videor audire hominem nulli Religioni addictum, aut certe a veritate Religionis Christianae alienum, qui iura duntaxat politica atque temporalia populis praescribat, nihilque de Religione vitiosa vel falsa curandum esse summis Potestatibus dicat. Sed nos respondemus, pleraque ex iis, quae per Apostolum damnantur, civilibus Legibus posse, ac solere interdici atque puniri, praesertim si haec vitia potiore populi partem occupent, aut in immodicos excessus erumpant. Deinde dicimus, Idololatriam, Impietatem, Haereses, & Schismata, mala omnium gravissima esse. Quare ubi populi & Reges in Christi Religione & Ecclesia descripti sunt, hoc est qua Christiani sunt, & auctoritate eminent, quantum possunt studere debent, non solum ut ne tantum bonum inter cives pessum eat, sed etiam ut perditum recuperetur. Nunquid enim liberum esse, & licere im-

pune cuicumque debet vel temerario vel deliranti, frangere divinitus datas Religionis verae Leges, & caelestia Dogmata falsi arguere, & impiis opinionibus animos hominum corrumpere, & Deum blasphemis appetere, & Sacerdotibus a Deo constitutis negare obsequium, & recte sentientes erroris per calumniam arguere, & diffidiis prout lubet unitatem Fidei atque Ecclesiae disrumpere, populumque aut exemplo aut praedicatione in errorem ac impietatem impellere? Quid fiat de sanctissima Religione, si nullo freno compescenda est ingeniorum licentia, atque animorum corruptio? Uti que civiles Leges eximiam quamdam sanctitatem a populo non exigunt, & humanae infirmitati indulgent. Sed qui a germana Religione abest, & Idolis famulatur, & ambitioso Schismate dilaniat Ecclesiam Dei, non solum mediocri illa sanctitate caret, sed execranda impietate abundat, a qua nisi ante mortem se expediat, neque ipsi proderit mediocris sanctitas, neque ulla virtus. Nequit autem fieri, quin & civilis societas ex his etiam dissensionibus aliquas tandem contrahat rimas, & potissimum si scriptis & eruditione error invadatur, veritas depraedicetur: quod facere jubentur Christiani manifesto suae Legis praecepto, & Caritatis consilio, & Iustitiae fiducia. Etenim aegre fert unusquisque, se Deo invisum credi propter suas opiniones, impiumque idcirco, & Antichristum, & errantem sese appellari, sibi que aeternae mortis poenas ab aliter sentientibus deputari. Hinc odia, similitudines, atque contentiones, quas nulla Historia non refert, ipsaque experientia nunc etiam abunde testatur. Quid, quod ab Evangelica ipsa Lege jubemur Haereticos, & impios, devitare, atque ab eorum abstinere commercio, nisi aliud necessitas politica suadeat? Plerique autem Politicae Disciplinae Magistri satis ostendunt, Religionum diversitatem civili etiam Regnorum tranquillitati, & concordiae nimium nocere. Quis igitur injustitiae postulare audeat Reges auctoritate sua usos, ut una vera Fides propagetur, ut error proscribatur, ut unitas Religionis & Ecclesiae custodiatur, sive instauretur, atque ut legitimus Christi grex in mille Sectas Opinionesque contrarias atque absurdas pro hominum arbitrio quotidie non scindatur; quod fieri, si Phereponianis consiliis contenti sumus, facillime potest ac solet?

Alia sunt, quae congerere me vetat alio festinans oratio. Sed reponit Phereponus ista Lactantii verba e Lib. 5. Cap. 19. mihi 20. Div. Inst. *Defendenda Religio est, non occidendo, sed moriendo (monendo habent alii Codices); non saevitia, sed patientia (sapientia*

sia

via habent alii Codices) non scelere, sed fide. Illa enim malorum sunt, haec bonorum &c. Nihil est tam voluntarium, quam Religio; in qua si animus sacrificantis aversus est, jam sublata, jam nulla est. Haec, ut opinor, loca illa sunt veterum Scriptorum, quae nuper aiebat Pheareponus, se posse, at nolle producere in suae sententiae tutelam. Non dissimilia ex Arnobio petere potuit, hoc est ab eisdem Lactantii Magistro. Equidem excipere possem contra istorum Scriptorum auctoritatem, quae inter Christianos tanti, ut constar, non est, & cui graviorum Patrum sententiam opponere liceret: attamen respondere juvat, talia quidem posse convenire in Ethnicos, non autem in Catholicos Principes. Illis una cura erat Christianam gentem non monitis, non rationibus, non doctrina, sed caedibus, & immanibus tormentis vincere. Christiani vero Principes gentem nondum Christo deditam non sine persuasione, argumentis, & Caritate ad rectam Fidem pertrahere conantur. Si aliqua vi interdum utuntur, & vexationibus, moderate & ex amore utuntur, qualis poenarum usus deceat Patrem, ac Principem amantem, non crudelem Tyrannum. Et ne nos quidem eos umquam occidendos profiteamur, ideo duntaxat quod a nobis diversa sentiant: quippe nostra quoque sententia est, Religionem voluntariam esse debere.

Quamobrem nihil heic simile habet Catholicorum Principum usus cum terribili Paganorum impotentia atque crudelitate; neque Lactantii sententia excludit salutarium poenarum usum, quem in parentibus vel amantissimis contra filios reluctantes atque errantes nemo est qui vituperet aut damnet. Lactantius vero, atque Arnobius, nihil aliud detestabantur, quam vim sine persuasione & ratione adhibitam, & vim crudelissimam, quae invitis voluntatibus Religionem ingerat. *Non audens*, aiebat eodem loco de Ethnicis Lactantius, *quidquam de rebus docere divinis, ne & a nostris derideantur, & a suis deferantur*. Furor & saevitia pro rationibus erant. Igitur quamvis statuamus, uti revera statuendum est, Religionis verae electionem voluntariam esse debere, atque ad illam invitos homines non esse adigendos; adhuc tamen statuendum est, licitum esse ac saluberrimum severitatis usum, qua homines urgentur, ut falsam Religionem, impietatem, erroremque suum animadvertant, veramque Religionem rationibus victi libere ac voluntarie postea amplectantur. Hoc est, etiamsi voluntarium esse debeat, Virtutem & Religionem veram sequi, nam sine voluntatis consensu Virtus nulla est, atque Religio; attamen liberum esse cuicumque non debet in vitia

voluntarie ferri, in impietate pacifice vivere, & a Veritate, sanctaque Religione pro suo arbitrio deficere. Postremum hoc ostendat Phereponus; ostendat, liberum esse debere cuicumque maxima ignominia afficere Deum, & abuti sua potestate illum, qui ab impietate, ac errore omnium perniciosissimo per aliquas molestias revocare conetur subjectam gentem, ipsamque facere Deo amicam; demonstret, praeter jus & fas agere, qui moderato rigore cohibeat arrogantes, ignaros, & scelestos, quominus a veritate ac unitate Catholicae Ecclesiae tanti facienda sese libere divellant, & Schismata ac Haereses ita Deo invisas consent. Denique respondeat Patribus, & Augustino in primis, tanta argumentorum copia id licere, & laudandum esse ostendentibus. Sed ille rem consecisse se putat, quod unum aut alterum ex iis argumentis cursim, ut haecenus vidimus, arrodat.

Incommoda interim nobis ille minatur ex hujusmodi sententia. Verum haec abesse debere dicimus, quia dum attente rationes expendantur, constare potest, & re ipsa constat, quanam sit vera, quanam falsa Religio; quo posito nemo nisi caecus & summe impius persequi potest Religionis verae cultores. Eo tandem illi necesse est dilabatur, ut neget constare posse, siue dicat incertum esse, cuinam sit germana Religio. Nos contra id falsum esse ostendimus ex absurdis, consequentibus hujusmodi sententiam, Stoicis, Symmacho, aliisque recentioribus non ingratam. Provocamus deinde ad experientiam, immo ad ipsum Phereponum, qui negare nequeat, quin falsitas cujuscumque Religionis a Christo averse evidenter intelligi possit. Quod si Ethnicis, Muhammedanis, atque ipsis Haereticis id non constare dicatur, ii monendi sunt, ut attentius rationes Catholicorum audiant, & aequius judicent. Sin errorem vel his auditis fovere pergant, ii non placide ferendi sunt, qui ex affectu pravo ac pertinacia videre nolunt, quod aequus omnis judex videat. Non autem damnandi, qui temperata aliqua vexatione illos urgent ad intuendam veritatem nostrae Religionis, & errorem suae. Immo commendandi, qui recta in Religione perstant, rationibusque, ac persuasionibus, & praedicatione non minus demonstrare, quam propagare conantur rectam hanc Religionem, & salutare etiam severitate ex officio Caritatis in subjectam gentem uruntur, ut ista aut erudiri ad ipsam Veritatem, se patriatur, aut ad ipsam Veritatem, quam temere deseruit, se rursus restituant.

Quod est ad Augustinum in Donatistas agentem, nihil evidentius est, quam ipsum pro bona causa adversus errorem scripserit, & mo-

& moderatum rigorem Legum jure ab ipso fuisse probatum. Lepidum autem se nobis exhibet Phereponus, quum pag. 493. in notis ad Aug. Epistolam XCIII. argumenta ejusdem pro aequitate perfectionis in Donatistas facta his verbis amoliri nititur. *Heic & ubique statuit, atque adsumit pro comperto Augustinus, quod in controversia erat positum, suam nimirum Ecclesiam fuisse unam, exclusis Donatistis, Christi Ecclesiam. Non equidem probo Donatistarum Schisma, sed cum illis disceptanti absurdum fuit perpetuo id adsumere, quod praefacte negabant.* Is fuit Donatistarum error, ut illius Schismatis injustitia facilius, quam aliorum complurium, liquido se prodere posset. Pleraque aliae controversiae inter Christianos in Juris & Opinionum discordia versantur. Illa in Facti contentione potissimum sita erat; quare civili etiam Judicio dirimi, ejusque aeternae ad formam juris communis absolvi, sive damnari poterant. Et re ipsa, ut unum hoc dicam, Caecilianus non semel objecta sibi crimina purgavit cum in Imperatoris aula, tum in Conciliis Episcoporum. Nisi Donatistarum velaniae aliter visum fuisset, jam sublata erat Schismatis causa. Id aequus omnis rerum aestimator tunc perspiciebat; nunc aperte idem nos perspicimus; & ipse Phereponus non heic tantum, sed alibi quoque Donatistarum Schisma improbat. Quid est ergo, quod idem Phereponus adversus Augustinum nunc habet? *Assumit Augustinus pro comperto, quod in controversia erat positum.* Hoc est, male Augustinus contendit, justam esse in Donatistas Legum severitatem, quia nondum ostendit, injustam esse ipsorum Donatistarum secessionem, & Haeresim. Qua in re lepidum, ut dixi, nobis se praebet Phereponus. Nam si constat illi, aequae ac reliquis nostrorum temporum Christianis, inique Donatistas delirasse: cur nunc ille petit, ut eadem veritas ab Augustino demonstratur? sive indignatur, quod demonstrata non fuerit? Si hoc unum (ut jure vexatos Donatistas intelligamus) Pherepono, & nobis deest, nempe intelligere prius, an Donatistae a vera Ecclesia exciderint: jam Pherepono, jam nobis id certum est atque compertum. Ergo hinc arguere, Pherepono non repugante, debemus, merito exagitatos fuisse Donatistas protervos, & injustae secessionis reos. At, inquit ille, Donatistae hoc praefacte negabant; & Augustino demonstrandi onus incumberebat. Quid hoc quaeso ad nos? Non Augustino jam e vivis sublato; sed nobis viventibus persuadere Phereponus cupit, justum vocari non debuisse adhibitum adversus Donatistas rigorem, quia Donatistae se perperam egisse praefacte negabant, & Augustinus

gustinus eos rationibus non convincebat. Ergo nos, quum vel ex ipsa Phereponi confessione liqueat, perperam Donatistas egisse, ideoque superfluum sit id ab Augustino demonstrari: nos, inquam, judicare debemus, justis legibus compressam fuisse Donatistarum amentiam, licitamque fuisse persecutionem illam, alioqui moderatam, scilicet, ut cum Augustino loquar, *potius admonerentur ab errore discedere, quam pro scelere punirentur.*

Inquit porro Phereponus, quidquid sit de confessione mea, absurdum semper fuit Augustino id assumere pro comperto, quod Donatistae negabant. Mihi autem mirum videtur, hominem hunc tam inani censuratum genere delectari, & distingere Lectores. Quotus enim quisque est, qui nesciat, quot scriptis & argumentis, & quam evidenter Augustinus, vel antea quam Epistolam XCIII. scriberet, Donatistarum sophismata, & errores disjecerit? Deinde in eadem Epistola ad Vincentium id praecipue quaerebatur, num persecutio omnis illicita sit; Augustinus autem ostendit, eam esse laudandam, quae pro Veritate contra pertinaciter errantes ex officio Caritatis instituitur. Tandem in ipsa eadem Epistola multa habet Augustinus, ex quibus intelligere possit quilibet veri amator, justitiam a Catholicis, culpam a Donatistis pervicacibus stetisse. Quamobrem, tamen Augustinus nihil in ea Epistola attulisset pro bona Catholicorum causa, absurde non egisset; quanto autem minus absurde egisse dicendus est, quum & ibi unam Catholicorum Ecclesiam ostenderit esse Christi Ecclesiam? Si Donatistae id praeferre negabant: num propterea minus nocentes erant? Num eorum negatio vim Catholicarum rationum frangebat? Minime gentium. Nunc illius controversiae judices sunt aequi Lectores, & victoriam sine dubitatione adjudicant Catholicorum parti. Idem quoque judicabunt, num Phereponus quidquam solidi haecenus depromserit, quod negotium facessere possit Augustino affirmanti, moderatam errantium in Fide, & deficientium ab Ecclesia vera, vexationem licitam esse. Et tandem, ut spero, animadvertent, non Augustinum pro comperto adsumisse, quod in quaestione erat, sed quidem Phereponum graviter errare, quod semper pro comperto adsumat, veram Religionem, & germanam Christi Ecclesiam certo cognosci, atque evidenter apparere non posse in terris, atque eodem jure praeditos, & in eodem incertitudinis loco esse quoslibet hominum coetus, quod est ad Religionem.

CAPUT DECIMUMTERTIUM.

In Judaeos, Ethnicos, & Muhammedanos minus aspere agendum Catholicis Regibus. Rigidius habere Haereticos fas est. Et in eos tamen spiritus lenitatis est reserendus. Haeretici meri, Haeretici seditiosi. Postremi poenis gravibus digni, sed non fingenda crimina. Haereticos alienae ditioni subditos plectere non licet. Errantes alii pertinaces, alii dociles. Inter primos mitius habendi, qui cum lacte biberunt errorem, quam qui ultro errorem adsciverunt. Assamen & heic audiendae Caritatis voces, misericordiae futurus locus. In errantes non pertinaces clementius agendum. Quae regulae Judicibus Catholicis heic futurae.

DIXIMUS hactenus, licitam esse temporalem vexationem errantium in Fidei Doctrina, ut ab errore ad veritatem assurgant. Non tamen diximus, licere semper, multoque minus diximus, semper debere Principes pari severitate mederi animis aegrotantibus. Etenim quod est ad eos, qui foris sunt hoc est Ethnicos, Muhammedanos, atque Judaeos, & si qui sunt horum similes; Principi non licet eosdem afficere suppliciis, & urgere aspere ad veram Fidem amplectendam. Fas est quidem publicam professionem, & externum Superstitionis exercitium iis interdicare, privilegiis in reliquos effusis eos privare, atque etiam, dum converti nolint, & Regibus commodum videatur, e Regno dimittere & expellere, ut a Religionis verae cultoribus illorum sedes justius ac utilius occupentur. Ceterum nocere eorum vitae, eorum corporibus, eorum fortunis, illa dumtaxat de causa, quod in errore pertinaciter versentur: a Catholicae Ecclesiae doctrina nimium abhorret. Si qui auctoritate sua, in Americanos praecipue populos, abusi sunt; Religionis titulum impotentiae ac avaritiae propriae obtendentes: ii non solum apud omnes male audierunt, sed Apostolicae etiam Sedis oraculo compressi sunt.

Quod est ad Haereticos, quos Ecclesiae subdit Baptisma Christi, nos aliis juribus utimur. Profecto ubi intelligas, esse veram apud Catholicos Ecclesiam & Religionem Dei, idque demonstrari posse statuas (quod certe nos statuimus): illico Justitia & Caritas postu-

postulant, ut nulli curae parcas, quo tantum bonum in populis; jam illud libere amplexis, factum testumque tueare. Abominandae perduellionis crimen est, a veritate jam sulcepta deficere, & in errores perniciosissimos sese conjicere. Tum quis ferat intolerandam illam ambitionem, quae & Ecclesiam discindit, & aspernatur datam divinitus Sacerdotum choro, summisque Pontificibus auctoritatem? Magni sceleris reos nemo eos non agat, qui non errasse contenti, alios quoque in Fide & Veritate stantes, aut praedicatione errorum, aut exemplo, polluere & seducere nituntur; & aures ad Veritatis argumenta, ad monita Pastorum, pertinacissime claudunt; & infamant innumeris modis, ridendamque exhibent veram Christi Religionem atque Ecclesiam. Heic frenis indiget humani Arbitrii libertas; heic ipsis hominibus expedit Legum rigore ac terrore compesci; atque ut laudandae sunt Leges, quae nos impie agere vetant, ita commendandae, quae nos impie credere ac sentire non sinunt. Si rationes, si persuasiones, aliaeque mitiores Artes nihil proficiunt: non irascendum Medico asperis utenti remediis, ut sanet; sed aegrotorum pertinaciae, se aliter non permittentium sanari, succensendum est.

Neque tamen heic ego sum, ut suadeam, Haereticos ab Ecclesia damnatos, morte ipsa esse multandos. Mihi potius & unice sumo, commendare & suadere summis Potestatibus moderationem hac in re & mansuetudinem Sancti Augustini, cujus nunc negotium agitur. Certe ille semper absuit a suadendis extremis suppliciis in Haereticos vel pertinaces. Quae adhibere quanquam multorum sententia & liceat, & profit interdum, attamen ab ipsis quantum fieri potest abstinendum, & solícite Principibus cavendum est, ne aut Justitia, aut Caritas in eorum usu quidquam laedantur: Ecclesiasticorum autem omnium esse puto, Legum justitiam hocce in negotio mitigare potius, quam accendere, & *spiritum lenitatis* ab Apostolo commendatum, non vero saevitiam ubique prodere; & meminisse, *Ecclesiasticam lenitatem, Sacerdotali contentam iudicio, cruentas refugere ultiones*, uti ait S. Leo in Epist. 93. Tantum autem abest, ut Ecclesia suadeat extremam severitatem: in devios a Fide, ut ab ipsis sacris arceat religiosos viros, talia suadentes, aliquove pacto in iudicium mortis influentes. Ideoque vel quum incorrigibiles atque damnatos Haereticos saecularibus iudiciis tradit, obsecrat, ut leniter in ipsos agatur: quod vellem, semper ex animo, & non interdum ex consuetudine, per nonnullos factum fuisset. Quanquam enim dica-

dicamus, Judices, Principes, & Reges contra jus fasque non agere, quum in Haeresi & impietate obfirmatos, aliorumque seductores, extremis etiam plestunt poenis: & quanquam fatendum sit, nimiam humanitatem, ac impunitatem errantium ad errores & crimina multiplicanda inservire, & idcirco necessarius sit Legum terror, & iustissima sit poenatum temporalium severitas: nihilominus ad neminem magis, quam ad Christi Sacerdotes pertinet, mitiora semper consilia eligere & praebere; atque obitare ne plus quam deceat, & expediat, & aequum sit, in hujusmodi hominum genus saeviat Saecularis potestas. Dicam enim cum Apostolo Heb. V. 1. *Omnis Pontifex ex hominibus assumtus, pro hominibus consuevit in iis, quae sunt ad Deum, qui condolere possit iis qui ignorant & errant, quoniam & ipse circumdatus est infirmitate.*

Itaque primo animadvertendum est, duplici de causa reos esse posse Haereticos. Altera est Haeresis ipsa, sive error in Fidei doctrina, & dissensio ab Ecclesia vera. Altera est seditio, & contemptus civilium Legum. Quoties ab obsequio & obedientia Regum, quam exigunt Politicae Leges, Haeretici deficiunt, aut societatis civilis jura turbant, & sese mergunt in horrenda flagitia: tum non secus ac alii seditiosi plestendi sunt, & coercendi, Pherepono ipso consentiente atque laudante. Ex hoc potissimum capite quasdam Haeticorum Sectas & caedibus, & exiliis aliisque gravibus poenis affectas ac dissipatas novimus, sine crudelitatis nota sine vituperio Principum & Judicum. Nam quae bene constituta Respublica ferat Manichaeorum, Adamitarum, Fratricellorum, Quietistarum, aliorumque hujusmodi pestium sordes, si vera sunt, quaecumque de iis feruntur? Quis jure non abjiciat ac evellat de Regno suo opinionum illarum fautores atque praecones, quae moliantur Atheismum, quae licentiam peccandi faciunt, aut ad ipsam citatis equis trahunt? Donatistarum autem crudelia facinora tum in Catholicos, tum in seipsum, & Caesarearum Legum auctoritas conculcata ab ipsis, nimium vulgata sunt in Ecclesiasticis Historiis. Eadem de Albigenibus dicas, de Anabaptistis, de Hussitis, de Puritanis, aliisque hujusmodi Haeticis. Quod enim est ad Calvinianos, qui tamdiu Galliarum Regna infecerant, & seditionibus turbisque vexarunt ac dividerunt, legendus est integer non ita pridem editus Liber a doctissimo quodam Scriptore Gallicae Congregationis Oratorii, & subiectus Libris postumis V. Cl. Thomassinii de *Editis aliisque rationibus conservandae unitatis in Ecclesia Catholica.*

Nescio igitur, qui expostulare de Regibus atque Principibus possit turbulatum hoc hominum genus, si poenis gravibus, si exilio, si gladio mulsetur. Num ignorant, quantopere Apostolus, & recta Ratio nobis commendent, parere & obsequi summis Potestatibus? Tanta vis est illius legis, ut ne ipsis quidem Catholicis Religionis causa vexatis liceat seditiones constare, & a Principum obsequio desciscere, & Politicas conculcare Leges. (*) Fides, inquam, servanda Regibus & Principibus vel impiis & Haereticis: neque eorum usurpanda jura, licet illorum Legibus Catholici non teneantur quidquam facere contra ipsam suam Religionem atque conscientiam; tunc enim non tumultus excitare, neque armis se tueri, sed collum dare gladio jubentur, potius quam iniquis obtemperare praeceptis. Quanto autem magis intolerandi sunt, qui talia audent contra Dominos suos legitimos pro errore ac impietate tuenda? Heic autem meminerint Reges, non consista crimina, non somnias seditiones, non falso attributas conjurationes esse puniendas. Politicas, inquam, causas minime veras adsciscere nefas est, ut speciosius alienae Religionis homines vexentur, & Religio invisa eliminetur. Quo titulo videant Angli, num sui Majores unquam peccarint, quum tot Catholicos suppliciis, exilio & morte affecerunt; quanquam nullum aliud istis fortasse crimen foret, nisi eam ipsam Religionem sancte profiteri, quam a Romanis Pontificibus olim Britannia acceperat. Ubi vero ejusmodi criminibus Haeretici sese re ipsa obstrinxerint, modo eorum animi ad rebellionem seditionesque nimium proni alioquin non inveniantur, & dum clementia Principum in Regni & Religionis perniciem minime redundare possit, indulgentia invitante reos ad scelera nova: a mansuetudine Sacerdotum non abhorret, immo cum ipsa penitus consentit, veniam interdum pro illis & poscere & impetrare. Legatur in hanc rem Epistola 127. Augustini, qua Donatum Africae Proconsulem rogat, ne pro meritis facinorosi Donatistarum factionem corrigat. Legantur etiam Epistolae 158. 159. & 160. Nemo autem, ut arbitror, erit, qui his lectis non laudet ac amet Augustini aliorumque Catholicorum in Africa Sacerdotum lenitatem, & contra non irascatur Pherepono, indigne non uno in loco habenti Augustinum Christi Sacerdotem apud Saeculares Judices agentem, ut mitibus potius quam atrocibus poenis Donatistarum comprimeretur infamia.

(*) Consulendus prae ceteris doctissimus Jacobus-Benignus Bossuet Meldenis Episcopus, hocce argumentum egregie, petraflans contra Ministrum Jurieu in Opere cui titulus: *Cinquieme Avertissement aux Protestans sur les Lettres du Ministre Jurieu.*

Alii sunt Haeretici, quos aut voluntas bene composita, aut vñ rium defectus ab instituendis Seditionibus abhorrentes fecit. Unum in eis crimen Error, Schisma, & Haeresis. Gravissimum sane crimen in Deum, in Veritatem, in Ecclesiam, atque in se ipsos; sed non semper, non ubique, non in omnibus, pari suppliciorum ratione, atque asperitate plestendum. Varia itaque heic nobis consideranda veniunt. Primo, nefas est Regibus atque Principibus Haereticos alienae ditioni subditos, sibi que nullo jure obligatos, ea tantummodo de causa, quod Haeretici sint & ab Ecclesia Catholica averfi, aut bello invadere aut ulla afficere molestia, sive intra sive extra fines Regni sui, dum constitutis legibus politicis iidem intra Regnum se alioqui inobedientes non praebeant. Hos nequaquam idcirco laedendos, cum Evangelica doctrina, tum recta Ratio, & jus Gentium satis ostendunt. Illud etiam inter Catholicos compertum, iisdemque niitur fundamentis, non licere summis Potestatibus frangere fidem datam Haereticis subditis, nedum ab aliena ditione pendentibus. Pactis, inquam, foederibusque standum est cum ista quoque gente percussis, eique religiose servanda fides, ac si nostra cum Religione omnino sentirent; neque aliis de causis recedere a promissis licebit, quam quibus recedere fas est inter ipsos Catholicos secundum jura Gentium atque Naturae.

Secundo, distinguenda est errantium cohors in pertinaces, ac minime pertinaces. De pertinacibus sermo nunc sit. Magna est utique hominum calamitas, in errorem labi; sed magna iniquitas, animum in ipso obfirmare velle. Quanquam enim ideo in sententiis absurdis, falsis & impiis persistant non raro homines, quod ipsas sententias & rectas, & veras, & pias arbitrentur, atque idcirco, si non excusatione, at certe miseratione aliqua dignos se praebeant; nihilominus alia ex parte effugere non possunt abominandi criminis culpam. Facit nempe eorum arrogantia, eorum superbia, atque temeritas, ne errorem ultro adscitum ponant, atque in castra veritatis immigrant aliquando. Et cur non appellemus temeritatem atque arrogantiam, suam, hoc est fallacissimi hominis praeferre, immo opponere opinionem judicio Ecclesiae Catholicae, Pontificum Maximorum, Conciliorum, & Episcoporum, quos tamen Deus Judices nobis reliquit in Fidei controversiis, & ad eos audiendos ire nos jussit in ejusmodi causis? Nam quod ajunt, & contendunt, ipsam Ecclesiam erroribus esse obnoxiam, nihil aliud est, quam sibi adinere viam omnem erroris dignoscendi, & assequendae Veritatis, quam

quam tamen unam Christus ipse nobis in hac mortali vita constituerat. Porro neque de numero, neque de Ecclesiae aliqua imagine plaudere sibi possunt Haereticorum conventicula; tum quod abjecta Ecclesiae Catholicae auctoritate, cujuscumque alterius Ecclesiae auctoritatem, abjiciant oportet; tum etiam quod eorum patres perperam soli sese opposuerunt Conciliis veris, & verae Ecclesiae, eorumque posteris quamvis in ingentem copiam crescant, vitium & culpam temeritatis paternae retinent, & minuere amplius nequeunt.

Pertinax igitur hoc hominum genus, quod aut se argumenta Veritatis edoceri non patiatur, aut edoctum, Veritati ipsi atque ipsi Ecclesiae Veritatis columnae resistat: gravi se crimine obstringit, & propterea jure coercetur, & coercendum est; & acerbis poenis ejus pervicaciam (si aliis noceat) sive emendare, sive punire iustissimum fuerit. Sed Justitiae duntaxat non est heic habenda ratio. Caritatis quoque Christianae praecepta atque consilia occurrere in primis debent oculis Principum, & Regum. Quamobrem considerandum est rursus, duplicem esse posse istorum Haereticorum pertinacium turbam. Hi errorem & Haeresim, una cum lacte biberunt; isti jam adulti. Priores a nulla Religione ad alteram defecere, sed quam pueri didicerunt, hanc postea tueri pergunt. Posteriores inconstantia delectavit: infortunium nempe grave, si de una fallaci Religione in alteram fallaciorem latus mutarunt; at gravissimum ac perniciosissimum crimen, si de vera desciverunt in falsam. Dico ergo, illorum in errore pervicaciam aliter, hoc est longe mitius, quam istorum, esse habendam. Siquidem ignorare, & non sentire nemo potest, quam altas radices in animis mortalium agat a teneris unguiculis inspirata cujuscumque Religionis opinio. Sit licet falsa, impia, atque ridenda Religio; dum accepta sit a parentibus filiorum amatissimis, dum antiquitate aliqua constet, dum tenellis cordibus inscripta fuerit: in naturam, ut ita dicam, transit; quantaque facilitate impressa fuit, tanta vicissim difficultate exculpi atque expelli inde potest. Nimum vulgaria sunt istius veritatis exempla, ut heic referre sit opus. Quis ergo tantam hanc hominum infelicitatem potius quam temeritatem supremis plestendam suppliciis unquam pronuntiet? Immo quis miseratione dignissimam non affirmet? Hos doceri, hos terrere fas est, & quoties in antiquo errore obfirmatissimo animo persistant, ipsique fulgentissimae Veritati resistent, eis negare privilegia, incommodisque etiam, & exilio illos multare pro errorum gravitate, & varia conditione temporum, utile, licitumque puto.

puto. Sed isti ab iis semper discernendi, qui studio culpaque tantum propria in errorem se praecipites dedere. Ne punire gladio velis, quod isti ut aliter esset efficere, quum nascerentur & educarentur, minime potuerunt. Nam quamvis postea possint, & pervicaciter nolint; ab eadem tamen infelicitate nativitatis atque educationis haec ipsa descendit in errore pertinacia.

Tertio, ad eos quod attinet, qui de veritate ac unitate Ecclesiae Catholicae in haereses erroresque adulti defecere, & auctoritatem summorum sacerdotum aspernantur, atque irrident: alia convenit severitatis ratio. Eorum vitio, ac temeritate factum est, ut laberentur in tenebras, sibi atque Ecclesiae verae nocerent. Eorum superbia deinde fit, ut in salutate perstent, & ad lucem rursus non assurgant. Ideo quidem plerique non assurgunt, quod putent, se contra conscientiam acturos, & Deo displicituros, si ad veterem sententiam revertantur, iterumque cum Catholica Ecclesia consentiant; sed temere id putant, & eorum culpa factum est, & fit, ut sic putent. Porro quemadmodum ebrius & perditus amator poenam criminum, ebrietatem & amorem consequentium, non effugiunt, quia causam hujusmodi criminum ipsi volentes elegerunt; ita & qui lubens errori mentem mancipavit, culpandus deinde est, quod ad ipsum errorem dignoscendum atque ejurandum induci non possit. Sibi imputet, qui optimam opinionem in pessimam commutavit, si nequeat de pessima in optimam reverti. Optimam autem rursus inveniet, si livorem ponat, si attentum se praebeat vocibus Veritatis: quod quum facere nolit, magno se crimine profecto obstringit. Quid si non errasse iste contentus, errorem quoque evulget, litterisque consignet, ac praedicatione persuadeat? Hujusmodi hominem societati humanae perniciosissimum ferat, excuset, absolvat, qui velit; non excusabunt, neque ferent, quibus notum est, quantum bonum sit, in Religione vera sive in Veritate stare, quantumque malum ab ipsa discedere. Quid si semel iste emendatus ac toleratus, in ejuratis erroribus iterum deprehendatur? Nemo non videt, quid asperi mereatur perversa isthaec hominis voluntas, & illusoria poenitentia, & periculosa contagio.

Attamen & heic audire juvat Caritatis voces, etiam atque etiam commendantis, ut quam difficillime, quam rarissime ad extrema Haereticorum atque Apostatarum vel pertinacium supplicia deveniatur. Caritate ergo hortante, reorum personam prius induere debent supremi Judices, & Magistratus; quod quum fiat, non tam
proni

proni subinde erunt ad arripiendam securim, non tam lenti ad misericordiam impertiendam. Culpam autem Haereticorum quorundam etsi non tollit, aliqua tamen ex parte minuit consideranda in iis voluntas. Non improba plane, non prorsus vitiata in illis est interdum huiusmodi potentia. Vellent Veritatem servare, Deo placere, & errorem effugere; dumque etiam pro errore ac impietate pervaciter pugnant, se gratum Deo facere persuasum habent, suaeque obsequuntur conscientiae. Culpam quidem, ut diximus, ne sic quidem apud homines, eoque minus apud Deum, effugiunt, quum in causa sit ipsa eorum Voluntas, ne errorem dignoscant & Haerese exuant; sed non parum extenuare potest culpam ipsa haec eadem Voluntatis in bonum & verum inclinatio. Peccat in iis Intellectus potissimum. Omnia autem delicta, quae ob impetum affectuum, atque errorem Intellectus patrantur, quippe quod in ipsis non praecedit omnino libera electio, mitius punienda sunt, & veniam aequius impetrant, quam quae proficiuntur a prorsus libera electione, & perversitate Voluntatis. Haeretici autem, vel pertinaces, cum errore Intellectus, & cum ipsa Voluntatis pervaciencia plerumque conjunctum habent probum aliquem ipsius Voluntatis affectum. Indue ergo parumper Haeretici personam; neque miraberis, tam fero, aut nunquam expediti mentem posse a praepjudicatis opinionibus, quas certas, Deoque gratas putes. Excogita hominis nativam calamitatem, quem tot impediunt tenebrae, cui etiam volenti adeo difficile veritas persuadetur. Si tibi similis error accidisset, & deponere impium putares, nihil fortasse differres a pertinaci illius erroris patrono. Reliquorum criminum reos conscientia ipsa fere semper accusat, usque adeo ut se ultro poenis & morte dignos aut fateantur, aut sentiant. Contra non pauci Haeretici suum crimen neque agnoscunt, neque sibi exprobrant, idque ut faciant, supplicia plerumque facere non possunt. Immo contra conscientiam, & adversus Deum se facturos ii crederent, si a sua sententia in contrariam discederent, ac tormenta potius non sustinerent. Cum eorum ergo crimine multa infelicitas conjuncta est, & non parum involuntarii, & proba aliqua Voluntas ac indoles: quae omnia Caritatis Christianae memorem a nimia severitate retinere, & ad misericordiam impellere merito debent ac possunt. (a) *Misericordia*, scribebat Agathias Lib. 1. Hist. de Bello Gothico, *quam ira eos prosequi par est, qui a vero sunt devii. Non enim volentes errant labunturque; sed quum id, quod bonum est,*

(a) Haec omnia secundis curis addita.

est, expersant, judicio decepti instant semel creditis, qualiacumque ea sunt, pertinaciter.)

Praeterea sollicitè cuicumque Christiano Magistratui curandum est, ut suos fratres lucretur, & ab aeternis poenis arceat. Cui muneri non deest, quisquis facinorosos extremo supplicio plectit; nam ex istis nullus fere est, qui sceleris sui turpitudinem non agnoscat, & poenitentia ductus e vita non abeat, & mortem ipsam corporis in animae suae utilitatem non vertat, aut vertere possit. Haeretico autem pertinaci, in quem listor animadvertit, omnis praecluditur ad salutem via, tempusque resipiscendi aufertur. Ille quidem vitio ac pertinacia sua pereat, sed culpa nequaquam cognita; atque adeo Christianae mansuetudinis foret, sustinere potius quam urgere ultro festinantem in aeterna supplicia. Quis enim scit, an non aliquando eidem daturus sit *Deus poenitentiam* (ut cum Apostolo loquar 2. ad Tim. 2.) *ad cognoscendam veritatem, & resipiscendum a diaboli loqueis, a quo captivus tenetur ad ipsius voluntatem?* Ad haec teterimus ille mortis terror facit, ut pro apertis Haereticis fictos non raro habeamus Catholicos. Quod si postremum supplicium intrepide a nonnullis feratur, ipse error latius interdum serpit, quum incauti homines non animorum pertinaciae, sed Veritatis virtuti ac fiduciae tribuant miseram illam in tormentis & morte constantiam. Exempla in hanc rem plurima suppetunt. Non heic tamen dissimulandum est, hujusmodi homines, si vivere diutius sinantur inter gentem Orthodoxam, publicae rei nocere posse praedicatione errorum. Et sane periculum istud impigre avertendum. Tunc enim ad ipsam Caritatem Christianam spectat, plurimum saluti prospicere, quam unius. Sed ubi aliter consulere possit Princeps reipublicae, quam sublato e vivis pertinace Haeretico: tunc erit gratissimum Caritati, quod & istum incolumem servet ad emendationis ac poenitentiae spem. Inspiciendum ergo, an non carceres, exilia & aliae salutares poenae, & anathemata, quibus errans a fidelium consortio amoveatur, & Monasteria, quae ad poenitentiam ac disciplinam includatur, idonea sint remedia, ut cohibeatur a veneno spargendo, & ad sanio rem mentem infelix ille sensim perducatur. Caritas tandem nihil intentatum relinquit, quo si fieri potest, a temporali ac spiritali morte fratrem defendat ac liberet; & quum poenitentem certe necari non sinat, ideo poenitentiam hominis, quanquam seram, libentius expectari cupit, quam ejus pertinaciam cito puniri.

Succe-

Succedit alia errantium phalanx, nempe non pertinacium. Primo autem animadvertere opus est, proprie Haeresim appellari non posse, a qua absit animi pertinacia. Cujus placiti certissimas rationes non est cur nos congeramus, quando eas alibi a gravissimis Theologis luculentissime digestas habere Lector potest. Quamobrem quum hoc hominum genus Haereticos nuncupamus, ex ulu potius, quam ex ratione loquimur. Eadem vero animi docilitas illud inter Catholicos obtinuit ac obrinet, ut neminem sine pertinacia errantem supremi Magistratus morte puniant, puniendumve censeant. Recte sane. Uti enim dictum est, non ideo Haereticis pervicacibus vita interdum eripitur, quod errent, atque a veritate defecerint, sed quod moniti atque edocti germanam Fidein, pertinacissime deliramenta sua aut praedicare, aut fovere pergunt; hoc est, infelici mentis errori Voluntatis crimen adjiciunt. Si ergo quisquam a Fide aut ab unitate Ecclesiae excidat, monitusque postea resipiscat, & edoctus intelligat, fateatur, ac ejuret falsam doctrinam: merito Voluntati ejus bonae malum Intellectus errorem indulget Ecclesia. Aequum nihilominus est, ut homini poenitentia erroris ducto injungantur salutaria aliquot poenitentiae genera, quibus aut Deum sibi propitium facere, aut scandala praeterita reparare, aut certos in posterum de vera sua poenitentia, & non ficta emendatione, fideles reddere possit. Proinde & hoc rectissime constitutum est, ut sponte sua sese accusantes ac poenitentes, omnium mitissime habeantur; reliqui pro erroris, & scandali, & pertinaciae praeeuntis diversitate diversis subijciantur poenitentiae speciebus.

Quod heic tamen commendandum in primis videtur, illud est, ut Christianae Caritatis, atque Prudentiae maxima cura habeatur a Quaesitoribus Haereticae pravitatis. Rectissime instituta fuit, nostrisque etiam temporibus utilissima est horum auctoritas, quippe succrescens facile vulgi superstitio, & ingeniorum temeritas non raro comprimuntur, & a Domini tritico zizania arcentur. Optimis praeterea legibus constat eorum facultas, & placidis etiam (saltem apud Italos) ut plus inter nos severitatis in prospectu, quam in recessu, invenias. Sed periculum etiam subest, ne quis auctoritate legibusque sanctissimis ob immoderatum zelum, nimiamque asperitatem abutatur. Dicam id, quod mecum dicant, ut spero, me sapientiores; dicam, quod dicunt & faciunt optimi Quaesitores, atque exoptant ut fiat a ceteris fodalibus suis. Necesaria semper est accuratissima diligentia, quae nihil erroris, nihil superstitionis aut pullulare, aut vi-
gere

gere fiat. Necessaria quoque severitas saepe est, ne nimia indulgentia animum sceleribus addat. Sed non eo usque procedere diligencia debet, ut vel levissimis de causis, & meris de suspicionibus, carceres, & alia incommoda fidelibus creentur. Neque talis ac tanta esse debet severitas, ut Caritatem, & mansuetudinem Christianam unquam obliviscatur, & a se abjiciat. Asperos se praebeant in judiciis civiles Magistratus; nihil nos moramur Saeculi ritum. At certe Ecclesiasticos Judices, Christi Sacerdotes, & Christianae Legis, hoc est Caritatis & mansuetudinis praecones simul atque exemplaria, omnium maxime lenitas ac benignitas decet; torvum autem supercilium & immitis animus omnino dedecet. Neque enim Episcopos tantum, sed ceteros etiam Ecclesiae Ministros, exigere Apostolus mihi videtur *non superbos, non vinolentos, non percussores* (id est non lingua, non contumeliis, non acerbitate quemquam ferientes), *non turpis lucri cupidos, sed hospitales, benignos, sobrios, justos, sanctos*. Idem etiam in 2. ad Tim. 2. egregia illa verba, & alte nostris omnium animis infigenda habet: *Servum autem Domini non oportet litigare, sive pugnare; sed mansuetum esse ad OMNES* (sive *ἡρώων*, benevolum, placidum, lenem, & humanum erga omnes), *docibilem, patientem, cum modestia sive lenitate corripientem eos qui resistunt veritati*. Quod si mansuetudinem, & patientiam, & lenitatem, & humanitatem enixe commendat Apostolus vel in eos, qui, ut habet vulgatus Interpretes, *veritati resistunt*, & sunt in errore pertinaces: quanto enixius credendus est mansuetudinem eandem commendasse erga illos, qui non resistunt Veritati, sed errorem, simul ac edocentur, ponunt, & in Veritatis castra libentissime redeunt? Et quidem Apostolica Sedes medicinale tribunal hoc esse voluit, non asperitatis, atque inclementiae. Cavendum ergo, ne turbidi affectus, ne ambitio exercendae potentiae, ne feritas heic locum habeant; curandum, ut captandae famae, & zeli non levis ostentandi cupido, quo postea ad ampliora munera facilius sit aditus, in miserae gentis perniciem & incommodum vertatur; denique studendum, ut sicubi peccandum sit, ex benignitate potius nimia, quam ex nimio rigore peccetur. Quod si Italicae Inquisitionis Magistratibus, qui mitissimi omnium sunt, aut minore saltem, quam reliqui severitate utuntur, dicimus, Caritatem prae oculis semper esse futuram: quanto magis commendandum id erit Hispanicae Inquisitionis Praefidis, immo Lusitanas, si vera forte sunt, quae de illorum rigore feruntur?

Itaque primo suspensiones meræ, & leuiusculi rumores de alieno errore, siue superstitione, ac Hæresi, satis esse non debent, ut cuiquam negotium faceñas, & vincula inferas. Quanquam & hoc referre supervacaneum fortassis est; video enim apud nos non sine prævia eaque gravi cognitione rerum procedi. Secundo error in iis esse rebus & controversiis potest, quas nondum Ecclesiæ, aut Concilia statuerint. Fac ista deinde statuantur ac dirimantur supremo Ecclesiæ oraculo: a crudelitate ac iniustitia non abesse, qui Theologo, siue Scriptori aliter ante iudicium Ecclesiasticum sentienti, Hæresim objiceret, ipsumque male propterea haberet. Utrique is erravit, sed excusabili errore; tunc enim vere crimen est, ab Ecclesiæ & Doctrina Christi dissentire, quum homini constet, quænam sit Ecclesiæ mens & doctrina Christi. Hoc autem notum, certumve esse homini antea non poterat, tacente ac tolerante Ecclesiæ. Et profecto si iudicandum secus foret: dedecoris & Hæresis notam nonnullis sanctis Patribus inureremus, e quorum calamo & mente sententiæ quædam exciderunt, quas deinde Ecclesiæ non tulit. Sed nihil ex eorum sanctitate idcirco imminutum, quia nihil antea illa de re fuerat constitutum. Facit eadem ratio, ut Vincentium Lirinensem, Cassianum, aliosque Semipelagianis Opinionibus olim addictos, e Sanctorum fastis, siue e Catholicorum albo non expungamus; siquidem florere, ante Arafricanam Synodum, cujus decreta si quicquam postea contempsisset, tum solum culpandus merito & anathemate percutiendus fuisset. Idem fiet, si quando Romani Pontifices, atque Concilia, nonnulla ex iis de divina Gratia & libero Arbitrio sententiis, quæ nunc in Scholis impune obtinent, aliquando proscribant.

Tertio, errare etiam homines & Scriptores possunt in ipsam Christi & Ecclesiæ doctrinam. Quod quum accidit, considerandum est, num ex ignorantia & incuria, an vero ex perversa voluntate, deditaque opera, se coniecerint in errorem sibi certe perniciosum. Si apertis oculis a Dogmate Catholico discessum est, nemo neget, quin huiusmodi crimen castigatione sit in primis dignum. Sed longe mitior ultro ad poenitentiam venienti castigatio erit; longe autem durior agnoscanti quidem errorem suum, sed urgente metu poenarum, & nonnisi ex alieno impulsu. Ita veræ Ecclesiæ ac Religionis desertores, dum sponte, & non mendaci poenitentia ducti, ad gremium Fidei revertuntur, minime graves poenas subire coguntur. Et contra severius mulctati, qui Magistratuum vigilantia deprehen-

prehenſi, terrorem exſpectarunt melioris ſententiae magiſtrum. Attamen vel in his expendere juvat minorem majoremve in defectione pravitatem Voluntatis. Multos enim non odium Catholicae communionis, ſive doctrinae, non ingenii ambitio, non contemptus Eccleſiae, ad Haereſim traxit; ſed humani alii affectus, aut Praeſidium ſeveritas, aut Diſciplinæ impatientia; quae ſane imminuere quandoque poſſunt Voluntatis ſcelus, quod eſt ad laeſam Fidem, majoremque propterea mereri miſericordiae meſuram.

At alios ignorantia ſola, & incuria errantes fecit. Quis enim eſt, qui ſcire omnia, nihil obliſciſci, & numquam errare ſibi tribuat? Sed quicumque errat, animo interim verae Fidei & Eccleſiae Catholicae conjunctiſſimo, falſa Dogmata non amplexurus, non propugnaturus, ſi ea ſciret averſa a Schola Chriſti, & a diſciplina, ac mente Eccleſiae, & ubi ſcit, ea illico exſecrans: cur puniendus, cur rigide excipiendus apud homines, quum nullo apud Deum crimine idcirco is teneatur, niſi de Dogmatis iis praecipuis ſit res, quae neſcire ſuapte natura peccatum eſt, & neſcire Chriſtianus homo non debet? Exploranda igitur ſedulo errantium Voluntas; quod ſi promptus in obſequium Fidei & Eccleſiae illorum animus deprehenditur, vel dum errant: edocendi ſunt veram ſententiam, monendi ut a ſermonibus abſtineant graviſſimarum rerum, dum ſibi majorem prius non comparant Eruditionem Theologicam; & excuſanda facile ingenii infirmitas, aut ignorantiae inconſultus error. Non autem continuo in vincula conjiciendi ſunt, non diu detinendi, atque vexandi, neque populo ſpectaculum miſerabile (a) daturi. Hominem vidimus rudi minerva, cui exciderat, alium eſſe a vulgari noſtro Purgatorium Ignem. Communibus quidem ſuffragiis innocens evaſit, ſed poſt non paucos carceris dies, & non ſine ingenti rerum ſuarum incommodo. Prudentiae potius, & Caritatis erat, hunc accitum monere, ne talibus ſeſe immiſceret, & verbis tantummodo arguere, ad canendam palinodiam jam paratiſſimum: quanquam & haec quaefitio ex iis ſit, quae adhuc in accipiti poſitae, nondum Eccleſiae calculo fuere diremtae. Errant enim multi, quia non Theologi; errant & ipſi quandoque Theologi, quia tunc non errare, ſed cum Eccleſia ſentire ſe putant. Privatae vero objurgationes ſatis plerumque forent, ac eſſe deberent ad medicinam errantium. Alioqui ſi levibus de cauſis in carcerem, & in roſtra,

X x 2

(a) Praecedentes editiones, ad unum omnes, daturu habent, errore forte exſcriptoris. At dandi legendum videtur.

homines rapere velis; & praesertim rudes, ac Theologiae abstrusioris meliorisque Disciplinae ignaros: verendum est, ne Caritatis tribunal apud optimos ob nimium rigorem male audire incipiat, & ex terrore potius, quam ex amore Christiani in posterum simus: quod a mente Apostolicae Sedis, & meliorum profecto abhorret.

Quid si eos divexare velimus, qui in Opinionibus aut Philosophicis, aut Historicis, aut Astronomicis, aut etiam Theologicis, sed nondum ab Ecclesia, sive a Romanis Pontificibus, sive a Concilio quopiam proscriptis, errare nobis videntur? Facile contra jus, nedum contra Caritatem, haec agendi ratio pugnabit. Numquid enim tua opinio, ab illorum opinione diversa, ideo verior & sanior est, quia tu potentior, quam illi? Ne tu quidem, ut puto, id arbitreris. Sola divinarum Scripturarum, & Ecclesiae mens cognita facere potest, ut tu de veritate sententiae tuae, illi de errore suo certi fisis. At quum non illi minus, quam tu, contendant, opiniones suas consentire cum sacrarum Litterarum & Ecclesiae doctrina; quumque Ecclesia, uti praedixi, mentem suam nondum heic explicuerit: propterea huiusmodi opinionum propugnatio: nondum crimen! evasit, poenis & carcere exagitandum. Quis enim te certum facit, Ecclesiam contra illos potius, quam contra te, esse aliquando pronuntiaturam? Et ii quidem fortassis in errore versentur. Sed quandiu latet Ecclesiae oraculum, eique parere ac cedere, simul ac prodeat, paratissimi sunt homines: ab officio veri & obsequentis Christiani minime per alios disceditur; & apud Deum non peccatur; & error ille (materialis, ut ita dicam, non vero formalis) nondum carceribus aliisve corporeis incommodis castigandus erit. Quamobrem ut non audeam quascumque Cartesii Opiniones Theologiae Catholicae consonas appellare, multoque minus praestare; attamen quum hoc ille, ejusque affectae, sibi persuadeant, & suis etiam rationibus ostendere, conentur: vix intelligerem cur adversus eos rigorem adhibere placeret, priusquam Ecclesia opiniones huiusmodi suo decreto proscriptis atque damnatis. Utique Cartesii Libros nonnullos quum Romanus Pontifex, tum Academiae quaedam nigro theta confixerunt. Sed nunquid Haeresibus scatent, quicumque Libri configuntur? Num sententiae omnes, quas Cartesius litteris consignavit, errorem ac haeresim sapiunt; ut singulas abominari ac rejicere sit opus? Quum hoc a fidelibus Ecclesia expetit, solet sententias, sigillatim enuntiatas, haeresis aut falsitatis damnare. Antequam damnet, earum patronis bona fides eripi non potest, dum tamen opiniones tuean-

tuantur revera dubias, hoc est nondum definitas, & a definitis aperte non effluentes, & in iis tuendis se ab Ecclesia dissentire non putent. Neque privatorum objurgationes facere possunt, ut bonae fidei privilegia in ipsis cessent, multoque minus quum suspicio adest, ne privati homines ad eas opiniones damnandas ferantur amore potius privatae cujuspiam Scholae, quam certa cognitione Veritatis, quae adhuc latet, sive fiducia proferendi ab Ecclesia decreti. Locum heic habere possunt, quae de Aristotelis fortuna in Christianorum Scholis apud Veteres feruntur, & quae olim contingere in celebri controversia de Divinis Auxiliis, & de Scientia media. Sed nos alio properamus.

CAPUT DECIMUMQUARTUM.

Zelus ineruditus, & nimia Licentia in Fidei & Disciplinae negotiis. Quos pessimos effectus ille pariat. Scientia & Prudentia si a Zelo absint, quid sequi inde possit. Zelus ineruditus Novatorum. Quomodo regendus Zelus. Licentia opinandi in Religione nimis nocet. Ejus exempla in Pbereponi Libris.

MULTA sunt, quae ad inveniendam Veritatem obstant; multa, quae inventam in publicum efferi non sunt. Ignorantia, praejudicatae Opiniones, ambitio, impotentia, terrenorum bonorum amor, dedecoris timor, auri & gloriae sitis nimia, atque alii effrenes animi affectus, quotidie Veritati bellum indicunt, & errori patrocinantur. Ego Librum concludam, duobus praecipue commemoratis, quorum unum pauci fere considerant, aut animadvertunt, in quot excessus, & incommoda vergat, & vergere possit; alterum omnes passim & cognoscunt, & detestantur, quum tamen ab eo non pauci abstinere nesciant, seque illo teneri non sentiant. Zelum ineruditum intelligo, & nimiam Licentiam in Fidei & Disciplinae negotiis. Ille Superstitionem, grave scilicet malum, procreat; ista Haereses & Schismata, gravissima nempe mala, quorum incommoda brevi oratione persequi, & frena simul proponere est opus. Quod attinet ad ineruditum Zelum: dicimus, nomine Zeli significari honestum illud & laudabile studium, quo accendimur ad colendum Deum, ejusque fervos

servos honorandos, & ad illius Legem & veram Religionem tuendam atque propagandam. Sed optimus hic hominum affectus, ceterorum affectuum atque ipsarum virtutum more, in pessimos excessus interdum excurrere potest, & in illaudanda facinora. Quod tum contingit, quum homines pio quidem Zelo ardentis, sed Scientia destituti; id peragunt, quod ipsi divinae Legi, & Ecclesiasticae Disciplinae, & documentis rectae Rationis, & Prudentiae, & Caritati adverfatur. Testimonium perhibente Paulo ad Rom. X. *Judaei zelum Dei habebant*; sed ille *zelus non secundum scientiam erat*. Tuebantur mordicus Mosaicam Legem, atque in ipsius ritibus collocabant potissimam salutis spem, & maximum hominis pensum. Atqui zelum Dei habebant, non habebant scientiam Dei; quare Dei honorem potius oppugnabant, ejusque legem persequabantur: Neque aliter se olim gesserat ipse Paulus, quum *paternarum aemulator*, sive *zelator traditionum supra multos coetaneos suos*, devastabat Ecclesiam Christi. Eodem imprudenti zelo Scribas & Phariseos abundasse, nonnumquam etiam Discipulos Salvatoris laborasse, ex Evangelio discimus. Hinc Augustinus de Civit. Dei. Lib. XX. Cap. XII. tam laudabili quam pravo sensu Zelum accipi ait in divinis Scripturis. *Sicut enim, inquit, zelus in bono positus est, ubi legitur: Zelus domus tuae comedit me; ita e contrario in malo, ubi dicitur: Zelus occupavit plebem ineruditam*. Illud igitur, quod solet ac potest destruere honestissimam indolem Zeli, Ignorantia est, insipientia, ac ineruditio: quae mala quum in plebe crebrius inolefcant, facile etiam in eadem zelus immoderatus & perniciosus (^(a) vim obtinere potest.) Ubi nescias, quibus moribus, quibus ritibus, ac artibus Deus velit se coli, Sanctos suos honorari, Legem servari ac defendi, Virtutes exerceri: quid mirum, si pius ille tuus ardor in absona interdum feratur, atque indigna, quae Deo (^(b) placeant, quo ipso tempore tantopere curas, ut per ea placeas Deo? Sine Prudentia, sine Scientia plus nocere, quam prodesse potest Zelus non privatis tantum hominibus, sed rei publicae ipsi. Hinc egregie sanctus Bernardus Serm. 49. super Cantic. *Importabilis, inquit, absque scientia est zelus*. Ubi ergo *vehemens aemulatio*, ibi *maxime discretio est necessaria*, quae est *ordinatio Caritatis*. Semper quidem zelus absque scientia minus efficax, minusque utilis invenitur, plerumque autem & perniciosus valde sentitur. Quo igitur zelus fervidior, ac vehementior spiri-

(a) Al. vim obtinet.

(b) Quotquot exstant editiones habent placeant. Legendum sane displiceant.

Spiritus, profusiorque Caritas, eo vigilantiori opus scientia est, quae zelum suppressat, spiritum temperet, ordinet Caritatem.

Et quid quaeso non fecit ineruditus Zelus? quid quotidie non facit? Sanctam Religionem amplificare, Idola fugere ac detestari, ad zelum vere Christianum pertinet. Sed ipsum dedecebat, interdum Ethnicis rerum potentibus insultare, eorum Fana evertere, eorum Idola contere, minime consentientibus in eam rem Principibus; dedecebat Judaeis subjectis contumelias, & dira tormenta atque incommoda inferre, aut filios invitis parentibus eripere, sacro Baptismate abluendos; & alia hujusmodi audere. Zelotus Christiani est, cultum Deo O. M. semper, & ubique, & ferventissime praestare, ejusque amorem ac reverentiam instillare populis. Verum ab hac praestantissima Virtute abhorrebat, Deum colere inopportunis locis, atque temporibus, ornamentis luxum potius quam gravitatem referentibus, Muscis concentibus magis intemperantiam quam pietatem conciliantibus; ritibusque ab Ecclesia nondum probatis, immo nonnumquam ab ipsa improbatis. Abhorrebat, Mysteria pietatis, & Sacramenta impiis atque Infidelibus prodere; & ex ipsis ridenda potius quam veneranda exhibere populo spectacula; & immoderatam peccatoribus a Deo polliceri indulgentiam, aut eosdem nimia severitate in desperationem agere, aut spem salutis omnem ponere in quibusdam levibus externae Pietatis institutionibus, quod Pharisei olim quoque faciebant. Zelus noster eo etiam ferri debet, ut non difficiles nos praebeamus ad credenda Sanctorum hominum gesta, virtutes, ac miracula, quae ab Historicis fide dignis memoriae traduntur. Sed iste zelus honestos virtutis fines praetergreditur, ubi nos nimium faciles efficit, immo exigit ad credenda quaecumque prodigia, seu ut apertius loquar, ad probandas fabulas omnes, aut leves anicularum narratiunculas de admirandis quorundam Sanctorum operibus, aut Antiquitates fictas, aut Lipsana non satis probatae fidei. Sanctis ipsis Martyribus, & reliquis Beatis, & Deiparae potissimum debemus honorem non exiguum, quippe in illis, licet conservis nostris, honoramus dona Dei, & gratiam Christi, atque adeo ipsum Deum, qui & ex eorum intercessione plura in homines beneficia spargit. Sed immoderato, & minime laudabili zelo ardebit, quisquis talem ipsi honorem desert, qualis uni Deo convenit; aut ab ipsis ita poscit ac expectat non temporalia solum munera, sed ipsam peccatorum remissionem, & vitam aeternam, ut illos ex Intercessoribus facere Deos videatur; aut omnia Pietatis officia in istis potius sibi deme-

demerendis, quam, in Deo placando, collocat; & ipsos iis nimis laudibus extollit, quas perfecta Disciplina aegre ferat, immo ipsi e caelis minime probare credendi sunt; eorumque Imagines, & lacras Reliquias & Dies Festos cultu immodico prosequitur.

At non alia de causa homines heic errant quam quia carent Scientia, atque Prudentia, hoc est, ignorant, quid, & quando, & quomodo agendum sit, ut recte agant. Pio amore caelestium & Religionis aestuant, sed amorem istum in absurda & perniciosa deferre saepe solet, ac potest moderatricis Scientiae penuria. Hinc in populo, in indoctis, illiteratis, atque mulieribus, frequentiores sunt zeli excessus, quippe in istis Ignorantia communior. Ipsos etiam literis & scientia exultos homines exuberans ardor nonnumquam extra orbitas rapit, aut rapere videtur. Cur hoc quaeſo? Quia non satis bonis litteris, non satis scientiae operam dederunt, aut quia Scientiae multae exiguae Sapientiam, atque Prudentiam minorem, conjungunt. Quapropter nihil magis commendandum est Ecclesiae Praepositis, quam ut impensum in Ecclesiasticam Eruditionem studium conferant, quo singula tum ad Christi doctrinam, tum ad Disciplinam spectantia recte ipsi sciant, & alios docere subinde possint. Meminerint, quid per Oseam Prophetam Deus olim edixerit (Os. IV. 6.) *Conticuit populus meus, eo quod non habuerit scientiam. Quia tu scientiam repulisti, repellam te, ne Sacerdotio fungaris mihi.* Proinde necesse saltem est, ut Ecclesiarum Pastores supremi Ministros sibi adfiscant, aut homines ad consilium adhibeant, quibus consummata sit istius Eruditionis peritia. Alioqui si Zelus ineruditus, & in plebe potissimum, sedulo non coerceatur, Superstitio immane malum, & aequae ac ipsae Haereses formidandum invalebit, sanctissimaeque Religionis vultum summo opere deformabit. Monstrum istud, Superstitionem, inquam, Ignorantia parit, Zelus immoderatus nutrit ac fovet. Quod enim omnium pessimum est, hujusmodi insipientis zeli culpa saepe fit, ut abusus inveteratos, pietatis referentes speciem, nemo tollere, aut tolli sustineat. Immo si qui melioris notae eruditi voce aut calamo in Superstitionem aut gliscentem aut verustam insurgere cupiunt, interdum aut ne hiscere quidem sinuntur, aut certe parum Christiani animi saniam in se concitant, & scandala statim excitare posse creduntur. Ergo quis non intelligat, quanta sit necessitas eruditionis & scientiae, ne Veritas laedatur, ac supprimatur: neve Superstitio regnet? Neque vero putes ad tantum negotium sufficere Scholasticorum Theologiam. Dogmatica heic opus est in

est in primis, & non mediocri Controversiarum, quas tum Haereticis habemus, peritia; ita enim sinceris hominibus melius innotescit, qui sint fines tum verae Doctrinae, tum Disciplinae melioris, quans una Ecclesia Catholica fideliter servat, Haeretici pertinaciter contrariis hinc inde sententiis, aut etiam ineruditi incaute quidem, sed parum laudabiliter, praetergrediuntur. Itaque quum Conciliorum, tum Romanorum Pontificum, tum sanctorum Patrum documenta accurate consulenda sunt in hunc finem, & non facile deinde peccabitur. Tandem credendum est, posse Deum quidem tolerare, non autem probare Zelum sine Scientia delirantem; nam ut ut ipsi pius affectus placeat, fieri tamen non potest, quin ipsi contra displiceat parum pius prodendae hujus affectionis modus.

Disimulare autem nequeo alterum Scientiae neglectae, aut Ignorantiae dominantis effectum in hominibus piis. Undique pericula ipsi timent, undique scandalum patiuntur. Quoties homines Deo dicatos conspiciunt aequae ac Saeculi cultores, vitiis effluentes, & luxuria foedos, & mammonae potius quam Dei laudibus addictos: tum mirantur, ac horrent, atque ex intimis praecordiis dolent, ac indignantur suorum temporum conditionem. Si Episcopos, si Sacerdotesprehendunt sanguini diligentius quam altari servientes, & ambitione turgidos, & sacris in suam rem abutentes, & Simonis veneno afflatos: quid non mustitant? quid non conqueruntur? Priora Ecclesiae Saecula ante eorum oculos, atque in eorum labiis continuo recurunt. De Religione primaeva multum excidisse tum distitant. Immo in pietate nonnumquam frigescere idcirco illos videas; sensim quippe decrevit in eorum animis veneratio atque existimatio non tantum Sacerdotalis ac Monastici Ordinis, sed Religionis ipsius. Eo etiam quandoque se rapi sinunt, ut persuadere sibi nequeant, aut veram, aut sanctissimam esse Religionem illam, quam adeo inconditis moribus negare, & flocci pendere videntur illi, quorum prae ceteris esset eam & diutius probare & factis. Quod si apud Haereticorum quosdam splendidiorem forte pietatis, aliarumque virtutum speciem intuentur: tum suspicio oboritur, ne apud illos germana, apud nos vitiata Religio habeatur. Et quidnam, quaeso, tot populos a Catholicae Ecclesiae sinu proxime praeteritis saeculis abstraxit, & in Lutheri, aut Calvinii castra conjecit? Ignorantia ista, Zelus iste ineruditus, & scandali patiendi nimia facilitas. Tunc non erant (fatendum est) ii Sacerdotum mores, quos & Religio, & institutum vitae poscebant. Superstitio aliqua in populis; avaritia, & luxuria

in non paucis Ecclesiasticis viris, nimium prominebant, ut occultari, aut dissimulari jam possent. Igitur ubi adversus ista declamatum est, zelo Dei exarsit ineruditus populus, sibi que censuit ab ea Ecclesia discedendum, cujus sanctitatem frustra requirebat in plerisque Pastoribus.

At miseri infelicissime errarunt. A Pastoribus fugientes, quos lupos credebant, sequuti sunt lupos Pastorem prae se ferentes personam. Etenim undenam didicerunt, propter perversos Sacerdotum mores ab Ecclesia Dei veri secessionem esse faciendam? Contendebant quidem eorum temporum Pseudoprophetae, Romanae quoque Ecclesiae doctrinam esse corruptam. Verum quei de tanti momenti re, de qua etiamnum disputatur utrimque a doctissimis & clarissimis ingeniis, tam cito judicare potuerunt homines indocti, rudes, & a studiis Theologiae prorsus alieni? Morum corruptio tunc parentissima, & Disciplinae abusus, vel oculis plebis indoctae conspicui, in causa fuerunt, ut doctrinam quoque Romanae Ecclesiae corruptam somniant, & crederent. Ergo cavendum iis erat, ne scandala tantum in suis cordibus possent, ut non mores duntaxat, sed etiam male moratos Pastores, ipsamque Pastorum Ecclesiam atque Religionem deferendam arbitrantur. Id non cavendum minus deinceps; erunt enim vitia, donec homines. Praedixerat quidem Christus Dominus futuram hanc morum corruptionem; is tamen edixit, non esse nostrum, bonos pisces a malis separare, atque a tritico lolium. Ad ista sane nequit quin ingemiscat vir pius ac eruditus, sed nullum inde sibi scandalum creari patitur. Scandala quippe creat facinorum novitas: hanc autem scientia, sive eruditio tollere potest ac solet. Apostolorum tempora intueri; tria, immo quatuor, & quinque priora Ecclesiae saecula contemplare. Nunc imperita gens a Christianis iis, & praesertim ab Ecclesiae Pastoribus, omnem iniquitatem exulasse sibi persuadet: Secus testantur ipsae Litterae sacrae, ipsi sancti Patres, ac praecipue Cyprianus, Nazianzenus, Hieronymus, Salvianus. Subsequuta sunt tempora longe pejora prioribus, sed meliora tandem evasere, ut si Christiana Respublica aetatis nostrae cum multis aliis praecedentibus Saeculis conferatur, habeat unde sibi jure gratuletur, & divinae misericordiae referat gratias.

Zelum ineruditum alterum illud incommodum fere semper consequitur, de quo alias conquesti sumus, & quod heic repetere non puto supervacaneum; nimia videlicet formido, ne quicumque minus cum vulgo sapit, ac aliter loquitur quam vulgus, Religioni & Ecclesiae

eliesiae sanctissimae exitium creet. Nequit emundae naris Eruditus,
 quin abusus in Ecclesiasticam Disciplinam identidem irreperentes ani-
 madvertat; quomodo enim maculae istae se subducant oculis legen-
 tium monumenta summorum Pontificum, Conciliorum, & Patrum?
 Ars Critica, necessarium in Ecclesia Dei flagellum ad imposturam
 omnem, erroresque tollendos, Erudito homini interdum aperit; quae
 sint confecta Miracula, qui Apocryphi ac supposititii Libri; quidve
 a magni etiam nominis Scriptoribus in Historia & Eruditione Ec-
 clesiastica peccetur. Si quis tamen zelo secundum scientiam incita-
 tus, quod Majores nostri cum laude fecerunt, facere & ipse velit,
 hoc est, aut voce aut scriptis hujusmodi abusus ac peccata prodar,
 atque eliminare nitatur, non modestiam, non prudentiam oblitus:
 ignara gens non raro exhorrescit, & ejusmodi Eruditos suspitione
 gravat non temeritatis solum, sed etiam languentis Pietatis, Fidei-
 que etiam titubantis. Verum hisce Eruditis, ut cordi summopere
 esse debet, scandalis quantum fieri potest, occasionem omnem prae-
 ripere, ita patienter ferenda sunt talia pia ignorantiae deliria. Nul-
 lae sunt, tamen optimae leges, nulla auctoritas legitima, quibus
 abuti non possit, ac soleat Magistratuum incuria, ignorantia, impo-
 tentia. Sed non propterea optimae leges abrogandae, optima insti-
 tuta vituperanda, quod iis abutantur nonnulli. Adversus hosce abu-
 sus, modeste tamen ac prudenter, scribere piis Eruditis licet, ut si-
 mul eorum odium, & Legum ac Magistratuum reverentia inspire-
 tur. Quod quum faciunt Eruditi, iis esse debet satis, meliorem ho-
 minum partem, si non majorem, suis habere faventem scriptis, zo-
 loque plaudentem. Nimium quippe Ecclesiae conducit tales Littera-
 tos habere, Superstitionis, perversae Disciplinae, piorumque com-
 mentorum inimicos, & Veritatis semper amantes. Haec vera pietas
 est, hic germanus zelus, quem Catholici Episcopi in Conciliis ubi-
 que produnt, quem Patres commendant, & carum habet in primis
 Apostolica Sedes. Quae consideratio mihi quoque animos addidit,
 ut quae haecenus differui, dissimulanda non censerem, & spem fecit
 fore ut nemini saltem ex melioribus consilium meum displiceret,
 quando non ambitio, non captandae famae, aut maledicendi pruri-
 tus ullus, non Pastorum Legumque rectissimarum contemptus, neque
 mei ipsius, sed unius Ecclesiae, Religionisque Catholicae amor, pro
 qua omnibus vigilandum esse puto, & ego libentissime sanguinem
 darem, mihi ut haec scriberem auctor fuit, utinam alicui utilis, uti-
 nam nemini perniciofus.

Nemini, inquam, pernicioſa; nam in oppoſitum huius exceſſum atque abuſum equidem ſentio homines labi poſſe, atque interdum labi, vel quum in ipſius Catholicae Eccleſiae ſinu degunt. Eſt autem alter exceſſus licentia opinionum tum in Fidei ac Diſciplinæ negotio, tum in Eccleſiaſtica Eruditione pertractanda. Facile intelligunt homines non rudi minerva, nimios interdum ac intolerabiles frenos adhiberi Ingeniis, vitio videlicet Magiſtratum, ſua poteſtate optimiſque legibus abutentium. Sed aequè deinde non intelligunt, qui ſint legitimi freni, omnibus Chriſtianis iure ferendi, & quouſque procedere merito ac prudenter poſſit Ingeniorum libertas. Hinc ergo totius Antiquitatis, Sanctorumque Patrum, & Eccleſiae ipſius contemptus; hinc errores, ac temerariae opiniones; ſiquè in iſis obſcuretur animus, hinc Schiſmata, ac Haereſes, a quibus tamen ut ſemper caveamus, non ſolicite ſolum monuit Apoſtolus, ſed Caritas, Juſtitia, ac Prudentia apertiſſime præcipiunt. Hos autem Ingeniorum frenos itidem videor mihi ſatis expreſſiſſe in hoc Libro. Quare tandem rogo Lectores meos, ut non minus diligenter perſpiciant, quid juris ac libertatis futurum ſit Ingeniis humanis in tanti momenti rebus, quam quid freni. Utrumque Veritati nocere poſſumus, vel nimium, vel nimis parum nobis tribuendo. Quo doctiores erimus, magiſque in Dogmatica, ac Polemica Theologia, atque in Eruditione antiqua verſati, eo cautius ac moderatius in ſtudiis ac opinionibus noſtris procedemus. Ignorantia hinc; inde Superbia, ſuperſtitioſos pariter ac temerarios faciunt. Mediae ſunt Scientia, ac Humilitas Chriſtiana. Faciunt iſtae Eruditos atque Theologos, vere perfectos ac religioſos. Illud autem certum eſt, nos numquam ex temeritate erraturos, ſi magis, quam nos ipſos ſamamque noſtram, diligamus decorem domus Dei, hoc eſt, amemus Eccleſiam Catholicam, ejuſque tutelae ac laudi ubique ſtudeamus, ejuſque iudicio omnia noſtra quum dicta tum facta obſequentiſſime ſubjiciamus, ejuſque Praeſidibus ſacris ad ubique obtemperandum paratiſſimi ſimus. Hoc votum eſt mihi, hoc mihi ſtatutum. Similia a reliquis opto. Quis enim tandem fructus literarum, ſi deſtruas, non aedifices? Equidem errare poſſum ex ingenii infirmitate, non poſſum ex obſequii ac voluntatis defectu.

Ne vero longiori ſermone perſequar, quid in his poſſit audere humanæ mentis ambitio, atque Ingeniorum licentia: inſtar omnium conſiderandum mihi elegi unum *Johannem Pſepponium*, cujus *Animadverſiones in Opera Sancti Auguſtini*, ſi non perpetuum, at certe

non leve. praebent hujus infelicitatis argumentum atque exemplum. Et hominis quidem consilium ego non miror, quum potius mirandum esse debeat, cur non omnes ab Apostolicae Sedis, Catholicaeque Fidei doctrina & communione alieni, paria, immo pejora non audeant. Nam ubi Ecclesiam audire desieris, Conciliorumque ac Patrum excusseris obsequium, tuoque Judicio nullum aliud esse superius tibi persuadeas praeter verbum Dei scriptum; quod uti experientia fidem facit, unusquisque ad arbitrium, captumque suum facile contorquere novit: quid te amplius impedire potest, quominus quodcumque lubet, quodcumque menti tuae verisimile occurrit, amplectare ac teneas, & contraria quaeque despicias atque repudies? Pheronius autem ita se interdum contra Augustinum, immo contra omnium Catholicorum sententias gerit, ut qui ejus principiis utatur, atque licentiam opinandi imitetur, mirum sit, quei abstinere se jam possit ab oppugnandis in posterum vel ipsis Litteris sacris, sive a revocandis in dubium reliquis Christianae Fidei Mysteriis. Nam quo non proruat relictus sibi hominum litteratorum animus, & potissimum si Critica Arte, Linguarumque Orientalium peritia sit quisquam turgidus, & immoderate ad dubitandum de rebus quibuscumque pronus, & novitatis suarumque opinionum pertinacissimus amator? Pertinet igitur tum ad publicam utilitatem, tum ad Ecclesiae sanctae, & Augustini defensionem, tum etiam ad Eruditorum documentum, intueri in Phereponi Animadversionibus nimiam Ingenii humani libertatem. Et ejus quidem sententias nonnullas, prout occasio tulit, haftenus confutavimus. Reliquas deinceps, quae confutatione indigere videantur: singulatim recensebimus, & pro virili profligare nitemur.

FINIS LIBRI SECUNDI.





DE INGENIORUM
MODERATIONE
IN RELIGIONIS
NEGOTIO.
LIBER TERTIUS.

CAPUT PRIMUM.

Quid de Peccato Originali sentiant Remonstrantes ac Sociniani. Nulla iniustitia Deo tribuitur per Catholicorum sententiam de Originali Peccato. Quum posuerit Deus ab initio condere naturam hominis salem, qualis nunc nascitur, posuit etiam in Adami Peccato sinere mala in hominum genus effluere. Auctoritate sacrarum Litterarum confirmatur Dogma de Originali Peccato. Apostoli locus ab interpretatione Pbereponi vindicatus.



INITIUM facio a controversia de Peccato Originali, ex qua velut ex capite cuiusdam catenae, pendent reliquae fere omnes controversiae de Gratia & libero Arbitrio, & de Natura innocentis, lapsa & reparata, quae inter Pelagianos ac Semipelagianos ex una parte, Lutheranos & Calvinianos ex altera versantur, Catholicis medium iter tenentibus. Heic autem videas Arminianos, sive Remonstrantes, parum a Pelagio abludere; Socinianos cum eodem prorsus sapere, immo

immo duriora, quam ipse tradidisse. Peccato originali inesse privationem Justitiae originalis, & inordinatam ad peccandum proclivitatem, fatetur Johannes Arnoldus Corvinus, hoc est ex Remonstrantibus unus, in Lib. contra Molin. Cap. 8. pag. 118. Idem Remonstrantes in Apologia sua Cap. 7. fol. 84. addunt, Peccatum Adami a Deo imputatum dici posse posteris ejus, quatenus Deus posteros Adami eidem malo, cui Adamus per peccatum obnoxium se reddidit, obnoxios nasci voluit, &c. At postea subdunt, se peccatum originale nec habere pro peccato proprie dicto, quod posteros Adami odio Dei dignos faciat; nec pro malo, quod per modum proprie dictae poenae ab Adamo in posteros dimanet. Quare peccatum hoc affirmare non audent malum culpae, aut malum poenae. Socinus vero in Praelection. Theolog. Cap. 4. & in Dialog. de Justific. tanquam fabulam Judaicam, & ab Antichristo in Ecclesiam introductam, Peccatum originis irridet, cui consonat Smalzius una cum reliquis ejusdem Socini affectis, ita ut una eorum sententia esse videatur, nihil nisi exemplo posteris nocuisse Adamum peccantem. Arminiumne, an Socinum heic sequatur Phereponus, statuere nescio. Illud certum, ut in aliis opinionibus non paucis, ita in hac Pelagio adhaerere Phereponum; & non Augustino tantum, sed Ecclesiae Catholicae ipsum patentissime adversari. Mihi vero certissimum est, idemque spero & Lectoribus aequis futurum, longissime ipsum a veritate recessisse.

Catholicorum doctrinam de Peccato Originali oppugnabat Julianus, quasi per ipsam infinita Dei Justitia laederetur. Quei enim justus Deus parentis primi culpam imputare velit posteris, eamque in nobis punire, quum tamen consensu voluntatis nostrae nihil ad ipsam contulerimus? Augustinus autem Lib. I. num. 3. Oper. Imperfect. contra Julianum ita scribebat: *Vos quod dicitis, potius non potest ulla justitiae ratione defendi, quia miseria generis humani, a qua nullum hominum ab exorsu usque ad obitum videmus alienum, non pertinet ad Omnipotentis justum judicium, si non est originale Peccatum. Igitur sanctus Doctor putabat, divinam Justitiam defendi non posse, nisi humanae corruptionis ac miseriae causam ab ipso hominum Peccato originali peteremus: quod & alibi saepe repetit. Ad haec Phereponus: *Asqui hoc tantum de infantibus aut puerulis dicere debuit: nam majores natu sat actualium peccatorum admittunt, ut hujus vitae miseriis digni sint. Sed ponamus eum, ut debuit, de infantibus dumtaxat, aut puerulis loquutum. Peccatum originale, ut ab Augustino explicatur, commodam nullam rationem defendendae Justitiae**

stis ac divinae suppeditas, cum qua nullo modo potest consistere, ut existimabant adversarii Augustini, quos nusquam recte confutavit. En expeditam viam cuiuscumque quaestionis dirimendae, quanquam difficillimae, & inter ingenia praestantissima dudum agitatae. Satis est pronuntiare sententiam distatoria voce. Alii rationes excogitabunt, & argumenta contraria dissolvent.

Sed ut pressius Scriptori huic respondeamus, prius Lectori sedulo ad memoriam revocanda sunt quaedam. Nemo est, qui vel in semetipso non sentiat innumera cum animi, tum corporis mala, eaque omnibus communia non videat, tamque altis radicibus in nobis fixa, & ab ipsa statim nativitate pullulantia, ut ea homini ingenta fateri cogamur. Corpus, inquam, mille aerumnis, doloribus, morbis, ac periculis, & morti denique obnoxium est. Animum ignorantia infelicissima gravat, ac foedat. Proni, & paene abrepti vel ab ipsa pueritia in Vitium, difficillime & supra modum inertes ad Virtutem, terram semper cogitamus, raro caelum; & avaritia, luxuria, ac ambitione exaestuantes, voluptatibus unice studemus, commodisque nostris, licet inhonestis; pejora longe acturi, nisi nos humanarum potius quam divinarum legum terror compesceret. Haec vel ipsi Christiani, & Sancti in se experiuntur, qui & aliam legem sentiunt in membris suis repugnantem legi mentis suae, qui quotidie cum tentationibus conflictantur, & ((a) interdum) concupiscentia vincente vincuntur. Quanto autem magis tanta humani generis miseria, & ad peccandum proclivitas, & rebellio appetituum ac pugna in Rationem, emineat, & conspiciatur in barbaris, aut sine Lege, aut sine vera Christi Lege & Gratia viventibus, in comperto est. Non vacat heic varios populorum mores, & innumera hominum vitia, & incommoda, oratione percurrere. Unusquisque sibi testis in se tam patenti esse potest. Illud dicam, vel ipsos Ethnicos, Aristotelem puta, ac Ciceronem, tantam hominum miseriam contemplantes, non potuisse quin exclamarent, naturam, ((b) non ut mater, sed ut noverca,) erga nos se gessisse. Haec ubi considerata fuerint, e vestigio suboritur in animis nostris sciendi ardor, unde tanta in nos malorum atque miserationum procella derivetur. Quum quisque sanus Manichaeorum deliria irrideat, restat ut hominem vel ita a Deo in prima institutione creatum, vel propter culpam aliquam suam in tot incidisse miseras affirmemus. Prima sententia Pelagianos habuit patronos; altera Catholicos.

((a)) Al. saepe. Lectio interdum verior.

((b)) Al. non ut matrem, sed ut novercam.

Pelagiani contendebant, quod & nunc eorum affecta Phereponus contendit, Catholicorum sententiam cum Justitia Dei consentire non posse. Contra, Augustino aliisque Catholicis visa est Pelagiana opinio Ideae, quam de Deo habemus, penitus contraria. Nam quo pacto Deus, qui hominem perfectum, rectum, ac felicem creare potuit, potius tam infirmum, vitiisque deditum, & alienum ab amore summi boni creare voluit? Quod opus manuum suarum vel ante peccata actualia miserum fecit, ejusque naturam in ipsa peccata adeo proclivem, & averfam a virtute creavit? Cur posuit, ut haberetur Ecclesiastici. XL. *Jugum grave super filios Adam a die exitus de ventre matris eorum?* Immenso Bonus, Sapiens & Benignus, id sine aliqua hominum culpa facere noluit; infinite Justus ad facere non potuit. Haec illi. Verum alii Theologi Catholici, iique potiori jure affirmarunt ac affirmant, *portasse Deum condere talem ab initio hominem, qualis nunc nascitur.* Ipsemet sanctus Augustinus in hac eadem sententia fuit; nam Lib. 3. de Lib. Arb. Cap. XX. agebat; *Si anima talis esse coepit, non solum ante peccatum, sed ante omnem vitam suam, qualis alia post vitam culpabilem factam est; non parvum bonum habet, unde Conditori suo gratias agat.* Lege reliqua. Idem Augustinus in Lib. 1. Cap. IX. Retraet. eandem sententiam confirmat, inquit: *Ignorantia, & difficultas* (duo nempe hominum gravissima mala) *etiamsi essent hominis primordia naturalia, nec sic culpandus Deus, sed laudandus esset.* Quae Retraetationum verba iterum repetit in Lib. de Bonio Persever. Cap. XI.

Quod si justus & laudandus esset Deus, si talem, qualis nunc est, hominum naturam creasset, sique Phereponus, ut arbitror, idem fatetur, immo contendit: quid est quod ipse, ejusque Majores Pelagiani, Justitiam divinam Catholicorum opinione distitant laedi, & cogitatione assequi non posse videntur, quomodo Augustini hypothetis, immo thesis, consistere queat cum ejusdem divinae justitiae evidentissima notione? Iisdem restantibus, divinae Bonitati atque Justitiae contrarium non est, naturam nostram ab initio tot subjecisse aerumnis, cum tanta proclivitate ad malum, tantaque difficultate ad bonum, tamen si nulla hominum culpa praecesserit. Ergo multo minus divinae Justitiae repugnat tot in nos mala congerere unius Peccati praecedentis intuitu. Justus ergo, & bonus, & laudandus in utraque hypothetesi Deus. Haec sola intercedit diversitas: quidquid Pelagiani adferre possunt pro tuenda Justitia ac Bonitate divina in hypothetesi sua, illud ad eandem tuendam in hypothetesi Catholicorum

inservit. Quidquid vero Catholici pro sua habent, non aequè a Pelagianis pro sua opinione usurpari potest; facilius enim Catholici Iustitiam ac Bonitatem Dei factam nobis testamque exhibent, tot humanae naturae miseriis non a primaeva institutione ac voluntate Dei boni, sed a primorum parentum culpa derivatis, quam si talem, qualis nunc est, naturam ab initio creatam affirmant. Et hoc sinceri, sagacesque viri non intelligere nequeunt.

Restat ergo inquirendum, num revera humanam naturam Deus tam imbecillem ac miseram ab initio condiderit, quod Pelagiani opinantur; an ejusdem naturae corruptio poena sit primi peccati, quod Catholici affirmant. Ut habetur Ecclesiast. VII. *Fecit Deus ab initio hominem rectum*, & ad imaginem suam creavit, & in extrema beatitudine collocavit. Deinde, quidquid nonnulli somniant, adeo perspicua sunt Genesis verba Cap. II. ut certissimum esse debeat, primos humani generis parentes, si divino praecepto parere voluissent (quo nihil facilius ipsis tum fuit), a naturali morte futuros fuisse immunes. Uri certum quoque est, peccarunt, eorumque inobedientiam sequuta est mortis naturalis inevitabilis poena, & querendi panis cum sudore necessitas, & partus feminei dolores, & rebellio belluarum, quas hominum nutui subjecerat primum Creator, ut alia mala atque incommoda omittam. Experientia vero dubitare nos non sinit, quin eadem mors, & multiplex calamitatum genus in nobis eorum posteris perduret. Ergo nos luimus primi peccati poenas, luuntque vel ipsi infantes, quanquam nullius peccati actualis rei. Ergo primorum parentum culpa iratum & nos Deum sentimus, & peccasse cum Adamo quodammodo dicendi sumus; a qua ira & culpa nos liberare non potest, nisi regenerationis Sacramentum, & Gratia Christi Servatoris. Propterea Regius Psalter in Ps. L. agebat: *Ecce in iniquitatibus conceptus sum, & in peccatis concepit me mater mea; sive in iniquitate, & in peccato*, uti Hebraica Exemplaria habent. Apostolus vero ad Ephes. II. *Eramus, inquit, & nos natura filii irae, sicut, & ceteri, non quia timore quodam* &c. Et ad Rom. III. *Omnes peccaverunt, & egent gloria Dei*. Etiam sanctus Joannes Cap. III. Evang. *Qui, ait, non credit in Filium, ira Dei manet super eum, pater etiam autem ubi vides non dici, iram Dei venire super eum, sed manere super eum*, quia jam antea fuerat. Ut alia Scripturarum loca praetermittam, quae in hanc rem afferri solent, memorabilem istum istar omnium referam, quem Apostolus ad Rom. Cap. V. 12. habet. *Propterea, inquit, si-*
cus

cui per unum hominem peccatum in hunc mundum intravit, & per peccatum mors; & ita in omnes homines mors pertransiit, in quo omnes peccaverunt. Quibus ex verbis intelligimus, cum Adamo omnes homines peccasse, & propter illud peccatum mortem in omnes homines pertransire, hoc est, communis mortis causam fuisse unius hominis, sive unius Adami peccatum. Infra idem Apostolus ait: Sicut per inobedientiam unius hominis peccatores constituti sunt multi, ita per unius obedientiam iusti constituentur multi. En Adami inobedientia, quae una multos constituit peccatores, uti multos iustos obedientia Christi. Vide reliqua ejusdem Cap. V. ad Rom. quae Catholicorum sententiam disertissime produnt ac firmant, & sine ipsa recte explicari non possunt. Tandem accedit, vel antequam Pelagiana Haeresis exoriretur, & lis de Peccato Originali ferveret, veteres Patres non aliter quam Augustinus sensisse, quamquam parce admodum de illa re fuerint loquuti. Egregia in hanc rem occurrunt testimonia Justini Martyris, Irenaei, Tertulliani, Origenis, Cypriani, Athanasii, Hilarii, Basilii, Ambrosii, Nazianzeni, Chrysostomi, Reticii, Olympii, & aliorum, quos praetereo: ut dubitari non possit, quin antiquissima haec sit Ecclesiae verae Traditio, cum divinis Scripturis omnino consentiens. Nunc videamus, an quidquam Phereponus proferat, quo tam antiquum, tantaque firmitate constitutum Dogma deici possit.

Dixerat Augustinus Lib. de Corrept. & Gratia Cap. VI. Peccata quidem ista originalia ideo dicuntur aliena, quod ea singuli de parentibus trahunt; sed non sine causa dicuntur & nostra, quia in illo uno omnes, sicut dicit Apostolus, peccaverunt. Excipit ista verba Phereponus animadversione hujusmodi. Verum in hac controversia nostra dicuntur, non tralatio sensu, sed proprio, peccata; nam sermo heic est de peccatis, propter quae non tralatio, sed proprie dictas poenas, ex divina, hoc est, perfectissima Justitia, dare possumus; quia ab iis abstinere posuimus, nec iis, nisi culpa nostra proprie dicta, succubimus. Ceterum dicere pergit Phereponus, peccata patentum nostra dici non posse, ita ut propterea corripi & plecti jure queamus. Addit, neque Apostolum dicere, nos in Adamo peccasse, quemadmodum passim Graeci sermonis imperitus distilat Augustinus. Quod ut palam fiat, Apostoli verba Rom. V. 12. ἵπ' ᾧ τὰς πλὴν ἡμῶν, quae vulgatus Interpres vertit, in quo omnes peccaverunt, Phereponus ipse vertit quia omnes peccaverunt. Cujus versionis rationem hanc reddit, inquires: Verisimile cum Desiderio Erasmo ἵπ' ᾧ, Quia, non In quo,

quia aliquin biulca est ratio, & dura. Equidem, ut hinc iter instituamus, exspectabam ab homine Critico aut veterum Grecorum auctoritatem, aut rationes ex intima Linguae Graecae peritia petitas, quibus haec sua Paulini loci Interpretatio confirmaretur. Sed ille unum nobis obrudit Erasum, virum certe in Graeco sermone minime hospitem, sed in quaestione de *Peccato Originali* plane Pelagianum, quique nihil non molitus est, ut in alium sensum haec, & superiora Apostoli verba invita detorqueret. Erasmi studium hac in re infelicissimum alii castigarunt. Verum quis stylum Pauli vel leviter novit, qui non etiam didicerit, similes sermonis structuras, duras in speciem, & parum (uti delicatis videtur) elegantes, Apostolo esse familiares? Deinde Theophylactus, Oecumenius, & alii procul dubio Graecae Linguae peritissimi, ipse interpretantur in quo *Adamo*. Quamobrem nisi qui ab anticipatis iudiciis, turbidisque a festibus iudicio uti prohibetur, nemo alius hoc in loco memorasset *imperitiam Graeci sermonis*, eamque objecisset Augustino, verba ista cum Graecorum ipsorum consensu in quo interpretanti.

Quod tamen heic attentius considerandum est, illud est, vel per ipsam Erasmi ac Pheraponi interpretationem nihil roboris demi huic loco, sive huic fortissimo Catholicorum & Augustini argumento. Fingamus Apostolum dicere, sic & in omnes homines mors transiit, quia omnes peccarunt. Non hic de solis peccatis actualibus loqui Paulus potest, uti Pheroponus persuadere nobis veller; nam quum dicat, morti omnes homines esse obnoxios, & re ipsa mori hac de causa, quod omnes peccarint; certumque sit, infantes nullius actualis peccati reos saepe de vita decedere: necesse est, ut ali-quod peccatum sit vel in ipsis infantibus, cujus causa malum illud subeant. Hoc autem nullum aliud esse potest, quam primorum parentum inobedientia & culpa, propagata in posteros omnes, per quam peccatores constituti sunt vel infantes, & regnavit mors ab Adam usque ad Moysen, etiam in eos, qui non peccaverunt in similitudinem praecurvationis Adae; quippe unius delictum in omnes homines in condemnationem. Nisi hoc statuas, sibi non constabit Apostolus, qui cum alibi appellat stipendium peccati Mortem, tum heic significare vult, ideo omnes homines mori, quia omnes peccarunt. Quare si nullum in infantibus peccatum admittamus, aut ipsi morituri non essent, aut argumentum Apostoli elumbe deprehenderetur. Sed Pheroponus non ausus affirmare praefraete, germanam esse interpretationem suam, ad aliam anchoram se conjicit. Fac, inquit, hoc

non

non esse perspicuum: profecto versio quam sequitur Augustinus, non ita certa est, ut possit is locus, quasi clarus urgeri; quum praesertim ex eo serme solo, aut potissimo, colligatur dogma, quod tot difficultatibus premittitur, ut vix ulla alias majores in dogmate Theologico invenire posse putem. Phereponus ergo mente assequi non valet, quæ Deus justissimus peccata parentum filiis tribuat, & in filiis puniat, quum filiorum voluntas nihil contulerit ad parentum inobedientiam; proinde alte clamat: peccata parentum nostra dici nequeunt, ita ut propter ea corripi, & plecti jure queamus. At nil mirum ista ab homine dici, cui non secus ac Socinianis, illud continuo perversum videtur, quod ingenio non placet, quanquam disertissimis, neque metaphoris verbis in Scriptura sacra enunciatur. Prope est ut dicam, nolle hujusmodi homines sentire, quod Paulus sentit; sed necesse esse ut Paulus sentiat, quod ipsis commodum videtur, & Deus agat, prout ipsis lubet. At profecto felicius saperent, si in simili causa dictum sibi ab Apostolo putarent Rom. IX. 20. O homo, in quis es, qui respondeas Deo? Numquid dicis figmentum ei, qui se fixit: Quid me fecisti sic? &c. Et Cap. XI. 33. O altitudo divitiarum, &c. Quum luminis rectæ Rationis evidenter adversari deprehenduntur Scripturae sacrae verba, tum certe commodum alium sensum intime latentem inde jubemur deducere. At quando ita composita sunt sacram Litterarum testimonia, ut pateat, nihil aliud divinos Scriptores significare voluisse, quam quod verba sonant, & ad istam significationem accedit vetustissimæ Traditionis consensus, & Dogma illud supra quidem humanam Rationem est, sed non contra ipsam: tum nefas est eludere mentem divinorum Librorum non alia de causa, quam quod mente assequi non possumus consilia, & voluntatem, & opera Dei.

Ceterum ut ut fateamur in quaestione de Peccato Originali occurrere quaedam non satis previa hominum infirmæ Rationi, nihil tamen est, quod contra ipsam Rationem pugnet. Quum enim Peccatum istud consistat in privatione Justitiæ originalis, a justo Deo nequaquam abhorret, originali Justitia privatos, homines nunc nasci causa primi peccati, quando justus itidem fuisset Deus, si vel ab initio, & ante Adami peccatum, eandem nobis Justitiam denegasset, eandemque & animi, & rationis, & corporis infirmitatem in nobis regnare sivistet. Et omnium hominum revera Peccatum istud est, non actuale quidem, sed habituale, sive morale; nam Voluntates omnium hominum, non physe quidem, sed moraliter, conjunctæ

tae fuere cum Voluntate primi parentis, idque ex decreto & pacto Creatoris nostri. Quod profecto neque potentiae, neque sapientiae, neque iustitiae Dei repugnat; nam ne in ipsis quidem terrenis universitatibus hujus rei exempla desunt, & in ipsis tamen iustitiam minime desideramus, uti neque in divino Circumcisionis praecepto Gen. xvii. non inveniet, ut puto, Phereponus ipse. Apostolus autem diserte docet, *in omnes homines per unius delictum condemnationem* venisse, & *omnes peccasse*, & per inobedientiam unius hominis peccatores constitutos fuisse multos, & mortem esse effectum, stipendium, & aculeum peccati: quae omnia satis evincunt, ubi ad infantes interdum morientes respiciamus, Peccatum aliquod originale per propagationem ex Adamo in omnes descendere, & nostrum omnium esse appellandum. Tandem Peccatum istud in ratione cul-pae omnium levissimum est; neque necesse est credere, ipsum post corporis mortem pari cum actualibus Peccatis supplicio esse puniendum; nam & ipse Augustinus Lib. I. de Peccator. merit. Cap. XVI. §. 21. ait: *Potest proinde recte dici, parvulos sine Baptismo de corpore exeuntes in damnatione omnium. mirissima futuros.* Et Lib. V. Cap. XI. §. 44. contra Julianum, parvulos, ait, *sine Christi Baptismate morientes, non tanta poena esse plectendos: ut eis non nasci possius expediret, ipsosque in damnatione omnium levissima futuros:* (a) qua de re mitius etiam Theologi Catholici nunc loquuntur.)



CA.

(a) Haec omnia secundis curis nuper addita.

CAPUT SECUNDUM.

Infantes miseri causa unius Adami peccantis. Baptismus eis necessarius ex Traditione probatur. Antiquitas Sponsorum pro infantibus in Baptismo contra Phereponum ostenditur auctoritate Tertulliani, qui necessitatem Paedobaptismi agnovit. Et in veteri Lege parvulis Profelytis additus Baptismus, & varia apud Judaeos Baptismatum genera. Sanctus Cyprianus Peccati Originalis assertor perperam a Pherepono negatus.



HEREPONUS tamen, quod est ad infantes & pueros, alia opinione tenetur. Nam pag. 621. Animadvers. in Op. Imperf. contra Jul. objicit sibi illorum miseriae, quae nobis argumentum praebent intelligendi originalis Peccati. Tum respondet: *Satius esset multo dicere, se nescire, cur innocii miseri sint, quam ut facias eos noxios, invenire hypotheseim, quae tot difficultatibus laborat.* Quasi Augustinus, aut alii hanc hypotheseim invenerint, & eam antea non tradiderit Apostolus satis aperte. *Multo satius esset, ut hoc repetam, Apostolo credere, & venerari divinum consilium, quam infirmæ Rationi tantum deferre, ut divinitus tradita nolis alia de causa credere, quam quod intelligere nescias. Sed quid sunt,* pergit Phereponus, *hæc infantium puerorumque brevissimæ miseriae, si cum aeterna beatitudine, quibus eas Deus pensat, conferantur? Nihil prorsus, aut si quid nibilo posset esse minus. Itaque quod Deus eas ab illis in hac vita non amittitur, mirum videri nequit.* Hinc intelligimus, Phereponum infantibus ac pueris vel sine Sacramento regenerationis e vita decedentibus, æternam in Caelis beatitudinem liberaliter concedere. Non ausi sunt Pelagiani, nisi medium quendam locum inter Caelorum regnum & Gehennam, assignare hujusmodi puerulis, felicem quidem, sed tamen ab aeterna Caelitum felicitate alienissimum. Sociniani patere ipsi fores Caeli volunt, & execrantur *Paedobaptismum*. Ministrari vero eidem hoc Sacramentum in suis coetibus moleste non ferunt Remonstrantes; sed ipsum Sacramentum necessarium illis ad beatitudinem æternam non censent. Anabaptistæ, Calvinistæ, alique id genus Novatores ab ea opinione aut parum, aut nihil abluunt.

dunt. At ego (a) minime) suscepi controversias omnes, quae inter Catholicos ex una, & innumeros Haereticos ex altera parte intercedunt, diffuse agitandas. Efferet hoc majoris otii, ac instituti diversi. Jam vero, quod est ad quaestionem de Baptismi necessitate in ipsis parvulis, luculentissime illam complures e nostris expedire, afferentes loca quaedam Scripturarum, & certissima quaedam principia Orthodoxae Religionis, e quibus recte deduci potest ista necessitas. Antiquissimam certe, atque adeo Apostolicam Traditionem, *Paedobaptismi* testem simul ac laudatricem habemus. Quare secundum Traditionis legitimae regulas, a Catholicis fortissime assertas, parvis ac infantibus necessarium est divinum lavacrum, ut Regnum Caelorum, si illa aetate decedant, consequi valeant. (b)

Quum tamen Phereponus pag. 495. in notis ad Epistolam Augustini XCVII. olim 129. §. 9. videatur aliquid dicere contra *Paedobaptismi* antiquitatem, ejus verba audienda sunt: *Quis*, ait, *intelligat susceptorem infantis baptizandi, quum pro infante responderet Credo, hoc velle: Baptismum, vel Sacramentum fidei suscipio? Quis non videt, primum formulam illam antiquam Baptismi esse institutam in usum adultorum, qui soli primum Baptismum suscipiebant, deinde translatam etiam ad infantes?* Utique nos nequaquam videmus, quod tamen tanta confidentia Phereponus videndum affirmat. Meram conjecturam, omni veterum auctoritate destitutam, nescio qui vellet homo ille, ut pro evidenti veritate accipiamus. Nos ab Apostolis ipsis, ut infantium Baptismum, ita & ritum spondendi pro iis derivamus, tum quod id affirmant vetustissimi Patrum, quum etiam quod Ecclesia universa omnibus retro temporibus eam consuetudinem servavit. Quid contra Phereponus assert, nisi unum illud, quod animo jam praepudicavit, & quod sponte concidat, si negetur? Operae autem pretium est duorum veterum Scriptorum loca proferre, ne & nos sine tabulis ac auctoritate agere videamur. Sanctus Irenaeus Lib. 2. Cap. 39. de Christo Domino haec habet: *Omnes venis per semetipsum salvare, omnes, inquam, qui per eum renascuntur in Deum, infantes, & parvulos, & pueros, & juvenes, & seniores.* Haec vides alludere Irenaeum ad Servatoris verba Jo-

(a) Al. non.

(b) Quae haec & infra Cap. vi. §. Quae sequuntur, noster Auctor ad *Paedobaptismi* antiquitatem propugnandam objicit Pherepono, adhibeat Lector ad refellendum *Colomejsium*, qui tum in *Observationibus Sacris* pag. 641. edit. Fabric. tum in *Melange ecclésiastiques* pag. 830. *Paedobaptismo* iniquiorem se prodat. Nec mirum: nam ipsum Socii haereticum fuisse amplexum, auctor est *Baelius* in Lexico, ubi *Colomejsii* memoriam persequitur.

ba Joann. III. 5. *Nisi quis renatus fuerit ex aqua & Spiritu Sancto non potest introire in Regnum caelorum.* Vides, *infantes, & parvulos* per Christum renasci ex aqua, & Spiritu Sancto. Quod autem est ad infantium & puerorum Sufceptores, audi Tertullianum in Lib. de Baptismo Cap. 18. *fuadentem, ut differatur in aetatem maturiorem Baptismus.* Itaque, ait, *pro cuiusque personae condicione, ac dispositione, etiam aetate, cunctatio Baptismi utilior est: praecipue tamen circa parvulos.* Quid enim necesse est Sponsores etiam periculo ingeri? Quia & ipsi per mortalitatem destituere promissiones suas possunt, & proventu malae indolis falli. Ergo Tertulliani etiam aeo obtinuisse, ac in usu fuisse patet, non infantium duntaxat Baptismum, sed & formulam ab eorum susceptoribus nunc quoque adhibitam; ideo quippe Sponsores appellati fuere. Neutrum porro novitatis damnat Tertullianus. Quidumque is altero duntaxat ab Apostolorum morte saeculo vixerit; Irenaeus vero ipsos Apostolorum auditores habuerit Magistros; & auctor uterque sit, Baptismum infantium in Ecclesia Dei jam tunc fuisse usurpatum: quis non intelligat, ruere Phereponi sententiam atque conjecturam, & perperam ab Apostolorum aetate atque institutione sejungi *Paedobaptismum*, & formulam spondendi pro illis?

Sed, inquires, *Paedobaptismus* fuit vel Tertulliani aeo improbat. Immo, ne quid dissimulem, afferam haec ipsius Tertulliani verba ex Cap. eodem: *Quid festinat innocens aetas ad remissionem peccatorum?* Non hoc negamus. At haec non tollunt, quin Ecclesiae Catholicae jam tum fuerit mos praeter adultos baptizandi etiam parvulos. Tertullianus ex propria sententia hunc morem sublatum cupit, ut alibi saepe, ita & heic a suo effreni ingenio abreptus, & privatae opinioni nimis indulgens. Nam sanctus Cyprianus, & reliqui Patrum, atque Episcoporum, Baptismi in annos majores aut in mortis periculum dilationem concorditer rejecere, laudato semper infantium Baptismo. Infra auctor est idem Tertullianus, Baptismum quoque *innuptorum* esse *procrastinandum*; & tandem absurde concludit: *Si qui pondus intelligant Baptismi, magis timebunt consecutionem, quam dilationem.* Nullus Catholicorum ita unquam sensit. Ceterum si mortis periculum ingrueret, minime negandum, aut differendum regenerationis Sacramentum, alibi docet ipse Tertullianus, & Cap. 12. ejusdem Libri de Bapt. fatetur, *nemini sine Baptismo competere salutem*; & in hoc eodem Cap. de parvulis, ait: *Norint pectere salutem, ut petenti dedisse videaris.* Quae satis esse possunt,

ut ex ejus quoque sententia necessitas & usus Baptismi vel in infantibus probetur. At ille vocat parvulorum aetatem *innocentem*, hoc est ab actualibus peccatis immunem; nam ex hac ipsa rationis specie vel post Tertullianum, & quarto potissimum Saeculo, sanctissimum lavacrum differre consueverunt ex Christianis non pauci; & ipse Augustinus distulit, quanquam contagium mortis antiquae, & maculam originalem omnes faterentur omnibus Adae filiis inesse. Nisi periculum mortis Baptismum suscipere coegisset, ejus consequutio distinebatur, quo peccata simul actualia postea deleberentur. Quid? quod maculam originalem ne ipse quidem inficiatus est Tertullianus? Humanas certe animas non solum immundas, sed etiam peccatrices ille vocat, donec Baptismo Christi mudentur. Sunt ejus verba Lib. de Anima Cap. 40. *Omnis anima eoque in Adam censetur, donec in Christo recenseatur: tamdiu immunda, quamdiu recenseatur. Peccatrix autem, quia immunda, recipiens ignominiam ex carnis societate.* Lib. I. Cap. 1. de cultu Feminar. ait, omnes mulieres de Eva trahere ignominiam primi delicti, & invidiam perditionis humanae. *Vivis sententia Dei super sexum istum in hoc seculo; vivat & reatus necesse est.* Et Cap. 3. de Testim. Animae de Satana ait: *Per quem homo a primordio circumventus, ut praeceptum Dei excederet, & propterea in mortem datus, exinde totum genus de suo semine infectum, suae etiam damnationis tralucem fecit.* Lib. V. Cap. 17. contra Marcionem, hominem videlicet pestilentissimum, a quo Deus traducebatur tanquam peccati auctor, ita idem Tertullianus scribit: *Apostolus, iracundiae filii fuimus, inquit, sed natura.... Quum dicit: Fuimus natura filii iracundiae,.... irae filios, ad naturam retulit, non ad Creatorem. Ad summam subjungens: Sicut & ceteri, qui utique filii Dei non sunt; apparet communi naturae omnium hominum & delicta, & concupiscentias carnis, & incredulitatem, & iracundiam reputare; Diabolo tamen capiente naturam, quam & ipse jam infectis delicti semine illato. Haec ea sunt, ut vel sine interprete prodere possint, Scriptorem Afrum diversam haec a ceteris Catholicis non induisse opinionem.*

Verum Phereponus in Animadv. ad Epist. CLVII. Augustini olim 89. §. 1. pag. 497. alia habet. Celebrem Apostoli locum Rom. V. supra a nobis productum Pelagianis opposuerat Augustinus, utpote affirmantibus, sine peccato hominem nasci. Quid ad haec Phereponus? *Hunc, inquit, locum Pauli pertinere ad adultos tantum, qui peccatum Adams imitantur, ostenderunt dudum viri doctissimi.*

diffimi. Tum paucis interjectis addit, *eo confidensius heic loqui Augustinum*, quo minus probare poterat, quae heic habet. Locus Pauli Rom. V. obscurior est, quam ut a tam proletario Interprete explicari possit. Phereponum libenter interrogarem, num illorum hominum ingenium ipse probet, qui nullum sibi frenum statuunt in Fidei quaestionibus, & pro suo modulo sentire, atque interpretari divinas Scripturas, constituunt; tum sua placita, tanquam certissima, vultu imperterritito venditare; adversarios vero non semel contemnere, eisque reponere pro rationibus contumelias. Verum, his dimissis, cuinam harum controversiarum perito persuadebit ille, dudum viros doctissimos ostendisse, ad adultos tantum pertinere locum illum Apostoli? Pelagiani quidem olim, tum Erasmus, aliique ejus gregis sensere, Peccatum ex Adamo non propagatione, sed imitatione, in hunc mundum intrasse; & adultos tantum, non quod filii sint Adami, sed quod ipsum imitati sint, omnes peccasse. At merum hoc fuit illorum commentum, ac effugium, & mera conjectura, quam sine ratione ulla gravi, sine majorum auctoritate excogitatum suae opinioni accommodarunt, Apostoli mente, ejusque verborum sensu, ipsaque ratione reluctante, uti sanctus Augustinus variis in locis, & innumeri subinde Catholici, & plerique etiam e Protestantibus demonstrarunt: quod ignorare Phereponus nequaquam potest. Istius vero hominis nequeas non mirari ingenium, qui hinc ansam sumit appellandi Augustini *proletarii Interpretis*. Videant alii, an viro liberali ac honesto consentaneum sit hujusmodi conviciis excipere Augustinum incomparabilis ingenii, sanctitatis, & doctrinae virum. Certe hic locus, minus etiam quam reliqui, contumeliis patebat. Quamnam enim Linguae Graecae imperitiam Augustino objicere heic possis? Nihil habet ille, quod eruditissimi deinde inter Catholicos Theologi ac Interpretes non habeant, & sentiendum decernant. Num audeat Phereponus proletarios Interpretes appellare tot clarissima ingenia in hac re Augustino concordia? Si non audet, cur sibi heic licitum putat, unum Augustinum tanto contemptu repellere, nihil tamen aliud sentientem, quam quod tot doctissimi viri sentiunt, ac sentiendum esse nos quoque brevibus nuper ostendebamus?

Numquam Augustinus probavit, infantibus Baptismum praescribi a Christo, aut Apostolis, ne pereant. Sunt haec ejusdem Phereponi verba pag. 497. ad citatam Augustini Epistolam CLVII. olim 89. Similia habet ille ad Ep. CLXXV. olim 90. §. 6. pag. 519. At Augustinus ostendit, non ex apertissimis quidem Christi, aut Apostolo-

stolorum verbis scriptis, sed ex vetustissimae Traditionis testimonio & universalis Ecclesiae usu (ut alias rationes taceam) praescriptum a Christo fuisse parvulorum Baptismum. Nunquam vero Pelagiani ostenderunt, contrariam fuisse Christi, aut Apostolorum mentem. Utri parti nunc est credendum? Utra pars dicenda est inopia rationum laborare? Sincerus quisque fateatur, ad Pelagianos reddendae rationis onus heic pertinere. Numquid enim minus Christo, & Apostolis Christi nomine aliquid scripto proponentibus, quam sine scriptis & per legitimam Traditionem loquentibus, habenda est fides? Nos vero palam fecimus saltem per Traditionem sine scriptis *Paedobaptismum* ab Apostolis esse praescriptum. Probent Pelagiani, aliter se rem hanc habere; probent, nihil aliud credendam esse, quam quod in Scripturis sacris aperte propositum est; ostendant, futuram esse interpretationem nonnullorum Scripturae locorum, e quibus Catholici deducunt necessitatem baptizandi parvulos. In huiusmodi quaestionibus illud nos usurpamus, quod vetustissimus Scriptor Tertullianus in simili agebat Lib. de Corona cap. 3. *Hanc si nulla Scriptura determinavit, certe consuetudo corroboravit, quae sine dubio de Traditione manavit. Quomodo enim usurpari quid potest, si traditum prius non est? Etiam in Traditionis obtentu exigenda est, inquis, Auctoritas scripta. Ergo quaeramus, an & Traditio nisi scripta non debent recipi. Lege reliqua; lege in hanc rem ceteros Patres. Praeterea num stolidi, ac moriones ac amentes adulti a sacro fonte arcendi, quod manifeste a Christo aut ab Apostolis praescriptum ipsis Baptismum non invenimus?*

Corollarii loco ad ista accedat Circumcisionis consideratio, & antiquissimus Iudaeorum ritus in recipiendis ex Ethnicismo ad Moysen legem hominibus. Infantes ex veteris Legis praecepto in foedus Israeliticum ingrediebantur per Sacramentum Circumcisionis, Deoque grati per ipsum constituebantur. Odium Dei, & poenae etiam propositae fuere in eos, quibus tale Sacramentum non conferebatur. Etiam si infantes non intelligerent, quam magnum bonum sibi inde contingeret, ex pacto tamen Dei illud bonum in ipsos manare non cessabat. Quamobrem collatus quoque Baptismus parvulis, suum in ipsis producere effectum potest ac debet, vel sine actuali fide; neque adulta aetas illis expectanda est, ut sanctificentur, & Deo placeant; ipsique sine lavacro sanctissimo decedentibus, aequae ac adultis, deerit foederis novi gratia in regenerationis Sacramento constituta. Deinde Baptismus Evangelicus, ut Eruditis quibusdam vide-

videtur, (a) aliquid) novum apud Judaeos non fuit. Quum enim Ethnici homines fiebant גֵרֵשְׁמִיעֵב *geresmedeb*, hoc est, *Profelyti Justitiae*, sive *julii*, atque inter Judaeos cooptabantur, non sola Circumcisio, sed & Baptismus conferebatur eidem. Hinc apud Hebraeos vulgatum axioma: *Non est quis Profelytus, usque dum circumcidatur, & baptizetur*, עַד שֶׁיִּכְרֹס וְיִטְבֵּל. Maimonides in *Issure Biab* C. 13. & alibi, Gemara Babylonica variis in locis, Moles Mikotzi Praecept. Negat. 116. R. Joseph Karo in *Shulcan Aruch*. Lib. *Jore dea*. Cap. 368. alique Judaei Scriptores, non solum testantur, vigere adhuc in Synagoga hunc morem, sed & ipsum referunt ad tempora usque Davidis ac Salomonis. Eo etiam pertinere potest locus quidam Arriani in Epictetum Lib. 2. Cap. 9. Ex iisdem autem Hebraeis Auctoribus pariter discimus, quum olim fuisse baptizatos, tum etiamnum baptizandos esse una cum parentibus, parvulos Profelytos ex Synedrii sententia. Vide laudatam Gemaram Babylon. tit. *Erubb.* & ibi Glossam, & Maimonidem in *Avadim* Cap. 8. & Gemaram Hierosol. tit. *Jevamoth*, & Lightfootum, & alios Judaicae eruditionis illustratores. Itaque uti sine Circumcisione, ita sine Baptismo, eoque unico, & ab aliis vulgaribus Judaeorum lustrationibus ac lotionibus diverso, nemo vel antiquitus inter Profelytos describebatur. Quam Rabbिनorum Traditionem juvat adhibitus a Joanne Praecursore Baptismus, ut ad vitam novam Judaeos perduceret. Non enim Synedrium ab eo per nuntios quaesivit, quid sibi vellet ille Baptismus, sed solum qua auctoritate ipse batizaret. *Dixerunt ei*: (sunt verba Jo. I. 25.) *Quid ergo baptizas, si tu non es Christus, neque Elias, neque Propheeta?* Scilicet illa baptizandi ratio nova non erat ac ignota, sed frequens ac usitata, & in parvulis usurpata. Propterea miratus nemo est tantum gentis confluxum ad Baptismum Joannis. Apostolus quoque Heb. IX. 10. commemorat varia Baptismata inter Judaeos usurpata.

Ergo generis humani Reparator Christus, antiquata solum Circumcisione, Baptismum retinuit, qualis in usu apud Judaeos erat, non rem novam instituens, sed jam usitatam, ad aliud munus finemque nobiliorem erigens, & vivifica vereque salutari gratia donans, ut sicut olim ad Judaicam Religionem, ita in posterum ad Christianam per verum hoc Sacramentum transirent Infideles, atque iterum nascerentur. Ideoque nihil necesse erat, conceptis verbis populo ac Apostolis praecipere *Paedobaptismum*, sed satis fuit generaliter indi-

cere

(a) AL. *quid*.

cere Baptismi usum, atque necessitatem. Per saecula praecedentia, & Christi etiam tempore, vulgarissima erat parvulorum aequae adultorum frustratio, quum ad Religionem Dei veri, & ad regenerationem transitus fiebat. Satis ergo constabat, praescripto per Christum Baptismo, quis foret abluendus. Atque ideo in re adeo nota superfluum erat hoc edicere, postquam dixerat Jesus: *Nisi quis renatus fuerit ex aqua &c.* Si ejusmodi consuetudinem abolere ipse voluisset, eam potius prohibere debuisset, apertis verbis. Recte itidem conjicere hinc possumus, parvulos aliquot Christiano fonte fuisse mundatos, quum, in Act. Apost. XVI. 15. & 33. paterfamilias baptizatus dicitur *cum omni domo ejus*; aut saltem inferre licet, parvulos, si aderant, & ipsos fuisse baptizandos; hoc enim de more a Judaeis fiebat, quoties recipiebantur Profelyti. Quod enim est ad locum Matth. XXVIII. 19. *Euntes ergo docete omnes gentes, baptizantes eos*; quem Anabaptistae nobis opponunt, quasi ii tantum dicantur baptizandi, qui prius fuerint edocti, evanescit ex vi Graecorum verborum. Μαθητεύσατε, inquit Christus, μαθηταὶ τοῦ Ἰησοῦ. Hoc est, non proprie docete, sed discipulos facite, scilicet in disciplinam meam, & in foedus novum, per Sacramentum regenerationis adducite omnes gentes. Tum subsequitur διδάσκατοι, *docentes eos servare omnia &c.* ut videas, Baptismum praecire posse doctrinae, & Discipulos posse fieri illos etiam, quos a discendo infirma aetas avertit, quum ideo *Discipuli* per Baptismum fiant, ut postea doceantur.

Quae Phereponus notat ad Ep. CLVI. Augustini pag. 498. consilia tantummodo sunt, & phalerae, & voces hominis, quibus nulla ratio adnexa est, ne gravioribus titulis utar. Si hoc pacto exhibilare adversariorum opiniones, vincere quoque est: vicit Phereponus. Sed merito exhibendus ille; si unico *ἀντὶς ἰσᾶ*, & propositis tantummodo suis, hoc est exoletis Pelagianorum opinionibus, agitatissimas Quaestiones se dirimere, & Sententias Catholicas tanto pondere stantes prosternere posse putat. Et tamen id ipsi in more positum est. Pag. item 510. in notis ad Ep. CLXXVI. iterum vellicare ille pergit locum Apostoli ad Rom. V. & *ἰπ' αὐτῷ* esse *quia*, vel *eo quod*, non *in quo* contendit, exempla innuens in 2. ad Cor. V. 4. & ad Philipp. III. 12. At in citato loco Epist. 2. ad Cor. ego nihil tale reperio. Alterum exemplum iis tenebris circumfusum est, ut adhuc rem nostram in medio relinquat, quanquam non minus quam antea, uti supra diximus, consistet firmumque sit Catholicorum dogma, tametsi Interpretatio illa praefatur. Locum item alium Epist. I. ad Cor.

ad Cor. XV. 22. Catholicis erepturus ad suam mentem explicat Pherponus, atque ea ratione loca ista esse procul dubio explicanda persuasurus Lectoribus suis, monet, *viros ac Theologos doctissimos* ita sensisse atque ostendisse. Hos autem etsi ille non nominet, nemo non intelligit esse gregarios Pelagii, Arminii, Socini, atque etiam Calvinii. Alibi quoque, hoc est pag. 549. locum Jo. III. 5. *Nisi quis renatus fuerit* &c. memorans, satis liquere ait, intelligendum de adultis tantum, non autem & de infantibus. Nos contra affirmamus, longe doctiores viros tum inter Catholicos, tum inter ipsos Protestantibus contrarium ostendisse, & ab istis prostrata jamdudum fuisse quaelibet Pelagii commenta: quam in rem & nos aliqua attulimus. Prostant Libri. Nostris palmam negabit Pherponus. Ipsam patiatum & nos negare suis. Lectores sinceri, & nullo partium studio adducti, dum omnia legerint, facile judicabunt, nos fumos non venditare, sed Apostolicam doctrinam constanti ac universali Ecclesiae Traditione firmatam. Pag. 549. in Animadv. ad Serm. CCXCIV. §. §. 6. 12. 17. & 19. Pherponus quae alibi non semel contra *Pædobaptismum*, & *Originalis peccati* veritatem dixerat, aliis verbis repetit; quare sine responsione dimittendus est.

Quod autem est ad sancti Cypriani verba ex Epistola LXIV. ad Fidum, quibus sanctus Augustinus utitur in eodem Sermone ad confirmandum Dogma de *Originali Peccato*, ea tam perspicua sunt, ut sibi melius fuisset Cenfor consulturus, si quae ad ipsa eludenda adfert, prorsus omisisset. *Quidni*, ait, *licuit Pelagianis rejicere Cypriani auctoritatem in hoc negotio; ut Augustino licuit, quod attinet ad Baptismum Haereticorum?* Tum addit, multo clarius, atque constantius sanctum Cyprianum affirmasse, Haereticos esse baptizandos, quam dari Peccatum originis. Si Pelagiani licium sibi censuissent, quod nostrorum temporum Novatores contra fas omne licitum sibi putant, nempe non Cyprianum tantummodo, sed reliquos Patres, & omnem legitimam Traditionem respuere, ac irridere: rejecissent profecto Cypriani auctoritatem in ista controversia, non expectato Pherponi consilio. At illis, quam recentioribus Haereticis, major erga sacras Traditiones reverentia erat, & melius intelligebatur, quam stabili quoque fundamento nitantur dogmata ab Apostolorum Traditione descendencia. Immo nervos omnes intenderunt & ipsi, ut ostenderent Majorum Traditionem sibi potius, quam Augustino favere. Utcumque tamen Pelagianis in pretio fuerit vetustissimae Traditionis auctoritas (non enim victas dedere manus documentis in hanc

hanc rem ex Catholicorum parte productis) illud mihi certum, perperam a Pherepono componi auctoritatem Cypriani affirmantis *Originale Peccatum*, cum Cypriano contendente rursus baptizandos esse Haereticos. In priore sententia nihil aliud affirmavit sanctus Cyprianus, quam quod universa tum ante se, tum post se ad Pelagium usque Ecclesia Christi, quae sub caelo est, affirmavit, & concorditer tradidit, & *Paedobaptismo* semper usurpato se credere significavit. Quamobrem Cypriani hac de re sententia non unius hominis erat, sed universae Catholicae Ecclesiae sententia, atque adeo inelutabili auctoritate constabat. Verum Cyprianus contendens, Haereticos esse rebaptizandos, si Agrippinum, & Africanam Dioecesis Episcopos, & nonnullos item Asiaticos Praefules excipias, qui Cypriano aut praevivere, aut consensere, neminem alium ipse habuit suae opinionis assertorem. Non ipsa solum Ecclesiarum caput Romana Ecclesia, sed reliquae fere omnes cum Orientis, tum Occidentis Ecclesiae & Traditionem vetustissimam, & consuetudinem perennem Cypriano contrariam tenebant. Quid plura? Ne ipse quidem gloriosus Martyr Cyprianus in suis Conciliis negare potuit, quin consuetudo recipiendi sine Baptismo Haereticos in Ecclesia Dei ante suam constitutionem obtineret. Itaque altera haec Sancti Cypriani sententia paucorum erat, non Ecclesiae Catholicae sententia atque Traditio; ac proinde licuit Augustino, immo necesse fuit haec Cypriani auctoritatem rejicere, ne veneranda totius Ecclesiae Catholicae, & Concilii universalis auctoritas, firmissimis etiam in ista quaestione armata rationibus, a se rejiceretur: quod Catholico homini nefas perpetuo fuit.

Deinde non dicit (Cyprianus) in infantes transire ullam labem internam, qua eorum facultates sint vitatae; sed tantum trahere eos contagionem mortis ab Adamo, quia ex patre mortali nonnisi mortales nascuntur: quod multum abest a sententia Augustini. Sunt ista Phereponi verba, sed Phereponi litigare potius amantis, quam veritatis inveniendae solliciti. In Cypriani verbis haec nimium aperta est, ita ut aut ultro oculos clausisse dicendus sit, aut oculis revera careat, qui eam non cernit. Ita scribit sanctus Cyprianus in laudata Epist. LXIV. ad Fidum scripta A. C. 253. *Si etiam gravissimis delictoribus, & in Deum multum ante peccantibus, quum postea crediderint, remissa peccatorum datur, & a Baptismo atque a gratia nemo prohibetur: quanto magis probiberi non debet infans, qui recens natus nihil peccavit, nisi quod secundum Adam carnaliter natus, con-*
ragium

tagium mortis antiquae prima natiuitate contrahis? qui ad remissionem Peccatorum accipiendam hoc ipso facilius accedit, quod illi remittuntur non propria, sed aliena Peccata. Apertissime distinguit heic sanctus Episcopus infantes ab adultis. Hos actualium criminum reos dicit; illos unius tantum Peccati, quod posterius Originale deinde appellarunt. Utroque a Baptismo non esse prohibendos, affirmat, in quo gratia divina utrique confertur, & datur Remissa Peccatorum. Quid est, quod Phereponus scribit, a Cypriano non dici, *in infantes transire ullam labem internam*, hoc est nullum animae inhaerens peccatum, sed mortis solum naturalis necessitatem? Cyprianus diserte pronuntiat, infantes *nihil peccasse, nisi quod contagium mortis antiquae prima natiuitate contraxerunt*; idest, non actualibus quidem culpis iram divinam in se concitasse, sed tamen esse reos Peccati primi parentis, quia ab ipso carnaliter sunt nati. Diserte, inquam, dicit, ipsos etiam peccasse, quia peccatum contraxere Adami. Dicit ipsos accipere Remissionem peccatorum, ipsisque remitti, non propria, hoc est, non actualia, sed aliena peccata, idest, peccatum Adami, qui actualiter peccando fecit, ut omnes posterius vel recens nati peccatores essent, ac indigerent remissione peccatorum per salutarem Baptismi aquam. Uti vero expresse Cyprianus ait, infantes ante susceptum Baptismum carere Gratia Dei, ita in eadem Epistola non semel addit, ipsos egere Misericordia Dei, eorumque animas sine Baptismo decedentes *perdi*. *Quantum in nobis est*, ait, *si fieri potest nulla anima perdenda est*. Si Adami reatus in infantibus habitat, si animae illorum perduntur, ubi sine Baptismo decedant, sique remissionem peccatorum accipiunt: ergo necesse est, in infantes transire labem aliquam internam, atque Peccatum, quod animae sit proprium. Necessitatem mortis corporeae utique non tollit Baptismus; ergo tollit solum peccatum originale ex anima; atque hoc peccatum illud est, quod Cypriano dicitur *contagium mortis antiquae*.

Sed Phereponus dicere pergit: *Denique rhetorice potius fortasse dixit remitti aliena peccata, quam didactice. Ac sane nec imputari, nec remitti aliena peccata, si proprie loquamur, a iusto iudice possunt. Satis est, multa Oratorum Ecclesiasticorum dicta esse vel diluto sensu vera; quum satis constet, eos minime accurate loqui solitos.* Habeat sibi Phereponus alibi Criticam istam regulam; nihil enim illa ad rem praesentem facere potest. Etsi rhetorice loquutus heic fuerit sanctus Cyprianus, ejus tamen mens apertissime se prodit, & sensus didacticus elucet: quod & contingit in reliquis Rhetoricis *co-*
Tom. X. P. I. B b b lori-

loribus ab omni perito Rhetore adhibitis. Sed verbis didacticis, non rhetoricis, heic doctrinam Catholicorum Catholicus Episcopus exprimit. Quum nihil boni aut mali egerint infantes, revera nullum *proprium actuale peccatum* habent, quod sibi remittatur. Ex Apostolica tamen ac universali Ecclesiae Traditione Peccatum habent, & indigent Gratia & gloria Dei. Hoc autem Peccatum nihil aliud est, quam Adami Peccatum in omnes homines descendens in condemnationem; *alienum*, quia non ab infantibus, sed a solis protoplastis actualiter perpetratum. Hinc proprie ac sine Rhetorico colore dictum est, *non propria, sed aliena peccata remitti* parvulis unda salutari ablutis. Ceterum, quod Phereponus tum heic, tum alibi eandem ingeminat cantilenam, videlicet imputari a iusto Deo aliena peccata non posse, quasi veteres ac recentes Catholicae Ecclesiae Theologi de tuenda Iustitia Dei nihil solliciti, satis hoc nondum animadverterint: rogandi sunt Lectores, ut quod in hujus controversiae exordio nos paucis innuimus, multoque magis quod sanctus Augustinus, sanctus Thomas, ceterique Patres ac Theologi nostri hanc in rem late conscribere, legant. Tum enim intelligent, haec recte cum divina Iustitia componi, & contra non solum suis difficultatibus, quod attinet ad Providentiam, Bonitatem, ac Iustitiam Dei laborare sententiam Pelagianorum, sed ipsam quoque adversari Ecclesiae totius Traditioni, & Apostoli verbis. Atque hactenus de huiusmodi controversia.



CAPUT TERTIUM.

Concupiscentia non Bonum, sed Malum homini. Quid Libidinis generale nomen interdum apud Augustinum sonet. Libido carnis, qualis nunc est, malum Poenae, & non Peccatum proprium est. Non venit ab institutione naturae innocentis, sed Peccati primi poena suis. Differt ab appetentia cibi & potus. Perniciosa homini, ut is animal rationale est. Pudor nuditatis in statu Naturae innocentis locum non habuit, sed post Adami lapsum effluxit, & insit nunc omnium naturae. Fuisset & in terrestri Paradiso voluptas Carnis, sed non inimica aut infesta Rationi. Nisi Adamus peccasset, neque Libidini turbidae, neque aliis malis obnoxium foret genus humanum, Scriptura teste.

JULIANUM Pelagianae Haeresis primipilum quum alias ob causas sanctus Augustinus eloquentissime ac nervosissime exagitat, tum ob illam in primis, quod se humanae Concupiscentiae atque Libidinis laudatorem praestitisset. Postremis hisce temporibus inventi sunt, qui contra eundem Augustinum, immo contra Catholicam Ecclesiam, Julianum ejusque conclamatae sententiam iterum tuerentur, inter quos non ultimam aciem Phereponus nunc ducit. In eo sita fuit controversia. Julianus *Concupiscentiam Bonum naturae appellabat, quo Bono bene utitur, qui modum tenet; quo Bono male utitur, qui modum non tenet; quo Bono melius non utitur, qui etiam ipsum modum, sanctae Virginitatis amore, contemserit.* Augustinus contra, *Concupiscentiam semper Malum esse contendebat; quare Lib. 3. adversus Julian. Cap. 21. ita reponebat: Concupiscentiae carnalis qui modum tenet, Malo bene utitur; qui modum non tenet, Malo male utitur; qui autem etiam ipsum modum, sanctae Virginitatis amore, contemserit, Malo melius non utitur.* Innumera sunt, quae Augustinus variis in Libris, & bene longo sermone contexuit, ut suam hanc sententiam confirmet. Sed hos, quae Phereponus contra habeat, jam recensamus. Dixerat Augustinus in Lib. 1. Cap. 3. de libero Arbitrio, *Libidinem in Adulterio Malum esse.* Phereponus in Animadv. ad hunc locum pag. 482. primo dubium non esse ait, quin mala sit in adulterio Libido, sed non alia

de caussa, nisi quia adulterium ipsum est malum, quippe quod ab illo societas humana plane perturbetur, atque adeo vetitum sit hominum caussa, quibus vehementer nocet. *Alioqui*, deinde scribit, *libido, seu cupiditas alterius sexus, nihil habet per se mali, si intra limites a Deo, immo & ab ipsa ratione, praescriptos maneat*. Quare inquit, Augustinum minus commode indicasse, cur Malum sit adulterium, quum ejus malitiae causam a Libidinis malitia derivavit. At Phereponus animadvertere attentius debuit, quid hoc in loco per *Libidinis* nomen significare voluerit sanctus Augustinus. Non *cupiditatem* luxuriosam, sive carnalem *alterius sexus*, sed quidem pravam quamcumque cupiditatem, atque Concupiscentiam heic Libidinem appellavit. Ut enim idem Augustinus Lib. 14. Cap. 15. de Civit. Dei scribebat, *Libido generale vocabulum est omnis cupiditatis*; immo & irae, & jaclantiae, & pervicaciae, aliisque hujusmodi perversis animi affectibus Cicerone teste convenit, quanquam pro venereo appetitu usitatus accipiat. Cupiditas, qua homo inclinatur ad aliquid appetendum contra Rationem, contra Justitiam, Pietatem, Temperantiam, aliasque Virtutes & contra Leges a Deo & a ratione constitutas, Libido est, Libido appellari potest. Quae profecto Concupiscentia, sive Libido, quum in adulterio quoque deprehendatur (justitiam quippe, ac societatis humanae jura, & Sacramenti foedus, adulter contemnit ac laedit) commode propterea & vere in ejus malitiam retulit Augustinus adulterii malitiam. Ipsemet eodem Cap. 3. Lib. 1. de libero Arbitrio aperte prodit quid sentiat, ita scribens: *Ut intelligat Libidinem in adulterio Malum esse, si cui etiam non contingat facultas concumbendi cum conjuge aliena, planum tamen aliquo modo sit, id eum CUPERE, & si potestas daretur, facturum esse, non minus reus est, quam si in ipso facto deprehenderetur*. Vides non turbidum carnis motum, sed pravam animi affectum, sive alienum a ratione recta appetitum, vocabulo *Libidinis* heic designari. Tum addit Evodius: *Clarum est enim, jam nihil aliud quam Libidinem in toto malefaciendi genere dominari*. Cui protinus Augustinus: *Scisne etiam istam Libidinem alio nomine Cupiditatem vocari?* Melius ergo & commodius Libidinis pravitatem constituimus causam illius pravitatis, quae in adulterio est; fieri enim potest, ut quis sit adulter, humanaeque proinde societatis ordinem turbet, & nihilominus tum ipse, tum ejus opus culpa ac malitia careat: quod fit, quum ex ignorantia invincibili agitur. Et quare tunc adulterium malum non est, nisi quia tunc Libido, sive prava ani-

animi appetitus, in ignoranter operante minime dominatur? Itaque nihil erat, cur heic Augustinum edocere meliora Phereponus vellet, multoque minus cur in commendationem venereae Libidinis transgrederetur, cui nullus heic locus erat.

Sed quoniam illius oratio nos eo quoque abripit, videamus, quei probet novus iste Pelagianorum patronus, Libidinem carnis, five Cupiditatem alterius sexus, *nihil habere per se Mali*. En ejus verba pag. 482. *Ita constituta sunt a Deo omnium animalium corpora, ut quum adoleverunt, ea Cupiditas in iis, mechanico imperu, excisetur, non aliter ac Cupiditas edendi aut bibendi. Confectarium est naturae corporis, quale a Deo creatum est; ut ex brutis, & ex ipso consilio propagationis generum intelligere est. Ratio igitur, quare Malum non sit dicenda Libido, si Pherepono credimus, ea est, quod naturalis motus sit, a Deo constitutus, nihil certe nisi Bonum creante. Eadem repetit ille, pag. 528. in Notis ad Lib. 9. Cap. 10. de Gen. ad Lit. Nam quum dixisset sanctus Augustinus, honestius meliusque credi, ita fuisse primorum parentum corpora constituta in terrestri Paradiso, ut appetitum carnalis voluptatis non haberent, qualem nunc habent ista corpora: Phereponus talia apponit: Appetitus ille, ut liquet vel ex brutis, tam naturalis est, quam appetentia cibi aut potus, voluptasque quam experimur, quum comedimus esurientes, vel bibimus sitientes. Non puto sane, quemquam dicturum, sisim, aut famem, voluptatemque, quam iis explendis experimur, effectus esse peccati. Fingenda mera sunt, quae heic & alibi dicuntur. Ita brevibus rem expedit Phereponus, & longas Augustini commentationes levi negotio prostermit, & rotunda sententia exhibilat. Experiamur, an bene sedeat homini isti confidentia tanta.*

Quum Augustinus Libidinem carnis Malum appellat, animadvertendum primo est, quo sensu illic *Mali* nomen sit accipiendum. Ut autem Augustinus ipse auctor est Lib. I. Cap. 1. de Lib. Arb. *Duobus modis appellare solemus Malum; uno, quum male quemquam fecisse dicimus; alio, quum mali aliquid esse perpeffum*. Eo recidere potest, quanquam diverso sub intuitu, illa divisio Mali, quam idem Augustinus ac ceteri Theologi frequenter usurpant, nimirum aliud esse Malum culpaе, aliud Malum poenae. Prius malum inquinat animum, Deoque hominem invisum facit, & Peccatum dicitur. Alterum tantummodo excruciat, aut laedit animum, five corpus hominis. Certum est, Augustinum minime inter priora Mala, sed quidem inter secunda, computare Libidinem. Quanquam enim Con-

cupi-

cupiscentiam humanam generaliter sumtam, cujus pars ac species est ipsa carnalis Libido, Augustinus interdum cum Apostolo *Peccatum* vocet, nunquam tamen aut Apostolus, aut Augustinus hujusmodi vocabulo significare voluerunt, Concupiscentiam vere & proprie Peccatum in hominibus esse; sed Peccatum ideo appellant, *quia ex peccato est* (originali videlicet) & *ad peccatum inclinatur*, sicuti Synodus Tridentina nos docuit Sess. V. & ipse Augustinus antea docuerat Lib. 1. Cap. 13. de Nupt. & Concup. & in Libris contra Julianum, & Lib. 1. Cap. 12. contra duas Epistolas Pelag. & in aliis Libris. Proinde sublati omnibus in sacro Baptismate culpis, atque peccatis, adhuc restare in homine Concupiscentiam Augustinus affirmat; non quod propter ipsam rei amplius sumus, sed ut cum ipsa configamus in posterum, ne fiamus rei. Quamobrem, si Pherepono visus forte est Augustinus tunc Libidinem appellasse proprium ac verum Peccatum, quum eam in Malorum aciem retulit: sciat, se quidem improbare Calvinii ac Lutheri commentum, non autem Augustini mentem.

Statuit igitur Augustinus adversus Pelagianos, Concupiscentiam & Libidinem carnis non esse naturale Dei donum, non esse a Deo creatam in primis parentibus talem, qualis post eorum peccatum fuit, & qualis adhuc sentitur ab hominibus. Primi peccati infelix fructus illa est, vitiumque corruptae, non innocentis, Naturae, ac propterea Malum Poenae, Malum homini molestum, quo nos careremus, si culpa caruissent primi omnium parentes. Quis autem Libidinem qualem nunc in membris suis humanum genus sentit, naturale Bonum putet, quae nos ad peccandum pervicaciter incitat, quae contra legem mentis atque rationis tam saepe pugnat, quae continentiae & virginitati infestissima est, quam quilibet vir pius sentire se dolet, ac porro sentire nolle, quae demum pudoris atque erubesceniae materia est, atque argumentum? At haec nihil Pherepono obstant, quominus inter naturalia Bona Libidinem referat. *Appetitus ille, inquit, tam naturalis est, quam appetentia cibi aut potus.* Mechanico autem impetu non minus brutorum, quam hominum corpora ad Libidinem, & per Libidinem ad generis propagationem moventur. Ergo non est effectus primi peccati Libido. Ita Phereponus. Quod est ad comparationem Libidinis cum fame & siti, respondemus, Cenforem demonstrare prius debuisse, famem quoque ac sitim, quales nunc ab hominibus sentiuntur, tales quoque futuras fuisse in innocentiae statu, atque in illa summa felicitate, in qua

in qua Deus Adamum creavit. Ad Catholicam Fidem spectat credere, primos parentes morituros non fuisse, nisi peccassent. Quum fames, & sitis, mala utique omnium iudicio in hoc praesenti hominum statu gravia, praeter acerrimum dolorem, mortem quoque corpori inferre nunc possint: cur mechanica etiam vi homines, in terrestri Paradiso alioqui non morituros, compellere fames & sitis non potuissent, atque interdum non compulissent ad mortem? Aut ergo Deus in statu naturae innocentis famem & sitim, consecutaria naturae corporis non fecit; aut si fecit, tales, quales nunc experimur, ne homo sentiret, effecit.

Sed ut a quaestione ista aequivocationem omnem removeamus, dicimus, hominem sub duplici ratione esse considerandum, nempe aut quatenus homo est animal, aut quatenus est animal ratione praeditum. Nutrirī, augeri, propagationem quaerere, delectari in operationibus sensitivis ac in ipsa Venere, & appetere cibum ac potum, & alia id genus, homini ut animali naturalia sunt, & in Adamo etiam fuere. Atque idcirco Bona ea sunt a Deo, uti Bonum quoque a Deo emanans sunt vis generativa, & vasa generationis, & seminis efficacia, & honesta sensuum voluptas, & commixtio corporum ad licitam propagationem humani generis, atque alia ejusmodi. Immo genitalium motus *Bonum naturae* in se est; *nunquam enim motum genis alium Augustinus reprehendit generaliter*, tanquam naturae *malum* ac vitium, uti Julianus eidem objiciebat, *sed illum motum reprehendit, quem facit Concupiscentia, qua caro concupiscit adversus spiritum, quam velut bonum defendebat Julianus*. Utor ipsius Augustini verbis lib. 4. Cap. 13. contra eundem Julianum. Secundo, in Libidine ac in aliis quibuscumque motibus animalitatis ac inferioris appetitus; considerari potest effrenis illa membrorum, & affectuum concitatio, quae vel repugnante voluntate hominis fit in homine, quae pudorem ingerit, & ad peccatum incitat ac rapit, ut ea faciamus quae facere nollemus, mentemque ac rationem in actibus libidinosi turbida sua delectatione absorbet, & de sua dignitate dejicit. Hoc illud est, quod Malum appellat Augustinus, & nos cum Augustino Malum esse homini, quatenus animal rationale est, affirmamus. Quo Malo in primi sceleris poenam mulctati sunt posterī Adami, Deo non quidem hoc Malum creante, sed sinente, ut efflueret e constitutione corporis divinis donis spoliati, postquam a divina gratia ac primaeva innocentia Adamus peccando exciderat. Quapropter nihil est, quod Phereponus exemplum brutorum adhibeat,

beat, ostensus, libidinosos humani corporis motus Malum non esse. In animalibus brutis nullum deformitatis sensum Libido creat, nihil pudoris ingerit, nihil cum ratione pugnat, quippe quod ratione pecudes ipsae carent. Conformis potius eorum naturae est huiusmodi motus concupiscentiae, ut bonum quoque ac perfectio in iis appellari jure possit. At in animalibus ratione praeditis, & ratione utentibus, Malum, vitium, defectus, & corruptio naturae Libido est, quippe ad inhonesta, & rationi contraria hominem sollicitans, & ad ea impellens, quae naturam hominis, quatenus rationale animal est, omnino dedecet: *In pecoribus*, inquit Augustinus Lib. 4. Cap. 13. contra Julianum, *malum non est Concupiscentia, quia non adversus spiritum concupiscit, sed eorum potius oblectat spiritum*. Vide & eundem Lib. de Pecc. Orig. Cap. 40. & Lib. Oper. imperf. Cap. 56. Ergo qui se hominem esse recordatur, non sentire, non fateri nequit, quin Concupiscentia carnis, qualis nunc sentitur, unde tot intestinas patimur pugnas, quas etiam Apostolus in se olim deplorabat, Malum sit homini, quatenus ratione praedito, ejusque naturae incommodum, ac vitium.

Quandoquidem vero negare ne nos quidem volumus, aut possumus, quin huiusmodi Malum in statu quoque naturae purae locum habere potuerit, ita ut culpanda ne sic quidem foret Creatoris iustissimi voluntas, qui tale vitium ex corporis constitutione effluere vel in puris naturalibus permisisset; immo quum neque disceptare velimus, an tantae vires in statu Naturae purae carnali Concupiscentiae esse potuerint, quantae nunc a nobis sentiuntur; superest solum, ut inquiramus feceritne Deus revera, an non, in primordio rerum hominem adeo inordinatis motibus Concupiscentiae libidinosae obnoxium. Phereponus cum Pelagianis affirmat. Catholici cum Augustino negant. Id ostendimus primo, quia magis decuit divinam bonitatem atque iustitiam, ita hominem innocentem condere, ut corpus animo, inferiora superioribus placide subdita forent: quod certe secus nunc evenit in isto corruptae naturae statu. Deinde quum constet, Adamum in maxima cum animi, tum corporis felicitate a Deo fuisse creatum, quis eam in illius membris pugnam, eumque peccati fomitem, easque Concupiscentiae vires in illo fuisse credat, quae nunc maximam vel hominibus piis & infelicitatem & periculum animae creant? Sed quod rem evidentius tangit, haec de primis parentibus scripta sunt Gen. 2. v. 25. *Erat autem uterque nudus, Adam scilicet, & uxor ejus; & non erubescerant*. Nihil igitur

tur pudoris nuditas innocentibus hominibus attulerat non alia de causa, nisi quia nullum adhuc praeter voluntatis arbitrium in membris suis motum, nullam carnis rebellionem, nullum intestinum membrorum bellum contra mentis legem senserant. At postquam Deo inobedientes peccarunt, uti habetur Gen. 3. v. 7. *Aperi sunt oculi amborum; quumque novissent se esse nudos, consueverunt folia ficus, & fecerunt sibi perizoniasa.* Profecto aliud. novi in se, ac in membris suis animadvertere primi homines non potuerunt, cujus illos pudere inciperet, nisi Libidinis motus vel invita voluntate factos. Tum sentire coeperunt sui peccati poenam, tum se divinis donis spoliatosprehenderunt, tum puduit illos novae deformitatis, ideoque *perizoniasa*, sive *succinctoria*, atque *femoralia*, *הגרוטב chagorotb*, sibi concinnarunt, ut suis aliorumque oculis pudoris aut lasciviae materiem subtraherent. Ergo tum primum nata est turbida illa Libido, infistaeque hominibus primis in poenam primi peccati a iusto Deo ferre finitur in eorum posteris, quum antea nonnisi ex imperio, aut consensu mentis atque rationis ea membra moverentur, quibus homo ad generationem utitur.

Quid quaeso ad haec tam luculenta divinae Scripturae verba reponit Phereponus? Scripserat Augustinus Lib. 13. Cap. 13. de Civ. Dei haec de primis parentibus: *Senserunt ergo novum metum inobedientis carnis suae, tanquam reciprocam poenam inobedientiae suae.* Hujusmodi opinionem commentum Phereponus statim vocat. Tum ait pag. 583. *Ne quid aliud heic dicam, non debuit dicere, senserunt, sed sensit Adamus; nam motus aut nullus fuit in Eva, aut certe minime conspicuus, & qui eam in ruborem dare posset.* Telum hoc vetus est e Juliano pharetra petatum, sed ab Augustino jamdiu protritum Lib. 4. Cap. 13. contra eundem Julianum. Attamen quum nos moneat Cenfor, ut de nuditate primorum parentum cum alios Interpretes, tum praesertim Joannem Clericum consulamus: illi habendae gratiae, quod ex Interpretum vulgo aliquem feligat, in quem edocendi nos onus transferat. Et ego quidem novi Joannem Clericum, virum & eruditione & ingenio critico revera celebrem, sed licentia quoque opinandi aequae famosum, adeoque in sanctos Patres animatum, ut quum ipsum audis, alterum, immo ipsum Phereponum audire te putes. Varias Interpres ille Interpretum sententias congerit ad explicandam primorum parentum nuditatem, & perizoniasa, tum probare videtur, qui dicat, *nudum* in eo loco nihil aliud significare quam *peccatorem*, seu hominem, qui se peccasse

animadverterit. Nobis non irascatur Phereponus, si novum hunc suum divinarum Litterarum Interpretem dicimus interpretatione sua ridendos incredulis exhibere aut Mosem divinum illius Historiae Scriptorem, aut ipsos parentes primos. Cognoverunt nempe isti se peccatores esse, atque ideo minus honestas corporis partes velavere cinctoriis; sive, ut ipse conjicit, testum, sub quo habitarent, sibi composuerunt. Quis haec audiens non rideat aut hominum illorum consilium, aut Historici sacri ingenium? Nam quid rei habent perizomata confuta, & nudis membris aptata, aut habitaculum sibi constructum, cum cognitione antecedentis peccati? Num tegere animae peccatum poterant nova illa integumenta membrorum? Sed Clericus nullam pudoris causam in Adami & Evae nuditate reperiebat, remotis nempe arbitris, & sine consensu voluntatis, atque ideo sine culpa nudis, aut etiam sine culpa ad libidinem concitatis membris. Phereponus vero, quum nullus, aut saltem non conspicuus, fuerit motus in Evae membris, nullum sentiri ab ea potuisse pudorem ait, eidemque propterea nullam regendi corporis necessitatem fuisse. Verum nos cum Augustino dicimus, Evam in membris suis intestinam novamque pugnam, ac inobedientiam sensitse. Sensit ipsa, quid conspicua viri nuditas in se intuentem efficeret; & hinc didicit, quid vicissim in viro feminea nuditas efficere posset. Insolita haec erant; & nullo negotio in poenam criminis a Deo inflicta fuisse uterque intellexit. Quare perizomatum ope deformitatem hujusmodi auferendam, & subtrahendam oculis Adam excitatricem injustae libidinis nuditatem Eva quoque cognovit.

Ceterum quum pudor sit tristitiae species e metu infamiae propter aliquod vitium aut culpam: quis non videat pudori locum fuisse in primis parentibus ad novum illum membrorum ac libidinis affectum sine voluntatis imperio excitatum? Praeterea nonne & nos pudet, & merito pudet, alia quaedam corporis vitia prodere, ac palam deferre, quando iis animi nostri vitium & peccatum causam dedit? Immo nos pudet etiam, & jure pudet, si quum facile possumus, non ea quoque oculis aliorum eripiamus, quae aut molestiam doloremque ipsis creent absque utilitate ulla; aut eorum animos & sensus ad aliquid allicitant ac impellant, quod rationi rectae minime conveniat; aut culpam tacite exprobreant; aut alicujus morbi, sive calamitatis nostrae, quam culpa adduxit voluntaria, & pellere voluntaria amplius medicina non potest, alios moneant. Tales pudoris causas in se invenerunt Adamus & Eva, ubi se nudos conspexere,

xere, & noverunt, inobedientes carnis motus ex antecedenti peccato venire, & alienis oculis, phantasiae, ac menti periculum se ingerere, & inobedientiam mentis per illos motus accusari. Qui antea innocentes, membra sibi ad nutum obedientia habebant, & aliterius nuditate conspecta nihil sentiebant in se, quod voluntati repugnaret, sive mentem de sua tranquillitate ac regno deiceret, peccatores postea facti non potuerunt non pudore suffundi, quum ad aspectum nuditatis tam diversa in sese experirentur; ideoque velandum censuerunt, quod eorum quoque posteri velandum nunc censerent, ab ipsa natura edocti. Nunc audi Augustinum ipsum Lib. 4. Cap. 13. contra Julianum. *Quid autem de motu feminae, cujus & ipsam puduit, inaniter argumentandum putasti? Non utique femina motum visibilem tenuit, sed quum in eisdem membris tale aliquid sentiret occultius, quale vir senserat, ambo tenebant, quod alterutrum videndo in alterutrum commoti ambo senserunt, & vel unusquisque sibi, vel alter alteri erubuerunt.*

Phereponus tamen institum fuisse nobis a natura morem istum operiendi pudenda tacite negat in Notis ad Cap. 17. Lib. 14. de Civ. Dei. Augustinum enim affirmantem, vel apud ipsos Barbaros, atque Brachmanes in more id esse positum, non vera narrasse nos monet, pag. 585. quum in Africa atque America sint gentes plane nudae, uti ex oculatis testibus ipse didicit. Sed quamvis populi nonnulli sint, qui nudo penitus corpore adhuc incedant, num ideo minus verum, nos a natura edoceri inhonesta illa membra velare? Alioqui non comedere humanas carnes, non mactare senes, sive ipsos etiam parentes, ut senectutis incommodis eripiantur, & abstinere a rapinis, caedibus, aliisque teterrimis ac vituperandis moribus, ne inter leges quidem naturae referremus; sunt enim quidam in Africa & America integri populi, qui talia adhuc faciunt, & sine pudore faciunt, sive quod licita censeant, sive quod habitu in iniquitate firmato pervenerint ad exuendum, sive non sentiendum qualemcumque in iis operibus pudorem. Ergo quod adhuc vivant quaedam gentes moribus barbarae, numero paucae, quibus pudori non sit nudis plane membris incedere, nihil impedit, quominus dicendus sit institus nobis nuditatis pudor, quando aliqui, iique cultiores, & innumeri populi, nostram in sententiam exemplo suo conveniunt.

Verum Phereponus, quanquam concedat, pudorem nuditatis inde partim ortum videri, unde dicit Augustinus; attamen addit, multas alias accessisse obtegendi corporis causas, videlicet ne liberis

exemplo pessimo, & pravo ad intempestivam luxuriam incitamento foret parentum nudorum aspectus; ne foedum quid singulis mensibus feminae exhiberent; ne conjugati ad adulteria excitarentur. Subinde vero scribit: *Hinc paulatim natus nuditatis pudor*, hoc est & caussis, & rationibus, quas ipse Phereponus refert, non quas Augustinus avertit. At nos vel ante istas causas a Pherepono memoratas, quando certe neque liberi Adamo, neque alii conjuges praeter Adamum, & Evam erant, ortum habuisse nuditatis pudorem dicimus ex fide Litterarum sacrarum, quae mentiri non possunt, & quas non satis animadvertit Phereponus, quantopere ipse per latius oppugnet, ac vulneret, & dubiae fidei faciat, quum talia scribit. Nihil heic dico de latebris vel ipsi conjugali copulae merito quaesitis, quas ideo tantum Phereponus tolerat aut probat, quod avertendi sint liberi ab eo periculoso aspectu, non autem quod ipsa res, in se spectata, pudenda sit. Quasi liberis solis, & non quibuscumque aliis hominibus, haec sint abscondenda; & quasi hoc ipsum satis non ostendat, aliquod naturae vitium in iis actibus esse, qui ad impudicitiam, & ad scelera, si conspiciantur, reliquos accendere possunt; & quasi ea res pudenda non sit, quam subsequitur agentis infamia, nisi remotis arbitris ac testibus fiat. Haec leviter excussisse sit satis.

Accuratius Pherepono respondendum est irridenti Augustinum, qui Cap. 23. Lib. 14. de Civ. Dei agens de ratione, qua in statu naturae innocentis propagatum fuisset genus humanum, ita scripsit. *Voluntati membra illa, ut cetera omnia, servirent. Ita genitale utrumque vas in hoc opus creatum seminare, ut nunc terram manus.* Ad quae statim Phereponus pag. 586. *Hoc est, sine ullo voluptatis appetitu; nam eam libidinem vult Augustinus esse peccatum.* Non exageret quaeſo Cenſor noſter, non imponat lectoribus credulis. Fuisset etiam in innocentiae statu sua sensibus & carni voluptas, sed quae mentem non obrueret, sed quae rationem in sua tranquillitate relinqueret, non qualis nunc sentitur, turbida, immoderata, & hominem ad belluarum conditionem dejiciens. Fuisset & voluptatis appetitus, sed rationi omnino obtemperans atque subiectus; & homo voluptatem appetiſſet, non tanquam finem, sed tanquam medium ad ea, quae instituto suo, ac homini ut rationali convenirent. Haec Augustinus non negat, qui & Cap. 26. ejusdem Libri 14. de Civitate Dei haec scribit: *Absit, ut suspicemur, non potuisse prolem fieri sine libidinis morbo: sed eo voluntatis nutu moverentur illa membra, quo cetera & sine ardoris illecebroſo ſtimulo cum tranquillitate animi*

animi & corporis. Et lib. 4. Cap. 2. contra Jul. *Quis negat futurum fuisse concubitum, etiam si peccatum non praecessisset? Sed futurus fuerat, sicut aliis membris, ita etiam genitalibus voluntate motis, non Libidine concitatis, aut certe etiam ipsa Libidine, non qualis nunc est, sed ad nutum voluntarium serviente.* Eodem autem Lib. Cap. 14. acute distinguit a vivacitate, utilitate, & necessitate sentiendi, Libidinem sentiendi. Tum infra, *ne nimium, inquit, videamur offendere homines, qui voluptatem corporis quomodocumque defendunt, concedit, credi posse, in illo tantae felicitatis loco carnalium sensuum fuisse Libidinem, sed ita ut omnimodo rationali subdita voluntati, non alias adesset, nisi quum per illum vel saluti esset corporis, vel stirpis propagini consulendum; & tanta adesset, ut nulla ex parte mentem de supernarum cogitationum delectatione deponeret &c.* Vide & Lib. I. Cap. 17. contra duas Epist. Pelag. Ab innocentis igitur Adami conditione exclude illecebrosam illum ardoris stimulum, qui nunc solum homine invito membra movet, sed etiam adversus mentis legem pugnat, Rationemque reluctanter non raro sibi subjicit, ac turbida delectatione absorbet, & *Libido* carnis appellatur. Cetera quibus generationis opus completur, a terrestribus Paradisi felicitate non abfuissent. Immo tunc, ut sanctus Thomas T. 1. Summae qu. 98. Art. 2. ad 3. inquit: *Fuisset major delectatio sensibilis, quanto esset purior natura, & corpus magis sensibile.* Denique Augustinus libidinem carnis ita Peccatum quandoque nominat, uti Apostolus Concupiscentiam Peccatum appellavit; nimirum non ut is inferioris partis motus formale Peccatum & culpa sit, sed quod ad Peccatum & culpam inclinet; & tunc duntaxat proprium & verum fiat Peccatum, quum ad illicita ac inhonesta voluntatem rapit. Jam id supra nos demonstravimus. Quare videat Phereponus, se aerem verberare, & sibi larvas effingere, ut cum iis digladietur. Quum Augustinus ait, ita seminandum fuisset *genitale arum, ut nunc terram seminat manus, obedientiam tantum exprimere voluit membrorum generationi inservientium, qualem humanae menti praestat manus; non autem e sensibus delectationem moderatam exclusit, quam tamen in innocentiae statu nihil Rationi perniciosam futuram fuisse putamus.*

Quamobrem inania plane sunt, quae postea Phereponus congerit, ita scribens pag. 586. *Eadem opera dicere debuisses (Augustinus) appetitum cibi grati peccatum esse, nec primos parentes, quum fructus licitos & iucundos comederant, ulla voluptate sirillares fuisse &c.*

Adde-

Addere etiam cum oportuisset, bruta, quorum organa nostris non absimilia sunt, nullam quaerere in naturalibus actionibus voluptatem, nam sane non peccarunt; sed iis defungi sponte naturae, sine ulla penitus cupiditate. Non haec certe absurda dicere debuit Augustinus, quia nusquam, nisi in Phereponi cerebro, dixit, sine ullo voluptatis appetitu, & sine ulla delectatione sensuum innocentes homines prolem fuisse seminatos, & nunquam docuit Libidinem ipsam proprie Peccatum esse, nisi eidem contra Legis edicta obediatur. Et miror, quei toties Phereponus comparationem instituat inter pecudes ac animalia ratione praedita; neque consideret, multa esse homini quidem & brutis communia, quae tamen in brutis, quippe Ratione destitutis, laudanda sint, aut saltem non vituperanda, in hominibus autem Ratione utentibus & foeda sint, & vituperanda, & rationali creatura prorsus indigna. Aliud enim est arietis, & aliud Publii Africani bonum, olim Cicero ajebat. Sed minus tolerandis declamationibus haec de Augustino scribere pergit nuperus Censor: Postquam Deum plane alium descripsit, ac est, quamque a Scriptura nobis praepingitur: toti etiam naturae vim infert, ut possit pravas Interpretationes obscurorum aliquot Scripturae locorum eneri. Ubinam Deum Augustinus describit alium, ac est? Ubinam, & qualem naturae vim iufert? Et quanam sunt obscura illa Scripturarum loca, quibus abutitur, ut caelum terramque misceat? Sed haec ut sine magno labore interferuntur a confidentissimo homine illo, ita a nobis nullo labore negata suapte natura cadunt.

Ab eodem fonte veniunt subsequentes Censoris notae ad Cap. 24. Lib. 14. de Civ. Dei. *Augustinus, inquit ille, turpia commenta haec nobis propinat, dumtaxat ut rationem reddat rei, quae nec fuit, nec erit; nimirum, generationis liberorum in statu innocentiae, si in eo primi parentes perseverassent; & quidem quia statuit peccatum id esse, quod inest naturae omnium animalium nec usquam damnatur, si modo intra leges contineatur: nimirum Cupiditatem conjugii, postquam pubertatis annos attingerunt. Nihil horum sensit Augustinus, immo oppositum sensit, eique talia absurda unus pro sua liberalitate affingit Phereponus. Neque enim Cupiditatem conjugii unquam Libidinem Augustinus appellavit, multoque minus culpae damnavit. Alia fuit ipsi, & plane diversissima carnalis Libidinis idea. Immo vidimus, ne turpent quidem Libidinis aestum, contrarium voluntatis membra moventem, & adversus spiritum pugnantem, verum & proprium Peccatum ab Augustino censer, nisi quum volun-*

voluntas se abripi finit ad consentiendum illicitis. Pelagianis erga oculos, & exulcerato animo, & apud Calvinianos tantum Interpretes, Libros Augustini Phereponus legisse videtur.

Sed ut istam denique controversiam expediamus, & uberius constet, quam contra omnem rationem heic Augustino Phereponus insultet: dicimus, verum quidem esse, humanam mentem atque rationem ex constitutione naturae habere non posse, neque debere semper ad nutum suum obediens corporis vires, motus, humores, somnum, appetitus, & alia; quae ad vegetabilem, & animaleam, & mechanicam membrorum oeconomiam pertinent. Naturaliter etiam accidit, ut caro sua munia exercens, & in delectationes sibi congruas tendens, adversus spiritum concupiscat, & ingratos ac perniciosos tum animae, tum rationi motus eliciat. Poterat & istud contingere in statu Naturae purae, non ex culpa sapientissimi atque optimi Creatoris, sed ex elementorum compage & discordia, atque ex ipsius Naturae creatae defectu. At certum est nobis aliter institutam fuisse a Deo Naturam primi hominis, hoc est, peculiari divinae Gratiae praerogativa, & supranaturali freno ita temperatam atque firmatam, ut non sineretur caro quidquam pugnare, neque doloribus, neque pravis affectibus, adversus mentem atque rationem, quum Anima pariter & Corpus mirabili tunc fruerentur tranquillitate atque harmonia. Peccavere primi parentes. Tunc sublatum fuit illud caelestis Gratiae frenum, tunc desiit peculiare illud muneris divini praesidium. Quare in homine (a) sibi cum naturalibus relicto suapte natura emerfere tot illi defectus, vitia, & pravi appetitus tum Corporis, tum Animae, quae ab omnibus Adami posteris sentiuntur adhuc, & graviora fiunt, quando ad originale Peccatum actualia etiam crimina accedunt. Iraque per nos etiam liceat Pherepono, tum famem, sitim, & libidinem, tum alios corporis motus mechanicos, nunc Naturae humanae & spiritui plerumque graves ac infestos, appellare sub ea ratione defectus naturales hominis, quia ab ipsa hominis Natura sibi relicta, & non (b) a Deo tali creatura procedunt. Liceat, inquam, ipsi, dummodo is quoque fateatur, aliter e divinis manibus innocentis hominis Naturam exiisse, hoc est, invidenda felicitate Corporis praeditam, & forti Rationis imperio in inferiorem appetitum donatam; tot vero Corporis aerumnas, & pravos ac effrenes Animorum affectus, quibus obnoxii nunc sumus,

a pri-

(a) *Al. suis;*

(b) *Al. a Deo creata.*

a primi hominis inobedientia fluxisse, & esse Peccati illius poenam, atque adeo sub hac ratione dicendos non esse naturales humanae Naturae defectus. Haec Augustini sententia est, haec sententia veracis Ecclesiae.

Quum ergo dicit Augustinus, turbidum Libidinis aestum nunc humanae naturae communem cum brutis, abstuturum fuisse a statu originalis iustitiae primorum parentum, nisi eos de tanta loci & naturae beatitate dejecisset divini praecepti violatio: quid quaeso dicit, quod non facillimum Deo & ejus bonitati convenientissimum fuerit facere, & Naturae humanae contingere, Deo volente, non potuerit? Deum autem & hoc revera voluisse, & revera fecisse, nemo nisi Pelagiana vertigine praecipitatus, non perscipiat apertissime scriptum in sacris Litteris. Ex humorum pugna, & corruptione, atque ex mechanicis legibus nunc ex Anima omnium hominum solvitur Corpus, quam dissolutionem *mortem* appellamus. Et tamen nisi vetitum comedisset pomum, mortem primus parens nullam sensit, uti Deus Gen. II. 17. pollicitus fuerat, atque adeo nullus e tot aliis mechanicis motibus, hoc est, morbis, & periculis, quae hominem ad mortem compellunt, tunc futurus erat. Mors quoque mechanico, & natura Corporis ita ferente, nunc parientes mulieres gravi dolore torquentur. At innocens Eva nihil tale sensit, Ex naturali etiam terrarum ingenio nunc tribuli & spinæ emergunt; homines vero in sudore vultus sui vesci pane coguntur: quae tamen omnia ab innocentis Naturae statu abstutura fuisse didicimus Gen. Cap. III. Si tot ergo prerogativis primorum parentum corporalem vitam donavit Deus: quanto majoribus eorum vitam spiritalem, hoc est Animam, ditasse credeamus est; ut nempe Rationi prorsus obtemperaret, & subiecta esset caro, nullumque motum ederet, quo tranquillitas & sanitas Rationis beatissimo illo tempore laederetur? Et ad ipsam Libidinem foedam quod attinet, cujus effrenem impetum, & voluntati obstantem, & rationi rebellem, nunc nemo non sentit, cujus neminem honesta discorrentem non poterit, immo non piget, nonne satis aperte innuunt divinae Litterae ipsa quoque caruisse primos parentes, quando nullus eos nuditatis pudor ante peccatum urgebat; post peccatum vero ita invasit, ut illico *inhonesta* corporis membra (quo etiam epitheto *verenda* Apostolus ipse distinguit in I. ad Cor. XII.) femoralibus operuerint? Haec serio perpende. Lege item, quae Augustinus non uno in loco de hac re luculentissime conscripsit, & potissimum Lib. 2. Cap. 30. de Nupt.

ad Rom. 7. & Cor.

& Concup. & contra Julian. Lib. 3. 4. 5. & de Civ. Dei Lib. 14. & contra duas Epistolas Pelagianorum. Tum vero palam fiet, tantum abesse, ut Augustini & Catholicorum sententia ullam naturae vim inferat; ut qui inter Christianos secus sentiat, & sequi heic velit sive Pelagianos, sive Phereponum, atque Socinum, manifestam vim auctoritati divinarum Scripturarum inferre deprehendatur.

CAPUT QUARTUM.

Phereponus Pelagii Patronus. Episcopi Catholici propter damnatum Pelagium perperam injustitiae accusati. Liberum Arbitrium revera a Pelagianis instaurum. De qua Gratia Dei disputaretur inter Catholicos atque Pelagium. Post Augustinum non adoptatae in Ecclesia Catholica Pelagii Opiniones. Consecraria quaedam dura a Pelagianis, & a Pherepono objecta, minime admissa in Augustiniana Sententia de Gratia & libero Arbitrio. Quam Gratiam negaret Pelagius. Africani Patres a Semipelagianismi nota liberati, & aequitas in eorum Judiciis contra Pelagium ac Caesestium minime desiderata.

AM Pelagii patrocinium, ut haecenus vidimus aperta fronte Phereponus suscepit. Quum autem pugnam pro deplorato Haeresiarcha multis aliis in locis, & acrius etiam quam antea, instaurare non erubescat, res poscit, ut continuata serie orationis perpendamus, quidquid ille profert in Pelagianae Haereticis tutelam. Epistola inter Augustinianas 175. olim 90. data est ad Innocentium I. Pontificem Maximum a Patribus Carthaginensis Concilii habiti A. C. 416. contra Pelagianos. Multa adversus illam commentatur Phereponus, odio non minus in Augustinum, quam in Ecclesiae Catholicae doctrinam. Quod tamen antequam faciat, veritus ne quisquam suum candorem calumniatur, Lectores praemonendos censet, multa esse, quae sibi in doctrina Pelagii, eiusque sequacium improbentur, adversarios tamen ejus non ita sese gessisse, ac ratiocinatos esse, ut a se possint etiam per omnia probari. Amo candidam hominis confessionem, sed adeo brevem & obscuram in re tanta non laudo. Vereor siquidem, ut apud attentos Lectores candore hujusmodi suo eluere ulla ex parte possit su-

spicione in Pelagianismi alte ebibiti, quem tamen ille amovere se posse fortasse censuit magnificis hisce praemissis vocibus. Certum est, cum Pelagio consentire prorsus Phereponus in inficiando *Originali Peccato*, in *Paedobaptismi* necessitate, & foedae Libidinis origine neganda, in notionibus Gratiae homini ad aeternam salutem necessariae, in liberi Arbitrii viribus extollendis, in oeconomia Praedestinationis aliisque horum dogmatum consecrariis. Quenam tandem restant, & quanam adhuc esse possunt multa illa, quae in Pelagio Phereponus se improbare fatetur, quando praecipua in eo probat, propter quae pertinacem Haereticum illum Ecclesia Catholica exsecrata est, atque damnavit? Quem ergo fructum ex hac sua admodum ingeniosa animorum praecupatione Phereponus expectet non video, nisi ut persuadeat, se tantummodo in Pelagianis alia multa damnare, quae ipsi concorditer cum Catholicis credebant.

Sed his dimissis, audiamus novam Pelagii Apologiam, immo totius Christiani orbis accusationem gravissimam. *Damnatus quidem ille est*, inquit Phereponus, pag. 517. *Et conviciis exagitatus ab omnibus, etiam quibus eius dogmata ignota erant, ex quo est ab Africanis Episcopis infamatus; sed nulla hominum damnatio efficere potest, ut quod verum fuit, falsum fiat, Et vice versa nullae hominum laudes ex errore veritatem faciunt.* Posteaquam abunde a tot Catholicis Scriptoribus, & in hoc etiam Libro, demonstratum est, quantum ab erroris periculo absit vera Christi Ecclesia, sive in probandis, sive in improbandis Dogmatibus ad Fidem sanctissimam spectantibus: non est quod nos laboremus in ostendendo, supervacaneum esse ad Pelagii defensionem postremum hocce Phereponi axioma. Addit: *Praeterea notum est, in magnis coetibus res magnis effectibus dijudicari.* Equidem id notum fateor; sed illud aequè notum est nobis, in Episcoporum Catholicorum coetibus, rite institutis atque peractis, divinum adesse Spiritum, ejusque interno afflatu fieri, ne sacri Pastores pravis affectibus in transversum acti veritatem Christianae Doctrinae dissimulent aut perdant. *Nec in re satis difficili*, pergit scribere Censor, *facile fuit verum a falso discernere omnibus illis Africanis Episcopis, quorum nonnulli ne scribere quidem potuisse dicuntur in Collat. Carthag. C. 133. Et doctissimi, praeter dicendi facultatem, pro modulo illius aevi, quid eximium habuerint, non video.* En quei suum candorem exprimat Phereponus, prodens quo loco habeat ipse tot doctissimos ac illustres Augustiniani aevi Patres, inter quos ipsi Augustino primas concedere iniquum non fuerit.

Quod

Quod quum facit confidentissimus homo, necesse profecto est, ut se non iudicio minus, quam eruditione praeponat innumeris aliis celeberrimis tot subsequentium saeculorum Theologis, a quibus cum Augustinus, tum Augustiniani aevi Patres, summo in honore habiti sunt, & eximiiis laudibus ornati. Africanis illis Episcopis facile fuisse verum a falso discernere in Pelagii causa difficili, senserunt, & sentiunt Catholici omnes, neque Phereponus ulla ratione contrarium suadet. Et quid ad causam Pelagii, si unus aut alter Episcopus in causa Donati ne scribendi quidem peritus fuisset, quod tamen contigisse non ajo? Sicuti norunt, qui vel leviter Collationem Carthaginiensem perspeclam habent, res poscebat, ut vel minus docti Episcopi tunc adessent numerum facturi. In causa Pelagii aliter actum est. Non omnium coetus fuit, sed eruditorum; & siquidem docti simul atque indocti convenissent, praestito omnibus fuisset ex Christi promissis Spiritus veritatis, ne errarent. Praeterquam quod ubi de Traditione colligenda res est, vel ipsum vulgus, nedum Episcopi, facile doctrinam veram assequi & exponere possunt. Et profecto neque Episcopi Catholici, neque ipse Populus tunc ignorabat, an omnes homines in Adamo peccassent, an parvulorum Baptismus necessarius foret, & quam Christi Gratia indigerent homines ad salutaria opera exercenda, atque alia ejusmodi in controversiam a Pelagio adducta. Phereponus autem post haec subiiciens: *Non dicere haec, nisi viderem, multitudinem, & auctoritate multo magis quam rationibus pugnari*, nihil aliud dicit, quam quod quotidie dolor & caecitas eorum dicit, qui in aliqua causa iustissime damnari fuere. Innumeris rationibus quae adhuc prostant, pugnatum est a Catholicis adversus Pelagianos. Nisi externos oculos clausit Phereponus, ne illas legeret, certe clausit internos, ne intelligeret. Sed ipsum audiamus in aliquas ex his Catholicorum rationibus pro suo instituto atque odio decertantem.

De Caelestio ac Pelagio haec in laudata ad Innocentium I. Papam Epistola Synodica scribunt Carthaginienses Patres: *Id agunt isti damnabilibus disputationibus suis, ut non defendendo, sed potius in superbiam sacrilegam extollendo liberum Arbitrium, nullum relinquunt locum Gratiae Dei, qua Christiani sumus*. Se non capere inquit Phereponus pag. 517. quei Pelagius & Caelestius in superbiam extollerent liberum Arbitrium, quando fatebantur Deum humanae Naturae, omniumque ejus facultatum Creatorem, adeo ut ei debeant homines quidquid habent boni, & ab eo quasi ab omnium re-

rum Domino pendeant; & quando affirmabant, Deum ignoscere voluisse hominibus peccatoribus, & aeternam vitam largiri, si modo Evangelio parerent, *misso ad illos, ex mera gratia, servatore Jesu Christo, qui gratiam illam Dei adnuntiaret hominibus, eosque ad officium misericorditer revocaret*, Miraculis etiam additis, quibus fidem sibi vel apud pertinaces faceret. En quam jejune, quam caute de Salvatore nostro Phereponus heic, licet ex sententia Pelagianorum, loquatur. Nullum aliud Christi ministerium memorat, quam Angeli, seu Nuntii, & Prophetæ. Quid ipse heic sentiat, nescio. Certe Pelagianus de Christo longe magnificentius sensitse nos facile ostendere possumus; sed pergamus. Deinde ait, Pelagium confessum fuisse interdum etiam auxilium a Deo hominibus suppeditari, quo eorum animos illustret; & regenerationem per Baptismum dari, atque a libero Arbitrio pendere, ut possit recte uti, aut abuti tot divinis beneficiis. Tandem his verbis orationem suam concludit: *Est igitur, ex sententia Pelagii, cur Deo gratias agent homines, sed non cur sibi placeant, ac plaudant. Africanæ, aut Punicae Rhetoricæ exaggeratio fuit, quum liberum Arbitrium in sacrilegam superbiam extollere dictus est.*

At nos respondemus, non Punicae Rhetoricæ exaggerationem fuisse illa vocabula, sed quidem Phereponianæ eloquentiæ sterculos esse ista dicta; atque heic Phereponum satis prodere aut ignorantiam non mediocrem, aut nimis turbidos affectus. Utiq; multa divinarum Gratiarum genera Pelagius, illiusque gregarii agnoscebant, eaque magna verborum pompa extollebant, quo imperitis persuaderetur, se quoque fateri, nos omne bonum Deo optimo ejusque Gratiæ debere. Et istas Gratias Augustinus ceterique Catholici agnoscebant; immo efficere ipsius Augustini & Catholicorum voces, ut Pelagius nullam primo aliam Gratiam confessus, quam Naturam libero Arbitrio præditam, sensim & istas fateretur. Sed non heic sita erat controversia inter Catholicos, atque Pelagium. Aliam Gratiā in primis necessariam, aliud illudque præstantissimum super omnia Donum, & Adjutorium Dei, poscebant Catholici, ut confiteretur Pelagius, nempe Gratiā illam, quam naturæ viribus in nobis efficere non possumus; Gratiā, quæ in hominum etiam voluntates efficaciter influit; Gratiā, quæ intacta Libertate voluntatis potest, ac solet de nolentibus volentes, & de inutiliter volentibus utiliter volentes facere, quæ liberi Arbitrii vires nimium infirmas reficit, & Caritatem Dei diffundit in cordibus nostris per Spiritum

ritum sanctum, qui datus est nobis; sine qua liberum hominis Arbitrium nullum optat, nullum incipit, nullum perficit opus bonum ad salutem aeternam pertinens; quae demum in nobis, & nobiscum operatur, quaecumque veram rationem habent placendi ipsius Gratiae auctori ac dispensatori Deo per Jesum Christum Dominum nostrum. Externae duntaxat Gratiae, exteriora tantummodo auxilia erant, quae Pelagius commendabat; & siquidem internam etiam intellectus humani illuminationem a Deo fieri is concedebat, certe nullum aliud internum Dei auxilium fatebatur. Illa autem in Doctrina, in Lege, in Miraculis, in suasionibus, in terroribus, aliisque hujusmodi, constituta auxilia, ostendunt solum homini, quid faciendum sit, quid cavendum; non etiam Voluntati ad malum pronae, & debilitato post primi parentis peccatum hominis Arbitrio vires praebent, ut salutare bonum reipsa velit & faciat, malumque detestetur ac fugiat. Oportet ergo aliam fateri Gratiam, quae erigat, & adjuvet jacentem infirmamque mortalium Voluntatem, eam videlicet inflammando, eique Caritatem inspirando, ut quae per legem atque doctrinam facienda aut vitanda novimus, per ejus interiorum opem exsequamur. Hanc autem Gratiam nunquam adduci fuere Pelagiani, ut homini confiterentur necessarium.

Nunc ergo a Pherepono petimus, an bene animadverterit, de quali Gratia inter Catholicos ac Pelagianos quaestio verteretur. Quod si animadvertit, cur heic tam caute dissimulavit? Nimirum post commemorata tot exteriorum Gratiarum genera, quae Pelagius agnoscebat, si commemorata quoque fuisset vera Christi Gratia, quam inficiabantur Pelagiani, continuo intellexissent vel imperiti, quam insulsum foret illud in Punicam Rhetoricam scomma, & quam inepte exaggeratio appellaretur facta a Patribus Africanis *sacrilegae superbiae* mentio. Nam qui audit, contendere Catholicos adversus Pelagium, nihil post Adami lapsum per se valere liberum hominis Arbitrium ad salutaria opera salutariter exercenda, ipsumque indigere interno Dei adjutorio, quod Voluntati virtutem inspiret, defectumque suppleat naturalis facultatis; qui inquam hoc audit, non intelligere exemplo nequit, recte Catholicos etiam affirmare, liberum Arbitrium a Pelagio in *sacrilegam superbiam* evelli. Si enim verum est, quod Catholici ex manifesta divinarum Scripturarum, & legitimae Traditionis auctoritate, verissimum esse demonstrant, nempe ab hac peculiari, interna, & efficaci Gratia cum libero Arbitrio conjuncta, non autem a solius liberi Arbitrii & naturae viribus,

ribus, aut meritis, Justificationem, Caritatem, atque omnia opera bona, Virtutesque veras emanare: Pelagium vero contra sentire: non est Rhetoricus color, non est exaggeratio, sed naturalis Catholicorum deductio, affirmare, a Pelagio liberum Arbitrium extolli in superbiam, eamque sacrilegam, quia adversus Deum.

Sed inquit Phereponus, commemoratis tot divinis Gratiis, quas Pelagius libenter fatebatur: *est en Pelagii sententia, cur Deo gratias agant homines, sed non cur sibi placeant, ac plaudant.* Jam obsoleta, jam millies protrita est ab Augustino hujusmodi argumentatio. Eadem ingeminabat Pelagius, eadem Julianus. Augustinus autem ostendebat, ne sic quidem veram Dei Gratiam illos fateri, quam tamen sine impietate nemo negare potest; neque aliud ab ipsis laudari, quam Legem, atque Doctrinam, & extrinseca praesidia sub tam speciosis Gratiarum vocabulis; & inflari per eos liberum Arbitrium, quando ejus viribus id tribuebant, quod Gratiae ab iis negatae tribuendum esse divinae Litterae clamant. Audi quid ille Juliano respondeat Lib. 3. Cap. 106. Op. Imp. *Tam multa dicis, quibus nos adjuvat Deus, idest praecipiendo, benedicendo, sanctificando, coercendo, provocando, illuminando, & non dicis Caritatem dando, quum dicat Joannes Apostolus: Caritas ex Deo est. Unde item dicit: Ecce qualem Caritatem dedit nobis Pater, ut filii Dei vocemur, & simus. In hac Caritate, quae cordi humano Spiritu, non Littera datur, etiam potestas illa intelligitur, de qua idem ipse in Evangelio suo: Dedit eis, inquit, Potestatem filios Dei fieri. Hanc vos ab homine esse dicitis per liberum Arbitrium, Spiritum habentes hujus mundi, non cum, qui ex Deo est, propter quod nescitis, quae a Deo donata sint nobis, &c.* In eodem etiam Lib. 3. Cap. 122. *Inter divinae Gratiae species, inquit, si poneretis Dilectionem, quam non ex nobis, sed ex Deo esse, eamque Deum dare filiis suis, aperissime legitis, sine qua nemo pie vivit, & cum qua nemo nisi pie vivit, sine qua nullius est bona voluntas, & cum qua nullius est nisi bona voluntas: vere liberum defenderetis, non inflaretis Arbitrium.* Invisissima istius sententiae argumenta passim legas in Operibus sancti Augustini, aliorumque Patrum atque Theologorum.

Post haec poena talionis agendum sibi Phereponus putat; quare etsi nullam sibi hujusmodi accusationis instituendae occasionem praeberit ista Africanorum Patrum Epistola, attamen imperterritus ait pag. 518. *Quam facile fuit Pelagio premere contrarias partes invidiosis consecrariis, Deum jubere impossibilia, aeternis poenis afficere homi-*

homines, quod impossibilia non praestitissent, aliisque id genus, quibus excusatur plane homo, ac tota culpa in Deum conijcitur? Non laboret, quaeso, Censor iste novitius in colligendis istis aliisque inanibus Augustinianae doctrinae confectionariis. Tor sunt, ac tam luculenta sancti Augustini loca & verba, quibus ille docet, Deum sufficientia cunctis hominibus auxilia praebere ad praecepta Legis servanda, & impossibilia non jubere, & sola hominum culpa fieri, si aut in infidelitate maneat, aut in peccata ruatur, aut ab iis non assurgatur, ut patere omnibus possit, tam absurda confectionaria non sequi ex Augustini sententia. Quod autem videri possit mirum, illud est, quod Phereponus adjicit. Hisc pernotata saecula sequentia, in Pelagii opinionem dilapsa sunt, quam etiam Augustino tribuerunt, cui ipsa Pelagii Opuscula adscripserunt: quia non poterant sibi persuadere, tantum virum, quantum cum fuisse ex fama putabant, ejusmodi confectionaria potuisse concoquere. Scitne Phereponus, quid heic dicat; an amat vir lepidus pascere fabulis Lectores suos? Quanam sunt Saecula illa in opinionem Pelagii dilapsa? Nullum eruditi norunt. Augustini sententia, quod est ad doctrinam Gratiae salutaris, Peccati Originalis, debilitati Arbitrii, aliarumque hujusmodi praecipuarum quaestionum, Saeculis subsequendis ad nostram usque aetatem perpetuo in honore fuit, & laudata, & propugnata. Nam quod attinet ad alias quaedam profundiores, difficilioreque partes incurrentium quaestionum, uti appellantur a Caelestino I. Papa in Epistola ad Episcopos Galliarum, sive ab illo, quicumque sit, qui plures definitiones Apostolicae Sedis adversus Pelagianos congestit, liberum hucusque fuit disceptare inter Theologos, dum sibi quisque caveat a Pelagii, atque Semipelagianorum fermento. Consultat Lector recentiores duos Scriptores Catholicos, a quibus quamquam diversis armis vindicata est Augustini doctrina a calumniis Joannis Launoi, si tamen is est germanus Auctor virulentissimi illius atque ineptissimi Operis contra sanctum Augustinum, quo maxime delectatum fuisse Phereponum nostrum arbitror. Quod si nomine Saeculorum subsequentium in Pelagii opinionem dilapsorum animus Pherepono fuit significare aut Catholicae ipsius Ecclesiae sententias nunc passim in Scholis & Conciliis consecratas, aut nonnullas tantummodo privatas Catholicorum Scholas, a Calvini atque Jansenii deliramentis, longe quam reliquas, remotiores: quei tandem ostender ille, Pelagianismum ab istis fuisse adoptatum? Id quidem efflunt a doctrina Augustini mirum in modum exorbitantes
Cal-

Calviniani atque Janfeniani, quibus fortasse Auctoribus hanc nobis calumniam Phereponus instruxit; sed quantum id a veritate abist, & quam nulla e damnatis Pelagii opinionibus inter Catholicos tolleretur, jam plurima scripta prodiderunt.

Quod autem ait, subsequutis Saeculis *ipsa Pelagii Opuscula* ipsimet sancto Augustino fuisse adscripta, & per hyperbole dicitur, & nullius plane momenti est. Non opuscula Pelagii, sed unum tantummodo, hoc est illius Epistola ad Demetriadem conscripta, Augustino a quibusdam, sed paucis, sed ineruditis, sed per supinam inconsiderantiam, adscripta fuit. Inter Augustini Epistolas eam consulto descripserant nonnulli num. 142. quippe quod illius confutatio in subsequente Epistola Alympii & Augustini ad Julianam Demetriadis matrem legeretur. Quid refert, si pauci ex mera oscitantia illam quoque Epistolam pro Augustini foetu acceperint? Num continuo etiam Pelagianum effecere Augustinum? Num subsequuta Saecula dici idcirco possunt *Opuscula Pelagii* adscripsisse Augustino? *Adscripserunt*, inquit Phereponus, *quia non poterant sibi persuadere, tantum virum eiusmodi confectaria potuisse concoquere.* Eximiam enim vero rationem, cur Augustinum posteri in Pelagii sententiam debuerint pertrahere. Tot Libris, tanta vi rationum, & per tot annos Augustinus in Pelagianos decertavit; compluribus etiam in locis invidiosa eadem confectaria, quae nunc Phereponus, atque ante Phereponum Pelagiani objiciebant, a sua sententia ipse removit, & sibi concoquenda non esse demonstravit. Neceffe ergo est, in illius Libris hospites fuerint, qui eum tandem consensisse Pelagianis (si Pherepono fides) sunt arbitrati. Neque nos audire pigeat ipsum Augustinum ita loquentem in Lib. de Gratia & libero Arbitrio, Cap. 4. *Homo Gratia juvatur, ne sine causa voluntati ejus jubeatur. Celeberrima autem est altera ejus sententia, quam e Lib. de Natura & Gratia, atque ex aliis Augustini Libris desumptam, Tridentina Synodus Sess. 6. Cap. 11. his verbis expressit: Deus impossibilia non jubet, sed jubendo monet, & facere quod possis, & petere quod non possis, & adjuvat, ut possis.* Quae ergo dicitur Phereponus, in Augustini sententia Deum jubere impossibilia? Et quae alia objicit confectaria quae jam ipse Augustinus explosit? Sed nos repetimus, & saepe repetendum erit: in tuenda contra Augustinum Pelagii causa non raro criminationum materies prurientem Phereponum defectura fuisset, si Augustini doctrinam ex Augustino ipso, ejusque veris discipulis, hoc est ex Theologis Catholicis, discere voluisset, non autem

tem

tem ab infido illius Interprete Calvino, aliisque personatis Calvini sectatoribus. Sed heic amavit Phereponus credere inviso sibi in multis Calvino, ut sibi speciosus deinde aliquis esset color debacchandi in invisum sibi aliis de causis Augustinum.

Pergit idem Cenfor Africanis Patribus insultare, quorum sunt haec verba: *Qua (Gratia) nostrae voluntatis Arbitrium vere fit liberum, dum a carnalium Concupiscentiarum dominatione liberatur, dicente Domino: Si vos Filius liberaverit, tunc vere liberi eritis: quod auxilium Fides impetrat, quae est in Christo Jesu Domino nostro.* Inquit autem, non dubitasse Pelagianos, quin divina Gratia homines a peccatis liberarentur, si modo ea recte uterentur: sed putasse, eadem Gratia posse homines abuti, ac praeterea neminem esse usque adeo mancipatum peccato, ut Gratia illa excitari nequeat ad servitutem illam fugiendam. Tum subdit: *Sed quid sibi volunt boni Patres Africani, quando addunt, quod auxilium Fides impetrat? Id enim Auxilium, quod Fides impetrat, non est Gratia, qua sumus Christiani, quae antecedit Fidem, non eam sequitur. Nam quando credidimus, & fide aliquid a Deo impetramus, jam sumus Christiani. Redolent illa verba Semipelagianismum, aut simile quidpiam.* Itaque concludit, bonos illos viros nondum satis intellexisse doctrinam Augustini, aut hoc esse additamentum, quum, ut Benedictini adnotant, ea verba desiderentur in duobus Codicibus Mss. Sed ne heic quidem Cenfor mentem Africanorum Patrum in ea Epistola, aut argumentum hoc satis intelligit, multoque minus studet ut intelligat. Chartam implere censuris, homini cura est. Tum nihil pensi, an accurate, vereque accuset. Ut autem ad rem veniamus, multa sunt divinae Gratiae munia, multa nomina, ut passim Theologi animadvertunt. In nonnullis cum Ecclesia Catholica Pelagius conveniebat, dissentiebat in aliis. Potissima autem controversia erat, num divina Caritas, quae tum gratiae effectus est, tum Gratia dicitur, immo Gratiarum omnium maxima est, a viribus natis liberi Arbitrii essuaret, an vero e speciali & gratuita Dei in voluntatem inspirantis misericordia. Illud Pelagius, hoc affirmabant Catholici. Nimirum aiebat ille, in voluntatis nostrae Arbitrio positum esse, viribus nostris concipere, quandocumque lubet, Amorem Dei, seu Caritatem vivificam, Deo ipso eum Amorem eamque Caritatem nobis pro sua misericordia non dante, neque in voluntatem inspirante. De hoc impio dogmate primo agunt ea in Epistola Africani Patres. Inquiunt autem, eam esse Pelagii opinionem, talem

videlicet hominis institutam creatamque fuisse Naturam, quae Legem Dei implere, sive operari ac perficere Iustitiam, sine alio interno Dei adiutorio possit, quippe sola sibi sufficit in tanto negotio humana Natura. Consequens hinc erat, vel Gentes sine Fide, & sine Caritate infusa, amare Deum supranaturaliter, & complere utiliter ac pie legis praecepta posse, & Caritatem a nobis, non a Deo, in nobis gigni. Quae omnia quantum a divina revelatione abhorreant, nemo non sentit, si vera est (uti verissimam esse nos dicimus) Catholicorum sententia affirmantium: Naturam humanam, liberumque Arbitrium ob primi hominis peccatum nimium esse debilitatum, & ex se solo non posse, ut ad salutem oportet, credere, peccatum abjicere ac fugere, Virtutes, ac praesertim Caritatem induere, atque alia ejusmodi facere, nisi Deus sua Gratia, & singulari potentiae suae operatione supranaturales vires eidem largiatur, & voluntati Caritatem donet, quae, ut diximus, praecipua est Gratia Dei, de qua cum Pelagianis lis erat. Hinc Augustinus in Lib. de Gratia Christi Cap. 13. exigit ab iis, ut Gratiam constentur, quae non ostendat tantummodo Veritatem, verum etiam imperiari Caritatem. Tum Lib. 3. Cap. 114. Op. Imperf. Hoc est, ait, incrementum, ut unusquisque obediat praeceptis Dei, quod non fit, quando vere fit, nisi Caritate. Ista Caritatem non dat nisi Deus. Caritas enim ex Deo est. Hanc vos (Pelagiani) inser adiutoria Gratiae, quae commemoratis, nominare non vultis, ne hoc ipsum quod obedimus Deo, ejus esse gratiae concedatis &c. Idem saepe Augustinus inculcat aliis in locis.

De hac igitur Gratia, de istius Caritatis, quae a Deo est, necessitate ad servanda legis mandata, atque ad amandum ipsum Deum, praecipue agunt in ea Epistola Africani Patres. Hac ajunt nos vere Christianos esse; hac testantur ipsum nostrae voluntatis Arbitrium vere fieri liberum a carnalium concupiscentiarum dominatione; nam tunc vere liberi sumus a peccati iugo, & ab effectibus peccati, & aptissimi atque expediti efficiamur ad divinam legem implendam, si Filius nos liberaverit per Gratiam Dei, non autem si Arbitrium nostrum per vires suas liberaverit nos, ut falso fieri posse arbitrabatur Pelagius. Idcirco frustra animadvertit Phereponus, Pelagianos admisisse Remissionem peccatorum sive divinam Gratiam, qua homines a peccatis liberarentur, si modo ea recte uterentur. An Deus sua Gratia peccata hominibus ignosceret, tunc non disputabatur inter Catholicos atque Pelagium, sed quidem an Gratia ista hominem ju-

stifica-

ificaret sola Remissione peccatorum, an etiam Caritatem inferret in hominum voluntates, per quam postea opera pietatis praestarentur. Istam Caritatis infusionem confiteri nolebant Pelagiani a Deo esse, sed quidem a nobis ipsis. Audi Augustinum Lib. 6. c. 23. contra Julianum: *Verum, inquit, tu a vestro dogmate non recedis, quo putatis Gratiam Dei per Jesum Christum Dominum nostrum sic in sola peccatorum remissione versari, ut non adjuvet ad vitanda peccata, & desideria carnalia vincenda, diffundendo Caritatem in cordibus nostris.* Vide eundem Lib. de Natura & Gratia cap. 34. & cap. 55. Hoc idem indicant ipsi Africani Patres Can. 5. Concilii Carthagine habiti A. 418. uti etiam in Epistola 95. nunc 177. inter Augustinianas ad Innocentium eundem Romanum Pontificem. Ipse Augustinus alibi, hoc est Lib. de Gratia & libero Arbitrio cap. 18. ad hoc unum videtur totam controversiam deducere, inquires: *Unde est in hominibus Caritas Dei & Proximi, nisi ex ipso Deo? Nam si non ex Deo, sed ex hominibus, vicerunt Pelagiani; si autem ex Deo, vicimus Pelagianos.* Lege reliqua. Huc igitur Africani patres respiciunt, & nihil ad rem facit Phereponi animadversio momentis, censuisse Pelagianos per gratiam divinam homines a peccatis liberari, atque eadem Gratia posse abuti. Multo minus locum hic habet altera illa consideratio, qua Semipelagianismus iis Patribus confidenter objicit propter illa verba: *Quod auxilium Fides impetrat.* Nam inquit, *auxilium illud, quod Fides impetrat, non est Gratia, qua finis Christiani, quae antecedit Fidem, non eam sequitur; quando enim credimus, & Fide aliquid a Deo impetramus, jam sumus Christiani.* Nihil minus cogitarunt heic Africani Patres, quam quod Phereponus somniat, hoc est, initium Fidei, atque ipsam Fidem ex naturae viribus, non ex Dei dono, esse posse in hominibus. Auxilium illud, quod Fides impetrat, nil aliud est Africanis Patribus, quam Caritas, de qua cum Pelagio disputatur. Hanc habere sine Fide in Christum nemo potest; hanc ipsa Fides justificans (a) ex dono Dei in hominis voluntatem invehit. Expressit alibi Augustinus eandem sententiam in Lib. de Spiritu & Littera Cap. 32. quo tempore certe a Semipelagianorum opinione is aberat, suamque doctrinam satis intelligebat. Unde, inquit, *est Dilatio, idest Caritas, per quam Fides operatur, nisi unde illam Fides ipsa impetravit?* Idem prodit in Epistola 106. nunc 186. Cap. 3. *Sin autem dixeris, quod gratiam bene operandi Fides mereatur, ne-*

E e e 2

gate

(a) Ab auctore addita nuper haec verba.

gare non possumus, immo vero gravissime confitemur. Hanc enim Fidem volumus habere, qua impetrens Caritatem, quae sola vere bene operetur &c. Qui ergo habent Fidem, qua impetrent justificationem, per Dei gratiam pervenerunt ad legem iustitiae. In Lib. etiam de Praedestin. Sanctor. Cap. 7. Ex Fide, inquit, ideo Apostolus dicitur justificari hominem, non ex operibus, quia ipsa prima datur, ex qua impetretur cetera. Inquiunt ergo Africani Patres, Gratiam istam, videlicet Caritatem, eam esse, qua Christiani sumus, quia gratiam hanc soli Christiani & norunt, & habere possunt, quia sola Fide praecedente cognosci & recipi potest, eam diffundente Spiritu sancto in cordibus nostris. Ista Caritas, ista solius hominis Christiani propria Gratia, ea est, quae facit, ut non solum nominemur, sed & simus Christiani; nam si habuero omnem Fidem, ut inquit Apostolus 1. ad Cor. XIII. ita ut montes transferam, Caritatem autem non habuero, nihil sum. Eodem anno 416. quo a Patribus Carthaginiensibus ad Innocentium I. ea Epistola conscripta fuit, alteram ad eundem Pontificem dedere, quae inter Augustinianas, olim 95. nunc est 177. Aurelius Carthaginiensis, Alipius, Augustinus, Evodius, & Possidius. Eorum verba sunt: Si intellexissent Episcopi (Diospolitanae Synodi) eam illum (Pelagium) dicere Gratiam, quam etiam cum impiis habemus, cum quibus homines sumus; negare vero eam, qua Christiani & Filii Dei sumus: quis cum patienter Catholicorum Sacerdotum non dicimus, audiret, sed ante oculos suos ferret? Quenam autem erat Gratia, quam versipellis Pelagius revera negabat, & ut ipse fateretur instabant Episcopi Afri? Sine dubio Gratia, qua justificamur ab iniquitate, & qua salvamur ab infirmitate, non qua creati sumus cum propria voluntate; ita illi. Quibus verbis Fidem cum Caritate conjunctam, Fidem quae per dilectionem operatur, utramque Dei donum, intelligunt Africani Patres. Igitur constare jam potest, quam inani censura Phereponus laudata illa Patrum Carthaginiensium verba sollicitarit, & Sempelagianismi inculcarit: quod etiam ut faceret, necesse habuit ipsa pervertere verba, scribens, non ut Episcopi posuerunt, gratia, qua Christiani sumus, sed gratia, qua simus Christiani, inter quae quale discerni intercedat, facile Lector intelligit.

Aegre deinde fert aequissimus iste Censor, Africanos Episcopos tam acerbas in Caelestium absentem dixisse sententias, recitatis duntaxat accusatorum Litteris & minime lectis ejus Libris. Respicit haec censura eum Epistolae Synodicae 175. alias 90. locum, ubi de Cae-

de Caelestio & Pelagio Episcopi illi scribunt: *Isti autem adserunt, sicut a fratribus, qui etiam eorum Libros legerunt, cognovimus; in eo Dei gratiam deputandam &c.* Sed satis est ipsam legere Synodicam, ut statim evanescat Phereponi censura. Caelestium in Synodo quinquennio ante habita auditum, convictum & confessum, anathemate percusserant Africani Patres, duraturo; donec aperte sibi objecta & ipse execraretur. Sed interposita in speciem appellatione ad Apostolicam Sedem, iudicium illud vaserimus Haeresiarca declinavit. Constat praeterea, ipsum minime prosequutum fuisse appellationem; jusque fuisse Patribus Africanis rursus adversus illum etiam inauditum dicendi sententiam. Et quidem, quae in ea Synodo peracta fuerant, se recensuisse, & prae oculis habuisse, monent iidem Episcopi in Synodica ad Innocentium. Nihilo tamen fecius animadvertit, Episcopos illos dum ad eundem Innocentium scribunt, anathema dicere in Pelagium atque Caelestium sub ea tantum conditione, si videlicet isti in perversa illa opinione persisterent. Qua in re vides, Africanos Patres personis Pelagii atque Caelestii parcere, eorumque tantummodo doctrinam anathemate configere. *Censuimus, inquit, huiusmodi persuasionis auctores; nisi haec apertissime anathematizaverint, ipsas anathematizari oportere.* Addunt infra: *Si ergo Pelagius Episcopalibus gestis, quae in Oriente confecta dicuntur, etiam suae venerationi iuste visus fueris absolutus, error tamen ipse & impietas etiam auctoritate Apostolicae Sedis anathematizanda est.* Animadvertit etiam, quae infra leguntur: *Eriamsi Pelagius Caelestiusque correcti sunt, vel se ista nunquam sensisse dicunt, & quaecumque scripta contra eos prolata fuerint, sua esse negant, nec est quemadmodum de mendacio convincantur: generaliter tamen quicumque dogmatizat, & affirmat &c. anathema sit.* Ubinam ergo sunt acerbae illae sententiae in Caelestium absentem dictae ab Africanis Patribus, quas nobis Phereponus obtrudit? Quae iusta causa de tam circumspecto iudicio expostulandi? Recensita priore Synodo Carthaginensi auditis accusatoribus, nihilominus affirmare nolunt, Pelagium atque Caelestium execrandis iis adherere opinionibus. Sola ipsis adscripta abominanda dogmata anathemate feriuntur; quo quid aequius & mitius agi posset, nemo qui sit juris Ecclesiastici atque naturalis peritus, non videat. Quamobrem nihil opus fuit eorum Libros legere. Altera Synodus a quinque Episcopis Carthagine habita, itidemque Milevitana, ambae eodem anno 416. celebratae, non aliter se gessere erga Haeresiarchas eosdem.

Quum

Quum deinde in Synodica illa 175. alias 90. Patres Carthaginenses dicant, Pelagium & Caelestium, uti nuntiatum fuerat, affirmare, in eo Dei Gratiam deputandam, quod salem hominis instituit creavitque naturam, quae per propriam voluntatem Legem Dei possit implere: Eandem quoque Legem ad Gratiam Dei pertinere, quod illam in adiutorium hominibus dedit: Phereponus se non capere fatetur, cur spretim de Creatione & Lege loquantur Africani Patres; haec enim sunt longe maxima Dei beneficia. Id autem factum suspicatur, quod unicam illi Gratiam Dei arbitrarentur afflatum nescio quem, cui resistere non licet, iisque pauculis concedendum. Quae heic habet Phereponus, quarto quoque verbo infra etiam repetet, de afflatu illo, cui resistere non licet. At aliam esse cum Augustini, tum Catholicae Ecclesiae sententiam, jam innumeris e Scriptoris nostris contra Calvinistas & Jansenianos demonstrant. Actum agerem, si id in praesentia & ego demonstrandum susciperem. Paratragediatur vero Phereponus, & se nolle Carthaginensium Patrum mentem intelligere ostendit, dum ait, illos contemptim de Creatione & Lege loqui. Ubinam sunt illorum verba, quae contemptum redolect? Hoc unum sua illa oratione contendunt Africani Episcopi, Creationem naturae, & Legem, non esse Gratiam illam, qua Christiani sumus, qua ab infidelibus & peccatoribus distinguimur, qua voluntatis Arbitrium vere juvatur, ut Deo placeat, aeternamque salutem adipiscamur. Non in Lege, non in Naturae viribus, sed in interno adiutorio Dei Caritatem suam voluntati inspirantis, sitam esse propriam Christianorum Gratiam ajunt. Quod dum affirmant, quis merito exculpere ex eorum verbis potest, eos Naturam & Legem non agnovisse, tanquam Dei beneficia? Sunt beneficia, Christianis aequae & non Christianis, justis & injustis communia; sed ejus non sunt vigoris, ut sola hoc est sine vera Dei per Christum Gratia, ad opera pietatis exercenda, & ad beatam immortalitatem perducere hominem possint. Legem sine dubitatione laudandam affirmat alibi non semel Augustinus; & tamen quam parum illa sola possit, contra Pelagianos eandem nimis extollentes, ex auctoritate Apostoli invictissime ostendit. Vide Norisium in Vindiciis Augustini. §. 6. In Epistola quoque 95. nunc 177. hoc eodem anno 416. ad Innocentium data, ab Augustino & quatuor aliis Episcopis, haec leguntur de Pelagio: *Sive enim Gratiam dixeris esse liberum Arbitrium, sive Gratiam esse Remissionem peccatorum, sive Gratiam esse Legis praeceptum, nihil eorum dicis, quae per subministatio-*

strationem Spiritus Sancti pertinent ad concupiscentias, tentationesque vincendas, &c. Et intra: Distinguenda est Lex, & Gratia. Lex jubere novit; Gratia juvare, &c. Tum concedunt, Creationem recte appellari gratiam Dei, sed addunt: Alia est tamen Gratia, qua Prae-destinati vocamur, iustificamur, glorificamur; & de ultima ista Gratia tum solum disputabatur cum Pelagio.

CAPUT QUINTUM.

Quae Gratia Dei negaretur a Pelagio, olim notissimum. Gratia Calviniana ac necessitans ubique a Pheropono perperam afflita Augustino, & Patribus Carthaginensibus. Apostoli loca varia ab iis Patribus recte adhibita contra impia Pelagii dogmata. Pheroponi interpretationes variae & accusationes repelluntur. Evangelii nuda praedicatio est quidem gratia, sed non Gratia, de qua sanctus Paulus, & Patres Africani agebant.

QUERITUR posthaec Pheroponus, quod Africani Episcopi in ea Epistola Gratiam illam suam nusquam definiant, idque etiam fraudi ipsis vertit, quasi suum dogma occultare quam aperire mallent. Nimirum exspectasset hic Censor, necessitantem fortasse Calvinianamque Gratiam ab iis per definitionem quampiam nobis obtrudi, in quam postea invehetur. Sed satis apertum erat inter Christianos, quid significaretur nomine Gratiae illius, qua Christiani sumus, & qua nostrum Arbitrium expeditum redditur ad opera pietatis; & sine qua viribus caret humana Natura atque Voluntas ad amandum Deum, exercendamque veram virtutem. Hanc ipse Augustinus cum quatuor aliis Africanis Episcopis in laudata Epistola 95. ad Innocentium hoc eodem anno scripta, *Christianis fidelibus, Catholicisque notissimam* appellat. Neque ipse Pelagius ignorabat, quid a se peterent Catholici Episcopi, quum instabant, ut fateretur, non solum sibi humanam sufficere Naturam ad facienda ac perficienda mandata Dei, sed auxilium divinae Gratiae per Christum prorsus eidem opus esse. Vide Acta. Conventus Hierosolymitani & Concilii Diospolitani anno praecedenti 415. Sed inspicimus, an sacrarum Scripturarum loca a Patribus Africanis producta satis expriment, quae Catholicorum sententia foret, & quid Gratiae nomine significaretur.

Gratiam Dei a Pelagio negatam dicebant Carthaginienſes Patres in Epiftola 175. alias 90. ab Apoſtolo iis verbis praedicari; *Video aliam legem in membris meis; repugnantem legi membris meae, & captivantem me ſub lege peccati, quae eſt in membris meis. Miſer ego homo, quis me liberabit de corpore mortis huius? Gratia Dei per Jeſum Chriſtum Dominum noſtrum.* Quid Phereponus ad iſta? Si ipſi credimus, in Pauli verbis nihil aliud eſt gratia Dei, quam Dei miſericordia, aut Dei beneficium; nemo enim, inquit iſ, contrarium unquam ex vi nativa vocis uſuque probabit. Non negabat autem Pelagius homines Dei beneficio peccato eripi; ſed negabat fieri id aſſatu quodam interno, cui reſiſtari non liceret, & ſine quo cetera omnia Dei beneficia inutilia eſſent. Haec ſunt Phereponi verba pag. 518. Tum repetit, non auſos eſſe Africanos Patres perſpicue ſuam exprimere ſententiam; longe enim maximam partem Chriſtianorum in ſe concitaſſent; ſi aperte dixiſſent, quod animo verſabant, quum ante illa tempora aliter de Gratia homines non ſenſiſſent, quam ſentiret Pelagius. O aureum hominem Phereponum, qui ſinceritate Patribus Africanis praestat, & quidquid ſentit, libere dilucideque promit! Sed quei oſtendat ille, Africanos Episcopos non auſos mentem aperire ſuam, & dolo malo egiſſe, & pro una Gratia ineluſtabili tunc decertaſſe? Huiusmodi Gratiam ex entitate ſua ineluſtabilem, trahentemque neceſſario ad conſenſum Arbitrium hominis, nunquam Catholici, nunquam Africani Patres tradiderunt, ejuſque confeſſionem nunquam a Pelagio exegerunt, ut in Catholicorum hac de re lucentiſſimis ſcriptis videre eſt. Aliud eſt, Deum per ſuam Gratiam inſallibiliter operari ſalutem electorum; certumque facere per ſuae Gratiae diſpenſationem propositum ſuae praedeſtinationis; aliud, Gratiae talem eſſe vim nativam, ut neceſſario ad unam partem determinet liberum hominis Arbitrium, eique vim diſſentiendi eripiat. Sed Phereponum verba defeciſſent, niſi ubique Auguſtino & Patribus Catholicis tam abſurdam ſententiam affixiſſet. Anno 416. quo Synodicam iſtam Epistolam ad Innocentium dedere Africani Patres, in eo ſita poſſiſſimum erat quaestio de Gratia & libero Arbitrio, videlicet num homines per ſola naturalia dona, malis & bonis, fidelibus & infidelibus communia, & per ſolas Arbitrii vires, implere juſtitiam poſſent, & evitare peccata; an vero peculiari iis adiutorium Dei per Chriſtum Salvatorem neceſſarium foret; ſine quo neque peccata caverentur, neque Lex pie impleteretur, & ſine quo nihil ad ſalutem pertinens fieret, & cum quo reſeſſa efficeretur. Pri-

mum affirmabant, atque alterum negabant Pelagiani, a Catholicis propterea execrandae haeresis postulati. Nulla vero tunc, ne per umbram quidem, suborta erat controversia, num hujusmodi auxilio, quod humanae necessarium Naturae contendebant Catholici, resistere & reluctari posset hominis Arbitrium. Ingenio hebeti non erant eorum temporum Pelagiani, facileque intellexissent necessitatem Gratiae ea ratione excludi posse, quod consentiendi necessitatem voluntati inferret in Catholicorum sententia; attamen ex iis nullus id Augustino objecit. Vide Augustinum ipsum Epist. 105. & de Gestis Pelagii cap. 18. & Hieronymum Dialog. 1. contra Pelagium, ubi constabit, quid Catholicis objiceret Pelagius, & ne ipsum quidem inventisse in Catholicis necessitantem Calvini Gratiam. Et certe animo statim quisque concipit, necessariam homini posse dici Gratiam ad bonum, etiam si non ea asseratur Gratiae natura atque efficacia, ut excuti frustrarique suo effectu a voluntate non possit. Necessariam revera Gratiam contendebant Catholici, necessitantem negabant. Atque haec non nova Africanorum Patrum, sed Ecclesiae totius vetustissima sententia erat, ut Augustinus alique toties ostenderunt. Quare nihil confidentius dicere Phereponus potuit, quam Christianos ante definitiones Africanorum Conciliorum non aliter de Gratia sensitse, quam sentiret Pelagius.

Ceterum frustra Phereponus Africanis Patribus eripere conatur locum illum Apostoli ad Roman. VII. 22. *Quis me liberabis de corpore mortis hujus? Gratia Dei per Jesum Christum Dominum nostrum*; quasi Gratia ista nihil aliud sit, quam Dei misericordia, aut Dei beneficium; Pelagius vero non negaret, quin Dei beneficio homines a peccato liberarentur. Nam si gratuita misericordia Dei intuitu meritorum Christi hominem a peccato liberat, a peccato servat, invictumque efficit contra cupiditatum pravarum impetum; ergo non Operum meritum, non Lex foris sonans, non vires naturales humani Arbitrii id praestant. Pelagius autem primo sentiebat, solam sibi sufficere Naturam humanam ad omnes tentationes superandas, implendamque Legem: tum divinae misericordiae auxilium, hoc est, Gratiae adjutorium, ideo solum admittit, ut per illud natura Facilius evitaret, ac vinceret peccata, virtutesque exsequeretur: quam opinionem conceptis verbis ab ipso traditam Concilium Africanum A. 418. Can. 5. his verbis execratur: *Quicumque dixerit, ideo nobis Gratiam justificationis dari, ut quod facere per liberum iudicium Arbitrium, Facilius possimus implere per Gratiam, tanquam*

Tom. X. P. I.

F f f

cisi

etsi Gratia non daretur, non quidem facile, sed tamen possimus etiam sine illa, implere divina mandata, anathema sit. Quamobrem, ut lubet, Gratiā ab Apostolo memoratam appellet Phereponus misericordiam ac beneficium Dei: adhuc certum erit, Apostolo auctore, non vinci concupiscentiam rebellem, non evitari peccata, non impleri Legem, non a peccato assurgi, nisi misericordia ista, gratuitumque Dei beneficium intellectui lumen, voluntati infirmæ vires divinitus suppetit, & in nobis atque nobiscum faciat, quod solis viribus nostris facere non possemus. Si hoc Pelagius confessus fuisset, quod nunquam confessus est, (quidquid Phereponus heic dicat) *nihil de Adjutorio gratiae inter Pelagium atque Catholicos relictum fuisset controversiae*, ut Augustinus ipse testatur in Lib. de Gratia Christi cap. 47.

Mitto, quæ mox Phereponus congerit, ostensurus, mandata Dei non esse ejusmodi, ut omni vi destituta sint ad moveandos hominum animos: quod ne Africani quidem Patres negabant; adhuc enim ex Apostoli auctoritate edocemur, solam Legem, sola Dei mandata, non convertere hominem ad Deum, ut oportet, nisi accedat Gratia Christi, atque internum Adjutorium Dei. Inspiciamus potius, quid habeat Cenfor ad loca quædam Scripturarum a Patribus memorata, ut contra Pelagium evincant, *ad operandam perficiendamque justitiam, ac Dei mandata complenda, solam sibi humanam sufficere non posse Naturam.* Ne unum quidem ex his locis conficere id, quod volebant Patres, denuntiat e vestigio Phereponus, quam levissimam facilitatem, atque rationem in suas partes trahendi Scripturam, propriam illorum in Critica infantium Saeculorum vocat. Scilicet, deinde addit, *declamare, & effurire quidquid in eo veniebat apud plebem excommunicandam, si forte a declamante dissentiret, multo facilius fuit, quam Criticæ seriæ operam dare.* Infelicia plane saecula, quibus defuere unus pluresve Phereponi, quorum Critica Arte tum solum licuisset arcanam Scripturam assequi mentem, & nugis erroribusque Theologiam ac populos eripere. Infeliciorem etiam Ecclesiam, cui Christus pollicitus quidem fuerat per omnia tempora Doctores, atque Interpretes fidos divinarum Litterarum, immunitatemque ab omni doctrinae errore, & tamen postremis hisce tantum saeculis suam fidem liberavit. Sed praestat argumenta audire Phereponi, ut pateat, jurene an injuria pronuntientur ista de Africanis Patribus, hoc est, num revera ipsi declamatores levissimi fuerint, an potius conviciator audax sit Phereponus

ponus noster. *Spiritus qui adjuvat infirmitatem nostram*, de quo Paulus Rom. VIII. 26. Censore isto interpretante, *est qui est in iam credentibus, eosque in orationibus recte fundendis apud Deum adjuvat*. Utique de Spiritu Sancto, qui jam in credentibus habitat, loquitur heic Apostolus. At hinc manifeste intelligimus, humanam Naturam auxilio Dei penitus indigere ad opera salutaria, neque ipsam sufficere sibi ad ea praestanda, quando orationes ipsas, quae actiones maxime piae sunt ac salutares, Spiritus Sanctus operatur in nobis, dum nos orare ut oportet, efficaci sua atque interna operatione facit; nam *quid oremus sicut oportet, nescimus*. Quis ergo effutire audeat, minime ex his Apostoli verbis resultare, quod Africani Patres volebant? Immo quis contra non intelligat, eam ab Episcopis illis depraedicari Gratiā, quae jura liberi Arbitrii non laedat? est enim Gratiā, quae *adjuvat nos*, ac proinde non sola, ut Calvinus ejusque gregarii velle videntur, sed nobiscum agit.

Non est volentis, neque currentis, sed misereantis est Dei, sunt Apostoli celeberrima verba ad Rom. IX. 16. ab Afris Episcopis commemorata. His haec alia Phereponus Interpres adnectit: quod *verbum Dei mittitur ad populum quempiam ad cognitionem ejus vocandum; sed quid hoc facit ad afflatum singulorum? Nihil, fateor, hoc facit ad probandum afflatum illum necessitantem, quem in Augustino se deprehendisse Calvinus somniavit; sed quidem apertissime facit ad evincendum, quod Patres volebant. Si non hominis currentis, sed misereantis est Dei, quod homo perveniat ad agnitionem Veritatis ac Fidei, per quam felicitas aeterna speranda est: quis amplius nisi desipiendo dicat, posse ad Fidem atque ad salutem perveniri solis humanae Naturae viribus, conatibus ac meritis, ut Pelagius affirmabat? Ceterum hunc locum pro suo potius arbitrio, quam pro veritate explicat Phereponus, quum ait, illic agi tantum de missione verbi Dei ad populum quempiam ad cognitionem ejus vocandum. Apostoli verba nihil tale referunt. Eorum sensus est, quod homines nonnulli ad Christi haereditatem, benedictionem & electionem pertineant, id non provenire ex eorum volitione & cursu, neque ex operibus meritisque praecedentibus, sed quidem ex mero nutu, beneplacito, vocatione & misericordia Dei, sicuti neque cursus neque voluntas Jacobi aut matris ejus in causa fuit, cur Jacobo Isaac benedictio, & haereditas divinarum munerum contingeret, sed quidem vocatio, & electio gratuita Dei, *Non ex operibus, sed ex vocante discipulus est, quia major serviet minori*. Quod si interpre-*

tationem Phereponi & heic admitteremus, eadem nihilominus confectaria inde effluerent, quae Catholici doceant. Neque apud Deum injustitia est, quod Jacobum dilexerit, Esau autem odio habuerit; hoc est, illi singularia beneficia contulerit, huic autem paria ac tanta conferre noluerit, etsi & ipse Esau voluerit, atque cucurrerit; nam inquit Deus: *Misereror cujus miseror; & ejus electio, & gratia non est hominum operibus & conatibus debita, sed a sola ejus misericordia venit. Ergo cujus vult, miseretur; & quem vult, inducit*; hoc est, eligit quos vult, & permittit alios suae ipsorum infirmitati atque malitiae, quanquam nulli sufficientia denegat auxilia. Vide locum Apostoli integrum, faciliq; negotio intelliges, nulum aliud esse luculentiorum ad ostendendum, quid per se viribusque suis valeat in negotio salutis corrupta ac infirma hominum Natura sine peculiari adjutorio Gratiae Dei, & sine misericordi illius praesidio, & (siquidem id etiam velis) sine missione verbi ejus, & potenti & efficaci vocatione ad salutarem Fidem, & Caritatem Dei, ac Proximi.

Unum omnes sumus in Christo; singuli autem alter alterius membra, habentes dona diversa secundum Gratiam, quae data est nobis. Ita Apostolus ad Rom. XII. 5. Quae verba a Patribus Africanis allata his aliis exponit Phereponus: *Gratia secundum quam sunt diversa dona, non est Gratia, qua singuli fideles ad Deum conversi sunt, sed beneficentia varia Dei; qua aliis alias dotes concesserat; seu solita sua providentia, sed extraordinaria spiritalium donorum effusione.* Non de Gratia tantum, qua homo ad Deum convertitur, disputatum est interdum cum Pelagio, sed de omnibus aliis gratiarum & auxiliorum generibus, quibus mentem & cor hominis jam conversi aut illustrat, aut perficit Deus. Sine istis auxiliis contendebat Pelagius hominem ex viribus Naturae in creatione inditis posse omnia salutaria opera virtutesque praestare, & ad perfectionem, atque circumscriptam pervenire. Hinc illud Caesarii apud Augustinum Lib. de gest. Pelag. cap. 14. *Unumquemque hominem omnes virtutes posse habere, & gratias, eas videlicet Deo non donante, sed sibi unoquoque comparante viribus Arbitrii sui.* Quid Apostolus ad haec? Edoct ille, non a nobis esse perfectionem & virtutes nostras, sed a misericordia Dei, atque ab illius Gratia, quam ipse dat quibus vult, & prout vult. Recte interpretari divinas Scripturas, ministeria Ecclesiastica sancte obire, nosse alios docere doctrinam sanam, & exhortari utiliter, & eleemosynas distribuere bona fide, & praesse in solici-

solicitudine & misereri in hilaritate, & diligere sine simulatione, & odisse malum, & adhaerere bono, aliaque illa χαρίσματα, seu dona fidelium, quae ab Apostolo heic enumerantur, Deus elargitur, Deus dividit, pro suo arbitrio, & dona sunt illius. Ergo non ea sibi comparare viribus propriis potest humana Natura. Et si hoc non potest, quanto minus poterit Fidem & Caritatem, quae omnium maximae virtutes sunt, in se gignere, nisi Deus ex sua misericordia, & per suam gratiam inspiret? Vide S. Hieronymum Lib. I. cap. 6. Dialog. adversus Pelagium.

Gratia Dei sum id quod sum (inquit Apostolus I. Cor. XV.) *Et gratia ejus in me vacua non fuit, &c. Non ego autem, sed gratia Dei mecum &c. Et Gratias Deo, qui dedit nobis victoriam per Dominum nostrum Jesum Christum.* Phereponus inquit, loqui Paulum de *Gratia Dei*, qua erat Apostolus, hoc est, de misericordia ac munificentia, qua eum Deus necessariis ad hoc munus donis instruxerat. Tum addit; *Nec quisquam unquam negavit, a Deo per Jesum Christum nobis datam esse de peccato victoriam, ac esse cur propterea ei gratias agamus. Verum hoc factum assensu interno & ineluctabili, nusquam docet Scriptura.* Iterum ludit Phereponus, Augustino affligens afflatum illum ineluctabilem. Ad primum autem Epistolae Paulinae locum quod attinet, ibi Apostolus non commemorat simpliciter dona sibi tanquam Apostolo divinitus concessa, sed extollit ac memorat ipsam generalem Gratiam Dei, quae de persecutore Ecclesiae Apostolum feberat, ipsumque adeo de infidelitate & peccato converterat ad cognitionem Fidei verae, & ardentissima Caritate Dei, & sollicitudine ac virtute ad annuntiandum Christi Evangelium instruxerat. *Ego, inquit, sum minimus Apostolorum, qui non sum dignus vocari Apostolus, quoniam persecutus sum Ecclesiam Dei. Gratia autem Dei sum id quod sum.* Hinc sanctus Ambrosius quasi Pelagianos nondum natos impugnaturus, hanc sententiam accipit de omni bono, quod in Paulo erat, ita scribens Lib. I. cap. 7. de Abel & Cain: *Bene Apostolus non gloriabatur in virtute sua, sed minimum Apostolorum se esse dicebat, & quidquid esset, gratiae divinae esse, non meriti sui: nihilque nos habere, quod non acceperimus.* Vide & Hieronymum Lib. 2. cap. 3. adversus Pelagium. Igitur ex Apostoli verbis & exemplo discere poterant Pelagiani, omnia nostra bona accepta esse referenda Gratiae Dei, quae nobiscum opera salutaria agit, & nos sine necessitate ac sine coactione de nolentibus volentes facit, nihilque nos gloriari debere de virtute nostra, meritis nostris.

Subin-

Subinde inquit Phereponus, neminem unquam negasse; quin Deus per Jesum Christum nobis dederit victoriam de peccato. At Caelestius, uti ex Actis Diospolitanae Synodi constat, affirmabat: *Dei Gratiam secundum merita nostra dari; quia si peccatoribus illam dat, videtur esse injustus; quem errorem damnavit ipse Pelagius, nescio animo ne, an voce tenus, in eadem Synodo cap. 12. Augustinus autem in Lib. de Haeres. cap. 88. auctor est, in posterioribus suis Libris Pelagium instaurasse eandem sententiam, & scripsisse: Gratiam Dei, qua liberamur ab impietate, secundum merita nostra dari.* Sed ut mittamus acrem illam, quae inter eruditos adhuc vertitur, controversiam, nempe an tandem Pelagius confessus fuerit, gratis Deum remittere hominibus peccata (quod Augustinus non uno in loco factum memorat), & quid per peccatorum Remissionem Pelagius significare vellet: potius insistamus Apostoli verbis. Victoriam referre de peccato duo significare potest, videlicet vel a se expellere peccatum jam admissum, vel ita repellere, ne admittatur: quod postremum fit, quum tentationibus daemonis, mundi & carnis, nos ad peccandum sollicitantibus, resistimus fortunato successu. Utrumque heic ab Apostolo dicitur. Cuinam autem debemus laudem & gratias, quod expulerimus a nobis peccatum, illudve in nos intrare non siverimus? Num viribus humanae Naturae in creatione inditis, quibus aequae praediti sunt Christiani atque Infideles? Nequaquam, sed quidem Deo, qui Filii sui Servatoris nostri intuitu, peculiari ac supranaturali Gratia in eum credentes donat, tum ut liberentur a peccatis commissis, tum ne in nova labantur. Immo animadverte, Apostolum de peccatis potius non admittendis, quam de admissis, & de tentationibus quae quotidie a piis fidelibus superantur, quam de superatis, agere videri; ita enim ejus Graeca verba se habent; τῷ Θεῷ χάρις τῷ διδόντι ἡμῖν τὸ νῆκος. Deo gratia (fit) danti nobis victoriam. Hinc Deum quotidie rogamus, ne nos induci in tentationem, ne peccatum regnare in nobis sinat, sed nos liberet a malo: quod petere a Deo in Pelagii sententia utile quidem, sed necessarium non erat. Ostendat nunc Phereponus, Pelagianos unquam sincere confessos fuisse, non posse humanam Naturam, liberumque Arbitrium sine adjutorio interno Dei, sine Gratia Salvatoris, aut assurgere, aut abstinere a peccatis. At istud ille nunquam ostendet. Pelagium, quod hoc ipsum negaret, his Apostoli verbis Africani Patres aggrediebantur. Hinc Augustinus, quoties Pelagius Gratiam Dei statuere in illo tantum videbatur, ut praeterita pec;

peccata auferret, toties ab ipso etiam exigebat ut fateretur, necessariam esse Gratiā Dei, ne nova peccata committantur. Iterum lege Epistolam 95. nunc 177. ubi Africani Patres ajunt de Pelagio, *Sive Gratiā dixerit esse liberum Arbitrium, sive Gratiā esse Remissionem peccatorum, sive Gratiā esse Legis praeceptum: nihil eorum dicit, quae per subministratorem Spiritus Sancti pertinent ad concupiscencias tentationesque vincendas &c.* Hinc oramus, ut peccatorum tentationem superare possimus, ut Spiritus Dei, unde pignus accepimus adjuvet infirmitatem nostram. Similiter in Lib. de Natura & Gratia Cap. 34. Augustinus ait: *Hanc iste misericordiam, & medicinale Salvatoris auxilium, tantum in hoc ponit, ut ignoret commissa praeterita, non ut adjuvet ad futura vitanda.* Sed in tanta luce ne Phereponum quidem ipsum futurum fuisse caecum arbitror, nisi unum illum afflatum ineluctabilem, hoc est, Calvinianum illud commentum, quod Augustinus atque Africani Patres nunquam tradidere, ante oculos ipse semper haberet.

Non quia idonei sumus cogitare aliquid, quasi ex nobismetipsis, sed sufficientia nostra ex Deo est. Haec Episcopi Africani proferunt ex Epistola 2. Cor. III. 5. Phereponus vero ita reponit: *Sufficientia sane omnium Christianorum, ad cogitandum aliquid Evangelio consentaneum, est a Deo; quis enim nescit, Evangelium non ingenio hominum, sed Deo deberi? At Apostolorum praesertim sufficientia, ad munus ad quod vocati fuerant, sustinendum non humana, sed divina fuit.* Ergo, si fides Pherepono, Apostolus heic significat, ideo non posse dici Christianos sufficientes ex se, aut idoneos ad cogitandum aliquid Evangelio consentaneum, quia Evangelium non ingenio hominum excogitatum fuit, sed solius Dei. At quis certum fecit Criticum istum, nisi de Evangelio (quod certe Dei, non hominum, opus est) loqui heic Apostolum? Dixerat Paulus, Corinthios Epistolam esse vivam, quae in suam ipsius commendationem pateret omnibus hominibus; Epistolam, inquam, Christi, quippe Christum palam amplexi fuerant; Epistolam ab ipso Paulo ministratam, quia illius ministerio conversi ad Christum fuerant; Epistolam scriptam, non atramento, sed Spiritu Dei vivi, quippe Spiritus Sanctus in eis sua virtute habitabat, atque in eorum cordibus Caritatem diffundebat, unde praeclara pietatis opera quotidie effluebant. *Nescitis* (scripserat jam ad eosdem Corinthios Apostolus in prior Epistola III. 15.) *quia templum Dei estis, & Spiritus Dei habitat in vobis?* Tum in loco, quem prae manibus habemus, pergit dicere:

cere: *Fiduciam autem talem habemus per Christum ad Deum*; hoc est: Quum dixerim, Epistolam Dei vivi vos Corinthios esse, vosque & Fide in Christum, & Caritate quae in tabulis cordis per Spiritum Sanctum inscripta est, conspicuos ita esse factos, ut ab omnibus hominibus laudemini; dixerimque, me instrumentum atque ministrum fuisse, ut ad tantam lucem, atque felicitatem perveneritis: gloriari quidem, sed gloriari in Deo, de fructu praedicationis meae nos debemus per Christum Dominum nostrum; Gratia enim Christi, meritis virtute atque potentia illius, me suo ministro utentis, & non virtute vestra, neque mea, tales evasistis. Postremum hoc significatur subsequenter verbis: *Non quod sufficientes (sive idonei) sumus cogitare aliquid a nobis, quasi ex nobis, sed sufficientia nostra, sive etiam velis, idoneitas nostra ex Deo est*. Id est: quod tales facti sitis ex ministerio nostro non virtuti meae, non vestrae, id adscribendum est, sed quidem Deo, atque illius misericordiae & Gratiae; nam nos ex propriis naturae nostrae viribus nihil, non dicam facere ac dicere, sed ne cogitare quidem possumus, quod perducatur ad Fidem, & amicitiam seu Caritatem Dei, nisi Deus ipse per Christum nobis id donet, uti mihi & vobis donasse successus meae praedicationis jam comprobavit.

Haec germana loci illius interpretatio, ad quam confirmandam afferre etiam possemus sanctorum Patrum, hominumque eruditissimorum documenta complura. Quare & sanctus Hieronymus loco eodem contra Pelagianos jam usus fuerat Lib. 3. Cap. 3. Dialog. Non ergo, ut Pheronon putat, ideo solum Apostolus ait, Christianos sufficientes, sive idoneos, non esse ad cogitandum aliquid Evangelio consentaneum, *quia Evangelium non ingenio hominum, sed Deo debetur*. Cogitare quippe aliquid Evangelio consentaneum, duplici modo fieri potest, nempe aut mente solum concipiendo, seu percipiendo, quae Evangelium narrat, praecipit, vetat ac monet, ita ut in homine eorum nuda simplexque apprehensio tantummodo fiat; aut ita concipiendo, ut iis mens adfuerit, atque ad illa jam apprehensa feratur deliberato rationis iudicio, & voluntatis intimo affectu. Pheronon priori modo loquutum censet Apostolum, dum inquit, Christianos sufficientes non fuisse ad cogitandum per se Evangelica praecepta, monita & documenta, nisi Deus per Apostolos eisdem adnuntiasset Evangelium ipsum, quod certe ipsi Deo, non autem hominum ingenio, debetur. At hoc a Pauli mente abhorret; non enim gloriatur, neque gloriatus fuisset Apostolus in Christo, &

per

per Christum, quod Corinthii tantummodo apprehendissent, atque intellexissent ex ore ac praedicatione sua Evangelium, quum constet innumeris aliis populis, tum illo, tum subsequutis temporibus annuntiatum fuisse Evangelium, qui tamen idcirco neque crediderunt Evangelio sibi praedicato, & apprehenso, neque consentanee ad Evangelium vixere. Igitur secundo modo Corinthii cogitarunt ea, quae Evangelio consentanea erant, hoc est, non solum intellectu, sed & voluntate, amplexi sunt quum Fidem Christi, tum Caritatem; eoque virtutum splendore inter Christianos effulgebant, ut omnibus admirationi essent, atque in iis laudaretur Apostolus ipse. Atque hic sensus iis Pauli verbis. Sufficientia autem, sive idoneitas ad cogitandum hoc pacto ea, quae sunt consentanea Evangelio, nequit dici inde profecta, *quia Evangelium non ingenio hominum, sed Deo debetur*; nam ut dixi, Evangelium ab aliis etiam percipitur, & tamen salubriter non percipitur; & nisi Evangelii praedicationem Deus peculiari sua Gratia comitetur, homines neque convertuntur, neque divina Caritate ad bonas cogitationes, & ad opera pia foecundantur. Hoc idem Apostolus denuntiat in priore Epistola ad eisdem Corinthios III. 6. ita scribens: *Ego plantavi, Apollo rigavit, sed Deus incrementum dedit. Itaque neque qui plantat est aliquid, neque qui rigat; sed qui incrementum dat, Deus.* Hoc est: Ego quidem Evangelium vobis praedicavi, Apollo vos baptizavit, sive superaddidit Christianae Disciplinae praecepta. At nemo ex vobis ex solo nostro ministerio profecisset ad Fidem, & perfectionem Christianam, nisi Deus illuminando mentem, & inspirando in voluntatem vestram, vos intimo suae Gratiae vigore ad hos Fidei & virtutum fructus intacta libertate Arbitrii vestri perduxisset. Quibus ex verbis intelligas, sufficientiam ad cogitandum aliquid boni, aliquid quod ad salutem pertineat, aliquid vere consentaneum Evangelio, non a nobis esse, non ab Evangelii nuda praedicatione ejusque apprehensione, sed ab ipso Deo, hoc est ab ipsa Dei Gratia interiori, intellectum illuminantis, & voluntatem moventis ad bonum. Hoc illud est, quod ostendere volebant, & reipsa ostendunt Africani Patres, laudatis Apostoli verbis, quibus frustra Phereponus alium sensum affingit contra ipsius Apostoli mentem.

Denique ex eadem Epistola 2. ad Cor. IV. 7. citant Episcopi hunc locum: *Habemus thesaurum istum in vasis fictilibus, ut eminentia virtutis sit Dei, & non ex nobis.* Eodem loco usus est Hieronymus contra Pelagium Dial. 3. cap. 3. Thesaurum tamen istum

esse dona Apostolica ait Phereponus, ideoque nihil pertinere ad Grati-
 am, de qua cum Pelagianis disputabatur. Sed inter ista dona Apo-
 stolica quis docuit Phereponum non computandas esse Virtutes omnes,
 earumque principem in primis, ardentem Caritatem Dei, & Proxi-
 mi? Quid reliqua dona Apostolis a Deo concessa profuissent, si istam
 quoque Caritatem eisdem non donasset Deus? Idem Apostolus ad
 Corinthios in priore Epistola cap. XIII. 1. jam haec scripserat: *Si*
linguis hominum loquar & Angelorum; & si habuero prophetiam, &
noverim mysteria omnia, & omnem scientiam; & si habuero omnem
fidem &c. Caritatem autem non habuero, nihil sum, nihil mihi pro-
dest, &c. In altera vero Epistola, quae nunc argumentum nobis
 differendi praebet, cap. V. 14. explicat Apostolus, quid se urge-
 ret, impelleretque ad labores pro Corinthiis susceptos. *Caritas*, in-
 quit, *Christi urget nos*. Unde autem *Caritas* ista in Apostolos vene-
 rat? Num ex eorum viribus, num per liberi Arbitrii conatus? Ne-
 quaquam? sed quidem a Deo, sed quidem per Spiritum Sanctum.
Caritas enim ex Deo est, ut habetur 1. Jo. IV. 9. *& Caritas Dei*
diffusa est in cordibus nostris per Spiritum Sanctum, qui datus est no-
bis, ut inquit Paulus ipse ad Rom. V. 5. a qua *Caritate Dei* non
 angustia, non fames, non persecutio ulla poterat ipsum ceterosque
 Apostolos separare. Quapropter Apostolus, quod ipse tam fortis esset
 inter tot adversitates atque pericula, & quod tantus fructus in popu-
 lis praedicationem Evangelii, suumque Apostolicum ministerium (a)
 sublequeretur, non suis, non auditorum viribus, industriae ac sa-
 pientiae adscribebat, sed potentiae ac virtuti, idest Gratiae, divi-
 nae, ut *sublimitas*, sive *eminentia sit virtutis Dei, & non ex nobis*.
 Quid ergo Phereponus ait, nihil haec verba pertinere ad causam,
 quam Catholici adversus Pelagium tuebantur? Immo quei pronun-
 tiare potuit, ne unum quidem ex iis Scripturarum locis quibus ha-
 stenus lucem attulimus, *probare id quod volebant Africani Patres?*
 Iudicium Lectorum appello.

CA.

(a) AL. consequetur.

CAPUT SEXTUM.

Orandi quidem Dei utilitas in hominibus, sed non necessitas, a Pelagio admissa. Aliae Phereponi accusationes confutantur. Non omnia dona Evangelica Pelagius confessus est. Gratia Dei, quum opponitur Legi in sacris Litteris, non semper Evangelium merum significat, ut Phereponus & Hammondus putant, sed etiam beneficia Dei per Evangelium collata, & praesertim Fidem, & Caritatem. Deum impossibilia non jubere, Augustini & Ecclesiae Catholicae sententia est. Pelagiani inimici Gratiae Dei.



PERGUNT dicere Carthaginienſes Patres in ſua ad Romanum Pontificem Synodica Epift. 175. alias 90. ex ſacrilegis Pelagianorum diſputationibus neceſſario conſequi, ut nec orare debeamus, ne intremus in tentationem, quod Dominus & diſcipulos monuit, & poſuit in Oratione, quam docuit; aut ne deficiat fides noſtra, &c. Non neceſſario hoc ſequi, Phereponus ſtatim notat; nam particula illa Orationis Dominicae, aut preces Chriſti pro Petro, non ſignificant id, quod innuunt Patres, quaſi hoc ſibi vellent: O Deus, fac aſſlatu interno, cui reſiſtere nequeamus, ut tentationem vincamus. Ita Cenſor imperterritus patientia Leſtorum abuti pergit. Sed Gratiam, ut his vocabulis utar, neceſſitantem atque irrefiſtibilem, ubinam Africani Patres, Auguſtinus, & Catholici tradiderunt? ubinam exegerunt, ut Gratiam talem Pelagius conſiteretur? Somnium hoc eſſe, complures Catholici jam oſtenderunt; & tamen Phereponus id tanquam pro comperto, minimeque dubio paſſim ſumit ac ſtatuit. Ceterum nobis neceſſarium eſt ad ſuperandas tentationes auxilium Gratiae Dei, etiamſi huic auxilio reſiſtere valeat liberum hominis Arbitrium. Catholici reiſſa hoc unum tradebant; Pelagius contra neceſſarium negabat adiutorium Dei, ne intremus in tentationem; qua ex opinione conſequitur, nobis non eſſe opus Oratione ad evitanda peccata. Quid autem habet Phereponus, quo iſtud conſectarium a ſententia Pelagii tandem avertat? Ait, Pelagium non negaſſe, neque negare potuiſſe, quin conſtitutus in periculo confugiendum ſit ad auxilium Dei, etiam extraordinarium; primo, quia non ita faci-

le contingit, ut cadamus, inusitato Dei auxilio adjuti, faciliusque hac ratione a periculis evadimus; secundo, quia inter ipsas vires, quas Deus Christianis sufficientes largitur, nihil vetat, pro magnitudine periculorum, inusitata auxilia haberi. *Itaque*, concludit in haec verba, *non potuit merito insinulari Pelagius, quasi doctrina sua Orationis usum sustulisset*. Ita Phereponus Pelagium facit non stultum, quando facere non potest Orthodoxum. Nimium quippe ille delirasset, si eum credens Deum, qui homini in periculis opem ferre possit, utile saltem non censuisset orationibus exposcere illius praesidium. Sed non idcirco recte sentiebat Pelagius; nihilque habet nunc Phereponus, quo Africanos Patres jure arguat, sed solum quo suam praecedentem sententiam refellat. *Pelagianorum sacrilegas disputationes*, ajeabant Africani Episcopi, *neccessario consequitur, ut nec orare debeamus*; hoc est, ut necesse homini non sit orare. *Non necessario hoc sequitur*, reponit Phereponus. Cur? Quia Orationis usus ex Pelagii sententia utilis est. At aliud est, utiles esse ad Deum preces, aliud esse necessarias. *Utiles* tantum, Pherepono teste, Pelagius Orationes ajebat, non autem necessarias. Ergo jure dicunt Carthaginenses Patres, e Pelagii systemate consequi, ut orare necesse non sit: quod confectarium negabat modo Phereponus noster.

Sed luculentius videamus, quae vere fuerit Catholicorum hac de re cum Pelagianis disputatio. Quum primum coepit Pelagius tantas Naturae humanae, liberoque Arbitrio vires tribuere, ut homo sine adjutorio Gratiae Dei agere bonum, & evitare peccatum, quandocumque velit, possit: illico objectum est illi, ita fieri, ut necesse amplius non sit orare Deum; nam quae necessitas ab alio poscendi, quod in tua potestate jam sit? Sanctus Hieronymus in Epistola ad Cresiphontem cap. 3. ita in Pelagium ejusque gregarios mature diserebat: *Si non ultra Dei indigemus auxilio, ne si indiguerimus, liberum frangatur Arbitrium: ergo nequaquam ultra orare debemus, nec illius clementiam precibus flectere, ut accipiamus quosdam, quod semel acceptum in nostra est potestate, &c.* Tum inquit, ita philosophari & scribere unum ex ipsis Pelagianis, nisi sit ipse Pelagius. Idem confectarium ex ejusdem Haeretici doctrina jure colligebant Carthaginenses Patres in laudata Synodica ad Innocentium I. & Milevitani in altera Synodica ad eundem Innocentium, & Innocentius ipse in suis Litteris. Ut a se tantam culpam aliqua ratione removeret Pelagius, eo Catholicorum objurgationibus adductus tandem est, ut confiteretur, ideo Gratiam Dei hominibus dari, *ut*
quod

quod per liberum facere iubetur Arbitrium, FACILIUS, possint implere per gratiam. Ita ille in Libris de lib. Arbitrio. Ejus verba refert & explicat sanctus Augustinus in lib. de Haeres. cap. 88. inquit: Dicendo urique, ut FACILIUS possint, voluit credi, etiam si difficilius, tamen posse homines sine Gratia divina facere iussa divina; & in Epistola 186. olim 106. cap. 10. Usique quum dicis FACILIUS, quid vult intelligi, nisi & Gratia si desit, posse per liberum Arbitrium vel facile, vel etiam difficile, quae divinitus iubentur impleri? Nihil aliud extundi e pertinaci Haeretico potuit, quem propterea variis in locis arguit Augustinus, & potissimum in Lib. de Gratia Christi cap. 29. dum ad ea verba respiciens scribit: Tolle FACILIUS, & non solum plenus, verum etiam sanus est sensus, si ita dicatur: Ut quod per liberum facere homines iubetur Arbitrium, possint implere per Gratiam. Africani autem Patres in Synodo habita Carthagine anno Ch. 418. istud Pelagii dogma anathemate excipiebant: quod & a reliquis Catholicis, & ab Augustino in primis est factum. Quid ergo laborat heic Phereponus, nisi ut nos doceat rem jamdiu exploratam, videlicet Pelagium non negasse, quin utile sit orare Deum, quo facilius peccata caveantur? Nihil id ad rem attinebat. Si animus ipsi erat, suum & heic Pelagium defendere, ostendendum fuit, Africanos Patres frustra conqueri, quod Pelagius doctrina sua Orationis necessitatem sustulisset, sive quia revera Pelagius eam fatebatur, sive quia hominibus nulla est proprie necessitas Orationis. At neutrum potuit aut poterit ille praestare; adversantem enim sibi reperisset atque reperiet quum totam Historiam Ecclesiasticam, tum apertissima divinarum Litterarum, & legitimae Traditionis monumenta, quibus palam fit, sine adjutorio Gratiae Dei vinci non posse tentationes, & necessum esse cuicumque nostrum orare, ne ab ipsis tentationibus vincantur.

Quae sequuntur apud Phereponum §. 5. pag. 515. nihil est quod refellamus; versantur enim in illo ineluctabilis affatus somnio, cui uni tam saepe, tam libenter ille supraedificat. Nihil etiam reponendum arbitror eidem dicenti, se nomine Pelagii posse obicere Afris, ex eorum sensentia a Deo nihil potuisse peri (debuisse alter scripsisset), quum reprobis quidem necessaria negare, electis vero omnia concedere, etiam non potentibus, ab aeterno decrevis. Nam ignorare ipse nequit, quum Augustinum, tum totam Catholicorum Ecclesiam, agnovisse semper auxilia sufficientia ad salutem omnibus a Deo praebere; atque uti ad regnum ex gratuita Dei misericordia electi vocantur,

cantur, ita etiam reprobos ex propria culpa ac voluntate damnari. Eadem brevitate tranſcurrimus, quod infra habet §. 6. de Paedobaptismo, quem ait ex Novo Testamento ostendi nullo modo posse necessarium. Subdit autem nonnisi absurde fundamenta Fidei ab Afris vocari potuisse ea, de quibus altum est in Novo Testamento silentium. Verum & infantibus necessarium esse Sacramentum regenerationis per aquam, supra nos demonstravimus; & Patres Carthaginienses, quum ajunt, Pelagianos affirmare, necessarium non esse neque infantium Baptismum, neque Orationis usum, quibus impiis dogmatibus fundamenta Christianae Fidei conantur evertere: satis produnt, se inter dogmata quidem Catholica referre Paedobaptismum, sed non inter fundamenta Fidei, qualia sunt, omnes in Adam peccasse, atque indigere Gratia Dei, & hominum Naturam esse corruptam, & ad bonum per se esse ineptam, & neminem sine Gratia Servatoris ad regnum posse pervenire, atque alia ejusmodi, quae negato Paedobaptismo, & Orationis necessitate sublata, consequenter evertuntur.

In notis ad Epistolam 176. Augustini olim 92. Milevitanos Patres arguit Pherreponus pag. 120. quod haec de Pelagianis ad Innocentium I. Pontificem Maximum scribant: *Quum Dominus docuerit, ut dicamus: Dimitte nobis debita nostra, &c. Ipsi dicunt, posse hominem in hac vita, praeceptis Dei cognitis, ad tantam perfectionem justitiae, sine adjutorio Gratiae Salvatoris, per solum liberum voluntatis Arbitrium pervenire, ut ei non sit iam necessarium dicere: Dimitte, &c.* Ita vero ad haec adnotat Pherreponus: *Non dicebant, quemquam per totam vitam immunum prorsus peccatorum vixisse, excepto uno Christo. Unde sequebatur, neminem esse, ex eorum sententia, qui non deberet dicere: Dimitte, &c. Nam ad finem usque vitae peccatorum semel admissorum veniam petere omnes necesse habemus: Haec ergo est invidiosa criminatio. At nos dicimus, Pelagium, seu potius Caelestium affirmasse, hominem per totam vitam prorsus sine peccato esse posse: id enim illius argumenta aperte conficiunt. Quod si hominem esse, aut fuisse reipsa sine peccato praeter Christum, affirmare ille non est ausus: ex primo tamen ejus effato jura colligebatur, hominem posse in hac vita pervenire ad tantam perfectionem justitiae, ut ei non sit iam necessarium dicere: Dimitte, &c. Quae enim vera necessitas petendae veniae de peccatis homini illi, quem nullius culpa conscientia morderet? Sed utcumque sit de illorum sententia, atque de ejusdem sententiae consecrariis, nos Pherrepono respondemus, quod Augustinus respondebat: Caelestio:*

de perfectione iustitiae Ratioc. 16. cap. 7. nempe: *Nullum cum eis de his verbis esse debere confictum, quia non est ausus dicere hominem esse sine peccato, vel aliquem, vel seipsum, sed tantummodo esse posse: quod neque nos negamus. Quando autem possis, & per quem possis, hoc quaeritur, &c. Nani si per se ipsum potest homo esse sine peccato, ergo Christus gratis mortuus est. Non autem gratis Christus mortuus est; non igitur potest homo esse sine peccato, etiam si velit, nisi adiuvetur Gratia Dei per Jesum Christum Dominum nostrum, &c. Milevitani autem Patres eadem ratione Pelagium, sive Caelestium execrabantur, quod diceret, sine adiutorio Gratiae Salvatoris, per solum liberum Arbitrium posse hominem pervenire in hac vita ad perfectionem iustitiae. Reliqua vide apud eundem Augustinum in laudato Libro de Perfectione iustitiae.*

Invidiosam pariter criminationem, si Pherepono credimus, continent haec alia Patrum Milevitanorum verba: *Non ita intelligendum (ex sententia Pelagii) illud, Ne nos inferas in tentationem, tanquam divinum adiutorium poscere debeamus, ne in peccatum tentari decidamus; sed hoc (id est non decidere) in nostra esse positum potestate.* Inquit enim Phereponus, gratias caelestes non parum in tentatione juvare, ex ipsius Pelagii sententia. Addit etiam, *ac sine iis in gravibus tentationibus homines succumberent:* quod postremum quandonam Pelagius ad fatendum adductus fuerit, nescio qui ostendere possit illius hyperaspistes Phereponus. Orationis, ac divini adiutorii utilitatem, uti vidimus, praedicavit quidem interdum Pelagius, at nunquam ejus necessitatem; quippe viribus humanae Naturae nimium semper indulgit. Ergo jure ex ejus sententia inferebant Patres, necessarium non esse divinum poscere Adjutorium, ne in peccata cadamus. Duo autem illa e sacris Litteris excerpta loca, quae ad confirmandam necessitatem auxilii & Gratiae divinae protulere Milevitani Concilii Patres, frustra a Pherepono sollicitari intelligitur; quisquis & superiorem nostram responsionem legerit, & meminerit ineluctabilem afflatum: temere atque injuria ubique Augustino affingi a confidentissimo Consore isto.

Non sunt quidem cursim praetereunda, quae idem animadvertit ad Augustini Epistolam 177. olim 95. Inquit ibi Augustinus cum suis collegis, Pelagium in Diospolitano Concilio *Gratiam Dei se agnoscere professum: Quibus auditis verbis Catholici Antistes nullam aliam Dei Gratiam intelligere potuerunt, nisi quam in Libris Dei legere, & populis Dei praedicare consueverunt; eam utique, de qua*

qua dicit Apostolus (Gal. II. 21.) non irritam facio Gratiam Dei. Nam si per Legem iustitia, ergo Christus gratis mortuus est. Sine dubio Gratiam, qua iustificamur ab iniquitate, & qua salvamur ab infirmitate, non qua creati sumus cum propria voluntate. Heic insurgit Phereponus, & ait, Pelagium non sola Creationis beneficia agnovisse, verum etiam Evangelica omnia; sed non Gratiam illam efficacem Augustinianam, ante eum incognitam, praesertim in Oriente. Quid pro Gratia efficaci Augustiniana heic intelligat Phereponus, nemo non intelligit. At sicuti certum nobis est, huiusmodi Gratiam, cui reluctari humana voluntas non possit, & quae non Augustiniana, sed Calviniana dicenda est, incognitam fuisse plurimis saeculis tum ante Pelagium, tum etiam postea: ita quoque certissimum est, nunquam instituisse Augustinum, ut Gratiam talem agnosceret Pelagius. Non autem minus fallitur, alioque fallit Phereponus in hac absurda sententia Sancto Augustino tribuenda, quam fallatur & fallat in altera opinione Pelagio adscribenda. Nullus controversiae locus superfuisset inter Catholicos atque Pelagium sive Caelestium, si omnia Evangelica dona is agnovisset, eaque vere Dei dona, & non humanarum virium laborisque nostri fructum, confessus fuisset. Tot autem invisibilia ac interna beneficia, sive auxilia Dei, quibus ad bonum praevenitur, & adjuvatur, sine ulla tamen praevia necessitate & sine ulla coactione, nostra voluntas; & quibus vitatae nostrae Naturae infirmitas suppletur atque sanatur, per se & absque huiusmodi auxilio praestitura nihil boni ad salutem aeternam pertinens, & quibus homo ad veram Fidem perducitur, & ad verum suorum criminum dolorem excitatur, atque a peccatis liberatur, & Caritate divina demum perfunditur; aliaeque ejusmodi: utique sunt Dei dona per Christum Servatorem homini comparata, hominique sive gratis collata, sive gratis, & non ex meritis nostris, conferenda, & peculiari vocabulo Gratia Dei per Christum apud sanctos Patres celebratissima. Somnia ergo nobis narrat Phereponus, inquires Pelagium agnovisse omnia dona Evangelica; nihil enim magis exploratum est in Historia Ecclesiastica, quam quod ambitiosus humani Arbitrii inflator Pelagius alia ex his donis, beneficiis, & auxiliis non agnovisset, alia agnovisset quidem, sed minime necessaria duxerit, aut minime gratis a Deo concessa, sed ita viribus Naturae nostrae atque Arbitrii nostri conatibus quaesita ac debita, ut jam dona & gratiae Dei desinerent esse.

At

At his dimissis, vocat nos Phereponus ad perpendendum locum Apostoli nuper ab Augustino laudatum, hoc est, *non irritam facio Gratiam Dei*, eumque nihil facere contra Pelagium sine ulla dubitatione pronuntiat. Audiamus illius rationes. *Nam*, inquit ille, *Gratia Dei est ibi Evangelium, aut Evangelica oeconomia; qua Deus iustos censet, non eos qui peccato carent, sed qui Evangelio parent: quamvis antea etiam eorum visa vitiis inquinata fuerit, nec sine lapsibus variis reliquam aetatem traducant.* Tum addit, eo sensu semper sumi Gratiam, quando opponitur Legi, quae ex Judaeorum sententia summam postulabat perfectionem; ita ut Gratia opposita Legi & Operibus, idem sit ac misericordia opposita rigori, live imperfecta observatio Mandatorum Dei opposita perfectae sanctitati. Et ne quis male tempus terat in ultra inquirendo, an ita se res habeat, hoc luce meridiana clarius esse nos monet, nullumque recentiorum Interpretum occurrere, qui rem non viderit. Quis homini tanta cum securitate talia affirmanti fidem negare audeat? Et tamen pariat Phereponus nos dicere, nusquam minus quam heic sua verba impetrare posse fidem; nobisque contra esse manifestissimum, cum doctrinam Evangelicam, tum Apostoli mentem, ejusmodi sua interpretatione mirum in modum corrumpi. Primo falsum est, Deum in Evangelica Oeconomia censere iustos, qui in peccata labuntur, dum tamen Evangelio parent. Secundo inepte & contra veritatem dicitur, obtemperare aliquem Evangelio, etiam dum vitiis se inquinat, suisque cupiditatibus pravis indulget. Furfurera istum Calvinianae doctrinae Catholici jamdudum exploserunt; & quisque per se intelligere potest, iustitiam a peccato expelli, & neminem reputandum esse iustum, hoc est, virtute praeditum, & amicum Dei, dum Deum offendit, eique non paret, suaeque inobedientiae praeteritae culpam dolore ac poenitentia non eluit. Proinde falsum quoque est, eo sensu, quem Phereponus offert, semper sumi Gratiam, quando in Scriptis Apostolicis Legi opposita nobis occurrit.

Ut hoc tamen perspicue appareat, animadvertendum est, contendere paucos quosdam ex recentioribus Novi Testamenti Interpretibus Heterodoxis, & Hammondum in primis, caput Pherepono in multis carum, revera nomine Gratiae Evangelium significari, quum Gratia seu χάρις in sacris Litteris Legi opponitur. Quod tamen Hammondus saepe factum ait, Phereponus pro sua liberalitate semper factum pronuntiat. Ex iis autem bene multis locis, quae ad hanc suam opinionem confirmandam corradit undique Hammondus

ipse, nonnulla sunt, quae mirum videatur, quomodo convenient choro. Exemplo sint duo illa desumpta ex Cap. XX. 24. & 32. Act. Apost. ubi inquit Paulus, se *testificari Evangelium Gratiae Dei*; tum ait, se Ephesios commendare Deo, & verbo Gratiae ipsius, &c. Ευαγγέλιον τῆς χάριτος, & λόγος τῆς χάριτος, nihil aliud sunt Hammond, quam *praedicatio Evangelii*. Non is quidem sum, qui negare velim, quin Gratiae nomine Evangelium dici interdum possit designatum, quando Legi opponitur; sed quidem ajo, constare prius inter nos debere, quid sit vocabulo Evangelii tunc intelligendum, & praesertim in loco Apostoli ad Gal. II. 21. quem Augustinus olim citabat, & nunc Augustino eripere Phereponus nritur. Nomine ergo Evangelii intelligere possumus aut praedicationem gestorum, doctrinae, ceterorumque donorum, quae Christus in mundum intulit & infert, aut ipsam rem praedicatam, hoc est, ipsa gesta, doctrinam, & dona Christi. Quaquam praedicatio Evangelicae Fidei, donum sit & Gratia a Deo veniens; manifestum tamen puto, Evangelium non appellari Gratiam sub ea significatione, quando opponitur Legi in Apostolicis Litteris. Nam praedicatio necessaria quidem est, ut homines audiant atque amplectantur Fidem Christi; ipsa tamen homines meliores felicioresque quam sub Judaica Lege essent, per se non facit, quum hoc facere spectet ad ipsam rem praedicatam, hoc est ad doctrinam vera fide perceptam, & ad gratias & dona Dei in amplectentes Evangelium praedicatum diffusa. Dicimus ergo, Evangelium, seu rem praedicatam in Evangelio, Gratiam potuisse appellari, vel respiciendo ad ipsas Christi res gestas, & ad ejus praecepta, consilia & exempla (divina quippe misericordia factum est, ut haec audierint, & audiant homines), vel considerando beneficia interna, & dona invisibilia ab ipso Christo procurata hominibus in Lege nova Evangelium fideliter recipientibus, eique obtemperantibus, per Christum a Deo collata. Sed nudas Christi res gestas, ejusque doctrinam atque exempla, non intelligunt Apostoli, quando novi Testamenti Gratiam Legi antiquae opponunt, etenim Littera sola homines justificare non potest, nisi accedant interna illa dona ac beneficia, quae audientibus, recipientibus & observantibus Legem Evangelicam confert Deus, & quae revera justificationem in nos important.

Hoc ergo postremo titulo proprie ab Apostolis atque Evangelistis Gratiae nomen Evangelio tribuitur, & jure opponitur Legi. Edocebat Lex, quid agendum foret Judaeis, ut Deo placerent, vir-
tute-

tutesque a vitiis distinguebat; proptereaque fuit & ipsa donum Dei misericordis. Verum quandoquidem ipsa aliqui bona, sancta & utilis non vivificabat, hoc est, per se vim justificandi non habebat, neque virtutem internam Judaeis praeſtabat conſequendae juſtitiae & ſervandae Legis, & Deo vere placendi, ut Apoſtolus toties nos docuit: ideo cauſa erat, ut cognosceretur peccatum, vigorem autem non miniſtrabat, ut peccatum evitaretur; neque ſatis erat homini ad conſequendam aeternam gloriam, niſi Chriſtus ad mundum ſua morte & gratia ſalvandum veniſſet. Chriſtus autem venit, donaque inviſibilia & praeſantiſſima, Fidem praeſertim, & Caritatem, homini comparans, & vires internas Naturae vitatae, infirmoque hominis Arbitrio ſuppeditans, aliaque beneficia ad bonum operandum praebens, quae a Lege ſola exſpectari non poterant; eaque bona in eos effundens, qui ſibi credunt ſuaeque Legi parent, nunc facit ut juſti evadamus, Deoque vere placeamus, caelumque nobis aperit. En igitur cauſam proximam, cur Evangelium proprie Gratia appelletur in comparatione Judaicae Legis. Hinc Jo. I. 16. dicit: *De plenitudine ejus* (videlicet Chriſti, quem ſupra plenum gratiae & veritatis nuncuparat) *nos omnes accepimus, & gratiam pro gratia, quia lex per Moſen data eſt; gratia, & veritas per Jeſum Chriſtum facta eſt.* In verbis autem Apoſtoli ad Gal. II. 21. commemoratis ab Auguſtino id aperte inquitur. *Non irritam* (inquit Paulus) *facio gratiam Dei* (ſive non abjicio, ut vulgata Verſio habet.) *Si enim per legem Juſtitia, ergo gratis Chriſtus mortuus eſt.* A Lege Moſis, atque ab operibus, & caeremoniis legis, non exſpectandam eſſe juſtitiam, atque juſtificationem, clamat Apoſtolus, ſed quidem a Fide Chriſti, quae per dilectionem operatur; alioqui ſi aliunde, quam per Chriſtum, ejusque dona, obtineri poſſit juſtitia: quid neceſſe erat Chriſtum mori? Niſi Fidem in Mediatorem venturum vel ipſi Judaei habuiſſent, ſalutem ex Lege ſola atque ex operibus nunquam retuliſſent. *Scientes* (jam ſupra Apoſtolus dixerat) *quod non juſtificatur homo ex operibus legis, niſi per fidem Jeſu Chriſti, & nos in Chriſto Jeſu credimus, ut juſtificemur ex fide Chriſti, & non ex operibus legis &c.* Igitur Apoſtolus dum Evangelium Gratiae Dei, ſive praeſedicationem Divinae & Evangelicae Gratiae memorat, nihil aliud nomine Gratiae Dei designat, quam ea dona ac beneficia, quae ex auditu & receptione Evangelii in homines fluunt, aut fluere poſſunt per Chriſtum, & quae Moſaica Lex per ſe conferre nequibat. Dona haec & beneficia inſpiratione poſſimum conſtant Spiritus ſan-

Est, qui Fidem donat & Caritatem diffundit in cordibus nostris, & Justitiam & morum sanctitatem, ceterasque virtutes in nos defert, omniaque bona in nobis & nobiscum operatur. Proinde Apostolus Cap. seq. V. 2. Galatas ita interrogat: *Ex operibus Legis Spiritum accepistis, an ex auditu fidei?* Et infra: *Qui ergo tribuit vobis Spiritum, & operatur virtutes in vobis: ex operibus legis, an ex auditu fidei?* De hac autem Gratia Evangelica, quae non a nobis, sed ex Deo est, quae, ut ait Augustinus, *justificamur ab impietate, & qua salvamur ab infirmitate*, disputabatur cum Pelagio affirmante illam a viribus nostris esse, easque esse humani Arbitrii vires, ut in nobis Fidem & Caritatem, Deo has virtutes gratis non tribuente, excitare possimus. Quamobrem nullo jure Pherponus dicit, *Gratiam* sensu Augustiniano heic minime sumi, ut nec ulquam alibi in Scriptura. Nam si Calviniano sensu, quem ipse pro suo more *Augustinianum* appellat, *Gratiam* intelligit: id quidem certum sit ex nostra quoque sententia; sed falsissimum est, si ad veram sancti Augustini mentem respicimus, ut ex pluribus divinarum Litterarum exemplis constat, & praesertim ex eo ad Rom. III. 24. *Justificati gratis per Gratiam ipsius per redemptionem, quae est in Christo Jesu*; & ex altero 2. Cor. XII. 8. *Sufficit tibi Gratia mea*. Videat insuper Pherponus, quam opportuno loco pronuntiavit, Africanos Episcopos & negligenter legisse, & oscitanter laudasse Scripturam, & quam solida ratione heic elevet eorum auctoritatem atque doctrinam. Tandem videat, quibus tabulis fretus affirmare ipse possit, *Gratiam* oppositam Legi in sacris Litteris idem esse, ac *miserecordiam oppositam rigori, & imperfectam observationem mandatorum Dei perfectae sanctitati*. Quasi Deus in veteri Testamento rigidus iudex nullius Judaei miseretur, qui in peccata caderet; misericors autem in novo non exigat a Christianis perfectam mandatorum observantiam; & quasi perfecta sanctitas atque justitia obtineri per Legem solam potuerit, imperfecta autem in Evangelio neminem a salute excludat. Haec dogmata manifeste pugnant in Scripturam sacram: quod ostendere nobis facillimum foret, nisi ad alia raperetur oratio. Temperare tamen mihi non possum, quin memorem illa Servatoris verba ad Discipulos suos Matth. V. 20. *Nisi abundaveris justitia vestra, plus quam Scribarum & Phariseorum, non intrabitis in regnum caelorum*. Tu reliqua ibi Christi verba perpende.

In Lib. de Haeres. ad Haeresim 88. de Pelagianis haec habet Augustinus: *Dei Gratiae, qua praedestinati sumus in adoptionem filio-*

liorum per Jesum Christum in ipsum, & qua erui-
 mus de potestate senecbrarum &c. in tantum inimici sunt, ut sine hac posse hominem
 credere facere divina mandata &c. Ubi Phereponus haec retulit pag.
 595. religiosum ardorem praefere-
 ns, anathema continuo dicit omni-
 bus, qui divinae Gratiae inimici sunt; immo ut putat, Pelagium,
 si revivisceret, in eadem sententia, atque execratione secum fore
 censensurum judicat. Verum (deinde subdit) accusatorie dicit Augu-
 stinus inimicos Gratiae Dei eos, qui internum afflatum, ad singulos
 necessarium actus, eumque ineluctabilem, & ad finem usque vitae solis
 electis dandum, hoc est, Gratiam Augustini, non Dei repudiabant;
 nam Gratiam hunc afflatum, aut Gratiam Dei vocari in Scriptura
 nunquam demonstravit. Tum addit, Deum (utpote. justum) impos-
 sibilis non imperare, neque sumere poenas de iis, qui non fecerunt
 impossibilia. Quod si praeter nudum imperium, auxilium aliud divi-
 num necessarium sit (hoc autem si Pherepono credimus, non nega-
 bat Pelagius), id nemini eorum, quibus aliquid imperat, sub-
 trahit Deum. Tandem ita Cenfor eloquitur. Sed omnia haec sunt,
 ut alibi apud Augustinum, ad invidiam faciendam composita. Liceat
 & nobis haec dicere, omnia haec Phereponi verba, ut alibi saepe,
 hominis esse aut calumniantis, aut sibi ignota culpantis. Ita Augu-
 stinus scribebat in Lib. de Gratia & libero Arbitrio Cap. 16. Ma-
 gnum aliquid Pelagiani se scire putant, quando dicunt: Non iuberet
 Deus, quod sciret non posse ab homine fieri. Quis hoc nesciat? Sed
 ideo iuberet aliqua, quae non possumus, ut noverimus quid ab illo pe-
 tere debeamus. Ipsa est enim Fides, quae orando impetrat, quod Lex
 imperat. Juvat etiam repetere alium celebrem Augustini ejusdem lo-
 cum in Lib. de Natura & Gratia Cap. 43. Non igitur Deus impos-
 sibilis iuberet; sed jubendo admonet & facere quod possis, & petere
 quod non possis. Ubi vides duo poni ab eximio viro: nempe Deum
 impossibilia non imperare, simulque Dei auxilium necessarium esse ad
 ea implenda, quae ipse praecipit: e quibus tertium necessario con-
 sequitur, Deum videlicet sufficienti auxilio hominibus adesse, ut prae-
 cepta adimplere possint, eorumque tantum vitio fieri, nisi impleant.
 Quo vero opera bona virtutesque certo amplectamur, legemque ve-
 limus implere, & reipsa impleamus, & quo aeterna Dei de electo-
 rum suorum praedestinatione decreta certus subsequatur effectus: effi-
 caciioribus auxiliis utitur Deus, quae singulis profecto non donari;
 neque ea obligatione teneri Deum, ut omnibus & singulis donet:
 tum experientia, tum sacrae Litterae, & sancti Patres, & rationes
 ianu.

innumerae manifestum faciunt. Primo igitur loco quid est quod Phereponus monet, impossibilia a Deo non praecipi, quasi aliter Augustinus sentiret? Deinde quid dubitare videtur, num praeter nudum imperium, necessarium sit aliud quodpiam a Deo auxilium, quo Lex impleatur? Istius auxilii necessitatem divinae Litterae luculentissime statuunt. Tertio sentit Phereponus, non negasse Pelagium, quin sit necessarium istud auxilium. At Augustinus in eod. Lib. de Haeresi. atque ad eandem Haeresim Pelagianorum, atque alibi etiam, testis fide dignior quam Phereponus, scribit, nunquam induci potuisse Pelagium, ut divinae Gratiae necessitatem admitteret. Denique (sunt Augustini verba) *Pelagius a fratribus increpatus, quod nihil tribueret adjutorio Gratiae Dei ad ejus mandata facienda, correptioni eorum haecenus cessit, ut non eam libero Arbitrio praeponeret, sed infideli calliditate supponeret, dicens, ad hoc eam dari hominibus, ut quae facere per liberum jubentur Arbitrium, Facilius possint implere per Gratiā. Dicendo utique ut Facilius possint, voluit credi, etiam si difficilius, tamen posse homines sine Gratiā divina facere iussa divina.*

Quae si vera sunt (ut profecto sunt, neque negare Phereponus audeat), quis non intelligat, rectissime atque verissime Pelagianos appellatos ab Augustino fuisse inimicos divinae Gratiae, & potissimum quum haec de ipsorum prima opinione pronuntiet, quando videlicet nihil aut parum tribuebant auxilio Gratiae Dei, sed omnia sinebant liberi Arbitrii viribus? Non semel autem monui, rursusque monere cogor, mire decipi Phereponum, dum ejus gratiae, quam sanctus Augustinus tuebatur, notionem nobis obtrudit. Est quidem illa internus Dei afflatus in intellectum, & voluntatem hominis; sed ineluctabilis afflatus non est, cui nempe resisti non possit; neque solis electis reservatus est, quum reliquis etiam concedatur, qui ab amore creaturarum rerum ad amorem veri Dei, & Salvatoris nostri Jesu Christi revera convertuntur. Calviniana Gratia est, quam ubique describit nobis Phereponus, non Augustiniana. Heic ille dudum caecutit; quum tamen ignorare homo tot controversiarum gnarus non possit, num a Calvino, an potius a Catholicis stet Augustinus. Et sane afflatus, qualis a Calvino describitur, Gratiā Dei nunquam in Scriptura vocari, nos quoque libenter concedimus. Verum in Scriptura clarissime tradi Augustinianam divinae Gratiae notionem atque sententiam, tum aliquibus testimoniis supra ostendimus, tum pluribus aliis evincere possemus. Eo etiam faciunt omnia, quae sacrae Litterae habent de auxiliis, de adjutorio, & ope, quam Deus homi-

homini confert, ut bonum operetur, & sine qua homo operari bonum, & venire ad Christum, & impleri Spiritu Sancto, & Caritate donari non potest. Intime quoque, atque efficaciter (non sine tamen cooperatione ac libertate Arbitrii nostri), in animos voluntatemque hominum auxilia ista influere, multis in locis tradit Apostolus, sed praecipue quum ait ad Philip. II. 13. *Deus est enim, qui operatur in vobis & velle, & perficere pro bona voluntate.* Et in 1. ad Cor. III. 7. *Neque qui plantat est aliquid, neque qui rigat, sed qui incrementum dat Deus.* Atque hoc internum Dei miserentis auxilium *Gratia* illa potissimum erat, de qua cum Pelagio disputabatur, quaeque a sancto Augustino ita definitur Lib. 4. Cap. 5. contra duas Epistolas Pelag. *Inspiratio dilectionis, ut cognita sancto amore faciamus.* Ejus necessitatem non agnoscebat Pelagius; Augustinus autem, & Ecclesia Catholica depraedicebant. Si contendere Phereponus velir, Pelagio perperam Augustinum affinxisse hujusmodi sententiam: Pelagium faciet ille Catholicum. Sin ita Pelagium sensisse fateatur, solumque contendere velir, ejus opinionem immerito a Catholicis divexatam fuisse: Augustinum non arguat tanquam Pelagianis dogmata ab eisdem repudiata declamatorio more imponentem, sed ipsa arguat ipsius Augustini dogmata. Quod postremum si Pherepono facere placeat, non exspectet a nobis confutationem, sed sciat se jamdudum ab innumeris Ecclesiae Catholicae Theologis fuisse confutatum. Ceterum in sententia sive, ut ita dicam, in suppositione Augustini, rectissime semper & sine calumnia vocari potuit Pelagius *inimicus Gratiae Dei*, quippe qui illam humanae voluntati necessariam ut fateretur induci nunquam potuit.



CAPUT SEPTIMUM.

Voluntarium & Liberum Phereponus putat ab Augustino confusa. Quid sint Libertas essentialis, & Libertas accidentalis humani Arbitrii. Quid necessitas essentialis, quid accidentalis, quid antecedens, quid consequens. Arbitrium hominum semper liberum ab antecedenti necessitate, semper praeditum essentiali libertate. In hac sententia semper fuit sanctus Augustinus, uti ex multis eius locis ostenditur. Nulla in Deo antecedens necessitas, eique etiam tributa a quibusdam Libertas in amore sui, atque virtutis. Praescientia futurorum in Deo non tollit Arbitrium homini liberum. Deus praevidet, libere homines peccaturos. Idem in Deo sunt praeteritum, praesens, ac futurum; quare ejus Praescientia non laedit Arbitrii humani libertatem.



DE libero Arbitrio agentem Augustinum Phereponus non uno fuggat in loco; sed quanta cum aequitate, notum erit deinceps ostendere. Illud vero tanquam ratum certumque statuit ubique Phereponus, aut Augustinum ignorasse, quae inter liberum & voluntarium differentia intercedat, aut novisse quidem, sed affirmare non dubitasse, a Deo puniri quaecumque etiam mala ab hominibus, etsi voluntarie, non libere tamen perpetrantur. In Lib. de vera Relig. Cap. 14. dixerat Augustinus: *Usque adeo peccatum voluntarium est malum, ut nullo modo sit peccatum, si non sit voluntarium.* Haec ita excipit Phereponus pag. 485. *Nempe si voluntarium dicatur liberum, ita ut possis admitti peccatum, aut non, & quidem ab ipso peccante.* Tum addit, omnes prorsus mortales ita sensisse ante controversias Pelagianas; Nec aliter, ait, sensisset ipse Augustinus, si post mortem ejus natae demum fuissent. Itaque haec frustra cum sententia, quam postea amplexus est, in concordiam redigere conatur, Retract. Lib. 1. cap. 13. §. 5. *quasi voluntarium dicatur tantum, quod insidet voluntati, quamvis liberum non sit.* Istam quaestionem uberius deinde agitat in Animadv. ad Lib. V. cap. 10. de Civ. Dei, inquires pag. 579. *Augustinus heic, ut & alibi, voluntarium, & liberum confundit, quae in omnium hominum sermone distincta sunt; nam voluntate quidem*

dem adfentimur evidenti enuntiationi, sed non libere, & voluntate simul cupimus felicitatem, sed non libere; neque enim possumus nolle evidentiis assentiri, aut nolle esse felices. Infra vero haec Augustini verba adfert, simulque per quasdam parentheses commentatur: Quocirca nullo modo cogimur (inquit Philosophus Poenus), aut reserata praescientia Dei tollere voluntatis Arbitrium (cur non addit liberum?) aut reserato voluntatis Arbitrio (addendum erat libero, hoc est, in utramque partem flexili) Deum, quod nefas est, negare praescium futurorum. Sed utrumque amplectimur, utrumque fideliter & veraciter confitemur; illud ut bene credamus, hoc ut bene vivamus. Male autem vivitur, si de Deo non bene creditur. Ita Augustinus, cujus sententiam his aliis verbis Phereponus onerat dicens: Postrema haec libenter amplectimur; sed si aliquis reposuisset Augustino, negasset ab Augustino, retineri liberum Arbitrium; quod nec ille diffitetur, quum extra controversiae aesium loquitur. Vide Enciridion ad Laurentium Cap. XXX.

Illud primo nos heic protestamur, firmissimum esse semperque fuisse Catholicorum dogma, liberum in homine, vel post Adami lapsum, superesse Arbitrium, neque aut Peccata, aut divinam Gratiam essentiali ista qualitate hominem exspoliare posse; Calvinum vero, Lutherum, eorumque similes execramur, & Concilii Tridentini diris percutimus, quod in actibus moralibus voluntarium quidem, sive spontaneum homini tribuant, sed liberum Arbitrium, sive electivam potestatem eripiant. Secundo addimus, si quid heic extra Ecclesiae Catholicae sententiam exorbitasset Augustinus, controversiae ardore abreptus, non eum declinatam ad extrema volumus sequi, sed regiam tenere Catholicae matris viam. Tertio dicimus, ne ipsum quidem ab hac eadem via veritatis Augustinum deflexisse; & si qua occurrunt in ejus Libris de hoc ipso argumento obscura, facili interpretatione, & ex aliis ejus locis explicari itidemque cum Catholico dogmate componi posse, atque debere. Animadvertendum igitur est ante omnia, Libertatem, atque Necessitatem humani Arbitrii, sive humanae voluntatis, diversimode accipi, pluribusque distingui modis. Nos ut brevitati consulamus, bifariam tantummodo ipsas distinguemus. Itaque alia est Libertas essentialis, alia accidentalis. Prior voluntatem respicit, uti electiva est, facitque ut homo ex institutione sua possit aut eligere, aut non eligere aliquid sibi propositum. Ideo vero essentialis homini dicitur, quia homo definiret esse Animal Rationale, & in brutorum animalium naturam con-

cederet, si eidem auferretur hujusmodi Libertas atque potestas, propter quam iuste aut iniuste operari dicitur, & laude & vituperatione dignus reputatur. Altera Libertas accidentalis est, quae voluntati humanae adesse, aut ab eadem abesse potest, salva libertate illa, quam *essentialem* diximus esse rationali naturae. In tot autem Libertates hujus postremi generis Libertas dividitur, in quor ipsa actio-
num humanarum ampla respublica, iisque libertatibus privare se ipse-
met homo, atque ab aliis quoque externis causis privari potest. Rursus ad instar Libertatis alia est Necessitas essentialis, alia acci-
dentalis. Illa hominem essentiali Libertate, sive naturali facultate eligendi, aut non eligendi, spoliatum, ita determinat ad unum, ut ei aliter eligere aut facere impossibile sit. Accidentalibus vero acciden-
tali tantum aliqua libertate hominem spoliat in aliqua singulari actio-
ne facienda, aut non facienda. Porro Necessitas essentialis id pro-
prium habet, ut ab externa causa atque impressione veniens, & prae-
veniens omnem rationalis voluntatis nutum, ipsam potentiam ante
determinet ad alicujus rei amorem aut odium, sive electionem aut
fugam, quam ipsa potentia sese libere moveat ad eligendum aut fu-
giendum illud objectum; ideoque Necessitas antecedens dicitur. Ta-
lem Necessitatem invexere Fati assertores, & impii quidam Astrolo-
gi, & Manichaei, ut alios omittam. Necessitatis vero accidentalis
proprium est, subsequi liberum voluntatis nutum, ideo consequens
illa appellatur. Ad haec animadvertendum est, *Spontanei* & *Volunta-
rii* nomine, prout a *Libero* haec nomina distinguuntur, id significa-
ri atque intelligi, quod voluntati placet & gratum est, quodcumque
modo id fiat, hoc est, sive ipsi voluntati libere eligenti placeat, si-
ve placeat eidem ante suam electionem determinatae, ac necessario
motae ad illud objectum amandum. Involuntarium, Vis, & Coactio
opponuntur Spontaneo, & Voluntario. Quamobrem qui lubenter, &
voluntarie, atque spontanee agit, is liber a coactione dicitur; &
tamen istum eundem imaginari eodem tempore possumus *non libe-
rum a Necessitate essentiali*. Ita animalia bruta eo quod, ut oculis
nostris apparet, lubenter, & cum delectatione, aut si mavis dicere,
non reluctancia, neque repugnantia, cibum, potum, & venerem
identidem appetunt, & tamen necessitate id facere dicuntur, libera
dici non possunt a Necessitate, etiamsi libera sint a Coactione.

His positis, memoria recolendum, contendendi solere a Calvino
ejusque gregariis, hominem in actionibus moralibus necessaria qua-
piam impressione rapi, ac determinari ad unum ante omnem suae
Volun-

Voluntatis ac Arbitrii morum ac nutum, adeo ut eligendi potestate ac libertate careat. Concupiscentia prava, ac homini innata, Praescientia Dei, Praedestinatio, Gratia, aut aliae hujusmodi causae, secundum ipsos, electivam homini Potentiam eripiunt, ipsumque adeo liberum Arbitrium. At quum fieri possit, ut ad ea, quae homo non facere non potest, (Necessitate quippe antecedenti atque secreta raptus) moveatur quoque illius voluntas non coacte, sed spontaneae, sive lubenter: hinc liberum hominis Arbitrium, si eosdem Haereticos audimus, situm est in hac una *Libertate a coactione*, non autem in *Libertate a necessitate*. Quantum a recta Ratione, a divinarum Scripturarum documentis, & a sanctorum Patrum sententia absit ac abhorreat hujusmodi commentum, non est hujus loci ostendere. Meminisse tantummodo juvat, nihil a Fati assertoribus, a Manichaeis, aliisque id genus hominibus, quos tantopere Christiana execratur Ecclesia, disferre istorum opinionem; homines vero hoc pacto in pecudum sortem demitti, nulliusque revera meriti aut demeriti, laudisque aut vituperationis capaces amplius esse dicendos. Augustinum vero in hac sententia sibi praecessisse, jactitant Haereticorum recentium Scholae, istorumque clamoribus nihil cunctatur adhibere fidem Phereponus noster, ne carpendi Augustini tam bella sibi elabatur occasio. Sed aliter sensit Augustinum, jam per alios patuit, & adhuc nostra, ut spero, oratione palam fiet.

Arbitrium ergo hominis liberum esse ab antecedenti Necessitate, hoc est praeditum sua essentiali Libertate atque electiva potestate, ita ut nihil voluntatem ad suos actus, & ad eligendum ante determinet, atque ut ita dicam necessitet, quam ipsa voluntas libero motu sese ipsa ad unam partem eligendo inclinet: doctrinam semper fuisse sancti Augustini, ea persuadent, quae ipse variis in locis in hanc ipsam rem peculiariter intentus scripta reliquit. Et in primis quod est ad peccandum, negat ille omnem in voluntate antecedentem Necessitatem. In Lib. 3. de lib. Arb. cap. 18. ait: *Quaecumque ista causa est voluntatis, si non ei potest resisti, sine peccato ei ceditur; si autem potest, non ei cedatur, & non peccabitur*. Mox subdit: *Quis enim peccat in eo, quod nullo modo caveri potest? Peccatur autem: caveri igitur potest*. Si secreta Necessitate, atque determinatione praevia ad unum, homo aliquod opus pravum agit, utique nullo modo cavere illud potuit. Ergo sine culpa erit, quia nulla ex parte liberum ipsi fuit secus agere, neque ipse necessitatem sibi fecit, sed factam aliunde sensit. At certum est Augustino, ho-

mines revera peccare saepe ac saepius; ergo certissimum est Augustino, Libertatem ab antecedenti Necessitate superesse vel post Adami lapsum. Eadem fufius repetit sanctus Doctor in Lib. de duabus Animabus Cap. 12. *Peccati reum teneri quemquam, quia non fecit, quod facere non potuit, summae iniquitatis est & insaniae. Quamobrem illae animae quicquid faciunt, si natura, non voluntate faciunt; id est, si libero & ad faciendum, & ad non faciendum, motu animi carent; si denique his abstinendi ab opere suo potestas nulla conceditur, peccatum earum tenere non possumus, &c. vide & eundem in Lib. de vera Relig. cap. 14. & in Lib. contra Adimantum cap. 27. & in Lib. 2. contra Faustum cap. 5. & in aliis locis Librorum de lib. Arb. Quod autem est ad bonum faciendum, ne tunc quidem Necessitate ferri hominem, sed quidem fini libere agere, auctor est non uno in loco Augustinus. Celeberrima sunt, quae ille habet in Lib. de Spiritu & Litera cap. 34. *Misericordia ejus praevenit nos. Consentire autem vocationi Dei, vel ab ea dissentire, propriae voluntatis est.* Iisdem fere verbis de Libertate ad malum perpetrandum pronuntiavit in Psalm. 91. inquit: *Non cessat Satanas suadere malum; sed nec Deus cessat administrare bonum. Satanas autem non cogit invium. In tua potestate est consentire, aut non consentire.* Alia omitto loca, quibus sanctus Augustinus, Ecclesiae Catholicae concors, humanae voluntati facultatem, & non de nomine tantum, sed veram ac innatam potestatem tribuit relucendi & resistendi divinae Gratiae.*

Sed quia loca superius aut descripta, aut indicata, quibus *essentiale Arbitrii Libertatem* Augustinus depraedicat, omnia fere depromta sunt e Libris contra Manichaeos compositis; Phereponus autem contendere potest, Augustinum hostibus mutatis sententiam quoque mutasse: consulamus & Libros Augustini contra Pelagianos, ubi eadem reperit atque confirmat. In Lib. de Natura & Gratia cap. 65. Pelagianis sancti Hieronymi auctoritate abutenibus ita respondet: *Irem quod ait (Pelagius) a memorato dictum esse Prisytero: Liberi Arbitrii nos condidit Deus, nec ad virtutem, nec ad viria necessitate trahimur, alioquin ubi necessitas, nec corona est; quis non agnoscat? quis non toto corde suscipiat? Vide & Capp. 64. & 66. & 32. & 43. ejusdem Libri. Ad haec in Lib. 2. Cap. 3. de Nuptiis & Concupisc. objicienti Pelagio, eos statim infamari, qui liberum affirmant Arbitrium, respondet Augustinus. Non itaque, sicut te atque alios fallens loqueris, si quis liberum in hominibus Arbitrium*

trium dixeris, Caeleſtianus, & Pelagianus vocatur: iſta quippe Catholica Fides dicit, &c. Idem in Lib. de Spiritu & Littera Cap. 33. Vult autem Deus, omnes homines ſalvos facere, & in agnitionem veritatis venire; non ſic tamen, ut eis adimat liberum Arbitrium, quo vel bene, vel male utentes juſtiſſime judicentur. Vide & Cap. 34. ejuſdem Libri, & Capp. 2. 3. & 15. Libri de Gratia & libero Arb. ubi fortiter praedicat humani Arbitrii Libertatem a Neceſſitate quacumque antecedenti.

Accedamus nunc ad Phereponum, & ab eo petamus, num ſibi videatur eſſentialem homini Libertatem eripere: qui conſentire, aut diſſentire ſive ad bonum ſive ad malum in poteſtate ſemper relinquit humani Arbitrii? qui nos Neceſſitate non trahi fatetur? qui libero arbitrio bene aut male uti nos agnoſcit; Fatum exſecratur; liberumque ad faciendum, & non faciendum animis noſtris motum facultatemque tribuit? At inquit Phereponus: Cur Auguſtinus Voluntarium duntaxat exigit, ut actio mala jure dicatur Peccatum? Non Voluntarie tantum, ſed & Libere fiant neceſſe eſt, quae laudem aut vituperationem mereri debent. Verum Phereponus aequiorem ſe erga Auguſtinum longe praeſuiſſet, ſi viam potius intelligendi, atque in bonum ſenſum explicandi Auguſtini, quam carpendi quaſiſſet; Sanctus autem Doct̃or terminis, atque vocabulis, quae nunc in Scholis obtinent, ſemper non eſt uſus; & Voluntatis, ac Voluntarii nomine facultatem electivam interdum ſignificavit. In Lib. de vera Relig. Cap. 14. quo reſpicit Phereponiana cenſura, inquit Auguſtinus, *uſque adeo peccatum Voluntarium eſſe malum, ut nullo modo ſit Peccatum, ſi non ſit Voluntarium.* Heic nomine *Voluntarii mali* ſignificat Auguſtinus malum, quod a voluntate uti cauſa vera procedit, & conſequenter a libera cauſa atque electione oritur, omnemque antecedentem Neceſſitatem excludit. Indicat id aperte ipſemet Auguſtinus infra ſic ſcribens. *Si non Voluntate male facimus, nemo obſurgendus eſt omnino, aut monendus: quibus ſublatis Chriſtiana Lex, & diſciplina omnis Religionis auferatur neceſſe eſt. Voluntate ergo peccatur. Et quoniam peccari non dubium eſt, ne hoc quidem dubitandum video, habere animas liberum voluntatis Arbitrium. Tales enim ſervos ſuos meliores eſſe Deus judicavit, ſi ei ſervirent liberaliter. Quod nullo modo fieri poſſet, ſi non Voluntate, ſed Neceſſitate ſervirent. Vides heic liberum Voluntatis Arbitrium, vides homines Deo, aut peccato ſervire liberaliter; ergo libera Voluntate, non Neceſſitate. Immo ipſemet Auguſtinus Neceſſitatem hanc*

oppor-

opportune nominans, eam ab Arbitrio hominum prorsus excludit. Lib. autem 1. c. 13. Retract. non destruit huiusmodi sententiam, sed rursus confirmat. Peccata quippe quae ipse tantummodo Peccata appellat, prorsus a Voluntate electiva esse dicit; illa vero quae Peccata simul sunt, & Poena peccati, atque ab homine perpetrantur suae cupiditati relicto in poenam praecedentium criminum, quam non Voluntarie facta videantur, sed quidem ex Necessitate, attamen & ipsa Augustinus Voluntaria esse agnoscit, hoc est a libera Voluntatis electione facta. *Quamvis*, inquit, & illa quae non **IMMERITO** non Voluntaria peccata dicuntur, quia vel a nescientibus, vel a caecis perpetrantur, non omni modo possunt sine Voluntate committi; quoniam & ille, qui peccat ignorans, Voluntate utique facit, quod quum faciendum non sit, putat esse faciendum. Et ille, qui concupiscente adversus spiritum carne, non ea quae vult facit, concupiscit quidem nolens: & in eo non facit quod vult. Sed si vincitur, concupiscentiae consentit volens, & in eo non facit nisi quod vult, liber scilicet iustitiae, servusque peccati. Ubi patet, sanctum Augustinum etiam in iis, qui concupiscentia illecei ac rapti peccant, nullam agnoscere praecedentem essentialem Necessitatem, sed quidem liberam voluntatis inclinationem; si enim nollent, non vincerentur, neque peccarent. Et sane *coactum* pro invito prorsus, ac nullatenus voluntario, neque sancti Patres, neque Haeretici accipere consueverunt, quum de ipsius voluntatis actionibus agebatur; sed de externis tantum actionibus accepere, in quibus nullae saepe numero possunt esse partes voluntatis. Tam quippe repugnat, actionem sive motionem voluntatis non esse voluntariam, quam actionem intellectus non esse intellectualem, & facultatis sentientis non esse sensitivam. Itaque etiam si a concupiscentia cogi ad peccandum videatur homo, attamen & tunc eligit, & tunc libere agit voluntas; ac proinde ex allatis sancti Augustini verbis inferri nunquam potest, *Voluntarium tantummodo id dici, quod infidet voluntati, quamvis Liberum non sit.* Minus morosum sese in Augustinum non prodit Phereponus innotis ad Lib. V. Cap. 10. de Civit. Dei, inquiens, *illic, ut & alibi, Voluntarium atque Liberum ab Augustino confundi, quae in omnium hominum sermone distincta sunt; nam voluntate quidem adsensimur evidenti enuntiationi, sed non libere; & voluntate simul cupimus felicitatem, sed non libere.* Verum si maiorem cum Patribus & Scholae Theologis familiaritatem habuisset Phereponus, vel eorum dicta sincere & candide reminisci veller, intelligeret, & in hisce Volun-

tatis

tatis actionibus, quas non Liberas ipse Phereponus appellat, multos praeter Augustinum agnovisse Libertatem, hoc est Libertatem ab antecedenti quacumque essentiali, sive naturali Necessitate, determinatione, aut impressione. Hinc dixerunt, Deum libere cognoscere, atque amare Iustitiam, Veritatem & se ipsum, quanquam indifferentiam ad volendum contrarium ab ipso excluderent; nimium quippe solliciti erant, ne turpe Necessitatis, ac Servitutis nomen Deo tribueretur, neve causam quampiam admitterent, cui subjiceretur Deus; qualem Ethnici in Fato perperam excogitarant. Idem creatas mentes, quanquam pro sua conditione ex Dei nutu omnino pendentes, affirmarunt Patrum atque Theologorum nonnulli, vel tum Libertate frui, quum seipsas amant, & felices esse cupiunt, tamen non amare se ipsas, & felices esse nolle non possint. Quod idcirco affirmatum ab ipsis est, quia nullam praecedentem Necessitatem, ac determinationem agnovere, qua ad se amandum, ac beatitudinem volendam rapiantur atque compellantur; in eorum enim sententia dilectio sui, & gaudii quietisque volitio, sunt ipsa Voluntatis facultas, atque ipsi Voluntati aliquid ita essentiali, ut sine ipso voluntas nec agere, nec esse possit. Contra alii, inter quos videtur esse sanctus Thomas, Libertatem in memoratis actionibus tum Dei, tum hominum non agnovere: quorum utique loquendi ratio praefenda est, tanquam magis consona ideis atque notionibus communibus, quibus id tantum appellare *Liberum* solemus, cui est indifferentia, hoc est, potentia volendi, & non volendi aliquid. Sed huiusmodi contentiones sunt de nominibus potius quam de rebus. Videndum est, an sanctus Augustinus in actionibus moralibus hominum viatorum nullam aliam Libertatem statuatur, quam quae Creatori dicitur inesse in amando quum se ipsum, tum virtutes, aut quae creatis mentibus in generaliter appetendo bono ab ipso Augustino adscribitur; immo an eandem homini viatori ad actiones malas ac bonas, ad quas indifferentiam Phereponus exigit, exigimus & nos, Necessitatem tribuat, quam brutis tribuimus. At certum est, in eodem Lib. V. Cap. 10. de Civ. Dei Augustinum tradere huiusmodi actiones in potestate esse humani Arbitrii, hominemque libere & sine essentiali, praecedenti, sive naturali Necessitate ac determinatione, ad eas ferri, ita ut huiusmodi volitiones voluntati non inessent, nisi ipsa voluisset, aut vellet. Quod ut pateat, atque ut Jansenianis quoque simul respondeatur, hoc sancti Augustini loco abutentibus, considerandum prius est, quis ibi sit Augustino scopus.

Con-

Contra Ciceronem, & Stoicos, in quorum Libris negabatur Deo *Praescientia futurorum contingentium*, agit Augustinus. Verebantur nempe Philosophi illi, ne si divina Praescientia admitteretur, pessum iret tota humani Arbitrii Libertas, & Fato inuesto, positaque ineluctabili Necessitate agendi, nullum superesset laudis aut vituperationis argumentum in hominibus. Eundem fere timorem ac opinionem ab Orco rursus excitavit Socinus, eandemque in illius affeculis fervere adhuc intueor, quibus jamdudum alii accensuere Phereponum nostrum. Contra Augustinus Praescientiam futurorum sine magna impietate, & sine sacrarum Litterarum contemptu, negari non posse Deo, ostendit, inde vero non consequi ait, ut homini libera eripiat agendi & non agendi, volendi & non volendi electiva potestas. Quamvis enim necesse sit, ut quae Deus praescivit ab aeterno, in tempore fiant, Deus tamen quum simul praesciverit, Voluntates hominum Libere, quodcumque volunt, praevisto tempore operaturas, sua ille Praescientia nihil detrahit essentiali hominis Libertati. Quum vero dicatur, nec injuria, necessum esse ut ea, quae praescivit Deus, fiant: respondet Augustinus, Necessitate hujusmodi non adimi hominibus Libertatem Arbitrii, quippe cum Libertate aliquid etiam Necessitatis genus consistere potest, quod Augustinus ostendit quibusdam exemplis. Aliud nimirum Necessitas est, quae non est in nostra potestate, hoc est, per quam, & propter quam aliquid necessario fit, ita ut eligendi potestatem nobis eripiat, qualis est Necessitas mortis. Manifestum autem inquit esse, non huic Necessitati humanas voluntates subdi. Aliud est Necessitas, secundum quam necessarium simpliciter est, ut aliquid fiat, eamque minime Libertati officere sentit Augustinus. Refert porro ad postremum hoc Necessitatis genus, quum dicimus: *Necesse est, ut Deus semper vivat, ac praesciat futura*: quum a nulla antecedenti Necessitate eveniat, sed quia Deus nullius Necessitatis servus libere ipse vult, id propterea fiat, Deus autem semper sua voluntate id sit voliturus: hinc Augustinus Liberum simul & Necessarium appellat. Aliud Necessitatis exemplum assert Augustinus, quum nempe dicimus: *Necesse est esse, ut quum volumus, libero velimus Arbitrio*. Quandoquidem enim nulla Necessaria, insuperabilis, ac secreta vis, nulla causa antecedens ad unum impellit, rapit, aut determinat voluntatem nostram, sed ipsa voluntas nostra hoc unum eligit, quum posset & alterum eligere, si vellet: propterea liberum cognoscimus in nobis esse Arbitrium, etiamsi necesse sit, ut quum volumus, libero velimus

mus

mus Arbitrio. Iltiusmodi Necessitas non est causastrarum volitionum; sed potius volitiones ipsae, quae aliter esse non possunt, nisi liberae sint, causa sunt istius Necessitatis. Quare uti impossibile est, hominem esse, & carere essentiali facultate ac libertate eligendi; ita impossibile est, hominem aliter velle, quam libero velit Arbitrio. Necessse ergo est homini Voluntate libera velle, vel nolle, quia naturalis & insita est huiusmodi facultas; non est tamen volendi hoc aut illud, sive nolendi ipsa actio necessaria.

Hinc Augustinus infert, Praescientia Dei posita, Libertatem Arbitrii nequaquam perire; siquidem Deus, dum determinate praescit ac praevidet futura contingentia, simul praescit, homines ad ea sese determinaturos libera electione, & eos aliter praescire nequit, nisi liberos in eligendo, hoc est nulla antecedenti impulsione sive Necessitate praereptos. *Non est autem consequens.* (dixerat ille Cap. IX. ejusdem Lib. V. de Civ. Dei) *ut si Deo certus est omnium ordo causarum, ideo nihil sit in nostrae voluntatis Arbitrio. Et ipsae quippe nostrae Voluntates in causarum ordine sunt, qui certus est Deo, ejusque praescientia continetur, quoniam & humanae voluntates humanorum operum causae sunt.* At quia Capit. sequent. uti vidimus, sanctus Augustinus liberum agnoscit Deum, liberos etiam agnoscit homines, quanquam & in illo, & in istis quamdam Necessitatis speciem fateatur, vide ne paritatem ac similitudinem huiusmodi in omnibus cohaerere credas; vide ne eandem ipsissimam, quod est ad opera contingentia, Libertatem & Necessitatem in hominibus suspicere, ac in Deo est ad praescienda futura, ad vivendum, ad amandum se ipsum. Id a mente Augustini plane abhorreret, ac certissime abhorret. Quanquam Liber appelleretur Deus ad amandum exempli causa se ipsum, quia nulla ei superior Necessitas dominatur, quia non caeco modo, non irrationabiliter, ut in brutis accidit, sed cum clarissima visione & consideratione suae naturae ac essentiae amat se ipsum, & vult ab hoc amore nunquam desistere: attamen ea non est in hac parte divina Libertas, ut indifferentiam complectatur, possitque, si velit, contraria amplecti. *Necessse est enim Deum semper vivere, & cuncta praescire, ut inquit ibi Augustinus, cui addimus, necessse est & amare se ipsum, &c.* Exemplo omnipotentiae id percommode ab eodem Augustino explicatur: *Sicut nec potestas ejus minuitur, quum dicitur mori fallique non posse, sic enim hoc non potest, ut potius si posset, minoris esset utique potestatis.* At hominum Libertas, ut ut similis prorsus divinae sit, hoc est, indifferentia ca-

Tom. X. P. I.

K k k

reat,

reat, in generaliter appetenda felicitate: in actionibus tamen contingentibus atque singularibus, Libertate fruitor indifferente, & minime ad unum determinata, semperque velle & non velle in ejus omnino potestate est. Quod nunc vult, poterat non velle; & velle poterat, quod nunc fugit; neque ab ulla Necessitate quae praecesserit liberam electionem unius potius quam alterius, rapta est ad unum ita eligendum ac volendum, ut alterum eligere ac velle non posset. Eadem pariter Libertas ac indifferentia in Deo est ad faciendam extra se opera quaedam, quae facere pro sua voluntate potest.

Audi Augustinum hoc idem aperte de hominibus eodem Cap. ac Lib. testantem; *Sunt igitur nostrae Voluntates; & ipsae faciunt, quidquid volendo facimus, quod non fieret, si nollemus*. Nulla ergo antecedens Necessitas humanae voluntati jugum imponit, ipsamque secum rapit; sed ipsa voluntas proprie, primitus, simpliciterque, humanarum actionum causa est (quanquam ad bonas necessaria sit, ut dicemus, Dei Gratia); adeoque libera est, ut potuerit pro sua innata facultate nolle facere quod fecit, ipsumque nolle facere futurum fuisset causa, ne illa actio esset. Similis ergo est Deus hominibus, ad imaginem suam creatis, quod tum ille, tum isti Libere ab Augustino dicuntur amare se ipsos ac felicitatem, quamvis contrarium amare ac velle non possint, & necessarium sit eorum essentiae ita velle. In altero quoque genere Libertatis, quae vere ac proprie Libertas est, similes sunt, quia neque Deus, neque homines determinati sunt ad volendum unum potius quam alterum in rebus quibusdam singularibus; atque in hoc ultimo non solum a coactione, sed a quocumque *Necessitatis* nomine liberi sunt. At nequaquam eodem pacto liber est Deus in generaliter amanda felicitate, virtute, & se ipso, ac est homo ad unum potius quam alterum contingens volendum. Nos homines, inquit Augustinus, *si volumus, est; si nolumus, non est*. Quis contra audeat dicere: *Sic Deus amat virtutem, ac se ipsum, ut si nollit, non amaret?* Hinc Augustinus beatam *Necessitatem* alibi appellat hoc ipsum in Deo non posse non amare se ipsum. Haec autem Necessitas amandi sui ipsius itidem est in homine; at nulla homini Necessitas est ad volenda singularia, sive bona, sive mala, uti neque Deo ad volendum extra se hoc potius quam illud. Ea vero Necessitas, quae ex Praescientia quodammodo provenit, sine libera electione nostra non fit, ideoque diversa est secundum Augustinum ab ea Necessitate, quae in nostra potestate non est. Voluntatem quippe hominum, immo & volitiones qua-

rum.

rumcumque singularium actionum, liberas, & ad nullam partem determinatas Deus etiam praescit. Quamobrem rectissime Augustinus infert, nullo modo nos cogi, aut retenta Praescientia Dei, tollere voluntatis Arbitrium; aut retento voluntatis Arbitrio, Deum, quod nefas est, negare praescium futurorum. Exigebat supra Phereponus, ut Augustinus memoratum in his verbis Arbitrium, etiam Liberum dixisset, idest in utramque partem flexile, suspensionem ingerens, ne forte callide aut imperite eam vocem retinuerit Augustinus, ut nomen Arbitrii retineret, rem autem negaret. At quis facile non intelligat, Arbitrii nomine illic significari ipsum Arbitrium liberum, potestatem videlicet electivam homini essentialem? Nonne supra Augustinus hanc vocem cum Arbitrio conjunxerat? Plane; inquit enim: *Sicut quum dicimus, necesse esse, ut quum volumus, Libero velimus Arbitrio, & verum procul dubio dicimus, & non ideo ipsum liberum Arbitrium Necessitati subijcimus, quae adimit Libertatem.* Quei ergo subdole Augustinus omiserit infra Liberi vocem, ut liberum esse Arbitrium neget, quum ipse in superioribus palam edixerit, *necesse esse, ut quum volumus, Libero velimus Arbitrio?*

Sed inquit Phereponus, si Ciceronianus aliquis Philosophus reposuisset Augustino (Praescientiam futurorum Deo tribuenti), negasset ab Augustino retineri Liberum Arbitrium. Id & ego suspicor Augustino repositurum fuisse Ciceronianum aliquem; & hoc idem velle nunc reponere alienis verbis Phereponum ipsum mihi facile persuadeo. At respondere pro Augustino acutus quisque & sincerus homo posset, Ciceronianum istum (aut sub Ciceroniani persona loquentem Phereponum) nimium confidenter accusare negati liberi Arbitrii Augustinum, neque aliunde accusationem hanc oriri quam aut ab ingenio sophistico, aut a solemni incogitantia. Cujus rei argumento sint alia quaedam verba eodem Capit. X. Lib. V. de Civ. Dei, quae quum Phereponus aut legere noluerit, aut fatius duxerit omittere, quippe quod ibi Augustinus apertissime statuit essentiali humanae Libertatis ac indifferentiae notionem, adferam ego, ut ineptam hominis censuram citius intelligas. Neque ideo, inquit Augustinus, peccat homo, quia Deus illum peccaturum esse praescivit; immo ideo non dubitatur ipsum peccare, quum peccat, quia ille cuius Praescientia falli non potest, non fatum, non fortunam, non aliquid aliud, sed ipsum peccaturum esse praescivit; qui si nolit, utique non peccat; sed si peccare noluerit, etiam hoc ille praescivit. In eandem sententiam loquuntur Origenes apud Eusebium Lib. 6. de Praepar. Evang.

Gaudentius Brixianus, Anselmus, & alii. Vis ergo scire, quare homo peccet? quia ipse peccare vult, quum etiam non peccare possit, si velit. Non ergo peccat, quia Deus peccatum hoc praescivit; sed contra Deus praescivit peccatum, quia libere in illud consensura est humani Arbitrii Libertas. Causa peccati humani Arbitrii Libertas est, sive voluntas, electiva facultate abutens; Peccatum vero hominum causa est Praescientiae divinae; ideoque non a praecedenti aliqua causa, sive Necessitate, homo ad peccandum adigitur, aut determinatur ad unum, sed ipse sese libere determinat ad unum, quum & facultate naturali fruatur sese etiam ad alterum determinandi. Necessitas autem illa, qua dicimus, necessum esse malas hominum actiones accidere, si Deus illas praescivit, recte consequens, non antecedens appellatur in Scholis. Sed caecutiatur heic omnis oportet, qui cubito uno immensam Dei naturam dimetiri audet, neque eo cogitationis aciem perducit, ut aliquo modo concipiat, Deum in tempore non esse, uti creata omnia sunt, sed in eo esse tempus; ideoque praeteritum, futurumque tempus esse divino intellectui, quanquam diversa ratione, praesentia, ita nimirum poscente divinae omnipraesentiae ac aeternitatis natura. *Deus omnia praescit, & hoc aeternitati ejus congruit, qui nihil futurum, quasi sciendum, nec aliquid praeteritum quasi transactum novit; sed omnia scienda, & transacta immutabili intuitu praesentia prospicit:* verba sunt Honorii Augustodunensis in Lib. de Praedest. & lib. Arb. A nostra autem infirmitate oritur imaginari in Deo praeteritum ac futurum tempus, unde postea nebulae difficultatesque non leves occurrunt animis nihil nisi vulgaria & humana meditantibus. Atque ex his etiam confutanda erunt, quae Phereponus addfert pag. 433. Animadv. ad Lib. 3. c. 3. de lib. Arb. ut infra dicemus.

Phereponus tamen animum non despondet, & Augustino docente, non frustra esse *Leges, objurgationes, exhortationes &c. & praemia, & poenas*, docet & ipse, frustra haec esse, ubi homines a Coactione tantum, & non etiam a Necessitate, liberi sint. Quae profecto & nos verissima fatemur, Auctoresque Pherepono sumus, ut eadem in Gomaristas, Calvinianosque rigidiores majori etiam voce tonet, ex quorum sententiis revera consequitur, frustra promulgari leges, injustasque esse poenas ac praemia. At quid haec ad Augustinum tam a Calvini opinione heic distantem, quam Phereponus alibi a Religione Catholica? Quid rursus ad Augustinum, quae in sequenti animadversione habet Phereponus? De homine dixerat Augustinus, ut vidimus: *qui si nolit, usque non peccat; sed si peccare nolu-*

nolue-

nolueris, etiam hoc ille praescivit. At Phereponus: Certe si nolis homo, non peccat; sed oportet ut possit velle ac nolle, ut sis peccati capax; ostendendumque fuerat contra Ciceronem, Deum posse praescire id futurum, quod poteris nolle is, qui facturus est. Tum quasi de prostrati Augustini cavillationibus triumphum ducens, sibi que plaudens, in haec verba definit: *Hinc liquere potest, quantum sis discrimen inter Rhetoricas argutias, & Philosophicas ratiocinationes.* Bone Deus! neque veretur Phereponus, ut ne sibi inter gloriosos milites amplissimus aliquis assignetur locus? Quae pauca ille huc adfert, Philosophicae ratiocinationes sunt: quae multa Augustinus, Rhetoricae argutiae.

Quisquis est litteraria palæstra aliquantulum exercitatus, contempno intelligat, haec nebulas, quas rationibus Augustini objicit in hoc loco Phereponus, non aliunde venire, quam ex ignoracione aut dissimulatione Theologicae eruditionis. Cum Augustino consentiunt sancti Patres, nobilesque Theologi, & Philosophi vel ex ipsis Ethaicis, nedum e recentiorum saeculorum Scholis, Deum certo praenoscere futura contingentia. Id Catholici omnes immo & A catholici ipsi, si Socinianos demas, in suis Scholis contra Phereponum ejusque magistros non solum quotidie ac passim docent, certissimumque esse confirmant; sed simul, contra Calvinum, Arbitrii humani Libertatem nequaquam hinc laedi ostendunt. Nempe Calvinus ac Phereponus in extrema ruunt; Catholica vero Ecclesia medium tenet, non divinam Praescientiam minus, quam humanam Libertatem in sacris Litteris, atque in Libris Patrum aequè deprædicatam deprædicans atque concilians. Cui ergo e nostris indignationem movere non possit, audire Phereponum tum impie detrahentem Deo scientiam futurorum contingentium, tum Augustino adeo procaciter insultantem, tanquam triobolari declamatori, quod hanc scientiam in Deo, simulque liberum in homine Arbitrium praedicet? Et quibus quæso tam solidis argumentis id facit Phereponus? *Certe, inquit, si nolis homo, non peccat; sed oportet ut possit velle ac nolle, ut sis peccati capax.* Rem plane certam ediderit hic Scriptor; sed belle contigit, ut ante mille & trecentos annos hoc idem noverit Augustinus, pluribusque in locis ita se sentire affirmarit. Nonnulla in hanc rem Augustini documenta jam produximus. *Ostendendumque fuerat contra Ciceronem* (pergit dicere Phereponus) *Deum posse praescire id futurum, quod poteris nolle is, qui facturus est.* At hoc idem est, quod sive nolit, sive non possit intelligere Phereponus noster,

ster, ostendere conatur, & satis ostendit Augustinus in eo ipso Libro de Civ. Dei, & in Lib. 3. Cap. 3. & 4. de Lib. Arb. ostenduntque tot editis libris, & passim, in Catholicorum Scholis Theologi. Iterum ergo Augustinum legat hic Censor, legat & libros Dialecticorum, atque Theologorum; ediscetque non impediri per divinam Praescientiam, quominus homo, qui aliquid mali facturus praevideretur, possit etiam nolle facere aliter quam est facturus, si velit; nam futura quaeque contingentia ab aeternitate praesentia sunt Deo, atque ab eo sciuntur non solum fieri, sed etiam Libere fieri a nobis. Et sicuti qui currentem videt, minime aspectu suo currentem potius huc quam illuc facit: ita si humana licet componere divinis, Deus omnia tempora uno intuitu complectens, omnes hominum volitiones futuras videt sibi praesentes; neque ipse est, qui ad unum voluntates addicat, sed ipsae voluntates sunt, quae Liberae ad alterutrum, sponte sese ad unam partem determinant, atque in eo statu videntur, ac sciuntur a Deo. Idem nempe est in oculis Dei, videre nunc nos agentes, ac praevidisse, uti nos dicere solemus, ante decem annorum millia agentes; & sicuti qui nunc nos agentes intuetur, non facit, ut sine Libertate agamus; ita Deus praevidens ante decem annorum millia nos acturos, sive nos nunc agentes, non fecit, nec facit, ut nos libere nunc non agamus, quum semper nos praeviderit Libere acturos, sive ut melius dicam, videat nos libere agentes. Cum his vero hactenus dictis egregie cohaeret, hominem sine Dei Gratia ad bonum salutariter volendum determinare sese non posse, ut infra demonstrabitur.



CAPUT OCTAVUM.

S. Augustinus quum deperditum in homine liberum Arbitrium ait, solum de Libertate accidentali & consequente ad bonum faciendum loquitur, neque essentialem, seu antecedentem Necessitatem ad malum homini tribuit, sed accidentalem & consequentem. Quid sint hae Necessitates ac Libertates, ostenditur. Afferuntur & explicantur varia Augustini loca. De Libertate tantum accidentali ad bonum inter Catholicos & Pelagianos lis fuit. Porro, non Libertas operandi boni in hominibus deperdita post peccatum Adami. Quae similitudo intercedat inter hominem factum in bello servum, & hominem peccato addictum. Arbitrium tunc liberum ad Bonum, si liberetur a Deo. Correptio ac Oratio utiles ac necessariae in sententia quoque Augustini.

SED ne quid dissimulemus, intactum hactenus locum reliquimus, ubi Phereponus Augustinum tandem deprehendere sibi visus est apertum liberi Arbitrii hostem. In Enchiridio ad Laur. Cap. 30. sunt verba Augustini: *Libero Arbitrio male utens homo & se perdidit, & ipsum.* Et rursus: *Quum libero peccaretur Arbitrio, victore peccato, amissum est liberum Arbitrium.* En ergo, (pag. 579. Phereponus inquit) quum Augustinus extra controversiae aestum loquitur, non diffidetur quin post Adae peccatum prorsus perierit humani Arbitrii Libertas. Poterat & ille Augustinum referre ita loquentem in Lib. de Perfect. Just. Cap. 4. *Vista vitio, in quod cecidit, voluntate, caruit Libertate Natura.* Et de Civ. Dei Lib. 14. Cap. 2. *Arbitrium voluntatis tunc est vere liberum, quum vitio peccatisque non servit.* Tale datum est a Deo, quod amissum proprio vitio, nisi a quo dari posuit, reddi non potest. Vide & Lib. de Corrept. & Gratia Cap. 12. ut alia loca omittam: Sed quid inde? In his aliisque similibus locis non Libertatem homini essentialem, sed accidentalem deperisse; non Necessitatem antecedentem, sed consequentem homini adhaesisse peccanti, Augustinus significat. Jam duplex hoc Libertatis, ac Necessitatis genus supra indicavimus; nunc opus est edisserere melius quid sit Libertas accidentalis, quid Necessitas consequens. Utcumque ani-

ma

ma nostra eligendi, hoc est volendi, ac non volendi innata potestate ita sit praedita, ut illa privari nunquam possit, & ne cogi quidem ad unum volendum, si nolle perseveret; attamen ista Libertas essentialis, indifferens atque expedita ad utrumque, & ad amanda, aut non amanda innumera objecta, ipsius identidem voluntatis vitio, aliqua ex parte, immo ex multis imminui in homine potest. Atque ut de moralibus tantum agatur, nunc homo se expeditum ac impulsum sentit ad volendum hoc bonum, ad volendam hanc aut illam virtutem, nunc impeditum atque impotentem. Rursus se expeditum & impulsum nunc sentit ad haec aut illa prava opera volenda, nunc impotentem atque impeditum. Habitus, & affectiones, & cogitationes animi, sive pravae, sine bonae, itemque affectiones corporis, & externae complures causae, ea sunt, quae huiusmodi varias impressiones in hominem faciunt, ipsumque, ut ita dicam, rapiunt modo ad amanda, modo ad fugienda opera spiritus & carnis.

Homo autem aut iustitiam amat, aut iniquitatem; atque agit aut ex amore honesto Dei, aut ex amore pravo mundi: quod quum dicimus, non negamus, quin sint medii quidam amores, neque laudis atque virtutis, neque vituperationis atque peccati argumenta. Porro quum amamus iustitiam, servi sumus iustitiae, eidemque servientes ac obediētes, expedit ac facile volumus, ac facimus, quae generali huic virtuti congrua sunt, difficile vero contraria cupimus, atque operamur. Contra quum iniquitatem diligimus, servi sumus iniquitatis; eique mancipati, quae illa imperat, mira facilitate volumus atque praestamus; ad contraria vero inertes atque impotentes nos esse sentimus. Servi quippe faciunt, quae domini praecipiunt. Promittunt ergo, vividamque potentiam volendi & praestandi, quaecumque congrua sunt affectui in homine regnanti, libertatem eatenus appellamus, quatenus nihil illum impedit, quin seferatur & agat desideria domini sui: aut etiam Libertatem eo respectu, quo homo liber est & solutus a iugo ac imperio alterius oppositi affectus. Necessitatem vero ac Servitutem vicissim dicimus impotentiam parendi contrariis affectibus, aut determinationem ad actus convenientes dominantī affectui. Sed tam Libertas, quam Necessitas huiusmodi accidentales sunt atque adventitiae. Ab ea Libertate essentiali, sine qua esse homo non potest, altera haec Libertas differt, quia & homini adesse, & abesse ab homine potest. A Necessitate essentiali ac antecedente diversa itidem est altera haec Necessitas; siquidem

quidem & advenire, & recedere potest, neque antecedit, sed consequitur liberam voluntatis electionem. Quamobrem accidere videmus, ut homo nativam essentialemque sui Arbitrii Libertatem habeat, & tamen liber & expeditus aequè non sit ad duo contraria, sive opposita, sed necessitate quapiam accidentali compellatur ad unum volendum, & ad alterum fugiendum. Quo vero major est vis dominantis, & affectus sive recti, sive pravi, eo major etiam libertas, atque necessitas accidentalis; ita tamen ut, quaecumque sint determinationes ad unum, & impedimenta ad alterum, sit semper in potestate hominis retinere aut dare assensum sive honestae sollicitationi piorum affectuum, sive turbidis impulsibus iniquae cupiditatis; hoc enim proprium est essentialis illius Libertatis, quae ne Deus quidem spoliare hominem valet.

Quae autem diximus, non tam Philosophiae melioris consideratione, quam ipsarum Scripturarum testimonio confirmantur. En libertatem, en servitutem ac necessitatem, adventitias atque accidentales. *Quum servi essetis peccati, liberi fuistis iustitiae.* Rom. VI. 20. Et infra v. 22. *Nunc vero liberati a peccato, servi autem facti Deo.* Item Jo. VIII. 32. *Veritas liberavit vos.* Et v. 36. *Si ergo vos filius liberaveris, vere liberi eritis, &c.* De potentia autem, aut impotentia, promittuntur aut difficultate agendi vel non agendi, volendi vel non volendi, quam in homine gignit dominans affectus, haec alia habe; *A fructibus eorum cognoscetis eos &c. Omnis arbor bona fructus bonos facit; mala autem arbor malos fructus facit. Non potest arbor bona malos fructus facere, neque arbor mala bonos fructus facere.* Matth. VII. 16. 17. 18. Item: *Quomodo potestis bona loqui, quum sitis mali?* Item: *Quomodo potestis credere, qui gloriam ab invicem accipitis, & gloriam, quae a solo Deo est, non quaeritis?* Item 1. Jo. III. 9. *Omnis qui natus est ex Deo, peccatum non facit, &c.* Alia omitto documenta sacrarum Litterarum, ubi quid imperii in homine habeat iniquitas & Concupiscentia mala, & quid roboris alia ex parte Caritas, evidentissime constat.

Nunc ad Augustinum accedamus. Quum ille dicit, *perditum ac amissum* fuisse liberum Arbitrium, nihil aliud significare vult, nisi ad bonum faciendum, & ad volenda ac praestanda Caritatis officia, periisse in homine peccante primaevam Libertatem conditionis humanae. Hoc est, hominem, postquam se peccato addixit, & regnantis concupiscentiae jugum subiit, promittuntur illa & facultate destitutum fuisse, quae primus homo pollebat ad amandum incommutabi-

le bonum, divinamque legem implendam; & contra a dominante Cupiditate acriter ferri ad amorem mundi, & ad eligenda opera carnis. Nisi ergo divinus Reparator nos liberet ab hujusmodi vinculis, nisi gratia sua atque inspiratione Caritatis, tyrannidem peccati & concupiscentiae pravae, ab homine volente depellat: nunquam liber & expeditus homo erit ad virtutem amandam, & ad peragenda opera justitiae, uti, & quatenus opus est ad aeternam salutem consequendam; sed quidem expeditus erit, & liber ad obsequendum legi peccati, & ad prava opera complenda. Ex Necessitate autem ista accidentali, sive ex hoc Libertatis adventitiae defectu, perire in homine essentialem naturalemque facultatem liberi Arbitrii, nunquam Augustinus dixit. Immo eam subsistere semper fatetur. In Lib. de Gratia & libero Arbitrio Cap. 15. *Semper, inquit, est in nobis voluntas libera. Ecce essentialem Arbitrii humani libertatem, quam sola tollit necessitas antecedens, ab Ethnicis, & a Novatoribus excogitata, ab Augustino autem cum execratione negata. Tum pergit: Sed non semper est bona. Aut enim a justitia libera est, quando servis peccato, & tunc est mala; aut a peccato libera est, quando servis justitiae, & tunc est bona.* Quibus postremis verbis designat Augustinus accidentales illas libertates, servitutes, necessitates, potentias, ac impotentias, quae a pravis rectisque affectibus veniunt, prout quisque affectus malus sive bonus ad malum bonumve hominem sibi servum inclinat ac rapit. Et profecto quum peccator ope divina, seu caelesti gratia se privaverit, & Concupiscentiae legibus ac imperio sese addixerit: impedire ipse non potest, quominus potentiam ad ulterius agendum bonum devinctam habeat, suaeque voluntas ad solum malum eligendum ac perficiendum, si non absoluta, necessitate, certe magno impetu, exinde rapiatur. Fides autem nos docet, non posse homines post Adae calamitatem suis viribus exsurgere e peccato, aut implere salutariter legem, aut vincere varios tentationum incursum. Ergo homo peccati servus, & in se ipso consideratus, accidentaliter liber ad electionem boni & ad virtutis opera non est, indigerque Servatoris Gratia, quae ipsius voluntatem a servitute, atque ab accidentali necessitate peccandi liberet, liberamque & expeditam faciat ad amplectendam atque servandam virtutem.

Itaque amissum ac perditum in homine liberum Arbitrium, nihil aliud est Augustino, quam ista *Libertas*, promptitudo ac potentia ad bonum, quae sita est in quodam laudabili, sed tamen accidentali statu humani Arbitrii, ipsiusque essentialiam minime destruit.

De

De hac autem una Libertate lis fuit inter Augustinum atque Pelagium, non autem de *essentia libertate*. Afferebat Pelagius, non liberum minus esse Arbitrium filiorum Adami ad bonum faciendum, quam esset ipsius innocentis Adami; ideoque putabat, tales esse humanae voluntatis vires, expeditamque adeo potentiam hominis ad opera Caritatis, ut sine adjutorio Dei perficere posset justitiam, vel ad eam tendendo proficere. Concedebat Augustinus, liberum adhuc esse hominis Arbitrium, quod est ad immunitatem a *necessitate antecedenti*; at minime in eo statu esse, in quo erat Adami innocentis Arbitrium. Nunc enim captivam esse, debilem, infirmam, & peccati iugo attritam voluntatem, & malae concupiscentiae aculeis exagitatam, ideoque adjutorio Dei indigere, atque inspiratione Caritatis. *Ad non peccandum*, inquit idem Augustinus uoa cum quatuor aliis Episcopis in Epistola olim XCV. nunc 177. ad Innocentium I. scripta, *idest ad non male faciendum, quamvis esse non dubietur Arbitrium voluntatis* (est ergo in potestate voluntatis negare consensum tentationi, atque non peccare); *tamen ejus potestas non sufficit, nisi adjuvetur infirmitas*. Audi & ipsum ita loquentem Lib. I. Oper. Imperf. Cap. 47. *Multa sunt, quae agunt homines mala, a quibus eis liberum est abstinere: sed nulli tam liberum est; quam illi fuit, qui Deo suo, a quo erat conditus rectus, nullo prorsus vitio depravatus adstabat*. Alia sunt in eodem Lib. I. quibus aperitissimum fit, sensisse Augustinum, superesse adhuc naturalem illam hominum facultatem electivam, quae necessitatis ad unum determinantis est inimica; & esse peccata, quae committuntur non *necessitate*, sed *voluntate*, & a quibus liberum est abstinere. Quod si peccandi Necessitatem in quibusdam hominibus ille agnoscit, non alia est Augustino Necessitas hujusmodi, quam consequens, & accidentalis, & a voluntate libera sensim inducta, consuetudine videlicet peccandi, affectionibusque pravis (libera electione ac volitione) in animum aëmissis.

Ut ergo regrediamur ad Cap. 30. Enchiridii Augustinianiani, in quod magno molimine insurgit Phereponus pag. 560. suarum Animadversionum, jam palam fecimus, quid sibi velit Augustinus, quum inquit: *Libero Arbitrio male utens homo & se perdidit, & ipsum*. Et infra: *Quum libero peccaretur Arbitrio, victore peccato amissum est & liberum Arbitrium*. Servus peccati voluntarie peccando factus est homo; hinc ad bona facienda liber, expeditusque non est; ad mala autem victrice cupiditate raptum se sentit. Ab hac servitute consequenti, quae cum naturali ac essentiali libertate voluntatis, ut

vidimus, bene consistit, non liberat nisi gratia Dei. Egrege mentem Augustini explicat Fulgentius in Respons. ad primam Inquisitionem Ferrandi scribens: *Malos habere liberum Arbitrium, non liberatum: liberari vero per gratiam. Ex quo enim primus homo libero Arbitrio venundatus est sub peccato, ideo mala coepit esse libertas hominis, quia ipsi libero Arbitrio ablata est bonitas voluntatis. Neque reticere possum praeclarissima Richardi Victorini verba, ita scribentis Lib. de Erud. Inter. Cap. 30. Aliud est Arbitrii potestas, atque aliud est Arbitrii libertas. Aliud est enim magna posse, atque aliud est liberum esse. Est liber, & infirmus esse potes; sicut e contrario & servus esse potes &c. Quam multi in definitione liberi Arbitrii errant, quia inter potestatem, & libertatem distinguere ignorant, vel dissimulant! Vide tamen quid intersit, quum potestatem homo saepe amittat; libertatem vero nunquam amittere possit. Item nemo ad omnia bona accipit potestatem, sed omnis homo ad omnia bona vel mala, accipit libertatem. Quod Victorino potestas dicitur, libertas Augustino dicitur in eo Enchiridii loco. Hanc potestatem, seu libertatem & expeditam promptitudinem ad operandum bonum, Adamus sibi concessam perdidit peccato suo, fecitque ut ea quoque nos careremus. Neque vero ille, neque nos umquam amisimus insitam vim electivae ac liberae voluntatis, uti neque potestatem, seu libertatem ad operandum malum. Immo & recuperare licet alteram potestatis partem, qua bonum velle & facere salutariter possumus, si liberemur a servitute Concupiscentiae atque peccati per gratiam divini Servatoris. Hinc Pelagianos putantes, Augustinum dicere, sublatum fuisse liberum Arbitrium, quatenus electiva & essentialis animae potentia est sive facultas, ipse his excipit verbis Lib. I. contra duas Epist. Pelagian. Cap. 2. *Quis nostrum dicat, quod primi hominis peccato perierit liberum Arbitrium de humano genere? Libertas quidem perierit per peccatum, sed quae in Paradiso fuit, habendi plenam cum immortalitate iustitiam, propter quod natura humana divina indiget gratia &c. Nem liberum Arbitrium usque adeo in peccatore non perierit, ut per illud peccent &c. Liberi ergo a iustitia non sunt, nisi Arbitrio voluntatis (hoc est, ideo solum iniqui sunt homines, quia tales esse libere voluit eorum voluntas); liberi autem a peccato non sunt, nisi gratia Salvatoris. Vide & infra, ubi eodem vocabulo, quo Richardus supra, utitur Augustinus, Pelagium ita arguens: *Quid est, quod iste libero Arbitrio vult bene vivendi tribuere potestatem, quum haec potestas non detur nisi gratia Dei?* &c. Vide &**

da & nuper laudatam Epistolam 179. olim XCV. ubi *libertatem* quidem, sed non *potestatem* Arbitrii ad non peccandum agnoscunt Africani Patres. In Enchiridio autem Cap. 30. eamdem plane & unicam sententiam tradit vir sanctus sub aliis verbis.

Proinde superfluum puto singillatim confutare Animadversiones Pthereponi in eundem Enchiridii locum: quando aut supposito falso laborant ejus argumenta, dum censet, Augustinum revera, uti somniarunt Calviniani, essentialem Arbitrii libertatem sustulisse, gratiamque Dei talem deprædicasse, cui resistere amplius hominum non possit Arbitrium; aut Pelagianis opinionibus undique scatens ille, servitutem e peccato contractam viribus humani Arbitrii; & sine gratuito ac interno Dei adjutorio, vinci posse arbitratur, & nullam agnoscit Gratiæ Dei, quæ intime in voluntates hominum operetur; aliaque ejusmodi dogmata placida cum securitate venditat, quasi non jam millies confutata fuerint in Catholicorum scholis. Hoc unum prætermittere nolo, videlicet a Ptherepono comparationem quamdam institui, opponique sententiæ Augustini, sed ita ut homo ille videatur & heic ignorasse germana Scripturarum dogmata & humanæ naturæ miseriam. *Ut nemo fit* (sunt ejus verba, pag. 380.) *in bello servus, nisi invitus, & quam primum libertatem recuperare potest, occasionem avidè arripit: sic quoque hominem, qui se a peccato victum animadvertit, ejusque servitutis incommoda sensit, si quis eum melius doceat, peccato libenter valedicere.* Addit infra: *Vicit quidem peccatum, ejusque servi facti sunt homines, quia ei parere voluerunt; sed nihil vetat ut nolint ei obsequi, præter consuetudinem, quæ paulatim vinci potest: ut liquet ex eo, quod Deus omnes homines ad poenitentiam vocet.* Vide quæso, quam belle aduletur Pelagianus hic Cenfor miserae conditioni peccantium. Nemo fit, nisi invitus, servus peccati, occasionemque recuperandæ libertatis avidè arripit, & peccato libenter valedicit, ubi quis eum melius doceat. Quis in hominum coetu diu versatus est, quis Ethnicorum sapientum vitam & dogmata intellexit, quis populos adhuc a Christo atque a Catholica Religione alienos novit, immo se ipsum novit, ceterosque aequales suos: & Pereponum non rideat, aut doleat talia pronunciantem? Peccant homines, neque peccant invitati; immo libere ac libenter in iniquitate voluntantur, & ab incredulitate atque a tenebris emergere nequaquam volunt, nequaquam solent, quamvis tanto exhortationum strepitu, tanta prædicatione sanctissimi Evangelii incitentur ad amplectendam Christi fidem, & ad eju-

ran-

randam familiaritatem peccati. Nonne agnoscis mancipia peccati, & servos erroris, quos unum delectat Domini sui imperium, quos liberare nequit suis viribus nimium fractis misera & caeca voluntas? Aut nolunt converti ad verum & bonum; at si volunt, ineptissime volunt.

Illud certissimum, posse eos converti, dum vivunt; nam libero Arbitrio quisque fruitur, & neminem ad peccatum rapit antecedens aliqua atque ineluctabilis necessitas. At aeque certum est, eos nunquam suae naturae suiique arbitrii viribus reip[s]a a peccato exsurgere, & veram fidem amplecti, & amare fontem omnis boni. Necessaria est illius gratia atque adiutorium, qui jam edixit. *Sine me nihil potestis facere.* Et *Nemo potest ad me venire, nisi Pater, qui misit me, traxerit eum*, Jo. VI. Et, *Non vos me elegistis, sed ego elegi vos*, &c. Jo. XV. Deus autem, *cujus vult miseretur, & quem vult incurat.* Et *Non volentis, neque currentis, sed miserentis est Dei*, Rom. IX. ut in innumera alia tum sacrarum Litterarum, tum sanctorum Patrum loca praetermittam, quorum una vox est, non industria ac vigore voluntatis nostrae bonos & salvos homines fieri, sed gratuita misericordia & forti adiutorio Dei, cui nos libera consentimus. Homini ergo peccatori, ut vincat peccati consuetudinem, & a peccato liberetur, non est sufficiens virtus & vis arbitrii voluntatisque propriae; sed ex divino auxilio sufficientia nostra procedit. Deus vero, etsi omnibus pro loco & tempore talibus auxiliis adsit, ut si quis recte iis velit uti, possit & peccata vitare, & ad salutem pervenire; non omnibus tamen validissima illa impertitur auxilia, quibus non ineluctabiliter, sed certissime, salvantur quicumque salvantur. Quamobrem si haberi impius assentator humanae naturae non vult Phereponus, agnoscat in sua comparatione necessariam opem divinae gratiae, aut a comparationibus absteineat, quae rei propositae minime respondent. Ille tamen pergit Lectoribus credulis imponere, haec alia scribendo eadem pag. 580. *En locutione stulticia, qualis est servire peccato, non ita ratiocinandum, quasi ut captivus amiserit libertatem corporis, quam recuperare nequit, dum vinc-tus est: sic qui servus est peccati, nunquam ejus dominationem excu-tere potest.* Neque enim hominem captivum, catenisque vinctum, & carcere clausum hortatur quisquam, ut excussis catenis carcere eueat, & nisi faciat indignatur, quia omnes norunt, non esse hoc in ejus potestate. Utique dominationem peccati excutere homo potest, sed non solo conatu suo, neque suis viribus id faciet (viribus quippe ad bonum

bonum se exiit semel, libere & voluntarie peccando), sed quidem id faciet viribus divinae gratiae, quam Deus sufficientem omnibus praeberet. Externis ergo, internisque gratiae suae vocibus vel unumquemque peccatorem Deus, etsi non momentis omnibus, nec influxu pari, identidem a peccato revocat, hortaturque ad bonum, & auxiliatur, ut velit bonum. Quod quis pareat, divino muneri, non suis viribus aut merito homines tribuant; quod alii resistant, eorum pertinaci voluntati in amanda iniquitate ac errore adscribendum est. Audi Apostolum ita scribentem 2. ad Tim. II. 25. 26. *Cum modestia corripientem eos, qui resistunt veritati, ne quando Deus det illis poenitentiam ad cognoscendam veritatem; & respiciant a Diaboli laqueis, a quo captivi tenentur ad ipsius voluntatem.* Plurimum autem ab homine captivo, catenisque vineto, & carcere incluso, quem ad exeundum hortaris, differt homo, catenis peccati illigatus, quem hortaris ad virtutem; nam ille quamquam exire de carcere velit, non potest, quippe corpus illius aliena voluntate adhuc detinetur, invitusque propterea servire servitutem, & carcerem non deserere cogitur. Habet velle, non habet posse. Peccatorem vero, quominus exeat ac liberetur, nihil aliud impedit (posita Gratia Dei) nisi sua ipsius voluntas. Ut morales istae catenae cadant, huic sufficit, ut velit; sed miser neglecta voce, repulsoque auxilio Dei, perstare vult inter catenas peccati, quarum delectatione tenetur, & quas odisse nescit. Jure ergo indignari Deus captivo huic potest, jure *Ira Dei manet super ipsum*, quod is volentem liberare contemnat, quod oblatum auxilium respuat, & ideo solum in peccato perseveret, quod peccatum amare pertinaciter velit, nolique diligere bonum. Neque justitiae deest ipsemet Deus, si non omnibus momentis sollicitat, neque unicuique gratiam illam impertitur efficacem, quae cor hominis, intacta libertate Arbitrii, suavissime ad amorem boni certo convertit; nam homini, qui se libere ac sponte servum fecit, & in carcerem se conclusit, injuriam non facit legitimus Dominus, si non omnem expeditur artem, ut e carcere ac servitute eripiat. Dic ergo, peccatores ad instar hominis illius esse, qui legitimo domino libere ac sponte posthabito, se alteri addicit, atque ab ejus latere, ab hujus aedibus ac hortis divertere amplius nescit. Eum quidem prior Dominus misericordia tactus officii debiti saepe monet, saepe minis, ac precibus, & ope oblata ad reditum urget, ac manum praeberet, saepe etiam & periculum & exitus ad fugam digito ostendit; & ut se placidissimum ac optimum dominum deprædicat & confirmat,

mat, ita & alterum saevissimum ac fallacissimum tyrannum prodit. Verum homo infelix nunquam de proposito dimoveri se patitur, & aut aures avertit, aut hortanti fidem non habet, aut etiam contem- tum & contumelias iterum ingerit; & quum recipere se possit ad priorem dominum, alterius tamen delectatione ac amore dulcissimae catenae tantum tenetur, ut suum tyrannum nolit omnino deferere. Nonne homini ita agenti jure irascaris? Nunc pone, esse priori do- mino artes alias, quibus certissime, minimeque fallaci successu, & adhuc tamen sine violentia, perducere ad se rursus queat fugitivum servum; his autem artibus ipsum uti ad hunc potius, quam illum servum sibi recuperandum: nonne vides, & misericordiam ejus in hunc esse laudandam, & nihilominus de illius justitia conqueri alte- rum non posse, quod tam efficaci brachio, artibusque adeo certis, a carcere ac servitute ipsum prior dominus revocare noluerit? Ex his intellige (quantum tamen comparatio ferre potest) oeconomiam, aequitatem, & clementiam Dei in distributione munerum, caelesti- sque suae gratiae, sine qua nihil ad bonum valet liberum Arbitrium, & qua cum omnia potest.

Atque his animadversis, liquebit etiam, quid Pherepono respon- dendum sit, in Librum de Corrept. & Gratia insurgenti pag. 618. Animadvers. Frustra ibi contendit novus Pelagii Hyperaspistes, libe- rum Arbitrium ab Augustino auferri, eo quod hic inquit Cap. 1. *In bono liber esse nullus potest, nisi fuerit liberatus*, &c. Arbitrii li- bertatem, ut millies diximus, retinet Peccator; sed non retinet vires ad bonum volendum, atque faciendum. Pelagianus noster vellet in homine peccatore indifferentiam primi hominis, & easdem ad ope- randum bonum & malum vires. At nos expediti fortesque sumus ad iniquitatis opera; infirmi & devincti ad opera justitiae: quam in- firmitatem, catenam, atque servitutem maxime peccato servientes in semetipsis sentiunt. Potentiam ergo remotam, atque imperfectas vires habemus ad opera pietatis, non autem proximam atque perfe- ctam; neque habituri sumus, nisi nos liberaverit Deus, sine quo ni- hil boni facere unquam possumus. Quare Augustinus Lib. 1. Cap. 22. Retract. ajebar: *In potestate hominis est, mutare in melius vo- luntatem; sed ea potestas nulla est, nisi detur a Deo, de quo dictum est: Dedit eis potestatem filios Dei fieri*, &c. Ac propterea in eodem Cap. 1. Lib. de Corrept. & Gratia idem Augustinus confitendum es- se, ait, *nos liberum Arbitrium & ad malum & ad bonum faciendum habere*, quia nulla nos praecedens necessitas ante electionem nostram rape-

rapere potest ad bonum aut ad malum. *In bono autem liber* (hoc est, expeditus, robustus, & solutus) *esse nullus potest, nisi fueris liberatus ab eo, qui dicit: Si vos Filius liberavitis, tunc vere liberi eritis. Voluntas enim, ut in Epist. olim 89. nunc 157. Cap. 2. inquit idem Augustinus, tanto liberior, quanto sanior; & tanto sanior, quanto divinae misericordiae gratiaeque subiectior. Ceterum nescio quid sibi velit Phereponus adjiciens, quasi haec sit Augustini sententia, homines ante regenerationem nihil nisi mala facere, bona nulla posse; sed facere mala volentes, & bona omittere nolentes. Neque necessitate adaecti, neque coacti homines ante Baptismum aut mala faciunt, aut bona omittunt; immo & bona quaedam in genere morum facere tunc possunt cum generali adiutorio Dei, quanquam non ut oportet ea faciant, neque ad supranaturalem felicitatem conducere ea possint sine speciali gratia Dei.*

Reliqua vero, quae contra eundem Librum de Corrept. & Gratia differit idem Phereponus, aut ex iis opinionibus procedunt, quarum falso Augustinum facit auctorem, aut ex impiis iis opinionibus, quas antea ipse Phereponus adoptavit, Arminium sequutus, sive Socinum. Negat enim Deo scientiam futurorum contingentium, negat gratuitam atque infallibilem praedestinationem electorum. Praeterea negat in homine necessitatem gratiae ad bonum, sed ejus utilitatem tantum probat; negat originale peccatum; liberi autem Arbitrii vulnera infirmitatemque post Adamum non agnoscit pro merito. Ad haec Augustino affingit non solum ineluctabilis atque necessitantis gratiae necessitatem, sed etiam sublati prorsus liberi Arbitrii enormem sententiam. Quid facias homini sine ullis frenis per divina Scripturarum mysteria & documenta excurrenti? Equidem meum non est, nec erit in tam angusto campo ostendere, quantum a mente divinarum Litterarum aberret Phereponus in suis hisce opinionibus. Id jam praestitere contra alios Phereponos innumeri Scriptores. Quod si Catholicorum dogmata nituntur heic auctoritate divinae Scripturae, atque antiquissima Traditione: discendum illi fuerat, intellectum captivare in obsequium revelantis Dei, & argutiis temperare, & difficultates comprimere, quas humani ingenii aut temeritas, aut infirmitas excitare solent adversus exploratam Christi atque Apostolorum doctrinam, intellectu interdum difficilem. Accedit, quod in sententia quoque Augustini (si eam Catholicis oculis legas, & Catholica interpretatione exponas) utilis est correptio, utiles ac necessariae ad Deum sunt preces: idque ex ipso Libro de Corrept. &

Gratia patere potest. De nullius enim salute desperare unquam debemus, donec in ista vita fuerit; & quum libere nunc fiant, quaecumque ad aeternam salutem aut perditionem fiunt, neque aliter a Deo ista praesciantur, quam libere facienda homini: hinc orationi, quam Deus misericors plerumque exaudit, & correptioni sua utilitas est, atque etiam necessitas. Quanquam vero correptionis & orationis fructum sanctus Augustinus sentiat esse tribuendum Dei gratiae, attamen non negat ille, quin hominibus Deus tantam gratiam suppetit et idemtidem, qua proxime possint, si velint, divina misericordia vires praestante, proficere ex correptione, & oratione ad Deum fusa. Totus ille est in ostendendo, nos de nostro gloriari non posse, sed gloriari in Domino debere. Beneficentiam Dei in omnes non negat ille. Catholica autem Ecclesia apertissime depraedicat, veram ac sufficientem gratiam nulli a Deo negatam, ita ut ideo tantum in se beneficii divini fructum non experiantur, qui perduntur, nisi quia Deo vocanti atque auxilianti resistunt, atque resistunt, causamque in se habeant, cur potentiori voce ac impulsu eos non excitet ac liberet Deus, & cur de se tantum conqueri deinde debeant, quod salutiferae vocationi, & correptioni minime obtemperarint.

Ceterum illo argumento, quod anxios habet non rudes tantum homines, sed ipsos interdum doctissimos & acutissimos viros, utitur etiam Phereponus in Augustinum, dum contendit pag. 618. ex istius sententia consequi, de futuris orandum non esse; Nam, inquit, *Dei decreta erga electos executioni mandabuntur, sive ores, sive taceas. Erga reprobos nihil fiet orationibus tuis. Ergo desine fata Dei flecti sperare precando.* Iterum dicimus, & Pherepono denuntiamus, hallucinari ipsum, quod aeternam hominum aut praedestinationem aut reprobationem sibi fingat, ab Augustino & Catholicis omnibus ita sustineri, ut aut ad efformandum, aut ad complendum divinum decretum nihil rei habeat humana Voluntas. At dogma apud Augustinum est, sine libera hominis Voluntate, quae peccatum ante eligat, ac praevideatur eligere, neminem a Deo reprobari. Rursus etiam sine nobis, & ex mera sua misericordia, non autem ex meritis nostris, nos praedestinavit Deus, attamen sine consensu nostrae Voluntatis, atque adeo ipsa repugnante, compleri divinum illud decretum nequit. Voluntates ergo nostrae, licet in tempore positae, in oeconomia tamen aeterni consilii locum habent, sive mavis dicere, habuerunt. Et praesentia Deo jam ab aeterno fuerunt, ac sunt, quae Voluntas nostra idemtidem facit, & factura est. Ergo non frustra
ora-

orationes instituuntur in Ecclesia de futuris. Electorum Voluntas, dum in via est, potest velle malum, & quandoque etiam vult, quam in fine invincibiliter, & libera electione, bonum sit amplexura. Reproborum rursus Voluntates bonum velle semper possunt, dum in corpore versantur, & quandoque etiam eligunt, quamquam usque in finem culpa sua non sint in bono perseveraturae. Divina autem Scientia ab aeterno praevidens, ac divina Voluntas ab aeterno volens aut permittens, contingentiam ac libertatem in tempore non adimunt animis ratione urentibus. Orationibus ergo, & correptionibus nostris fit, ut aeternum Dei decretum, atque praescientia suum consequatur complementum, dum & electi ad bonum illud incitantur, quod eis per adiutorium suae Gratiae destinavit Deus, & quod sine concursu libero voluntatis eorum perfici non potest; & reprobi nihil inde proficientes, habent quod suae pertinacissimae voluntati explorare possint, quae contemptis correptionibus & adhortationibus, in nequitiam libere ferri voluit, & a nequitia exsurgere libere noluit.

Audi sanctum Thomam 2. 2. Quaest. 83. Art. 2. Postquam dixit, *ita inducendam esse Orationis utilitatem, ut neque rebus humanis divinae Providentiae subjectis Necessitatem imponamus, neque etiam divinam dispositionem mutabilem aestimemus*, haec alia subdit: *Considerandum est, quod ex divina Providentia non solum disponitur, quos effectus fiant, sed etiam ex quibus causis, & quo ordine proveniant. Inter alias autem causas sunt etiam quorundam causarum actus humani: unde oportet, homines agere aliqua, non ut per suos actus divinam dispositionem immutent, sed ut per actus suos impleant quosdam effectus secundum ordinem a Deo dispositum, &c.* Quanquam vero neque Orationes, neque correptiones ex inscrutabili, sed iusto Dei consilio, profuturae sint reprobis, ita ut cum perseverantiae dono e vivis decedant; attamen Ecclesia Dei non desinit orare pro omnibus, & unumquemque ad Orationem sollicitat, obtemperans Christi praeceptis. Nequaquam enim noti sunt, quos Deus secundum propositum vocavit, & quos secundum iustitiam damnandos praescivit. Propterea inquit sanctus Augustinus in eodem Lib. de Corrept. & Gratia Cap. 15. *Ad nos, qui nescimus, quisnam sit filius pacis, aut non sit, pertinet nullum exceptum facere, nullumque discernere; sed velle omnes salvos fieri quibus praedicamus hanc pacem.* Idem vero Augustinus in eodem Libro agnoscit, Voluntatem nostram, dum incitatur per correptiones & adhortationes, libere posse recedere ab iniquitate, & iniquitatem fugere, & orandum ei esse Deum, ut facultatem virefque

M m m 2

bene

bene agendi in tempore conferat, atque illud impleat, quod ipse ab aeterno jam statuit atque praescivit. Nostrium quippe operari in tempore, etsi ab aeterno semperque, praesens Deo fuerit, attamen non desit esse (quod est ad nos) aliquid futurum, & libere a liberis hominibus faciendum. Neque Deus, nisi voluntatis nostrae consensus accederet, nos bene acturos praevidere potuit, quanquam nos Gratia sua praecurrente, & nostra Voluntate libero assensu consentiente, bene simus acturi, & ipse facturus sit, ut nos libere consentiamus Gratiae suae. Sed nos Deum metimur (ut hoc iterum commemorem) humanis ideis, & ejus aeternitatem atque aeternam praescientiam concipimus tanquam cognitionem, quae per infinitos annos operationem nostram praecesserit, quum tamen in Dei praesentia aeternitas unum sit punctum omnia complectens, quae nobis triplici sub idea apparent, nunc praeterita, nunc praesentia, & nunc futura. Vide Augustinum Lib. 2. Quaest. ad Simplicianum, ubi non *praescientiam futurorum*, sed *scientiam* in Deo ponit, quanquam respectu ad nos habito rerum futurarum cognitio *Praescientia* in Deo soleat appellari. Quamobrem & bonum semper nobis agendum est, & improbitas evitanda, & fideliter Deo serviendum, & spes collocanda in immensa illius Misericordia ac Bonitate, neque nimis anxie investiganda est profunda illa Praedestinationis abyssus, quae Apostolo ipsi incomprehensibilis videbatur. Neque enim minus certum est, Praedestinationem nostram non e praevisis meritis nostris, sed ex misericordia Dei atque cooperatione nostra, & reprobationem contra e sola praecognita iniquitate nostra, ab aeterno fuisse in mente Dei: quam certum est Voluntatem nostram in tempore positam nulla essentiali Necessitate praevia ferri in bonum, aut in malum; & contingenter operari, sive bonum, Deo adjuvante, sive malum Concupiscentia vincente; & nos, dum adulti rationis usum habeamus, non posse aut damnari sine libera electione mali, aut salvari sine libera electione boni, ad quam praevia & cooperans gratia Dei necessaria est.

CAPUT NONUM.

Sententia de descensu Christi ad Inferos ad Fidem spectans a Pherepono improbata. Quid heic certo credendum, quid sit dubium. Psalmi XV. locus a sancto Petro laudatus Catholicorum sententiam probat. Phereponus cum Psalmi locum absone interpretatus. Davidis verba ad unum Christum referenda. Von Hebraica Scchol Inferos etiam, & loca animarum post corporis mortem significat. Talem ejus esse sensum in Psalmo laudato von Graeca Hades a sancto Luca adhibita evincit. Alia argumenta in hanc rem. Sententia Hebraeorum de Infernis animarum sedibus, & Scchol, eodem sensu ab Interprete Syriaco usurpata.



D alia nunc transeamus. Dixerat Augustinus in Epist. 164. alias 99. Dominum carne mortificatum venisse in Infernum, idque evicerat verbis Psalmi XV. 10. & Petri in Actibus Apostolorum Quis ergo, tum subdit, nisi infidelis, negaverit fuisse apud Inferos Christum? Ad haec Phereponus: Vel hinc intelligere licet, quam periculosum sit, Scripturam velle interpretari, si necessariis subsidiis destitutus sis: primum enim in ea invenitur, quod non est; deinde acerbè damnantur, qui ea melius intelligunt. Tandem Augustinum carpit, quod existimavit, Christi Animam in locum suppliciorum descendisse, dum corpus ejus in sepulcro jaceret, simulque illos impietatis arguerit, qui aliter sentirent. Eadem repetit Phereponus ad Epistolam 187. olim 57. In notis vero ad Cap. V. §. 2. Lib. de Fide & Symbolo ait, a Symbolo Ecclesiae Africanæ, ut & a Romano, aliisque abfuisse caput de descensu ad Inferos, quod tamen postea temere conjunctum est. Non uni ergo Augustino insensus est hac de causâ Phereponus, quod ille Inferos in Psalmo, & Actuum loco, memoratos acceperit pro loco, in quo animæ damnatorum hominum poenas luunt; sed reliquis fere Patribus irascitur & Scriptoribus Ecclesiasticis, immo universæ Catholicæ Ecclesiae, quæ credit, & in Symbolo a tot sæculis profitetur descensum Christi ad Inferos. Ego quam brevissime potero Ecclesiam Catholicam potius, quam Augustinum, a confidenti censura Phereponi vindicare conabor.

Pri-

Primo igitur statuendum est, id tantummodo inter Catholicos constare ac ratum esse, videlicet Christum post mortem descendisse ad Inferos, & nomine *Inferorum* significata diversa quaedam loca, quo omnes hominum vita functorum Animae e corpore solutae olim deferebantur pro variis meritis. Suus erat locus iustis, Christi adventum & resurrectionem expectantibus. Elysios Campos similem locum Ethnici appellabant. Suus improbis, qui & adhuc durat atque aeternum durabit. Orcus, Tartarus, aliaque nomina ei tribuebantur ab eisdem Ethnicis. Ad priorem superioremque Infernum, in quo Patrum atque Iustorum Animae detinebantur, sententia communis est, Animam Christi se contulisse. Utrum etiam ad inferiorem Infernum, seu ad impiorum loca penetrarit, & ad reliqua Inferorum ergastula, quidve ibi egerit, non aequè patet, & magna inter ipsos sanctos Patres, nedum inter Theologos recentiores, dissensio occurrit. Quod igitur ad Augustinum attinet, ille sententiam Ecclesiae de Christi descensu ad Inferos sectatus fuit, certamque habuit, & a solis infidelibus negari posse ait. In reliquis de Christi descensu ad Inferos, negandum non est, quin diu fluctuavit mens Augustini. At non omnia, quae ad hunc Symboli Articulum referuntur, ad ipsam Fidem spectant. Phereponus censere videtur, Inferos ab ipso accipi pro loco duntaxat damnatorum. Verum agnovit etiam vir sanctus, inter Inferos sinum Abrahae, quo piorum animae ante Christum e corporeis nexibus expeditae migrabant. Inquit enim Lib. XX. Cap. 15. de Civ. Dei. *Non absurde credi videtur, antiquos etiam Sanctos, qui venturi Christi remuerunt fidem, locis quidem a tormentis impiorum remotissimis, sed apud Inferos fuisse, donec eos inde sanguis Christi, & ad ea loca descensus erueret.* In enarratione etiam in Psalmum 85. idem Augustinus duo Inferna statuit, quorum in uno quieverunt Animae iustorum, in altero torquentur Animae impiorum.

Itaque ostendendum restat, revera Christum ad aliquos *Inferos* descendisse, quod ab Ecclesia Catholica non minus, quam ab Augustino, tanquam certissimum affirmatur, a Pherepono autem tanquam falsum negatur. In Actibus Apostolorum Cap. II. v. 24. Petrus exponit Christi resurrectionem, eamque a Davide praedictam inquit his Psalmi XV. verbis: *Quoniam non derelinques animam meam in Inferno, nec dabis sanctum tuum videre corruptionem.* His potissimum verbis innititur Ecclesiae fides, dum Christum ad Inferos descendisse, atque inde etiam surrexisse tradit. Phereponus vero aliter

aliter locum illius Psalmi interpretatur, & pro Inferno contendit Sepulcrum esse intelligendum: ita enim significat apud Hebraeos vocabulum *סֶפֶל* *Sebol*, quo usus est eo in loco David. Habet ille in hac sententia concordēs, immo Magistros, nonnullos e Novatoribus, quorum eruditio jam eo pervenit, ut pleraque Christianae Ecclesiae dogmata, licet antiquissima Traditione Patrum jamdiu sacrata, arrodat, in dubium revocet, & levibus de causis explodat. *Anse omnia, inquit Phereponus, statuendum est, Petrum non quaevisse in loco Psalmi id quod minime est; ideoque ex loco Psalterii intelligendus Petrus, aeque ac Psalter ex sermone Petri; nec ullus est inter eos dissensus, quamvis cum Augustino nullo modo sentiant.* Conditionem accipimus, quam exhibet Phereponus; nihil enim apud nos certius est, quam sanctum Petrum a Psalterio dissentire non potuisse, ipsumque ab omni errore immunem fuisse in Psalmi loco interpretando. Sed uti certum est, nullum inter Davidem seu Psalter, & Petrum esse dissensum, ita quoque exploratum habemus, mentem Petri ac Davidis perspektissimam divinitus esse debuisse Actuum Scriptori Lucae, adeo ut ne iste quidem falli in ea enarratione potuerit. Videamus igitur, quid David, quid Petrus, quid Lucas habeant. Verba Psalterii in Hebraico Codice ita se habere scribit Phereponus. *Non relinques animam meam sepulchro (סֶפֶל) nec patieris sanctum suum videre corruptionem.* Nunc notionem hujus vocabuli Hebraici dissimulemus, audituri prius, quid haec omnia Pherepono docente significent. *Liquet, ait ille dictatoria voce, hoc velle Psalter, sensu tralatitio, Deum non passurum ut occideretur, nam relinquere sepulchro, aut pati videre corruptionem, est sinere vulneratum quempiam, aut male affectum mori.* Haec tamen verba, sensu proprio, melius in Christum quadrant, quem Deus passus non est in sepulchro diu jacere, neque in eo corrumpi.

Male Phereponum non habeat, si dicamus, non solum ipsum & Petro Apostolo doctiorem, & Judaeis ipsis Petri auditoribus perspicaciorem velle videri: sed etiam velle nobis exhibere Petrum Linguae Hebraicae non satis peritum, & Judaeis imponentem, & ipsos Judaeos tam suarum rerum ignaros, ut sibi paterentur illudi. Si enim ea verba secundum Davidis mentem significabant, non permisurum Deum, ut ipse David vulneratus, aut male affectus moreretur: quam concinne quaeſo ad Christum illa referebat Petrus; Christus mille plagis & contumeliis affectus necatus fuerat, & sepulchro datus. Num ergo persuadere auditoribus suis potuisset Petrus, haec

de

de Christo necato dici, quae Davidi a morte liberando, & nondum in sepulcrum illato competeabant? Quando ipse Petrus instabat, Christum inquires e mortuis surrexisse, idque a Psalte iis verbis praedictum: infideles ac pervicaces Judaei, quos tunc alloquebatur Petrus, continuo respondere poterant, si eis cor & scientia Phereponi fuisset: diversum plane aliumque esse eorum verborum sensum, & nihil facere cum resurrectione Christi. Liquebat enim Hebraicae Linguae vel leviter peritis (si Pherepono credimus) non de mortuo aliquo suscitando, sed de vivo a morte servando loquutum fuisse sanctum Regem, idque proprie illum locum sonare, quanquam tralatitiis verbis conceptum. Quid ad haec Petrus? Frustra se contorsisset, arbitrator; nihilque profuisset cum Pherepono dicere, ea verba *melius in Christum, sensu proprio, quadrare, quem Deus passus non est in sepulcro diu jacere, neque in eo corrumpi*. Nam primo negare potuissent, haec metaphorica esse; atque ita explicuissent eadem verba: *Quoniam non sines animam, meam descendere, venire (quae verba suppleri non immerito possunt) in sepulcrum.* חַיִּים *liscol; non dabis sanctum suum videre foveam*. Quae phraes proprio, non tralatitio sensu, etiam in Davidem non moriturum quadrassent. Tum subdere poterant, etiamsi haec metaphorica essent, nihil tamen aliud sonare, quam quod Phereponus censet, nempe, non permissurum Deum, ut aliquis moreretur, & sepulcro traderetur: quae nullo pacto conveniunt in Salvatore nostrum. Ac proinde Petrum arguissent atque irrissent, quasi in suam rem divinis abuteretur Scripturis, & verba neque fortuito, neque consulto congruentia in suam sententiam contorqueret.

At absit ab Apostolo tanta ignominia, tanta suae Linguae inficitia quibus notis ipsum Phereponus incaute aspergit. Ea erant Davidis in illo Psalmo verba, quae unicum germanum sensum haberent in ipsius etiam Davidis mente, & hic sensus uni Christo seu Messiae poterat ac debebat accommodari. Audiamus Apostolum ipsum de Jesu loquentem. *Quem, inquit, Deus suscitavit, solus doloribus Inferni, juxta quod impossibile erat, teneri illum ab eo. David enim dicit in eum: Providebam &c. Quoniam non derelinques &c.* Tum ostensurus haec de uno Christo praedicta fuisse, ita loqui pergit. *Viri fratres, liceat audenter dicere ad vos, de Patriarcha David, quoniam defunctus est, & sepultus, & sepulcrum ejus est apud nos usque in bodiurnum diem. Propheta igitur quum esses &c. Providebans loquutus est de resurrectione Christi, quia neque derelictus est in Infer-*

Inferno, neque caro ejus vidit corruptionem, &c. Heic meridiano sole clarius est, Petrum pro confesso atque explorato apud omnes Judaeos fumere, ea Davidis verba unice significare, quempiam vere jam mortuum ad vitam postea revocandum, ejusque carnem in sepulcro non esse corruptendam. Evidens erat, Davidem e vita concessisse, ejusque cadaver in tumultu ceterorum more fuisse in tabernaculo resolutum, cujus rei testis adhuc erat superstes illius tumulus. Quare non de se Propheta loquutus fuerat, sed quidem de Messia, quem Apostoli omnes alique fideles e mortuis resurrexisse compertum habebant. Ac propterea quis non videat, quam longe a Petri mente Phereponus abeat, & quam temere verba Psalmi interpretetur?

Sed optimos Auctores suae in interpretando Scriptura consuetudinis Phereponus fortasse laudabit. Theodorum videlicet Mopsuestenum, quem in Collat. IV. Patres Concilii Constantinopolitani II. idcirco etiam diris devoverunt, quod hunc eundem Psalmi locum, aliaque de Christo praenuntiata argutis interpretationibus alio referri posse doceret. (a) Hugonem Grotium adferre etiam poterit, viam aliqui eruditissimum (ut nihil de Socinianis Scripturis dicam), cujus ea fuit sententia, universis de Christo Prophetiis duplicem inesse sensum, quorum alter & primarius ad Historiam temporis quo Prophetae vixerunt, alter & secundarius ad Christum sit referendus. Quae opinio, quia nullo discrimine Prophetias omnes complectitur Christo accommodatas, quam absurda sit, & quam male se regat, vel ex hoc loco liquere potest, ut pluribus aliis parcam. Ita enim Davidis Prophetiam in Christum e mortuis suscitatum convenire Petrus ait, ut nullo pacto ad Historiam Regii Prophetiae referri posse pro re evidenti statuatur. Quis autem Petro cum Davide consensus, ubi eisdem verbis unam rem iste, alteram ille penitus diversam significare volunt? Quis Judaeorum tunc non potuit frustrari rationem Apostoli, si eo tempore aut obtinuisset, aut succurrisset, interpretatio Phereponi? Quis adduci ad Christum, cujus resurrectionem a mortuis per adeo dubias, incertas, facileque eludendas Prophetias Apostolus Petrus probare conabatur? Et tamen ex ipsis Judaeis tria millia ad Christum eo die conversa fuere: tantam vim habuere Petri argumenta ex ipsis Psalmorum verbis petita. Sed ul-

Tom. X. P. I.

N n n

tra

(a) Solide simul atque erudite hoc argumentum pertractavit P. Franciscus Balus e Soc. Jesu in Opere Gallice inscripto, *Défense des Propheties*, Parisiis edito ann. 1737. et consultandos in primis Grotium & Simonium, impium Socinianorum de Prophetis libellum, incaute nimis amplexos. Locum autem Psalmi XV. a Moratorio heic propugnatum, acriter Balus defendit, Operis laudati Tomo I. Cap. V. & Tomo III. Cap. XXVI.

tra non juvat urgere confectaria & incommoda temerariae istius sententiae; nos enim vocat altera quaestionis nostrae pars.

Stat igitur, locum illum Psaltes ad Christum mortuum esse referendum, cujus Animam Deus derelicturus non erat in Inferno. At Pheroponus una cum aliis Novatoribus pro in Inferno contendit vertendum esse in *Sepulcro*: vox enim סֶפֶלֹו *Scebol*, perpetuo Linguae Hebraicae usu, significat *Sepulcrum*. Catholici contra retinendam heic esse *Inferni* vocem persuasum habent, qua heic non Sepulcrum, sed sedes & loca hominum vita functorum significantur; sive isti in Abrahae sinu, hoc est in requie, fuerint, sive in gehenna, hoc est in poenis. Vocabulum autem סֶפֶלֹו *Scebol* non negamus, quin pro *Sepulcro* seu loco humatorum corporum, laepe accipiendum sit in sacris Libris antiquae Legis; sed per illud etiam significari dicimus Inferna illa loca, & sedes quo mortuorum Animae deferebantur, Christi adventum, & postremum saeculi iudicium expectaturae. Consentire in hanc rem mihi videtur & ipse Pheroponus, cui vox ista significat non solum *Sepulcrum*, sed etiam *locum aliquem sub terrae superficie, aut certe statum ac conditionem mortuorum, quaecunque sit*; quamvis ipse statim addat, *nunquam locum peculiarem malorum suppliciiis attributum* per eam designari, qua de re nunc disputare nolumus. Certe *Scebol* indefinita quaedam vox est, & loca suberranea designat, atque adeo mortuorum statum atque ergastula. Quare non tam erudite quam prudenter illos fecisse reor, qui eam vocem Latine reddentes, potius quam *Sepulcrum*, semper *Inferos* aut *Infernum* transulere, voces indefinitas; has enim postea explicare liberum erat aut pro corporum, aut pro animarum sede post discessum e vita, prout Scripturae sensus, rerumque contextus, & alia argumenta ab Interprete poscerent. Nam cur exempli gratia Gen. XXXVII. v. 35. ubi Jacob dicit: *Descendam ad filium meum lugens in Scebol*, hanc vocem veritas in *Sepulcrum*? Putabat Jacob filium suum mortuum, & a feris devoratum, Sepulcro caruisse. Non igitur ad illum sepultum se esse descensurum, suaeque ossa cum filii ossibus se esse compositurum sperabat, quum ossa illius nullo sepulcro condita arbitraretur. Inquit ergo Jacob: *Descendam ad filium meum lugens in Infernum*, ut post Graecam vulgata Versio habet, hoc est, eum in locum, quo hominum animi a corpore soluti abeunt, & quo non dubitabat pater, quin suus filius se praecessisset.

Nunc quaeramus, an *Scebol* in laudato Psalmo XV. vers. 10. accipi debeat pro Corporum Sepulcro, an pro Animarum post mortem

tem ergastulo. Postremam significationem esse praeferendam, totius Christianae Antiquitatis consensus suadet & clamat. Justinus, Irenaeus, Origenes, Clemens Alexandrinus, Eusebius, Athanasius, Basilus, Nyssenus, Nazianzenus, Epiphanius, Chrysostomus, Cyrillus Hierosolymitanus, & alii e Graecis innumeri. Tum Tertullianus, Hilarius, Ambrosius, Hieronymus, Rufinus, Augustinus, & alii inter Latinos quamplurimi: tum ipsa Concilia, & Symbola ab omnibus Catholicis immo Christianis omnibus recepta, Christi descensum ad Inferna animarum domicilia crediderunt, & per Saecula XVI. praedicarunt, & ex hoc potissimum loco intellexerunt. Negantes vero talem sententiam, Haereticis atque infidelibus omnium ore adjuncti fuere. Tanta, tamque vetusta Patrum & Christianorum Traditio atque consensus, non id solum roboris habet, ut Catholicorum quemlibet suae professionis conscium ita sentire jam cogat, sed ipsos etiam Traditionis & vetustatis nuperos contemtores, impudentiae ac temeritatis arguit, quod aliter audeant affirmare. Nam quum inter Novatores sincerissimi fateantur, significationem vocis *Scebol* ambiguum esse, & designari per illam, statum quoque & sedes spirituum humanorum post corporis mortem: certe nullam ipsi adferunt urgentem rationem, quare in Psalmo XV. vox illa significare non possit id, quod Ecclesia Catholica omnium temporum censuit. Rursus quum apud omnes aequos rerum aestimatores verisimile sit, antiquissimos Ecclesiae Patres eam non suo Marte procudisse opinionem, sed exposuisse, qualem ab aliis Majoribus, atque adeo ab ipsis Apostolis, veluti per manus acceperant: quis non videat, potiori jure antiquis illis testibus rem adeo diserte affirmantibus, quam novitis hisce Criticis sine ratione valida negantibus, habendam esse fidem? Accedit, quod ex iis etiam vetustis Auctoribus tres saltem Hebraeam calluere Linguam, Origenes, Hieronymus, & Epiphanius & cum sui aequalibus Rabbini versati, notionem vocis *Scebol* ignorasse censendi non sunt. In re autem a nostris temporibus adeo remota, quum de notione vocis agatur, quae ab hominum usu & arbitrio pendet, exigit prudentia, ut vetustioribus potius eruditis, quam recentioribus credamus.

Quod tamen omnem dubitationis causam auferre potest ac debet, est ipsa sancti Lucae narratio in Act. Apostolorum Cap. 2. v. 27. Verba Psalmi Graece reddita sic ille exhibet; *ὅτι ἐκ ἰχθυῶν λέες τῆς ψυχῆς μου ἐς αὐτὸν καὶ ἐν ἐδάφει τῶν ὁσίων σου ἰδεὶ διασπορὰν.*
Quoniam non dereliques animam meam in Hadu, neque dabis san-

N n n 2

ctum

Etum tuum videre corruptionem. Pro iis εἰς ᾧδης, LXX. Interpretes, quorum versionem Lucas usurpasse videtur, habent εἰς ᾧδην, in *Haden*. Quid autem sit ᾧδης, quidque eo vocabulo apud Graecos omnes significaret, inter ejus Linguae peritos constare facile potest. Nativa sua significatione *Plutonem* designabat: *Homerus Iliad. O. Ζεὺς καὶ ἑγὼ τρίτῃσι δ' Αἰδῆς ἐνὶ πύλαισι ἀνέσταντο* *Jupiter, & ego, tertius autem Pluto Inferis imperans.* Quandoquidem in Plutonis ditione subterranea quaeque loca esse credebantur, hinc *Hades Inferna ipsa loca* appellata sunt, quo *Ethnici mortuorum Animas* illabi putabant, *Judaeis & Christianis* in ea sententia concordēs. Itaque εἰς ᾧδης (quod in citato Cap. Aët. legitur) nihil aliud est, quam *in domo Hadis*, seu *Plutonis*, subintelligendo δόμον, seu οἶκον, pro ἐν οἴκῳ δὲ, ut ex aliis exemplis confirmari potest. Idem *Homerus Odyss. k. ἰνὶ οἴῳ ἴσ' Αἰδῆ καὶ οἴῳι καὶ ἑταίροις Περσεφόνης, Venire in Plutonis domum, & tenebricosae Proserpinae. Domus Plutonis, seu Inferni*, pro Graecorum more non *Sepulcrum*, sed *Inferos* significat, hoc est geminas illas subterraneas sedes, quibus, uti diximus, Animae e corporeis nexibus expeditae clauderantur, quietis loca piis, poenarum vero impiis. Proinde constans regula est, usitatissimam & communem olim ejus nominis *Hades vim Inferos* sonasse, qualem nos descripsimus, aliasque interpretationes aut paucis fuisse, aut nulli cognitās, sive usurpatas. Quibus constitutis, jam qui se Christianos dicunt, ac in eo *Psalmi loco vocem Scēbol pro Sepulcro* proterve accipiunt, nihil minus facere mihi videntur, quam *Lucam, Scriptorem divino afflatu* proculdubio, plenum ignorantiae atque inconsiderantiae arguere, suamque Criticam eruditionem scientiae ac judicio Apostolorum praepondere. Aut enim perspecta Lucae non fuit notio vocabuli *Scēbol & Hades*: & tunc ex opinione Novatorum consequitur, heic eum suam eruditionem & scientiam, immo divinum Spiritum defecisse; siquidem; si istis credimus, *Scēbol Sepulcrum* tantummodo significat; *Hades* vero, ut nos statuimus, pro *Inferis* perpetuo Linguae Graecae usu accipitur. Sin autem Lucas novit, *Scēbol* significare *Sepulcrum*, quomodo ab inconsiderantiae nota liberari vir βεβήτους potest, qui quum facile per dictionem Graecam τάφος hoc est *Sepulcrum*, aut per alias Graecis usitatas voces, reddere posset *Hebraicum Scēbol*, tamen usurpare voluit vocem ᾧδης, quae rem aliam a *Sepulcro* designat? Nonne hoc erat certissimum errandi fundamentum praebere Graecis Lectoribus, qui *Hebraica* ignorantes, vocem *Hades* pro suo more interpretaturi fuissent? Quod si Patres in ea

in ea interpretatione errarunt (uti Novatores affirmare audent:) nonne in Lucam reſilit culpa, qui aliis tam facile poterat debebatque ſe explicare verbis, dum Graecos homines erudiendos ſulceperat?

Verum, inquit Phereponus, *Graeci Interpretes, qui LXX. dicuntur, Gentilibus non una in re ſeſe attemperarunt, & Lucas verſioni Graecae adſuectus, & ſcribens in gratiam Græcorum, adhibuit locutiones LXX. Interpretum.* Quasi, ſi vera ſunt, quæ de hac quaestione Phereponus habet, minus errarit ſanctus Lucas, quam Graeci Interpretes. Si iſtorum Verſio in eo loco Pſalmi *incommoda* erat (quo honeſto vocabulo Phereponus infidelem ac ineptam ſignificare, ut arbitror, voluit): quam fidem amplius ac venerationem debebitus Lucae, ſine iudicio incommodam nobis ac falſam, interpretationem obtrudenti, & praeſenti certam nobis anſam erroris? Talia incommoda, talia abſurda atque conſectaria manifeſte devorare coguntur Novatores, quoties nihil ſibi religioni ducunt, aliter atque Eccleſia Catholica & ſancti Patres, illum Pſalmi & Auctorum locum explicare. Quodnam vero nomen iſtos manet, qui tam male conſulunt divinatorum Auctorum dignitati ac fidei, ut ingeniorum ſuorum libidini & eruditioni, ambitioſe non minus quam incaute, ſatisfaciant? At a Chriſtiano Interprete tantum crimen abiit. Niſi Lucam errantem velimus, nuperam hanc interpretationem abjicere, errorique accuſare neceſſe eſt. Diſſentire inter ſe, atque errare non poſſunt Pſaltes, Petrus, & Lucas. *Scebal* ſignificare *Inferos* poteſt, ſeu Animarum poſt corporis mortem ſubterraneas ſedes. Manifeſte pro *Inferis* idem vocabulum ſanctus Lucas accipit. Ergo quin illic *Inferi* tantum deſignentur, nullus Chriſtianorum negare poteſt ac debet.

Et iſta quidem ea ſunt, ut vincant Chriſtiani hominis animus. Quum tamen argumentum hoc, ut Logici ajunt, ſit a poſteriori, vincere quidem Chriſtianorum omnium animos debet, rem tamen nonnullis etiam Chriſtianis perſuadere fortaiſſe non valet. Certe non continuo perſuadebit incredulis atque Gentilibus. Quomobrem hos quoque appellamus, iudicesque in medio ſtatuiamus; certum quippe eſt nobis, ipſos quoque in noſtram ſententiam, ſi aequos ſe praebeant, eſſe conſeſſuros. In laudato Pſalmo Catholici *Inferos*, Haeretici quidam *Sepulcrum* ſignificari contendunt. Quid habent poſtremi, quo ſuam opinionem firment? Nihil proſecto ſolidi; quamvis enim *Scebal* pro *Sepulcro* ſaepe in ſacris Litteris accipiat, negare tamen non audent, quin mortuorum etiam ſtatum ac loca aliquando ſignificet, & ſaepe ſignificare poſſit. Tum nullum adferunt

aderunt vetustum Scriptorem suae in hoc Psalmo interpretationis vindicem ac testem, qui *Sepulcrum* potius, quam *Inferna animarum a corpore solutorum loca*, heic moneat esse accipiendum. Quid nos contra? Quum heic de Linguae jamdiu obsoletae ac mortuae vocabulis agatur, eorumque vim ac notionem veteres magis Hebraeae Linguae periti, quam recentiores, intellexisse credendi sint, iique potissimum, qui florente adhuc Hebraeorum Republica vixerunt: nemo non videt, eam esse praeferendam sententiam, quae antiquissimis hisce testibus nitatur. At nos Catholici praeter quosdam veteres Patres, Hebraicae Linguae deditos, antiquisque Rabbinis in eo studio usos, Lucam ipsum omnium vetustissimum damus, qui in hoc ipso met laudati Psalms loco *Inferos*, non autem *Sepulcrum*, vocabulum *Seehol* interpretatur, dum per vocem *ᾗδης* illud reddit, quae, sicuti vidimus, *inferos* constanter pro Graecorum more significabat. Numquid vero in Lucam erroris suspicio cadat? Ab omni verisimilitudine id prorsus abhorret. Non heic Graecam, uti appellatur, LXX. Versionem aut laudare aut tueri est animus. Lucam tuemur, non ipsam Versionem; nam quum illam in hoc loco suam fecerit Lucas; necessarium est, aut saltem verisimillimum, eam ibi recte expressisse vim vocabuli Hebraici, mentemque Prophetarum; non enim aliter ejus ope sanctus Lucas usus fuisset. Apostoli quoque eandem saepe Versionem usurparunt; quod facientes, ineptum sit suspicari, eos nesciisse, an Graeca Hebraicis vere consentirent. Hebraei erant, suaeque Linguae satis periti. Ubi a Codicibus Hebraicis Graeca dissonabant, ignorare isti non poterant; (a) quod si non ignorabant, quis eos Versionem pravam adhuc obrulisse vel suspicetur? Innumeri tunc erant, qui fraudem hanc, uti Linguae utriusque periti, poruissent, & uti Christianorum acerbissimi hostes, voluissent aperire. Aut numquid, ut se Graecis attemperarent, errores sibi notos, errorumque causas disseminare voluisse putandi sunt.

Idem de Luca dicendum atque sentiendum. Ut ut litteris Hebraicis ille operam dederit, profecto nunquam verisimile est, ipsum adeo in illis hospitem fuisse, ut infidam Versionem potuerit voluerique usurpare: Aeta Apostolorum memoriae mandabat, idque Pauli ipsius, ut quidam tradunt, consilio ac jussu. Individuus ejusdem Apostoli comes diu fuit, versatusque est cum aliis Apostolis, ac viris utriusque Linguae gnaris; ab Apostolis, ac ab ipso Petro audire potuit verba in concione Hierosolymitana olim pronunciata. Quae fieri

(a) Al. *figue*.

fieri potuit, ut ille neminem unquam interrogaret, nemo illum monerit de infida eo in loco Versione Graecorum? Nemo id credat, & de Libro, quem Lucas, & Apostoli, & Apostolici viri, ad certam Christianorum eruditionem relicturi erant, & de Scriptore qui in exordio Evangelii sui profitetur, se nihil scribere, quod a principio diligenter assequutus non fuerit, *sicut ei tradiderunt, qui ab initio ipsi viderunt, & ministri fuerunt sermonis.* Accedit, quod Paulus resurrectionem Christi confirmaturus, laudare & ipse solebat Psalmum XV. uti enim testis est idem Lucas Act. Apost. XIII. 34. ita Apostolus agebat: *Quod autem (Deus) suscitavit eum (Christum) a mortuis, amplius jam non reversurum in corruptionem, ita dixit &c. Non dabis sanctum tuum videre corruptionem. David enim, &c. voluntate Dei dormivit, & appositus est ad patres suos, & vidit corruptionem. Quem vero Deus suscitavit a mortuis, non vidit corruptionem.* Haec Apostolus priorem partem versiculi praetermittit, in qua *Hades*, seu *Scebol* mentio habetur. Attamen hinc liquere potest, tritum ore Apostolorum eum Psalmi versiculum fuisse ad evidenter ostendendam Christi resurrectionem e mortuis, & Paulum etiam eo loco secundum LXX. Versionem uti consuevisse, quum Hebraeos Hellenistas alloquebatur, quales erant habitantes Antiochiae Pisidiae, ad quos fuit memoratus a Luca Pauli sermo. Quare nihil verisimilius, quam quod Lucas illius loci sensum probe perspectum habuerit, atque intellexerit vim eorum verborum tum in Graecis tum in Hebraicis Codicibus. Non video autem, qui cum recti iudicii legibus eorum opinio componi possit, qui Apostolos a perver-
sa ac falsa Versione abstinere consulto noluisse ajunt, ut sese Graecis ad eam assuetis attemperarent. Quasi non idem sit ac dicere, Apostolos consulto voluisse auditores suos in pristinis erroribus confirmare, aut novis imbueri. Postremo quidquid possit inconsultum adversariorum bellum adversus eruditionem ac iudicium sancti Lucae, nihil aliud sibi spondere potest, quam quod ille non satis Hebraeam Linguam calluerit, aut vim vocabuli *Scebol* assequutus non fuerit: quae tamen omnia veri numquam videbuntur similia. At quando hoc etiam obtinerent, num obtinere etiam poterunt, Lucam ignorasse vim vocabuli *Hades*, eique Graecae Linguae scientiam praeripient? Id quidem non audeant. Verum id satis est nobis, & satis futurum est cuicumque iudici aequo. Nam quum Lucas *Christi animam non relictam in Hade* assermet, quae verba Graece peritus sonant, Christi Animam e corpore solutam ad *Inferos* migrasse, ibique

bique diu non permanfisse: ſemper reſtat, Lucam id credidiſſe ac tradiſſe, quod nos credimus, & univerſa ſemper Eccleſia tradidit. Quod, inquam, Lucas ea de re didicerat ab Apoſtoliſ, Graeca illius verba plane ſignificant, quae ipſe procul dubio intelligebat; & quamquam non conſtaret, Scriptori huic ſat cognita fuiſſe Hebraica Pſalter verba, id unum ſequeretur, Lucam in eo Pſalmi loco rem inuiliſſe quaeviſſe ac inveniſſe, quae illic non erat, ſed quam tamen ipſe aliunde certam hauſerat, atque alte animo praeceperat. Etenim niſi perſuaſum id ipſi antea fuiſſet, Graece peritus ab ea locutione ſeſe abſtinuiſſet, quae deſcenſum Animae Chriſti ad Inferos Graecis Lectoriſ aperte atque ex ſuo inſtituto perſuadebat, ſemperque in poſterum perſuaſit. Si ergo ſaltem conſtat, Lucam de Chriſti ad Inferos deſcenſu non dubitaſſe: quid nos amplius ea de re dubitare pergimus? Hoc unum eſt, quod potiſſimum quaerimus, & ſcire volumus, & hinc ediſcimus. Haec ſumma litis noſtrae: num Lucas noverit, crediderit atque tradiderit, Animam Chriſti ad Inferna loca miſraſſe. Id autem credidit ſanctus Lucas. Diverſa quaetiſtio eſt, an Hebraicas voces Scriptor Actorum probe intellexerit, & probe reddiderit. Quae tamen moneo, non quod Lucam adverſariis in hac altera quaetiſtione relinquam, & hallucinatum putem, aut verear; ſed ut quod maxime quaerendum ſit, ipſi tandem intelligant, quo facilius a certis conſtitutis ad incerta explicanda progrediamur.

Sed ne cui ſcrupulus adhuc & dubitatio ſuperſit, an revera per vocem *Hades*, *Inferos* deſignare Sanctus Lucas voluerit, age, rem in meliori lumine colloceſmus. Quaeramus, quam poteſtatem notionemque voci illi ᾍδης Lucas, & reliqui Judaei Graece loquentes, olim ſubjicerent, hoc eſt, quid eo nomine intelligerent. Nobiliſſimus Judaeorum Hiſtoricus Joſephus id manifeſte nos docebit. Auſtor ille eſt Lib. 18. Cap. 2. Antiquit. Jud. tres inter Hebraeos a multis temporibus exſtiſſiſſe Sectas, Phariſaeorum nempe, Sadducaeorum, atque Eſſenorum. De Phariſeis haec habet: Ἀθάνατόν τε ἰσχυρὰ τοῖς ψυχαῖς τῖς αὐτοῖς εἶναι καὶ ὑπὸ χθονὸς δικαῖους τε καὶ τιμὰς οἷς ἀπέτιν ἡ κακίας ἐπιτιμῶντες ἐν τῷ βίῳ. Animas autem immortales eſſe credunt, & ſub terris earum poenas ac praemia dari, prout virtutis vitiorumque ſtudium illis in viſa fuit. Tum addit, perpetuis carceribus illic improbos conſtringi, piis autem facilem eſſe ad vitam reditum. Phariſaei potiſſima & doctiſſima Judaeorum pars erant. Illis eorumque opinionionibus populus adhaerebat, adhaeſit & olim Paulus, ita ut quidquid ad ſolemnes precatiſones cultumque divinum

divinum attinebat, secundum horum interpretationem ac praescriptum fieri soleret. Hanc etiam, de immortalitate Animae sententiam tuebantur Esseni, solis Sadducaeis contradicentibus, quorum & numerus exiguus, & auctoritas contempta. *Sadducae*, inquit ipse Lucas Aët. Apost. XXIII. 8. *dicunt non esse resurrectionem, neque Angelum, neque Spiritum*, hoc est mentes humanas a corpore expeditas amplius non vivere. *Pharisaei autem confitentur utraque*. Quare dubitandum non videtur, quin communis Judaeorum sententia foret, Animas post corporis mortem in Inferna loca deferri, sive ad requiem, sive ad tormenta. Eo pertinent, quae de ipsis Judaeis habet Tacitus Lib. 5. Hist. *Corpora condere, quam cremare e more Aegyptio*. Eademque cura, & de Infernis persuasio. Status ergo animarum earumque sedes, uti Iosephus testabatur, erat ὑπὸ χθονὸς sub terra, atque adeo in ἅδῃ in Inferis. Clarius sese explicat idem Iosephus alibi. De iisdem Sectis loquens Lib. 2. Cap. 12. de Bello Jud. postquam Pharisaeis laudata nuper placita tribuit, haec de Sadducaeis subdit: ψυχὴ π τὴν διαμονὴν καὶ πᾶς κατ' ἅδῃ τιμωρίας καὶ τιμὰς ἀναιρήσῃ, Animae vero immortalitatem, & in Hade, seu Inferno, vel supplicia vel praemia negant. En quid Judaeis Graece loquentibus esset ἅδῃς, Non utique Sepulcrum, sed locus Animabus e corpore solutis destinatus, ut ibi vel poenas vel praemia pro meritis reciperent. Eandem prorsus Christianorum sententiam fuisse, omnia antiquitatis monumenta testantur. Paulus ipse in Aët. Apostolorum Cap. XXIII. cum Pharisaeis hac de re se consentire clamabat. Situs erat hic locus ὑπὸ χθονὸς sub terra, mirabili plane, & vero, quamquam incognito divinae potentiae artificio. Id quoque Christianis persuasum fuit, & aperte ab Apostolo innuitur ad Philipp. II. 10. quum ait: *Ut in nomine Jesu omne genuflectatur, caelestium, terrestrium, & infernorum, ἱεραγίων, δι' ἱεργίων καὶ καταχθονίων*. Ubi vides καταχθονίους appellari, hoc est subterraneos, eam gentem, cujus Animae in geminis Inferis, piorum nempe ac impiorum, clauderantur.

Ab antiquis mutuati recentiores cum Graeci tum Latini significationem istam, vocabulis τῇ Ἀδῇ, atque Infernorum uti perrexerunt, ut ea quoque loca exprimerent, quibus piorum Animae post mortem purgandae detineri ex Orthodoxae Ecclesiae Traditione creduntur. Quare non satis recte Graecos Christianos Schismate a nobis sejunctos culpae visus est mihi Thomas Smithus in Epist. de Graecae Ecclesiae bodierno statu, ubi illos in errorem Origenicum de

Animabus impiorum ex Inferno tandem liberandis (a) *prolapsos* suspi-
catur, eo quod in Confessione dogmatica scribant, Βίβλια πολλοί
ἀπὸ τῆς ἀμαρτωλίας (ita illic scriptum lego) ἐλᾷσθηνται ἀπὸ τῶν
δεσμῶν τοῦ αἵδης, &c. Certo multi peccatores a vinculis Inferni libe-
rantur, &c. videlicet, uti subdunt, propter viventium pia opera &
elemosynas, & Ecclesiae pro iis suas orationes, & possimum pro-
pter incruentum Sacrificium, &c. Non est illic αἵδης proprie gehenna,
sive aeternus damnatorum locus, sed quidem claustrum illud, quod
nos Latini Purgatorium appellamus, Graeci vero Schismatici nomi-
ne quidem negant, at cum Patribus re affirmant. Quod si etiam
pro gehenna accipere velis, nihil moramur; adhuc enim apud Grae-
cos stare vides Catholicum Dogma de Animabus quibusdam levium
peccatorum reis, & post mortem in aliquo tormentorum loco pur-
gandis. Et certe de situ eorumdem locorum disputare adhuc nefas
non est. Ceterum potuisset nobis etiam hanc inurere notam Smi-
thus, quum in Latina quoque Liturgia, quando preces Deo offerun-
tur pro piis vita functis, dicatur: Domine Jesu Christe libera animas
omnium Fidelium defunctorum de poenis Inferni, &c. Verum, uti di-
ximus toties, Orientalibus vox Αἵδης, Occidentalibus vocabulum In-
feri modo piorum, modo impiorum ergastulum post mortem signifi-
cabant, & adhuc significant.

In alterum autem ex his ergastulis demersum post mortem fuisse
Divitem illum, cujus Historiam aut Parabolam refert Christus,
ex ipso Luca discimus in Evang. Cap. XVI. 22. *Mortuus est autem*
& dives, & sepultus est in Inferno. Elevans autem oculos suos,
quum esset in tormentis, &c. Ex omnium consensu qui heic memo-
ratur Infernus a sancto Luca, & vocabulo τοῦ αἵδης exprimitur, ni-
hil aliud est, quam poenarum locus, quo impiorum Animae post
discessum & vita trudentur. Quare hinc etiam aperte colligitur, quam
notionem in auditorum animo excitare soleret ea vox Hades, quid-
ve per

(a) Thomas Smithus Graecis hodiernis exprobrans errorem Originicum de animabus
impiorum ex Inferno tandem liberandis, ad mentem revocat Opus lectu dignum P. F.
Joannis Vincentii Patuzzi, inscriptum De futuro impiorum Statu Libri tres, quod Veronae
prodiit 1748. in 4. ubi nonnulla videas a Smitho in laudata Epistola tacta. Siquis au-
tem ad illius Operis lectionem accedat, ea perleat quae Joannes Lamius in Nov. Lit-
ter. Florent. anni 1749. num. 2. col. 24. & num. 6. col. 91. & num. 10. col. 157. eru-
dite observat. Verum quidem est, auctorem Historiae Litterariae Italicae in Lamius in-
surrexisse, ejus observationes infirmasse ratum. At hic suam sententiam propugnavit
anno insequenti in eisdem Nov. Litter. num. 30. pag. 42. Monco insuper ex Memoriis
Trepolianis menf. April. 1749. & Maii art. LV. D. Sinferium argumentum huic affine per-
tractasse, edito Argentorati 1748. in 8. Opere, cui titulus; Dissenf. du Dogme Catholique
sur l'éternité des peines.

ve per eam significare vellent Judaei Hellenistae, & quam vim ipsi tribueret sanctus Lucas. Sed ne cui succurrat cavillationibus elevare, atque eludere istius loci robur, quasi *Infernus* heic pro *Sepulcro*, aut pro mera hominis sepultura accipi possit, necesse est animadvertere, hoc in loco non satis respondere Graecis exemplaribus verficulos vulgatae Versionis, atque inde factum esse, ut heic minus aperta sit Evangelistae mens. At in Graecis haec ita se habent v. 22. Ἀπὸ θανάτου καὶ τοῦ ὁ πλάσιος καὶ ἰταχθῆ. Tum sequitur ver. 23. Καὶ ἐν τῷ ἄδῃ ἵταρας τὸς ὀφθαλμοὺς αὐτοῦ, &c. hoc est: *Mortuus autem est & sepultus est. Et in Hade, seu Inferno, elevans oculos suos*, &c. Graece omnia exemplaria in hanc lectionem consentiunt, tum Clemens Alexandrinus, Origenes, aliique Graeci Interpretes. Sic etiam nonnulli Manuscripti Codices Latini legunt, & Augustinus, aliique olim legebant. Accedit, (& (a) post Graecum Textum) in primis audienda est Syriaca Versio, cujus verba placet afferre. Ita ergo Lucam exprimit Interpres ille, רַבֵּר נַחֲמָנִי: עֲתִידָא מֵתָא מֵשִׁיחֵי. Idest: *Dives mortuus est, & sepultus est. Et quum cruciaretur in Inferno*. Quanta veneratione digna sit haec novi Testamenti versio, Eruditis compertum est: Ejus antiquitatem ad Apostolicum usque aevum referre quidam non dubitarunt. Quare *Inferna* impiorum ergastula proculdubio apud sanctum Lucam memorari vides, & per vocem *Hades* significari. Sed aliam insuper magni momenti rem nos edocet hic idem Syriaci Interpretis locus. Nam quod Lucae est ἐν τῷ ἄδῃ, Interpreti est בְּשִׁיחֵי *besciol*, hoc est, *Hades* redditur per *Scebol*. Illud autem exploratum est, Syriacam hanc Linguam, seu Syro-Chaldaeam, Christi & Apostolorum aevo inter Judaeos Hierosolymitanos finitimosque etiam populos vernaculam fuisse. Eadem uti consueverunt Christus ipse, ac Apostoli, quum alloquebantur plebem. Haec autem, si serio pensentur, maximo sunt argumento, & Christum in ea narratione *Inferos*, seu tormentorum loca per vocem *Scebol* expressisse, & sanctum Lucam pro Animarum sedibus subterraneis eandem vocem accepisse tum in laudato Psalmo XV. tum in Petri concione; sequutumque in ea interpretatione fuisse traditionem Judaici populi Syriace loquentis, sicuti in usu vocis *Hades* mentem apertam sequebatur Judaeorum Graece loquentium, & Infernas animarum sedes eo vocabulo designantium.

O o o 2

Post

(a) Al. & post Graecam Respiciebat Auctor sic scribens, ad verba subsequencia, Syriaca Versio. Sed errorem suum agnovit: nam Novi Testamenti exilat quidem Syriaca Versio, aliaeque nonnullae Orientales: sed Graeca nulla, quum Graecus Textus sit originalis.

Post quae necesse est protervus sit Academicorum discipulus, & par infidelibus, non autem Christianus, qui negare pergat, constitutum, creditumque a sancto Luca descensum Animae Christi ad Inferos. Itidemque est heic agnoscere consuetam Phereponi confidentiam, qui temere conjunctum Symbolo fuisse ait placitum istud. Talem sententiam nunc nos quaerimus, & etidenter expressam repetimus in verbis & mente illius Scriptoris, quem fidum Interpretem Christi atque Apostolorum Interpretem Spiritus Sanctus elegit. Tota Christianorum antiquitas eandem illic sententiam vidit, & Traditioni consonam statuit, & Gnosticorum, Arianorum, Eunomianorum, ac in primis Apollinaristarum erroribus opposuit. Eo etiam retulit Apostoli verba ad Ephes. IV. 9. ubi Christus dicitur descendisse *eis κατώταται, κατώταται μὴν τοῦ γῆς γῆς in infimas seu inferiores partes terrae*, unde & ascendit *captivam ducens captivitatem*: quibus verbis innuit Apostolus, Christum descendisse, non in superficiem terrae, ubi degunt mortales, non in sepulcrum paucis ulnis ab hac superficie remotum, sed in profunda tetrae penetrata, unde Sanctorum Animas, quas alibi *καταχθονίους* appellatas ab ipso Paulo vidimus, eduxit, & in caelum subinde ierulit. Ad eandem rem Ecclesia docet, pertinere posse alia sacrarum Litterarum loca, quae vicissim dant accipiuntque lucem ex Actorum Cap. II. & apud Catholicos Polemicae Theologiae illustratores occurrunt. At Phereponus, ejusdemque gregis alii, vires Criticae suae eruditionis exercent atque exhauriunt in hujus Articuli *κατώταται* quaedam. De *Doloribus* inferni, quos impie Christo tribuit Calvinus, & de Inferorum loco & de vocabulo *ἐν τῇ nephese*, seu *anima*, diu sed frustra disputant. Augustinum dictatorio edicto praecludunt, quod *Infernum* in eodem Actorum loco memoratum pro impiorum ergastulo accipiat; alias etiam quaestiones miscent, & fere ubique Patribus antiquis ignorantiae dicam nullo negotio impingunt; atque, ut mirere magis, antiquissimas has opiniones a Pontificiis tandem investas Lightfootus ait (quo judicio videant alii) ut Purgatoria officina apud nos statueretur. Sed quantum lubet illic sibi placeat hoc hominum genus. Nostrum non est hoc pelagus ingredi. Id satis est Catholicis, quod nullus Patrum Christum ad *Inferos*, hoc est, ad invisibiles post corporis mortem Animarum sedes descendisse negarit, immo omnes fere quum Latini, tum Graeci, quum veteres tum recentiores affirmarint. Hanc nobis veritatem reiue arcem eripere, ut vidimus, Novatores non possunt. Ceterum utram Inferorum partem Christus adie-


tit,

rit, quidve illic egerit, atque alia hujusmodi *παρεργα*, etiam apud antiquos Patres disputationis argumenta fuerunt. De his inter eos minime constitit; adhuc non satis constat; sed omnium consensus fuit, Animam Christi in *Hadem*, seu in *Inferna* penetrasse. Quare quum Augustinus a Pherepono infimulatur, quod *inferos* apud sanctum Lucam, atque in aliis Scripturae locis memoratos, pro subterraneo impiorum domicilio accipere semper soleat, quum tamen vox *Scchot* id nunquam significet: primo respondere possemus, Syriacum Interpreterem, uti nuper animadvertimus, ea voce uti, *Orcum*, seu *Tartara*, uti loquitur sanctus Petrus, seu locum poenarum designaturus. Secundo in Thalmudicis Libris, & a Bar Nachmoni, atque ab Aben-Ezra, & in Libro Judaicarum Precum, & ab aliis Rabbinis cum recentibus tum vetustissimis, *Scchot* non solum pro bonorum post mortem mansione accipi, sed etiam pro Gehenna, seu Tartaro. Tertio Augustinum eam opinionem ita imbuisse, ut contrariam tamen haudquaquam aspernaretur. Immo, uti diximus, aliis in locis a priore sententia ipse recessit. Tandem Augustini placitum nihil continere, quod Christi ad Inferos descendens dignitati naturae, atque instituto repugnet: a quo scopulo sibi non cavit olim Calvinus. Verum in isto controversiarum campo non juvat ultra evagari. Multa utrimque dici possent, sed quum in obscuris versetur, utrinque demum incerta foret victoria. Nos conveni ostendisse, certam Ecclesiae, & Patrum, & Traditionis victoriam esse, dum in Symbolo a sepultura Christi distinguunt ejus ad Inferos descensum, ad alia properamus.



CAPUT DECIMUM.

Non Apostolica Fide, sed Apostolica Sede legendum in quodam Augustini loco. Phereponi somnia varia heic nobis obtrusa. Alia Auctoritas veritatis, alia jurisdictionis. Quid commune cum ceteris Ecclesiis Catholicis, quid supra ceteras habeat Romana Ecclesia. Eo in loco Augustinus a Pherepono minime intellectus. Episcoporum continuata successio in Cathedra Romana inter Notas verae Ecclesiae computata ab Augustino, aliisque veterioribus sanctis Patribus. Tertullianus ejusdem sententiae fuit. Consensus & judicium Christiani Populi suum quoque robur habet in contraversis de Religione.

ATHOLICAM Ecclesiam, solam nempe Religionis verae custodem atque haeredem, Augustinus multis commendat, & Manichaei persuadet in Lib. de utilitate credendi. Cap. XVII. haec potissimum habet: *Quum igitur tantum auxilium Dei, tantum profectum, fructumque videamus, dubitabimus nos ejus Ecclesiae condere gremio, quae usque ad confessionem generis humani, ab Apostolica Sede per successores (successiones legendum esse arbitror) Episcoporum, frustra Haereticis circumlatrantibus, & partim plebis ipsius judicio, partim Conciliorum gravitate, partim, etiam Miraculorum maiestate, damnatis, culmen Auctoritatis obtinuit?* Perquam suspecta sunt Pherepono verba illa ab Apostolica Sede; nam sic solebat in Occidente Sedes Romana vocari; cujus Auctoritatem omnibus artibus amplificare conati sunt descriptores Librorum Ecclesiasticorum Monachi. Ita scribit Phereponus pag. 397. Animadvers. Verum mirari subit, hominem acutum adeo levem infelicemque occasionem arripuisse, qua dum Augustinianos Codices emendandos suspicatur, Apostolicae Sedis Auctoritatem ac praestantiam suis dictis impeteret. Censet enim non ab Apostolica Sede, sed ab Apostolica Fide heic esse legendum. Hujus substitutae vocis eam rationem ille reddit, quod *primam Auctoritatem Ecclesiae Christianae traherent ab Apostolica Fide*; parem enim cum Apostolis sententiam tuebantur. Tum Tertulliani locum e Praescriptionum Libro in hanc rem adfert, quasi revocari in dubium a Christianis tam

tam aperta veritas possit, si epithetum illud *primam* a Pherepono usurpatum excipias, quod explicatione fortassis indigeat. Sed Augustini verbis nulla prorsus adhibenda est emendatio; & inepta est, quam Phereponus proposuit; & ipse Tertullianus Augustini verba rectissime sese habere ostendit.

Torus est Augustinus in eo Libro, ut & Gentilibus, & Haereticis, & Manichaeis potissimum, ostendat, Religionem Catholicam reliquis, si ita appellare licet, Religionibus esse praefendam. Ad hanc veritatem attingendam, brevem praescribit, & commodam, & certam methodum, quae vel ipsis rudioribus esse, ut ita dicam, possit ad manus. Nimirum Notas quasdam, & *Motiva*, ut ajunt, *credibilitatis* enumerat, quae uni Christianae Religioni, Catholicæque Ecclesiae conveniunt, ceteris non conveniunt, & ab ipsis quoque imperitis dignosci facile possunt. Quibus ita propositis, vela contrahit, hominemque nondum ab Haeresi ad Catholicam Fidem conversum alloquitur supra laudatis verbis, ubi nonnullas repetit ex iis praerogativis ac Notis, quae Catholicam Fidem Ecclesiamque supra Haereticas evidenter commendant, quales sunt, *Confessio generis humani*; *Episcoporum Successio in Cathedra Petri*, *Miracula*, & hujusmodi alia, quae faciunt, ut credendum sit Catholicorum Ecclesiae, non autem Haereticorum. *Apostolica fides*, quam heic Phereponus excogitat, nihil ad rem fecisset. Nam quotus quisque Haereticus est, qui *Fidem Apostolicam* sibi non arroget ac tribuat: Se nempe cum Apostolis sentire omnes quum recentiores, tum veteres Haeretici, & vel ipsi pestilentiores distant, & persuasum habent. Qua in re etsi omnes ii toto caelo fallantur, ab ea tamen opinione vix removeri possunt, ita ut haec sit omnium maxima inter nos atque Heterodoxos controversia, potius quam aliqua verae Ecclesiae praerogativa in omnium oculis incurrens. Quamobrem inepta est, & ab Augustini mente aliena, Phereponi correctio.

Verum, inquit Censor, si Augustinus de Ecclesia per omnes servas sparsa haec intellexit, falsum est eam ab Apostolica Sede culmen auctoritatis obtinuisse; omnes enim norunt, Orientales Ecclesias priore tempore fuisse, nec ullam auctoritatem ab ulla Occidentali trahere voluisse. Si quid Apostolica Sedes habuit Auctoritatis, id promanavit ex communione, quae ei fuit cum ceteris Ecclesiis Christianis, quae omnes simul omnem suam potestatem Christo capiti debent. Tum addit, ne Africanas quidem Ecclesias, tempore Cypriani & ipsius Augustini, Auctoritatem suam Romanae debere voluisse, quamvis eam forte

forte matrem agnoscerent, ut sat liquet ex contentione cum Stephano, & ex altera de transmarinis Appellationibus. Porro vel hinc intelligere licet, quid livor & odium possint in Criticorum animis. Utiq; de Ecclesia Catholica haec scribit Augustinus. In Ecclesia autem Dei per omnes terras diffusa considerari potest duplex *Auctoritas*; altera *Veritatis* & *Sanctitatis*; altera *Jurisdictionis* & *Regiminis*. Per priorem comparatur Ecclesia Catholica cum tot Haereticorum & Gentilium gregibus. Veritas enim, & sanctitas ita sunt in Religione & Ecclesia Catholica, sive universali, ut ipsa non solum *culmen Auctoritatis* merito sibi vindicet supra ceteras Religiones atque Ecclesias non Catholicas, sed etiam una ipsa vera sit & sancta, reliquae falsitatis & impietatis sint officinae. Per alteram *Auctoritatem* comparari potest una singularis Ecclesia Catholicorum cum altera Ecclesia itidem singulari Catholicorum. *Jurisdictionis* nomine atque *Regiminis* intelligimus potestatem & jus explicandi Litteras, dirimendi controversias sive Fidei, sive Morum, conficiendi & ministrandi Sacramenta, constituendae Disciplinae, docendae & regendae plebis. Exploratum habemus, postremam istam *Auctoritatem* ab Ecclesiae capite Christo, tanquam a fonte, per omnes Catholicarum communionis Ecclesias fluere. Quod esse verum non cessat, quamvis illam, non immediate, sed mediate, hoc est per Apostolos, per Successores Petri, per alios Episcopos atque Ecclesias, emanare in posteros & in alias Ecclesias dicamus. Et ejus quidem portionem maximam immediate a Deo in Episcopos descendere, Catholici fere omnes fatentur. Ceterum partim ex institutione divina, & ex vi Ordinis Hierarchici, partim ex Disciplinae legibus, majorem habent *auctoritatis* portionem Episcopi, quam Presbyteri; & majorem unus Episcopus aut una Ecclesia, quam alter Episcopus & altera Ecclesia. In Romanis autem Pontificibus, sicuti legitimis Petri successoribus, maxima & potissima residet Auctoritas, quae tamen suis finibus & Disciplinae statutis se circumscribi patitur, neque legitimae reliquorum Episcoporum *Auctoritatis* officere vult; aut quidquam detrudere. Quare a Pontifice Romano, cui non solum honoris, sed etiam potestatis primas quum Christus, tum Catholici omnes detulerunt, ceterae Ecclesiae in multis pendent, ejusque *Auctoritati* in multis cedendum & obsequendum noverunt atque fatentur, uti apud Ecclesiae Patres ac Theologos amplissime patet.

Phereponus noster, suspicatus Augustinum de *Auctoritate* secundi generis loqui, in meridie caecutiens, neque Augustinum, neque rem

rem ipsam intellexit. Proinde pro suo ingenio litem excitat aeream inter jura Apostolicae Sedis, ceterarumque Ecclesiarum; istasque contendit *Auctoritatem* suam ab illa minime trahere. Quod etiam ut ostendat, rationes affert atque exempla, quibus qui moveatur, hebeti ingenio sit, & multa ignoret oportet. Quem enim in finem Orientales, & Africanas Ecclesias homo iste producit, quae tantum semper Apostolicae Sedi supra se detulerunt, uti innumera antiquitatis exempla fidem faciunt? Quantum eidem detulerit gloriosus ipse Martyr Cyprianus, constat ex illius Scriptis. Quod si in controversia de Baptismo morigerum sese non praebuit Stephano Romano Pontifici (a): id fecit, quod alii fecere, ac faciunt, suarum opinionum nimis amantes; sed quo jure, qua laude, tota demum Catholica Ecclesia ostendit; ejus sententiam proscribens. Controversia de *Appellationibus* ad Disciplinae tribunal deferenda est, hoc est, ad Leges quasdam Ecclesiasticas sive Canones, quibus vel ipsi Romani Pontifices obnoxii sunt. Utrumque autem Africae Episcopi iusta aut injusta persequerentur, plurimae his de rebus fuere semper, & semper esse possunt controversiae inter unam & alteram Ecclesiam, adeo ut una inferior Ecclesia causam obtinere potuerit, ac possit contra superiorem Ecclesiam, & contra ipsam Apostolorum Sedem. Porro hujusmodi victoria nihil potest detrahere potiori *Auctoritati*, quam Romana Sedes supra singulas Ecclesias habet. Juvat autem credere, a Phrepono non vigilante ea verba excidisse: *Si quid Apostolica Sedes habuit auctoritatis, id promanavit ex communione, quae ei fuit cum ceteris Ecclesiis Christianis*. Nam quid istis inconscientius? Si ex hujusmodi communione promanare potuisset *Auctoritas*: quae-nam Ecclesia Catholicorum vel recens, vel pusilla, immo quis Catholicorum sibi tantum non tribuisset ac tribueret *Auctoritatis*, quantum Apostolicae Sedi, Romanisque Pontificibus semper fuisse, esse, ac fore apud nos constat? Ubinam vero tum foret Hierarchicus ordo; & *Auctoritatis* diversitas, sive a Christo, sive ab Apostolis, sive ab Ecclesia ipsa, inter Episcopos & Ecclesias constituta? *Communio*

Tom. X. P. I.

P p p

cum

(a) Dignae sunt plane quae hoc loci recenscantur, *Disputationes Criticae in duas celeberrimas Epistolas SS. Firmiliani & Cypriani adversus Decretum S. Stephani Papae I. de non iterando Haereticorum Baptismo*, editae Venetiis an. 1733. In 4. quibus unam & alteram a Donatistis fuisse consuetam, demonstratum ivit *Raymundus Mistricius*. De tota autem illa controversia, *Joannes Albertus Fabricius*, Bibl. med. & inf. Latin. tom. I. pag. 1253. consulere nos jubet Dissertationem dogmaticam de Baptismo Haereticorum editam Parisiis 1724. 12. & vulgatam Gallice 1727. 12. Scio equidem, ibidem prodixisse apud *Viduum Mazieres*, sed ignoro quo anno, Dissertationem *De dissidio inter S. Stephanum & S. Cyprianum super baptismo Haereticorum*. Num eadem cum laudata a *Fabricio*? Videat lector.

sum ceteris Ecclesiis Catholicis nihil aliud praestat, quam ut Catholicus homo, & Ecclesia singularis Catholica intra veram Ecclesiam sit, & vinculo Fidei & Caritatis cum reliquis membris uniatur. At illa nihil Auctoritatis confert. Aliunde manat Episcoporum & Ecclesiarum Auctoritas, nempe ab institutione Christi, ac Apostolorum, a sacris Ordinibus, a Disciplina. Quidquid autem Auctoritatis Apostolica Sedes habet (amplissimam autem habet), ab eo potissimum descendit, qui supra Petrum fundavit Ecclesiam, & ipsi Petro ejusque Successoribus pascendum gregem suum dedit, ipsique primum in Ecclesia universa concessit.

Sed Phereponus cum ventis pugnat, & nos cogit secum longe ab Augustini mente vagari. Nihil de hujusmodi quaestionibus eo in loco Augustinus habet; idque vel leviter attento Lectori patere continuo poterat. Nam cur Augustinus de *Auctoritate* secundi generis ea occasione loquatur, & jura Ecclesiarum singularium cum Apostolicas Sedis juribus conferat? Quid hoc ad rem, qua de agebatur? Contra Haereticos erat praelium, atque ostendendum fuit, supra quamlibet aliam Religionem & societatem praevalere, culmenque *Auctoritatis* obtinuisse Catholicam Religionem atque Ecclesiam, ita ut dubitare nemo amplius deberet, se istius Religionis & Ecclesiae gremio condere, ceterisque renuntiare falsis & impiis Religionibus. Nihil heic fecisset illa quaestio, an Apostolicae Sedi suam *Auctoritatem*, atque jurisdictionem ceterae singulares Catholicorum Ecclesiae deberent. Non Ecclesiae Catholicorum inter se conferendae erant, sed universalis Catholicorum Ecclesia conferenda erat cum omnium Haereticorum Ecclesiis. Quamobrem constare facile potest, Augustinum dicentem, Ecclesiam Catholicam *culmen Auctoritatis obtinuisse*, nihil aliud intellexisse, quam *Auctoritatem* primi generis, hoc est, *Auctoritatem Veritatis*, per quam proculdubio Religio Catholica atque Ecclesia quoslibet Haereticos post se relinquit, & falsi arguit. Talem *Auctoritatem* ex asse possidet quaecumque Catholica Ecclesia, neque ejus partem potiorē una sibi tribuit, quam altera. Non enim magis Orthodoxus est Romanus Pontifex, quam quilibet alius Episcopus, aut etiam quilibet alius homunculus, dum tamen & isti cum Ecclesia Catholica sentiant, & cum ipsa communionem servant. Neque proprie *Auctoritatem* istam ab *Apostolica Sede* trahunt reliquae Catholicorum Ecclesiae, multoque minus ipsamet Ecclesia universalis, in qua est ipse Romanus Pontifex; sed a Christo, sed a Revelatione divina, quae certos non facit, ab una Religione & Ecclesia

Ecclesia Catholica Veritatem stare, errorem vero a ceteris societatibus, quae sibi nomen Religionis usurpant.

Quid ergo Augustinus innuere voluit, quum dixit, Ecclesiam ab Apostolica Sede *culmen Auctoritatis* obtinuisse? Ad cognoscendam veram Christi Ecclesiam, de qua saepe disputatum est, & adhuc disputatur adversus Haereticos, ea semper Nota praeter alias praesto fuit, ac erit, legitima videlicet in Ecclesiis Catholicis *Episcoporum successio* ab Apostolis ad ea usque tempora, quibus disputatur. At quandoquidem Romana Sedes ceteris antestat, suamque originem sine dubitatione ducit ab Apostolorum Principibus: hinc Episcoporum in Romana Sede *successio* potissimum consideratur, & pro verae Ecclesiae Nota accipi consuevit. Quae enim vera sit Christi Ecclesia, quae nullos, aut non veros habet Pastores, & Episcopos? Illi autem certe falsi & illegitimi Pastores sunt, qui a nemine idoneo Pastore aut ordinationem, aut missionem, aut successionem trahunt; qui non intrarunt per ostium, neque ad Apostolos per legitimam genealogiam referre possunt potestatem, quam usurparunt. Contra nihil vel apud veteres evidentius erat, quam Apostolicae Sedis Antistites ab Apostolis per legitimam successionem atque ordinationem descendere; quare in Romana Ecclesia manifeste aderat ea verae Ecclesiae Nota, quae olim desiderabatur in omnibus Haereticorum conventiculis; & adhuc desideratur in Haereticis nostrorum temporum. Cum Apostolica Sede reliquae Ecclesiae Catholicae tum doctrinae tum Sacramentorum communionem servabant. Omnes autem simul conficiebant Ecclesiam Catholicam, sive universalem, veram Christi sponsam, cuius veras & evidentes notas ne Haeretici quidem poterant negare.

En igitur quod Augustinus ait: Dubitabimus ne ejus Ecclesiae atque ejus Religionis nos condere gremio, in qua tantum auxilium Dei, tantum profectum, fructumque videmus? quam totus terrarum orbis fecundum Christi promissa confiteretur? quae cum Apostolica Sede semper consensit, atque consentit, legitimamque Episcoporum successionem in Cathedra Petri manifestissime ostendit, & quae Haereticis, partim plebis ipsius judicio, partim Conciliorum gravitate, partim etiam Miraculorum majestate, damnatis, *culmen Auctoritatis*, hoc est *Auctoritatem veritatis*, supra ceteras hominum societates obtinuit? Quod haec Augustinus habet, aliis in locis habet, ut mirum sit Phereponum tam supine haec egisse. In Lib. contra Epistolam fundamenti Cap. 4. ita ille scribit: *In Ecclesiae Catholicae gremio me iustissime tenes ab ipsa Sede Petri Apostoli, cui pascendas*

oves suas post resurrectionem Dominus commendavit, usque ad praesentem Episcopatum successio Sacerdotum. In Ep. 165. nunc 53. contra Donatistas: Si, inquit, ordo Episcoporum sibi succedentium considerandus est, quanto certius & vere salubriter ab ipso Petro numeramus, cui totius Ecclesiae figuram gerenti Dominus ait: Super hanc petram aedificabo Ecclesiam meam, & portae inferorum non vincunt eam? Petro enim successit Linus, Lino Clemens, &c. Et in Psalmo contra partem Donati: Numerate, ait, Sacerdotes vel ab ipsa Petri Sede, & in ordine illo Patrum quis cui successit videte. Ipsa est petra, quam non vincunt superbae inferorum portae. Augustino praeceverant in hocce argumenti genere non solum Optatus Milevitanus, & Epiphanius Augustini aequalis, sed vetustissimus etiam Irenaeus, qui Haereticis frustra sollicitatis, ut originem Ecclesiarum suarum, successionemque Episcoporum ab Apostolis ostenderent; Romanae postea Ecclesiae Antistites numerant ab Apostolo Petro ad sua usque tempora legitime alterum alteri succedentes.

Sed quando placuit Pherepono Tertullianum huc advocare, hic ipse antiquissimus Scriptor Augustinum explicet. Inquit ille in Lib. de Praecript. Cap. 32. Edant ergo Haeretici origines Ecclesiarum suarum. Evolvant ordinem Episcoporum suorum, ita per successiones ab initio decurrentem, ut primus ille Episcopus aliquem ex Apostolis, vel Apostolicis viris, qui tamen cum Apostolis perseveraveris, habueris auctorem & antecessorem. Hoc enim modo Ecclesiae Apostolicae census suos deferunt: sicut Smyrnaeorum Ecclesia Polycarpum ab Johanne collocatum referet: sicut Romanorum, Clementem a Petro ordinatum isidem &c. Constringant tale aliquid Haeretici. Videat igitur Lector, quam nulla necessitate, nullaque ratione Phereponus illum Augustini locum per se clarissimum, & cum tota antiquitate, immo cum aliis Augustini locis consentientem, sibi corrigendum sumserit. Animadvertat etiam velim, Romanam Ecclesiam alibi, hoc est, in Epist. 104. nunc 191. & 105. num. 194. antonomastice appellari Apostolicam Sedem. Ceterum modestus hic Censor non ita sibi fidit; ut hujusmodi telum sibi a nullo eripiendum esse arbitretur. Quare pugnam & arma mutat adversus ipsam Apostolicam Sedem. Quod si (demum addit) Augustinus omnino scripseris Apostolicam Sedem: quid? Manichaeos Afros adducere ad Ecclesiam Catholicam Africanam, quae consentiebat cum Sede Romana. Sed id argumentum levius; nam quis promiserat Ecclesiis Apostolicis, nunquam eas a Christi doctrina aberraturas? Nemo. Si petatur, an omnibus Ecclesiis Apo-

Apostolicis quisquam singillatim promiserit immunitatem ab erroribus in doctrina Christi, nos quoque respondebimus: Nemo. Et hanc veritatem non arbitror Augustinum expectasse, ut nostris temporibus a Pherepono edoceret. Sin autem quaeratur, an eandem immunitatem pollicitus quisquam fuerit Apostolicae Sedi Romanae: non est hujus loci illa quaestio. Adhuc enim extra chorum saltat Phereponus, & controversiae statum ignorat. Non, inquam, ab Augustino tum quaerebatur, an ex praecipuo Christi munere Apostolica Romana Sedes a Doctrina verae Fidei nunquam aberratura fuisset ac esset. Ostendebat ille, Catholicam Ecclesiam esse verum Christi ovile, quod omnes in eam Notae concurrerent, per quas vel ab imperita plebe discerni potest vera Christi Ecclesia. Ex his Notis ea conspicua fuit, quod Haereticis legitima Episcoporum successio ab Apostolis usque non esset; contra, esset Ecclesiae Catholicae, uti constabat exemplo Apostolicae Sedis, quacum reliquae omnes Ecclesiae Catholicae sentiebant atque communicabant, tanquam cum unitatis centro, & Ecclesiarum omnium Principe Ecclesia. Ecclesiae itaque Catholicae omnes (inter quas Apostolica Sedes praecipuis praerogativis eminebat), non hac solum Nota, sed aliis etiam verae Ecclesiae Notis instructae, eam Catholicam Ecclesiam constabant, & aperte indicabant, in qua una est veritas atque haereditas Christi, & contra quam Inferorum portae nunquam praevalerunt. His Notis destitutae Haereticorum Ecclesiae, nonnisi officinae mendacii appellandae fuerunt.

Porro Phereponus, cujus plurimum interest suum Haereticis impertiri patrociniū, tanquam levia argumenta contemnit Judicium plebis, Conciliorum gravitatem, & Miraculorum majestatem, quibus Augustinus ait damnatos fuisse Haereticos. Concilia enim (ut ipse nos monet) & plebis consensus, *tam falsis favere possunt, quam veris*. Quod est ad consensum judiciumque Christiani populi, si cum gravibus quibusdam circumstantiis & qualitatibus jungatur, firmissimum etiam potest esse verae doctrinae, germanaeque Traditionis, indicium. Quum nempe quispiam in Ecclesia Dei nova & inaudita Dogmata venditare incipit, quae ipsemet populus contraria deprehendit sententiis a Majoribus acceptis, & omnium consensione dudum sacratis. Tunc a Doctrina Christi & Apostolorum abhorreere nupera illa inventa, plurimum persuadet populorum ipsorum consensus eadem execrantium, eorumque propolas una voce damnantium. Nisi enim populus Christianus aliqua nova superstitione imbutus demon-

mon-

monstretur (quod vix generaliter accidere potest): illum per se antiquitatis, veterisque Traditionis tenacissimum, & novitati insensum esse, quotidiana experientia docet. Vix Paulus Samosatenus pestilentissimam suam Haeresim exeruit, quum Antiochenus populus in ipsum ejusque insaniam exarsit; neque enim sentire non poterat, quantum ab antiqua & communi Christi doctrina, sibi a primis annis tradita, abesset Samosateni fermentum. Quid autem est, quod in Arii quoque & Nestorii sententiam consentire nolebat Christianum vulgus, immo eandem aversabatur atque damnabat, quanquam multos e suis Pastoribus in adversis castris militare videret, nisi quia menti omnium infidebat aliud ab Ariano ac Nestoriano Dogma, & alia omnino contraria Traditio? Cur conquere initio Christiana plebs minime potuisset hominum illorum doctrinam, si eam a Pastoribus dudum antea accepisset atque imbibisset, tanquam Orthodoxae Fidei & veritati conformem? Certe Ariana labe infecti Episcopi errorem dissimulare & fraudibus obtegere cogeantur, ne fidelium animos a se abalienarent, unde celebre illud Hilarii dictum, *sanctiores fuisse aures plebis, quam corda Sacerdotum*: quae verba etiam a Hieronymo repetuntur contra Joannem Hierosolymitanum. In his igitur casibus a judicio & consensu Christiani populi maximum pondus accedit Haereticorum damnationi. Ad Concilia Catholicorum quod attinet, jam vidimus, quanta sit, si rite habeantur, eorum auctoritas adversus Haereticos, quum potissimum generalia sunt, & universam Ecclesiam representant, quam stabilem aeternam futuram, & nunquam in vera doctrina erraturam apertissime pollicitus est Christus. Haec Augustino memorantur; haec veris favere possunt, non falsis. Sed Pheréponus & Haeretici nullos in rebus Fidei Judices amant: nam quum eruditionem tantum suam, & sacras Litteras in his rebus judices volunt, suum simul arbitrium fallacemque intellectum judices volunt. Eruditio est ipsis fere Haereticis, adeo inter se discordibus; est & Catholicis. Sacras Litteras in suam sententiam quisque interpretatur, hominumque infirmitate atque malitia, possunt hi soli judices tam veris favere, quam falsis. Proinde judices alii necessarii sunt Ecclesiae Dei ad puritatem, veritatem atque unionem doctrinae tuendam. Nisi alios Judices Christus dedisset, minus quam ipsi homines, hominum & rerum publicarum Legislatores, suae Ecclesiae cavisset: minus propexisset novi foederis, quam veteris regimini. Quod si temerarius & demens foret, qui ideo in humanis rebus civilibusque controversiis Judicem quemvis detre-

detrectaret, quod omnis humanus Iudex tam veris favere possit; quam falsis: quanto gravius delinquet ille, qui acquiescere suo potius iudicio velit in aeternae salutis negotio, quam Catholicorum Conciliis rite habitis, aliisque legitimis Ecclesiae Iudiciis a Christo constitutis, quibus adfuturum esse Spiritum Veritatis ad finem usque mundi Christus ipse nos docuit?

CAPUT UNDECIMUM.

Miracula in Ecclesia Dei patrata, a Novatoribus & a Pherepono in dubium revocantur. Excessus prudenti Catholico fugiendi in iis credendis. Miracula quaedam certissima fuisse. Stragemata & fucus inique appellantur a Pherepono, cujus Sophismata in hanc rem exploduntur. Augustinus mendacio infensissimus; & Phereponi calumnia contrarium insinuantis. Nulla imposturae nota, & omnia veritatis signa confluunt in Miracula ab Ambrosio & Augustino narrata. Caeci Mediolanensis sanati ad Reliquias sanctorum Gervasii & Provasii Historia expeditur ab aereis Phereponi objectionibus. Ambrosius in ea narratione fide dignissimus. Daemones ab obsessis corporibus revera depulsi. Phereponus sacras Litteras per latus oppugnat.



MIRACULORUM quoque maiestate damnatos Haereticos Augustinus ait. At ista pariter pro nihilo Phereponus ducit. En potentissimam rationem, cur ea Criticus noster exhibilet. Haec, inquit, illo aevo stragemata erant Ecclesiastica quibus plebeculae fucus fiebat. Ingeniosam profecto methodum, qua se ab adversariis cito litigator expediat. Quando rationes urgent, nullusque alius exitus datur, facta ipsa, quanquam luce clariora, negantur. Inficiari non audebat Phereponus, quin solidissimum Veritatis rectaeque Fidei argumentum sint Miracula; non enim Deus pro errore mirabilia operatur, utpote qui decipere nos neque possit neque velit. Catholica Ecclesia Miraculis etiam (quod Haereticis non contingebat) suam Fidem tuebatur. Ergo ab Haereticorum patronis res ipsa neganda fuit. Et ut quidem nihil dissimulem, non unus est Phereponus, qui Ecclesiae Catholicae Miraculis fidem detrahere conetur. Socios in eo stu-

eo studio habet, quotquot a Catholicorum communione discesserunt. Neque hunc unum locum elegit ille, quo Miraculis, & Augustino Miracula proferenti ac memoranti, litem intenderet. Aliis in locis idem praestitit Phereponus, neque ullam abire passus est factam ab Augustino Miraculorum mentionem, quam non irrideat aut carpat. Immo vir, cetera imitari solitus Erasimum suum, praeterquam in sarcasmis Comicoque genio; frenos tamen severitatis tum excutit, quum ventum est ad Sermonem Augustini 322. quo Pauli cujusdam ejusque sororis curatio narratur ad sancti Stephani Reliquias. Ex hujusmodi narratione Comoediam Ecclesiasticam conflagavit lepidus Censor eamque in suos Aëlus partitus est, tantumque sibi postea propter ejus fabulae inventionem placuit, ut suas in Augustinum Animadversiones in Bibliotheca selecta ipse recensens, vix a sibi plaudendo temperare potuerit.

Quae sit prudentum Catholicorum sententia de Miraculis, primo videamus. Fuerunt, ac aeternum erunt in vera Ecclesia Dei Miracula vera, quae Deus operatur per Sanctos suos. Si ista cum aliis verae Religionis atque Ecclesiae Notis jungantur, Orthodoxae Fidei sunt fidissimi testes. At neque fidelibus exigenda sunt, si ve quaerenda; non enim amplius iis indiget vera Fides & Ecclesia, ut suam veritatem ostendat. Neque supranaturali Fide ullum credere cogimur ex iis Miraculis, quae extra Canonicas Scripturas ab Historicis, sanctissimisque etiam viris referuntur. In hoc autem negotio duplex animadverti potest excessus: alter eorum, qui nimis multa, alter eorum, qui nimis pauca credunt. Judicio illi, temeritate isti peccant. Nam exploratum est, fuisse olim, & adhuc esse, immo eorum sobolem diu duraturam, qui Miracula confinxere, sive pravam, sive bonum in finem; aliosque plures fuisse, qui sine ullo criterio atque indiscriminatim tam veris quam fictis mirabilibus adjungere fidem, eaque ad posteros bona fide transmiserunt. Tum criminari, tum nimiae credulitati isti, se perpetuo opposuere sancti Patres, Romani Pontifices, Concilia sacra, & Ecclesia universa Danielis exemplo. Veritas enim falsitate ad sui tutelam non eget; & falsa facere possunt, ut apud suspiciosos homines auctoritatem vera quoque deperdant. *Numquid Deus indiget vestro mendacio, ut pro illo loquamini delos?* aiebat sanctus vir Job, XIII. 7. Sed & alter excessus est, ideo veris negare fidem, quia falsis deprehenduntur immixta; & aequè stultum est nimis pauca, immo nulla credere certa. Si in alterutram partem peccandum est, pietas & prudentia poscit, ut po-

ut potius periculo nos exponamus (a) non facta) credendi, quam vera negandi. Interim iudicio Critico heic opus est, & expendenda sunt omnia, ut quantum fieri potest, Miracula germana a spuris, certa ab incertis, vera a falsis distinguantur. Proinde heic quoque praeceptum Apostoli valet 1. ad Thesi. V. 21. *Omnia probate: quod bonum est, tenete. Ab omni specie mala abstinete vos.*

Accedat nunc Phereponus, & dicat, suspecta sibi & conficta videri, quaecumque Miracula ex Catholicorum parte narrantur. In alterum sane excessum se ille praecipitem dabit, priore pejorem, qui & facile ad irreligionem auditores agat, & ab ipsis severioris Criticae legibus improbetur. In primis enim quis adeo desipit, ut omnem Religionem suspectam habeat, & ab hominibus excogitatam putet, quod inter tot Religiones pleraeque sint hominum commenta, immo praeter unam omnes adulterinae sint atque corruptae, & non facile sit multis veram a falsis discernere? Quis omnia antiquitatis monumenta, quis omnia facta, quae in Historiis cum profanis tum Ecclesiasticis narrantur, pro mendaciis habeat, quod multa iis immixta sint dubia, conficta & falsa? Recta itaque Ratio nos docet, non ideo omnes Miraculorum narrationes explodendas esse, quod quaedam, immo complures inter ipsas suspicionem falsitatis ingerant. Deinde verae Ecclesiae cultoribus spem & facultatem etiam Miracula patrandi, quoties Dei gloria posceret, a Christo ipso relictam fuisse, testis est sanctus Marcus XVI. 17. *Signa autem eos, qui crediderint, haec sequentur: In nomine meo Daemonia ejicient, linguis loquentur novis, serpentes tollem, &c.* ut alia Evangeliorum loca praeteream. Haec & alia mirabilia per servos suos, & per omne subinde aevum, reipsa operatum fuisse Deum, docti, pii, oculati viri testantur. Quid igitur causae esse potest, quare in dubium revocemus, immo irrideamus, sine ullo discrimine, quaecumque Miracula Catholicis facta narrantur? *Strasagemata*, inquit Phereponus, *haec erant Ecclesiastica, quibus plebeculae fucus fiebat.* In Notis vero ad Lib. 6. Cap. 7. Conf. Aug. ubi refertur Inventio corporum sanctorum Protasii & Gervasii, ita is loquitur: *Si haec, aliaque hujusmodi inventiones sanctorum cadaverum, non fuissent conjunctae cum ingenti lucro ac emolumento eorum, qui ea effoderunt; multi qui callidorum hominum figmenta huc credunt ad plebeculam in officio commendam, fidem eis non facile detraberent.* Tum animadvertit, ex hac inventione auctam existimationem auctoritatemque Ambrosii, & Arian-

Tom. X. P. 1.

Q q q

ROC

(a) Al. facta, absque particula negativa.

nos eorumque patronam Justinam Augustam his Miraculis fuisse re pressos. In Notis etiam ad Epistolam 78. sancti Augustini pag. 492. eadem recinit, ac ait: *Ne quid mentiar, quanta mihi facta est fides de Miraculis Christi & Apostolorum, quae omnia veritatis indicia comitantur; tanta est de recentioribus diffidentia, quum praesertim superstitioni, & lucro, multo magis quam verae virtuti propagandae, ea servasse videam.* Paria habet pag. 594. Animadv. ad Lib. 22. Cap. 8. de Civ. Dei.

Potissima itaque ratio, cur Miracula ista Pherepono ejusque gregariis suspecta sint, & imposturis accenseantur, ea est, quod non sine ingenti lucro atque emolumento Auctorum fierent. Verum, si tanta vis huic argumento inest, quantam opinatur Phereponus, videat ille, qui a suspitione falsi vindicare jam possit tot Miracula, quae in Libris Canonicis, & veteris potissimum Testamenti habentur. Vix ullum ex iis dabit ille, quod in aliquam utilitatem cedere non potuerit sive Auctorum, sive Historicorum: quum si non aliud, existimatio atque auctoritas cresceret aut ea patrantibus, aut ea pro sua Religione narrantibus. Et quis infidelis, Phereponiano ingenio ejusque Critica armatus, bellum iis quoque Miraculis intendere, & aut imposturae ac impiorum stratagematum arguere non possit eorum Auctores, aut mendacii nimiaeque credulitatis eorum Scriptores? Quantum vult ille clamet, se in *Christi, & Apostolorum Miraculis omnia veritatis indicia* reperire: impedire non poterit, quin & in iis, & praecipue in narrationibus mirabilium antiquae Legis, fraudem Ethnicus suspicetur, ubi legitimum suspicandae fraudis argumentum praebeant emolumenti quaesiti, existimationis, & gloriae aucupandae indicia sive suspiciones. Equidem nolo vel uno exemplo iniquam incredulorum & perditorum hominum causam juvare; sed qui Phereponus non juvet suis incautis nimiumque audacibus argumentationibus, non video. Si ergo Phereponus Christianus est, a Christianorum Miraculis improbandis abstineat ea sola temeritatis plena ratio, quod ista in lucrum aliaque emolumenta Sacerdotum vergerent. Non patitur honestas & ratio, ut sine magna causa alienam famam atque conscientiam, tanti criminis, tantaque ignominiae nota aut superstitione aspergamus. Quanto autem minus in Ambrosium & Augustinum (quos solos nominatim Phereponus heic insectatur, & nos tueri solos volumus) temeraria ista suspicio cadere potest? Gravissimi ac sapientissimi viri erant. Certabat in iis cum pietate eruditio. Ignorare non poterant, quantum flagitium in oculis

lis Dei foret, quantum Religioni periculum adduceret, imposturis operam dare, & mentiri, & fallere populos, quanquam pro vera doctrina confirmanda id fieret. Quae veri similitudo, ipsos adhuc navasse fraudibus, & dedita opera gregem sibi a Deo creditum fisis alerent prodigiis in tanta luce veritatis?

Heic tamen nos interpellat Phereponus, & pag. 559. Animadv. significat nobis, *mendacii tam inimicum non fuisse Augustinum, quam volebat videri.* Quam thesim statuit ille, postquam magna confidentia in deteriore partem accepit quaedam Augustini verba, laudantis in Enchiridio. Cap. XXI. *benevolentiam*, non autem damnantis *fallaciam eorum, qui pro salute hominis mentiuntur.* Ad quae Censor ita scribit: *Videtur Augustinus loqui de salute aeterna, ad quam nonnullis conciliandam multi tunc temporis mentiebantur, innumeris Miraculis confictis, eum, ut dicebant, dumtaxat in finem, ut infideles ad fidem adducerentur. Eos non laudat Augustinus, sed facile iis ignoscit: quod frequens, ut quidem videtur, malum esset inter Ecclesiasticos homines illius aevi.* At patiatur Phereponus, nos haec appellare, modesto plane vocabulo, interpretationes hominis parum attente legentis, atque scribentis. Temporariam hominis salutem, non autem aeternam heic intelligit Augustinus. Si hanc, ut Phereponus suspicatur, designare ille voluisset, non *pro salute hominis, sed pro salute Haeretici, aut Haeticorum, aut Infidelium* dixisset, aut salutem non omisisset salutem appellare aeternam. Aperte vero de mortali vita aliorum servanda se heic agere Augustinus innuit, quum utatur exemplo adulterii, quod peccatum esse non desinit, *quamquam aliqua, nisi ad hoc ei consensiat, appareat amando moritura, ut ostendat, ne mendacium quidem licere, quamquam pro salute quorundam mentiuntur.* Haec autem concinunt cum iis, quae de servanda hominis vita per mendacium habet vir sanctus in Lib. de Mendacio Cap. XIII. Deinde quis ex istis aliisve Augustini verbis, nisi reclamante ratione, argumentari possit, Augustinum tam inimicum non fuisse *mendacii*, quam volebat videri? Nemo se *mendacii* Augustino magis insensum prodidit, nemo doctius ipso, nemo acrius, nemo religiosius *mendacia* infectatus fuit, & peccata esse demonstravit, uti ejus Libri omnino testantur. Et quod spectat ad *Mendacia*, quae ut Infideles ad Fidem adducerentur, tolerabilia visa fuisset Augustino Phereponus sibi persuadet: eadem ipsa Augustinus aperte execratus est, & fugienda suavit. In Lib. contra Mendacium Cap. I. *Quid est aliud*, inquit, *mentiuntur, ut Haeticos mendaces ad veritatem*

satem adducamus, nisi faciamus mala, ut veniant bona? Tum toto Libro id unum fatagit, ut ostendat, nefas esse mentiri, quo consular aeternae hominum saluti. Immo omnium mendaciorum ea statuit esse gravissima, quae pro Religione, & in Religione fiunt. Viderint, inquit Cap. 18. assertores defensoresque Mendacii (res illi cum Priscillianistis erat) quale genus vel qualia genera mentiendi eos iustificare delectet. Saltem in Dei cultu concedant non esse mentiumdum; saltem ubi Dei nomen, ubi Deus se sitis, ubi Dei sacramentum interponitur, ubi de divina Religione sermo promittitur, sive conferitur: nemo mentiatur, nemo laudet, nemo doceat, & praecipiat, nemo iustum dicat esse mendacium. Eandem doctrinam in altero Opere de Mendacio non minus dilucide ac nervose tradit, Cap. X. ostendens, in rebus Fidei locum esse non debere mendacio; & praeter cetera haec habet: A doctrina Religionis atque ab eis omnino enuntiationibus, quae propter doctrinam Religionis enuntiantur, quum illa docetur & discitur, omnia penitus mendacia removenda sunt. Nec ulla omnino caussa inveniri posse credatur, cur in rebus salubus mentiendum sit, quando nec ideo in ea doctrina mentiendum est, ut ad eam ipsam quisque facilius perducatur. Fracta enim vel leviter diminuta auctoritate veritatis, omnia dubia remanebunt.

Quam vellem, haec potius tam clara tam aperta considerasset Phereponus, ut quae vera fuisset Augustini sententia, sibi constaret, quam in dubiis illius verbis alienissimam ab Augustino doctrinam exquisisset. Infra vero Cap. XIV. recenset sanctus Doctor varia mendaciorum genera, omniumque gravissimum vocat, quod Religioni obest. *Primum est ad evitandum capitale mendacium (sunt ejus verba) longeque fugiendum, quod fit in Doctrina Religionis, ad quod mendacium nulla condicione quisquam debet adduci.* Et Cap. XXI. idem repetit inquiens. *Ad sempiternam salutem nullus ducendus est opitulante mendacio. Non enim malis convertensium moribus ad bonos mores convertendus est.* En pura, en germana Augustini dogmata. Ita discipulus sentiebat, quin idem senserit & Ambrosius illius Magister, non est dubitandum. Quare si velimus, tantos viros Miracula confinxisse, & quidem in lucrum ac utilitatem propriam, quo nihil turpius excogitari potest: necesse est, ipsos mortalium & Christianorum perditissimos, & hypocritas, & Religionis in speciem tantummodo cultores prius credere. Haec enim universa nomina in eos conveniunt, qui tantum pro Religione studium prae se ferentes, nihil potius penitus habebant, mendaciis & imposturis operam dare, idque in

sui

sui commodum ac utilitatem facere, & Religionem praesentissimo periculo exponere, & fallere populos ac Superstitionem adducere, & nulla deinde ad errores populi a se corrupti auferendos, fraudis ac poenitentiae suae vestigia relinquere, & quidem pro crimine, quod ipsi certe non ignorabant capitale plebique perniciosissimum, sibi quae a Deo sine publica poenitentia minime condonandum. Verum quis ex meris tantum suspicionibus fallacibusque conjecturis tam abominanda ac inusitata opinetur de viris, quos nulla non admirata est aetas, doctrina pariter ac solidissimis virtutibus, & sanctissimo potissimum Religionis zelo, conspicuos atque spectatissimos? Quenam Criticae Leges iniquissimis hujusmodi opinionibus faveant, equidem non video. Immo totus Criticorum chorus clamet, incredibile plane esse, hoc hominum gravissimorum genus in ea vitia deflexisse, atque ad eas artes se contulisse, quibus hominum deterrimi impie sibi lucrum comparant & Religionem produnt. Numquid vero hisce dolis indigebat Ambrosius, ad *plebeculam in officio continendam*, uti Pherreponus ait? Ab ore Ambrosii totus populus mediolanensis pendebat, seque paratissimum ad dandum pro Fide Majorum servanda jugulum non semel ostenderat. Multoque minus ad auctoritatem atque existimationem suam, Fidemque Catholicam protegendam atque augendam haec figmenta sibi concinnanda censuit Ambrosius, quum tanta existimatio atque auctoritas illi esset, ut ei propterea apud Imperatorem invidiam quotidie facere non cessarent Ariani. Deinde vir intrepidus, & invicta constantia celebris, & mori, quam foedari, toties paratius, ut sese atque Ecclesiam florentissimam minis Haereticorum eriperet, ad execrandum illud stratagemam nunquam confugere sustinuerat.

Accedit, quod Miracula ab Ambrosio atque Augustino memorata nullas imposturae notas secum adferunt; immo tot habent veritatis indicia, ut quando ea falsi postulare aut suspicari liceat, nihil certi jam super sit in humana divinaque Historia, nihil quod fraudem & mendacium redolere non possit. Divino monitu revelata sunt Ambrosio sacra corpora Gervasii ac Protasii. Jussit ille in media Basilica ante cancellos sanctorum Felicis atque Naboris eruderari terram, formidantibus Clericis, ne spes Ambrosii frustraretur. Signa Martyribus convenientia apparuerunt; deinde ipsa Martyrum ossa, & sanguinis plurimum in ipso tumultu. Quum sacra pignora transferrentur, caecus *Civirari Mediolanensi* notissimus visum, debiles non pauci salutem ad contactum sanctarum vestium recuperarunt, pulsi-

pulique Daemones de multorum corporibus. Tota legatur Epistola Ambrosii 22. ad Marcellinam sororem Classe I. & ubi affectus absint, nihil a stratagemate ac fraude remotius apparebit, contra quam Cenfori videatur. Ceterum non dissimulabo, Arianos tum temporis adeo evidenti luce percussos, eo statim confugisse, ut & Martyres & Miracula negarent. Facile valuit apud nostrorum temporum Novatores eorum calumnia, quum nempe statutum fuit sanctorum Reliquiis denunciare bellum. Multo plus etiam valuit apud Phereponum, qui Arianos ipsos eorumque dogmata sibi cordi plurimum esse non semel prodidit. Sed juvat heic tantisper immorari, dum aliqua saltem ex parte palam fiat, quam sine ratione ac pudore nunc instauratur vetusta ejusmodi cantio.

Prosasii & Gervasii Martyrum ut nomina, ita etiam sepulcra incognita erant, in tantum ut supra ipsorum sepulcra ambularent omnes, qui velles ad cancellos sanctorum Naboris & Felicis pervenire. Utor verbis Paulini illius, qui Ambrosii Vitam memoriae prodidit, & oculatus omnium testis fuit. Illic ergo reperta sunt sacra corpora, ubi fraus praecedere nisi difficillime non potuit. Nam quis loci superficiem non noverat, ac saepe vestigiis (a) non terebat? quis dum eruderi terram cerneret, signa aliqua imposturae non collegisset? Clero ac populo praesente peracta sunt omnia. Subsequuta deinde Miracula Ambrosius his refert verbis, concionem ad populum habens: Cognovistis, inimo vidistis ipsi multos a Daemoniis purgatos; plurimos etiam, ubi vestem sanctorum manibus contigerunt, iis quibus laborabant, debilitatibus absolutos: reparata vetusti temporis Miracula, quo se per adventum Domini Jesu gratia terris major infuderat; umbra quadam sanctorum corporum plerosque sanatos cernitis. Si quid sinceritatis ac bonae fidei est, videat Phereponus, quei negare ista possit. Oculis suis Mediolanensis Populus viderat tot aegros ac debiles pristinae saluti divinitus restitutos. Fidentissime id palam Ambrosius repetit. Quis credat, haec omnia commenta, fraudes ac illusiones fuisse? Num adeo stupidi ac bardi tum fuere populi, ut sibi haec obtrudi paterentur, & suosmet oculos Miraculorum & curationum testes appellari audirent, quae tamen ipsi nequaquam aspexissent? Num impudens adeo Episcopus, ut tanta securitate coram tot testibus appellatis rem invisam visam pronuntiaret? Ceteris autem curationibus praestitit, ac illustrior fuit, uti dicebam, ab homine Urbi amplissima notissimo depulsa caecitas. Quum sacra Martyrum

(a) Addita nuper particula negativa.

rum corpora (utar Augullini testis oculati verbis Lib. 9. Cap. 7. Conf.) propalata & effossa digno cum honore transferentur ad Ambrosianam Basilicam, non solum quos immundi venabans spiritus confessis eisdem Daemonibus sanabantur, verum etiam quidam plures annos caecus civis, Civitatisque notissimus, quum populi tumultuantis laetitiae causam quaesisset atque audisset, exilivit, eoque se ut duceret, suum ducem rogavit. Quo perductus, impetravit admitti, ut sudario tangeret pheretrum. Quod ubi fecit, atque admovit oculis, confestim aperti sunt. Eadem repetit Aug. Lib. 22. Cap. 8. de Civ. Dei, illudque Miraculum ait ad multorum notisiam potuisse pervenire, quia & grandis est Civitas, & ibi erat tunc Imperator, & immenso populo sefte res gesta est, concurrente ad corpora Martyrum Protasii & Gervasii. Vide & Lib. de Unit. Eccl. Cap. 17. At Ariani caecum illuminatum negabant. Nempe homines in Catholicam Ecclesiam odio internecino excaecati, homines pauci numero prae immani Catholicorum testium multitudine, homines plerique in Urbe Mediolanensi hospites, illuc ab Ariana Augusta perducti, qui caecum hominem nequaquam, aut non satis perspectum habebant. Contra Catholici innumeri, Civisque Mediolanenses, tot annos antea hominem probe agnoverant, viderant, aluerant caecum, & luce ad Martyrum corpora repente donatum cognoscebant, videbant, affirmabant. Utri quaeſo parti fides adjungenda? Unquamne credibile sit, tantum Bopulum, per tot annos, eaque potissimum occasione fuisse deceptum, ac tandiu credidisse aut caecum, qui non erat, aut ei restituta lumina, quae clausa tenebrisque obsita adhuc erant? Si haec devorare queunt Haeretici, nescio quid in posterum credibile non sit, immo nescio quid amplius credendum sit.

Porro audiamus, quam nerve ac sapienter invidentiam Arianorum, & renovatam nunc calumniam Ambrosius ipse jam tum repulerit in laudata Epistola 22. Classe I. olim 54. *Negant, inquit, caecum illuminatum; sed ille non negat se sanatum. Ille dicit: Video, qui non videbam. Ille dicit: Caecus esse desivi, & probat factum. Isti beneficium negant, qui factum negare non possunt. Notus homo est, publicis, quum valeret, mancipatus obsequiis, Severus nomine, Ianius ministerio. Deposuerat officium, postquam incidere impedimentum. Vocat ad testimonium homines, quorum ante sustentebatur obsequiis: eos indices suae visitationis arcessit, quos habebat testes & arbitros caecitatis. Sub haec opportune Arianos Judaeis comparat, pari impudentia calumniantibus atque negantibus evidentia Christi*

ac Apostolorum prodigia. Et profecto, postquam Phereponus ejusque sodales, Ambrosiani caeci *Miraculum stratagemata* nuncupare fas putant, quomodo & increduli non idem quoque dicere sibi licitum arbitrentur de caeco Evangelico? *Interrogabant*, inquit Ambrosius, *Judaei parentes, quomodo videt filius vester? Quum ille diceret; Caecus quum essem, modo video. Interrogate alios, si mihi non creditis. Interrogate eutraceos, ne ad stipulari mihi parentes putetis. Detestabilior istorum, quam Judaeorum pertinacia. Illi quum dubitarent, vel parentes interrogabant. Isti occulte interrogant, palam negant, jam non operi increduli, sed auctori.* Verum excusatione etiam minus digni sunt nuperi Hagiomachi, quam veteres Arii & Eunomii sectatores. Isti enim recentiores post jam repressas evidentialia rei illorum calumnias, ex putidis adhuc suspicionibus testatissima ea prodigia ludibriis & dolis accensere pergunt. Si locum fraus habuit in illa Inventionem, in iis Martyribus, atque Miraculis: quei tam felix fraus esse potuit, ut detegi nunquam potuerit, eamque deprehendere nunquam licuerit Arianis praesentibus? Sine multorum ope neque Inventio, neque Miracula confingi potuere. Sine totius Populi conspiratione caecus simulari non poterat subita oculorum luce donatus. Ariani tum rerum potiebantur; praesentes erant. Imperatoris auctoritate in suae Haeresis patrocinium abutebatur praesens & ipsa Justina Augusta. Quis commodior locus, quodnam opportunius tempus, quo imposturam ac figmenta Ambrosii detegerent Ariani; atque aeterna ignominia Episcopum ejusque Ecclesiam operirent, suam vero Fidem ab eo periculo vindicatam gloriose extollerent? Poterant minis, tormentis, ac praemiis extorquere veritatis confessionem a Severo, totque aliis, quos ab Ambrosio pecunia corruptos distabant. Necesse est veritas & evidentialia Miraculorum longe fortiores fuerint, quam Arianorum maligni conatus atque calumniae. Neque porro segnes in inquisitione rei ac testium fuerunt Haeretici. *Isti occulte interrogant, palam negant*, inquit Ambrosius. Immo tanta fuit vis & lux veritatis, ut factum ipsum negare ne ipsos quidem Arianos potuisse, sanctus vir innuere videatur.

Quae vero haecenus dicta, (a) vim quoque habere debent) pro tuenda veritate complurium aliorum prodigiorum, quae sanctorum Martyrum & Confessorum ope variis temporibus peracta narrantur a gravissimis Episcopis, & oculatis atque incorruptis viris, & a prudentibus Historicis, quos neque ab ignorantia, neque a nimia

cre-

(a) Al. valere quoque debent.

credulitate neque a pravis affectibus ad ea constringenda, temereve credenda fuisse pertractos appareat. Non enim heic agitur de universis Miraculis a censura vindicandis, quae neque Ecclesia probavit, & quae credere vel non credere nihil refert, & quorum non modicam partem ab hominibus nullius iudicii ac nominis, dubiaeque ac sublestae fidei, litteris proditam Catholici ipsi aut abijciunt, aut sibi tam facile credendam non putant. Miracula tantum defendimus testatae fidei, & ad sanioris Criticae leges exacta. Ita nemo nisi petulans fidem illis prodigiis negabit, quae sanctus Augustinus in Lib. 22. de Civit. Dei refert, quum ex iis pleraque ab omni fraudis ac fabulae suspitione longe absint. Alia contigisse Miracula ad Sanctorum tumulos atque Reliquias, testantur Basilii, Gregorii duo, Nazianzenus & Nyssenus, Hilarius, Hieronymus, Chrysostomus, Isidorus Pelusiota, Basilii Seleuciensis, Theodoretus, Maximus Taurinensis, Asterius Amasenus, Aeneas Gazaenus, ut innumeros alios Episcopos & Patres praeteream. Rei seriem non ab incertis rumoribus, sed aut oculis suis ipsimet, aut ab aliis fide dignissimis testibus acceperunt. Tales Ecclesiae proceres mentitos heic omnes fuisse, & in imposturas consensisse, fidem omnem superat. Falsa ac temere credita posteris narrasse, incredibile pariter est. Certe ab his erroribus atque criminibus sua se auctoritate, doctrina, integritate vitae, prudentia, ac zelo Religionis, facile ipsi defendunt, & iniquissimas Haereticorum suspensiones avertunt.

Sed mihi temperare non possum, quin insigne illud argumentum commemorem, quo sibi visus est Phereponus Historiam sanctorum Martyrum Protasii ac Gervasii enervare posse. Ait enim, ita Ambrosium rem describere, ut narrationem suspectam reddat. *Invenimus, inquit Ambrosius, mirae magnitudinis viros duos, ut prisca aetas ferebat. Quae vero aetas? Heroicae, postquam homines decre-scere coeperunt?*

Nam genus hoc vivo jam decrescebat Homero.

An etiam tribus saeculis, quae a Christo nato ad Constantini tempora fluxerunt, grandioris erant staturae homines, quam quarto aut quinto saeculo? An angustior erat statura Martyrum, quam aliorum, aut major fiebat post mortem? Nemo, ut opinor, credit. At nemo etiam, ut opinor, non miretur, Phereponum Chritices peritum, & non vulgaris ingenii hominem, tam levia nobis propinasse. Sed quid non facit litigandi prurigo? Quando solida argumenta desunt, verba

Tom. X. P. I.

R r r

fal-

saltem ac sophismata dentur. *Ante annos prope mille, vates ille Homerus non cessavit minora corpora mortalium, quam prisca, conqueri: sunt Plinii verba Lib. 7. Cap. 16. Nat. Hist. Id quoque Juvenalis a Pherepono laudatus, Solinus, Phlegon, sanctus Augustinus, alique Scriptores memoriae tradidere. Virgilius etiam Lib. 12. Aeneid. de ingenti saxo, quod Turnus in Aeneam intorsit, haec habet:*

*Vix illud lecti bis sex cervice subirent,
Qualia nunc hominum producis corpora sellus.*

Ea itaque opinio invaluerat, procerioris staturae omnes fere homines fuisse Heroicis, quam subsequutis temporibus. Et fidem opinionis conciliabant corpora mirae magnitudinis subinde humi reperta, de quibus legendi Plinius ipse, Virgilius in Georg. Pausanias, Plutarchus, Gellius, & alii, immo recentiores etiam Scriptores; nam & proxime praeteritis saeculis eorum quaedam deprehensa fuerunt. Aliqui, sed admodum rari, subinde visi, qui ad gigantaeam molem excrescerent, iique idcirco priscae aetatis hominibus dicebantur similes. Ad eum ergo morem respexit Ambrosius. Quum sacra Martyrum corpora recens effossa communem hominum staturam multum excedere vidisset, talia & ipse appellavit, qualia priscae aetatis corpora fuisse ferebantur. Quid ergo heic sibi velit Phereponus, nemo facile intelligat. An Homericae opinioni sese opponere? Id per nos ipsi liceat. Non idcirco minus verum erit, inusitatae magnitudinis fuisse corpora Gervasii ac Protasii? Istamne sacrorum Martyrum proceritatem in dubium revocare? At ianumeri Mediolanenses praeter Ambrosium ejus rei testes fuerant, quibus per durs dies Martyrum ossa exposita scimus. Num dubitat, an primis tribus a Christo nato saeculis ejus proceritatis homines exsistere potuerint? Certe Phereponum de hac re dubitare quamplurimi Historici non sinunt, atque experientia ipsa; nam raros quidem, sed tamen aliquos, saeculo quovis, hujus staturae homines vixisse constat. Augustinus ipse Ambrosii aequalis Lib. 15. Cap. 9. de Civit. Dei affirmat, se incredibilis magnitudinis ossa vidisse. Tum haec addit: *Nostri temporibus rari quidem, sed nunquam ferme defuerunt, qui modum aliorum plurimum excederent.* Numquid tandem suspicatur Phereponus, ab Ambrosio corporum illorum magnitudinem tanquam caeleste prodigium atque mysterium venditam fuisse? Ille hercle insulsus & ridendus, qui Ambrosium adeo infantem atque delirum suspicari audeat. Quae Martyrum statura foret, & an illa major post mortem fieret,

fieret, certe non ignorabat vir magnus, qui nempe Romae & alibi innumera conspexerat martyrum ossa. Neque ab ullo docendus erat, aliene hominum statura fuerit tribus primis Christianae Epochae saeculis, quam saeculo suo, quum priscæ duntaxat aetati, videlicet temporibus ante Homerum transactis, proceritatem corporum, tanquam rem cunctis hominibus eo aevo communem, ipse tribuat. Nullum heic ergo mysterium, nullum caeleste Miraculum Ambrosius considerat; sed quia rarum esse noverat, saeculo suo homines reperire tantæ proceritatis, quanta in Martyrum illorum corporibus apparuerat, raram hanc istorum qualitatem tacendam non putat, illamque quasi obiter memorat. Solus cavillator alia in Ambrosii verbis somnare poterat; solus pessimus Logicus affirmare, Ambrosium ipsum narrationem suam suspectam reddidisse.

Graviora in speciem videntur, sed aequè imbecilla sunt & confidentiae plena revera, quæ posthaec subdit Phereponus. E daemoniis ad sacra λείψανα confluentibus, nonnulli contra Arianos, eorumque haeresim clamant. Id Herculeum Aristarcho fulcrum est, ut sub aliorum sententia dicat, non amplius esse dubitandum, quin Ambrosius rete illud per fraudem concinnarit. *Lege, inquit, cetera, ubi torti Diaboli, ope horum Martyrum, Arianos opportunissime damnant; nec amplius miraberis esse, qui stratagema hoc Ambrosianum fuisse censeant, quo plebem sibi devinciret, Justinamque & Arianos perterrefaceret, excogitatum.* Gemina huic argumentationi sunt, quæ ipse alibi disserit, ideo e mentita appellans ad Martyrum tumulos peracta Miracula; quod ista Superstitioni propagandæ inservirent. Verum quidnam aliud hoc est, quam obvias quaestiones e præjudicatis opinionibus, quanquam falsis, confidentissime dirimere? quod quantum a ratione abhorreat, non ita pridem edidicisse Phereponum ipsum arbitror. Quum animo istius antea insederit, Superstitionem esse sacrarum Reliquiarum cultum? (qua in opinione reliquos Novatores concordēs habet), immo etiam crediderit, Arianos, quamvis tot Conciliis & rationibus profligatos, propius ad veritatem, quam Catholici, accessisse: non immerito se inde argumentari ita posse sibi persuasit: ergo Miracula ad Sanctorum Reliquias confici nequeunt; ergo divinitus extorqueri a Daemonibus confessio non potuit adversus Arianos; ergo nonnisi fraudulentis artibus Ambrosii, tota illa scena peracta est. Quid, si falsissimæ forent, ut eas esse nos reipsa dicimus, præceptæ animo Phereponi opiniones? Nonne tota illius machina e vestigio ruit? & porissimum quum nulla verisimilitudo


sit, ea Miracula conficta fuisse, aut potuisse confingi? Nam, quod est *ad plebem sibi devinciendam* Arianisque timorem incutiendum, jam vidimus, Ambrosii auctoritatem, sapientiam, pietatem, atque constantiam tam periculosis ac impiis non indignis praesidiis; ipsumque, etiamsi indignisset, non fuisse usurum ad Fidem tuendam, quam sanguine & veritate, non pravis artibus atque imposturis propugnandam esse sciebat.

Ergo nudam, ac inanem, nullisque solidis rationibus stipatam, immo temerariam quoque & impiam esse, suspensionem suam, Phereponus ipse, si Criticus bonus, si Christianus est, deprehendet. Quaedam enim narrationes, quae facta vultum veritatis amittere jam non possunt, si tantam vim habere debet haec argumentandi ratio? Videlicet Auctori aut Historico id utilitati, atque existimationi est: ergo confictum id, falsumque est, aut certe in Auctore, sive in narrante fraudem suspicari licet. Si valere debent hujusmodi suspensiones, Ethnicorum nomine imposturae notam pariter objicere possit Phereponus Tertulliano, Origeni, Cypriano, Lactantio, & ceteris Christianae Fidei defensoribus, qui confessione Daemonum in Ethnicos ipsos tam saepe utuntur. Quid autem Scriptores illos ab hujusmodi accusatione defendit, quod similiter in Ambrosii defensionem non congruat? Deinde nonne Christi ac Apostolorum prodigia ad sanctissimae doctrinae veritatem confirmandam, & Christi missionem probandam adhibita fuere, ut habetur Jo. V. 36. X. 38. & XIV. 12.? Mirabiliter igitur Christo, ejusque causae prodigia per ipsum patrata inferviebant. Quid si incredulus quispiam stratagemata & illa suspiceretur, quibus Judaicam plebem sibi Christus devinceret, ac Phariseos sibi insensibilissimos de auctoritatis solio deiceret? Id quidem jam faciet incredulus, auctore ac praeceptore Pherepono; sed iniquissime faciet. Multo etiam magis instabit iste; nam & in Evangeliiis Marci & Lucae Daemones mali se ab Jesu tortos conqueruntur, ejusque caelestem potentiam fatentur, Filiumque Dei altissimi appellant. Nolebant his habere fidem pervicacissimi Judaei, quorum patrociniū quis non videat a Pherepono incautissime tandem susceptum, & perfidiam excusatam? Poterant enim & illi objicere adversus Christi prodigia, quae Phereponus contra Ambrosii Historiam objicit. Sed tam illi temere ac perperam egissent, quam iste. Hujusmodi quippe suspensiones quando gravioribus aliis malae fidei indiciis destituuntur, & praecipue quum ab aliis refelluntur gravissimis bonae fidei indiciis, id unum praestare possunt, ut in suspiciosis homi-

homi-

hominibus malignitatem, livorem, & obfirmatum contra veritatem animum prodant.

Pherepono itaque nos non injuria crimini vertimus, quod arma Ethnicis atque incredulis ministret. Quod Religioni & Ecclesiae Christianae eripiat potentissimum illud argumentum Veritatis e Christi, Apostolorum, aliorumque Sanctorum hominum prodigiis operibus petitur. Quod suspecta faciat rum ad mortui Elisei cadaver in veteri Foedere peractum insigne Miraculum, de quo in Lib. IV. Regum mentio habetur, tum curationum prodigia in novo Foedere facta per Pauli sudaria ac semicinctia aegris admota, dum eadem mirabilia ad sacra quoque Martyrum ossa, testibus viris incorruptis facta, fieri ipse posse negat, virtutemque ejiciendi Daemones, a Christo Sanctis suis in Evangelio promissam, suspectam ipse faciat. Crimini etiam vertimus, quod ex meris tantum ac fallacissimis suspicionibus denigrare ac lacerare famam non erubescat virorum gravissimorum, & omnium fere sanctorum Patrum, quos quum ille Impostores velit, nescio cui amplius in posterum credendum sit, & nescient increduli, quid amplius putandum sit de Religione & Ecclesia Christi. Propterea prudentiae, famae ac Religioni suae melius consuluisse Phereponus, si ab hisce abstinuisset, quae quid ab ejus Critica aliis in locis sperandum sit, satis ostendunt. Sed nos jam alia expectant & vocant.



CAPUT DUODECIMUM.

Cultus Religiosus, Angelis ac beatis hominibus adbibitus, contra Phereponum defenditur. Superstitionis suspicio frustra heic a Pherepono injecta. Preces pro piis defunctis auctoritate Scripturae sanctae Traditionisque nituntur. Non aliter sentit sanctus Cyprianus, cui Tertullianus praeivit. Votum sacrae Virginitatis praestantius, quam Nuptiae. Phereponi objectiones repelluntur. Apostoli apertum suffragium pro Dogmate isto.

NON solis Sanctorum Miraculis, sed eorum etiam cultui religioso bellum indicit Batavus, sive Tigurinus Censor: quodque mirandum magis est, id facit auctore ipsomet Augustino. Dixerat hic in Lib. de vera Relig. Cap. 55. de Angelis loquens: *Honoramus eos caritate, non servitute; nec eis Tempa construimus, nolunt enim se sic honorari a nobis, &c.* Phereponus ista expendenda relinquit iis, qui volunt Angelos cultu δουλείας, hoc est *servitutis*, coli. Videant (inquit pag. 485.) quomodo se sentire & loqui cum Augustino, dicere possint. At quantopere cum Augustino consentiant Catholici in colendis quum beatis Angelis, tum reliquis Sanctis, ipse Phereponus nullo negotio didicisset, nisi ea tantum corrogaret, quae suo sunt consentanea ingenio. Agit heic Augustinus de illa *servitute*, quae supremum Numinis cultum significat, atque a Graecis appellatur λατρεία. Non autem negat, alterum illud *servitutis* genus, cui δουλεία nomen est, a mortalibus exhiberi debere caeli proceribus, & certissimis Dei amicis. Audi Augustinum Lib. 10. Cap. 1. de Civ. Dei: λατρείαν, inquit, nostri, ubicumque sanctorum Scripturarum positum est, interpretati sunt *servitutem*. Sed ea *servitus*, quae debetur hominibus, secundum quam praecipit Apostolus, servos dominis suis subditos esse debere: alio nomine Graece nuncupari solet. λατρεία vero, &c. aut semper, aut tam frequenter, aut paene semper, ea dicitur *servitus*, quae pertinet ad colendum Deum, &c. Idem aliis verbis alibi scribit, sed potissimum Lib. 20. contra Faustum Cap. 21. ubi simul docet, colendos esse religioso cultu beatos Dei famulos. Illo cultu, inquit, qui Graece λατρεία dicitur, Latine uno verbo dici non potest, quum

quum sit quaedam proprie Divinitati debita servitus, nec colimus, nec colendum docemus, nisi unum Deum. De sanctis vero Martyribus ita loquitur: Colimus ergo Martyres eo cultu dilectionis & societatis; quo & in hac vita coluntur sancti homines Dei, &c. Erigere Tempia, offerre sacrificium, aliaque huiusmodi, uni reservata Deo, nefas est impendere in Angelorum Martyrumque cultum, sed aliam *servitutis* honorariae speciem, quam *Duliam* appellamus non prohibemur, sed jubemur praestare Sanctis quos tamen conservos Dei si simul agnoscimus. Cui hoc nomen non ardeat, alio utatur, dummodo rem teneat.

Quod vero Phereponus subdit, nimirum jam Augustini aevo quaedam coepta esse fieri, quae quanquam a prudentioribus damnata, paulatim intromissa fuere; inquit enim idem Augustinus in Lib. 1. de Morib. Eccl. Cathol. Cap. 34. *Novi multos esse sepulcrorum, & picturarum adoratores*: haec, inquam, Phereponi monita, nescio quid prodesse possint Novatorum scholae. Nam quis certo affirmare possit, Augustinum ibi de sepulcris & picturis Christianorum loqui, & non potius de Paganorum? Quod si de Christianis talia inter suos agentibus scribit Augustinus: quid mirum? Superstitio locum habere poruit ac potest in Ecclesiae Catholicae ritibus, ac praecipue in Sanctorum atque Imaginum cultu, dum Fideles sint quidem, ut ipsius Augustini verbis utar, *profissores nominis Christiani, sed professionis suae vim nescientes, neque exhibentes*. Ab his arcessendam non esse doctrinam Orthodoxae Religionis, neque ex istorum exemplo expendendam esse praestantiam Catholicae Ecclesiae, rectissime aiebat Augustinus in eo Libro. Id & nos nunc repetimus. Quod faciendum & credendum praescribit Ecclesia nostra, hoc intueri, non vero quod in ista Ecclesia sit, aut creditur ab imperitis & impiis. In eo veritas & sanctitas; in hoc superstitio & fallitas. Et revera ipsemet Augustinus tum alibi, tum Lib. 8. Cap. ult. de Civ. Dei, Memorias, sive Sepulcra Martyrum, & eorum Reliquias honorandas esse docet; significatque apertissime, qualis opinio induenda sit Catholicis, quum quaedam in honorem cultumque Martyrum fiunt. Ea autem Augustini verba quum in oculos & ipsius Phereponi incurrerint, non sine aliqua animadversione dimittenda esse ipse iudicavit. Inquit igitur pag. 381. *At pompa qua ferebantur Reliquiae, honor qui iis genuum flexione deferrebat, invocationes Sanctorum, &c. persuadebant Ethnicis. Martyres colis, quasi quoddam genus inferiorum Deorum*. Tum addit, neque Ethnicos multum a vero aberrasse; nam & Christianos

non-

nonnullos offendebat hic idem cultus. Quamobrem censet, Augustinum heic Rhetorum more, dissimulatis his, quae ab Ethnicis obiciebantur, respondisse. Nonnullorum Christianorum nomine, quos male habebat Martyrum cultus, unum Vigilantium, & alterum Eunomium indicare voluisse, ac potuisse, Phereponus mihi videtur. At quota, quaeso, Christianorum pars duo homines sunt; & quales, amabo, ut eorum suffragium universae Christianorum Ecclesiae opponi possit? Nil facilius, quam in quacumque Republica duos, immo etiam plures invenire, quibus fastidio sint patrii mores, suaeque Religionis ritus. Atqui huiusmodi fastidiosos, & audacissimos homines statim compressere viri sanctitate atque eruditione clarissimi, quibus certe ignotum non erat, quid esset Deo, quid beatis ejus famulis debitum, & quid foret Idolorum, Deorumque ^(a) falsorum cultus.

Subit autem Censoris nostri confidentem eloquentiam demirari, quando is dissimulatam ait ab Augustino Ethnicorum hac in re accusationem, idque Rhetorum more. Nam quid aliud in eo Cap. ultimo Lib. 8. de Civ. Dei praestitit Augustinus, quam ostendere, quantum intersit inter cultum divinum hominibus mortuis ab Ethnica Superstitione delatum, & religiosum honorem delatum Martyribus a Religione Christiana? Primo differre ait honorum & rituum genus; nam & Sacrificia & Delubra mortuis offerebant Ethnici, a quo tanquam a peculiari Divinitatis signo abhorrebat Christiana Respublica. Deinde ostendit, ab animo illorum differre omnino in iis ritibus atque honoribus animum istorum. Ethnici tanquam Deos veros, & adoratione uni Deo debita, suos mortuos prosequiebantur; Christiani contra nunquam suos mortuos apothecosi donarunt, nunquam Deos censuere; & quos honores habuere suis Martyribus, fuisse quidem signa religiosae venerationis, non autem divini cultus, & mentis ad Latrariam propensae. Animus autem atque intima persuasio ea est, quae ritus & sermones honoris causa conceptos ad bonum aut malum trahit. Decernere vero, qui ritus superstitioni aut verae pietati conveniant, quive tolerandi sint & probandi, aut improbandi, sive non ferendi, ad Ecclesiam, & ad Apostolicam Sedem pertinet. Et hanc in rem volo Phereponus noster audiat, quid forte Theophilus quidam Alethinus (hominem puto perquam carum Pherepono ipsi) scripserit in notulis ad Tom. 3. Theolog. Dogm. Dionysii Petavii, Lib. 15. Cap. 2. de Incarn. *Us verba*, inquit, *valebant usu, ita & gestus, qui modo sunt civiles, modo religiosi, pro*
tempo.

(a) Addita nuper vox *falsorum*.

temporibus & locis, possuntque Deo colendo & hominibus acque pro consuetudine adhiberi. At interna illa adoratio, qua id quod colimus, consideramus ut unicum ac summum Numen, proptereaque reveremur ac precamur, ad unum illud Numen pertinet. Sed possunt esse: & sunt alii inferiores cultus, dignitati rei quae colitur, attemperati, absque idololatria ulla. Quod semper probe observandum. Vide & ibi Petavium.

Augustinus ergo in eo loco postquam dixit, honorari quidem Martyres eorumque Memorias, a Christi fidelibus Ethnicorum accusationem atque suspensionem omnem evertit, monens, neque Sacerdotibus, neque Templis, neque Sacrificiis (quae uni Deo tantummodo sunt debita) honorari sanctos Martyres; reliqua vero venerationis signa eisdem exhibita, ex obsequio religioso, non autem ex opinione Divinitatis descendere, immo in ipsius Dei gloriam concedere, quicumque honor Sanctis defertur. Quod quum dicit, occupat una responsione, quidquid unquam aut objecerant, aut objicere poterant Ethnici adversus Martyrum cultum. *Quaecumque, ait, adhibentur religiosorum obsequia in Martyrum locis, ornamenta sunt Memoriarum, non sacra, vel sacrificia mortuorum, tanquam Deorum. Dixerat supra: Honoramus Memorias eorum tanquam sanctorum hominum Dei, &c. ut ea celebritate & Deo vero de illorum victoriis gratias agamus, & nos ad imitationem salutarum coronarum adhortemur, &c.* Quapropter quid objicere Ethnici potuerant, aut poterant, ut apud Christianos polytheismum ostenderent, quod suo sermone & explicata mente Christianorum, Augustinus jam non contriverit? Et ne quis Martyres saltem quasi quoddam genus inferiorum Deorum coliputaret, addidit ille: *Non ipsi, sed Deus eorum nobis est Deus.* Et infra. *Nos itaque Martyres nostros nec divinis honoribus, nec humanis criminibus colimus, sicut colunt illi Deos suos, &c.* Quod Augustinus olim pronuntiabat, nunc etiam Ecclesia Catholica profitetur, Idololatriae a nostrorum temporum Haereticis insinulata, sed ab hujusmodi calumnia vel a sincerissimis inter ipsos Haereticos jamdudum liberata.

Ab Angelis aliisque beatis caeli civibus ad reliquos Christianos, qui decesserunt in signo fidei, & dormiunt in somno pacis, transit Pheroponus noster; atque ut illis religiosum honorem habendum negat, ita istis nihil prodesse Fidelium preces affirmat. In Lib. de Cura pro mortuis habenda auctor est S. Augustinus consuevisse Christianos offerre Deo preces pro mortuis fidelibus, quod officium

ipsis profuturum sperabant apud Deum. Phereponus heic insurgit, inquiens: *Sed locum aliquem Scripturae, aut revelationem certam hanc in rem proferri oportuit; qui enim novit Augustinus hoc velle Deum, ut preces Ecclesiae profint post mortem nonnullis, quum alium sis ea de re silentium, &c. Non enim satis est ut possit hoc fieri; quum multa enim Deus non vult, quae potuisset velle?* Sed Augustinus laudaverat locum II. Machab. XII. 43. ubi legimus oblatum pro mortuis sacrificium. Nihil refert: pergit enim Phereponus interrogare: *Sed ubi Lex talia sacrificia iussit, aut ubi Deus se adinventis ab hominibus sacris propitium fore promisit?* Percontor ego a Pherepono, utrum sibi computentur inter Canonicas Scripturas priores duo Machabaeorum Libri, an non. Si postremum, videat ille, qui tot alios divinarum Scripturarum Libros demonstrare contra gentem incredulam possit caelo probatos. Tolle Ecclesiae Auctoritatem atque Traditionem, ruat necesse est potissimum argumentum, quo nintur divina origo Litterarum sacrarum. Sin, uti videtur, Canonicus est Pherepono is Machabaeorum Liber, quem universa olim Ecclesia Canonicum habuit; & Catholica nunc habet: quid est, quod illic non legit Phereponus haec verba: *Sancta ergo* (sicuti Vulgata legit) *& salubris est cogitatio pro defunctis exorare, ut a peccatis solvantur?* Hinc novit Augustinus, & noscere Phereponus potuit, velle Deum, ut preces Ecclesiae profint post mortem nonnullis; divino quippe oraculo probatur illa Judae Machabaei actio atque opinio.

Praeter Scripturae sacrae documentum illud, cui quaedam alia, etsi non adeo perspicua, accenseri possunt, adhibet Augustinus auctoritatem Ecclesiae universae, quae usum precum pro mortuis habet, & habendo utilem piuinque, & ab Apostolis descendentem ostendit. Rursus ergo Phereponus in ista erumpit: *At quis docuerat Augustinum, a temporibus Apostolorum nullis pravas opiniones, ac consuetudines sensim irrepere potuisse?* Nullum Dei legitur hanc in rem promissum, eademque est ratio hominum in Republicam Ecclesiasticam ac in Civilem coeunium; nec in hanc magis quam in alteram, malae consuetudines sensim irrepere possunt. At quis docuit Phereponum, eandem esse ac fuisse rationem Civilis atque Ecclesiasticae Reipublicae in perversis consuetudinibus admittendis? Deinde hanc consuetudinem qua de agimus, esse perversam, nullumque hanc in rem legi promissum Dei? Nos jam vidimus, in Machabaeorum Libris probari Deo preces & sacrificia pro mortuis. Quod si ne ullis quidem in Libris Canonicis expressa legeretur divina revelatio istius doctrinae: at-

tamen

tamen satis esset, Traditionem certam haberi de ista revelatione in Ecclesia Dei. At istud procul dubio revelatum fuisse, atque probatum ab Apostolis, hinc discimus, quod Augustini aeo *universa pro defunctis Ecclesia supplicare consuevit*, ut ait idem in eodem Libro. Hic autem locum habet regula celebris ejusdem sancti Augustini Lib. 4. Cap. 24. de Baptismo contra Donatistas: *Quod universa tenet Ecclesia, nec Conciliis institutum, sed semper retentum est, non nisi Auctoritate apostolica traditum vestissime creditur*. Ab Ecclesiastica vero nimium quantum differt Civilis Respublica. Nihil ibi impensius commendatur, ac ingeritur auribus tum Episcoporum & Cleri totius, cum reliquae etiam plebis, quam nihil esse innovandum; & pravas opiniones perverasque consuetudines impediendas atque averruncandas; & imminere certum salutis periculum dissimulanti, silenti, & sinenti aliquid novi aut sentiri aut fieri, quod aperte aut tacite doctrinam Christi atque Apostolorum aliqua ex parte laedat. Tam religiose, tam sollicite huic suo muneri hucusque Ecclesia Catholica respondit, ut vix nova quaequam falsa opinio, nova aliqua mala consuetudo emerferit, quam aut Concilia, aut Romani Pontifices, aut alii Episcopi, Patres, Scriptoresque pii atque eruditi non representerint, non damnarint. Aliter se gerit Civilis Respublica.

Et ostendat, si potis est, Phereponus ipse originem consuetudinis istius; quamvis enim quod ait: *de origine precum pro mortuis vide Johann. Fellum ad Epist. 1. Cypriani*, Lectoribus spem, aut metum ingerat hujusce originis inveniendae: Lectores tamen se deceptos sentiant, ubi ejusdem Felli notas atque argumenta pensabunt; & cum ipsis sancti Cypriani verbis conferent. De Victore quodam ait sanctus Episcopus: *Non est quod pro dormitione ejus apud vos fiat oblatio, aut deprecatio aliqua nomine ejus in Ecclesia frequenterur*. Quid refert, quod Fellus ostendere contendat, pro Martyribus non oratum fuisse olim? Id certissimum est; at illic res minime erat de Martyre quopiam. Nullis vero tabulis Fellus prodit, pro ceteris fidelibus cum figuo fidei vita defunctis preces ad Deum non fuisse praestitas, neque speratum inde ipsorum refrigerium. Immo idem ille Cypriani locus evidenter ostendit, preces pro fidelibus mortuis tunc in more Ecclesiae fuisse, quando intercedit, ne pro homine illo fiant. Deinde cedo magistrum Cypriani, Tertullianum videlicet, qui Ecclesiae suorumque temporum hac in re consuetudinem nobis edisserat. Inquit is in Lib. de Monogamia c. 10. de Vidua: *Enim vero & pro anima ejus (mariti) orat, & refrigerium interim adpos-*

stulas ei, & in prima resurrectione consortium, & offert annuis diebus dormitionis ejus. In Cap. seq. *Orabit*, inquit, *pro maritis suis novo & vetere.* Quibus ex verbis intelligis, quid etiam senserit sanctus Cyprianus, quantumque ab ejus mente abhorreat Felli sententia, & rursus quam antiqua sit formula illa, qua etiamnum in sacro faciendo locum *refrigerii lucis ac pacis* Fidelibus Catholicis vita sanctis a Deo precamur. Et quum Tertulliani aevo, hoc est, uno aut altero saeculo post mortem Apostolorum, ista passim in Ecclesia peragerentur, uti ex aliis etiam ejusdem Tertulliani locis confirmari potest; quumque in eam rem consentiant tum Concilia, tum Graeci Latinique Patres; tandem intelligere cogimur, non aliunde quam ex Apostolica Traditione venisse hujusmodi consuetudinem, Quod si *magnum & certum lucrum Ecclesiasticorum* Phereponus (pro more suae gentis) heic objicit nobis: rogandus ille primo est, ut ostendat, hujus opinionis ope jam tum ab Augustini, Cypriani ac Tertulliani aetate Clerum sibi quaesivisse divitias. Tum animadvertendum, aliud esse pervertitatem aut bonitatem opinionis alicujus, aliud vero lucrum quod ex eadem opinione educi potest: nam homines improbi tam bona quam mala doctrina abuti possunt in sui commodum atque utilitatem. Necessesse est igitur, ut ipsam opinionem Phereponus recta aggrediatur, Christianoque Dogmati contrariam ostendat: quod tamen denuntiamus, ipsi nunquam possibile futurum, quando tam antiquis legitimisque fundamentis nostra sententia nititur, & ad aliud considerationis genus spectant, quaecumque aut laudandae, aut vituperandae consuetudines in usum illius opinionis inventae hucusque fuerunt.

Ad haec litem non Augustino tantum, sed universae Catholicae Ecclesiae indicit Phereponus, quod apud nos majori sit in pretio ac laude studium sanctae Virginitatis, quam honestae Nuptiae. Catholicam sententiam expresserat atque illustrarat Augustinus in Lib. de sancta Virginitate. Phereponus vero in Animadversionibus ad eundem Librum pag. 563. monet, Conjugium opus esse, quod sine magna virtute peragi ac sustineri non possit. *Pecula enim multa imminet conjugatis, multae tentationes incumbunt, ex quibus sese, ut Christianos decet, expedire semper non est facile.* Tum enumeratis hisce periculis atque laboribus, subdit: *At qui coelibem vitam agunt nullius curam gerunt nisi sui, nec indigent tanta virtute ad se solos sustentandos, & viam virtutis calcandam, quae multo minoribus periculis cincta est.* Quibus ex verbis concludit, Coelibatum non solum

non

non esse rem, quae per se magis Deo placeat, quam Matrimonium; sed etiam esse rem minoris quam Matrimonium virtutis. Augustinus autem id semper infortunii accidit, ut quae ipse profert, Rhetoricae tantum argutiae sint; quae vero Phereponus, solidissimae omnino rationes. Quare Cenfor monendos Lectores tandem arbitratur his verbis. *Qui haec probe expendit, non multum movebitur Rhetoricis argumentis, quae in hoc Libro deinceps sequuntur.* Felicem hominem, cui exiguo verborum apparatu semper datur immensam disjicere aliorum loquacitatem.

Quum inter Virginitatem, Deo dicatam, & Christianas Nuptias comparatio instituitur, quaeri potest, utrum facilius per illam, quam per istas, aeterna salus obtineatur: deinde utrum Virginitas ipsa per se praestantior & gratior Deo sit, quam Conjugium. Vide nunc, amabo, quo vergant Cenforis nostri verba: ad ostendendum nempe majora esse pericula atque incommoda Conjugii, quam coelibis vitae, majoremque idcirco esse in illo statu, quam in isto, necessitatem virtutis. Quod quum facit, utique strictim dicit, quod Hieronymus, Tertullianus, Basilus, Nazianzenus, Chrysostomus, alique fusissime scripserunt, & passim experientia testatur, sed simul contra suam mentem extollit praestantiam Virginitatis, quae eligatur intuitu Dei. Hinc enim constat, difficilius esse conjugatis, quam Virginitibus sacris, iter ad caelum, proptereaque praefendum esse conjugali coelibem statum, uti faciliorem tutioremque viam ad salutem. Quod autem inquit Phereponus, majori virtute ad Conjugium opus esse, quam ad Virginitatem: (quando hoc etiam illi daremus) nihil minuit, immo valde auget sacrae Virginitatis splendorem. Necessitas majoris virtutis in conjugatis, ut saeculi tentationes superent, caelumque obtineant, infirmitatem prodit medii, videlicet Conjugii, quo utantur ad tam eximium finem consequendum. Ex multis enim itineribus, per quae ab infelici hoc exilio ad beatissimam patriam conscendi potest, illa minus laudanda, minusque eligenda sunt, quae magis dubiam faciunt consequutionem finis, facileque longius a patria deviare valent. (a) Aliter inter hominum status praefendus ille foret, per quem difficilius ad Regnum Caelorum devenitur, qualis est militia, mercatura, aliave instituta, negotii saecularis plena, & mille periculis ac tentationibus obnoxia, majorique idcirco virtute indiga, ne salus aeterna perdatur.

Audi

(a) AL. Secus. Vox substituta clarior.

Audi nunc Phereponum in haec verba loquentem: *Coelibatum non esse rem, quae per se magis placeat Deo, quam Matrimonium, sed cum esse demum illi gratiorem, in alterutro sit statu, qui praeceptorum ejus est observantior.* Nempe non considerat homo, alioqui non hebes, eo ipso gratiorem Deo futurum, qui Virginitatem illi dicavit, non solum quod hunc uti aptiorem divinae legi observandae elegerit statum, sed etiam quod bonum Animi potius, quam Corporis quaerat, & quod ea quae sunt Saeculi, repudiet, carnisque voluptatem ideo contemnat, ut spiritu promptiore ea quae sunt Dei mediteretur ac faciat. Deinde praeter illam difficilem atque laudabilem in Virginitate abstinentiam a voluptatibus venereis, considerandum est votum, animusque hominis ipsam Deo Virginitatem voventis. Heic sita virtus praestantior, heic major laus virginis. Excello animo vilia, & periculosa, & belluina oblectamenta mundi rejicit: magnum hoc est. Majus est rejicere, ut Deo expeditius vacare possit. Confer igitur Nuptias, & sacram Virginitatem. Sunt illae humanae fragilitatis atque infirmitatis subsidium, laudabile & sanctum profectio, & Christi gratia in Matrimonii Sacramento consecratum. Votum autem Virginitatis non sine magna virtute est, immo est magna virtus. Illic delicias, sive oblectamenta quaerimus, illic desideria Concupiscentiae implentur; heic vero fortiter superantur ipsae carnis illecebrae, heic Pietatis simul ac Temperantiae heroicae vires exercentur; & castitas, mensque cum corpore Deo dicantur, ut eo pacto liberioribus pennis evolare homo possit ad Deum, vitamque imitari Angelorum.

Atque haec sunt, quae Apostolo non experientia solum, sed caelesti etiam prudentia edocto in 1. Cor. VII. persuasere, ut *Virginitatis* studium Nuptiis apertissime, neque uno in loco, praeferret. *Qui sine uxore est, (inter cetera ait) sollicitus est quae Domini sunt quomodo placeat Deo. Qui autem cum uxore est, sollicitus est quae sunt mundi, quomodo placeat uxori, & divisus est. Et mulier innupta, & virgo cogitat quae Domini sunt, ut sit sancta corpore & spiritu &c.* Infra addit: *Igitur & qui matrimonio jungit virginem suam, bene facit; & qui non jungit, melius facit.* Quae verba non ignoravit ipse Phereponus; sed eludere se posse speravit, inquiens, Apostolum professum se ita loqui propter instantem necessitatem, hoc est; propter tempora illa, quibus graves persequutiones fervebant. Nescio quas eo tempore persequutiones Phereponus ostendere posset inter Corinthios, quum certe rem praesentem, non futuram indicare videatur

deatur Apostolus per vocabulum *ἐνσώματος*. Deinde verba illa plerique tum Graeci tum Latini Interpretes aliter exponenda censent, ut nempe loquatur illic Apostolus sive de saeculi molestiis & incommodis, quae conjugalem statum consequuntur, & *carnis tribulationes* infra appellantur, sive de angustia mortalis hujus vitae, sive de aliis hujusmodi necessitatibus. Sed quid plura? Virginitatis praeferendae rationem non ad ulla persequutiones tunc ferventes, sed plane ad generaliore causam, quae cuique tempori conveniat, Paulus aperte refert: nempe quia necessitates conjugalis vitae, impedimenta sunt, quominus expedite libereque Deo homines serviant & placeant. Id constat e verbis nuper laudatis. Ipse itidem Apostolus agnoscit in Virginibus sacris excellentem quandam sanctitatis speciem, quae earum statui, non autem conjugali, convenit. Inquit enim: *Et virgo cogitat, quae Domini sunt, ut sit sancta corpore & spiritu*. Quibus verbis laudat, propriamque Virginum dicit non solum immaculatam puritatem carnis, sed etiam abstinentiam ab opere & voluptate carnali. Ceterum negare nemo potest, quin homo conjugali vitae addictus Deo magis interdum placeat, majorique virtute abundare possit, quam alius quisquam sacrae Virginitatis cultor; uti neque negare quisquam audebit, quin temere nonnumquam, suisque viribus parum perpensis, homines Coelibatum Deo voveant. At quorsum haec? Non est in culpa thesaurus, si ille expiletur, qui se ad custodiendum obrulerat. Quod si conjugato cuipiam major interdum probitas sit, quam virgini alicui: tribuenda est hujusmodi praestantia aliis Virtutibus in illo homine conjunctis, quae faciunt, ut in Conjugio sancte inito sancte vivatur, & salutare homini fiat ipsum Conjugium. Rursus aut vitia, aut ipsarum defectus virtutum in causa esse possunt, ne Virginitas Deo dicata meliores majoresque in homine fructus probitatis ferat. Verum paribus circumstantiis positis, procul dubio Virginitas sacra, quam Conjugium, aptior atque efficacior erit, ut quis Deo placeat, ipsaque proinde Virginitas ex ipsius Dei amore electa Deo placere plus debet, quam Nuptiae.

CAPUT DECIMUMTERTIUM.

Mendacium semper malum. Ejus patrociniū a Pherepono susceptum positis quibusdam circumstantiis; sed sine ulla valida ratione. Jo- ci nonnulli ex mendaciorum familia excludendi. Phereponi calumnia diffidantis, Patres tam rigide fuisse insensos mendacio, ut ipsi postea tutius mentirentur.

IN Libris de Mendacio, & contra Mendacium, atque alibi etiam, pluribus ostendit sanctus Augustinus, peccatum esse quodlibet Mendacium, cui revera Mendacii nomen conveniat, quum nempe causa atque intentione alterius fallendi enunciat- tur falsum. Phereponus autem aliqua Mendacia agnoscit, quae culpa careant. In Animadvers. ad Cap. 5. Lib. de Mendacio, *Ponenda sunt, inquit, tantum tria, quae diximus. Primum est, nullum esse oportere animum nocendi mendacio; alterum ejusmodi debere esse mendacium, quod nocere revera non possit; tertium denique, non esse aliam viam, qua imminens malum vitetur.* Eadem repetit Phereponus in Animadvers. ad Cap. 18. Lib. contra Mendacium. Et in ista qui- dem sententia praeivere Censori nostro quum ex Ethnicis Philosophis atque Scriptoribus nonnulli, tum nonnulli etiam e Christianis, ex iis praecipue, qui scientiae politicae praecepta litteris consignarunt. Inter hosce potissimum recensere juvat duo carissima Pherepono ca- pita, Erasmi videlicet, & Grotium, & nostris etiam temporibus Samuelem Pufendorfium in Libris *de Jure Naturae & Gentium*. Quicumque autem iis sunt Mendaciorum patroni, ita saecularem quamdam respexisse utilitatem mihi videntur, ut naturam dignita- temque Veritatis tunc obliti fuerint. Illa scilicet sublimis, ac innata Deo Virtus, immo Deo ipsimet adeo congenita, ut Deus sit ipsa Veritas, delicata pulchritudine constat, omnemque abhorret atque exhorrescit oppositae falsitatis speciem. Etenim quum simul verum & falsum consistere non possint, necesse est, ut qui falsum velit, quacumque tandem e causa id velit, Veritatem eodem tempore, quantum in se est, perdat atque pessundet. Nihil medium occurrit. Atque hinc fit, ut velle falsum in alterius hominis mente (quod profecto vult quicumque mentitur), idem sit ac velle Veritatis ne- cem, proptereaque velle malum eligere.

Mendacium ergo intrinsece malum est, sicuti & *omne falsum est secundum se malum, & fugiendum*, ut Aristoteles ait. Ejusmodi autem quum sit Mendacium, nullo colore dealbari, melioremque naturam induere nunquam potest. Porro duplici jure mendax homo injurium se praebet, Divino, ac Naturali. Divino; Deum quippe ipsum offendit, dum Veritatem ipsam, seu veracitatem mendaci lingua laedit. Naturali; jus quippe Naturae exigit, ut nemo sponte alterum fallat, sive in errorem inducat, nemo falsum decipiendi alterius causa tradat, nemo sermonis humani mirabili instrumento ac praestantissima institutione abutatur ad labefactandam fidem in hominum commercio. Ac propterea Philosophorum nobilissimi, & plerique Sanctorum Patrum, quorum dux Augustinus, omnesque Catholicae Scholae Theologi, nullum esse casum statuerunt, in quo Mendacium, dum revera sit Mendacium, non sit etiam malum, & culpaie infimulandus mendax non sit, quanquam ea in mentiando esse culpaie levitas interdum possit, ut ei veniam facillime sperare liceat. Huc faciunt divinarum Scripturarum documenta, nempe Proverb. XIII. 5. *Verbum mendax justus detestabitur*. Et Proverb. XXX. 8. *Vanitatem, & verba mendacia longe fac a me*. Et Colofs. III. 9. *Nolite mentiri invicem*. Et Psal. V. 7. *Perdes omnes, qui loquuntur mendacium*. Et Ecclesiastici VII. 14. *Noli velle mentiri omne mendacium*; quod idem est ac edicere, ut nullum proferamus Mendacium. Mitto alia Scripturarum loca.

Videamus nunc, quibus rationibus ducatur Phereponus in contrariam sententiam. Sed ille nullas affert. Haec tantum addit ad ea, quae supra retulimus: *In hisce sane circumstantiis licitum esse debet mentiri, si non illicitum sit joco mentiri, quod per Augustinum licet. Vide Cap. 2.* Utique auctor est Augustinus Cap. 2. Lib. de Mendacio, joca nunquam putata fuisse Mendacia: *habent, enim, inquit is, evidentissimam ex pronuntiatione, atque ipso jocantis affectu, significationem animi nequaquam fallentis, etsi non vera enuntians*. Sed nescio, qui hinc inferre potuerit Phereponus, licitum quoque esse mentiri, positis circumstantiis a se enumeratis. Malitia Mendacio insita eam habet originem & causam, quod animus mentientis vult verum corrumpere, dicere falsum, & alterum hominem fallere. In jocis hic animus perversus atque inordinatus abesse potest, & plerumque revera abest, nam qui jocatur, saepe ac saepius alterius decipiendi voluntate caret, idque pronuntiat falsum, quod probe scit ab audientibus sive legentibus esse detegendum, & accipien-

dum tanquam falsum, non tanquam verum. Quare neque veritatem jocator hujusmodi laedit, neque proximum fallit; ideoque e Mendaciorum numero, joca ita composita excluduntur, & culpae notam effugiunt. Verum in casibus a Pherepono propositis manifestissimum est, & decipi alterum, & veritatem laedi, & falsum ita enuntiari, ut mentiens directe aut indirecte velit alterum fallere. *Ex hoc ipso, quod aliquis scienter falsum loquitur, falsitatem intendit significare: ideo completivum in definitione Mendacii ponitur intentio fallendi; sed quasi materiale falsa vocis significatio.* Ita sanctus Thomas in 3. d. 38. q. 1. Art. 1. in corp. Mendacium igitur in iis casibus locum habet, atque adeo turpido illa quae Mendacium consequitur, inde excludi non potest. Sed, inquires, mendaci tunc nullus est nocendi animus, & Mendacium ipsum obesse per se ipsum nequit, nullaque alia homini via restat evadendi periculi. Quis de ita mentiente queratur? Cui injuria tunc infertur? At non solum animadvertendum est, per illum semper noceri, qui mentiat; mendax enim, quantum fert ejus actio, errorem semper & falsum in alterius ingerit aut vult ingerere mentem: sed etiam statuendum est, internam e Mendacio turpitudinem ex eo non tolli, quod neque sit in mentiente nocendi voluntas, neque vis nocendi in ipso mendacio, dum falsum enuntietur animo alterius fallendi. Nam ut ut concedamus, mentientem in eo casu, alterius vitae, honori, ac rebus nihil officere, attamen juri ipsius Veritatis adversatur, quam ille, quantum in se est, offendit atque conculcat, & facit ut in proximo pereat. Eodem pacto invisum Deo pergit esse Adulterium cum femina, quamvis ipsius vir in eam actionem consentiat, & quamvis non aliter vel ipsius vitae periculo te eidem actioni subducere nequeas. Idem dicas de aliis operibus ac dictis, ex sua natura atque intrinsece malis, quae illa ratione minime excusantur, quod neque alteri noceant, neque alia sit imminenti periculi effugiendi via. Recte propterea Augustinus Quaest. 68. in Levitic. *Mendacium, inquit, non possumus dicere tunc tantummodo esse, quando proximus laeditur; quum enim falsum ab sciente dicitur, procul dubio Mendacium est, sive illo quisquam, sive nemo laedatur,*

Quod si reponas, jocos etiam dari, quibus falsiloquium subest, atque intentio alterius fallendi: ego isthaec peccati nomine accusabo, quia tum re ipsa Mendacia erunt, & veritati inimica. Ubi tum quaelo est evidentissima illa ex pronuntiatione, atque ipso jocantis affectu significatio animi nequaquam fallentis, cisi non vera enuntiantis,

nis, quam Augustinus deprehendit in reliquis jocis, a se excusatis? Et revera sentiunt complures, iique praestantes Theologi, inter quos sanctus Thomas, joca etiam, quibus Mendacii nomen convenire possit, referenda esse in catalogum culparum, modo quidem gravium, sed fere semper levium. Ipiemet Augustinus post verba a nobis nuper recitata haec addit: *Quo genere (jocorum) utrum sit utendum perfectis animis, alia quaestio est, quam modo enodandum non suscepimus.* Quibus ex verbis intelligis, vel ipsa illa joca quae sancto Augustino Mendacia non putantur, ejus tamen esse naturae, ut jure dubitetur, num homini ad perfectam vitam anhelanti convenire possint. Quanto magis idem dicas de jocis intentione fallendi, & veritatis adulterandae causa prolatis, quae revera Mendaciis accensenda veniunt?

Sed novam scenam, novam peripetiam repente huc inducit Phereponus noster. Qui nobis nuper Augustinum exhibuerat nimis rigidissimum in execrando quocumque Mendacio, eundem rursus deprehendit mendacem, & quidem basilice. Nec putes, inquit Censor, qui usque adeo ab utili & necessario Mendacio abhorreere se dicebant, tam rigidos fuisse veri satellites, ut nunquam emolumenti causa mentirentur. Contrarium persuadent tot ficta Miracula ad venerationem plebis quibusdam Ecclesiis & Basilicis conciliandam, totque Rhetoricae fictiones, &c. Neque heic sistit acutissima Phereponi acies. Causam quoque perpexit, quare tantum odium adversus Mendacium Catholici Episcopi prae se ferrent. Si liceat, addit, id quod suspicamur proloqui, non alia de causa multi in licita Mendacia, qualia descripsimus, tam acriter invehebantur, quam ut postea in rem suam fructuosius mentirentur. Simpliciores enim homines non suspicabantur ab iis sibi fucum fieri, qui tam insensos profitebantur se mendacio. Si & nobis licet heic, non quod suspicamur, sed quod nobis certum videtur, proloqui: dum haec Phereponus ait, non bonum, sed perversum se prodit Criticum, ut gravioribus parcam nominibus in ipsum jure convenientibus. Age enim edicat nobis suspiciosus iste vir, num inter Protestantes quoque Adulterium, & reliqua libidinis experimenta, Avaritia, fraus, aliaque ejusmodi scelera locum habeant, aut unquam habuerint. Non negabit, puto; immo inter aliquos ex ipsis eorum Sacerdotibus atque Theologis, si verax esse ariet, fatebitur istam pestem & olim, & nunc vigere. Atqui non dubito, quin ii quoque Theologi tum voce tum scriptis in ipsissima illa scelera invehantur. Quae si ita sunt, quid quaeso reponeret Phereponus

reponus homini Religionis nullius vinculis obligato (quales fortasse multos ipse novit sibi vicinos) dicenti, non alia de causa Protestantium Pastores atque Theologos ea flagitia detestari, quam ut alienis feminis tutius abutantur, & fraudibus rem suam utilius promoveant? Rideret, irascereturve Phereponus. Nihil enim magis in comperto est, quam hujusmodi vitia & simul ab iis cognosci ac praedicari Deo rectaeque Rationi invisa, & nihilominus vel ab ipsis noscentibus atque praedicantibus, vitio humanae naturae interdum eligi atque amari.

Eadem & Phereponus, & quisquis alius, de Augustino reliquique Catholicis necesse est dicat. Objiciat ille nobis, quaecumque vult, Miracula ficta aliaque religionum hominum Mendacia. In criminum istorum Auctoribus damnandis, si qui sunt, nos quoque concordēs habebit. At quo argumento persuadere sibi aliisque poterit, eum in finem Mendacia quaelibet, tum ab Augustino, tum ab aliis Catholicis affectato odio fuisse proscripta, ut ipsi liberius deinde atque utilius mentiri possent? Homines fuere. Quam aliam quaeris causam, cur mentiri nonnumquam ex iis quidam fuerint? Scilicet meliora videmus, melioraque aliis suademus, ac deteriora saepe nos sequimur. Quanquam quid dico? Quum mitiora semper sentire de omnibus hominibus nos jubeat recta Ratio, & prohibeamur suspitionibus nulla ratione innixis alienam gravare famam; quanto minus id nobis liceat, quum de Augustino, Episcopis, Theologis, aliisque tum sanctitate morum tum doctrinae soliditate eminentibus viris, sermo occurrit? Neque tanta simplicitas ac inopia mentis in Augustino ejusque similibus erat, ut Mendacia detestari, simulque in Religione mentiri tutum putarent, quum unus quispiam emunctae naris homo posset sacrilegam fraudem deprehendere, ejusque auctores exhibilandos detegere. Praeterea neque tanta in iis malitiae atque iniquitatis copia excogitari potest, ut qui publice praedicarent, uti *magnum scelus* (sunt haec Augustini verba) & *primum genus detestabilis mendacii*, mentiri in Religione & pro Religione, hac arte eadem sibi tutiorem utilioremque ad mentiendum viam aperirent. Demum quoniam ab Augustino, illiusque similibus confecta Miracula Phereponus rite demonstrat? Inmo nemo acrius, quam sanctus Augustinus (quod & fecere ceteri Sancti Patres, atque Concilia) execratus est pias hujusmodi & sacrilegas fraudes. Videat igitur Phereponus, dum talia de tantis viris suspicatur, dumque adeo temere tam horrenda illis crimina affigit, cur perversi accusatoris nota inurendus non sit. Certe maligni declamatoris nomen non effugiet.

CAPUT DECIMUMQUARTUM.

Criticae Artis abusus non unus, & Pherepono potissimum familiaris. Quae de conversione sua ad Deum Augustinus narrat, Superstitionis ac fraudis inique insimulantur ab eodem Censore. Depulsa ab Augustino inanis gloriae quaesitae accusatio, a Pherepono in ipsum concinnata propter Libros Confessionum. Ejusdem Augustini virtutes & sanctitas variis Phereponi calumniis & sophismatibus creptae. In Mallio Theodoro laudando an excefferis Augustinus. Sinceritas ejusdem vindicata ab objectionibus Phereponi. Non in controversia cum Sancto Hieronymo, non in cooperatione sua ad Episcopatum, non in declarando Heraclio Successore suo Augustinus peccavit.

Sed quando in hanc arenam ingressi sumus, dimittendus tam facile non est Phereponus, majorique cura exigendus est ad normam Criticae Artis homo ille, qui inter Criticos & Criticae Magistros non bonam quidem, sed magnam sibi jamdudum comparavit famam. Criticam heic latiori significatione capio, quam ab Eruditis nonnullis capiat; hoc est, eristicam Artem illam, studiumque intelligo, quo alienos in litteris, five in doctrina, errores acute investigamus, & deprehensos censoria virga percutimus. Id licitum, id honestum, id Reipublicae perquam utile, simulque necessarium est. Nam unde tot errores, ac fabulae, & dogmata stolidi, nisi e Criticae inopia? Unde recti judicii, meliorisque eruditionis restitutio, nisi e Critica restituta? Sed quasdam hujusce Artis leges ac praecepta percurramus oportet. Ejus finis est, Veritatem five Theologicam, five Physicam, Historicam, &c. invenire, & falsum persequi, aliisque vitandum ostendere. Sed tam solite cauteque Veritas investiganda atque prodenda est, ut Christianae simul Caritatis, ut Modestiae, ut Justitiae maxima ratio habeatur. Quamobrem a maledictis & conviciis perpetuo abstinendum; calumniae non legnius quam pestis fugiendae; hominem gravem ars mimica, virulentae irrationes, declamationesque minime decent; in errores vero potius, quam in errantes dimicandum; tibiue, vel quum triumphas de errore deprehenso, exuenda omnis ambitio. Non
ita

ita aliorum vituperationi insistere, ut quae in adversario laudem promerentur obliviscaris, multoque minus in illius probrum retorqueas. Tum duntaxat acri ac subirato stylo aut venia; aut licentia erit, quum in perditos, impios, & effrontes, sive iniquitatis, sive impietatis sibi notae amatores, & in apertos calumniatores, hoc est, in conclamatos aut Religionis verae, aut veritatis, aut virtutis hostes, pugnandum erit. Ceterum placide agere decet adversus illos, quos non perversus animus, sed humani intellectus atque naturae infirmitas, a bono & vero deviavit. Quo modulo si quando utendum, tum potissimum uti opus est, quum accusandos & corrigendos suscipis magnos, celebresque viros; & tum quoque lenitati adjungenda reverentia erit, quum Christianae Religionis Patribus, & Episcopis, non doctrinae minus quam sanctitatis fama per omnium ora commendatis, dicenda dies erit, veritatis causa id exigente nonnunquam. Ita veritati laboranti simul succurras, ut neque tuae, neque aliorum dignitati quidquam detrahatur. Si secus fiat, non perverfae tantummodo indolis, & ambitus, & malevolentiae, aliorumque vitiolorum specimen dabis, sed ipsam plerumque Veritatem, ut ut solertissime quaeras, in itinere perdes.

Atque hae quidem praecipuae forsitan leges morum in Arte Critica, quas nunc, ut puto, nihil interest rationibus, aliisve documentis confirmare atque tueri. Juvat potius experiri novis exemplis num Phereponus se talem heic prodiderit Criticum, qualem postulat recta Ratio. Narrat Augustinus Lib. 8. Cap. 12. Confessi, improvisa vocis *Tolle, lege, tolle, lege*, admonitione totum se fuisse conversum ad Deum. Primo *Superstitionem Erbnicam, ex fortuitis vocibus omina captantem*, reperit heic Phereponus. Deinde subdit, si cui singulari providentia divina id factum videatur, oportere ut ostendat, opus fuisse ejusmodi *Miraculo, quo Augustinus intelligere posset sibi legendam Scripturam sacram, ut ex ea rescirer, quid sibi agendum esset*. Quod quum quotidie audiret a Catholicis, non videt Censor, cur confugiendum sit ad miraculum. Tandem ait, *Rhetorem nostrum omnia exaggerare, quibus persuadere poterat, non agi heic de homine vulgari, sed singulari vocatione divinitus ad Ecclesiam allecto: quae tamen ex alius calamo rectius fluxissent*. En ergo Augustinum supersticiosum, dum omnia captat; en ridendum, quod fortuitam vocem audiens, Miraculum putet, atque id aggrediatur, quod tam crebrae Catholicorum adhortationes obtinere ab ipso nondum quiverant; en denique Rhetorem, & callidum quidem, qui omnia exaggerat, ut se tanquam caelestem hominem venditet.

Gratiae Pherepono, qui non & impostorem, fictaeque narrationis propalam nobis heic Augustinum exhibuerit. Sed postquam ne ipse quidem Cenfor eo usque progredi est ausus: oculos mentemque omnium appello, ut perspiciant, quibus oculis hunc Augustini locum Phereponus legerit. Improvisam illam vocem audit Augustinus, ignorat auctorem; & dum Concupiscentiae, divinaeque Gratiae pugna in ejus corde acrius aestuaret, vocem ipsam interpretatur tanquam divinum oraculum, quo ad repetendam sacrarum Scripturarum lectionem incitetur. Paret inspirationi, perculsusque Apostoli verbis, sibi primum forte objectis, totum se Deo exinde dicat. Haec narratio Augustini. Quid heic quaeso Rhetorici artificii? quanam *exaggeratio*? quanam calliditas? Lege verba Augustini. Historicam narrationem puram putam illic deprehendes; quam si veram putas, mirum est qui accusare possis Rhetorico aliquo colore sive figmento corruptam. Sed vitio vertendum est Augustino, quod talia narret, quum haec *rectius ex aliorum calamo fluxissent*. Ipsum Augustinum nequaquam dedecuisse hujusmodi narrationem, ille idem fateatur, qui adverbio *rectius* est usus. Multoque magis id perspiciet Lector, nihil in ea narratione inveniens, quod laudem Augustini vel leviter insinuet. Non suas illic virtutes, non sanctitatem, non Miracula evidenter commemorat ille; sed fortuitam tantum vocem, unde consummata est conversio sua; dicit se acceptam retulisse singulari divinae Gratiae auxilio. Quis hominem arguat, quod misericordias Domini in aeternum caniet? *Ignorare sua bona*, utar Erasmi verbis in Praef. ad ipsas Confessiones sancti Augustini, *stupiditatis est; non praedicare Domini benignitatem, ingratitude est; non expendere in utilitatem proximi, quod acceperis, impietas est*. Visiones ac revelationes propheticas, caelo auctore, experti sunt clarissimi & sanctissimi viri; iidemque etiam evulgarunt. Vide Ignatii Martyris Epist. ad Philadelph. & Dionysii Alexandrini Epistolas apud Euseb. & Cypriani loca multa a Dodwello collecta, & Ambrosii Epistolas, ut alios omittam testes, quos bene multos in haec & similia haberem.

Inquit autem Phereponus, non videre se, cur confugiendum heic sit ad Miraculum, quum prodigio nihil opus esset, ut intelligeret Augustinus sibi legendam esse sacram Scripturam, quando toties id a Catholicis audiverat. Neque videt acutissimus iste Cenfor, quam inter se differant, nosse utilitatem ac necessitatem caelestis illius lectionis, & ad ipsam lectionem sese reipsa convertere. Nemo nostrum ignorat, quam periculosa sit ac misera peccatoris servitus;

& non

& non exinde tamen ad sortem honestatemque iustorum confurgimus. Illud facere ad intellectum, hoc ad voluntatem spectat. Tum vero ipsa quoque voluntas vincula dirumpit ac abjicit, quum interna Dei Gratia nos adjuvans Concupiscentiam vincit, torpentemque animum fortiter ad se rapit. Innumeris autem modis aversos a se homines Deus ad virtutem vocat, atque perducit. Non fuerit Miraculum id, quod Augustino contigit: num propterea non licuit Augustino insuetam illam ac repentinam vocem singulari providentiae Dei tribuere, quae illum juberet consulere Codices sacros? numquid nefas fuit interpretari tanquam peculiare Dei munus, in ea Apostoli verba statim incidisse, quae morbum Augustini protinus ac tandem confecere? Immo & Christianae pietatis est, & humilitatis, haec ita interpretari, totumque hoc tribuere immensae Numinis clementiae. Atque ita faceret quicumque alius sana doctrina ac Religione vera imbutus, & a Phereponi schola alienus, eodem loco fuisset, quo Augustinus, dum sibi non absimilia contigissent.

At quod magis prodit, Phereponum unice illuc inhicare, ut quantum fieri potest, in Augustinum congerat probra, illud est, quod primo loco objecit, nempe opus hoc Augustini *redolere Superstitionem Ethnicam, ex fortuitis vocibus omnia captantem*. Utique in nullius animum unquam tam delicata religio intravit, ut Superstitionem atque Ethnicismum objiciendos heic putaret Augustino. Ideo Ethnicam aruspicinam, & omnia Gentilibus dudum usitata, neque satis adhuc e medio sublata, nos execramur, quia e caussis omnino incongruis edificare se posse homo putat futuros rerum eventus Deo soli perspectos, & curiositate perversa ac temeraria ad ominandum, auguriisque fidem habendam, se abripi finit; & Superos ipsos hujus delirii sui auctores sibi aliisve fingit. Quid simile in Augustini facto? Hinc tumultus Concupiscentiae, illinc dulcissima Gratiae vox incertum & anxium faciunt. Ad inopinatam illam vocem suas aures percutientem affurgit Augustinus; eandem pro caeli causa interpretatur; ad legendas Pauli Epistolas accurrens locum sibi opportunissimum offendit; & fructus interpretationi respondet. Curiositatem nocentem heic mihi, si potes, inveni; aut causam prorsus ab effectu absconam; aut in interpretante stoliditatem, immo propriam aliquam ominis faciem. Compertum habemus, Deum velle nos omnes salvos facere, ipsumque adeo quorundam salutem conversionemve curare, ut eos non internis tantum externisque stimulis, sed patentibus prodigiis ad se rapiat. Vim quoque adhibuit Saulo spiranti minas & caedem

caedem in Discipulos Domini. Alios etiam ad Episcopatum, ad Ere-
mum, ad Monasteria, ad bonam denique frugem hujusmodi arte so-
licitavit, quorum exempla si congerere huc velimus, facile abuteremur
Lectorum patientia. Ipse Augustinus memorat hoc loco sancto Anto-
nio Anachoretæ similia contigisse. Quapropter etsi ne tam aperta
quidem sit plerumque vox caeli in hilce circumstantiis, attamen pie
sapienterque id perpetuo faciunt, qui ita omnes eventus interpretantur,
ut sibi persuadeant, se per illos divinitus a peccato revocari, & ad
justitiæ amorem impelli. Tantum proinde abest, ut superstitione la-
borarit, quod Augustinus egit, ut contra commendandus sit, quod
e voce, si ita etiam vis, omnino fortuita, occasionem arripuerit in-
stituendæ vitæ Christianæ. Atque utinam Augustinum in pari ca-
su imitarentur caelo obsequentem, quicumque eum imitantur contra
caelum peccantem.

*Quid mihi est ergo cum hominibus, ut audiant Confessiones
meas, &c.* Sunt verba Augustini Lib. 10. Cap. 3. Confess. Ansam
hinc sumit Phereponus carpendi Augustini, quod Confessionum Li-
bros scripserit: *Sunt qui suspicentur* (Censoris verba sunt) *quum
multa Augustino, ob priorem vitam, ab adversariis, quos non paucos
habuit, objicerentur, eum Confessiones hasce scripsisse, quasi Apolo-
giam quamdam obliquiorem, in qua fateretur, veluti apud Deum,
quod negare non poterat; cetera vero praetermitteret, aut emolliret,
& quaecumque ad honorem suum facerent, quasi aliud agens exaggera-
ret. Quæ suspiciones, quamvis forte iniquiores sunt, ex inusitata ta-
men nascuntur ratione, qua Augustinus cum Deo garris, atque arguta-
tur, Rhetoricoque fucō, quo pictæ sunt hæc Confessiones.* Mirabar, si
non & heic Rhetoricorum fucum Augustino Phereponus objiceret;
intercalaris quippe hæc apud illum accusatio necesse est, sive oppor-
tuna, sive inopportuna, sæpe recurrit. Sed quinam sunt isti, quos
talìa de Augustino suspicari Phereponus ait? Ego neminem alium
novi præter Erasmus, qui in Praefat. ad Libros Retractat. & Con-
fess. aliqua hujusmodi suspicionum semina injectit, inquit, Augusti-
num tam diligenter in Confessionum Libris vitam omnem suam dep-
roxisse, *ut iniquior aliquis suspicari possit, non prorsus abfuisse hu-
manum affectum* *κεκοδοξία*, seu *φιλαυτία* cuiuspiam *affinem*. At Era-
smus ipse, quanquam homo prurientis linguae, multus est in pur-
gando Augustino ab ista accusatione, idque tam solide atque ex ani-
mo facit, ut laudatorem eximium, non vituperatorem Augustini se-
se heic præstet. Quinam ergo sunt ii, quos non solum suspicari pos-

Tom. X. P. I.

V v v

se,

se, uti Erasmus ajebat, sed revera nunc suspicari, Phereponus fateatur, latere simul atque apparere ambitionem Augustini in Confessionibus istis? Patiatur ergo Phereponus, heic non aliorum, sed meas me quoque prodere suspiciones. Si Phereponum excipias, nemo talia de Augustino est suspicatus, sive suspicatur. Rhetoricus iste color est, quo invidiam Augustino constare se posse putavit Phereponus, simulque a se amoliri injustae criminationis, malignique judicii invidiam. Nempe qui tories, atque iniquissime, Rhetoricam Augustini culpat, subinde religioni sibi non ducit, ejus Artis coloribus abuti, ut sanctissimum & clarissimum virum infamia oneret.

Habemus ipsos Confessionum Libros. Huc volo sinceros iudices. Ego vero nihil dubito, quin cordatus quisque sentiat ac fateatur, longe nimium abesse Augustinum eo in Opere ab inanis gloriae siti, atque ab amore sui. Immo paucos mihi ostendas Libros, quibus in amorem Dei vehementius excitentur legentium animi atque affectus. Ad haec passim, & minime conquesta modestia, & germana humilitas, & servens pietas Scriptoris elucet, ut pium quemque simul aedificare soleant, & impios convertere ad Deum possint. Nulla autem minus aequa, immo magis perfidiosa suspicio est, quam quae sibi fingit, Augustinum conscribere ista voluisse, partim ut nonnullis, quae sibi objiciebantur, enarratis, certa aut praetermitteret, aut emolliret, & partim ut quaecumque ad honorem suum facerent, quasi aliud agens, exaggeraret. Necessè est enim, qui ita suspicatur, judicium totius antiquitatis de Augustini pietate damnet, & oculos omnium rideat, qui in ejus Libris Scriptorem sanctissimum, & pietate nulli secundum adhuc inveniunt. Deo, non hominibus, loquitur pius ille vir in Confessionibus; Deo, inquam, ut Erasmi verba describam, *confitetur, cui mentiri nec pium est, nec tutum*. Ergo Augustinus, si suspensionem Phereponianam auscultamus, credidit, se Deum atque homines decipere posse Confessionibus illis. Horret animus talia cogitare de tanto viro, & de Libris iis, qui contrarium omnino sonant. Sed ipse quoque Phereponus iniquitatem suspensionis istius tandem agnovit & confessus est; nam postquam temperare sibi non potuit, quin adderet *esse multos* (quinam quaeſo) *qui φιλανθρία ingentem, religionis specie ractam, heic videre se putant*; subdit tamen, hosce homines ex eorum numero esse, qui sunt *promiores ad male judicandum*; & nimiam indulgentiam potius, quam nimiam severitatem, heic esse adhibendam. Quo verborum lenocinio, fucoque Rhetorico, quid aliud vult Phereponus, quam uno eodem-

eodemque tempore calumniari, & calumniatorem parum intentis oculis subducere?

Nunc autem repetendum est, ingeniis malevolis, & affectu occaecatis nihil aequè facile occurrere, quam omnia adversariorum dicta & facta in deteriorem partem accipere, & denigrare, & ridenda exhibere. Quantum id absit a *Christiana Caritate*, a *Iustitia*, atque a legibus germanae Criticae, nemo probus atque eruditus est, qui non e vestigio intelligat. An id Phereponus ignoret, non quaeram; certe se heic ignarum hujus doctrinae apertissime prodit. Et quod magis mirere, in hoc eodem loco Phereponus, Magistrum Evangelii agens, meminisse nos jubet, in *Evangelio*, ejusque auctore *Christo*, quaerendam esse vivendi normam, non in hominibus. Utrique optimis suis praeceptis pessime homo iste utitur, qui tot calumniis suspicionibus, tantoque livore famam Augustini aggreditur, judiciumque ceterorum hominum despiciens, in eodem facinora & vitia aut praetermissa, aut emolliata fingit, & hanc ipsam, aliasque accusationes sub alieno nomine perquam subdole proponit. Neque accusationibus contentus, sannas derisionemque adjungit, inquit, Augustinum inusitato modo garrere cum Deo, atque arguari. Sed ab hujusmodi ingeniis caveant sibi Job, David, ceterique Prophetæ; non enim video quid impedire id genus homines amplius possit, quominus & iis divinis Scriptoribus cum Deo differentibus insultent, aut exemplo sint aliis, ut insultent, quando sibi jam licitum censent irridere Augustinum tam piis affectibus cum Deo colloquentem. Ego multa huc pro Augustino asferre possem; sed tantummodo rogabo Phereponum ipsum, ut Christiano pacatoque animo legat, quidquid idem Augustinus ad alios calumniatores obrectatoresque suos respondit variis in locis, sed potissimum Enarr. 3. in Ps. 36. & Lib. 3. contra Epistolas Petiliani. Nisi enim tum incipiat & minus amare semetipsum, & magis revereri pietatem ac modestiam Augustini, aut unus ipse sapere dicendus erit, aut de illius ingenio erit profusus desperandum.

Levissima tamen videantur hæcenus memorata, si cum iis conferantur, quæ Criticus iste habet ad Cap. 38. Lib. 10. Confess. Miratur (pag. 476. Animadvers.) Augustino in mentem non venisse, fore ut Donatistæ, Manichæi, alique ejus adversarii dicerent, cum non displicere sibi, qui tamdiu non tam apud Deum, quam apud homines, de se & suis loquatur; & dum gravia peccata, quæ negari non possent, aut minuscula ambiciose prosequitur, laudes suas interea

minime omittit. Miratur etiam, eum veritum non esse, ne iidem adversarii heic desiderarent confessiones eorum, quae Baptismum ejus sequuta sunt, & quae in ejus vita habentur. Tum laxatis habenis acrius urget Augustini famam, inquit, malignos homines facile dicere potuisse, non esse mirum, si Arti Rhetoricae inter pueros venditandae valedixerit, ut majorem utilitatem, amplioremque honores in Ecclesiasticis muneribus sibi quaereret, & ambitioni suae atque impotenti cupiditati inserviret. Fuisse etiam, cur a Deo veniam peteret, quod sacras Scripturas interpretari sit aggressus, & tot volumina de iis scribere, quum necessariis subsidiis careret. Quod si paupertatem, aliasque virtutes Augustini quisquam memorasset, iidem dixissent, partim simulatas fuisse, partim falsas; ipsumque Augustinum iis artibus ad summam irrepsisse potentiam, quibus alii illustres utuntur. Et haec quidem maligni illi homines dixissent, aut dicere potuissent; nam quod est ad Phereponum, quanquam is accusationes hasce proponat, teterrimisque coloribus pingat, atque amplissimo sermone persequatur, non iis tamen fidem habet. Ad me quidem quod attinet (postrema sunt Phereponi verba) ut non sum credulus ejusmodi criminationibus; sic non diffincor me defensiones Augustini bisce de rebus, libenter lecturum fuisse.

Modestiam hominis hujus erunt forte qui mirentur; ego Rhetoricam potius, illiusque artificia. Sed libentius quoque, quam Phereponus, legerem fateor, quae haec adeo ingeniosa oratio a maledicentiae, & quidem impudentis, culpa excusari atque defendi possit. Nisi nos cucurbitas ille velit, sciat nos probe intelligere, Phereponum eum esse, qui heic alienis verbis Augustinum acerbissime criminatur, atque etiam tacite significat, nihil magis sibi cordi esse, quam jure vel injuria, opportunis atque inopportunis locis, & cum propriae etiam famae periculo divexare nomen ac libros sanctissimi hujus & incomparabilis viri. Verum quis hominem ferat tam iniquis armis insidiantem Augustino? Si ex ejus sententia maligni tantum homines haec dicere potuissent, quo nomine ipsum compellabimus, qui has accusationes & revera struxit, & callide proponit atque inculcat?

Rem tamen ipsam levi brachio attingamus. Quae heic Augustino opponuntur, obijcere potuissent Manichaei, Donatistae alique ejus adversarii, si Pherepono credimus. Potuissent, puto; nam quid odium & ira comminisci, & eructare non possunt? Non tamen objecerunt, quanquam irati, quanquam in Augustini vitam, nedum famam

famam furioſe animati, quanquam aliis in ipſum accuſationibus uſi. Cur tanta in iis temperantia, atque modeltia? Non alia fane de cauſa, quam quod Haereticis iis in mentem venire non potuit, criminationibus ejusmodi ſpeciem aliquam veri ſubefſe. Et cur *deſiderarent ab Auguſtino confeſſionem eorum, quae poſt ejus baptiſmum ſequuta ſunt*, quando nihil audire poterant, quod in contentis gloriā non conceſſiſſet? Novus campus carpendi Auguſtini Pherepono ſeſe aperuiſſet, ſi ea quoque facta, quae certe laude non caruiſſent, proſequutus fuiſſet Auguſtinus. Sed ab aliis ſeſe diſcat jam Phereponus. Multis criminibus obſectis Auguſtinum Petilianus Donatiſta etiam invaſerat. Ad eum palam haec inter cetera vir piſſimus reſpondebat Lib. 3. Cap. 2. contra Lit. Petil. *Jam quod ſequitur, eſſi mihi non audeo coaptare ut dicam: Nihil enim mihi conſcius ſum: fidenter tamen in conſpectu Dei dico, nihil eorum, quibus Petilianus tempus vitae meae, poſteaquam in Chriſto baptizatus ſum, criminatus eſt, mihi conſcius ſum, &c.* Infra idem repetit Cap. 10. & in ſuae innocentiae teſtimonium fidenter appellat quoſcumque ſuae vitae conſcios habere poterat. *De tempore, ait, vitae meae, quod eſt poſt Baptiſmum, vobis quicumque me noſtis, ſuperſtuo loquor ex eis, quae nota eſſe hominibus poſſunt. Hi vero, qui me non noverunt, non ita iniqui eſſe debent in me, ut magis de me credant Petiliano, quam vobis.*

Quod eſt ad accuſationem Auguſtini Scripturas ſacras interpretantis, reſpondebimus infra; uno quippe iſtu totum ſanctorum Patrum chorum, & univerſa antiquitatis ingenia, Phereponus noſter heic ferit. Quum vero ille, ſive maligni neſcio qui homines Phereponi ore loquentes, nil mirum eſſe dicunt, Auguſtinum valedixiſſe exiguis Rhetoricae Scholae emolumentis, ut in Eccleſia, hoc eſt in ampliore theatro, uberiorique cum fructu Artem ipſam exerce-ret, ſuaeque ambitioni lora feliciter laxaret; ſuperſtuum puto calumniae & maledicentiae notas in iſta accuſatione conquirere, quippe id in omnium oculos incurrere mihi videtur. Diceret, mirabili ingenio Auguſtini expellendae famis deſuturam fuiſſe rationem, niſi ad Eccleſiaſtica munia ſibi aditum aperuiſſet. Nemo eſt tam parum in Auguſtini vita verſatus, qui neſciat, quam longe vir ille piſſimus abierit a pravis hiſce affectibus. & cur magiſteri Mediolanenſis onus abjecerit. Repetita autem Africa nihil ille antiquius habuit, quam ſeculares curas, atque onine honorum genus effugere. Suis facultatibus in pauperes diſtributis Monasticam vitam amplexus eſt, jeju-

jejunii, orationibus, bonisque operibus vacans, donec post exactum triennium in eo sanctissimo vitae instituto, invitus, & nihil tale cogitans ad gradum Presbyteri ab universo Populo raptus fuit. Episcopatus sarcinam reluctans deinde suscepit; quo in munere quandiu vixit, eam sanctitatem morum, fugam divitiarum, continentiam, humilitatem, zelum, aliasque virtutes in se conjunxit, ut facile mirari debeas, difficile vero possis imitari.

Sed vide, qui se ab adeo evidenti luce Phereponus expediat. *Ea, inquit, maligni homines dixissent, partim simulationem esse, partim satis esse divitem, qui haberet, quod aliis largiretur, &c.* Malignos utique ac effrontes esse necesse est, qui talia blaterant, & quicumque alius non solum ista in Augustinum configere non erubescit, sed etiam placido animo tantam veritatis injuriam proferre sustinet. Cedo tabulas, testes, argumenta, quibus accusationem hanc fulcias. Ciceronis verba sunt in Orat. pro M. Coelio: *Aliud est maledicere, aliud accusare. Accusatio crimen desiderat, rem ut definias, hominem ut nover, argumento probet, teste confirmet.* Heic certe nihil habent, quo maligni criminationem confirment; immo innumera sunt nobis, quae accusatoribus os obstruant. Et illud in primis certum est, simulatorem virtutis, non eo pietatis, humilitatis, ac veritatis affectu scripturum fuisse, quae ubique legimus in Augustini Libris, neque facturum, quae ab Augustino facta fuisse dubitat nemo. Sed, ut vetus verbum habet: *Nil probat calumniator, criminatur omnia.* Interest autem hominum omnium non ferre ludibrium tale veritatis, & alienae famae; quorus enim quisque in posterum erit bonus, pius ac honestus, quem dejicere de loco, & execrationi quorumcumque exponere non valeas, si hypocrisim ac simulationem Virtutis, quando aliud non occurrit, objicere & promptum sit, & non illaudabile? Attamen habet heic Augustinus, quo se consoletur, exemplum videlicet divini Servatoris nostri, quem paribus calumniis excipiebant olim Pharisei. Quale vero exemplum habituri sint hujusmodi Censores, quo se defendant a crimine Sycophantiae videant ipsi. Ego non video.

Neque parum lepida est Phereponi exceptio contra Augustini paupertatem. *Satis divitem fuisse, inquit, qui haberet, quod aliis largiretur. & inde tantum sibi sumeret, quantum veller.* Honestissimae & Christianae paupertatis idea caret, qui haec scribit. Dives ille profecto dicendus est, Christi sectator, qui, ut Minutii verbis utar, *non eget, qui non inhiat alieno, qui Deo dives est.* Hic, inquam,
dives

dives germanam in se paupertatem fovet; nam non opum defectus, sed animus pauperem facit. Homo videlicet nihil cupiens, necessariis tantum contentus, & parcus sibi, & in egenos effusus, & pro Christo nihil proprium possidens: ille vere est pauper. Et mirum est, quei Phereponus, ab aliis Novatoribus discedens, non solum non damnat mendicitatem Monasticam, sed eandem quoque talem exigit, ut nihil habeat pauper Evangelicus, quod aliis pauperibus distribuatur. Quasi non habuerit Christus, non habuerint Apostoli, quae sibi ad victum atque vestitum necessaria forent, & quae egenis identidem dispensarent. Episcopum vero in primis hospitalem Paulus desiderat: quod fieri nequit, si nihil ei supersit in alios distribuendum. Illud etiam constat, Episcopos, non Dominos, non possessores esse bonorum Ecclesiasticorum, sed ministros atque oeconomos, eorumque Caritati potissimum commendatam esse pauperum curam. *Gloria Episcopi est, pauperum inopiae providere*, inquit sanctus Hieronymus ad Nepotian. de Vita Cler. Qua ergo ratione Phereponus & paupertatis gloria Augustinum spoliatur, eumque non patitur aliquid habere, quo hospitalem se praebeat, & aliorum indigentiae succurrat? Minus autem excusandus ille mihi videtur, dum & legere potuerit, & falsi arguere non potuerit, quae de Monastico Augustini instituto, vel post Episcopatum servato, scribit eruditissimus ille Monachus Benedictinus e Congregatione Sancti Mauri, cui debemus novissimam & accuratissimam Vitam Augustini. Liceat mihi pauca quaedam describere, quae ille ex variis documentis collecta habet. Lib. 3. Cap. 1. §. 8. *Quum Augustinus in Episcopii domo secum Clericos suos haberet, cum iisdem formam primorum Christianorum Hierosolymis degentium, quibus erant omnia communia, nihil proprium, quantum poterat, sectabatur. In illius societate nulli licebat suum aliquid dicere, sed omnia omnibus erant communia; & quotquot in eam admittebantur, hanc sibi legem sciebant impositam, &c.* Sic omnes Clerici cum eo pauperes erant, simul praestolantes misericordiam Dei ex redditibus possessionum Ecclesiae; vel ex oblationibus fidelium, quae singulis pro cuiusque indigentia distribuiebantur. Lege reliqua, uti & Cap. seq. 3. & 4. tibi que palam fiet, quantum alienus ab omni cupiditate Augustinus foret, & quam praeter jus, quamque inopportune Phereponus virtutes illius suspectas heic facere velit.

Pergit Cenfor gnauiter quaerere, ubicumque potest, Augustini crimina, & ubi non invenit, liberaliter ipse somniat, ac facit. In Animadvers. ad Lib. 1. Cap. 11. de Ordine pagin. 478. vellet ille

le nunc exstaret Opusculum Theodori de origine & natura mundi. Cur natum sit Pherepono tale desiderium, divinent quæso eruditi. Omnia puto excogitabunt; sed germanam fortasse causam non attingent, quam tamen sincerissime nobis Cenfor exponit. Ex eo enim, inquit, intelligere liceret, an heic ei aduletur (quod sane suspicor) Augustinus, pro more sæculi sui, quo, si umquam alias, immodicæ laudes in usu vulgari fuere. Votum profecto dignum tali Critico, ut si non aliunde certi, nihiumque certi essemus de illius odio atque livore contra Augustinum, facile vel ex hoc vestigio intelligere possemus. Et quænam tandem sunt, quæ heic Pherepono suspicionem adulationis ingessere? De Theodoro hæc scribit Augustinus: *Vir & ingenio, & eloquentia, & ipsis insignibus, muneribusque fortunæ, & quod ante omnia est, mente præstantissimus Theodorus id agit, ut & nunc, & apud posteros, nullum genus hominum de litteris nostrorum temporum jure conquerasur.* Dic obsecro, quid heic feriat Lectorem vel delicatissimum? Etiam si incomparabili ingenio, studioque litterarum non excelluisset Theodorus ille, nihilominus ea est ipsi ab Augustino tributa laus, ut neque laudatorem poenitere, neque laudato pudorem incutere deberet. Ad hæc non alius est hic Theodorus, quam Fl. Manlius Theodorus, qui a Claudiano & Symmacho summis extollitur laudibus, & eloquentiæ potissimum ac eruditionis gloria commendatur. Memorat ipse Phereponus Dissertationem Rubenii de Vita istius Theodori, quo ex libello elucet, quantus vir, quantusque Philosophus ille fuerit. Sed præcipue legendus est ejusdem insignis Panegyricus inter Claudiani Carmina. Attamen ne quid heic dissimulem, illustrem egomet auctorem Pherepono indicare volo, hujusmodi suspicioni faventem. Is Augustinus appellatur, Episcopus Hipponensis, cujus verba sunt Lib. 1. Cap. 2. *Retraet. Displicet autem illic (idest in Libro de Vita beata), quod Manlio Theodoro, ad quem Librum ipsum scripsi, quamvis decto & Christiano viro, plus tribui, quam deberem.* Sed hinc volo Phereponus ipse discat, num pronus ad assentandum foret Augustinus, & an parum rigidus sui ipsius censor esset, quando ne hic quidem sibi ignoscit. Aequi autem ac honesti Critici erat, ex hac potius retractione capere consilium laudandi Augustini, quam ex elogio illo occasionem arripere vituperandi. Quanquam quid dico? Ita me Deus amet, elogium illud retractandum Augustino non erat, quum tale sit, ut lividis tantummodo hominibus assentatorum videri possit. Et revera ab Augustino improbatum minime fuit. Retractionum verba ca-

ba ca-

ba cadunt super Librum *de Vita beata* inscriptum ipsi Theodoro, non super elogium Theodori in Lib. 2. *de Ordine* insertum. Deinde nihil aliud emendare in animum induxit Augustinus, quam quaedam in Praefatione ad eum Librum *de Vita beata* non satis graviter dicta, quae cum delicata pietate non bene componi posse putabat: cuiusmodi sunt: *Ad id, quod desidero* (hoc est ad obtinendam vitam beatam) *se unum intutor, seque apertissimum semper admiror, &c. Accipe, cuiusmodi auxilium abs te certus expectem.* Eadem repetit infra, inquit, *Obsecro te per virtutem tuam, per humanitatem, per animarum inter se vinculum atque commercium, ut dentem porrigas.* Hoc autem est, ut me ames, & a me vicissim se amari credas, carumque haberi. Quod si impetravero, ad ipsam beatam vitam, cui te iam haerere praesumo, parvo conatu facillime accedam. En quae Augustino Librum illum emendaturo non amplius ferenda videbantur. Nam ad ingenium ac eruditionem Theodori quod attinet, nihil in eo Libro Augustinus habet, quod spongia indigeat, quum & in Retractionibus ipsum Theodorum doctum & Christianum virum appellare pergat. Eademque de causa in retractandis Libris *de Ordine* obelo nullo confixit Augustinus memoratum elogium Theodori, confixurus, si per illud veritatem laesam animadvertisset.

Praestare tamen nolim, placitura haec esse Pherepono, quando ne ipsi quidem *Retractionum Libri* ab eo gratiam iniere. Pag. 484. Animadv. ad Lib. 2. Cap. 29. de Genesi, *Locos*, inquit, *Lib. 3. de Lib. Arb. indictos praetermisit Augustinus, dum alios, qui multo minus torqueri poterant, explicat. Qua in re an ars aliqua fuerit, iudicent alii.* Candorem quidem & modestiam prae se ferunt *Retractiones*; sed debent ingenue fieri, retractatis, quaecumque falsa putantur, non paucis quibusdam exigui momenti, relictis gravioribus, ne forte adversarii objiciant se similia sentire. Sed Augustini animum noverat Deus. Tria contingere heic potuere. Primum est, falsa in Augustini Libris ea non esse, quae nunc falsa Pherepono videntur. Proximum est, etiamsi Veritati ea adversentur, Augustinum tamen id nequaquam animadvertisse. Tertium denique, animadvertisse quidem, sed noluisse retractare, atque corrigere. Catholicorum sententia est, Augustinum in doctrina *de libero Arbitrio* nequaquam aberrasse: sed quando Censori nostro, non secus ac Pelagianis tum antiquis, tum recentibus, aliter visum est, nos in iis infelicitatem ac tenebras ingenii misereamur, perversam voluntatem non facile accusamus. Errant nimirum, sed se errore duci non putant. Catholicos

Tom. X. P. I.

X x x

contra

sontra in errore versari sibi persuadent Pelagiani; sed & ipsi nos contra votum nostrum caecutire intelligant. Nam & Iustitia & Caritas poscunt, ut in iis similibusque quaestionibus contra animi sententiam a Veritate deflexisse putetur, quisquis deflectit, nisi aliter credere nos jubeant contraria argumenta. Atque ita sane de Augustino credendum, si etiam fateantur, quibus Augustini doctrina quaelibet nondum probatur. Nam quis in animum inducat, usque adeo desipuisse, & a rationis atque conscientiae legibus descivisse, Augustinum, ut sciens prudens erraverit, erroresque in Religione turpissimos ac perniciosissimos agnoverit quidem, sed venditare perrexerit? Necessè plane foret, virum excogitare basilice impostorem, ac postremae iniquitatis reum.

(a) (Attamen), si quid intelligimus, non alio collineant Phereponi tela, quam ut Augustinum nobis exhibeant hominum nequissimum. Callidissime nempe dubitare Cenfor nos vult, an ars aliqua in Augustinianis Retractionibus fuerit; ingenuitatem ibi desiderat: & Augustini animum ita in medio relinquit, ut suspicari possimus, num Veritatis amore, an consilio illudendi orbis, Retractiones scripserit, videlicet ut solis exigui momenti erroribus disunctis, eam sinceritatis famam sibi pararet, quae fidem postea apud praesentes ac posteros conciliaret gravissimis erroribus intactis, sibi probe perspectis. Equidem non dubito, quin atrocitatem suspicionis sive calumniae istius quisque intelligat, simulque miretur, quei Batavo, seu Helvetio homini tanta adversus Augustinum confidentia esse potuerit, ubi non de opinionibus, sed de interno Augustini animo res agitur. Quas enim Criticas leges heic pro se Phereponus laudet, contra clamantibus cunctis Iustitiae, Caritatis & Honestatis legibus? Quae argumenta adhibere potest, ut crimine temeritatis atque improbitatis sese absolvat? Neque vero tam sui, atque Dialecticae oblitum ipsum reor, ut ideo Augustinum fraude hac usum fuisse argumentetur, quia uti is potuit. Nullum crimen esset, cujus & ego reum facere Phereponum, & quemcumque alium deinceps non possem, si vim ullam habere deberet iniqua adeo argumentandi ratio. Conscientiae ergo suae Phereponus consulat, redeatque illuc, ut tantummodo dicat, errasse Augustinum. Errabit vel sic quidem talia affirmans accusator, mea & omnium Catholicorum sententia; sed infamiam saltem evadet, quam nunc inurere dum vult Augustino, nescio quei declinare ipse jam possit.

Auctor

(a) AL. Et tamen.

Auctor est Augustinus in Epist. 71. olim 10. quae est ad Hieronymum, Episcopum quemdam, quod utens Hieronymiana sacrorum Codicum interpretatione dictionem unam aliter exposuisset, quam antiquus mos haberet, ingentes excitasse turbas in populo, ita ut coactus demum fueris velut mendositatem corrigere, volens post magnum periculum non remanere sine plebe. Inurgit heic Phereponus, & inquit pag. 491. Mala sane fuisset *Afra* plebs, quae tantilla de causa Episcopum suum deserere parata fuit; sed videtur esse, ut probe olfecit Hieronymus, fabella Punica, qua hominem terrere voluit Hipponefis Episcopus. Equidem in istam controversiam aegre me rapi sentio, quam non ita dirimere pro uno possum, ut alterum simul non arguam & culpam. Immo liceat mihi dicere, aliquid habeo, quod illic tam in Hieronymo, quam in Augustino desiderem, sive statum controversiae spectem, sive modum. Attamen quod est ad narrationem Augustini de Episcopo illo in discrimen adducto ob interpretationem Hieronymi, nihil me sollicitat, quod ipse Hieronymus ad Augustinum ea de re scribens, inquit: *Hujuscemodi in Epistola tua rexis fabulam: Quidam frater noster Coepiscopus, &c.* Novimus Hieronymi viri alioquin sanctissimi stylum aculeatum, stylum irarum plenum, ac potissimum dum sibi pugnat. Quid mirum, si irato ferventique viro excidit, hujusmodi exceptione se suosque Libros, & utilem certe laborem tueri? Cordatus nemo propterea credat, Augustinum fabellae atque imposturae tam gravis in Hieronymi caput auctorem. Quod vero tolerandum fuit in Hieronymo aegre ferente, optimum consilium suum pessime acceptum ab Augustino fuisse, id nescio quei nos tolerare nunc debeamus in Pherepono, quem Augustinus nusquam laesit, quique non irritatus, acrius tamen quam ipse Hieronymus Augustinum accusat. Nimia nempe hominis hujus est confidentia, dum ex arbitrio atque imperio fabulato rem facit virum aequae pium ac doctum, & quantum ejus mores & dogmata docent, a dolis atque imposturis alienissimum. Fac etiam fabella (a) haec fuerit: at aequi honestique Censoris erat, Augustinum potius suspicari a ficto rumore deceptum, quam eundem venditare certissimum ipsius commenti artificem, quum praefertim alio sub caelo ea res contigisse dicatur. Sed ne fabulam quidem fuisse ubi nos contendamus, quis Phereponus contrarium ostendat? Vix etiam evincere possis, Augustinum illic agere de *cucurbira* atque *bedera*. Enimvero numquid mirum est, paratam fuisse plebem illam

X x x 2

rece-

(a) Al. *Fae etiam fabella*, tantum: nuper additae voces necessariae, haec fuerit.

recedere ab Episcopo suo *santilla de causa*? Et si levis error futurus ille fuisset, attamen quum videretur Episcopus idem sine causa divinas adulterare Scripturas: nimio zelo adversus ipsum accendi potuit religiosa populorum cura de veteri Traditione tuenda. Jam patet, quibus diris divini Scriptores absterruerint homines, ne vel unum verbum adderent, detraherent, aut immutarent in Codicibus sacris. Patet etiam, quantopere Christianis antiquis cordi fuerit, Scripturae sacrae exemplaria a corruptoribus tueri. Ad haec Paulo Samosateno Antiochenus populus, Nestorio, & Iconoclastis Constantinopolitanus, Arianis populi alii summo studio restitere, ita ut sanctus Hilarius aevo suo diceret, *religiosiores fuisse aures Populi, quam corda Sacerdotum*. Ipse vero Hieronymus in Epistola 81. olim 18. inter Augustinianas acrem accusationem delinire postea visus est, ad Augustinum rescribens, & inquires: *Si legisti librum Explanationum in Jonam, puto quod ridiculam cucurbitae non recipias quaestionem. Si autem amicus, qui me primus gladio petiit, stylo repulsus est, sit humanitatis tuae atque iustitiae accusantem reprehendere, non respondentem.*

Pag. 522. Animadv. in Epist. 213. alias 110. Phereponus Augustinum sugillat, quod se Episcopum Hipponensem ordinari passus fuerit, vivente adhuc Valerio Civitatis illius Episcopo. Id Nicaeno Canone octavo interdictum memorat; tum subdit: *Non intelligo, quid usus ipse Ecclesiae, in quo constabat, unum in singulis urbibus Episcopum esse oportere, non monuerit Hipponensem, hoc illicitum esse. Nam si collegam unum sibi adungere licuit, quidni & plures? Quam magnam hoc aperuit fenestram adversariis Augustini, dicendi, hominem saepe in utilitatem suam errasse? Abstinuissent ab huiusmodi calumnia adversarii Augustini, quos inter nunc primas ducit Phereponus, si diligentius perpendifsent rem ipsam. Ignorabat Valerius, ignorabat Augustinus, Nicaenum Canonem obflare. Cujus rei fidem facit in laudata Epistola Augustinus. Immo nihil contra Canones tunc agi censuerunt alii Africae Episcopi, iique omnium praestantissimi. Audi Possidium in Augustini Vita Cap. 8. *Egit Valerius secretis litteris apud (Aurelium) Primatem Episcoporum Carthaginensem, allegans imbecillitatem corporis sui, aetatisque gravitatem, & obsecrans, ut Hipponensis Ecclesiae ordinaretur Episcopus, quo suae Cathedrae non tam succederet, sed Consacerdos accederet Augustinus. Quae igitur beatus Valerius optavit, & rogavit satagens, rescipit impetravit. Audi & alia Possidii verba: Post quam petitionem ad visum adveniente ad Ecclesiam Hipponensem tunc Primate Numidiae**

diae Megalio Calamensi Episcopo; Valerius Antistes Episcopis qui forte tunc aderant, & Clericis omnibus Hipponensibus, & universae plebi inopinatam cunctis suam insinuat tunc voluntatem; omnibusque audientibus, gratulans, atque id fieri perficique ingenti desiderio clamantibus, Episcopatum suscipere, contra morem Ecclesiae, suo vivente Episcopo, Presbyter Augustinus recusabat. Vides Augustinum, quamquam ignoraret, Nicaeno Canone hujusmodi ordinationes prohiberi, probe tamen recogitasse, ab ea ordinatione abhorrere consuetudinem Catholicae Ecclesiae, ipsumque adeo Augustinum obstitisse Episcopis, ne se Episcopum sacrarent. Sed vicit plurimum sententia. Immo exempla similium ordinationum in medium allata fuere. Dumque illi fieri solere ab omnibus suaderetur (inquit idem Possidius) atque id ignaro transmarinis, & Africanis Ecclesiae exemplis probaretur, compulsus atque coactus succubuit, & Episcopatus curam, & majoris loci ordinationem suscepit. Augustinus ipse ad Paulinum Epist. 31. alias 34. de sarcina Coepiscopatus sibi a Valerio imposta scribens, hoc idem confirmat, iniquens: *Quod quidem, quia tanta ejus caritate, tantoque populi studio Dominum id velle credidi, nonnullis jam exemplis praecedentibus, quibus omnis mihi excusatio claudebatur, vehementer timui excusare.*

Quem ergo errorem apertis oculis admissum, quam errandi voluntatem ad proprium commodum in Augustino demonstres? Detestabatur ipse honorificum munus; compulsus a Valerio, ab aliis Episcopis, a Clero toto, ab universa plebe, se passus est vinci, annuente etiam Aurelio Carthaginiensi, Africae Primato. Ex iis nemo suspicabatur, violatum iri propterea Canones Nicaenos; & quanquam Ecclesiae consuetudo secus agendum moneret, exemplorum tamen ingesta copia rationem omnem cunctandi & recusandi sustulit. Rem ego non probo; neque subinde probavit ipsemet Augustinus, ubi intellexit, Nicaenam Synodum aliter sanxisse. Verum eae tunc circumstantiae in Augustini ordinationem confluxere, ut non solum excusatione dignum ille se praebeat, sed iniquae accusationis accusari mereatur, qui tacite nobis persuadere conpit, Augustinum scienter atque lubenter tunc errasse, quod error ipse cederet in suam ipsius utilitatem. Quum vero inquit Phereponus: *Si collegam unum sibi adjungere licuit, quidni & plures?* non videt homo acutus, frustra id peti; nam qui collegam, sive coadjutorem sibi adscisciebat, ea ratione movebatur, quod ipse aut senio aut morbis ad obeunda Ecclesiastica munia ineptus jam esset, & Collegam hunc sibi successorem deligebat,

bat, consentiente Clero, Populo, ipsisque Provincialibus Episcopis. Atqui unus Collega id implere valebat, quod Episcopus senescens implere amplius non poterat; atque unum Episcopo morienti successor erat dandus. Quamobrem & superfluum, & incommodum consilium fuisset plures adligere uno tempore coadjutores; nullaque necessitas, nulla potens ratio succurrisset, quae aut suaderet, aut excusaret ut unius, ita & plurium cooptationem.

Alia tamen habet Phereponus, quae in memorata Epist. 213. olim 110. sibi non arrident; quippe illic Augustinus Heraclium sibi Successorem in Episcopatu designat iis verbis; *Presbyterum Heraclium mihi successorem volo*. Canonem LXXVI. Apostolorum, & Synodi Antiochenae sub Constantio habitae decreta heic violata Phereponus clamat; stupetque, ignorasse Augustinum, illicitum hoc fuisse, quum praesertim consensum Coepiscoporum ille non exquisierit, quem tamen exigebat Synodus Nicaena. Profecto interdixere Canones (& jure maximo interdixere), ne sacri Antistites sibi Successorem deligerent, atque constituerent. Sic occursum ambitioni, & propriae utilitatis studio, quibus affectibus occaecati interdum Episcopi indgnos eligere, & Episcopis Provincialibus, Clero, ac Populo libertatem electionis praeripere poterant. Sed hoc ad Disciplinam spectat, eamque eligendi Successoris libertatem eadem Ecclesia modo permittere, modo prohibere potest, prout conducibilius videatur. Nam idem quoque periculum quandoque imminet, si Episcopi, Clerus, & Populus eligant, ac si unus Episcopus, & pius (*) simul) Episcopus, gregi suo, dum vivit, melius consulere interdum potest, quam plures. Illud vero dubium esse non debet, quin Augustinus optimum Successorem Ecclesiae suae dederit, omni ambitionis atque utilitatis propriae affectu sublato. Immo id unice a se praestari palam testatus est Augustinus, ut ne *per ambiciosos & contentiosos* Ecclesia Hipponensis perturbaretur post mortem suam, uti aliis in Ecclesiis acciderat. Cleri etiam, & Populi, duorumque Episcoporum suffragio res acta. Sed quod in primis huc facit, illud est, iis temporibus nequaquam obtinuisse in Africa prohibitionem illam de Successore sibi instituendo. Suppetunt illic exempla, immo & in nonnullis aliis Provinciis, quae adferre non est hujus loci, quippe a Justello, Beveregio, Thomassino, aliisque congesta. Antiochenis autem Canonibus Africa se obligari fortasse non censuit; incertumque est, an iidem ipsi Canonēs Afris essent sacis perspecti. Eadem dici possunt.

(*) Al. *contra*, loco *simul*.

sunt de Canone, ut ajunt, Apostolorum, cui etiam alia explicatio convenire potest. Quare nemo ex Africanis Patribus ea tempestate illicitum, prohibitumve putabat, sibi idoneos eligere Successores, dum Cleri & Populi consensus rogaretur atque obtineretur, & electus Episcopalem consecrationem post eligentis mortem expectaret: quae omnia Augustinus praestitit in eligendo sibi Successore Heraclio, quem Eradium corrupti Codices appellant.

CAPUT DECIMUMQUINTUM.

Nimius sui amor falso objectus a Pberepono Sancto Augustino, cujus conatus in Pelagium ejusque errores fluxerunt ab amore unius Catholicae veritatis. Ficta mansuetudo in Haereticos perperam afflata Catholicis Episcopis. Comprimentae Haereses vix oratae, neque erroribus concedendus nimia lenitate aditus. Convicia & contumeliae variae Pbereponi in Sanctum Augustinum. Quam haec hominem Christianum & Criticum dedeceant. Quanto contentu feratur ille in omnes sanctos Patres.



IRCITER ANNUM Christi 394. Expositionem Epistolae ad Romanos elucubravit Augustinus nondum Episcopatu initiatus. Nonnulla ibi occurrunt Semipelagianis postea natis faventia; sed emendavit vir sanctus Lib. 1. Cap. 23. Retract. confessus, se eo tempore nondum diligentius quaesivisse, nec adhuc invenisse, qualis sit electio Graciae. Miratur Pbereponus pag. 538. Animadv. quei Augustinus sponte, ac a nullo damnatus, dogmata eadem subinde fuerit execratus. Tum oculo in intima Augustini praecordia conjecto, Si nunquam samen, ait, contra fuissent vixae Pelagianae, in iis sententiis mortuus esset. Immo vero fortasse nunquam ita invehitus in eas fuisset, nisi Pelagius aliquid in ejus scriptis carpsisset. Primam vero indignandi in Pelagium occasionem Augustino fuisse subdit, quod Pelagius Romae dum esset, ferre non potuerit ea Augustini ad Deum verba: *Da quod jubes, & jube quod vis*, quae in Confessionum Libris adhuc leguntur. Hinc prima origo mali, inquit Censor; nam nihil magis irritabile est Scriptoribus, qui pro scriptis postea, tamquam pro aris & focis pugnant. Qui ne de nomine quidem Augustinum nosset, haec tamen audiens

NON

non ignoraret, quam parum fidei debeatur accusationi huiusmodi, ad quam nempe confirmandam nulla ratio accedit. Quis Censori huic narravit, irritatum fuisse Augustinum, & ad sententiam mutandam odio adversantis Pelagii fuisse compulsus? Nimium dictatorie ista dicuntur. Sed huius criminationis iniquitas longe melius se proderet, ubi recogites, quantum a caeco suarum opinionum amore abesset Augustinus. Nihil aliud sunt *Retractionum Libri*, quam illustre argumentum ardoris illius, quo Augustinus Veritati uni supra suos affectus obsequabatur. Deinde vix alium reperias, qui demissius Augustino se emendari pateretur, & mitius haberet adversarios suos, quanquam interdum procacissime, & palam rationi ac veritati injurios. Onerare possem librum, si necessitas posceret, exemplis ejusmodi & humilitatis, & modestiae. Denique tam parum cum veritate congruit, Augustinum in iram & odium adversus Pelagium fuisse concitatum, quod hic verba quaedam Confessionum moleste tulerit; ut quum Pelagius longe post illa tempora humanissimis litteris ad Augustinum datis responsum accepisset amicitiae plenam, Augustinus deinde necesse habuerit se purgare, quasi Haereticum hominem supra meritum commendasset.

Quod ergo Augustinum armavit in Pelagium, Apostolicae doctrinae, veraeque Religionis cura fuit. Eadem & armavit in Manichaeos, in Donatistas, in Arianos. A veteri autem Christianorum Traditione abhorruisse dogmata Pelagii atque Caelestii, jamdudum ostenderunt eruditi viri, ostendit Augustinus ipse, & ejus temporis Ecclesia: quod ne ipsum quidem Pelagium fugiebat, qui non aliter quam clanculum, & sub mille verborum ambagibus, ingentique cum simulatione suam huc illuc novitatem disseminavit. Quid faceret Augustinus zelo Domus Dei supra quamplurimos ardens? Africanæ, atque Orientales Ecclesiae, Sanctus Hieronymus, Paulinus Ambrosii discipulus, aliique classicum protinus cecinere in erumpentem Haeresim. In publicam rem tunc & ipse Augustinus operam suam conferendam esse putavit. Quamobrem en veras causas, cur Pelagium, sive ut melius dicam, Pelagii dogmata exagitare coepit Augustinus. Quas commentus est pro suo arbitrio Phereponus, si nos levitatis saltem arguamus, aequo jure proculdubio agemus. Quod si Augustinus procedente tempore renuntiavit sententiis nonnullis, iisque paucis: ex ipsius testimonio, & rei evidentia constat esse factum, quod attentius subinde investigaverit cum Scripturarum sacrarum mentem, tum Ecclesiasticae Traditionis vocem. An vero crimen est meliora discere,

discere, & melius sentire? Et nunquid Augustinus pro suis sententiis tanquam pro aris & focis pugnare paratus fuit, qui sententias priores reipsa deferere non dubitavit, statim ac Veritas explorata id ab ipso exegit?

Retractavit quoque vir sanctus quoddam aliud effatum suum in Expof. Cap. VII. 19. 20. ad Rom. uti Semipelagianum. Hinc Pherepono anfa praebetur traducendi Augustini tanquam *summopere temerarii* hominis, qui ea olim scriberet, quae ut ipse deinde contendit, in Ecclesia minime tradebantur. Quod si tradebantur, non capit Phereponus p. 536. Animadv. *quei damnari potuerint quasi novatores & exitiales Haeretici, qui id docebant, quod antea ubique docebatur, & quod cum laude scripserat Augustinus.* Sed frustra invidiam Augustino creare, frustra Pelagianam novitatem tueri molitur Phereponus, parum heic se versatum exhibens in Ecclesiastici juris oeconomia, immo & in eorum temporum Historia. Esse possunt dogmata quaedam adhuc inter Scriptores dubia, atque ab Ecclesia nondum calculis postremis definita. Haereticum nomen alterutram partem tuentibus tunc tribuere non licet. Ubi Ecclesia sententiam tulit, tunc aliter quam Ecclesia, sentire nefas est. Ita fuit tempus, quo sententia de iterum baptizandis Haereticis inter Haereticas referenda forte non erat. Idem Semipelagianis Dogmatis accidit. Non idcirco laesisse Fidem disti sunt Vincentius Lirinensis, Hilarius Arelatenfis, Cassianus, Faustus, Gennadius, Sinodius, aliique aut Lirinenses, aut Massilienses, quod Semipelagianismum foverint. Tunc solum execranda coepit esse eorum doctrina de initiis Fidei, quum Synodus Arausicana exposuit, quid heic sentiret, sentiendumque mandaret Ecclesia verax. Plerisque autem e Patribus nonnulla excidisse videmus, quae deinde sacris Conciliis divina oracula prominentibus minime probata fuere. Sed illi incaute, inculpateque ita sentire, paratissimi consentire cum Ecclesia, si haec in diversam abiisset sententiam; & ideo illis opinionibus addicti fuerunt, quod nondum satis diligenter exquisierant, quid Apostolica de iis Traditio haberet.

Quod ergo ad Pelagianos errores attinet, eos sua novitas in oculis omnium incurrens execrabilis statim fecit. Tum protinus in eorum damnationem consensit Ecclesia, & Concilia non semel ab Afris Episcopis habita, Synodi Hierosolymis, Diospoli, Romae, Antiochiae, aliisque in Urbibus celebratae, praetereaue Romani Pontifices, alique celeberrimi Patrum adversus Pelagianam doctrinam

illico anathemata exseruere. Quid miratur ergo Pheroponus, quod execrationi esse in Ecclesia Catholica Pelagius, ejusque sectatores continuo coeperint? Novam, insuetam, atque a Traditione abhorrentem doctrinam invehere tentabat id hominum genus; deinde Ecclesiae germanam Fidem statuenti, erroresque proscribenti resistere pertinaciter non dubitavit, mentemque in errore obfirmatam prodere. Heic Haereseos stat cardo; hae causae justissimae anathematum. At Semipelagiana dogmata, si qua Augustinus tradidit (nam vere Pelagiana ex ejus calamo certum est excidisse nunquam) nondum Augustini aeo, immo ne per integrum quidem saeculum ab illius morte, ea fuerunt, ut ipsorum patrocinio laederetur Fides. Eidem quoque doctrinae adhaesere piissimi viri, nullo sanctitatis dispendio; quippe Traditio ab ipsis nondum satis diligenter consultata fuerat, & controversiae omnes de Gratia liberoque Arbitrio nondum satis fuerant pertractatae, atque Ecclesiastica Concilia quid pro certo iis de rebus affirmandum foret, nondum constituerant. Proinde incautus, & si etiam velis negligens, sed sine culpa, non autem *summopere temerarius* dici potuit Augustinus, quod non mala fide olim docuerit, quae postea re melius consultata correxit. Innumerae occurrunt controversiae adhuc ferventes, magnis piisque Auctoribus utrimque stantibus. Quandiu Ecclesia ambiguam rem in medio relinquat, quamcumque velis partem tueri licitum erit. Sic Augustinus Pelagianos Haereticis primo non accensuit, ut patet ex ejus Serm. 264. (a) Deinde vero pertinaces in errore, & Conciliis palam resistentes, Haeresis inculpavit: quod Pheropono nec novum, nec iniquum videri debebat in Animadv. ad laudatum Sermonem pag. 550. Sed quoniam illuc nostra delapsa est oratio, alia videamus, quae Pheroponus carpit in eodem Sermone.

Multi jam fuimus alibi in propugnando jure quum Ecclesiae, tum Principum Catholicorum adversus homines Haereticos, quos poenis castigare, reluctantisque ad meliorem sententiam incitare fas esse

(a) Non ita pridem Cremonae prodierunt, anno scilicet 1747. in 4. *Vindiciae Augustinianae ab imputatione Regni millenarii, Auctore Joanne Cadonici*. Totus nimirum in eo est doctus Auctor, ut probet non scripsisse S. Augustinum, sed ipsi perperam tributum, Sermonem CCLIX. Editionis novissimae Parisiensis: simulque suspectos reddere conatur Sermones XXXVIII. & XLII. Quum igitur utilem adeo, licet alioquin arduam operam navarit illustri Auctor in vindicando tanto Doctore, illum publico nomine etiam atque etiam rogamus, ut diligenter inspiciat, num & Sermo CCXCIV. heic a Muratorio laudatus, Augustino adjudicari queat, quo nimirum constat Pelagianos Haereticos non accenseri. His addo, ab eodem *Vindiciarum* Auctore, cap. XVIII. pag. 294. 297. ex S. Augustini doctrina lucem affundi quaestioni, a nostro Muratorio, hujus Operis lib. 1. cap. XIII. excitatae, utrum scilicet *Angeli corporei an incorporei sint*.

esse diximus. Phereponus audiens Augustinum ibi de Pelagianis ita loquentem: *Sustineat eos mater piis visceribus sanandos, portet docendos, ne plangat mortuos, &c.* mellita haec appellat, sed statim adjungit, *debonestata fuisse sequentium temporum incredibili acerbitate; ut propemodum suspicari quis possit, mansuetudinem hanc data opera simulatam, ut major invidia miseris hominibus conflaretur, nisi cederent, usque homines imperitii magis in illos postea exardescerent.* Ut ut modestus cautusque videri & heic velit Phereponus, suspicionem hanc teterrimam non sibi tribuens, sed aliis affingens, eamque illo suo propemodum temperans: non impetrabit tamen, quin ipsum tanquam atrocis calumniae auctorem aequo jure heic postulemus. Satis ipse prodit, sibi accusationem hujusmodi probari, sibi que in votis esse, ut in reliquorum mentibus radices agat. Attamen quantum a Caritate & Veritate longe abeat ista suspicio, facile intelligere potuisset ipsemet Phereponus, si minori odio atque livore suas aggressus fuisset scribere Animadversiones. Placide primo erga errantes agere Ecclesia solet, & placide monet agendum. Tum si nihil miti adhortatione proficitur, ipsa Caritas suadet, ut aspera arripiantur, quo tandem revocentur devii in veritatis & salutis viam. Erga filios in vitia descedentes non aliter se gerunt amantissimi patres; non aliter erga aegrotos sapientissimi Medici. Quis & parentibus, & Medicis simulatam mansuetudinem ea de causa adscribat, quod inutiles eorum blanditias efficaciora deinde remedia subsequantur? Et Parentis & Medici loco Ecclesia est erga errantes in Fide. Praeterea quis Augustinum, quis certam fecerat Ecclesiam, austeritate solum vincendos erumpentes errores, ut fingenda prius mansuetudo foret? Denique nulla fere emerfit Haeresis, cui non oblitterint pari methodo Ecclesiastici Praefules, nihil aliud cupientes, quam rigore abstinere, dummodo sanarentur filii. Temere, ne dicam stulte, in his omnibus suspicaretur quispiam & animum crudelem, & fictam lenitatem.

At inquit Phereponus, ut ostendat non solum inanem non esse hanc suspicionem, sed suum quoque (a) ipsi se adjungere suffragium) *Has artes a Sacrorum Praesidibus saepe adhibitae nemo nescit, ejusque rei insigne exemplum videmus in damnatione Donatistarum.* Talem Criticum tanta confidentia non dedecet. Nemo nescit. Et quibusnam quaeſo eruditis haec edisserit Phereponus? Eupaeis non puto; Indis fortasse. Quotus enim quisque est inter nos, qui aut

Y y y 2

audie-

(a) Al. ipsam tulisse suffragium. Nunc clarius.

audierit, aut legerit, non dicam saepe, sed semel tantum, simulatam a Catholicis Episcopis mansuetudinem erga Haereticos, ut acerbitati quam solam animo versabant, major deinde excusatio, & pervicacibus gravior invidia crearetur? Unos Donatistas tanquam infigne exemplum nobis memorat Censor, eos nempe, quos tot veracibus amicitiae, patientiae, & caritatis exemplis ad unitatem Ecclesiae reducere conati sunt Catholici, ut suas ipsas Cathedras iis, etiam si e lite caderent, communes facere non dubitarint. Haecine simulata lenitas? Nusquam fortassis, quam in Donatistarum Historia, evidentiora habeas Ecclesiasticae mansuetudinis documenta. Severissimis profecto legibus postea adversus illos actum est; sed postquam incredibilis pertinacia, & immanitas insolita ad schisma & ad errores accessere, nullumque aliud remedium supererat sanandae furiosae gentis.

Profecto, pergit dicere Phereponus, cum ejusmodi iniitiis minime consentiunt viginti minimum Synodorum intra paucos annos festinatae Pelagianorum dogmatum damnationes, ut Episcopis saepius ad damnandos Pelagianos adductis, nulla iniri posset amplius ratio audiendarum partium tam saepe damnatarum. Quum enim Synodi quempiam damnarunt, bonoris esse sui putant, hominem videri jure damnatum, nec patiuntur decreta sua iterum expendi. Neque primus fuit, neque postremus erit Phereponus, qui Catholicorum Praesulum sollicitudinem in damnandis & suffocandis, si fieri potest, nascentibus Haeresibus, moleste ferat, minimeque probet. Familiare hoc fuit recentiorum quoque temporum Novatoribus, immo reliquis fere aetatum omnium Haereticis; idemque nascituri Haeretici conquerendo sonabunt. Commodissimum sane effugium, & praesidium errori, si liber ipsi aditus per medios populos, per gentem ignaram diutius permittatur. Et certe hic quoque patronus Haereticis quibuscumque deerat, quo auctore ipsorum delirii tum solum frena offerrentur, quum longe lateque diffusa, pluriumque animis recepta, non amplius frenum pari didicissent. Oculos aperiatur, tandem Phereponus, & Catholicorum personam parumper induat. Nullus dubito, quin & ipse tunc nobiscum sentiat, adversus nascentes Haereses armandam & muniendam protinus esse plebem Christi. Hoc ipsum statuere veram Ecclesiae Doctrinam, hoc ipsum oppositam falsi damnare, ac damnatam prodere arma sunt, quae Populo sano per vigilantes Pastores ministranda novimus. Principiis obstandum est, ne sero medicina pareatur. Si contra Ecclesiastici Praesules agerent, si secus enascenti morbo sese opponerent, ministerium suum, salutemque gregis foedissime proderent.

Inquit

Inquiat vero Phereponus: At qui putantur errores, fortasse non sint; neque praecipitanda sententia, quam revocare nequeas, & rationibus potius, quam edictis vincendi sunt contra sentientes. Quid porro aliud Phereponus dicat, quam quod singuli Novatores dicere hucusque potuerunt, & dicere poterunt deinceps? Ergo nullius erroribus, si audienda Phereponi consilia, praeccludendum est iter damnatione opportuna, & res in medio relinquendae, dum controversia mature, hoc est post multos annos, expensa appareat, quo in loco sit veritas. Ita nimirum fiet, ut haereses commodissime serpent, & aut numquam aut frustra deinde anathemate percellantur. Ignorare nequit Phereponus ipse, quanta sit hominum in hisce casibus pertinacia, quantumque possit anticipata opinio. Perquam rarissime solis rationibus profigantur Haeretici. Atque utinam illius infelicitatis innumera exempla non proflarent adhuc. Quamobrem contra errores pullulantes exserenda confestim ^(a) incruenta Synodorum arma, nihilque cunctandum. Quae via quum expedita & utilis sit, praeterea quoque fallere nos nequit. Nam in Catholica Ecclesia qui sint errores, facile apparere potest, si videlicet nova Doctrina ingeratur, cui obstat antiqua Ecclesiarum Traditio. Id autem in Pelagianorum causa plane accidit; nam ut daremus, aliqua in ea controversia fuisse, quae nondum satis liquerent (sunt enim & adhuc nonnulla, quae ad Fidem pertinere inter Catholicos non creduntur, quamquam sanctus Augustinus eas sententias foverit): attamen quae praecipua erant in Pelagianis dogmatis, a Traditione aperta & consensu Ecclesiarum abhorre deprehensa illico fuerunt; ita ut nulla pars Catholici orbis haesitaverit in Pelagio statim, ejusque sectatoribus damnandis. Quae omnia eo quoque faciunt, ut Phereponum ostendant male calculos ineuntem, dum ait, *cum ejusmodi iniitiis, i. est cum priori mansuetudine, minime consensisse festinatam dogmatum Pelagianorum damnationem*. Nimum perniciosam ac damnabilem lenitatem exigit hic homo, ne ferens quidem opinionibus perverfis Haeticorum theta nigrum solícite praefigi, nulla interim in eorum personas castigatione adhibita. Iterum dico: nihil differenda est damnatio Errorum serpentium ut cancer. Hoc poscit Christiani gregis cura; hoc semper in more fuit vel apud ipsos Haeticos, ubi in eorum sinu coepit aliquis nova dogmata promulgare. Dudum vero palam factum est, Ecclesiam decipi heic non posse. Sat placidi fuere, sat officio suo sunt functi Pastores, qui errantem Pelagium

(a) Al. non cruenta.

gium toties monuere, & auctoritate Scripturarum aequae ac Traditionis compressum ad diverticula confugere coegerunt, & tandiu sustinuerunt, ut errori valediceret, si vellet.

Ad alia transeamus. Parum Pherepono fuit, calumniosis suspicionibus Augustini famam impetere; conviciis quoque ac diſteris in eum saepe ac saepius invehitur. Ipsum modo ait in declamando *probabilia sequi, non explorata, solium fuisse; eique Academicum ingenium sibi non satis constans tribuit; modo ejus rationes ita contemnit, ut inquit: Profecto non Sophista tantum, sed propemodum ineptus haberetur, qui talia hodie scriberes.* Alibi addit: *Mirum est, quam Augustinus callucris artem pauca & perspicua dogmata Philosophica aut Theologica multis verbis & obscuris dicendi, atque impediendi.* Ad haec proletarium Interpretem appellat & Rhetorem Numidam, & Rhetorem Scimplaticum, Criticae plane imperitum; & irridendi causa, Oraculum Numidae & Philosophum Poenum, & Aristoselem, quamquam alibi Carneadem Poenum, & Carneadem nostrum potius vocandum affirmet. Ridet Augustini Quaestiones in Evangelia, & ait: *Unde intelligere licet, finem Augustini in hisce Libris non fuisse inquisitionem veri sensus, sed commentisiarum allegoriarum, ad quas inviti Evangelistae torquerentur; quam censuram acutis hisce salibus concludit: O cerebri felices, qui in tam levibus argutiis acquiescebant!* En alteram alibi exclamationem non minus gravem: *O Felices homines, qui tantam eruditionis famam tam facile sibi pepererunt! Sed o stipes, qui talibus olim plaudebant, aut etiamnum serio favens! Accipe & aliam: O vacuam studiosis Scripturae Africam? O stupidos, quibus haec admirationi erant, & qui tam verbosas disputationes, ut nihil discerent, legere sustinebant!* Alio loco nos monet, arguendi immodicam & insephestivam cupiditatem, & Africanam *απειρολογίαν* obstrisse, ne Augustinus judicio suo uteretur. Eadem alibi repetit his verbis: *Si quid occurreret, quod speciosae declamariunculae occasionem praeberis, aut praebere videretur, id vero avidè arripiebat, & Punicæ eloquentiae vela pandebat.* Plus etiam veneni intus habet, quam in cortice appareat, id quod Censor idem alibi scribit. *Dolendum est, inquit, Augustinum non quod verum esse accurato examine compererat, sed quod expediebat dici, & εντολῶντος αὐτοῦ imperium vulgus posset tractari, prorsulisse.* A prioribus non abludit, quod animadvertit idem Criticus alio in loco inquit: *Augustinus adſuetus Platonicis argutiis, plura SAEPÉ scribis, quam intelligit, consequentiaſque pſſim admittis quasi bonas, quae si ne-*
gentur,

gentur, statim corrumpunt omnes ejus ratiocinationes; neque enim ullo modo probari possunt. His, & aliis bene multis, quae congerere non est opus, Augustinum Phereponus liberalissime vexat, atque hoc facile perfricat.

Memini me ante paucos annos legere Librum, cui titulus est *Parrhasiana*. Ejus Auctor pag. 250. de Eruditis Viris, eorumque vitiis scite agit, indicans cur id hominum genus in multorum odium incurrat, & despiciatissimum habeatur interdum. Gallicis ergo verbis optare se ille ait, ut non modestiae minus quam eruditionis gloriam in suis Libris quaerant; ne animose affirmant, nisi quidquid evidenter probari possit; ut lenitate invicem ac indulgentia ceteros homines antecellant; ne aliis armis se tueantur, aut alios aggrediantur, quam rationibus, & sine felle, sine perulansia; ut tantum denique elegantiae & venustatis suis in moribus prodant, quantum in stylo praeclarissimorum Scriptorum apparet, cui verisimile est respondisse etiam vitae rationem. Quis ejusmodi viros non diligeret, immo non omnibus, quae in manu sua forent, beneficiis cumularet? Haec ille non graviter minus quam vere. Cum hisce legibus atque consiliis, quae non dubito quin probet ipse Phereponus, confer nunc Phereponianas exclamationes, convicia, distertia in Sanctum Augustinum effusa. Quod quum feceris, quam opinionem induas de homine tam impotenter ferociente in sanctissimum ac ingeniosissimum virum, omnium saeculorum ceterorumque hominum memoria commendatum? Adde: quodnam judicium habendum foret de *Parrhasianorum* Scriptore, si tanta asperitate, felle, ac supercilio in tam illustrem virum is, & nihil quidem ab ipso laesus, ea scriberet, quae nunc in eundem Phereponus & scribit, & publica esse jubet? Quid si idem unusque esset *Parrhasianorum* Auctor, & Augustini conviciator Phereponus? Equidem puto longiori sermone heic opus non esse, ut appareat, quam pessimo exemplo Phereponus haec fuerit ausus, quaeve poenae homini tanta maledicentia utenti apud cordatos viros debita sit. Neque vero is sum, qui velim praeclarissimos Scriptores nullius censura attingi; quive errores magnorum virorum, & sanctorum potissime Patrum, dissimulatos semper cupiam, aut caeca veneratione exceptos. Non is profecto sum; Censoriam Artem probō; ingeniorum libertatem qua decet moderatione adhibitam laudo; adeoque me comparatum sentio erga Verum, Bonum, & Pulchrum, ut quidquid iis adversari mihi videatur, ne in Augustino quidem feram; & porro si res posceret, ne dissimularem quidem. At ipsi erudito-
rum

rum Censurae sunt suae leges, est suus modus. Nunquam in Censura contumeliis aperiendae fores; rabies, acerbitas, ac turbulentiae animorum perturbationes, & calumniae potissimum, eliminandae, modestia, aequitas, caritas quam fieri potest accuratissime, & perpetuo ante oculos habendae. Sed tum praecipue urgent hae leges, quum Censura exercenda est in viros illustres, pietate spectabiles, ingenio admirandos, plurimumque saeculorum consensu commendatos, & praefertim si bona fide in errorem prolapsi deprehendantur. Si secus fiat, non eos quidem risu dignos efficiemus, sed nos omnium execrationi exponemus. Quid enim aliud promereatur tanta Cenforis ambitio, audacia, atque inverecundia? Cur autem has poenas referre non debeat in Augustino tam acriter infectando Phereponus, ego sane non video.

Hic tamen familiaris est Phereponi stylus. Immo ut Augustinus habeat, unde se consoletur, reliquos sanctos Patres eidem Phereponus adjungit, omnesque uno colore denigrat, una voce exhibitat. Pag. 491. Animadv. in Epist. 71. alias 10. Augustini inquit, eos voluisse videri egregios Interpretes Scripturarum, quas non intelligebant, quum ex sola versione saepe obscura & vitiosa penderent. In Notis ad Ep. 175. olim 90. pag. 519. Africanos Patres declamatoribus infirmis accenser, eosque tanquam Criticae prorsus imperitos irridet, quod etiam de Patribus Graecis scribit pag. 599. quum constet (sunt ejus verba) propemodum omnes imperitos Criticae saecrae, & infelices Scripturae Interpretes fuisse: quidquid distitent, qui nec eos, nec Scripturam sat studiose legerunt. Tum addit in Notis ad Epist. 117. de sanctis Patribus: Qui tam negligenter legebant Scripturam, & tam oscitanter laudabant: eos nobis quasi egregiorum Interpretum exemplaria proponi quis ferat? Ad haec illos passim arguit, quod anathematum potius terrore, minisque edictorum, quam rationibus & scientia plebem regerent, instruerent, atque in officio continerent. Suspiciatur etiam pag. 590. in Notis ad Cap. 23. Lib. 18. de Civ. Dei, multos Patrum olfecisse quidem suppositionem Sybillinorum Carminum, sed quia rudis plebecula tam levibus capiebatur rationibus, quam gravibus, eos arripuisse hoc argumentum, ut alia multa, quia conducebat causae, non quia verum iis videbatur. Deinde in Notis ad Cap. 43. Libri ejusdem, quod Augustinus, alii-que eorum temporum Episcopi non paterentur Hieronymianam Bibliorum interpretationem anteferrī Versioni τῶν LXX. dolet is, *nos ac tanta apud Vesteres inveniri specimina non fidei circumspiciat, & firmis*

firmiter rationibus nitae, sed credulitatis inconsultae, & omnia semere arripientis, nisi quis politicam calliditatem, ut nunc loquimur, malis haec haberi. Qua ex re inferit, praeter Christum & Apostolos, non esse quaerendos magistros, in quorum auctoritate adquisiscamus. Quae quum audis, audire etiam tibi videris Johannem Clericum paria in Quaestionibus Hieronymianis declamantem. Sacris quoque Conciliis pag. 605. Animadv. auctoritatem omnem Pheronius adimit, atque ignorantiam, factiosos affectus, & ad errandum facilitatem dictatorio more tribuit; immo quid non tribuit? Alia omitto, multa uno verbo conclusurus. Sordent Pheronius omnes sancti Patres; infantes sunt prae recentioribus; nemo inter illos tolerabilis Scripturae Interpreter; & ne ipse quidem Hieronymus heic multum eminet; mille denique vitiis & infirmitatibus abundant, ut stulti sint, qui eorum auctoritati adquefiant, eorumque scientiam suspiciant ac ament. Ita se ille aquilam, ceteros fere omnes reputat noctuas.

CAPUT DECIMUMSEXTUM.

In sanctorum Patrum Libris distinguenda Scientia Dogmatum, Legumque Moralium ac Pietatis, a Parergis, hoc est, a rebus ad Artes profanas spectantibus. In his nihil interest, an interdum defecerint, imperitque deprehendantur. At in illa praecipua Scientia enim suere, ideoque veneratione ac laude digni. Allegoricae sacrarum Litterarum Interpretationes non visuperandae apud sanctos Patres, & quando utiles illae, aut inutiles sint. Pheronius artes, ut Augustinum deprimat. Lumen a Caelo rogandum, ut veritas capiasur, errores evitentur. Hebraicae Linguae peritia an & ubi necessaria Theologiae cultoribus. Drusii & Grosii exempla Catholicae Religionis veritatem confirmant.

SED quando istam camarinam movere aggressi sumus, juvat etiam addere, quae in Augustinum hac potissimum de causa Pheronius effudit. Pag. 479. miram confusionem in Libris de Ordine invenit, oratque Lectorem, ut conetur ex iis, quae Lib. 2. Cap. IV. habentur apud Augustinum, constare disputationem perspicuam, & via ac ratione dispositam; quod si praestet, erit illi magnus Apollo. In Animadv. ad Quaest. in He-
Tom. X. P. I. Z z z prateu-

ptatecum pag. 530. dicam eidem grandem impingit, quod sibi versiones Aquilae, Symmachi, aliorumque satis notas, non compararit; quod tot Quaestiones in sacram Scripturam proposuerit; tot etiam Libros conscripserit, necessariis destitutus subsidiis. *Credo, inquit, excitatum fuisse adulationibus, aut stulta admiratione Afrorum suorum, ut non desineret dictare, dum illa dictata sua tam arde excipi videbat. Sic homines putant se magnos ac eruditos, non quia sunt, sed quia ab aliis putantur, sumuntque inde audaciam, quae per saepe male eis cedit.* Aequae acerba legas in notis ad Enchiridium pag. 559. & pag. 586. & alibi ad nauseam usque. Haec autem in unum compellere locum placuit, ut homini nulla moderatione scribenti, simulque censurae illius petulantissimae, uno responso obviam eamus, pacato tamen, si fieri id poterit, animo; non quod nobis spes sit verrendi ad meliora Phereponi, quem nimium aestimatione sui, aliorumque contemptu occupatum video, sed ut habeant minus periti & nostris, quo vel apud se, vel apud alios tueri valeant contra hujusmodi coecos impetus veritatem, & Augustinum non minus, quam Ecclesiam Catholicam.

Multa sunt, quae in Libris sancti Augustini ceterorumque Patrum exquiri possunt, Grammatica videlicet, Rhetorica, Didactica, Logica, Physica, Eruditio, Linguarum peritia, Critica, Chronologia, & aliae id genus Disciplinae, quae nunc excoluntur magna animi contentione a Litteratis hominibus. In his omnibus non negamus, immo sincerissime fatemur, reperiri posse, & revera ostendi multos nonnumquam Patrum defectus, & si etiam velis, postremam quandoque imperitiam. Accurata Critices scientia in plenisque desideratur; severam Eloquentiam in nonnullis frustra quaeras; si Origenem, Hieronymum & Epiphanium excipias, vix alium inter ipsos habebis Hebraicae Linguae gnarum. Declamant interdum; alibi parum recte ratiocinantur. Apocryphis quandoque utuntur, aliaeque peccant, quae temporibus istis, ac in tanto lumine Scientiarum & Artium, in homine Philologo aut non feras, aut saltem non laudes. Sed praeter has Artes ac Scientias alia est Scientia in Libris sanctorum Patrum considerata, nempe divinatorum Dogmatum, Legumque moralium cognitio, atque traditio, per quam aut exponuntur, aut suadentur, quae Deus per Scripturas sacras, & voce Unigeniti sui credenda atque agenda mandavit Ecclesiae suae, suisque fidelibus. In hac autem Scientia nos dicimus excelluisse atque excellere illos, qui nomine sanctorum Patrum, ab Ecclesia tamen,

non

non a vulgo, donari sunt. Intercedit quippe non exiguum discrimen inter eosdem, quum vulgo sancti Patres appellantur, quicumque Christiani Scriptores doctrina, vel antiquitate conspicui fuerunt, ut Tertullianus, Clemens Alexandrinus, Origenes, Lactantius, Eusebius; nos vero eos heic tantum intelligamus, quos Ecclesia ipsa probavit, atque sinceros ac eruditos suae, seu potius Apostolicae, & Christianae Doctrinae testes, magistros, & iudices esse declarat, quales sine controversia sunt Athanasius, Basilus, Nazianzenus, Nyssenus, Chrysostomus, Cyrillus Alexandrinus, Cyprianus, Hilarius, Ambrosius, Hieronymus, Augustinus, Leo, Gregorius, aliique similes sanctissimi aequae & doctissimi viri.

Monitos autem Lectores volo, tum in Scripturis sacris, tum in Libris Patrum, distinguendam esse materiam praecipuam & propriam, quae *ἱππov* dicitur, ab aliis rebus, quae illic habentur praeter praecipuum argumentum, & *τάπεινα* dicuntur. Proprium eorum Librorum argumentum est caelestis illa Scientia, per quam constat hominibus divina Revelatio, legesque omnes & consilia tum credendi, tum operandi produntur. *Parerga* sunt, quod est ad Scripturam sacram & ad ipsos Patres, alia omnia, ex quibus haec hominum erga Deum officia minime pendent; cuiusmodi sunt Scientia temporum, locorum, numerorum, Astronomiae, Linguarum, Critices, Physices, aliarumque Artium. Nihil ergo aut parum refert Christianae rei, quod in *Parergis* interdum, & saepe etiam, deficient Patres, dum in praecipuo negotio procedat certissimo gressu illorum chorus. Dic ergo ipsos Declamatores; id temere plerumque dices; attamen finem te dicere, nobis sanctos Patres non esse perfectioris Eloquentiae Magistros. Dic ignaros Criticae, dic Physicae imperitos, parum in Logicae usu accuratos, in Astronomiae, Eruditionis, & Geographiae scientia hospites, dic plura ejusmodi. Non moramur. *Parerga* sunt isthaec in Patrum Libris, neque hinc accessit laus ipsis, neque ob eam causam tanti aestimantur, & commendantur in Ecclesia. Evangelica doctrina fideliter ac religiose ab ipsis tradita, per quam ducimur tum ad sanam Fidem, tum ad perfectam morum disciplinam, ea est, quam apud sanctos Patres plurimi facimus. Linguarum, aliarumque Artium studio excelluerunt utique duo proxime praeterita saecula, ut collati cum recentioribus Scriptoribus veteres Patres, infantes in ea eruditione (si duos excipias) nonnumquam deprehendantur. Verum nemo superavit, pauci etiam aequare possunt beatos illos viros in praecipuae Eruditionis Christianae Scientia,

tia, hoc est, in divinatorum Dogmatum & Legum peritia. Ad hanc enim aptiores ipsi fuere, & in eandem incubuere diligentius, tum quod propiores essent Apostolis, & longius latiusque diffusam Traditionem colligere ipsis tunc facile foret, tum etiam quod iis animi virtutibus abundarent, & caelestibus donis illustrarentur, quae ad rectam Christianae Doctrinae conservationem atque intelligentiam in primis exiguntur. Pespicias profecto ingenii, & Criticum iudicium, & Linguarum cognitio, aliaeque Artes, non parum conducunt, & interdum etiam necessariae sunt ad explicanda, ac intelligenda Scripturarum, divinaeque Fidei *Parerga*. At ad caelestem illam Scientiam, circa quam Scriptura sacra, sicut circa materiam propriam versatur, & quam Christus Apostolis, & per Apostolos Ecclesiae suae tradidit, plus conducit, magisque necessaria est ingenii utique non vulgaris assidua meditatio, animus pravis cupiditatibus & opinionibus liber, sincerus Dei amor, pietas, humilitas, aliaeque virtutes, quas sanctis Patribus non defuisse Historia nos docet.

Quod si in plerisque Patrum desiderata est Hebraicae Linguae peritia, quam nempe omnium maxime necessariam nonnulli clamitant ad intelligendos Codices sacros: Primo respondemus, Evangelicam Doctrinam Graece propositam fuisse ab Apostolis ac Discipulis Christi, adeoque Graecam Linguam satis fuisse, ut divina dogmata, sacrataeque Christi ac Apostolorum Leges recte a Patribus perciperentur, ac traderentur.

Secundo, quod est ad vetus Testamentum, vulgata versio τῆς LXX. ab Apostolis ipsis usurpata, & Vulgata Latinorum, satis atque abunde exhibebant omnia Scripturae loca, quae alicujus momenti sint sive ad imbuendos Fideles tota Scripturarum Doctrina ac Historia, sive ad Judaeos, Haereticosque refellendos. Quae illic indigere videntur ea Linguarum & Critices Scientia, quam tantopere quidam esserunt, *Parerga* sunt, hoc est ad Ecclesiae aedificationem minime necessaria. Et si qua supersunt ad Doctrinam spectantia, neque satis perspicue in Graecum Latinumve sermonem conversa, haec ipsa ex multis aliis locis, quae in vulgaribus Versionibus aperta sunt, illustrata, obscuritatem omnem jam posuere, & saltem de fide versionis nulla in iis locis controversia fuit; aut si fuit, ad peritos Linguarum res deferebatur. Quamobrem constanter affirmare licet, nullum vel de Deo, divinisque legibus, & decretis, vel de Christo, ejusque adventu, operibus, ac documentis e sacra Scriptura dictum produci posse, ad quod intelligendum, explicandum, & propu-

propugnandum non pervenerint sancti Patres, & satis non sit, ac perpetuo satis non fuerit ad ejus intelligentiam, Graeci aut Latini textus vulgati fides.

Tertio, experientia ipsa constat, Judaeos, Ethnicos, atque Haereticos validissime confutatos, & victos, & ad Fidem Christi conversos ea duntaxat Methodo ac Scientia, quae in Patrum Libris apparet, quaeque nunc sordet ingeniis non tam Criticis, quam ambicis. Ea quoque Methodo, ea Scientia usi sunt Apostoli ipsi; atque Apostolorum discipuli. Nihil autem, quod sit momenti alicujus, proferri potest ex Hebraicae Linguae, Criticesque peritia, quo non sint usi Patres Graece Latineque solum eruditi ad Christianae Doctrinae amplificationem, atque tutelam. Nam quaecumque a recentioribus tanto cum fastu & discutiuntur, & illustrantur in Scripturis, felicius profecto, quam praestitum olim fuerit, ea propemodum omnia nihil aliud quam *Parerga* Scripturarum sunt, nihilque magni momenti per illa adjungitur ad illustrationem Doctrinae, ac Religionis Christianae. Utilia sunt, laudanda sunt, non nego; at nunquam ejus necessitatis, quam sibi nonnulli somniant. Eamque ob causam Apostoli nunquam aut praecepto aut consilio commendarunt tanquam necessariam Christianis Hebraicae Linguae peritiam; & qui eos viventes auscultaunt, istius aut praecepti aut consilii nunquam meminere. Immo fuere inter ipsos Christi discipulos, quos non novimus in eo idiomate excultos, quum & pateat ipsos Graeca versione τῆς LXX. fere semper usos, & primos Episcopos ac Patres Ecclesiae in sola Graeca Lingua fuisse versatos. Aliud ergo est, in veteri Testamento vim alicujus dictionis, Chronologiam, Genealogias, pondera, mensuras, Chorographiam, idiotismos, eruditionem Historicam, aliaque id genus difficilia explicare diligenter, ad quod Judaeae Linguae cognitio necessaria est, ibique sancti Patres aperte vincuntur a recentioribus; aliud vero est ad aedificationem Fidelium ex iisdem sacris Codicibus Dogmata Fidei ac Morum elicere, eaque secundum Christi mentem exponere; heic enim praecellere, aut saltem maximi faciendam esse Patrum Scientiam nos affirmamus, eamque solis vulgatis versionibus, & meditatione, & Traditionis collatione, aliisque ingeniis ac animi virtutibus comparari potuisse.

Quarto, irascuntur quidem ac rident neoterici non pauci; sed immerito, quod Allegoristi nimium indulgeant sancti Patres, dimisso litterali sensu, qui procul dubio & praestat allegorico; & rem vere conficit in investigatione ac tutela veritatis contra inimicos Christia-

ni aut

ni aut Catholici nominis, (a) & quem prae aliis sequutus est incomparabilis ingenii vir sanctus Joannes Chrysostomus.) Non est, quod heic nos ostendamus, mystice multa esse dicta in divinis Scripturis, sanamque esse, atque ab ipsis Apostolis exemplo comprobata methodum interpretandae quoque atque exponendae per Allegorias & Tropologias sacrae Scripturae. Id esset actum agere. Ibi solum laude carere potest, aut etiam culpari, immodicus atque inopportunus mysticorum sensuum usus, & ad eos lepide violenterve contorquere sacras Historias. Quod quum contingit, is & ego sum, qui indignatione commoveor, & moleste fero inutilem plane laborem illum. Et quanquam reliquae etiam Allegoriae, vel probe deductae, neque in Libris, neque in Concionibus sacris me multum afficiant, eo tamen confidentiae nunquam veniendum esse sentio, ut cum Pherepono pag. 477. Animadv. dicamus: *Allegorica fragmenta qui probet, neminem eruditum nunc inventum iri puto.* Suus quippe & Allegoriarum est bonus usus apud populum, quem hujusmodi quoque argumentis ad officia pietatis, & ad reverentiam Mysteriorum impelli cernimus. Patres autem, ceterique veteres Episcopi, quibus familiare ac necessarium tunc erat plebi suae explicare divina eloquia, allegoricos quoque sensus interdum adhibendos esse arbitrati sunt, quod illos etiam ad utilitatem populorum facere intelligerent. Allegoriis autem sunt usi iis in locis, in quibus & Critica subtilitas, & litteralis sensus nihil per se ad informationem pietatis conferre videbantur, uti in Historicis rebus non raro accidit; idque eo maxime placuit, quod tricae Criticorum locum duntaxat habent inter eruditos, aut inter homines in Religione discordes. Apostolus vero non uno in loco agnovit, totam Scripturam ad institutionem ac aedificationem nostram tendere. Rom. XV. 4. *Quaecumque enim scripta sunt, ad nostram doctrinam scripta sunt, ut per patientiam, & consolationem Scripturarum, spem babeamus.* Rursum 2. Tim. II. *Omnis Scriptura divinitus inspirata, utilis est ad docendum, ad arguendum, ad corripiendum, ad erudiendum in iustitia, ut perfectus sit homo Dei, ad omne opus bonum instructus.* At multa in Scripturis habentur, quae nisi mystice & allegorice exponas, ad eruditionem iustitiae solo sensu litterali difficile inservire possint. Vide Augustinum in Libris de Doctr. Christi.

Quod ergo heic prae omnibus animadvertendum censeo, illud est: huc mysticis atque allegoricis Interpretationibus tum solum indulgisse

(a) Haec omnia nuper addita.

dulſiſſe Auguſtinum, & reliquos propemodum Patres, quum ad populum verba faciebant, aut ſuas elucubrationes in institutionem & aedificationem plebis emittebant. Quod ſi res erat adverſus Haereticos, Ethnicos atque Judaeos, tum maxima, immo unica cura iis de litterali ſenſu fuit, cujus vim atque neceſſitatem tunc omnes intelligebant. Si Allegoriis tantum productis Dogmata ſtatuerent ac tueri ſe poſſe credidiſſent Patres, non immerito nunc aſpere exciperentur a Cenſore Pherepono. At litteralis ſenſus arma tunc miniſtravit. Si quando allegoricus in ea diſſidia irrepiſit, uti ornamentum acceſſit, non autem ut argumentum veritatis; & tum ſolum acceſſit, quum aliunde confirmata valide ac evidenter fuerant Eccleſiae Dogmata, aut quum litteralis ſenſus aliquid ſonaret a dignitate Numinis, atque a conſtante Fidei Doctrina diſſonum. Alium teſtem heic nolo, quam Auguſtinum ipſum in tot diſputationibus ſuſceptis contra Arianos, Donatiſtas, Manichaeos, Pelagianos. Immo eundem audi in Epistoſa 48. nunc 93. ad Vincentium, Cap. 8. *Quis non impudentiſſime, ait, nitatur aliquid in Allegoria poſitum pro ſe interpretari, niſi habeat & maniſeſta teſtimonia, quorum lumine illuſtrentur obſcura?* Ad haec in Lib. de Gen. contra Manich. Lib. 2. Cap. 2. litteralem ſenſum, dum fieri poteſt, retinendum, & praefendum docet, in haec verba ſcribens: *Sane quiſquis voluerit omnia, quae diſta ſunt, ſecundum litteram accipere, id eſt non aliſer intelligere, quam litera ſonat, & poruerit evitare blaſphemias, & omnia congruentia Fidei Catholicae praedicare; non ſolum ei non eſt invidendum, ſed praecipuus multumque laudabilis intellector habendus eſt. Lege & reliqua. Sed luculentius, quae ſua mens heic fuerit, Auguſtinus prodit Lib. 17. Cap. 3. de Civ. Dei. Mibi, ait, ſicut multum videntur errare, qui nullas res geſtas in eo genere litterarum aliquid aliud praeter id, quod eo modo geſtae ſunt, ſignificare arbitrantur; ita multum audere, qui prorsus ibi omnia ſignificationibus allegoricis involuta eſſe contendunt, &c. Infra addit: Hoc enim exiſtimo, non ramen culpans eos, qui poruerint illic de quacumque re geſta ſenſum intelligentiſſimae ſpiritualis enſculpere, ſervata primis dumtaxat Hiſtoriae veritate. Ceterum quae ita dicuntur, ut rebus humanis, ſeu divinis geſtis, ſive gerendis, convenire non poſſint: quis fidelis dubitet, non eſſe inaniter diſta? Atque ita Auguſtinus ſentiebat.*

Quae proſecto unicuique perſuadere jam debent, nimium exceſſiſſe Phereponum, dum propter Allegorias & Linguarum inopiam, toties ac tantopere cum ſaſtu inſultat Auguſtino. Eum vero potiſſimum

mum audias, pag. 476. Animadv. perpendentem haec Augustini verba Confess. Lib. 11. Cap. 2. *O Domine perſice me, & revela mihi, ſcilicet Scripturarum ſecreta atque obſcura. Orationem hanc quidem religioſam, & dignam Epifcopo agnoſcit Pheræponus, ſed cum ea conjungendum fuiſſe ait ſtudio Linguarum, quibus conſcripta erat Scriptura, & comparanda cetera præſidia, quibus demum adhibitis, Scriptura intelligi poteſt. Sed quum ea Auguſtinus neglexerit, illa dumtaxat in Scriptura intellexit, quæ poſuit homo Linguarum & Criticæ imperitis intelligere. In ceteris æpoſtati, & Platonifmum nobis pro Doctrina Apoſtolorum propinat, aut argutias inanes magna verborum pompa nobis obtrudit. Quam verborum acrimoniam ut aliquo pacto emolliat, ſubdit: Quæ non eo dico, quod eloquentiam, & acumen in rebus præſertim Metaphyſicis, Auguſtino detrahā, aut quod meritas laudes minus libenter tribuam; ſed quia video multos ejus auctoritate abuſi, & eos præ illo contemnere, quibus nulla ratione conſerri poteſt. En ergo bona tandem verba impetravimus a Cenſore, modelto in ſpeciem, ſed fortalliſ acerbitate nulli ſecundo. Quæ enim contemptus ſigna atque dictæria congeſſerit in Auguſtinum, ſpecimina ſuperius adducta ſatis nos docent. Sed quæ quæſo eſt laus iſta, quæ Pheræpono ſibi de ſua maledicentia timentæ extorta eſſe, aut tandem excidiſſe videtur? Aliquid eſt, eloquentiam & acumen in Auguſtino agnoſcere, poſtquam ejus eloquentiam & acumen toties irriſiſti. Aliquid eſt, eum laudibus dignum fateri, quem ubicumque poſſis vituperandum tibi ſtatuiſti. Sed (uti nemo cordatus non fateatur) Cenſoris honeſti atque germani erat, non minori cura atque ſinceritate has ediſſere laudes, quæ vere Auguſtino conveniant, quam maculas in ipſo, ut ſibi videtur, detegere, & grandi etiam ore inculcare. Ita factum fuiſſet, ut non odio viri ſanctiſſimi, ſed amore veritatis videri multis poſſet contra eundem militare Pheræponus. Saltem in ejus Cenſura æquitatem, ac modeſtiam tam ſæpe deſiderare non cogeremur. Omnium autem Eruditorum conſeſſum heic appello, & peto, an non eae ſint virtutes tum intelleſtuales, tum morales in Libris Auguſtini, ut Auſtorem exhibeant omnium amore ac veneratione digniſſimum? Erraverit quidem; nonnulla ignoraverit; magnis quoque viris ea calamitas familiaris deprehenditur. In aliis excuſemus, quod nobis condonatum vellemus. Et quanquam nefas minime ſit, immo potius ſit commendandum, magnorum etiam virorum errores ac defectus diligenter inveſtigare, & interdum etiam prodere in communem utilitatem; ſerendi tamen*

ii non

si non sunt, qui nulla reverentia, (a) multoque supercilio ac ira id praestant, & propter naevos quosdam non excusatione indignos tam effuse debacchantur, ut quantum ad ipsos pertinet, reliqua ingentia merita, illustresque dotes denigrare ac penitus tollere velle videantur. Neque vero quod alii nimis laudibus extulerint Augustinum, ejusque auctoritate abutantur, tibi in oppositum excessum prorueundum est, ut vitio tuo illos sui vitii commoneas. Utrimque peccatur. Sed Augustinum prae reliquis tot virtutes commendant, tot merita illustrent, ut qui in tantis laudandi caussis, ejus vituperationem unice persequi amet, jam malevolentiae insignis, & inique censurae poenas evadere apud aequitatis amantes non possit.

Repete nunc laudes a Phrepono superius tributas Hipponensi Episcopo; levissimas sane, ac nullas, dum Augustino eripias verae Theologiae scientiam, Scripturarum sacrarum intelligentiam, eidemque contra objicias tanquam familiares aereas pugnas, & Platonicae doctrinae abusum, quam nempe pro Evangelicis dogmatis obtrudebat credulae plebi. Nam quid atrocius de Augustino proferre possis, quando eidem violatae Religionis Christianae notam inuris, & ignorantiam omnium deterrimam? Post tantum dedecus nihil ferre laudandum superest in Augustino. Proinde nemo non videat, moras haec esse calumnias, quum constet, Augustinum neque tam turpiter offendisse, neque caruisse scientia & praesidiis necessariis ad rectam interpretationem Christianae Doctrinae, sacrarumque Litterarum. In Parergis exponendis negare nolim, quin quandoque Augustinus frustra sudaverit ingenio suo, eaque protulerit, quae Criticis

Tom. X. P. I.

A a a a

atque

(a) Hac de re satis abonde superius egit Auctor noster Lib. II. Cap. IV. ubi statuit, *Errores quidem in sanctorum Patrum scriptis non dissimulandos; sed moleste agendum, & excusandos errantes.* Cujus sane canonis aequitatem quis non agnoscat, approbet, sectetur? Attamen dolendum maxime, nostro & superiori saeculo nonnullos extitisse in sanctos Patres adeo inverecundos, ut eos proscindendos ac ludibrio habendos duxerint. Dallaeum omitto, cujus virulentum Opus *De Usu Patrum* cordatioribus Protestantibus improbatum. Sed *Danielis Whithy* audaciam ferre nequeo, qui licet *Dallaei* Librum doctiores Ecclesiae suae Anglicanae homines, *Usserius*, *Pearsonus*, *Fellus* & in primis *Scrivenerius*, fuerint excelsati; ejus tamen doctrinam impiam instaurare contendit, edita Londini an. 1714. in 8. *Dissertatione de sacrarum Scripturarum interpretatione secundum Patrum commentarios*, in qua potissimum probare nititur, *sanctos Patres non esse idoneos sacrae Scripturae interpretes.* Si autem *Whithy* in sanctos Patres iniquior, eorum auctoritatem in Scripturarum interpretatione infirmare aggressus est; in eisdem iniquissimum hic prodidit *Joannes Barbeyracius* in Opere Gallice inscripto, *Traité de la Morale des Peres de l'Eglise*, edito Amstelodami an. 1728. in 4. quo nimirum ostendat, si Diis placet, Doctrinae morum ignaros prorsus adunque ineptos Magistros fuisse veteris Ecclesiae Patres. Horum exemplum sectatus *Joannes Clericus*, & ipse in suis *Epistolis Criticis*, sed praecipue in *Epistola III.* patrocinium *Dallaei* suscipiens, plurima in sanctos Patres dictoria e suo amarulento pectore evomit. Horum quidem me miseret, sed eorum e nostris in primis, quibus placita istiusmodi hominum ardent.

atque Eruditio noſtrorum temporum parum, neque injuria, arri-
deant. At in notionibus verae Virtutis, in explicatione Evangelicae
Veritatis, atque in tradenda illa Scientia, quam praecipuam diximus
eſſe divinarum Scripturarum materiam, in iſſque locis exponendis,
quibus iſta nitiſur & confirmatur, aut contrarii errores damnantur:
non falſo minus, quam impudenter aberraffe dicitur Auguſtinus. Lo-
cum unum proferat Phereponus, quo apertum fiat, tradidiſſe Augu-
ſtinum contraria Apoſtolicae Fidei. Sed ille puto nihil aliud adferet,
quam quae ab Arianiſ, Socinianis, Remonſtrantibus, Calvinianis, a-
liiſque ejus gregis hominibus perperam non tam in Auguſtino impro-
bantur, quam in Eccleſia Catholica. At virum, non alia quam iſta
Auguſtino objicientem, meminiffe decebat, jam nullies a Catholicis
protritus fuiſſe hujusmodi accuſationes; & quamvis ſe viſtos non
dent (a) Haereticis, non id noſtro, ſed Haereticorum vitio ac perti-
nacia fieri. Noſtrum certe omnium ea de re judicium ita habet.

Atque hoc potiſſimum fuit, quod in laudatis ſupra Confeſſio-
num verbis expoſcebat a Deo vir ſanctus & humilis, ne a Fidei ac
Morum Doctrina caeleſti aberraret unquam, dum eam in ſacris
Litteris abditam ſcrutaretur. Nam ut ut in Parergis pertraſtandis te
eruditio deficiat, atque hallucineris (quod maximis etiam viris,
iſſque ad miraculum Criticis, (b) interdum) accidit, & porro ac-
cidet): neque Religio ipſa tum laeditur, neque perit hominis er-
rantis Fides. Tum ſolum errare peſſimum eſt, quum Fidei Morum-
que Doctrinam aliqua ex parte errando labefactas. Et quamquam
nos quoque fateamur, validius atque efficacius per ea praefidia de-
fendi, ſuaderi, confirmariſque poſſe Religionem & Eccleſiam veram
Chriſti; quamquam etiam non negemus, ad multa Scripturarum lo-
ca neceſſariam utilemque eſſe Linguae Hebraeae peritiā; attamen
addimus, non eſſe illam Catholico Interpreti aut homini Chriſtiano
absolute neceſſariam, poſitis fidis Verſionibus, in ea parte, quae ſpe-
ctat ad propriam ſacrorum Codicum intentionem ſive materiam.
Denique animadvertendum, hanc ipſam aciem ingenii, & Criticam
Artem, & reliqua praefidia, & praefantioſiorem methodum, neque
ad Interpretationem faciendam numeris omnibus abſolutam, neque
ad germanam Chriſti Doctrinam intelligendam prodeſſe, niſi e Cae-
lo virtus interpretandi, atque intelligendi deſcendat. Certe Hebraeo-
rum Linguam callebat Regius Propheta, & tamen in Pſalmo 118.

Deum

(a) Alii legendum putant *Haeretici*.

(b) *Al. Jacpe.* Vox ſubſtituta lenior.

Deum rogat, ut ad rem tantam sibi sit praello. *Da mihi intellectum, & scrutabor legem tuam.* Et ibidem: *Revela oculos meos, & considerabo mirabilia tua.* Et rursus: *Faciem tuam illumina super servum tuum, & doce me justificationes tuas.* Hinc sanctus Hieronymus in Epist. ad Paulinum: *Si tansus, inquit, Propheta senebras ignorantiae confisusur: qua nos putas parvulos & paene lactentes inscientiae nocte circumdari? Qua ex re intelligat quisque Theologus precandi Dei, atque animi a vitiis purgandi necessitatem, quo intellectus ad assequendam mentem ac voluntatem Dei, suam legem proponentis, expeditus aptusque fiat. Facilius vero contingit, ut humiles corde, licet semidocti, quam summe docti, sed ambitione turgentes, pravisque cupiditatibus addicti, penetrent in sacrarium caelestis revelationis. Audi Magistrum ipsum nostrum ita ad Phariseos Legisque peritos loquentem Luc. XI. 32. *Vae vobis Legisperitis, quia tulistis clavem scientiae, ipsi non introistis.**

Accedat demum experientia ipsa. Non plus olim in cognitione Christianae Legis, tum ad Mores, tum ad Dogma spectantis, excelluere Patres, Criticae & Linguarum gnari, quam reliqui Patres solis Versionibus & Traditione contenti. Catholicis vero nostrae aetatis non paucis, Pheroponus, ut puto, Eruditionem, Criticam, Studiumque Orientalium Linguarum non negabit. At isti, quod est ad Dogmata Fidei ac Morum, & in praecipuis Disciplinæ Ecclesiasticae capitibus, consonant cum antiquis Patribus, neque eos errasse agnoscunt propter ignorantiam Linguae, neque constituisse pro Christi & Apostolorum documentis somnia Platonis. Rursus qui tantum sibi de Criticis Linguarumque peritiis plaudunt, in gravissimos errores, terribilissimisque Haereses concessere, atque inde ad Catholicam veramque Fidem exurgere nequeunt, & exurgendum non putant. Quid quaeso tam ambitiosa haec scientia valet (Grammaticae tamen potius, quam germanae Theologiae speciem referens) si ab Ecclesia Orthodoxa avertit, & in maximis erroribus tam pertinaciter quiescit? Et ne nobis Romano-Catholicis nos blandiri ac tribuere nimium dicant: sese, gregemque omnium Haereticorum, qui nunc in Septemtrionalibus regionibus tanto numero, tanta diversitate regnant, tandem contemplantur.

Non inter se minus turgidi isti Critici atque Heterodoxi pugnant, quam cum Catholicis; & alter alterum Haeresis, & abdicatae Evangelicae Doctrinae incusat. Melius, inquiunt, quam ineruditi Patres, eruditio nostra divinas interpretatur Scripturas. Bene

est; at cur dissident in praeceptis Evangelii dogmatis? Quei alter alterum non vincit? Cur non dicam gregales suos, sed ne ipsos quidem Catholicos, quamquam sinceros, & de puritate Fidei suaeque salute sollicitos, quidquam e priori sententia dimoveant? Discant ergo, quid possit Critica & peritia Linguarum, ad intelligendam veram Christi & Apostolorum Doctrinam; discant se potius Grammaticos egregios, quam Theologos Orthodoxos ea eruditione saepe fieri; & tandem intelligant, se quidem in sacris Codicibus multa melius, quam Patres exponere posse in ea eruditione, quae ad salutem non ducit; at in praecepta ac regia sacrorum Codicum materia, quae ad veram Fidem salutemque deducit, plus potuisse ac posse Ingenium Catholicum, meditatione constanti excitatum, pietate ac humilitate Caelo carum, Traditione sussultum, & probatis ab Ecclesia Versionibus contentum, quam potuerit unquam, sive possit tota Criticorum jastantia.

Accipe nunc, quid Phereponus ferat pag. 605. Animadv. ad Lib. 2. Cap. 3. de Baptis. contra Donatistas. *Si omnes, inquit, omnino Africae Episcopus congregasses ad iudicium ferendum de sensu loci veteris, aut novi Testamenti, quorum nullus Hebraice sciebat, & perpauci Graece norant: ingens illa imperitorum multitudo ineptior erat ad recte iudicandum, quam vir unus peritus utriusque Linguae; exempli causa, quam solus Hieronymus Stridonensis, quamvis tanta non fuerit ejus peritia, quanta vulgo putatur.* Miseram plane Christi Ecclesiam, cui expectanda fuere duo proxime praeterita saecula, hoc est fortunati illi dies, qui tot nobis dedere acutissimos Criticos in Heterodoxorum coetu, ut recte ac sine erroris periculo interpretari posset caelestia Legis nostrae volumina. Et si quidem Pherepono sordet ipse sanctus Hieronymus, quid de reliquis Patribus eidem imparibus dicendum erit? Equidem incertus haereo, num (a) plus) in contemptum hominum ista sententia vergat, quam in contumeliam Dei, qui & statim ab aedificatione, & tandiu, suam deseruit Ecclesiam, & ignorantiae omnium perniciosissimae evertendam dedit, neque inculcavit unquam per Filium suum, aut per Apostolos, Hebraicae Linguae necessitatem, omniumque Versionum insufficientiam ad salutem, & frustra nos hortatus fuit, ut Ecclesiam audiremus, eique Ecclesiae immunitatem ab errore pollicitus est. At quis haec absurda facile somniet, aut concoquat in Religione Christi? Satis fidae Versiones in iis, quae ad Christianum Dogma spe-

stant,

(a) Al. magis.

stant, semper fuere; sufficiens Eruditio (a) semper fuit) in Ecclesia Dei; & quod in primis huc facit, longe lateque diffusa Traditio non linebat errare pios accuratosque Interpretes, quamvis in locis minime necessariis exponendis deficerent interdum nonnulli, & methodo nonnunquam minus commoda uterentur. Quod si ex ipsis Patribus aliquis in re quapiam gravi erravit, ejus errores minime adopravit Ecclesia, sed correxit, Traditionem & consensum reliquorum fideliter sequuta.

Pergit deinde Phereponus: *Quis dubitet etiam superiore saeculo XVII. unum Hugonem Grotium, aut unum Joannem Drusium, rectius potuisse scripturam veteris & novi Testamenti interpretari, quam omnes Italiae ac Hispaniae Episcopos simul, capita conferentes? Nolo ne vel tantillum quidem expendere, num haberet proxime praeterito saeculo (b) Italia atque Hispania, qui Hebraice & Graece docti possent divinas recte interpretari Scripturas. Satius erit aliquid asserre in exemplaria sacrorum Interpretum nobis a Pherepono proposita. Drusus inter Protestantes Hebraica certe ac Rabbinica Eruditione illustris, talem se praebuit, ut vel a Catholicis Scriptoris tulerit eximias laudes. De illo Richardus Simonius in sua Historia Critica paucis ingentem Panegyricum exhibet. Animus autem mihi non est, totam ejus laudem inter Grammaticae pomoeia concludere, quum & propterea Divinus Grammaticus apud suos audierit. Tibi liceat hominem illum Theologis etiam addere. Sed memineris etiam, in Theologicis controversiis atque in interpretatione divinorum Codicum supra quamplurimos e suis moderatione atque modestia excelluisse. Immo & abstinuit a subscribenda Calvinianorum suorum confessione; & Graecorum Patrum, ac Hieronymi scripta in honore habuit; & aliis in multis Catholice sentire visus est; quae agendi ratio homini peperit odium suorum gregalium.*

Quantus vir inter eosdem Protestantes fuerit *Grosius*, nihil attinet in praesentia commemorare; ejus enim Libri ac fama tanta cele-

(a) Addita haec, *semper fuit.*

(b) Non adeo levi brachio locum hunc tractasset Auctor noster, si dum haec scriberet, publici joris fuisset Pauli Calomescii Italia & Hispania Orientalis, sive Italarum & Hispaniarum qui Linguam Hebraeam vel alias Orientales excoluerunt, Vitae; Opus non ita pridem a Joanne Christophoro Wolfio Hamburgi editum, an. scilicet 1730. in 4. Eo nimirum compertum sit, proxime praeterito saeculo (quod heic nempe nolit inquirere Muratorius) plures egregios viros Italiam atque Hispaniam habuisse, Hebraice & Graece doctos. Quin & Richardus Simonius (Réponse aux Sentimens de quelques Theologiens de Hollande Cap. III. pag. 18. seq.) Joanni Clerico exprobravit, in Linguarum exoticarum cultura & studio Catholicos cum tempore tum industria Protestantibus antefecendos; huiusmodi Catholicorum scriinia expulisse, si quid boni aliquando ad sacram Scripturam illustrandam in medium attulere.

celebritate feruntur, ut nostro plane non indigeant elogio. Eum Arminianis totum adhaesisse, & multis erroribus ejus Libros scaterere, nemo nescit: an & Socinianis in praecipuo illorum deliramento sese junxerit, non ita certum; multaque in idem argumentum Bossuetus Vir Clariss. scripsit. (a) Sunt qui istius criminis notam ab ipso abstergere conantur. Verum illud pro comperto est apud Eruditos, *Grosium* impense admodum inclinasse in Catholicorum partes: immo nisi mors immatura ejus consilia praevertisset, nomen suum Ecclesiae Catholicae daturus erat. Luculentum in hanc rem testem habemus Virum Clariss. Henricum Valesum in Oratione habita in funere incomparabilis viri Dionysii Petavii Soc. Jesu. Ita ille de eodem Petavio: *Quid non praestitit, ut clarissimum virum Hugonem Grosium ad Catholicorum communionem adduceret? Erat ille quidem minime a nobis alienus, ac paene noster; quippe qui doctrinam Tridentini Concilii in omnibus sese amplecti palam profiteretur. Id unum supererat, ut Ecclesiae sacrum ingressus communioni nostrae sociaretur; quod ille nescio quas ob causas, dum ad Catholicae Fidei unitatem plurimos secum sperat adducere, consulto differebat &c.* Cum Valefio consonat Petrus Jurius in Gallico Libro, cui titulus *Ingenium Antonii Arnaldi*. Postquam dixit, Isaacum Casaubonum, si quid fuit, fuisse Papistam, addit, *Grosium* quoque se conjecisse in Papismum: expresse quippe is statuit in postremo Opere suo adversus Rivetum, *solum sacram Scripturam nequaquam sufficere, sed opus etiam esse Traditionem sequi; atque ut percipiat ista Traditio, confugiendum esse ad consensum veterum Scriptorum; praecipue vero certam esse viam ipsius colligendae ex universalis Concilio &c.* Illic etiam Episcopis ingentem tribuit auctoritatem in decernenda Fidei Doctrina, & praesertim Episcopo Romano, quem ad conservationem veritatis atque unitatis consulendum esse in dubiis rebus affirmat. Ad haec testatur Jurius, obligasse *Grosium* fidem suam Bignonio, se post reditum e Suecia Catholicam in Ecclesiam palam ingressurum. Vide etiam peculiarem Commentationem Grotii de *Antichristo*, & *Viam ad Pacem Ecclesiasticam*, seu *Annotationes ad consultationem Cassandri*, ubi quantum Romano Catholicis assentia-

(a) Magni Bossueti Opusculum haec landatum, inscribitur *Dissertation sur la Doctrine & la Critique de Grotius*; etque praefixum *Secundae Instructioni*, quam illustri Auctor edidit in Versionem Novi Testamenti a Richardo Simonio adornatam. Hic autem Interpreter aegre ferens, Episcopum Meldensem Grotii naevos notasse, ejus memoriam vindicare sibi visas est, Dissertationem Bossuetianam perstringens in sua *Bibliotheca Critica*, quam consule: *Biblioth. Critique* Tom. III. Capp. XIII. XIV. XV. pag. 149. 176.

rum, palam fiet. Quae res Jacobum Laurentium Calvinianae gentis Ministrum jam olim incitavit, ut Librum emitteret, cui *Papissantis Grotii* titulum fecit. Sed Epistolas Grotianas omnium maxime heic perpendendas Lectori relinquimus, quum toties in iis edisserat *Grotius*, quae sibi de Catholica Ecclesia foret amica opinio, & quanti a se aestimarentur & colerentur probatissimi Ecclesiae Patres.

Atque ista quidem de *Drusio* & *Grotio*, non ut ea quasi ignota narrem Protestantibus, sed ut alicui e nostris non latis rerum perito subveniam, atque in nostram omnium utilitatem pauca demum ista convertam. Si *Drusius* & *Grotius*, quos ut divini Verbi praestantissimos Interpretes nobis objicit Phereponus, tam bene de antiquis Patribus sensere, eosque sanae doctrinae testes amplissimos suspexere: ergo sancti Patres in eo, quod maximi refert, hoc est in Dogmatica Theologia, atque in interpretanda caelestium Librorum doctrina, alii ex opinione *Drusii* & *Grotii* fuerunt, quam nobis persuadere nunc velit Phereponus. Deinde si celebres illi duo Protestantes, quo magis Linguarum Orientalium peritia ac eruditione excelluerunt, eo magis in sententiam & communionem Catholicae Ecclesiae inclinarunt: ex eorum exemplo conjicere quisque potest ac debet, quid sit Ecclesia nostra, & quam sana sint illius Dogmata, in quibus sita praecipue est Religionis verae substantia. Intelligas etiam, quam non contemnendi Patres, licet minus in Critica & Linguis versati, quoties eos Ecclesia ista Traditionis testes adhibet, & in scientia Dogmatum in sacris Litteris descriptorum fideles agnoscit Interpretes, & sequitur. Eamque nostram methodum, atque sententiam de Patribus placere video multis etiam eruditissimis ex ipso Protestantium numero. Vide, quae Scriptores nonnulli Anglicanae Ecclesiae adhaerentes, de ipsis Patribus eorumque auctoritate fateantur. Unus praecipue ex iis mihi nominandus est Thomas Milles, qui ante paucos annos in novissima Editione Operum Sancti Cyrilli Hierosolymitani contendit, sola Traditione & auctoritate Patrum convinci debere nuperos Arianos, sectatoresque Socini. Quamobrem ex iisdem exemplis quae in medium Phereponus protulit, intelligat tandem ipse, si potis est, sine injuria Augustinum ceterosque Patres a se explodi non posse, & maledicentiam potius quam justam censuram sapere, quaecumque tanta asperitate, & sine ulla exceptione, & sine ullo rerum delectu, adversus eisdem ipse conscripsit. (*) Denique rideas turgidam quorundam jactantiam,

(*) Istaec notabilis additio secundis curis accessit.

tiam, qui quod Hebraicis Litteris operam dederint, Religionis Magistros jam se evalisse arbitrantur, ceterosque contemnunt. Nihil enim ex iis Litteris pendet verae Religionis Christianae scientia atque tutela.)

CAPUT ULTIMUM.

33

An loquentibus de divinis rebus novas voces adhibere liceat, ac liceat. Necessitate compulsi Ecclesiae Patres tot quaestiones pertraxerunt, ut ab Haereticorum sceleribus ac erroribus Catholicam veritatem liberarent. Injusta criminatio Phereponi contra Augustinum, tribuentem Monnicae matri suae quaedam in Libris de Ordine. Iidem Libri a Pherepono nullo jure contemti. Ad Ordinem politicum spectat. in Urbibus tolerare Meretrices, ne pejora mala subsequantur. A Fanatismo ac Enthusiasmo quam longe absuerit Augustinus. Quibusdam hominibus non necessariis Conciles sacrae Scripturae. Sapientiae Liber cur Salomoni adscriptus, & nihilominus Canonicus reputatus. Augustinus de Gorbis agens in vastatione Urbis nihil dissimulavit. Alia Phereponi scelerata in sanctum Augustinum repulsa.

CONGERERE nunc juvat nonnulla alia, quae in Phereponi Animadversionibus sparsa occurrunt. Pag. 477. ad Lib. 13. Cap. 11. Confessi auctor est, de Trinitate esse parissime disputandum, uti de aliis hujusmodi Mysteriis; si enim de iis loqueremur dumtaxat, quatenus nobis sunt re-velata, atque loquutionibus Scripturae contenti, ignota Deo relinqueremus, non tot essent contentiones &c. Paria habet pag. 516. ad Cap. 20. Libri de Agone Christiano, ubi Theologos culpatur, quod post exortas Nestorii controversias audacter explicare velint, quod nesciunt de Incarnatione Verbi: sed fusius hac de re mentem suam explicat pag. 600. Animadv. ad Lib. 1. cap. 4. & pag. 602. ad Lib. 7. cap. 4. de Trinitate, valde ambigue loquutos esse Veteres de Deo uno & trino ait: id quod piaculo proximum putat. Tum laudat posteriorum saeculorum Ecclesias, quae Veterum audaciam emendarent. Nos ergo, deinde subdit, de unitate Dei, deque Patre, Filio & Spiritu Sancto ex Scriptura quoque loquamur, atque sentiamus, nec puremus

putemus id posse a nobis perspicue explicari, quod perspicue revelatum non est; aut melius exprimi verbis nostris, quod non assequimur, quam verbis Christi & Apostolorum, &c. Si veteribus ignoscimus, quod de Unitate specifica divinae naturae in Patre, & Filio & Spiritu Sancto docuerunt; ne immisericordes simus in eos, qui hac de re aliter quam nos nunc forte sentiunt, si modo Scripturam sacram normam fidei suae habeant, praeceptorum Evangelii sint observantes, rediturumque e caelo Domini nostri Jesu Christi vivos & mortuos iudicaturi nobiscum praestolentur. Qui heic loquitur, Arminianus est, & pro se ac pro Arminianis perorat, cujus Sectae Libri & praecipue Confessio cap. 3. & Apologia cap. 3. & Limburchius variis in locis, hoc idem docent; nempe in proponendo Trinitatis mysterio abstinendum esse a vocibus, quas humana auctoritas induxit. Gravissima utique Socinianis sententia. Immo Episcopus aique alii gregis illius, abstinendum quoque dixerunt a sententia & vocibus, quibus Deum unum in essentia, trinum in personis affirmamus; Fidem quippe Trinitatis (si iis credimus) necessariam ad salutem non censuerunt priora tria Epochae Christianae secula. Iisdem numeris canentem nunc audimus Phereponum, & insultantem aliis in locis Augustino, tanquam de eodem immenso mysterio inepta narranti.

Equidem omnia, quae in Libris de Trinitate edisseruit sanctus Augustinus, in me non reciperem ostendere talia esse, quae unicuique placeant, quum & aliqua sint, quae Augustinus ipsemet probasse non videtur. Sed sive elumbia sint illic argumenta, sive multiloquium, & ornamenta superflua pro dignitate ineffabilis argumenti (a) ibi occurrant: nihilominus illud certum esse debet nobis, quod est ad nucleum Dogmatis, nihil ea in re hallucinatum fuisse Augustinum, ejusque orationem a crimine audaciae prorsus abesse: neque secus judicandum de reliquis Patribus, qui Augustinum praecessere. Inventa sunt quidem in Theologiam; de Deo uno ac trino loquentem, vocabula nonnulla quaestionesque non paucae, quorum nusquam expresse meminit divina Scriptura. Sed quod iis vocibus novis significatur, iisque de controversiis Ecclesia decrevit, veterem & Apostolicam nihilo secius Doctrinam continet, quippe ex aliis evidentibus Scripturae placitis rite deductum, aut per Traditionem certissimam a Christo Ecclesiae suae revelatum. Fecerunt autem subinde pullulantes Haereses, grande illud mysterium variis erroribus vexantes, ut ipsi quoque Patres coacti vocabulis novis uti, scientiam

Tom. X. P. I.

B b b b

tiam

(a) Haec clarius addita.

tiam divinarum rerum uberius explicarent, & ab Haereticorum erroribus atque cavillationibus, multiplicata quaestionum segete, fortius tuerentur. Augustinum ipsum audi Lib. 7. c. 4. de Trin. Fateamur loquendi necessitate parva haec vocabula, quum opus esses copiosa disputatione adversus insidias, vel errores Haereticorum. Quum enim conaretur humana inopia loquendo proferre ad hominum sensus, quod in secretario mentis pro capiti senes, de Domino Deo Creatore suo, sive per piani fidem, sive per qualemcumque intelligentiam, simul dicere tres essentias, ne intelligeretur in illa summa aequalitate ulla diversitas. Rursus non esse tria quaedam, non poterat dicere; quod Sabellius quia dixit, in Haeresim lapsus est, &c.

Quod vero ambigue hisce vocabulis loquuti sint Veteres, etiam si id concedere vellemus, non tamen admirationis aut accusationis iusta causa Pherepono foret. Linguarum diversitas obstabat interdum, ne Christiani unius Linguae, voces alterius, causa novarum controversiarum in Theologiam illatas, expedite intelligerent. Tum varias notiones uni atque eidem voci subiciebant nonnulli; rursusque unam rem diversis vocibus significabant alii. Sed Haereticorum in primis arte accidit, ut *ambiguae* viderentur voces, dum suam illi doctrinam aut celare, aut dealbare niterentur, ne erroris accusarentur. At collatis, & probe expensis & in Conciliis potissimum, Catholicorum Patrum sententiis, explorata quoque diligentius Haereticorum mente: demum constabat, verbis tantum, non rebus, inter se discrepare Catholicos, & Dogmata per eos certissima tradi, & falli Haereticorum novitatem. Ait Phereponus, abjiciendas loquutiones novas de Trinitate, & iis contentos nos esse debere, quae in Scripturis sacris habentur. Catholici quoque hoc faciendum suadent, ne novam doctrinam sub vocibus novis in Ecclesiam inferamus. Basilii, Nazianzenus, Cyrillus, ac alii complures modum ac sobrietatem laudant, in loquendo de rebus divinis, jubentque nos temperare temerariis quaestionibus. Sed quum nos cogunt Haeretici per alia verba explicare mentem ac voces divinarum Litterarum, nihilque aliud quam vetus doctrina proponitur, vel per legitima confectaria ex iisdem sacris Litteris derivata, vel per accuratam investigationem e Traditione Patrum hausta: tunc licet, ac interdum etiam necesse est, nova verba a Scholis & Linguis mutuari. Filiis autem Ecclesiae verae uti nefas est aliquid proferre, quod sacris Scripturis adverteretur; ita crimen est aut negare, aut damnare, atque rejicere quidquid rite per Ecclesiam deducitur ex eisdem Scripturis, ac Traditione

ditione fideli. Sabellius ita unitatem Dei deprædicat, ut Trinitatem excludat. Ecce necessitas novarum vocum, ut Apostolorum Doctrina melius innotescat, & novus error profligetur. Divinitatem Filii Arius negat; Sancti Spiritus Macedonius; in Christo duas naturas impie disjungit Nestorius, pessime confundit Eutyches: en quod Patres adigunt ad loquutiones novas in Theologicis usurpandas, quo quid credendum moneat Fides, clarius intelligatur in populo.

Et fallitur Phereponus, quum Dogmata hujusmodi *non perspicue revelata* ait; nam etsi non semper apertissime verbo Dei scripto, cæte revelato per Traditionem, ea omnia perspicue constant. Frustra quoque invidiam facere conatur Catholicis, quasi melius exprimi posse putemus *nostris verbis, quod non assequimur, quam verbis Christi, & Apostolorum*. Id enim necessitate fit, & ad eruditionem indoctæ gentis, & ad confutationem errorum; & in hunc finem Christus Ecclesiæ suæ, ut Apostolus ait Ephes. IV. 2. *Dedit quosdam quidem Apostolos, quosdam autem Prophetas, alios vero Evangelistas, alios autem Pastores, & Doctores*. Quamobrem si divinæ essentia unitas, & divinarum personarum trinitas innituntur, ut nos contendimus, certa auctoritate Scripturæ ac Traditionis: quid est, quod veniam Phereponus, nescio an Arminianis, certe Socinianis, impetrare nunc velit, præcipua hæc Dogmata aut negantibus, aut recipere recusantibus? Et quum in Ecclesiâ Dei talia negare, immo non asserere, inexpressibile crimen Hæresis semper fuerit, uti jam doctissimi viri tum ex Catholicis, tum ex Protestantibus, & omnium novissime Georgius Bullus Anglus contra Episcopium ostenderunt: quei nunc licentiam credendi hæc, quidquid suæ tantummodo menti arridet, Augustini Censor deposcit? Si qui ex Veteribus a Catholica sententia discrepasse videntur, iis sane indulgendum, vel quod minus acute, multumque pertunditorie, & sine dolo malo, de sublimibus mysteriis egerint; vel quod solo usu loquendi a reliquis Christianis dissenferint, idemque vocibus diversis significarint; vel etiam quod iis temporibus scripserint, quibus nondum aut disputatio cum Hæreticis, aut sacra Concilia falli nescia splendidissimam faciem veritatis prætulerant. At quam quæso indulgentiam debeamus Novatoribus quibusdam Ingenio suo Revelationem accommodantibus, & Ecclesiæ auctoritatem, & Patrum omnium Traditionem, nunc unicuique notam, & in Conciliis stabilitam, miro fastidio atque ambitione nostro hoc ævo despicientibus? Hoc hominum genus fugiendum clamat Apostolus. Hanc superbiam, non cautionem damnandum

dum esse, cum Ratio recta, tum disciplina Ecclesiae satis aperte nos docent.

Regrediamur nunc ad Augustini Libros *de Ordine*, in quibus quum vir sanctus ingenium Monnicae parentis suae commendasset, Phereponus pag. 478. Animadv. accusationis novae ansam arripit, inquires: *Si haec in sermone familiari matri dixisset Augustinus, vituperari sane non posset, immo forte laudaretur pietatis causa: sed haec nescio quomodo scribere sustinueris ad virum eruditum, atque edere.* Legamus, quaenam tandem sint immodica ista encomia in suam matrem ab Augustino congesta. Nobiscum (inquit Lib. 2. cap. 1. de Ord.) erat etiam mater nostra, ejus ingenium, atque in res divinas inflammatum animum, cum antea convictu diuturno & diligenti consideratione perspexeram, tum vero in quadam disputatione non parvae rei &c. tanta mihi mens ejus apparuerat, ut nihil aptius verae Philosophiae videretur. Necesse est nimium delicatus sit, aut nimis adversus Augustinum animatus, Cenfor ille, quando hac de causa vituperandum putat Augustinum. Lege tot Dialogos, tot Libros excellentium virorum; similia & longe majora ubique reperies, quae aut veritas confirmat, aut certe amor honestissimus displicere auditoribus non sinit. Quod si Pherepono iudice vel foret laudandus Augustinus, ubi eadem suae matri in familiari sermone dixisset; cur idem praestitisse in edito Libro flagitium fuit? Immo si falsa ea laus reputanda est, gravius peccasset filius, quod matri suae in faciem adulatus fuisset, falsamque persuasionem bonae aevi ingessisset. Quamquam quis in ea laude sobrietatem desideret? Inquit Augustinus, se ingenium illud, eamque mentem, & eum in res divinas inflammatum animum (quae verba sibi reticenda Phereponus non sine causa duxit) ut nihil aptius verae Philosophiae videretur. Non exhibet ille nobis egregiam quampiam in Monnica (liceat ita mihi dicere) Philosophissimam, sed ejus mentem ingenio ejusmodi instructam, & ardore in res divinas ita accensam commemorat, ut aptissima esset ad veram Philosophiam. Quae laus piis etiam nonnullis feminis nostra hac aetate convenire potest, quamvis nullam unquam Philosophiae dederint operam. Quanto autem magis in Monnicam cadere eadem laus potuit, cujus prudentiam, pietatem, & reliquas cordis & mentis virtutes sincere expositas habemus in Confessionum Libris?

Sed inquit Phereponus, se nescire quomodo haec scribere atque edere Augustinus sustinuerit, quum praesertim Liber *de Vita beata*, ubi nimis illa Monnicae responsa leguntur, edendus etiam esset: cum enim

enim si quis legat, facile intelliget, filium prae amore matris ingenium invenisse in verbis bonae anus, quod alii non facile animadvertant. Nisi sit hoc abuti otio & litteris, quid aliud jam erit? Censorem agere volumus: & quidquid occurrit, censoriam protinus virgam meretur. Scilicet non desunt unquam verba jurgari, & laedere capientibus. Habemus Librum, seu Dialogum de Vita beata, ibique suae sunt partes Monnicae matri. Certe videtur ignorare Phereponus, qui Dialogos contexere soleant eruditi viri. Interlocutores pro libito inducunt, iisque sine ulla culpa tribuunt atque affingunt orationem moribus ac ingenio illorum conformem. Quare ne ego quidem intelligo qui dicatur Augustinus ingenium invenisse in verbis bonae anus, quando haec eadem verba Augustino sunt tribuenda, & subtiliora melioraque Augustinus eidem suae matri potuisset adscribere. Deinde consule ipsum Librum de Vita beata, intelligesque an insulsa sive vulgaria adeo sint pauca illa quae Monnicae tribuuntur, ut ea contemnere Pherepono licuerit, immo his aliis coeptam onerare censuram; Quae, inquit, mulier nunc paulo liberalius educata, talia & meliora etiam aliud agens non effundas? At nos dicimus, si qua mulier talia melioraque etiam aliud agens effunderet, qualia legimus in Libro de Vita beata; sique pari ardore in res divinas ferretur, ac Monnica ferebatur, jure mentem quoque illius feminae aptissimam verae Philosophiae affirmare possemus. Ceterum non ita facile ignoscendum videtur Pherepono nostro Monnicae ingenium, ejusque laudes confidentissime ridenti, quasi Censori nupero ex ejus convictu diuturno, & diligenti consideratione constitisset, illam ingenii perspicacia caruisse, & bonam tantummodo animum fuisse dicendam. Non uno argumento deprehenderat Augustinus, quanta mens matri suae foret. Tanto ac tam pio viro quisquis fidem sine ulla ratione, & pro solo arbitrio suo neger, non video cur impudentiae non sit arcessendus.

Porro eodem stomacho Libros de Ordine Phereponus legit. Nulam quippe ibi definitionem paulo accuratorem reperit, *sed sansum Descriptiones Rhetoricas, re descripta saepe obscuriores, aut certe aequae ac eam obscuras: quod exemplo uno ostendere non inutile putat. Tum haec addit: Si talia hodie conscribillarentur, & in publicam lucem protruderentur, profecto Eruditorum plausum non ferrent, uti nec innumerae inanes argutiae, quibus haec Opuscula scatent. Sed illo aevo verba pluris multo fiebant, quam res ipsae; quo vitio & nostrum saeculum, plus quam opandum esset, etiamnum laborat.* Bono animo

animo volo sit Augustinus, quando Phereponus tot reos cum illo, ejusque aetate conjungit. Seculum nostrum iisdem laborat vitiis, ac Seculum Augustinianum; quum tamen eruditionis gloria, & methodi in Litterarum studiis eximiae fama commendetur, & Phereponum non unum luci dederit. Iraque tanto exemplo se consoletur Augustinus. Interim tamen nescio quam multis Lectoribus persuasurus sit Phereponus, Opuscula illa Augustini, quamquam primos illius foetus, verbis duntaxat, & non rebus, abundare, & innumeris, iisque inanibus argutiis ita scatere, ut nullum Eruditorum plausum polliceri sibi debeant. Equidem non ea dicere auderem absoluta, aut summe commendanda Augustini Opera; sed quidem talia affirmare ausim, ut neque Augustinum quod elucubravit, ac edi passus fuerit, neque nos si legerimus, poenitere unquam possit aut debeat. Vel ipse Phereponus illa pluris aestimasset, minusve contempsisset, nisi tunc fuisset oblitus, quae licentia, quae leges, qui finis sit Dialogorum Scriptori. Alioqui vel in Platonis Libris nimium habebit Phereponus, quod rideat, atque accuset. Ego vero Censori huic non succenseo, quod exquisitam accuratamque argumentorum pertractationem in quibusque Libris desideret, sed quod ita ab unoquoque exigat optima, ut nihil ferat, omnia flocci faciat, quae istum pulchritudinis apicem forte non attigerint. Lege Opuscula illa Augustini, & tu perpende, num inepta ipsa sint, an eorum Censor iniquus.

Quid sordidius, quid inanius decoris ac surpsitudinis plenius, meretricibus, lenonibus, ceterisque hoc genus pestibus dici potest? Aufer meretrices de rebus humanis, turbaveris omnia libidinibus. Verba sunt Augustini Lib. 2. cap. 4. de Ordine. Optandum esset Augustino, ne talia unquam effudisset; adeo quippe absorta a ratione videntur Pherepono, ut pag. 479. exclamet: *Si talia bodie scriberemus, numquam sat graves poenas dare possemus iis, qui ea in Veteribus mirantur.* Et quidni? quum si Augustini iudicium sequamur, recte faciant Legislatores & Principes, qui lupanaria esse patiuntur; nam praestat paucas domos pollui, quam omnes libidinibus turbari. Audiat porro Augustinus, & quando bene filere non didicit, discat jam a Pherepono nostro consona & vera loqui. *Quanto, inquit ille, satius erat dicere, malos mulieres & libidinosos juvenes abusi libertate a Deo accepta, & alia, quae ab Eruditis nunc dici solent!* Dicat quaesio Phereponus, num rara atque inaudita se narrare nobis puet, quum talia de meretricibus scribit. Equidem non puto; nam cui

cui Christiano discendum adhuc est, peccare malas mulieres, & libidinosos juvenes, dum in vitam luxuriam se abripi sinunt? Praeterea non libidini tantum, sed cuicumque alii peccato indulgens homo, abutiur libertate a Deo accepta. Addo, me nequaquam intelligere, quid ad rem praesentem faciat animadversio Phereponi. Augustinus quaerit, an ad *Ordinem* pertineat, permittere Meretrices in Urbibus, & Phereponus reponit, se laudaturum fuisse dicentem, id feminarum genus abuti libertate a Deo accepta. Sed rem intimius perscrutemur. Arguere Augustinum videtur Phereponus, quasi meretriciam artem is probet; proptereaue forsitan subdit, peccare juvenes ac feminas huic libidini obsequentes. Verum Augustino nulla alia opinio fuit, quam sit Pherepono; quippe meretriciam artem *fordidam, turpitudinis plenam* supra ceteras appellat, & *pestibus* accenset, & *hoc hominum genus per suos mores impurissimum vira* agnoscit. Igitur Pherepono duntaxat animus esse potuit fugillandi Augustini, quod dixerit, non male permitti in Civitatibus Meretrices, idque ad *Ordinem* pertinere. At Augustinum rectissime hoc pronuntiasse, nemo negaverit, nisi qui minora mala negat esse toleranda in Urbibus, quando aliter evitari majora non possunt. Hoc autem axioma politicum quisque sapiens amplectitur, & omnium maxime amplecti Phereponus debuit, qui tantum abest ut vitia quaedam hominum castigata a Principibus velit, ut vel impune errare in Religione unicuique permittendum censeat. Quod si meretrices ab Urbibus non eliminari saecularis Magistratus, non idcirco earum artem licere apud Deum arbitratur. Christiana vero Lex, ejusque Doctores in illam tanquam pestem Deo plane invisam quotidie perorant; ac proinde constare potest, *Ordinis* esse, ut mala ac vitia quaedam ferantur, neque politice puniantur in hominum commercio, ne si omnia auferre velis, periculosius deinde a gravioribus malis ac vitiis Reipublicae ordo turbetur. Quod & Medici faciunt in corpore male sano, ipsaque fecisse videtur Judaeorum Respublica, & ceterae Nationes, non libenter quidem, sed necessitate quadam coactae.

Pauca in Librum de *Immortalitate animae* habet Phereponus: ut ut tamen sint pauca, pauciora tamen sunt, quae Augustinus ipse Lib. 1. cap. 5. Retrahit. scripta reliquit, & nos repetenda heic existimamus, quum satis sint ad obstruendum os obloquenti Censori, qui ingenuam Augustini confessionem ac sententiam de hoc Libro dissimulare voluit. Inquit ergo Augustinus de Libro eodem. *Sed nescio quomodo me inviro exiit in manus hominum, & inter mea Opuscula*

scula nominatur. Qui primo ratiocinationum consortione atque brevitate sic obscurus est, ut fatiges, quum legitur, etiam intensionem meam, vixque intelligatur a me ipso. Ejusdem Augustini verba sunt haec alia in Prologo ad Libros de Doctrina Christiana: Haec tradere institui volentibus, & valentibus discere, si Deus ac Dominus nosser ea, quae de hac re cogitanti soles suggerere, etiam scribenti mihi non deneges. Pherepono ista nequaquam probantur pag. 524. Animadv. Quamvis, inquit ille, bonas omnes cogitationes ad Deum, quasi ad bonorum omnium primam causam, referre debeamus; non ita tamen loquendum, quasi Deus nos offlaret, & quidquid bonum esse credimus, veluti distaret. Tum incommoda nonnulla recenser, quae hinc nascerentur, & quae mirari se ait, cur in mentem Augustino non venerint. Tandem in haec verba definit: Profecto bodie nemo est inter Eruditos, qui velit sub nomine suo edi, quae suggestiones divinae ab Auctore putabantur. Quam vera sint postrema haec verba, videant alii, quibus ignota non sit Calviniani Gregis, & Anabaptistarum, & Quakerorum, aliorumque id genus hominum Historia.

Quod nostrum est dicimus, bene heic habere doctrinam Phereponi, temporibusque istis usui esse posse, quando recentiora schismata peperere tot in Anglia, Germania, Belgio, aliisque Provinciis, *Visionarios*, ut vocant. Cavendum autem, ne stulti abutantur nomine ac verbis Augustini, neve revelationes atque inspirationes tanquam caelitus delapsas nimium credulis obtrudentes, fallant, simulque fallantur, Ceterum si Pherepono animus est, Augustinum heic tacite *Fanatici*, ut ajunt, seu *Enthusiasticis*, accensere, eidemque saltem ex his verbis invidiam creare, nequeo quin desiderem in ejus consilio aequitatem. Nemo longius absuit, quam Augustinus, a revelationibus venditandis; nemo luculentius expressit, qualem sibi ipsis fidem haberi veller. Se quippe ille noverat non Prophetam, non Doctorem ab omni erroris periculo immunem. Non ille tantum sibi tribuebat, ut veller sibi credi quaecumque diceret, quasi nihil non Caelo Auctore loqueretur in interpretandis divinis Litteris. Sed qui sciret ab homine privato exspectandam non esse certissimam Doctrinae Christianae explicationem, & sitam esse immunitatem ab omni errore in unius tantummodo Ecclesiae auctoritate: sua proinde accipi volebat, tanquam dogmata hominis, veritatem quidem quaerentis, sed non auctoritate caelesti proponentis. Vulgatissima sunt, & tamen heic referenda, quae ille in Epist. 36. ad Fortunatianum olim CXI. scribit. *Neque enim, ait, quorumlibet dis-*

spusa-

sputationes, quamvis Catholicorum, & laudatorum hominum velus Scripturas Canonicas, habere debemus, &c. Talis ego sum in scriptis aliorum; tales esse volo intellectores meorum. Et ad Sanctum Hieronymum ita scripserat Epist. 82. alias 19. Solis Scripturarum Libris dici hunc deferre honorem, ut nullum auctorem eorum in scribendo errasse aliquid, firmissime teneam. Alios autem ita lego, ut quantalibet sanctitate praepollem, non ideo verum putem, quod ipsi ita senserunt & scripserunt. Reliqua Augustini hac de re documenta omitto. Quamobrem tollitur suspicio omnis, voluisse unquam Augustinum aliquid novi tradere, tanquam sibi caelitus revelatum, dictisque suis hac arte comparare certissimam fidem.

Quae ergo mens Augustino, quum ait, *Deum ac Dominum nostrum sibi de praeceptis tractandarum Scripturarum cogitanti, nonnulla suggerere consuevisse?* Nihil aliud ille vult, nisi se Deo accepta referre, quaecumque bona, utilia, ac vera eam in rem sibi adiuvenisse & excogitasse videbatur. Nempe a Deo venit quidquid boni in homine nascitur; & quaelibet cogitatio bona ad Deum, hoc est, ad ejus proprium ac praecipuum Auctorem referenda est; non enim sumus sufficientes cogitare aliquid a nobis, quasi ex nobis, sed *sufficientia nostra ex Deo est.* Quae sententia illustrata est ab integro sanctorum Patrum choro, sed ab Augustino potissimum innumbris in locis. In iisdem Libris de *Doctrina Christiana* auctor ipse est Oratoribus sacris, ut preces ante concionem ad Deum fundant, & ab ipso depolcant, quid & quomodo dicendum; nam ut est Sap. VII. 16. *In manu illius, & nos, & sermones nostri, & omnis sapientia, & operum scientia & disciplina.* Ad preces tamen adjungendum esse ait studium necessarium; & hoc enim Deus exigit a nobis: quae etiam valere puto ad retundenda Phereponi disteria pag. 548. Animadv. ad Serm. 244. Augustini, ubi sanctum virum non sine legentium stupore quodammodo ridet, quod auxilium divinum imploraverit, quum ad populum verba faceret. Nomine itaque divinae suggestionis & revelationis sibi factae quoties utitur Augustinus, aut populum erudiens, aut Libros conscribens, id tantum sibi vult, se divino boni cujuscumque Auctori tribuere, atque acceptum referre, quidquid boni ac veri calamo aut ore prolaturus est. Neque illi animus iactitandae revelationis cujuscumque, cui fidem non habere certissimum piaculum fit, multoque minus quidquam profert tanquam novum dogma sibi a Deo revelatione peculiari detectum. Immo his ipsis verbis (quae de Prolog. ad Libros de Doctr. Christ. Pherepo-

nus sumfit) fatis prodit Augustinus, se nihil tradere supra hominis privati jus, dum humilis aequae ac modestus dubitat, num *Deus scribenti sibi* ea tunc sit suggesturus, an denegaturus, quae volentibus & valentibus discere, utilia deprehendantur.

Eadem pag. 524. Animadv. configit Phereponus haec alia Augustini verba: *Homo itaque fide, spe & caritate subnixus, eaque inconcussa resinens non indiget Scripturis, nisi ad alios instruendos. Itaque multi per haec tria etiam in solitudine sine Codicibus vivunt.* Ita Augustinus Lib. 1. cap. 19. de Doctrina Christiana, ad quae Phereponus: *Nemo, inquit, tam est peritus Scripturae, quin indigeat Codicibus, quos consulat & legat subinde. Quod si quis Litteras nesciat, ibi potius debet vivere, ubi leguntur, quam in solitudine: si quis sciat, proseruia est, & negligentia non ignoscenda, si Codices sibi non compareret.* Tum Augustini sententiam egregio decreto percellit inquit: *Haec merum entusiasmum redolent.* Phereponum laudo, quod Scripturae sanctae necessitatem atque utilitatem Christiano Populo commendat. Ne apud nos quidem ullus est, qui divinas Litteras veluti summum Dei munus non extollat, nemo est, qui earum lectionem atque meditationem non suadeat; & impietate non careret, quicumque ab eo studio Christianum Gregem averteret, easque superfluas Reipublicae Catholicae arbitraretur. Quantum quoque in iis laudandis & suspiciendis sedulus fuit Augustinus, tantum quoque alienus fuit a minuenda earum utilitate. Id ostendere facile quidem, sed etiam supervacaneum foret in tanta rei evidentia. Haec tamen generalis regula suas patitur exceptiones; nam ad consequendam vitam aeternam, & ad recte vivendum atque credendum, hominibus singulis necessaria non est divina Scriptura; interdum etiam non utilis, immo perniciofa esse potest, non ex se ipsa, sed ex ignorantia, aut perversis hominum affectibus. Certe fuere tempora, quibus Codices sacri novae Legis non erant, & aliquid nondum fuerat Litteris divinitus commendatum. Ita nempe se habuere priores anni Christianae Reipublicae. Praeterea diu caruere sacris Litteris Provinciae quaedam Christum amplexae, quum in earum Linguam conversa nondum fuissent Prophetarum & Apostolorum monumenta. Audiendus est in hanc rem sanctus Irenaeus Lib. 3. cap. 4. *Quid autem, Inquit ille, si neque Apostoli quidem Scripturas reliquissent nobis, nonne oportebat sequi ordinem Traditionis, quam tradiderunt iis, quibus commiserant Ecclesias? Cui ordinationi assentiunt multae gentes Barbarorum eorum, qui in Christum credunt, sine characterere, vel*

vel atramento scriptam habentes per Spiritum in cordibus suis, & veterem Traditionem diligenter custodientes. Infra vero addit: Hanc fidem qui sine Litteris crediderunt, quantum ad sermonem nostrum barbari sunt; quantum autem ad sententiam, & consuetudinem, & conversationem propter Fidem, per quam sapientissimi sunt, placent Deo, conversantes in omni iustitia, & castitate & sapientia.

Nolo heic innuere, quibus hominibus, & quomodo & quando necessaria non sit divina Scriptura, immo etiam esse possit, quibusdam conditionibus positis, perniciofa. Insistere tantummodo placet verbis sancti Irenaei. Etiam sine sacris Litteris placere Deo possunt homines, dum in omni iustitia, & castitate, & sapientia verentur. Nam cur caeleste hoc eruditionis patrimonium Ecclesiae suae dedit Deus, nisi ut nos Veritatem revelatam edoceret, eamque mutationis ac depravationis periculo eriperet, simulque nos ad amorem sui & proximi, & iustitiae incitaret? Atqui certissimum est, vel sine lectione divinarum Scripturarum posse homines consequi id, quod per eandem tribuere Deus solet, nempe abundare Fide, Spe & Caritate, operibusque pietatis atque iustitiae fideliter vacare; id quotidie faciunt tot illiterati ac rudes. Bona institutio, pia meditatio, Pastorum vox, praedicatio atque Traditio non raro satis sunt homini divina gratia adjuto, ad placendum plus Deo, quam placeant Eruditi nonnulli in sacrarum Litterarum studium perpetuo intenti. Ergo in his casibus non indigent homines Codicibus sacris, quos legant, multoque minus si legere nesciant. Jam aliunde habent, quod ex eorum Librorum lectione expectare alii possunt. Ergo iis tunc necessaria non est lectio sacrorum Librorum. Quod si quis dicat: erit saltem utilis, immo necessaria quodammodo; nam Fides, & Spes & Caritas sine meditatione caelestium Codicum servari vix queunt: respondebimus, nunquam negasse Augustinum, quin semper utilis esse possit lectio divinatorum librorum, sed tantum ejus necessitatem negasse in hominibus jam Fide, Spe & Caritate abundantibus. Deinde Augustinum loqui de iis, qui has virtutes *inconcusse retineant*, ac servant; nam eo saltem tempore necessitas nulla est legendae, aut audiendae divinae Scripturae. Tandem quum certum sit, uti diximus, aliter quam per lectionem Codicum sacrorum, Fidem, Spem & Caritatem obtineri posse, certum pariter esse debet, sine eadem lectione servari ac retineri posse eandem virtutes.

Quibus ex rebus intelligas, perperam, ac intoleranda censura *Enthusiasmum* somniari in Augustini sententia, quasi auctor sit sanctus

Etus Doctor, nihil generaliter referre, habeatne Christianus Homo, an non habeat, legatne an non legat Scripturam sacram. Equivocatione rursus non carent Phereponi verba, dum ait: *Nemo tam est peritus Scripturae, quin indigeat Codicibus, quos consulat & legat subinde.* Explicare debuit Cenfor, quem in finem quisque indigeat Codicibus sacris: si ad alios erudiendos; utique vera est Phereponi sententia; sed ipse ab Augustino prius didicit, ita scribente, ut vidimus: *Non indiget Scripturis, nisi ad alios instruendos.* Si ad eruditionem sui, ut recte credat, ac recte operetur; jam ostendimus id immerito a Cenfore affirmari, quum & Augustini tempore multi homines piissimi Fide, Spe & Caritate subnixi, *etiam in solitudine sine Codicibus viverent*, & nostris etiam temporibus multi vivant fide, pietate bonisque operibus conspicui, & tamen Litterarum prorsus ignari. In reliquis item Phereponi verbis eadem equivocatio later. *Qui nescit Litteras, ibi potius debet vivere, ubi leguntur sacri Codices, quam in solitudine:* id verum est, nisi jam inscriptam in corde suo habeat, & solícite servet legem & doctrinam eorundem Codicum; at eadem necessitas minime urget, ubi jam teneat, credat & re perficiat, quod sacri Codices tradunt, præcipiunt & suadent. Similiter *proservatae & negligentiae* intolerandae damnandus continuo non est, qui Litterarum gnarus *Codices sacros sibi minime comparat*: fieri enim potest, ut hic jam ipsos legerit, & ex ipsis, aut aliunde didicerit, aut discere pergat, & foveat, & exerceat legem Dei in omni pietate atque iustitia. Tabulae autem lapideae, & Codices scripti eo duntaxat tendunt, ut in cordibus hominum legem Veritatis & Caritatis inscribant: quod quum factum est, & ea lex *inconcusse retinetur*, tum necessitas tollitur comparandi sibi Codices materiales, sine quibus nemo dubitare potest, quin multi ad veram pietatem & salutem aeternam pervenerint, atque perveniant. Itaque necessaria quibusdam non est, quanquam generaliter loquendo nunquam desinat esse utilis ex natura sua, divinorum Librorum lectio.

Cap. 8. Lib. 2. de Doctr. Christ. scripserat Augustinus: *Illi duo Libri, unus qui Sapientia, & alius, qui Ecclesiasticus inscribitur, de quadam similitudine Salomonis esse dicuntur: nam Jesus Sirach eos scripsisse constantissime perhibetur.* Tum Retract. Lib. 2. Cap. 4. sententiam hanc suam de Auctore Libri Sapientiae corrigit, atque didicisse postea, non esse illum Sirachidi tribuendum. Ad haec Phereponus pag. 524. Animadv. *Mirum esse, ait, Episcopum tanti nominis*

nis

nis rem tantillam ignorasse aliquandiu, quam a Catechumenis disci oportuisset. Numquam studiose eum legerat Librum, quum haec scriberet: nam Auctor Libri se non ait Jesum esse filium Sirach, sed Regem Israelis Cap. IX. 7. 8. Quod quum ita sit, non capio, quae inter Propheticos Libros censeri possit Opusculum, cujus Auctor prae se fert se Regem fuisse, quum minime fuerit. Auctorem Libri Sapien- tiae nemo certissime novit huc usque; & variae de ipso opinio- nes fuere apud Veteres, quamquam plerique in Salomonem conje- ctura ferrentur, & quidem gravissima. Quare mirum esse non de- bet, quod Jesum Sirachidem Augustinus quondam censuerit Libri Auctorem, aliorum famam sequutus. Neque piaculum fuit id ali- quamdiu ignorasse, quum ne nunc quidem ad Eudem spectet nosse, quis Auctor ille fuerit, & profecto incertus sit Auctor. Deinde ve- rum quidem est, ejus Auctorem se dicere Regem, & conditorem etiam Templi, quae certe non conveniunt Jesu filio Sirach. Attra- men mirum potius esse debet, quod Phereponus non (a) intellexe- rit,) qui simul credere Augustinus potuerit Jesum Libri Auctorem, & Librum ipsum inter Propheticos connumerandum. Hoc intellectu assequi non difficile fuisset homini erudito, si aliud quam causas accusandi Augustini apud Augustinum quaesisset.

Quicumque Salomoni abjudicant Canonicum hunc Librum, cer- te norunt, quid Cap. IX. 7. 8. legatur, & tamen alium a Salomo- ne faciunt illius Auctorem; compertum videlicet habentes, nihil ideo vacillare auctoritatem Propheticam Libri illius. Auctor enim, quicumque is fuit, creditus est sapientissimi Salomonis sensa, atque sententias collegisse in unum ex aliis Libris, quos elucubratos a Sa- lomone scimus, atque deperditos, & ex iis Librum confarcinasse sub titulo Sapien- tiae Salomonis. Librum quoque Ecclesiastici ex Ethicis Scriptionibus Salomonis per Sirachidem fuisse excerptum, verisimile videtur. Eruditis: idemque de Proverborum parte conjiciunt alii. Deinde Auctor Librum concinnare potuit sub nomine Salomonis, ejusque personam induere, ipsumque loquentem & docentem facere; quod familiare fuit antiquis Scriptoribus. Nempe Salomon omnium mortalium sapientissimus est habitus apud Hebraeos. Id innuisse vi- detur Eusebius Caesaraeensis Lib. II. Cap. 7. Praepar. Evangel. ubi postquam Salomonis sapientiam laudavit, haec subdit: Εὐδοκίᾳ ὁ- μώμενος ὁ ὁ τοῦ ταπεινοῦ σοφίας εἰς αὐτῶν πρόσωπον ἀναδίδας, ἴσθι. Quae ita vertere possumus Latine: Haec ratione commotus & ille,

qui

(a) Al. cepit.

qui omnium virtutum parentem Sapientiam sub ejus nomine exposuit; inquit, &c. Tum alia citat Eusebius ex Cap. VII. 5. Libri Sapientiae. Idem sensisse videntur Origenes in Joannem Tomo 20. & sanctus Thomas, alique tum veterum Patrum, tum recentiorum Eruditorum, quibus incertus ille Auctor creditur sub Salomonis persona loquutus. Quamobrem nulla esse Pherepono caussa potuit mirandi, cur Augustinus Librum *Sapientiae* Canonicum duceret, simulque ejus Auctorem olim suspicaretur filium Sirach. Non haec pugnant invicem. Et ipse Augustinus in ea semper sententia fuit, Librum Salomoni non esse tribuendum, sed a quopiam fuisse conscriptum, qui Salomonem fuerit imitatus, quare & *de quadam similitudine Salomonis esse dicebatur* a multis.

Mirari semel coepit Phereponus, tam facile nescit desinere. Itaque pag. 524. mirari pergit, quei Lib. 2. cap. 11. de Doctr. Christiana Augustinus commendat Hebraicae Linguae studium ad Scripturarum divinarum cognitionem, quum in Hieronymo improbarit consilium vertendi Hebraica Latine, & Septuagintaviralem veteris Instrumenti Interpretationem, divino Spiritu afflante factam crediderit. Magis etiam miratur, cur Augustinus commendato Hebraicae Linguae studio, idem ipse neglexerit; immo cur nullus alius iis temporibus eidem Linguae operam inter Christianos dederit. Sed ne heic quidem ulla suberat justa mirandi caussa. Magni versionem τῶν LXX. faciebat Augustinus, ne dicam pluris etiam quam oportebat. Porro & minime necessariam, & periculi plenam operam arbitrabatur, novam Scripturae Interpretationem ex Hebraeis Codicibus deducere, & in Ecclesiam inferre, & veterem antiquare ab Apostolis & a Patribus usu receptam. Erant & aliae rationes Augustino, quas certe nunc infirmas & inanes ipse etiam intelligeret, si in vivis esset, sed tunc fortes & gravissimas adeo arbitrabatur, ut intercesserit consilio suo, ne sanctus Hieronymus in proposito pergeret. Verum aliud est novam Scripturae sanctae Versionem inutilem ac periculosam suspicari; aliud Hebraicae Linguae studium cognitionemque improbare. Illud fecit Augustinus, hoc nusquam; immo & propter eruditionem ejusmodi, summo in honore habuit Hieronymum, ejusque Versionem tandem deprehensam utilem, sua laude non fraudavit. Auctor item fuit aliis, uti ex ejus Libris constat, ut eidem Linguae addiscendae operam darent, quum apprime utilem cognosceret ad sacrarum Litterarum perfectam intelligentiam, atque tutelam. Non edidicit ipse, quia sero ejus utilitatem intellexit; non ediscabant

bant alii, quia ingens Magistrorum inopia erat, & a solis Judaeis expectandum erat ejusmodi beneficium, quos tamen aut livor a Christianis alienabat, aut Christiani ipsi fugiebant, quum scandalum pusillus foret arctum cum iisdem habere commercium. Sed haec Phereponi oculos facile fugiunt, & is potius amat suspicari interpolationes in Augustini Libris: immo ad *Accademicum Ingenium Augustini, sibi non satis constans, referre* haec contrarias, ut ille sibi fingit, ejusdem sententias.

Quod habet idem Phereponus pag. 558. Animadv. ad Cap. 7. Libri de Fide & Oper. nos diu non morabitur. Ex Augustini sententia. *Quidquid homo veluti recte fecerit, nisi ad pietatem, quae ad Deum est, referatur, rectum dici non oportet.* Censet Phereponus monstrum esse *in contendendi, & paradoxa defendendi libidine natum*, arbitrari vel ipsas Infidelium Virtutes esse peccata. Sed meminisse debuit Censor iste, praeter Cardinalem Norisium V. C. quem & ipse laudat, complures Catholicos luculentissime ostendisse, quae heic fuerit mens Augustini, alia sane quam Calvinus & Jansenius putarunt. Opera ergo bona in ipsis Infidelibus agnovit sanctus Doctor; agnovisse etiam videtur affectus medios inter Cupiditatem & Caritatem; sed ipsa illorum opera, naturaliter bona, recte docuit tribuenda esse Deo, qui & in a se averfis bonas voluntates operatur. Tu consule celeberrimos Theologos in hoc argumentum, quod etiam proxime praeteritis annis pie versavit Lescius Grondermus (a)

Lib. 2.

(a) Lescii Grondermi Opus hoc loci memoratum, Coloniae prodit an. 1705, in 4. typis Conradi de Finter, ut praefert inscriptio. Pseudonymo Auctori larvam detrahit nuper Scriptor *Animadversivum in Historiam Theologicam Cl. V. Marchionis Scipionis Maffarii, Abbas D. Celsus Migliavacca*; in acri scilicet Italice scripta *Defensione* earumdem *Animadversionum*; ubi pag. 80. de Grondermo verba faciens, Lectorum ad *Mabilonium* remittit, quin in suo *Museo Italico* ipsimet perlonato Grondermo illustre testimonium reddiderit. Haec autem habet *Mabilonius* Operis laudati Tomo I. pag. 56. (typothetae olicitantia in Italicam *Defensionem* irrepleit numerus 58.) *Apud Sanctum Petrum in Vinculis officii causa convenimus reverendissimum Abbatem Cerrium, Canonicum regularium Congregationis Salvatoris Procuratorem generalem, qui nos prius inviserat. Vir est non mediocriter versatus in doctrina Patrum, maxime S. Augustini &c. Ex quibus ergo colligitur, sub Lescii Grondermi nomine Abbatem Cerrium latere. Mirum autem subit, ipsum Defensionis laudatæ Auctorem pag. 79. num. 126. memoriae indubitanter tradidisse, tum Elucidationem, modo memoratam Muratorum, tum ad Opus illud *Prolegomena*, ab eodem Abbate Cerrio fuisse conscripta; Muratorumque nostrum dum ia vivis ageret, inaniter seipsum veudistisse itaque *Prolegomenum* Auctorem; quae tamen ad ipsum Abbas Cerrius eo tantum consilio remisit, quo emaculatoria redderet & Latiniore, si ita loqui fas sit. Ut ut se res habeat, statim ac oculos in locum istiusmodi *Defensionis* conjeci, rei novitate percussus litteras dedi ad Cl. V. nostri Muratorii nepotem, qui ejus Vitam diligenter adornandam suscepit, brevi in lucem emittendam; mihiq; perhumaniter se rescriptit, in seipsum recipere invincibiliter probaturum, verum *Prolegomenum* Auctorem, immortalem suum Patrum existisse; mendacemque audacissimum proditum, qui magno nomini illius celeberrimi Viri maximam invidiam creans, isthaec effutire non erubuit.*

Lib. 2. Cap. 9. in Libro, cui titulus, *Elucidatio Augustinianae de divina Gratia Doctrinae*.

Quid est aliud quod malum dicitur, nisi privatio boni? Verba sunt Augustini Cap. XI. Enchiridii. Hanc sententiam quamplurimis aliis in locis ab Augustino propositam Phereponus pag. 559. & 584. Animadv. ineptam iudicat, multis deridet, & triumphatoris in morem proculcat atque proscribit. Sed ne heic quidem placet detinere Lectorem eruditum, quando nemo nescit, quam anxie subtiliterque a Scholasticis Theologis, immo & ab ipsis Philosophis, agitata fuerit, & agitur adhuc huiusmodi quaestio, Graeci Latinique Patres fere omnes cum Augustino consentiunt. Nobilissimi autem ac innumeri Theologi, ipsique etiam Philosophi sentiunt, & ostendunt, *formale malitiae actus moralis, seu peccati, essentialiter in privatione debita rectitudinis consistere*. Est itidem materiale, & positivum in peccato, quod etiam agnoscunt ipsi Theologi. Porro videat Phereponus, quibus nominibus sit dignus, dum tanto contemptu & quibusdam ratiunculis aggreditur, & nullo negotio contere se posse putat, quaecumque validissima argumenta congesserunt tot egregii Theologi atque Philosophi, in primis vero Cartesiani, ut Malum & Peccatum statuunt in aliqua privatione, sive negatione Ordinis ac Bonitatis. Contrarium tuentur nonnulli, at certe non sine modestia, quam tamen frustra in Pherepono quaeras, controversiae difficultatem aut dissimulante, aut fortassis etiam minime intelligente.

Lib. 1. Cap. 1. de Civ. Dei haec scribit Augustinus: *An non etiam illi Romani Christi nomini infesti sunt, quibus propter Christum Barbari pepercerunt? Testantur hoc Martyrum loca, & Basilicae Apostolorum, quae in illa vastatione Urbis ad se confugientes suos alienosque receperunt*. Quin ita res habuerit, nemo dubitare potest; & tamen in his Augustini certissimis verbis habet Phereponus nosster, quod carpat pag. 576. Animadver. *Non erat, inquit, dissimulandum hosce Barbaros fuisse Christianos, quamvis Arianam sectam sequerentur. Sed laudandi fuissent Haeretici, & rei admirabilis munuscula: quod simplicior quidem Scriptor facere potuisset, sed non callidus Rhetor*. Do libens, Gothos fuisse Christianos, quanquam id de Alarico quidem eorum duce constet, non autem de universa Gothorum Natione; nam & Rhadagaisus alter eorum dux, Paganorum superstitioni addictus fuerat. Do, inquam, id libens; habemus enim non unum huius rei testem; at cur huius mentionem facere Augustinus debuit? Num ignorabant Ethnici Romani, Gothos Christianam Religionem

ligionem fuisse professos? minime vero. Id vulgatilimum erat, prodideratque longe antea cognitus Romanis Alaricus, qui & ipsam Urbem non semel obfederat, & pacis foedera cum Romanis inierat, iis etiam coactis, Imperatorem creare Attalum Arianæ Sectæ hominem, Gentilibus propterea atque Arianis ipse carus. Igitur nihil erat, cur notissimam rem dissimulare vellet Augustinus. Sed, inquit Phereponus, *laudandi erant Haeretici, & rei admirabilis minuenda*. Res erat Augustino cum Romanis, captae direptaeque Urbis calamitatem tribuentibus Religioni Christianae; non erat cum Gothis. Pepercerant Barbari Christianis aequae ac Ethnicis, qui ad Basilicas Apostolorum & Martyrum confugerant. Ergo Christi causa effugerunt poenas praesentis exitii Gentiles Romani, non evitaturi, nisi nomen & Religio Christi Barbarorum feritatem adeo evidenter mitigasset, atque cohibuisset. Hic igitur insistit Augustinus, & ingrati animi Romanos Ethnicos arguit, qui fateri nollent se mitissime habitos non alia de causa, quam quod sacra loca propter Christum Barbari revererentur. Quamquam vero Gothi Christiani essent, non desit tamen admiranda esse illorum mansuetudo erga Romanos. Moribus quippe barbari, immanitate feri, victoriae ardore furentes, spem nullam reliquerant tantae erga victos clementiae, quum ne ipsi quidem Romani, nedum efferatae gentes, victis parcere solerent ad Tempia inanum Deorum confugientibus.

Quod tamen animadvertas velim, Augustinus ipse hanc Barbarorum insuetam humanitatem, *misericordiam & humilitatem*, multis commemorat: quod quum facit, certe ipsos Haereticos de laudando facinore laudat. Deinde Lib. V. Cap. 23. ejusdem Operis de Civitate Dei refert insignem Christianorum victoriam de Rhadagaifo Gothorum Rege reportatam quinque ante captam ab Alarico Urbem annis. Auctor & ipse est, fuisse Rhadagaifum falsis Diis addictum, quibus etiam immolare quotidie ferebatur. Quamobrem, inquit Augustinus: *Si ille tam impius, cum tantis & tam impiis copiis Romanam fuisset ingressus, cui pepercisset? quibus bonorem locis Martyrum detulisset? in qua persona Deum timeret? cuius non sanguinem effusum, cuius pudicitiam vellet intactam?* Tum Romanos arguit, quod Deo non agant gratias, qui quum statuisset irruptione barbarica graviore dignos mores hominum castigare; victum tamen voluit Rhadagaifum Daemonum cultorem, na, ipsis Daemonibus gloria, Romanis vero acerbissima clades contingeret. Deinde quum ab his Barbaris (hoc est Alarico ejusque copiis) Roma caperetur, qui contra omnem

consuetudinem bellorum ante gestorum ad loca sancta confugientes, Christianae Religionis reverentia tuerentur, ipsisque Daemonibus, atque impiorum Sacrificiorum ritibus, de quibus ille praesumerat, sic ADVERSARENTUR PRO NOMINE CHRISTIANO, ut longe atrocius bellum cum iis, quam cum hominibus gerere viderentur; &c. Quae verba tam aperta mihi videntur, ut non dubitem, quin Phereponus ipse intelligere demum possit, (a) non dissimulatam ab Augustino Religionem Gothorum, quanquam alioqui notissimam, & commendatum eorum facinus ab ipso fuisse: cujus tamen rei laudem ad Christum Deum tanquam ad praecipuum auctorem referendam esse prudenter monet. Sed ego fortasse ineptus, quod omnia vestigia consecrari velim Censoris nostri, qui heic tam facile Augustinum nobis exhibet veluti Rhetorem callidum; Vae Libris atque Scriptoribus, si hujusmodi nebulas excitare licet adversus illos; nam quis in uno stans pede magnus statim Criticus evadere, quum lubet, non possit?

Ejusdem ponderis est alia Phereponi adnotatio in ea Augustini verba Lib. VII. Cap. 14. de Civ. Dei: *Si ergo Mercurius ipse sermo est, etiam ipsis (Ethnicis) consentientibus Deus non est.* Quae sic Phereponus illustrat, dicens: *Miror non timuisse Augustinum, ne sibi obijceretur, quod passim habet de Verbo; nam similibus objectio potius fieri, responsioque Augustini pariter eludi.* Facile profecto miratur Phereponus, ejusque admirationem atque adnotationem quibuldam Gregalibus suis heic placituras mihi persuadeo. Verum quisquis rem serio perpendat, e vestigio intelliget, hominem hunc nihil pensi habuisse interdum quid scriberet, dum contra Augustinum scriberet. Et sane ille ridendus, qui miratur non timuisse Augustinum, ne heic in se ipsum sua tela converterentur. Ex Augustini sententia Mercurius dicebatur esse hominum Sermo. En ejus verba. *Quod si Sermo ipse dicitur esse Mercurius, sicut ea, quae de illo interpretantur, ostendunt: Num: ideo Mercurius, quasi medius currens dicitur appellari, quod Sermo currat inter homines medius, &c. ideo & mercurius praeesse, quia inter vendentes & ementes Sermo sit medius, &c.* Quis autem sanus, & non ludens, hominum Sermonem nonnumquam stultum, deceptorium, & falsa narrantem, semper vero creaturae filium, & subsistentia carentem, velit appellare, & credere Deum? At Catholici, quando Dei Filium appellant Verbum, cui etiam

(a) Haec particula negativa deest in praecedentibus editionibus. Num excidit tunc Auctori? Certe necessaria.

etiam nonnulli *Sermonis* vocabulum accommodarunt, Verbum intelligunt divinum, Verbum Dei prolem, Verbum non exterius sonans & fugiens, sed interius manens, & ex divina essentia, & ab aeterno productum, & cum ipso Patre, atque in ipso Patre subsistens; Verbum denique (ut loquar cum Auctore Libri de quinque Haeresib. quem olim Augustino tribuebant) quod *melius Graece dicitur λόγος; logos quippe verbum significat, atque rationem*, ac propterea Dei Patris aeterna ratio atque sapientia. Quare nihil erat, cur sibi, & sententiae Catholicorum timeret Augustinus, dum ideo argumentatur, *Mercurium* non esse Deum, quod ipse dicatur esse *hominum Sermo*; nimia quippe intercedit differentia inter hominum Sermonem, & Verbum Dei aeternum, immutabile, increatum, quod idem est ac Ratio divina. Immo videas plerosque Patrum, cum Graecorum, tum Latinorum, & Augustinum praecipue in Libris de Trinit. & in Joannis Evang. & alibi, fuisse usos exemplo Verbi humani atque creati, ad explicandam aliqua ex parte rationem divini & increati Verbi. Sed simul explicarunt quam immane duo ista Verba invicem distarent, probe nimirum intelligentes, solos Sophistas ea comparatione abuti posse contra divinam naturam Verbi caelestis. Consule Petavium Tom. 2. Lib. 6. Cap. 2. Dogm. Theologic.

Plura alia superflua in censoriis Phereponi Animadversionibus, quibus sua deberetur censura. Sed si persequi singula velimus, vix erit scribendi molus. Paucis ergo Orationi nostrae finem faciamus. Quod Augustinum, ubi opus erat, aut iusta causa occurrebat, Phereponus sibi corrigendum suscepit, molestie non ferimus; immo aliqua etiam ratione laudandum consentimus. Quod male toties correxerit, quod tam impotenti odio in ipsum exarserit, quod nullum denique non moverit lapidem, quo incomparabilis viri famam pro viribus prosterneret, hoc dolemus, hoc in perniciem non modo sanctae Religionis, sed & bonarum Artium, atque Litterarum tendere clamamus. Certe immodica veneratio nos in transversum agat, aut livor nos urat, si contendere velimus; nunquam Augustinum errasse, nunquam meliora tradere potuisse, nunquam scribere accuratius debuisse; Phereponum vero iniquis semper censuris adversus ipsum fuisse praeliatum. Magnorum virorum in Litteris lapsus ac vitia non dissimulari, tum Veritati apprime gratum est, tum Religionis ac Reipublicae interest, ne sub magnis nominibus major errori fastus, nocendique licentia obveniat. Verum & immensae Augustini virtu-

tes sincerius erant exprimendae, ejusque naevi tam fuscis coloribus, tantaque bile exaggerandi & amplificandi non erant, ut sanctissimum aequae & doctissimum Episcopum, si licuisset, nativo suo splendore Phereponus omnino exspoliaret. Immo si quisquam dignus erat, qui placide haberetur, is Augustinus erat, quem summa pietas atque doctrina Ingeniis omnium seculorum, & Ecclesiae verae perpetuo commendavit. Phereponi tamen censuram inofficiosam, simul & ab aequitate alienam, quanto magis exsecremur, postquam, ni mea me fallit opinio, tot iniquas accusationes audivimus, & tantam segetem errorumprehendimus in ipso Augustini Censore? Reliquum igitur est, ut homini illi meliorem ingenii & eruditionis non vulgaris usum a Deo precemur. Lectores vero moneamus, ut si minus periti sunt, ab ejus Librorum lectione abstineant; si docti sunt, caute versentur cum Dictatore Critico. Interim vero stet ille tanquam exemplum quid possit in inquisitione Veritatis humana Ratio sibi relicta sine salutaribus frenis, de quibus, uti & de juribus Ingeniorum, haec Oratio nostra pro viribus egit.

F I N I S.



205157

INDEX

INDEX CAPITUM

QUAE IN HOC VOLUME CONTINENTUR.



LIBER PRIMUS.

CAPUT PRIMUM.

Veri & Boni præstantissima natura. Nullum Verum est, quod quaerere suapte natura non liceat, & discere non sit bonum. Quae sententia ab objectionibus liberatur, & sancti Augustini auctoritate firmatur. Veritatum duplex genus: alterum scientiam, alterum persuasionem parit. Ordo quidam inter Veritates. Quae potissimum ad Religionem spectant, investigandae. Pag. 1.

CAPUT SECUNDUM.

Ut Religio vera noscatur, an a dubitatione sit instituendum iter. Dubitandi necessitas, ut error evitetur; & pericula, ne Veritas amittatur. Prudens dubitatio commendata, temeraria vero repudianda. Pag. 10.

CAPUT TERTIUM.

Non omnibus dubitandum de veritate suae Religionis. Ratio & Auctoritas in Religionis negotio, earumque pondus. Quae quaerenda sint, ut constet, an vera sit aliqua Religio. Prudenter possunt immo debent de veritate suae Religionis dubitare Eschnici, Judaei, Muhammedani. Justae apud eos dubitandi causae. Pag. 15.

CAPUT QUARTUM.

An Christiano homini dubitandum de suae Religionis veritate. Aequum id videtur, sed gravibus periculis obnoxium. Dubitatio & hec licita, & quando, & quomodo, ne Fidei donum perdat. Ratio & Auctoritas statuunt veritatem Christianae Religionis. Cur Christianorum vulgus acquiescere prudenter possit in Religione sua, sique ab onere dubitandi exemptum. In Ecclesiae Catholicae Pastoribus potissimum scientia Religionis expectata. Pag. 22.

CA.

CAPUT QUINTUM.

An ad inveniendam Religionem veram Auctoritas praecedere Rationem debeat. Manichaeorum iactantia exploditur. Sancto Augustino sententia hac de re absurda a Pherepono afficta. Rationes extrinsecae, seu Motiva Credibilitatis adhibenda ante Fidem, nec exigendae Rationes Dogmatum demonstrativae. Usus Catholicae Ecclesiae heic laudatus, a qua nemo sine ratione credere iubetur. Scire, & credere quantum differant. Miracula, extrinsecae Rationes. Alia Phereponi somnia putantis, Catholicos olim sine rationibus exegisse Fidem. Pag. 27.

CAPUT SEXTUM.

Infirmis humanae mentis, atque rationis, & errandi in homine facilitas. Eius causae, fuga disciplinae, socordia in inquisitione veri; corpus male compatiunt, & pessime affectum; penuria atque abusus subsidiorum ad inveniendam Veritatem; memoriae exilitas; phantasiae impotentia, & praecipue dum affectus in animo regnant; Voluntatis perversa indoles; mentis ipsius angustia, ignorantia, oblitio, & prava electio principiorum, quibus ad recte iudicandum uti necesse est. Pag. 44.

CAPUT SEPTIMUM.

Rationis humanae imbecillitas experientia teste. Ad ipsius medicinam, ut Religio vera noscatur, necessaria est Humilitas, & exposcendae a Deo vires atque Sapientia. Quid scientia, quid persuasio, sive credulitas prudens. Prima principia, quibus Ratio & Prudentia reguntur in inquisitione Religionis verae, qualis est unica Christi Religio, Ratione & Auctoritate in ipsius probationem confluentibus. Pag. 54.

CAPUT OCTAVUM.

Quae noscenda vera Christi Religio inter tot ejus sectas. Scriptura sacra primum Veritatis promptuarium. Sed viribus nostris difficile intelligenda vera doctrina. Aliquem Veritatis visibilem interpretem suae Religionis Deus dederit oportet. Ecclesia vera, vera, & ab errore immunis; atque haec una est Catholicorum Ecclesia. Pag. 62.

CAPUT NONUM.

Ecclesiae Catholicae perperam negata ab Haereticis immunitas ab errore. Protestantium Methodus in inquisitione verae Doctrinae quam temeraria, & quot Haeresum origo. Catholicorum Methodus quam laudanda. Non ingenio privati cujusque hominis dimittenda

tenda sacrarum Litterarum interpretatio in Dogmate. Vox Ecclesiae verae heic audienda, Deo id praecipiente. Pag. 68.

CAPUT DECIMUM.

Auctoritas Ecclesiae Catholicae in Fidei doctrina a Pheroponi objectionibus vindicata. Ei non sine ratione credimus. Fallaci auctoritati Protestantes addisti, & incerta apud eos Veritatis consequutio. Antiquitas doctrinae in Christi schola, & credentium multitudo, robusta Veritatis argumenta. Novitas & paucitas erroris indicium extra Catholicam Ecclesiam. Pheroponi in hanc rem animadversiones confutatae. Pag. 75.

CAPUT UNDECIMUM.

Socinianorum pestifera Haeresis. Deo nos quaedam edocenti credendum, quamvis credenda superent capsum humani intellectus. Ingenii temeritas quam heic impia. Loca Theologica, unde veritas Doctrinae Christianae petenda. Traditionis auctoritas, ac necessitas in Ecclesia Dei. Quibus principiis nitatur. Laus Theologiae Dogmaticae, & Petavii V. C. quem Pheroponus pluris facere debuit. Pag. 85.

CAPUT DUODECIMUM.

Ingeniorum libertas quam ab hominibus exposita. Doctrina ad Christianum pertinens triplex. Semper considerandum, revelatane, an secus, a Deo fuerit. Dogmatis existentia, significatio, & rationes distinguendae. Quid in his liceat, aut non liceat hominum Ingeniis. Pag. 96.

CAPUT DECIMUMTERTIUM.

Pericula imminensia scribentibus de Auctoritate. Inspiciens Zelus quid pariat, & quam laudanda heic sit prudens moderatio. Ecclesia nunquam fallax in Dogmatibus sancendis, duplici condicione posita. Dogmatum, quae alia in uera contemplatione versantur, alia actionem quoque exigunt, quae possint, aut non possint, quae etiam debeant, aut non debeant statui. Quid de quaestione, utrum Angeli corporei, an incorporei sint, credendum, & an eam Concilia susceperint. Inter Rationes Dogmatum quaedam semper ad Fidem spectant, sed non omnes. Quid heic liceat Ingeniis. Pag. 102.

CAPUT DECIMUMQUARTUM.

Jus Ecclesiae in Dogmatis stabiliendis a Pheroponi objectionibus liberatum. Falsum est, ipsum a Sancto Augustino negari. Multitudo in Conciliis Catholicorum quae commoda pariat. Factionis nomen inique adscriptum legitimis Conciliis Catholicae Ecclesiae.

Non

Non crimen, sed laus ac necessitas ibi est judicare ex anticipatis opinionibus, hoc est secundum Traditionem. Vindicatum a nonnullorum differtis Concilium Tridentinum. Pag. 116.

CAPUT DECIMUMQUINTUM.

Disciplina Ecclesiastica quid complectatur. Quae differat a Dogmate. Quae in Disciplina mutare, aut non mutare, sequi aut non sequi liceat. Consonare in Dogmatibus omnino necessarium. Varietas in Disciplinae rebus modo laudanda, modo toleranda. Constantia Catholicorum in Haeresi Iconoclastica damnanda commendatur, a Calviniano quodam injuste subsannata. Quid Ecclesia egerit, eique sit agendum in dissidiis de Disciplina. Contra Pbe-reponum ostenditur Auctoritas Ecclesiae in praeciipiendis nonnullis ad Disciplinam spectantibus sub poena peccati. Pag. 124.

CAPUT DECIMUMSEXTUM.

De Historia Religionis agitur. Ejus duplex genus, Historia Divina, & Historia Ecclesiastica. Illa divinam Fidem a Christianis exigit. Quid juris illic sit hominum Ingenio. Ecclesiasticae Historiae documentis non debetur supranaturalis Fides. Rationes istius sententiae. Ecclesia non immunis a periculo errandi in judicandis Personis, Auctoribus Librorum decernendis, in Sanctorum gestis narrandis, & in aliis id genus factis. Pag. 138.

CAPUT DECIMUMSEPTIMUM.

Ut aliquod Factum Fide supranaturali credendum statuatur, quae condiciones requirantur. Revelationes quarundam Sanctorum mulierum ad Fidem non spectant. Neque Canonizatio Sanctorum. Traditio necessaria, ut aliquod Factum tanquam pertinens ad Fidem decernatur. An Immaculatam Deiparae Conceptionem statuere possit Ecclesia. Pag. 146.

CAPUT DECIMUMOCTAVUM.

Immediate ne, an potius mediate ad Fidem referendum sit credere, hunc vel illum esse Romanum Pontificem. Etiam si ponas, hoc, & alia hujusmodi Facta non esse credenda Fide supranaturali, haec tamen fides debetur decretis Conciliorum, & Apostolicae Sedis in materia Fidei & morum ab Ecclesia receptis. Evidentia Naturalis & Moralis in his casibus sufficit, & nos credere, ac obtemperare cogit. Quam semetvarium, & poena dignum revocare in dubium ejus generis effata. Pag. 153.

CAPUT DECIMUMNONUM.

In Judiciis Ecclesiasticis tria consideranda, nempe Doctrina, Persona, seu intentio docentis, & Voces, seu phrascs, quibus doctrina exprimitur. In Doctrina damanda sive probanda, est ab errore immunis Ecclesia; non autem in judiciis de Persona. An judicia Ecclesiastica de Vocibus & sensibus supranaturalem Fidem possulent. Tum solum postulare videntur, quum ad Fidei doctrinam aut statuendam aut defendendam necessarius est in Ecclesia Spiritus Sancti afflatus, & quum de Traditione colligenda ex Patribus, & de sensibus Canonum, & de versionibus sacrae Scripturae agitur.

Pag. 163.

CAPUT VICESIMUM.

Ecclesiastica judicia de privatorum hominum Libris, Verbis, & Sensibus, ad fidem pertinere minime videntur. Et tamen doctrina in iis aut probata, aut damnata, Fide supranaturali credenda. Ipsa illa judicia quandonam certa quoque credenda sint, quantum non assensu divinae fidei. Quid heic Disciplina praecipiat. In Jansenii causa quid praestandum.

Pag. 175.

CAPUT VICESIMUMPRIMUM.

In profanis Artibus, Scientiis, ac Historiis magna Ingeniorum libertas. Sed & haec ab Ecclesia tunc coercenda, quum per eas sententias aliqua ex parte laeditur Fidei Doctrina, aut sacrosanctae Litterae erroris sive mendacii suspicione asperguntur. Sublato huiusmodi periculo, liberum est in his sentire, quae velis. Regulae nonnullae in hanc rem. Sacrarum Litterarum scopus. Quandonam sit, aut non sit, evidens Scripturae mens in rebus ad salutem minime spectantibus.

Pag. 184.

CAPUT VICESIMUMSECUNDUM.

An Scripturis sanctis repugnet Astronomorum sententia de Telluris motu diurno. Sacrae Litterae phrasibus vulgi ac figuris usae, ut verum quodpiam significarent. Exempla in eam rem. Quid totus Orbis in Scripturis, extremitates Caelorum, Solem incalescere, aliaque ad Caelos, Stellas, ac Solem spectantia. Quando proprium litteralem sensum in Scripturis sacris retinere cogamur; & quando sit locus aliis interpretationibus.

Pag. 197.

CAPUT VICESIMUMTERTIUM.

Traditio, & *Evidentia* exiguntur, ut in his ad salutem minime spectantibus documentis statuatur, aliquid certo esse credendum. Concilii Tridentini laudandum de ratione interpretandi praeceptum.

Tom. X. P. I.

E e e e

Evi.

Evidentia in his non raro desiderata. Quid de Antipodum existentia olim creditum, & quam prudenter ab ea quaestione divimenda abstinueris Ecclesia. Scripturae non detorquendae ad profanorum dogmatum tutelam. Petavii & Sancti Thomae sententia de stylo Moysi. Pag. 210.

CAPUT VICESIMUMQUARTUM.

Sancti Augustini consilia, quum de interpretandis sacris Scripturis agitur in rebus Physicis, Astronomicis, & aliis id genus. Quid sanctus Thomas heic sentiat. Quam Litteris sacris nonnulli abutantur ad suas privatas opiniones tuendas. Judicium Ecclesiasticorum munus in hisce controversiis, & quae Erudicio in ipsis exigatur. Cartesii de natura Corporis doctrina an Fidei dogmatibus adversetur. Pag. 221.

LIBER SECUNDUS.

CAPUT PRIMUM.

Amplum jus Ingeniis in prodenda, ac annuntianda Veritate: sed ita ut Justitia, Caritas, & Prudentia numquam ab isto jure lardantur. Hiverici in suae Religionis doctrina annuncianda, quippe de illius Veritate non satis certi, & sine missione legitima Evangelium praedicantes, Justitiae defunt. Pag. 232.

CAPUT SECUNDUM.

Caritas quando obstat, ne Veritas evulgetur. Ejus leges. An, & quando, & quomodo evulgandi errores Procerum Ecclesiasticorum. An aliorum errores, & vitia, & quando id liceat, aut necesse sit. Abusus, & excessus in hisce. An mordacitas styli ferenda. Pag. 238.

CAPUT TERTIUM.

*Calumniae numquam adhibendae. Conviciiis temperandum. Non impu-
tandi errores, nisi bene perspecti. Placide quantum fieri potest
pugnandum; & quando secus deceat. In confutandis erroribus ad
Religionem minime spectantibus quae libertas Ingeniis. Caritati
ac Moderationi & heic suus esse debet locus. Quando vitia mo-
rum adversariis obijcere liceat.* Pag. 244.

CAPUT QUARTUM.

*Erroris in Sanctorum Patrum scriptis non dissimulandi; sed modeste
agendum, & excusandi errantes. Prudentiae in proferenda Ve-
ritate,*

ritate, & erroribus infestandis habenda ratio. Quos modis in hanc virtutem peccetur. Scandalis ac seditionibus non aperiendus aditus.

Pag. 251.

CAPUT QUINTUM.

Quando, & quibus de causis, damnare & configere Libros, Pastoris Ecclesiae liceat, aut sit opus. Et heic a Censoribus Ecclesiasticis in Iustitiam peccari potest, in Caritatem, & in Prudentiam. Qui abusus & excessus in saluati ista auctoritate euercenda fugiendi sint.

Pag. 257.

CAPUT SEXTUM.

Prudentiae consilia ad Ecclesiasticos Censores. A Novitate vocum & sententiarum timendum; sed non omnia nova, aut noviter dicta damnanda. Quam necessarium Superstitionis faciem habere perspicuam, ejusque excessus prodere. An laudandum Votum sanguinis profundendi pro tuenda immaculata Beatæ Virginis Conceptione. Scrupuli, cavillationes, & asperitas a sacris Censoribus absutura. Bona procuranda, sed ita ut mala graviora non inde fluant. Sanctorum Patrum Libri non mutilandi, cum per typos evulgantur. Cavci hac de re accusatio repulsa. Quæ, & quando vitia Ecclesiasticorum litteris consignare debeat.

Pag. 265.

CAPUT SEPTIMUM.

An ad Religionem veram compellere quemquam summis Magistratibus liceat. Id jus Ecclesiae ac Regibus in Haereticos. Pbereponi hac de causa in sanctum Augustinum irae, ac injusta censura. Manifesta Religio aliqua evidenter credibilis danda est, atque hanc est Catholica. Donatistae pœneteticis comparati, neque injuria a sancto, Augustino. Plerique ex iis non fido animo Catholicam communionem amplexi. Legum terror rationibus additis laude ac utilitate non caret. Exemplum Dei hanc in rem iuste ab Augustino adhibitum.

Pag. 277.

CAPUT OCTAVUM.

Et Haeretici Catholicam Ecclesiam persequuntur. Augustinus & Africani Episcopi perperam insinulati impotentiae atque ambitionis in Donatistas. Eorum Christiana Caritas, ut schismati finis fieret. Cur mortis Donatistae quidam damnati. An, & quomodo piam Dei severitatem cum Afrorum Episcoporum severitate composuerit Augustinus. Non omnis persequutio mala. Recte id ab eodem Augustino demonstratum variis Litterarum sacrarum documentis & exemplis.

Pag. 288.

CAPUT NONUM.

Quod Augustinus de Rogasistis, & de venatione Haereticorum, sententia mutata, scripsit, non immitem eum, neque Protheum arguit. Hipponensis Civitas credenda est non ficto animo Scisma ejurasse. Inter Catholicorum & Muhammedanorum persecutiones quam magna differentia. Sententia Augustini de divina Gratia non excludit utilitatem poenarum in Haereticos pertinaces. Nullo jure culpatus a Pherepono Augustinus, culpans Donatistam asserentem, neminem cogendum esse ad bonum. Pag. 301.

CAPUT DECIMUM.

Non infamatur ab Augustino Ecclesia trium priorum Saeculorum, neque eadem affingitur aliqua dissimulatio iniqua. Non omnis persecutio improbata a veteribus Christianis, sed ea tantum, quae pro errore contra veritatem exercebatur. Neque Ethnicis criminari jure potuissent poenas moderatas in aversos a Religione vera statutas. Augustinus erga Manichaeos miis, sed non idcirco incusandus, quod salutares Haereticorum venationes deinde laudaret. Pag. 310.

CAPUT UNDECIMUM.

Donatistae multorum criminum rei, & puniendi quoque ex Legibus politicis. Probata ab ipso Deo moderata Haereticorum venatio. Inepta declamatiuncula a Pherepono afficta veteribus Christianis, qui persecutionem Ethnicam ideo injustam vocabant, quia pro impietate erat. Maxima disparitas inter Ethnicos, & Christianos Imperatores, quod est ad venationem subiectae gentis. Ad summas potestates pertinet coercere impios, & a vera Religione devios. Pag. 316.

CAPUT DUODECIMUM.

Posito in Regibus jure venandi impios, nulla Christianis, aut solum Catholicis imminere debent incommoda apud Ethnicos & Muhammedanos. Religio Christi manifeste vera, eamque suavi pertinet etiam ad Reges. Poenae utiles, ut Haeretici in veritatem attentius oculos convertant. Quam sanctitatem in subiectis exigere debeant civiles Leges. Diffusiones in Religione politico quoque regimini noxiae. Lactantii locus explicatur. Ecclesiae Catholicae aperta veritas, & potissimum in controversia cum Donatistis. Pag. 325.

CAPUT DECIMUMTERTIUM.

In Judaeos, Ethnicos, & Muhammedanos minus aspere agendum Catholicis Regibus. Rigidius habere Haereticos fas est: Et in eos
tamen

tamen spiritus lenitatis est retinendus. Haeretici meri, Haeretici sediriosi. Postremi poenis gravibus digni, sed non fingenda crimina. Haeticos alimae diuioni subditos plectere non licet. Errantes alii pertinaces, alii dociles. Inter primos mitius habendi, qui cum lacte biberunt errorem, quam qui ulro errorem adsciverunt. Astramen & heic audiendae Caritatis voces, misericordiae futurus locus. In errantes non pertinaces clementius agendum. Quae regulae Iudicibus Catholicis heic futurae. Pag. 335.

CAPUT DECIMUMQUARTUM.

Zelus ineruditus, & nimia Licentia in Fidei & Disciplinae negotiis. Quos pessimos effectus ille pariat. Scientia & Prudentia si a Zelo absint, quid sequi inde possit. Zelus ineruditus Novatorum. Quomodo regendus Zelus. Licentia opinandi in Religione nimis nocet. Ejus exempla in Phereponi Libris. Pag. 349.

LIBER TERTIUS.

CAPUT PRIMUM.

Quid de Peccato Originali sentiant Remonstrantes ac Sociniani. Nulla iniustitia Deo tribuitur per Catholicorum sententiam de Originali Peccato. Quum porneris Deus ab initio condere naturam hominis salem, qualis nunc nascitur, potuit etiam ex Adami Peccato sinere mala in hominum genus effluere. Auctoritate sacrarum Litterarum confirmatur Dogma de Originali Peccato. Apostoli locus ab interpretatione Phereponi vindicatus. Pag. 358.

CAPUT SECUNDUM.

Infantes miseri causa unius Adami peccantis. Baptismus eis necessarius ex Traditione probatur. Antiquitas Sponsorum pro infantibus in Baptismo contra Phereponum ostenditur auctoritate Terulliani, qui necessitatem Paedobaptismi agnovit. Et in veteri Lege parvulis profylitis additus Baptismus, & varia apud Iudaeos Baptismatum genera. Sanctus Cydrianus Peccati Originalis assessor perperam a Pherepono negatus. Pag. 367.

CAPUT TERTIUM.

Concupiscentia non Bonum, sed Malum homini. Quid Libidinis generale nomen interdum apud Augustinum sonet. Libido carnis, qualis nunc est, malum Poenae, & non Peccatum proprium est. Non venit ab institutione naturae innocentis, sed Peccati primi poena

poena fuit. Differt ab appetentia cibi & potus. Perniciosa homini, ut is animal rationale est. Pudor nuditatis in statu Naturae innocentis locum non habuit, sed post Adami lapsum effluxit, & insitus nunc omnium naturae. Fuisset & in terrestri Paradiso voluptas Carnis, sed non inimica aut infesta Rationi. Nisi Adamus peccasset, neque Libidini turbidae, neque aliis malis obnoxium foret genus humanum, Scriptura teste. Pag. 379.

CAPUT QUARTUM.

Phereponus Pelagii Patronus. Episcopi Catholici propter damnatum Pelagium perperam injustitiae accusati. Liberum Arbitrium revera a Pelagianis instatum. De qua Gratia Dei disputaretur inter Catholicos atque Pelagium. Post Augustinum non adoptatae in Ecclesia Catholica Pelagii Opiniones. Consecraria quaedam dura a Pelagianis, & a Pherepono obiecta, minime admissa in Augustiniana Sententia de Gratia & libero Arbitrio. Quam Gratiā negaret Pelagius. Africani Patres a Semipelagianismi nota liberati, & aequitas in eorum Judiciis contra Pelagium ac Caeclestium minime desiderata. Pag. 393.

CAPUT QUINTUM.

Quae Gratia Dei negaretur a Pelagio, olim notissimum. Gratia Calviniana ac necessitans ubique a Pherepono perperam affixa Augustino, & Patribus Carthaginiensibus. Apostoli loca varia ab iis Patribus recte adhibita contra impia Pelagii dogmata. Phereponi interpretationes variae & accusationes repelluntur. Evangelii nuda praedicatio est quidem gratia, sed non Gratia, de qua sanctus Paulus & Patres Africani agebant. Pag. 407.

CAPUT SEXTUM.

Orandi quidem Dei utilitas in hominibus, sed non necessitas, a Pelagio admissa. Aliae Phereponi accusationes confutantur. Non omnia dona Evangelica Pelagius confessus est. Gratia Dei, quum opponitur Legi in sacris Litteris, non semper Evangelium merum significat, ut Phereponus & Hammondus putant, sed etiam beneficia Dei per Evangelium collata, & praesertim Fidei, & Caritatem. Deum impossibilia non jubere, Augustini & Ecclesiae Catholicae sententia est. Pelagiani inimici Gratiae Dei. Pag. 419.

CAPUT SEPTIMUM.

Voluntarium & Liberum Phereponus putat ab Augustino confusa. Quid sint Libertas essentialis, & Libertas accidentalis humani Arbitrii. Quid necessitas essentialis, quid accidentalis, quid antecedens,

dens, quid consequens. Arbitrium hominum semper liberum ab antecedenti necessitate, semper praeditum essentiali libertate. In hac sententia semper fuit sanctus Augustinus, usi ex multis ejus locis ostenditur. Nulla in Deo antecedens necessitas, eique etiam tributa a quibusdam Libertas in amore sui, atque virtutis. Praescientia futurorum in Deo non tollit Arbitrium homini liberum. Deus praevider, libere homines peccaturos. Idem in Deo sunt praeteritum, praesens, ac futurum; quare ejus Praescientia non laedit Arbitrii humani libertatem. Pag. 432.

CAPUT OCTAVUM.

- S.** *Augustinus quum deperditum in homine liberum Arbitrium ait, solum de Libertate accidentali & consequente ad bonum faciendum loquitur, neque essentialem, seu antecedentem Necessitatem ad malum homini tribuit, sed accidentalem & consequentem. Quid sint hae Necessitates ac Libertates, ostenditur. Afferuntur & explicantur varia Augustini loca. De Libertate tantum accidentali ad bonum inter Catholicos & Pelagianos lis fuit. Porro, non Libertas operandi boni in hominibus deperdita post peccatum Adami. Quae similitudo intercedat inter hominem factum in bello servum, & hominem peccato addictum. Arbitrium tunc liberum ad Bonum, si liberetur a Deo. Correptio ac Oratio utiles ac necessariae in sententia quoque Augustini.* Pag. 447.

CAPUT NONUM.

- Sententia de descensu Christi ad Inferos ad Fidem spectans a Pheropono improbata. Quid heic certo credendum, quid sit dubium. Psalmi XL. locus a sancto Petro laudatus Catholicorum sententiam probat. Pheroponus cum Psalmi locum absque interpretatus. Davidis verba ad unum Christum referenda. Von Hebraicae Scholae Inferos etiam, & loca animarum post corporis mortem significat. Talem ejus esse sensum in Psalmo laudato von Graeca Hades a sancto Luca addibita evincit. Alia argumenta in hanc rem. Sententia Hebraeorum de Inferni animarum sedibus, & Scholae, eodem sensu ab Interprete Syriaco usurpata.* Pag. 461.

CAPUT DECIMUM.

- Non** *Apostolica Fide, sed Apostolica Sede legendum in quodam Augustini loco. Pheroponi somnia varia heic nobis obtrusa. Alia Auctoritas veritatis, alia jurisdictionis. Quid commune cum ceteris Ecclesiis Catholicis, quid supra ceteras habeat Romana Ecclesia. Eo in loco Augustinus a Pheropono minime intellectus. Episcopo-*

rum continuata successio in Cathedra Romana inter Notas verae Ecclesiae computata ab Augustino, aliisque vetustioribus sanctis Patribus. Tertullianus ejusdem sententiae fuit. Consensus & judicium Christiani Populi suum quoque robur habet in controuersis de Religione. Pag. 478.

CAPUT UNDECIMUM.

Miracula in Ecclesia Dei patrata, a Novatoribus & a Pherepono in dubium revocantur. Excessus prudenti Catholico fugiendi in iis credendis. Miracula quaedam certissima fuisse. Syracemata & fucus inique appellantur a Pherepono, cujus Soppismata in hanc rem exploduntur. Augustinus mendacio insensissimus; & Phereponi calumnia contrarium insinuantis. Nulla imposturae nota, & omnia veritatis signa confluunt in Miracula ab Ambrosio & Augustino narrata. Caeci Mediolanensis sanati ad Reliquias sancto-
rum Gervasii & Protasii Historia expeditur ab aereis Phereponi objectionibus. Ambrosius in ea narratione fide dignissimus. Daemones ab obsessis corporibus reuera depulsi. Phereponus sacras Litteras per latus oppugnat. Pag. 487.

CAPUT DUODECIMUM.

Cultus Religiosus Angelis ac beatis hominibus adhibitus, contra Phereponum defenditur. Superstitionis suspicio frustra heic a Pherepono injecta. Preces pro piis defunctis auctoritate Scripturae sanctae Traditionisque nituntur. Non aliter sentit sanctus Cyprianus, cui Tertullianus praecivis. Votum sacrae Virginitatis praestantius, quam Nuptiae. Phereponi objectiones repelluntur. Apostoli apertum suffragium pro Dogmate isto. Pag. 502.

CAPUT DECIMUMTERTIUM.

Mendacium semper malum. Ejus patrocinium a Pherepono susceptum positis quibusdam circumstantiis; sed sine ulla valida ratione. Jo-
ci nonnulli ex mendaciorum familia excludendi. Phereponi calumnia dilutantis, Patres tam rigide fuisse insensos mendacio, ut ipsi postea tutius mentirentur. Pag. 512.

CAPUT DECIMUMQUARTUM.

Criticac Artis abusus non unus, & Pherepono potissimum familiaris. Quae de conversione sua ad Deum Augustinus narrat, Superstitionis ac fraudis inique insimulantur ab eodem Censore. Depulsa ab Augustino inanis gloriae quaesitae accusatio, a Pherepono in ipsum concinnata propter Libros Confessionum. Ejusdem Augustini virtutes & sanctitas variis Phereponi calumniis & sopbismatibus

ribus ereptae. In Mallio Theodoro laudando an excesseris Augustinus. Sinceritas ejusdem vindicata ab objectionibus Pbereponi. Non in controversia cum Sancto Hieronymo, non in coopratione sua ad Episcopatum, non in declarando Heraclio Successore suo Augustinus peccavisti. Pag. 517.

CAPUT DECIMUMQUINTUM.

Nimius sui amor falso objectus a Pberepono Sancto Augustino, cujus conatus in Pelagium ejusque errores fluxerunt ab amore unius Catholicae veritatis. Ficta mansuetudo in Haereticos perperam afflicta Catholicis Episcopis. Comprimentae Haereses vix orsae, neque erroribus concedendus nimia lenitate aditus. Convicia & contumeliae variae Pbereponi in Sanctum Augustinum. Quam haec hominem Christianum & Criticum dedecant. Quanto contemptu feratur ille in omnes sanctos Patres. Pag. 535.

CAPUT DECIMUMSEXTUM.

In sanctorum Patrum Libris distinguenda Scientia Dogmatum, Legumque Moralium ac Pietatis, a Parergis, hoc est, a rebus ad Artes profanas spectantibus. In his nihil interest, an interdum defecerint, imperitque deprehendantur. At in illa praecipua Scientia eximii fuisse, ideoque veneratione ac laude digni. Allegoricae sacrarum Litterarum Interpretationes non vituperandae apud sanctos Patres, & quando utiles illae, aut inutiles sint. Pbereponi artes, ut Augustinum deprimat. Lumen a Caelo rogandum, ut veritas capiarur, errores evitentur. Hebraicae Linguae peritia an & ubi necessaria Theologiae cultoribus. Drusii & Grotii exempla Catholicae Religionis veritatem confirmant. Pag. 545.

CAPUT ULTIMUM.

An loquentibus de divinis rebus novas voces adhibere liceat, ac liceat. Necessitate compulsi Ecclesiae Patres tot quaestiones pertraxerunt, ut ab Haereticorum technis ac erroribus Catholicam veritatem liberarent. Injusta criminatio Pbereponi contra Augustinum, tribuentem Monnicae matri suae quaedam in Libris de Ordine. Idem Libri a Pberepono nullo jure contempti. Ad Ordinem politicum spectat in Urbibus tolerare Meretrices, ne pejora mala subsequantur. A Fanatismo ac Enthusiasmo quam longe absuerit Augustinus. Quibusdam hominibus non necessarii Codices sacrae Scripturae. Sapientiae Liber cur Salomoni adscriptus, & nihilominus Canonicus reputatus. Augustinus de Gorbis agens in vastatione Urbis nihil dissimulavit. Alia Pbereponi tela in sanctum Augustinum repulsa. Pag. 560.



